

توقیر کی خبر ہو

تیسرا ایڈیشن

عدد: ۱۶

قائیت و فلسفہ

محمد امین
دارالفنون فلسفہ تاریخی مدرسہ

۲۰۰۰
۱۱۹

تألیف و ترجمہ ہیئتجہ قبول اولوغشدر

استانبول — مطبعہ عامرہ

۱۳۴۱

تورک
بول ملک مجلیسی حکومتی

مخلاف وکالتی نیت لائند

عدد : ۱۶

قانت و فلسفہ

محمد امین

دارالفنون تاریخ فلسفہ معلمی

تألیف و ترجمہ ہیئت نجات قبول اولوئے مدرسہ

استانبول — مطبعہ عامرہ

۱۳۳۹

ز ايجوره قانتی نزميج ايتدم ؟

بزده فلسفی مسلکله داثر هيچ بر اثر نشر ايديلديکي ايجون بووادیده یازی یازمق ایسته ییلر هر هانکی بر موضوعی سربستهجه انتخاب ایدم بیلیرلر . چونکه نه یازسه لر مملکتتمز ايجون فائده ایدرو یکیدر . فقط بن « قانتک فلسفه سی » یازمق ارزو ایدرکن تماماً بویله دوشونمدم . بو فیلسوفک مسلکله داثر نشر ایديله جک ائرده باشقه خصوصی فائده لر ملاحظه ایتدم . بو دوشونجه لریمي قارئلره سويلکی وظیفه بیلورم :

کنجلیزمز معاصر فلسفی مسلکلی اوکرنتک خصوصنده بویوک بر آرزو و اشتیاق دویوبورلر . مجموعه لرده چیقان فلسفی مقالهلرک او قوناسی بونک الک مهم دلیلدر . زمانمزلک فلسفی جریانلری اون دوقوزنجی عصرده حاضر لاشمدر . بوکونی اکلایبیلدک ايجون کچن عصری بیلملی ز .

اون دوقوزنجی عصر فلسفه سی ایسه بنجه ایکی بویوک داهینک اثريله باشلار : روسو و قانت اون سکزنجی عصرده یتیشن بو ایکی بویوک آدم اون دوقوزنجی عصرده کی فلسفی جریانک بوتون تمایلاتی سه زمش ، اساسلرینی قورمشدر . دینه بیلیرکه فلسفی افکار اعتباريله کچن عصری بر طرفدن روسونک ثمیلی ، دیگر جهتدن قانتک « عقل محضک انتقادی » آچمشدر . شوالده معاصر فلسفه مسلکلینی تدقیق ایتک ایسته ییلر بالخاصه بو ایکی فیلسوفک اثرلرندن باشلامالیدرلر . اونک ايجوندرکه فلسفه تاریخنه داثر نشر یاتده بولونمقی دوشوندیکم زمان اول امرده بو ایکی فیلسوفدن برینی یازمق ضرورتی دویدم . هانکیسینی اول یازمیلیم ؟ بن « قانت » ی انتخاب ایتدم .

بو ترجیحی یاپارکن موضوعک کوچلکنی تماماً تقدیر ایدیوردم . فیلسوفک شاه اثری اولان « عقل محضک انتقادی » همان همان اون سنه ده بر یکیدن طبع ایدیلیر . بو اثر حقنده داها یکی یکی تفسیرلر ، یکی یکی ایضاحلر انتشار ایدوب دورمقدهدر . قانت فلسفه سنه داثر مختلف لسانلرده یازیش اثرلر و مقالهلرک بر فهرستی یاپیلماق

نه ایچون قاتی ترجیح ایتم ؟

ایستسه بویوکه برکتاب میدانه کلیر . اسکی یونانستانک افلاطون کبی بر ایکی داهیسی استنا ایدیلیرسه هیچ بر فیلسوفک اثری حقنده بوقدر مختلف تفسیر یازیلامش ، هیچ بر اثر بوقدر درین تدقیق ایدیلیمشدر . برونشویغ قانت فلسفه سنک فرانسه ده کی تلیفسندن بحث ایدرکن ژول لاشلیه نك شوسوزینی سویلیور : « فرانسه اورده دوقوزنجی عصرک نصف اولنره قانت فلسفه سی دائما تقیر و رده اوغراد ، فقط اکلاسیلماری . صوک الی نه طرفره فیلسوف یوروه تقیر ایلدی . حالدا فلان فیلسوف اکلاسیلمامشدر . » فرانسه متفکرلرینک قانت فلسفه سی قاورامقده کی مشکلاتی بویله ، اورتیه قویملاری ظن ایدرم که درعهده ایتدیکم ایشک کوچلکنی اثباته کافیدر . بالخاصه تورجه مزک فلسفی موضوعلری قولایلقله افاده ایدم جک درجده هنوز زنکین اولمامسی دوشونولونجه تسمینلره ، اصطلاحلره حتی لزومندن فضله اهمیت ویرمش بر فیلسوفک سیستمی یازمقده نه قدر مشکلاته اوغرانیلجنی کندیلکندن اکلاسیلیر . بویوکلکلی نه درجه یه قدر اقتحام ایده بیلدیکی قارئلر تقدیر ایلیم جکدر .

مع مافیه بن بو کتابی یازارکن انتقاد مسلکنک یالکز مرتب بر فلسفه تحصیانه یاردیم ایدم جکنی دوشوندم . قانتک مسلکنک بویوکه ده ذهنی تربیه مز اوزرینه برچوق فلسفی اثرلردن فضله مؤثر اولاجقنه قانعم . بویوکه آلمان داهیسی بزم طاقیلوب قالدیغمز نقطه لری تنویر ایدم بیلیر ؛ کوزومزک اوکنه بسبتون یکی افقلر آچار . مثلاً حالاً تجربه ماوراسنده کی موضوعلر ایچون دلیل آرامق و بولمقده اوغراشانلریمز واردر . قانت بویولده چالیشانلره نه بیهوده ، نه عقیم بر یولده کیتدکلرینی کویستمکده در . حقیقهً هیچ بر فیلسوف قانت قدر اعتقاد ، ایمان ساحه سنده علمک عدم امکاتی وضوحله اورتیه قویلامش ، هیچ بر فلسفه مسلکی انتقاد قدر ایمان ساحه سنده عقلی دلیل آرامانک بیهوده لکنی کویستمه مشدر . بو اثر یالکز بو خصوصده بزی ارشاد ایتسه محوری ایچون کافی بر مکافاتدر .

حالبوکه قانت مکنوناتک بوتون ساحه سنده دولاشان بر فیلسوفدر . یالکز علمک دکل ، فضیلتک ، ترقینک ، حتی دائمی صلحک شرائطی آرامشدر . بوساحه لرده فیلسوفک تدقیقاتی غربک تفکراتی اوزرینه نه عظیم تأثیر اجرا ایتشدیر ! .

عمومی حربدن صوکر « جمعیت اقوام » فکری او قدر حرارتله مدافعه ایدن امریقانک سابق رئیس جمهوری و بلسره قانتک « دائمی صلح برورمه سی » نی دائما یاننده بولوندیر یرمش .

نه ایچون قاتی ترجیح ایتم ؟

حقبة «جمعیت اقواء» مفکور، سنه ، بو واسطه ایله دولتلرک مناسباتنده حقوقی اساسلر قورولا بیه جکنه قنع اولانلر ایچون فیلسوفک بو اثری بر « انجیل » در . چونکه قانت قدر هیچ بر فیلسوف تماماً شعورلی و اطرافلی بر صورتده بو مفکورینی اورتیه قویماشدر . خلاصه قانتک اثری فلسفی ساحه ده دوشونلر ایچون حالاً ک مهم الهام و تدقیق منبعیدر . ایشته بوتون بو دوشونجه لره درکه قانت فلسفه سنی نشر ایتک ایستدم ، حسن نیتم این بر تصادفه ده بیرلشدی : بو کتاب فیلسوفک تولدینک ایکی یوزنجی سنه دوریه سنده انتشار ایدیور . بو مناسبتله فیلسوفک اثری و شخصی حقنده یکیدن یکیه علمی تدقیقلریلیدی ؛ قانت حقنده دویولان تقدیر و تشکر حسلری اظهار اولوندی . کندی ملتیرینه منسوب اولدینی ایچون بالطبع بویوک بر افتخارله نشر یاتده بولنان آلمان مجموعه لرینی بر طرفه بیرا قیورم . دیگر ملتلرک متفکرلری فیلسوفک یادیغی خدمت قارشیسنده حس ایلدکری تقدیری اظهار ایلدیلر . بو کتاب هر طرفه بویه نشر یاتده بولونیلدیغی بر زمانده جیقیور . بونک ایچون تماماً انسانیتک مالی اولان بوداهی قارشیسنده تورک عرفان حیانتکده یابانجی قلما دیغی عالمه کوسترمکه یارایابیلیر . بو اینی تصادف کتابده کوردیکم اک بویوک مزیتدر .

..

مأخذ اتخذ ایندیکم کتابلری اثرک صوکنده یازدم . فقط بونلردن بری واردرکه بالخاصه تصنیف طرزینی اوندن آلدیم : بو اثر « Ruyssen » ک کتابیدر . او یله صحیفه لر واردرکه همان همان اونک ترجمه سیدر . چونکه ده اینی بر صورتده یازامازدم .

مردم

هر بویوک فیلسوف بر مبدع در . هپسنگ مسلک‌کننده بر خصوصیت وارد در . فقط فیلسوف‌ها اینجده یالکیز بر قاجی کندیلرندن صوکر ا بر دور فلسفی آچشلر ، بو یوزدن بسبتون باشقه بر اهمیت قازانمشلردر . قانتده بویله در . (ئی مانوئل قانت) تأسیس ایتدیکی «مسلک انتقاد» ایله فلسفه تاریخنده مهم بر دورک مؤسسیدر . سقراط ناصیل یونان قدیم فلسفه‌سینه یکی بر استقامت ویرمش ایسه قانتده اون یدنجی و اون سکیزنجی عصر فلسفه‌سینه کی هدفی ، طرز رؤیتی ، اصولی دیکشدر مششدر . هیچ بر فیلسوف زمانمز فلسفه‌سی اوزرینه بوقدر مؤثر دکلدر : اون دوقوزنجی عصرک آلمان فلسفه‌سی دوغریدن دوغری یه قانتک تأثیری آتده در . فیخته‌دن ، سه‌لاینگدن و ونده قدر آلمان فیلسوفلری یا دوغریدن دوغری یه اونک معقیدر ؛ یا خود اونک اورتیه قویدینی فکرلری کندیلرینه خاص بر نقطه نظره کوره استعمال ایتکده درلر . دیگر مملکتلرده قانتک اثرلری لایقیه مطالعه و تدقیق اولوندیجه تأثیری آرتقمده در . اون دوقوزنجی عصرک صوکر ننده فرانسه‌ده (شارل رنه نوویه) نک وجوده کتیردیکی یکی مسلک انتقاد «نه‌او-قیربتسینم» بو بویوک فیلسوفک بر چوق فکرلری اوزرینه مؤسس دکلدر؛ صوکر ربع عصرده فرانسه‌ده بویله بر جریان فلسفه‌ینک موجود اولماسی قانتک عصرمزا فیکاری اوزرنده کی عظیم تأثیرنی کوسترمه کافی کلزمی ؟ ذاتاً بوکون همان هانکی جدی بر اثر فلسفی یی آچسه کز بو بویوک فیلسوفک اوبحث حقنده نقطه نظری یا تنقید ، یا عیناً قبول ایدمک صورتیه موضوع بحث ابدلیکی کورورسکیز . قانت یالکیز فکرلر اوزرینه دکل ، اعمال اوزرینه ، ادبیات و حیات اجتماعی اوزرینه مؤثر اولمشدر . کتابک صوکر قسمنده قانتک کمنددن صوکر ناصیل مؤثر اولدیغنی تدقیق ایده جکیز .

یالکیز بوراده فیلسوفک عصرمن فلسفه‌سینه بوقدر عظیم تأثیر اجرا ایتمه‌سنگ سرتی نه‌در؟ داها دوغروسی بو بویوک فیلسوفک قدرت ابداعیه‌سنگ الک مهم تجلیسی هانکی نقطه‌ده‌در؟ بوجهتی آراشدیرمق ایستوروز . قانت فلسفه‌سینی تعمیق ایدنلرک بو خصوصده کی

تلقيلري عيني دكلدر. فيلسوفك شاه اثرى اولان « عقل محضك انتقادى » (١٧٨١) تاريخنده انتشار اتمشدر. اوتاريخندن برى بوكتاب هان اون سنهده بر يكيدين طبع اولونويور؛ اثر يكيدين يكيه تعميق ايديلويور. كتابى تدقيق ايدنلرك « قانت فلسفهسى » حقنده راي و حكملىرى مختلفدر. مفسر و مدققلر فيلسوفى و مسلكنى بوكتابك اك چوق كندى اوزلرينه تاثير ايدن بر بختنه، برفكرينه كوره تقدير ايديلويورلر. مثلا قانتك دوغرىدن دوغرى يه معاصرى منفكرلره كوره بو بويوك آدام افكار دينه نك اوزمانه قدر استنادكاهى كبي كورولن دلائلى آلت اوست ايلش، دينى يكي برتمه استناد ايتديرمكه چالشمش، قانون اخلاقنك علويتى و انسانك طبيعت معنويه و روحيه سنه اك صيق بر صورتده مربوط اولديغى كوسترمشدر. اون دو قوزنجى عصر فيلسوفلرندن مهم بر قسمى ايسه قانت فلسفه سنك اهميتنى بالخاصه علممى تحليل ايله چيقاردىنى نتيجه لرده بولويورلر. مع مافيه بو بويوك فيلسوفك ابداعيلكنى بالخاصه معرفت مسئله سنهده كورنلرده قانتى تقدير خصوصنده مختلف رايده درلر. بر طاقلرينه كوره بو فيلسوف بك بويوك بر اصابت ايله ملكه عقلك تجربه دن حصوله كلىن بر قدرته مالك اولديغى اورتبه قويشمشدر. امير آخرله ذهن و عقلك ماقوى تعيين ايتديكنى و او كا بر شكل و يرديكنى اثبات ايتش، بو صورته افكاريه (ايده آلزم) مسلكنك صحتنى كوسترمشدر. ديكر بر قسم متفكرلر ايسه « قانتك فلسفه » معرفنده اك دوغرى و اك بوكسك اولان جهت ذهنك تركيب ايتديكى، صورت و يرديكى علممىك آنجق عالم تجربى يه قابل تطبيق اولدينى حقنده كى قناعيتدر « ديورلر. بو صورته فيلسوف حقيقتك يالكنز تجربه ساحه سنه خاص اولاييله جكنى، اونك فوقنده بولق ايسه ديكمز مابعدالطبيعى بر علمك قيمتى اولاميه جفى ادعا ايدن حاديه (فه نومه ناليت)، اثباتيه (پوزيتيويست) .. كبي مسلكلرك دوغرولفنى آكلاتمشدر. كذلك بر طاقم منفكرلره كوره قانتك قدرتى بالخاصه علممىك و وجدان اخلاقنك ماهيتى و طرز فعاليتى حقنده ياپدينى تحليل روحيلرده تظاهر ايدر. يوقسه چيقاردىنى نتايجده اصابت اوقدر يوقدر. حالبوكه بر قسم فيلسوفلره كوره قانتك ابداعيلكى بالخاصه حدود علمى كوسترمكده و بو صورته چيقاردىنى نتيجه لرده در.

(١) قانتك اثرلرينك عنوانى كتابك صوك قسمنده يازلش و بو اثرلره برر نومرو وضع اولونمشدر. متنده بحث ايدلديكى زمان او عنوانك توركجه سيله كتابات قسمنده كى نومروسى قوتولا جقدر. ٢٨٠ نومرولى اثر،

کوردولویورکه قاتی تقدیر خصوصنده کندندن صوکر ا کلن فیلسوفلرک تلقیلری جوق مختلفدر. استادک اخلاقی بوتلقیلردن برینه قوت ویردک مسلکیرینی وجوده کتیرمشلردر. حتی دینه بیلیرکه اون دوقوزنجی عصر فلسفه سنده زمان زمان بو فکرلردن بری حاکم اولمشدر. قاتی لایقيله تدقیق ابدنجه تسلیم اتمک لازم کلیرکه انتقاد فلسفه سنده بوتون بوسویله نیلن جهتلر بیراشمش، برکل تشکیل ایتمشدر. بوداهی بی لایقيله آکلایه بیلیمک ایچون فلسفه سندنک بو مختلف پارچه لرینه، قدرتنک مختلف جبهه لرینه دکل، بوتون بو نقاط نظر آراسنده وحدتی وجوده کتیردن، آیری آیری اوقدر اهمیتینی کورولن افکار ونتایجی برلشدیرن، برکل تشکیل ایتدیردن اساس واصله باقمالی یز. ایلریده تعمیق اتمک اورره شو برقاچ سطر ایچنده اواصولک ماهیتینی سولمک ایستیورز.

قائمه کوره انسانک اشیا حقنده کی فکری اول امرده نصی (دوغماتیک) اولارق باشلار. یعنی انسان اشیا حقنده دوشونورکی بدایه غیرارادی اولارق کندی قوتنه فرط اعتماد بسلر؛ قبول ایتدیکی مقدماتک مشروعیته وواقعیه مطابقتنه تماماً و قطعی اولارق اینانیر. بوتک ایچون هر تفکر ایتدیکی مسائلی همان حله مقتدر اولدیغنه، کاشانک اساسنه، ماهیتنه نفوذ ایدیه بیله چکنه قانعدر. فلسفه جدید تاریخنده ده قارتک، سینوزانک، لاینیچک وجوده کتیردکلری بوبوک مذاهب فلسفه بودورک محصولدر. بوتون بو فیلسوفلرده مشترک اولان نقطه هپسنگ انسانک کاشانی بیلیمک خصوصنده کی قدرته هرشیدن اول اینانملری وذهنک قبول ایتدیکی مقدماتک مشروعیته، یعنی حقیقت خارجه به مطابقتنه فرط اعتماد کوسترملریدر. وقتا که بو صورتله تأسیس ایدیلن مسلکیر غایه لرینی تأمین ایدمزلر، وجوده کلن مذاهب فلسفه آراسنده اختلافلر باش کوستیرر، بوبویوک مسالکک حقیقی بانیلری کاشانی تلقیده اوبوسامازلر. اووقت شک باشلار، -بانیلک (Scepticism) تأسس ایلر. آرتیق بو نوع آئاردن بر نتیجه حقیقه جفتدن متهمانه بحث اولونور، مسالک فلسفه نک احتوا ایلدیکی تناقضلر اورتیه قونولور، تفکرات فلسفه نک بر نتیجه به وارمیه جینی بیان ایدیلرک امیدلر کسلیر. فقط بو نوع تنقیدلر و هیوملر اکثریا هب منفیدر. فلسفی تفکراتک ماهیتینی تنویر ایتمز.

قانت بوایکی قسمده معارض بر موقع آلیبور. دییورکه کرک نصی دوشونملر، کرک حسابانیلکه دوشنلر هرایکیسی ده اساسی بر مسئله بی نظر دفته آلمیورلر: بالذات ذهنک، علمک ماهیتینی آراشدیرمغه، تحلیل اتمکک لزوم کورمیورلر. اشیا حقنده علم حاصل

ایتمکله کمزه خدمت ایدن قوتک و حقیقته و یردیکمز صورتک ماهیتی نهدر ؟ بوقوت و بو صورت بزی نره به قدر کوتورور ، علممزه حدودی نه اولاییلر ؟ بونی هرایکی نوع فیلسوفلرده تحری اتمورلر . اونک ایچون هرایکی طرفده تعقیب ایدلسی لازم کلن اساسلی طریق بولاماشلردر .

علممزی تنقید و تحلیل ایدرسه ک کورورز که ذهنک معرفتمزده تجلی ایدن ماهیتی بالخاصه مختلف انطباعلری ، مختلف تصورلری توحید اتمک ، وحدت حصوله کتیرمکدر . هر هانکی بر ماده حقنده ذهنمزه وجوده کلن « صور محسوسه » مختلف انطباعک برلشدیرلش اولمندن باشقه برشی دکلدر . قارسیمزده بولونان رجسم اعضای حسیه من واسطه سیله بزده رنگ ، طاد ، قوقو ... الخ حالنده مختلف انطباعلر حاصل ایدر . اوشینک ذهنمزه وجوده کلن صورت محسوسه سنده ، تصویریده بوتون بوانطباعلری برلشدیریورز . دو غماتیک فلسفه مذهبی ده عینی غایه نك محسوسایدیر . بو مذاهب فلسفیه کائنات حقنده کی بوتون تصور و فکر لر مزی توحید اتمک صورتیه ذهنک ایستدیکی غایه نی استحصال اتمک املنی استهداف ایدیور . بناء علیه بونوع فلسفه مفکرده نك الجاآت حقیقیه سندن ، غایه فطریه سندن دو غویور و وسایه ده بوتون آسیاده وحدت تأسیس ایدیه بیلور . دیگر طرفدن سوراسی ده محققدر که علممزه تجربه مر بوطدر . بز توحید احتیاجیه تجربه حدودی خارجه چقارسه ق تناقضه دوشهرز ، هیچ اولمازسه چیقاردیغمز نتایجک قیمتی قطعاً اثبات ایده بیله جک دلائل بولاماز . قانت تفکرک بویله بروحدت احتیاجیه تجربه حدودی خارجه چیتماسنک ناصیل بر نتیجه حصوله کتیره جکینی کورل بر تشبیه یله آ کلاتیور : بر کوکر جین ایچده اوچدیغی هوانک بعضاً طیرانه ، یا خود سرعت طیرانه مانع اولدیغی کوردرک خلاده اوچماسنک ده قولا ی اولاجغی فرض اتمسی نه قدر خطالی ایسه ذهنک تجربه داخلنده کی اشیانی وحدته ارجاع اتمک تمایل اساسینی کورود ده بونی تجربه فوئنده کی آسیایه تطبیقه قالدیشمق ده اویله جه یا کلیشدر . هوا قوشنک طیرانه ، فضله یو کسلمسینه مقاومت ایدر . بو مقاومت قسماً اوچابیلیمه سنک ده سبیدر . فقط عینی زمانده اوچایله جکی ساحه نی ده تعیین ایدر : قوش آنجق هوانک بولوندیغی یرده اوچاییلر . تفکرک ده انطباعات و تصوراتی توحید ایدیه رک تطبیق ایده جکی ساحه یالکمز تجربه در . اونک فوئه چیقیلدیغی وقت استحصال ایدیه جک نتیجه نك قیمتی اثبات اولوناماز ایشته دو غماتیکلر اکثر یابو حقیقی اونو تمشلردر . اونلرک تأسیس ایلدیکی مسلك فلسفی قارشیسنده یالکمز شک دو یانلر و هجوم ایلینلر ده بو بویوک سیسته ملرک منشأی نه

اولدییغی ، هانکی ملکه وقوتنرک ، هانکی نوع احتیاجک سوقبله تأسس ایلش بولوندیغی تدقیق ایلهمش لر و بناءً علیه بوسیله ملرک حقیقی ماهیته نفوذ ایتمه مشلر در . قانت اسکی مسالک فلسفیه یی تولید ایدن قوتی و احتیاجی ینه اولنرک منشأی اولان ذهن و عقل ایله تدقیق ایدرک بر طرفدن او بویوک سیستم صاحب لری نك آلدان دق لری نقطه یی بولم یی و اوندن قوتی ایتمکی استهداف ایلش ، دیگر جهندن او آناری تولید ایدن قوتک ، یعنی مدرکه و عقلک حدودی نه اولایله جکنی ، نه شرائطله ماقعه مطابق بولونا حغنی آراسیدیر مشدر . بوصور تله دو غماتیکلرک ، اسکی مسالک فلسفیه نك چیقارد ق لری نتایجی یالکزن فی وانکار ایله ، یا خود اولنرک فکر لرنده کی تناقضی ارأه المنکه مثبت بر ایش یابیلایمه جغنی ، طریق انتقاد ایله ماضیدن منتقل آنارک ، مسالک فلسفیه نك ماعیته ، منشأه نفوذ ایتمک لازم کله جکنی کوستر مشدر .

ایشته قانتک اصول مخصوصی بودر . فیلسوفک اک بویوک دهاسی ده بوصولی ، بو پروغرامی چیز منسند در . بوتون فکر لری ، فرضیه لری هب بو اصول اطرافنده دور ایدر و برکل تشکیل ایلر .

قانت بو طریق کوستر مکله بوتون علوم معنویه نك اصول تدقیقنی ده ارأه ایتش اولویوردی . دین ده ، صنعت ده ، ادبیات ده ، لسان ده ، حتی جمعیتلرک مؤسسات واشکالی ده هب عینی صورته تدقیق اولونا بیلیردی . اون دو قوزنجی عصر ده بوعلومه قانتک بواساسلی طریق تدقیق تطبیق اولوندی . هب بو آثار و مؤسساتی وجوده کتیره ن قوتک ماهیتی و حدودی آراندی ، بوسایه ده قدر تلمزک فعالیتی حقنده دها واضح بر علم حاصل ایده بیلک امکانی تأمین ایلدی . قوای معنویه مزک مختلف زمانده وجوده کتیردیکی آثار آراسنده کی ارتباط تأسیس اولوندی .

ایشته قانتک اثر معظمک روحی بونقطه ده در . فلسفه نك اسمنه ده بوصوله اضافه « انتقادیه Criticisme » دیمشدر . اونک برچوق نظریه لری بو کون ترک ایدلش اولابیلر . فقط فلسفه نك بواساس و اصولی تمادیا کندندن صوکر امؤثر اولمقده دوام ایدوب دور مشدر . قسماً ۳۳۷-۳۳۸ سنه تدریسیه لرنده دارالمؤنوده ویربان درس لردن وجوده کلن بوکتاب ، امید ایدرم که ، قارئلره قانت ، فلسفه نك بو آنا نقطه سنی کوستر جه نك و بو مرکز اطرافنده بویوک فیلسوفک مختلف افکار و نظریاتی ناصیل ترکیب ایلدیکنی ارأه ایلیمه جکدر .

برنجی قسم فانتک زمانی رمیائی

۱

فانتک تولدندن برسنه اول اک بویوک سیستهم صاحبی لایبسیج وفات ایتشدی . بر سنه سوکراده مالبرانش اولدی . بویاکی بویوک متفکری بشریت غائب ایتدکن سوکرا ده فانتک آجیدینی چیغیرده بویوک بر سیستهم ، بویوک بر مذهب فلسفی وجوده کتیرمک اوزره چالیشان یوکسک فیلسوف قالامشدی . یالکنز انکلتزده بارقلهی مابعدالطبیعی مسائلله ابداعکار بر صورتده اوغراسیموردی . بوزمانک فیلسوفلری ایسه لوقک تصور لر مرک تجر به دن وجوده کلدیکی حقنده کی قناعتنه استناد ایدوک مابعدالطبیعه نظریاتی ایله اشتغالی لزومسز کورو یورلر ، طبیعتک منشأ و غایه سی حقنده کی مسائلک وجودینی یا انکار ، یا خود پک سطحی بر صورتده حله تشبث ایلورلردی . ولته ر ، موئسکیو ، هولباخ ، حتی دیدرو کبی فرانسیز متفکرلرینک هدف تفکرلری عملی ، اجتماعی و سیاسی مسئله لر ایدی . نته کیم اثرلرینک قیمتلی و ابداعی جهتلری بالخاصه بو بحثلرده در . الحاصل اور و پاده مابعدالطبیعه مسائلله اشتغال ارزوسی که وشه مشدی .

آلمانیا کی عصر متمادی اداخلی و خارجی حربله اوغراسدینی ایچون فرانسه وانکلتزده حصوله کلن فلسفی جریانلر اوراده پک کچ و کوچ انتشار ایلوردی . اون یدنجی عصر سوکلرنده و اون سکزننجی عصر ابتدالرنده فلسفی مسائل حقنده سربستی تفکر آیریمجه بییه یستلرکده مخالفتنه اوغرادی . انقلاب دینی (ده فورم) ایله وجوده کلن پروتستانلق برمدت سوکرا «لوتر» ک تعین ایتدیکی هدفی غائب ایدرک انجیلک کلماتنک تفسیری ایله اوغراشمق کبی صرف مسائل ظاهریه و مراسمله اشتغال سکلنه کیرمشدی . سپنه ر «Spener» اسمنده بر آلسالی طرفندن تأسیس ایدیلن بییه تیزم پروتستانلغک دوشدیکی مراسم و سنکلیستی به قارشی برعکس عمل یایمق ، افرادک حسیات دینه لرینی تقویه ایدرک اعتقاد وجدانی بی اعمال خارجیه ، مناقشات دینه فوقه اصعاد ایلک و بو صورتله لوترک ایلک دفعه کوستردیکی

هدفه عودت ایتمک غایه سنی تعقیب ایدیوردی . پییه تیزم آرزمانده پروسیه ده ، ساقسونیاده تعمم ایلمشدی . هرکس دن اول امرده ایمان درونی و وجدانی ایستین پییه تیزم هر سنی محاکمه عقلیه ایله تحلیل ایلمکی ، هر سنی اول امرده سربستهجه تفکر ایتدکن صوکر قبول ایتمکی استلزام ایلین ده قارت معنی فیلسوفلره ، علی الاطلاق « واسطه علم مزعقلدر ، هرشی نور عقل ایله تنور ایدر ، بوتون اینا ماجقلر مزیا لکنز معقولاتدر ، مبدایله حرکت ایدن سربستی تفکر طرفدارانه قارشی معارض و مهاجم بروضیت آلمسی طبیعی ایدی . نته کیم او یله اولدی . لایبنیچک الک مهم شا کردی ، آلمانیا ده اوزمان بو عقلیه (راسیونالیزم) مسلکک الک بویوک استادی (وولف) هال دارالفنوننده کی کرسیسندن پییه یستلرک سمایتله طرد ولوندی . فقط پییه تیزم ایله سربستی تفکر طرفدارانی فیلسوفلر آراسنده کی بو حدال چوق دوام ایتدی . (۱۷۴۰) ده بویوک فره دریق تخنه جلوس ایتدیکی وقت ایلمک ایشی وولنی اسکی کرسیسه اعاده ایتمک اولدی . فیلسوفه یازدینی مکتوبده دییوردی که : « فیلسوفلر هرکی تنویر ایتلی ، حکمدارلره رهبر اولمیدرلر . اونلر منطقی اولارق دوشونملی و بزده منطق دائره سنده حرکت ایتلی ز . اونلر کشف ایتلی ، بزتطیق و اجرا ایتلی ز . » « وولتهر » ک دوستی ، سربستی تفکرک الک بویوک مروجی اولان بویوک فره دریقک تخنه قعودی ایله آلمانیا ده « هرشی نور عقل ایله تنویر ایدیله بیلیر » اعتقادنده بولنان عقلیه مذهبی صورت قطعیه ده تأسس ایلمش اولیوردی .

بومسلکک آلمانیا ده الک بویوک مثلی وولف ایدی . وولف لایبنیچک شا کردیدر . واقعا نه اونک کی مبدع ، نه اونک قدر درین برمتفکریدی . فقط لایبنیچک آثارینی ، بالخاصه الهیاتنی هرکسک قولایقله آکلایاجنی شکه اوصوقش ، اووقته قدر یک نادرلری مستنا اولق شرطیه آثار فلسفیه لایبنجه یازیلیرکن هپ بو اثرلری آلمانجه یازمشدی . وولفه کوره هرشیک سبب کافیتی واردر و عقل عالمده هر شیئک سینی بولور ، تنویر ایدر ، معقول اولارق ایضاح ایلده بیلیر . صنعت ، اخلاق ، سیاست ، لسان ، حتی دین هپ برغایه معقولیه خادم اولق اوزره وجوده کلشدر . بونلرک هپسینی عقلله ایضاح ایلمک ، غایه لرینی کوسترمک قابلدیر . آلمانلرک (Aufklärungszeit) دیدکلی (دور تنور) ایشته بویله بر مقدمه نی قبول ایدیوردی . بواساس دائره سنده وولفک وجوده کتیردیکی مابعد الطبیعه ، منطق ، روحیات و اخلاقه دائر اثرلر ملانحتونک تجدید ایتدیکی آریستو واسقولاسنیک فلسفه سی یرینه آلمان دارالفنونلرنده تماماً تعمم ایلمش ایدی .

دیگر جهتدن وولفك مسلكی تجاوزكار اولمادیی ايجون الهیات ایله مشغول اولانلر طرفندن بيله حسن تلقی به مساعد ایدی . چونکه ادیان منزله به معارض دکلدی ، بالعکس توراتك نصوصنی عقله ایضاح الموردی . وجود الهی ، بقای روحی هرکس قبول ایله ، چکی دلائل عقلیه ایله تأیید ایلش اولوبوردی . حتی برآراق اوقدر معارضی بولونان پییه تیزم جریانی بيله بونوع فلسفه ایله قابل تألیف کورونوبوردی . چونکه وولف ناصیل فلسفه یی نعمیم وهرکسك آکلایاجنی برشکله افراغ ایلور ، ذهنک ماضیدن منتقل آثاره مربوط فالماسنه وفکر بشری بوله برحاکمیت آلهه آلفه معارض بولونوبورسه پییه تیزم ده دینی کلیسانک مراسمی سکندن قورتارمغه ، وردک حسیانه استناد ایتدیرمکه جالیشیوردی . غایه ده کی بوفرابتنددرکه برآراق بر جوق متفکرلر هم پییه نیست ، هم وولف مسلكنه سالک اولاییلدی .

قانت بویاکی جریان معنوی وفکری آراسنده انکشاف ایلدی .

۲

لشریتك یتشددیردیکی اك بویوك دهالردن اولان قانتك عمری هیچ مهم وقایع عرض ایتمز . پك متواضع برعائله نك چوجوغی اولان فیلسوف بوتون حیاتی ساکنانه کچیرمش ، بوتون رمانی علمه حصر ایلشدر . ظاهراً بسیط اولان بو عمر ایچنده پك قوتلی بر روح ، برطرز تفکر انکشاف ایلوبوردی . پك ساده کوروله بییه چک اولان بوفانی عمرک بزه بیرقدیمی آثار معرفتمزی وحات لشریه یی تنویر اعتباریله نه قدر یارلاقدر . بونوک آدمک معاً ناصیل انکشاف ایلدیکنی کوستره چک وثائق مع الناسف یوقدر . معاصرلری آراسنده ترجمه حیاتی یارانلر ، (برووسکی) ، (واهمان) ، (واسیانیسکی) (۱) ده ازیاده حیات خارجیه سنی تصویرایتمشدر ، فقط نه کی سواثقله ، ناصیل تفکراتی انکشاف ایتدیکنی کوسترمه مشلردر . مکتوبلری ایسه عمرینک نهایتنه عائددر ؛ بو خصوصه کافی برمرجع اولاماز . فیلسوفک تفکراتنک ناصیل انکشاف ایتدیکی ده ازیاده مختلف تاریخلرده یازمش اولدیغی اثرلردن استدلال ایدیاه بیلیر . بومسئله یی تدقیق ایتمزدن اول ترجمه حیاتی کوزدن کچیردم .

ئی مانوئل قانت ۲۲ نیسان ۱۷۲۴ تاریخنده کونیغسبرغده دوغدی . فیلسوفک بوتون

(۱) کتابیانه عائد صوک قسمه مراجعت .

عمرینی همان بالا فاصله دینه بینه جک درجده کچر دیکی بو شهر بر مرکز تجارت ایدی . بناءً علیه بر چوق انکلیز ، هولاندالی ، اهلی ، موسوی ... الحاصل اجنبیلر اوراده مبدولاً بولونوبوردی . فیلسوف بو مختلف ملتله منسوب انسانلرک اوزرنده قولایلقه روحی و اخلاقی مشاهدهده بولوناییلدی . دیگر طرفدن کونیفسبرغ دارالفنون شهری ایدی ؛ پروسیه نك مراکز علمیه و سیاسیه سندن بری بولونوبوردی .

اکثر مؤلفر قانتک عائله-نی اصلاً اسقوجیادن مهاجرت ایتش عد ایدیورلر . عائله اسمی (Cant) طرزنده یازلمیرکن فیلسوف بالذات آلمانجه (tzant) کبی اوقونامسی ایچون (K) حرفیه یازمغه باشلامشدی [۱] . ناسی ژان ژورژ قانت بر سرراج ، والدهسی آنا ره کینا رویتر پک دیندار بر پیه نیست ایدی . زوج وزوجه نك اعتقاد دیندرنده کی صلابت دنیوی محرومیتله قارشى بویوک بر صبر ایله مقابله ایتلمیرنی تأمین ایلدوردی . قانت بو عائله نك دردنجی چوجوغیدر . ایلك تربیه-سنى بویه بر دیندار عائله قوجاغندن آلدی . بو تربیه نك اساسی دین و اخلاقی هر تئیک فوقنده کورمکدی . قانتک ایلك تربیه-سی اوزرنده بالخاصه والده سنك تأثیری اولمشدی . بو قادین اعتقاد وجدانییه چوق اهمیت ویرمکه برابر چوجوغنی طبیعت قارشى تماماً یابانچی اولارق بویوتدوردی . فیلسوف بالاخره ابوننك ، بالخاصه آتیه-سنك خاضره سندن بویوک حرمت و هیجانله بحث ایدر . حیات باطنیه نك اعتقاد دینی ایله قدرتی آرتیرمنی استهداف ایدن پییه تیزم تربیه-سی قانتک بوتون حیاتنده یز بیراقشدر .

دوقوز یاشنده ایکن فرهدریق قولله ژینه داخل اولدی . بوقولله ژ دارالفنونك السیهات مدرسی آلبرت سولزک اداره سنده ایدی . قانتک ایلات خواجه-سی شولز غایت حرارتلی بر پیه نیست ایدی . تدریسانه هپ افکار دینه و اخلاقیه-سی قاریشدریر ، طلبه سنك تربیه معنویه-سنة چوق اهتمام ایلردی . بو تربیه نك اساسی وجدانک ایماتی هر نوع استدلال و محاکمات عقلیه نك ، اعمال و عبادتی بر طاقم نصوص دینه نك فوقنده طوتمقدی . سولز فیلسوفك عائله دوستی اولدینی ایچون کوچوک مکتبلی به اعتنا ایله باقیبور ایدی . قانت

[۱] حیاتک نهایتده دوغری اسقوجیاده فقیر دوشه-ن و فیلسوفك عائله اسمنی طاش-بیان کیمسه لرک مراجعتنه رغماً قانتک اسقوجیادن هجرت ایتش برعائله به منسوب اولدینی محقق دکلدرد .
T. Ruyssen ده بوکا اشارت ایلدور . صحیفه ۴

بو پیه تیزم تربیه سندن ، پیه تیست خواجه لرندن بو یوک بر حس شکرانه بحث ایدر .
تا ۱۷۸۵ ده لینتهالک مزار طاشنه :

Was uns thun gebührt das ist nur gewisse

«ناصیل حرکت ایتلی یز؟ محقق اولار ق بیلدیکمز یالکیز بودره جمله سنی یازمشدی .
پیه تیزمک بودتوری ایشه او ایلمک تربیه سنک ائیریدی . مع مافیه مکتبه شدتلی انضباط
دیننک فنا جهلری ده حس ایتمشدی . معین ساعتده دعایه اجبار ایلمک ، برطاقم اصولی
جبراً تطبیق ایتنک کنجلیری یالانچیاغه ، منافقانه سوق ایتمکده اولدیفنی کورمشدی .
بو تجربه سی بالآ خره دین حقنده کی تلقیسنه تأثیر ایدن عواملدن بری اولدی .

قانت یدی سنه قولله زده او قوددی ، اوراده السنه قدیمه یی ، بالخاصه لاتینجه یی پک ایی
او کړندی . رواقیه «ستویسزم» مسلکده مراقابتدی . حیاتنک صوکنه قدر شولاتینجه
بیقی صیق صیق تکرار ایدردی :

Summum Crede nefas animam prxferre pudori

et propter vitam vivendi perdere causas (۱)

۱۷۴۰ ده اون یدی یاشنده ایکن کونیفسبرغ دارالفنوننه کیردی . ایلمک مقصدی .
الهیات تدرسی ایدی . دارالفنونه اوصورتله قید اولوندی . فقط بو ایلمک هد فنی تعقیب
ایتدی . علم و فلسفه مراقیله مارتن قنوتزن (Martin Knutzen) ک درس لرینه دوام ایلدی .
قانتک اوزرنده چوق مؤثر اولار خواجه لرندن بری قنوتزن ندر . بو ذات ده پیه تیست
وعینی زمانده وواف مسلک فلسفیسنک بعضی تعدیل ایله طرفاداری ایدی .
قنوتزن نندن وواف مذهبنی ، بالخاصه نیوتونک فیزیکنی او کړندی . قانتک مؤثر
استاد معنویسندن بری نیوتون اولمشدر . نیوتونک قانت اوزرنده کی عظیم تأثیراتی ایلریده
کورده جکیز .

قانت اون یدی یاشندن یکریمی ایکی یاشنه قدر دارالفنونه دوام ایتدی . اون اوچ
یاشنده آنه سنی غائب ایتمشدی . (۱۷۴۶) ده بدری وفات ایتدی . مکتبه دوام ایدرکن
چوق فقیرانه برحیات کچیریوردی ؛ ویردیکی بعضی خصوصی درس لرله تأمین معیشت
ایلیه بیلیموردی . بدری غائب ایتدکن صوکرما معیشت دردی دهافضله دارالفنونه دوام

(۱) مالی : روحک بذاته خیالی ، فنائی محتوی اولدیفنه ایتاعلی . معیشت ایچون غایه حیاتی
ایحایلمکده قانقمالی یز .

ایتمکه مساعده ایتمدی . (۱۷۵۵) . قدر شرقی پروسیه نك كبار عالمه لرنده مربیلک ایتمك اوزره کونیغسبرقدن اوزاقلاشدی . قانتك مولدندن اوزاقلاشدیغی زمان یالکیز بودوردو . بوسیاحتیه یالکیز شرقی پروسیه داخلنده در . قانتك بوصورته دوقوز سنه كبار عالمه لر تزدنده مربیلکی انکشاف مغویسنه چوق یاردیم ایلش ، مختلف یرلرده ، بر چوق كبار واجبی عالمه لرله تماسی هیچ شبهه یوق که تجربه و مشاهداتی توسیع ایتمشدر . مع مافیه بوزمان ظرفنده مختلف علومه دهه جالیشمشدر .

قانت کندینک اینی بر مربی اولمادیغه قانعدر . حالبوکه طلبه سنه حریت عشقنی ، بوتون انسانلره قیمت و یرمک املنی موفقیتله تلقین ایتمشدر . یونك اُك بویوك دلیل کبار شاگردلرندن بر قانچك ایلک اول کندی اراضیلرنده کی اسارت ارضیه (سهرواز) اصولنی القا ایتملیرده . بو بر تصادف نتیجه سی اولامازدی . نته کیم قانت بالآخره وطننده اوزمان سهرواز اصولنك دوام ایتمه سندن نه قدر متأثر اولدیغنی بر چوق وسیله لرله سولشدی . حریتی ، غیرك انسانلغنه حرمتی تلقین ایلمه مش اولسه یدی کندی طلبه سی (سهرواز) اصولنك الغاسنه اوک آباق اولمازدی .

۱۷۵۵ ده کونیغسبرغه عودت ایتمدی . دهها هنوز دارالفنوندن هیچ بر رتبه علمی اکتساب ایلمه مشدی . (آتش) اوزرینه یازدیغی علمی برتهز سایه سنده برنوع دوقورا دیمک ارلان (پروموسیون) ، مابعدالطبیعی معرفتمزك مبنای اولاسی حقنه یازدیغی بر ته زلده فرانسلرلك (آغره زه) سنه مشابه اولان (سربست خواجه لق) رتبه سنی احراز ایتمدی . بوندن صوکر دارالفنونده سربست درس لر آجاییلیردی . عینی سنه دهه کونیغسبرغ دارالفنونده طبیعی جغرافیاه ، اختباری (Empirique) روحیاه ، فلسفه یه دائر هرکسك آکلایه جفی طرزده تدریسانه باشلادی . درس لری چوق جانلی ایدی . تماس ایتمکی بوتون موضوعلرده آیری آیری متخصص اولدیغنی کوستریوردی . دهها ایلک سنه سامعلری طرفدن تقدیر اولونمغه باشلاندی . درس نه حتی اجنیلردن دوام ایدنلر جوغالادی و یالکیز اولنوك قیدیاسیله ، دخوله سیله معیشتنی تأمین ایده جك اولان قانت بوصورته کافی بر ایراده مالک اولمش ایدی . ارقق بو بویوك آدام بوندن صوکر عمرینك نهایته قدر یالکیز علمله ، یالکیز تدریسانه اشتغال ایلش ، هیچ بر شرفلی موقعه کوز دیکمه مش ، مسلکنی دکیشدیرمه مشدر . او متواضع وساکن حیاتیله ، تمادی سعی و پك جانلی تدریسانیه دارالفنون مدرسلکنك اک مکمل برانمودجیدر . اوصیراده قانتك درس لرنی دیکلینلرلك ،

مثلاً (هه رده ر) ك شهادتيله اونك نه قدر جاذب بر معلم اولديغني آ كلايور، تدریساتنك اساسی حقه ده كندیسنك یازدیعی پروغراملرله ده درسلیرنك استقامتنی اوكره نه بیلیورز .

« ۱۷۶۵ - ۱۷۶۶ قیش سه مستری اثنا - سنده کی درسلم حقه ده عمومه معلومات ، عنوانيله یازدیعی بر درس پروغرامنده بالخاصه كنجلرك بك ایركذن نظریانه باشلاماسی ایچون درسلك تجربی اساسه استاد ایتمه سنده کی ضرورتی آ كلائیور . ویره چکی درسلكه كنجلره فلسفه تعلیم ایتکی دكل ، تفكرات فلسفیه آیشدیرمی استهداف ایتدیكنی سویلیور . تام و بوتون كاشانی محیط بر فلسفه مذهبی یوقدر كه اونی تعلیم ایله ایش بیتش اولسون دیور . شو پروغرامده كوستریور كه دها ایلک دور انكشافده بيله نصی (دو غمانيك) اولارق هیچ بر مبداء، هیچ بر مذهب فلسفی یه ایسانیور مش دكلدر . فی الحقیقه (۱۷۵۵) دن (۱۷۶۹) . قدر دوام ایدن بوایلک دورده بيله كندیكن او قدر تأثیری آلتنده قالدینی نیوتونك فیزیكنی ، وولفك فلسفه سنی اولدیغنی كبی قبول ایتمه مش ، دها اوزمانده اونلری سربستجه تنقید و اتمامه چالیشمشد . بوصیراده یازدیعی اك داهیانه آثاردن بری اولان « تاریخ عمومی طبعی و نظریه افلاك (۱) » ده نیوتونك منظومه شمسیه مركز ایلک تشكلی قوانین میخانیکیه ایله قابل ایضاح كورمه سنی تنقید ایتمش ، حال حاضرده کی اجسام سماویه نك كتله سخاییه نك حركت دوریه سیله وجوده كلدیكی حقه ده هئنده منهور (قانت - لابلاس) نظریه سنی وضع ایتمشد . ینه بواورده قوانین طبعیه نك كاشانك عناصری آراسنده مناسبت نامه سی اولدیغنی كوسترمه سی موجوداتك اك صوك سبی اولق اوزره هر شئی احاطه ایدن بوجود مطلقك وارلقه کافی دلیل اولایله چكنی یازیوردی . بوصورتله تلقینات علمیه سیله تلقینات دینه سنی بیرلشدیریور و دها اوزمان وجود الهی حقه ده سرد ایدیلن دلائل معاده بی عیناً قبول ایتمه رك یكی برطرز اثبات سرد ایلوردی . عینی فکری « وجود الهی بی اثبات ایچون تك ممكن اساس ، [۲] عنوانيله (۱۷۶۳) ده یازدیعی اثرده توسیع ایدیور . آرتیق بوصیرالرده وولفك اوله نصی بر شكلده ترکیب ایتدیكی فلسفه ایسانامیور؛ فلسفه نك وولف مسلكنده اولدیغنی كبی ترکیب ایله دكل، آنجق تحلیل ایله ، واضح مفهومات الیه ایله رك ترقی ایده بيله چكنه قناعت ایدیور . قانت بو تلقیه سنی ۱۷۶۲ و ۱۷۶۳ سنه لرنده یازدیغی بر سلسله آثارده مدافعه ایلکده در .

- [۱] کتابتاده (۴) بومرو ایله كوستریلن اثر .
 [۲] کتابتاده (۱۸) نومرو ایله كوستریلن اثر .

نام بوصیراده (فانت هیوم) و (روسو) نك آنارینی اوقودی . قانت بوايكي فیلسوفك آنارندن ملهم اولدی (۱) .

تجربه به استناد ایله ، تحلیلله تفكرات فلسفیه به باسلامی طریق مخصوص اتخاذ ایدن قانتك هیومك اورتیه قویدینی «علیت» مسئله سی مواجهه سنده قالماسی طبیی ایدی . فی الحقیقه علت ایله نتیجه بکدیگرندن تماماً آیری اولدینی ایچون نتیجه نك تحلیلله علت بولوناماز . احوالده علت ایله نتیجه آراسنده کی مناسبت ضروریه فکری زدهن حاصل اولبور؟ هیوم بوسؤالی اورتیه قومیش و علت ایله نتیجه آراسنده کوردیکمز ارتباط ضروری نی قوانین روحیه نك بر نتیجه سی ، بناء علیه تماماً انفی عدا ایشدر . علیت مسئله سنك به صورتیه وضع وحل ایدلسی فیلسوفی چوق دوشوندیردی . قانت هیومك چیقاردینی نتایجی قبول ایتمه مکه برابر معرفت مسائلی تدقیق و تنقید اعتبار ایله انکلیز فیلسوفك ، طرز تفکری اوکا برنوع رهبرلك ایتدی .

دیگر جهندن روسونك احتساسات طبیعیه مزك حق و موقعی ، علم ایله ایمان آراسنده کی فرق کوسترن آناری قانتك تفكراتی اوزرینه چوق عظیم تأثیر اجرا ایتدی . او وقته قدر معاصر لری کبی حقیقی انسانانی حیات فکریه و ذهنیه ده کورن قانت شمعی منوره غیر منور ، عادی عمله ایله یوکسك بر متفکر آراسنده انسانلغك مشترک ودها طبیی قلمنی بولمشدی . روسو سایه سنده تمایلات طبیعیه به قیمت ویرمکی اوکره نمشدی . روسونك

[۱] ذاتاً بوشاده آلمانیده انکابور فرانسیز تلقیات فلسفیه سی بایله دهه باشلامشدی . مثلاً رابناروس Reimarus و منده لسون Mendelessohn تورانك نصوصی ایله عقلک توافقی ایضاح ایتمکی استلزام ایدن وولف مسلکینی برانیور ، انکلیز متفکر لری کبی دیس طبیی به ، یعنی وحیه لزوم کورنکترین عقلاً بر قدرت خالقیه انتقال ایدله بیلجه کنه قانع اولوبوردی . دیگر طرفدن فرانسیز فیلسوفلرینك حسابی دوشونوشی آلمان متفکر لری اوزرینه تأثیر ایتشدی . وولتهر ایچون حرکت ارضی اوزرینه بوعالمک کمالی ادعا ایدنلره قارشى يك جانبی بر-اوبله هجوم ایلپوردی : بویه آراده صیراده هلاکت طبیعیه ایله برچوق انسانلرک اولدیکنی کوردکدن صوکر ا یاشادیمز عالمک ممکن اولان کالی حائز اولدیعنی تاصیل ادعا ایده یلیرز؟ دیپوردی . دیگر جهندن هیومك فلسفه سی حادثات خارجه ده هیچ برشی بیله مز ، ذات اشیاك ادرا کنی استهدا ایدن مابعدالطبیعه ممکن دکلدر نتیجه سنه وار یپوردی . روسوده بوايكي فیلسوفده معارض اولارق قلبك ، احتساسات طبیعیه نك موقع و قیمتی ایلری به سور یپوردی . بوتون بوشد تلقیلر آلمانیده بایله نجه افکاری نقیه ایلپور ، دوزنوره خاص تلقیلر یقیلیپوردی . آرتیق بدیعیات حقنده لابنیچدن منتقل فکدرلر قبول ایدلیور ، شعرك موضوع لری دکیشور ، دین حقنده بسبتون باشقه تلقیلر حاصل اولوبوردی . قانت ایسته فکدرلرده بویه تحولات و انقلابات حاصل اولدینی ردورده یتشدی . (هوفدینگک تاریخ فلسفه سی جلد ۲ صفحه ۱-۳۰)

احتسابات و ایمان طبیعی به ویردیکی قیمت قانتک یاواش یاواش فلسفه اخلاق حقننده کی قناعتلرینک تشکله یاردیم ایتدی . فیلسوفده آرتیق روسو کی تکامل ذهنیه بالواسطه بر قیمت عطف ایلنکه ، وجدانی ، طبیعی احتسابلری اساس عد ایتنکه باسلادی . قانت روسوندک (نه میل Emil) اسمنده کی اثرینی او قودینی کون معتادی اولان کزینتی بی بيله اونونمشدی .

قانت بوصیراده کی فلسفه اخلاقه دائر نشر یاتنده روحیاتی اخلاقک تملی عد ایدیور ، شافتبوری ، هوچسونی ، هیومی بو خصوصده افکارینک سلفی عد ایدیوردی . یالکیز دوغماتیک مسالک فلسفه ، بالخاصه مستقل بر جوهر روحی بی قبول ایدهدک اونک اوزرینه تأسیس ایدیلن مذاهبه آرتیق هیچ اینانمبوردی . بو صیراده یازیلرنده بونلری تنقید ایدهدک « بوفیلوفلرک بحث ایتدکری بر جوق شیلری آ کلامیورم . ذاتاً سوبلدکری بر جوق شیلر بکا لازمده دکل » دیوردی . بودورده دوغماتیک فیلسوفلر قارشیشنده تماماً منق بر وضعیت آلمشدی .

قانت قرق ایکی یاشنه قدر سربست خواجه « ریوات دوسهنت » اولهرق دارالفنونده تدریسآنده بولوندی . یدی سنه حربی اونک مدرس اولماسنه مانع اولدی . بوصیراده یکنه قبول ایتدیکی وظیفه حافظ کتب معاونلکی ایدی . بو وظیفهدهده جوق دورمادی . بر آراق کندیسنه تکلیف ایدیلن ادبیات مدرسلکنی ده قبول ایتدی . (۱۷۷۰) ده ایکنجی فرهدریق کونیغسبرغ دارالفنون فیلسفه مدرسلکنه (۴۰۰) تالهر ، یعنی (۱۵۰۰) فرائق معاش ایله مدرس تعیین ایتدی . بوندن صوکر ا عمومی درسلرنده مابعد الطیعه و منطق تدریس ایلور ، خصوصی اولارقده حقوق طبعیه ، اخلاق ، آنتروپولوژی ، طبیعی جغرافیا درسی ویریوردی . عینی سنهده اک مهم آثار فلسفه سندن اولان « محسوسات و معقولات عالمنک صور و مبادیسی » (۱) عنوانی حائر اثری انتشار ایتدی . بو کتاب قانتک معرفت مسئله سی حقننده کی فلسفه سنک اساسلرینی محتوی ایدی . فی الحقیقه بر جوق یرلرده تفکرات فلسفه سنک (۱۷۶۹) ده بر شکل معین آلدیغی سویلور ، حیاتنک صوکلرنده آنجق بو تاریخدن صوکر ا انتشار ایدن اثرلرینه اهمیت ویریوردی . بو تاریخده قانتک بولدیغی حقیقت شو ایدی : « علممزک شرط اساسی اولق اوزره بولوناچق صور و مبادی ذهنیه بوتون تجربه لرمره قابل تطبیقدر » . بو اساسی یوقاریده سوبلدیکم

(۱) کتابآنده ۲۷ نومرو ایله کوسترلن اثر

اثرده محسوساته عائد بیامیکلرمزہ تطبیق ایتمشدی . عالم حسی بہ عائد بر علم حاصل اولابیلیمک ایچون محقق محسوساتمزی بر مکان وزمان داخلندہ تصور ایتملکمز لازمدر . بنوع علم ایچون شرط اساسی اولان مکان وزمان بالجلہ محسوساتہ قابل تطبیق صورت ومبدأ اساسی (Forme et principe) ایدی . فیلسوف بو صورتہ یالکمز محسوساتمکز انفسی، ذهنی قالیلرینی، صورتلرینی بولمشدی . آرتق معرفت علمینک بو طرزده صورتلرینی آراشدیرمق لازم کلیوردی: محسوساتک بزه بیلدریدیکی حادثات عالمیدر . مدرکہ من اعانہ سبلہ بو حادثاتک علت اصلہ سنہ ، اشیانک ماہیتہ نفوذ ایدہ بیلیرز ؛ تعیر آخرلہ ذات اشیائی ، حادثات فوقدہ کی حقیقتی بولمغہ چالیشیرز . بزی بوکا سوق ایدن مدرکہ نک، تفکراتک دہ محسوساتدہ اولدیی کی بر طاقم شرطلری ومبادیسی بولندیغی بو صورتہ ذہنک فعالیتی دائما ترکیبی استہداف ایلدیکنی دہا او زمان قبول ایتمشدی . فقط آنجق اون سنہ صوکرہ، یعنی (۱۷۸۰) دہ ریغادہ نشر اولان «عقل نظرینک انتقاد» (۱) نامندہ کی شاه اثریہ بو ایشی آتام ایلش اولویوردی . اولجہ بولدیغی بو مقدمہ نک بویلہ اوزون بر زماندہ تطبیقنہ موفق اولمسی بر طرفدن مسئلہ نک نہ درجہ مشکل اولدیغی، دیگر جہتدن قانتک حقیقتی بولمق ایچون نہ قدر صادقانہ مساعدہ بولندیغی کوستریر .

قانت اون سنہ لک نفکراتنک نتیجینی قیصہ بر زماندہ یازدیغی ایچون اولمکی کہ کتابک طرز تحریر وترتیبہ اوقدر دقت ایتمدی . اسکی یازیلرندن بر قسمنی دہ آرادہ کی ارتباطی پک آرامہ رق کتابنہ درج ایتدی . بو یوزدن «عقل محضک انتقاد» یالکمز موضوعنک درینلکی اعتباریہ دکل، عینی زماندہ صورت تحریر واسلوئی دولایسیلہ دہ مطالعہ سی کوچ اولان آثاردن بریدر . کتابک اسلوبنک مغلیقتی قانتک حیاتی یازان بعض محررلز بانسقہ سببہ دہ عطف ایدرلز : کویا اثری نشر ایتدہ دن اول فیلسوف احبابلرندن تجارتلہ اشتغال ایدن (غره نُن) اسمندہ برینسہ کوستریر وتصحیح ایتدیررمش . بو فکری قولایلقلہ قبول ایتمکہ امکان یوقدر . چونکہ کتابک اسلوبی بویلہ بر آدمک تصحیحندن یکمیش اولسہ یدی دہا واضح اولمسی ، اوقدر اصطلاحاتہ دولو بولونامسی ایجاب ایدردی . حالوکہ کتاب برچوق فضولی تقسیمات، برچوق لزوممن اصطلاحات ایلہ دولودر؛ برچوق برلری مکرردر . بو یوزدن اثرک ہر صحیفہ سی بر قاچ دفعہ اوقونماقجہ آکلاسیلماز . قانت دہ اثری حقندہ یازدیغی بر بوطدہ «پوکتابی قاریشدیرانلر بلکہ معلوماثر وستانہ یازلمش براتر

[۱] کتابیادہ (۳۰) نومرو ایلہ کوستریلن اثر .

عد ایده جکلردر . حالبوکه تماماً علمفروشلفی ازاله ایتک ایچون یازلمشدر . « دیور . شکلاً بو تفیصلرینه رغماً بو کتاب فلسفه‌نک لایموت بر شاه اثریدر . ترقیات فکریه بشریه‌نک اک مهم بر مرحله‌سی تشکیل ایدیور . قانت بو اثرنده معرفتمزک ماهیته نفوذ ایده‌رک اونک استناد ایندیکی شرائطی تحری ایتش ، حدود علممزی کوسترمش ، تفکراتمزک برجهندن هم قدرتی ، هم عدم اقتدارینی ارانه ایلشدر . بیلکیمزک حدودینی اوصورتله اورتبه قومیشدرکه چیقاردینی نتیجه‌لر هیچ بر زمان منبج تجربه اولان محاکماتک قیمتی حقیقه بزى سکه سوق ایده‌مز . فانک معرفتمز ایچون تعیین ایتدیکی حدود دوشمیدر ؟ اون دوقوزنجی عصرده فیلسوفلر هپ بو حدود علممز مسئله‌سی اوزرنده دوشومشدر ، بعضیلری قانتک تعیین ایتدیکی حدی پک دار ، بعضیلری پک کنیش بولمشلردر . فقط نه اولورسه اولسون معرفتمزک ماهیتی ، حقیقه وریکمز صورتی ، علممزک حدودینی آراشدیرمه‌نک لزوم و اهمیتینی قانت میدانه قومیش ، حیات روحیه‌نک تدقیقاتنده معرفت مسائلنک برنجی درجه‌ده مهم بولوندیغنی بر اصول معین تحتنده کوسترمشدر .

مع مافیه کتاب نشر اولوندیغنی زمان اونک بواهمیتی تقدیر اولونمادی . هاممان (Hamman) قانتی پروسیده یتشمش یکی بر (هیوم) اولارق تلقی ایتدی . قانت بو نوع تفسیرلردن متأثر دی : کرک « علم کبی تلقی اولانه بیله‌جک مستقبل نظریات مابعدالطبیعه‌یه مدخل » [۱] عنوانیسه یازدینی کوچوک بر اثرده ، کرک « عقل محضک انتقادى ، نک ایکنجی طبعنه یازدینی مقدمه‌ده بو تلقبلره جواب ویریوردی .

عقل محضک انتقادى انتشار ایتدکن صوکر ا قانت نظریات اخلاقیه‌سی تئیه‌چالیشدی . قانت بدایه انکلز فیلسوفلرندن شافتسبوری ، هوچسون کبی فلسفه اخلاقیه ایله اشتغال ایتش متفکرلردن ملهم اولمش ، اونرکبی اخلاقی روحیانه ، احساساتمزه استاداً تدریس ایلکه باشلامشدی . فقط ده (۱۷۷۰) ده لایتنجه یازدینی بر اثرده بو تلقینی بر اقدی . او وقتدنبری اعمالمزی وجدانمزه حس ایتدیکمز مجبوریته ایله تظاهر ایدن « قانون اخلاقی » یه استاد ایتدیریوردی . بوخصوصه‌کی قعاعتنی (۱۷۸۵) ده یازدینی « مابعدالطبیعه‌عاداتک تمللری » [۲] عنوانی حاز اثرنده واضحاً اورتبه قویدی و بوندن اوچ سنه صوکر اخلاقه

[۱] کتابیاته (۳۱) نومرو ایله کو- تریلن اثر

[۲] » (۳۹)

دائر الك مهم اثری اولان . عقل عملیك انتقادی ، (۱) انتشار ایلدی . نظریه انتقاد تاملاتی ایچون حیاتك بوتون صفحاتی ایضاح ایلدیجك اساسلی بر اثر دهها لازمدی . فیلسوف (۱۷۹۰) ده « تصدیق مركز انتقادی » (۲) عنوانی حائز کتابیلده بو نقصانی تاملادی . قانت بو ازرده طبیعده کی غایتی و کوزللیکی دیگر آثارنده چیزدیکی اصول دائره سنده تحلیل ایلوردی .

قانتك دهاسی آرتق یاواش یاواش آکلاشیامغه باشلانمشدی . شهرتی تدریجاً انتشار ایدیوردی . ۱۹۷۰ ده کنج فحظه پک هیجانلی بر مکتوبله اثرینک برنی قانت کوندیریورده ، شیللر قانتك بدیعیات حقنده کی نظریه سنی مطالعه و گوته به توصیه ایلورده ، ینه بو صیرالرده ریختر فیلسوف حقنده نسوزلری سویلیوردی : « قانت عالم ایچون ساده بر نور ، برضیا پارچه سی دکل ، جهانی تنویر ایدن بر عالم شمسدر » . قانتك نظریاتی هولاندا ده ، انکلترده تفسیر ایدیلیوردی . ۱۷۹۵ ده فرانسه ده (صلح مؤید) حقنده پروژه سی ترجمه اولوندی (۳) . قانت بوتون حیاتی شرقی پروسیه ده کچیردی . آنجق دیگر مملکتلرده کچن سیاسی واجتماعی وقایع ده تعقیب ایلایوردی . سیاحتناملر او قومقدن ، جغرافیای طبیعی تدریسندن چوق خوشلانیردی . علوم طبیعیه نك ترقیاتی یاقیندن تعقیب ایلر و وقایع سیاسی ابله علاقه دار اولوردی . آمریکا استقلاللی ، فرانسه انقلاب کیری فیلسوفی او قدر هیجانه کیرمشدی که همشیریلری . هتادی اولان کزنتی ساعتی و هر زمان کزندیکی سمتی بیله فرانسه ده جریان ایدن وقایعدن خبردار اولمق اورده تبدیل ایتدیکنی کوردیلر . بو انقلابلری بشریتك معناً تکامل ایتمکده اولمسه بر اسارت عد ایلوردی . فرانسه اختلالی قانلی بر شکل آلدینی وقت بیله بو قناعتدن صرف نظر ایتدی . حکومت مطلقه نك سقوطی جمعیات بشریه نك اساسات عقابه دائر سنده تنظیمه دوغرو آتیامش بر خطوه تاریخی عد ایدیوردی . عمرینک نهایته قدر عدالت ، نظریاتك قیمت عملیه سینه ، حقوقک مبدأ اعمال اولدیغه ، مللر آر سنده مؤید صاحبك سیاستده تقرر ایده جك برغایه بولوندیغه ایمان ایتدی . آورو یاده جریان ایدن اختلاللری بو قناعتی تأیید ایدر ماهیتمده کورپیوردی .

(۱) کتابیاده (۲۸) نوسرو ابله کوستریان اثر

(۲) . . . (۲۹)

(۳) فیلسوف ۱۷۸۶ ده برلین آقاده میسنه ، ۱۷۹۴ ده بترسبورخ ، ۱۷۹۸ ده ویانه آقاده میلرینه اعضا انتخاب اولوندی . وفاتندن بر بارجه اول فرانسه استینوسنه مخبر اعضا اولاراق انتخابی موضوع بحث اولمشدی .

عصرنده جریان ایدن سیاسی انقلابلرک روخنده توليد ایلدیکی هیجان سکون و انتظامه قارشى اولان مربوطیتى اخلاص ایتهمشدى . ذاتاً ک مهم آتاری ایکنجی فره دریق زماننده انتشاره باشلادی . او زمان نشریاتی هیچ برتضیقه معروض دکلدی . واقعا قرال انکشافه باشلایان نه آلمان ادبیاتندن ، نه فلسفه سندن بر ذوق آلیوردی . اولجه وولفک فلسفه سیله علاقه دار اولمشای . فقط صوکره لری اونى جذب ایدن فرانسز ادبیاتی ، « وولتهر » ، « بهیل » ک فلسفه سیدی . فقط ناظر زه دللیچ (Zedlitz) قانتله علاقه دار اولویور ، کونیفسبرغ دارالفنوننده کی تدریساتنک نوظلرنی کتیرتیپور ، او قویور ایدی . قانت (عقل محضک انتقادى) نى زه دللیجه اتحاف ایلشدى . فیلسوف بویوک فره دریق کی سربستی افکاره حرمتکار بر حکمدارک زماننده یاشاماسنى بر نعمت عد ایلور ، عصرینى ایستدیکی درجه ده منور کورمه مکله برابر هیچ اولمازسه تنوره دوشرو کوندن کونه ترقی ایلکده اولدیغنه قناعت ایللیوردی [۱] .

فقط عمرینک نهایته قدر عینى سربستی به مظهر اوله مادی . ک زیاده احترامه لایق اولان دور حیاتنده تضیقه معروض قالدی . بویوک فره دریق وفات ایتدکدن صوکره فره دریق کلیوم تحته چیقمشدى . عاجز و اخلاقاً ضعیف اولان بو حکمدار فرانسده جریان ایدن اختلالردن سبتون قوشقولا نمش ، ناشنه طوبلادینى محدود بینلی رهبانله ، تشدید ایتدیکی سانسور ایله حریت فیکره بى تضیق ایتمکه باشلامشدى . زه دللیچ سقوط ایتمش ، اولنک رینه وولتهر « Völner » اسمنده محدود دوشونجه لى ، متعصب بر آدام موقع اقتداره کتیریلشدى . فیاض آرتق حکومت آداملری طرفندن حسن نظرله کوروله مکله باشلادی و قابل اولدینى قدر نشریاتی منع ایدمک ایستدی . فقط سببده بولونامیوردی : قانت (۱۷۹۲) ده برلینک آیلق مجموعه سنده « Bellrinermonatschrift » عالمده موجود شره ، قناله دائر بر مقاله یازدی . بو مقاله بالا آخره نشر ایتدیکی « عقلک حدودى داخلنده دین » [۲] اسمنده کی اثرینک ترکیب ایتدیکی درت مقاله دن برى ایدی . اینی وفنا مبدلر آراسنده کی تعارضه دائر ایکنجی مقاله نك انتشارینه سانسور ممانعت ایتدی . او وقت فیلسوف درت مقاله دن مرکب اولان بو اثرینى نشر ایتمک ایستدی . قانت بو کتابنده خرسیتیانلنک نصوصی اخلاق غایه لرینک تاریخاً تحقیق اولدیغنه اهمیته اشارت

[۱] کتابیائنده (۳۴) نومرو ایله کوسترلین اثر .

[۲] (۵۵)

ایدیور، مع مافیه بعض کلیسا والہیات اربانک تلقلیرنی قبول ایلوردی . قانت اثرینک سانسورہ تابع اولسی لازم کلوب کلیہ جکنی کونیفسبرغ دارالفنون الہیات شعبہ سندن صوردی . منفی جواب آلتجه دارالفنون فلسفہ شعبہ سندن طبع ایچون مساعده آلدی و کتاب انتشار ایتدی . اوقدر قاری بولدی کہ برسنہ صوکرہ ایکنجی طبعی لازم کلدی . او وقت حکومت تلاش ایلدی . وولنہرک تشویقلہ قانتہ برارادہ تبلیع اولوندی . اوندہ بو اثرک شوکتماآب نزدندہ عدم ممنونیتلہ قارشیلاندینی ، اگر بو بولده دوام و اصرار ایدرسہ « ناخوش تدابیر » اتخاذینہ مجبوریت حاصل اولاجنی یازیلی ایدی . عینی زماندہ دارالفنونلردہ قانت فلسفہ سنک تدریسی منع اولنیوردی .

یتمش یاسنہ کلش اختیار فیلسوفی بوضورتلہ تہدیداتیمک بک نالایق ، بک کوتو برمعاملہ ایدی . باخصوص قانت کتابندہ خرسقیانلقدن ، اونک نایسی اولان حضرت عیساندن تماماً حرمتلہ بحث ایتمش ، خرسقیانلغک فطرت انسانیه وعقللہ مناسبیتی تعمیق ایشدی . فیلسوفک بو مکتوب اوررینہ نہ دوشوندیکنی او زمان یازدینی بر نوطدن آکلایوروز . اورادہ دییورک : « بو تہدید اوزرینہ فکری کیری آلمق بر عادیلکدر . فقط بویلہ بروضیت قارشیسندن تبعہنک سکونی اختیار ایلسی وظیفہ سیدر . انسانک ہر سوبلدیکی حقیقت اولمیدر . فقط ہر حقیقتک عمومہ قارشی علناً سوبلنسی مجبوری دکدر . » فیلسوف ایشتہ بویلہ دوستوننیوردی . یازدینی جوابدہ ہیچ بر جرم ارتکاب ایتدیکنی ومع مافیه شوکتماآبک صادق برتبعہسی اولمقدہ دوام ایتدجہ آرتیق فلسفہ دینیہ دائر ہیچ بر اثر یازمہ حغنی وعدہ ایلوردی . بومکتولہ فیلسوفک تہمد ایلدیکنی سکوت حکمدارک حیاتی مدتنہ مقصور ایدی . قانت حوائی اومتصدلہ یازمشدی . قرال کندن اول وفات ایدرسہ آرتین فلسفہ دینیہ حقندہ یازی یازمامسی ، تدریساتندہ بولونمامسی حقندہ کی وعدینک حکمی قالمہ جقدی . فی الحقیقہ برقاج سنہ صوکرہ ایکنجی کلوم وفات ایتدی . خانی حریتہ دھا رعایتیکاردی . قانت بوتک اوزرینہ فلسفہ دینیہ حقندہ کی نشر یاتنہ دوام ایتدی . « فاکولتہ لر آراسندہ اختلاف » [۱] انتشار ایلدی . مقدمہ سندہ قانت وولنہرہ یازدینی مکتوبی نشر ایلش و حکومتلہ آراسندہ کی بو نزعی حکایہ ایتمشدی . قانتہ قارشی یاپیلان معاملہ محدود بینلی ، سربستی ، تفکر دسمنی انسانلرک حریت فکریہی تضییق ایچون توسل ایلدکلری تدبیرلردن بریدی . تاریخ بو نوع تضییقلرک انواعنی بزہ کوسستریر .

[۱] کتابیاتندہ ۷۰ نومرو ایلہ کوستریان اثر .

غالبه « ارض شمس اطرافنده منجر کدر » دیدیکی زمان قیامت قوبار انلر ، بو بویوک کاشف حقنده شنیع تضییقلا ترتیب ایدنلر هب فکر بشری توقیف هدفنی تعقیب ایدیورلردی . حالبوکه بوتدیرلر بیپوده در . فکر اوقدر سیالدرکه نه قدر تضییق ایدلسه دور دور یلاماز .

حکومت طرفندن یاسیلان بوتضییق قارشیسنده قانتک حرکتی پک ضعیف کورنلر ، حتی فیلسوفک بویوکلسکی ایچون نقیصه عد ایدنلر وار . بر متفکرک عادی بر مأمور کبی حکومتک تویخی اوزرینه اختیار سکوت ایتمکی وظیفه عد ایلمی ، قلباً حس عثمان دویمامی سهه سزکه بر نمونه حرکت عد اولوناماز . یالکیز قانتک نو یولی اختیار ایلمی فیلسوفک مزاجنی ، سجه سنی کوستر بر الک انی بر مثالدر . قانت ووتهر ، له سینغ کبی مباحثیه ، معارضلرینه هجومه ساعد بر سجه صاحب دکلدی . استظامی ، سکون و سکوت ایچنده چالیشمغی استهداف ایدن بر فیلسوفدی . بویله بر محیط ایچنده قانت مثالسز بر مبدعدر .

(۱۷۹۰) دن سوکرا آرتیق قدرت ذهنیه سی ضعیفله مکه باشلادی . بو تاریخدن سوکرا سنی ایلرله دجه ذهنتک ترکیب قدرتی آرالیوردی . (۱۷۹۶) ده درس لرینه نهایت ویردی . قدرت فکریه سنک آزالدیغنی حس ایتمکله برابرینه چالیشمقدن فارغ اولیوردی . « علوم طبعیه نیک استناد ایلدیکی مبادی مابعد الطبیعه دن فیزیکه انتقاد » عنوانیله بر اثر یازمغه چالیشیور و بونکله فلسفه ده مهم برقصانی تاممالایاجغه قانع بولونیور ایدی . فقط بو اثری یازامادی ، تاممالایامادی . کندیس بومله نائل اولامایاجغنی آکلامش ایدی . (۱۷۹۸) ده یازدیغی بر مکتوبده « بیپوده جهد ! » دیور . یاواش یاواش معنویاتی بوزولویور ، حافظه سنی غائب ایلویوردی . تماماً نشئه سی قاجش دی . وقتک مهم بر قسمنی صحتی قورومق ایچون تدایرله کیریوردی . صوک زمانلرنده یالکیز چوجوقلفنده ازبرله دیکی شرقیلری ، کله لری خاطر لایبور دی . اوقدر تمام ایتمک ایسته دیکی اثرندن آنجق بر قاج پارچه یازایلیدی . اوده اسکی اثرلرندن آلتش برچوق تکرارلردن عبارتدر . پک آزیرنده قدرت داهیانه سنک یکی بر ایزی سچله بیلویوردی . اوزون بر حالت احتضاردن ، دوامی بر اضطرار بدن سوکرا ۱۲ سباط ۱۸۰۴ ده وفات ایتدی . اولورکن « خیرلیسی بودر : Das ist gut » سوزلرینی سویله بیلیدی .

قانت کونیغسبرغ دارالفنون بویوک بر جنازه مراسمی یایدی . وفاتی شهر ایچون ملی ماتم عد

اولوندی. فیلسوفک نمشی شهرک شمال جهنده کی کلیسانک کمری آلتنه دفن ایدلدی. او وقتدن بری بوکر قانتک عنوانی طاشیر. مزارینک اوستنه فیلسوفک «عقل عملینک انتقادی» (۱) نامنده کی شاه اثرندن آیینمش شو جمله یازیلدر: «سپاه مکوکب (عالم) بنم فوقده، قانون اخلاقی ایسه بنده در». بوجله بویوک فیلسوفک اوقدر شمیر، اوقدر فیاض اولان حیاتنده بوتون روحنی، بوتون قلبنی استیلا ایدن ایکی موضوعه اشارت ایلر: کائنات ماده نیک قوانین میخانیکیه سی، اراده اخلاقیه نیک قانون مختاری. کوره حکمز که قانت هپ بویاکی موضوعی متین اساسلره استاد ایتدیرمک ایچون چالیشدی. بر طرفدن علمی، دیگر طرفدن قانون اخلاقی بی لایترزل اساسلره استاد ایتدیرمک اوغراشدی.

وقانتندن سوکرا بر جوق هیکلکی یاییلدی. بونلر ایچنده (راوح Rauh) ک یابدینی کونیفسبرغده کی هیکل الک مشهوریدر.

۳

فیلسوفک بحث ایتدیکمز ترجمه حیاتی آز جوق مزاج و سجیه سی کوستریر. فکر آ نه قدر انقلاب یایمق ایسته مش ایسه حساده اوقدر انتظام و سکون عاشقی ایدی. مزاجی جداله، مناقشه به مساعد دکلدی. روحی تفکر ایچون یارادلمشدی. اراده ده کی قدرنی یالکمز درین دوشونجولرنده تظاهر ایدر. بک قیصه بویلی، دوز کوکسلی، صاغ الی مفصلی بر پارچه جیق ایدی. سختی دائماً مختل ایدی. هان هر زمان ضیق صدردن اضطراب چکردی. اوزون سنه لر محرر، مدرس اولارق اوقدر مساعیده بولونایلمسی بالخاصه سخت فرطاعتنا ایلمسه، حیاتی تنظیم ایتمسه مدیوندر. موسم نه اولورسه اولسون ساعت بشده قالفار، دارالفنونده کی درس ساعته - یعنی یازین یدی به، قیشین سکره قدر - چالیشیردی. دارالفنونده رسمی برایش ایچون قالدینی زمان اون ایله بر آراسنده تکرار چالیشمغه باشلاردی. ساعت برده به مکّه اوطورور، ایکی، اوچ ساعت قالدیدی. سوکرا هر کون بر ساعت. قدر کزینیردی؛ همین ساعته کزینمکی هیچ بر اقامشدی. بشده اوداسنه عودت ایدر ایتمز هان سیه باشلار، اونه قدر دوام ایدردی. به دیککی به مککک قیمت غذائیهرتی، کیدیکی البسه لک قالدینی درجه سی، کز مکده قالدینی مدتی، اویقو زمانی منتظماً حساب ایلردی. چالیشمغه دالدینی زمان بر پارچه حرکت کندی

[۱] کتابیاده (۲۸) نومرو ایله کوسترین اثر.

مجبور ایتک ایچون مندیلی یازی ماصه‌سندن اوزاقده بولونان اسکمله‌نک اوزرینه قویق معتادیدی . کندیسنی ینه کندینک طیب معنویسی عد ایدردی . دقتنی باشقه یره توجه ایدرک بر چوق عضوی الملری ازاله ایدمبیله‌جکنه قانعدی . اراده‌نک ، دقتک اعضاضن اوزرینه‌ده مؤثر اولابیله‌جکنه قائل بولوندی . ایچون بو یولده تداوی معنوی به چوق اهمیت عطف ایدردی . دییه‌بیلیرکه فیلسوفک بوتون عمری بالذات اراده‌سینک ، هنرنک محصولی اولدی .

قانت هیچ اولمادی ، بکارلقدن ، یالکزلقدن سکایت‌ده ایتمه‌مشدرد . ذاتاً تأهلی قادینله ارککک لایقيله ادراک ایدیلن منافعی آراسنده‌کی معقول توافقه استناد ایتدیریور ، عشق و خیالک تأثیرینی هیچ حسابا قاتموردی . برادرلریله ، حتی همشیره‌لریله‌ده پک صیقی مناسبتده بولونمازدی . فقط یالکز کندیسنی دوسونن تیتیز ، خودکام بر آدام‌ده دکلدی . دینه‌بیلیرکه صمیمی دوستلری افراد عائله‌سی یرینه قائم اولمشدی . واقعا مساحی زمانلرنده یالکز قالمی ، باشقه‌لری طرفندن اشغال ایدلمه‌مسنی شدتله ارزو ایدردی . آلتش یاشنه دوغری اوراق برأو صاحبی اولدی . زمان زمان اوندسکیز ، اون مسافرطوبلانیر ، فقط چوق غلبه‌لقدن خوشلانمازدی . فیلسوفک صمیمی دوستلری دارالفنونده مسلکداشی (قراوس Kraus) مستثنا اولق اوزره عالم کیمسه‌لر دکلدی ؛ تاجر ، کتابچی ، مأمور کبی ایش صاحبی ناموسلی همشیریلیدی . قانت بونلرله برار بولوندی . زمانلرده همان فلسفه مسئله‌لرندن هیچ بحث ایتمز ، سیاحتدن ، ادبیاندن ، سائر ایشلردن قونوشوردی . فیلسوف فلسفه خارجنده‌ده هر شینه علاقه‌دار اولور ، هر شینی اوقور ، ایشیتدکریخی ، اوقودقلرینی همان حفظ ایدردی . حافظه‌سی ده‌نشئه‌سی کبی بیتمز ، نوکتمزدی . دیندن ، سیاستندن بحث ایلر ، فقط بونلردن حرمتله ، احتیاطله قونوشوردی . کلیسایه مداوم دکلدی . یالکز دینه حرمت ایدردی . هیچ سه‌یوق که شکل حکومتده دموقراسی‌نی ترجیح ایدیوردی . فرانسه و آمریقا انقلابندن دودیدینی هیجان بونک الک مهم ساهدیدر . بو ایکی انقلابی یوفاربده‌ده سوبلیدی کمز کبی دموقراسینک غلبه‌سینه دوغری عظیم برخطوه عد ایلوردی . ایشته قانتک معاصر لرندن منقول اولان اوصاف معنویسی ... منده‌له‌سسونه یازدینی بر مکتوبده کندیسنی سو بر قاچ کله ایله نه کوزل آکلاتیور : « اوقدر چوق شی دوشونویورم که ... بونلرک هپسینی سولک جساتنی کندمده بولامیورم . فقط دوشونم‌دیکم

بر شیئی قطعاً سربلیم ه . فی الحقیقه حقیقتک عاشقی اولدینی قدر بر نوع چکنکن ، قورقادی . ده قارت ، لاینبیج ، کوته کبی بر چوق یزلری دولاشادی ، اکابر ایله الفت و مناسبت تأسیس ایلدی ، ایلک ایسته مدی . مزاجی حرکت و فعالیتیه مساعد دکلدی . هر زمان یاشادیعی محیطدن ایرلقدن ، بوصورتله سلسله تفکراتنک مختل اولمامسندن عادتاً قورقاردی . مخبراتی بیله محدوددر . چوق کیمسه ایله مخبرده بولونمازدی . مکتوب یازمق اونک ایچون عادتاً زحمتی رایشدی . بونوع فعالیت خصوصنده او قدر قورقاق اولان قانت تحریات و تفکرات فلسفیه ساحه سنده امثالیز براراده صاحبی ایدی . استهاره ، شرفلی موقعلره هیچ کوز دیکمدی ، حظوظات پيشنده هیچ قوشمادی . دائماً اینانديغنی یازدی . بر مسئله حقنده تماماً مطمئن اوله بیلیمک ایچون چوق دوسونوردی . فلسفه انتقادک اساسنی بولدقدن صوگرا ایجه تدقیق و تطبیق ایلک ایچون اون سنه اوفکره دائر بر تک جمله یازمق سزین سکوت ایتدی ، بو مدت ظرفنده هب او بحث اوزرینه دوسوندی . بولدیعی فکری بوقدر تدقیق ایدن ، اونک اوزرنده بوقدر دوشونن پک آز فیلسوف واردر . حیات خارجیه سی همان هیچ بر وقعه نی احتوا ایتمین بو بویونک آدامک فعالیت ناظیه سی امثالیزدر . فلسفه دینه یه دائر نشریاتی دولایسیله یوقاریده حکایه ایتدیکمز متعصیانه تجاوز قارشیسنده حس ایتدیکی ضعف اگر ر قصور اخلاقی عد اولونمازه فیلسوفک عمری تماماً تمیز و پروفسزددر .

ایکنجی قسم قانتک انتقادده اولکی آناری

۱

قانت پک کنج یاشنده یازمعه باشلادی. ایلك اثرینی ۱۷۴۷ ده دها یکریمی اوچ یاشنده ایکن یازمشدر. فقط اصل مسلك فلسفیسنی، مسلك انتقادک اساسنی (۱۷۷۰) ده « محسوسات و معقولات عالمک صور و مبادیسی »، (۱) عنوانی آلتنده لایذجه نشر ایستدیکی برانرده وضع ایلمشدی. بوايکی تاریخ آراسنده یکریمی اوچ سنه لک بردور وار. قانت بوزمان ظرفنده برخیلی اثر یازدی. بواثر لرینک بر قسمنده علوم ایچون خطوه ترقی عدايدیه جک مهم فکر و نظریه لر وار. اونک ایچون قانتک بو کنجک مساعیسی علم تاریخی ایچون حائز اهمیتدر. فقط فلسفه سی نقطه نظرندن بو دور ساده جه انکشاف معنویسی آکلامق ایچون مهم اولایلیر. قانت مسلك انتقادى تأسیس ایدنجه به قدر ناصیل دوشوندی، نره لرده، ناصیل تردد ایستدی؟ بوجه تترك تنوری فلسفه سنی آکلا یا بساء کلک کمزه، قاتی طایفه غمزه یارديم ایدر. ايشته بز فیلسوفک بویکریمی اوچ سنه ظرفنده کی اثر لرینی صرف بو نقطه نظرندن خلاصه تدقیق ایده جکیز.

قانت ایلك اول فلسفه طبیعی اوزرینه دوشوندی، اک صوگ یازمق ایستدیکی اثرده ینه عینی بحثه عاندر. واقعا ایلك اثر لريله صوگرا یازمق ایسته دیکی اثر آراسنده اصول اعتباريله فرق عظیم واردر. آنجق هر ایکسینده ده استهداف ایلدیکی غایه بردر: فیزیکیک مبادیسنک مابعد الطبیعی اساسلری اوزرنده دوشونمک. دها یکریمی اوچ یاشنده « زنده قوتلرک دوغری اولارق تقدیری حقنده افکار » (۲) عنوانی یازدینی ایلك اثرنده قوه محرکه نك تقدیرینه دائر فکرینی سویلیور. بواثرده شایان دوت اولان نقطه فیلسوفک دها پک کنج یاشنده سربستی، تفکرلر زومی حقنده بسلدیکی اعتقاددر. اثرک بریرنده مالاً دیورکه: « له الحمد تفکرات بشریه ماضینک ولایتندن قور تولدی... بوندن بویه اکر حقیقتک

[۱] کتاباتده (۲۶) نومرو ایله کوستریلن اثر.

[۲] کتابیات بحثنده (۲) نومرو ایله کوستریلن اثر.

کشفه انگل اولدینی کوروله جک اولورسه بر نیوتونک. بر لایبنیجک نفوذ علمیسی بيله هیچ عد اولونایایر. تحریات علمیته نك ذهن بشردن ماعدا سائق و مؤثری موجود اولاماز... بن اولاً یورومک ایسته دیکم یولی تعیین ایتدم، او یولده کیمکه باشلايه جغ. هیچ برشی نی بوتعقیب ایدم جکم یولدن آیقویایمه جقدره. بوسایان دقت سوزلر دهانوز کنج محرک ناصیل بر عزم ایله، ناصیل بر حریت تفکرله دوسونمکه باشلا دینی کوستریر. صوگرا بو اثر بویوک بر صلاحیتله قوه محرکه نك تقدیر قیمتی مسئله سنده لایبنیج طرفدارلری ایله ده قارت معقبرینک فکرلری خلاصه ایدیم و مؤلف ایکیدی اورتسی بر نظریه قبول ایلیور. قانتک بو کتایده سردا یلدیکی و فکرلر نیوتونک تأثیری آلتنده اولدینی کوستره جک ماهیته در. هنوز بویالک اثرلرنده بر حکمت، بر هندسه علمی کبی اداره کلام ایدیمور و فیزیکده نیوتونک نظریاته طرفدار اولویوردی. مثلاً اوزمان بعض حکمت علملری ده قارتک تأثیراته تابع اولارق حرارتی، ضیائی جسمک اجزای فردیه سنک بر نوع تصعدی عد ایلیورلردی. قانت نیوتونه تبعاً جسمک آتوملری آراسنده «الستیقی بر ماده» نك موجودیتی مدافعه ایلیور، جزء فردلرک بر لرینه تأثیر ایتسمه بوماده نك وساطت ایتدیکنی قبول ایدیوردی. کذلک حرارتی، صیائی ده اجزاء فردیه آره سنده کی بو وسط (Milieu) ک اهتزازی ایله ایضاح ایلیوردی.

فیلسوف فیزیکک مبادیسی حقنده کی ملاحظات فلسفیه یه اصل «مادی مونداعلمی» [۱] حقنده یازدینی آرده تماس ایلیور. بوراده فیزیکک مبادیسنک فلسفه یه هندسه اصولک تطبیقی سایه سنده تنویر ایدیله بيله حکمی ایلری یه سورویوردی. فی الحقیقه بو آرده قانت ریاضیه ده اولدینی کبی متعارفه لر دن، اثبات ایدلمش دعوالر دن حرکت ایدره ک استنتاجا نه [۱] کتایبایده (۷) نومرو ایله کوستریلر آره متده قیصه جه «مادی مونداعلمی» دییه جکز. قانتک اشکشاف ایتدیکی بودوره ده قارت و معقبرینک ماده یی (حیز) دن عبارت عدایدن بوتون حادثاتی حرکتله ایتخاج ایلین نظریه یی طرفدارلریله لایبنیجک بوتون موجودتک اساسی (قوت) دن عبارت عدایدن فلسفه سنی قبول سنده نلر آره سنده مادی ماهشه دوام الیمکه ایدی. قانت الیمک اثرلرنده نیوتونک فیزیکده قبول ایتدیکی فرضیه لر، کشف ایتدیکی حقیقتلر دائره سنده بو ایک فکرکی تألیفه چالیشیوردی. ده الیمک اثرلرنده ده رتک ماده حقنده کی نظریه سنی قبول ایتبور. لایبنیجک قوت حقنده کی تنقیدنی ده نیوتونک. (جاذبه و مدافعه) قانون عمومییی دائره سنده تفسیر و ایضاح الیمک ایتسیوردی. قوه محرکه نك تقدیری مسئله سنده عینی طریق اختیار ایتدیکی کبی هندسه ده کی مکان مفهومیه فیزیکده کی قوت تلفیسی تألیف ایچون دخی عینی یولی تعقیب ایدیوردی. ده قارت فلسفه سی ایچون دارالفنونه کی تاریخ فلسفه نوظلرینه مراجعت...

بولونويور . مثلاً جوهر بسيط (Substance simple) ی تعریف ایده‌وکی بر موند
نظریه‌سني اورته‌یه قویق ایستیوردی . بواندره باطرحه سومسئله‌ی حل ایتمک چالیشدی :
هندسه مکانی نامتاهی قابل تقسیم عد ایدر . حالبوکه لاینیجک ماده‌نک اساسی اولق
اوزره قبول ایندیکی موند [۱] ، یعنی قوه بسیطه غیرقابل انقسامدر . بوايکی فکری
ناصیل تألیف ایتمی ؟ بر طرفدن اشیای ماده‌ی غیرقابل انقسام موندلردن ، قوتلردن
عبارت فرض ایدیوروز . دیگر طرفدن اشیای ماده‌نک تجزی ایچون ایجاب ایدن مکانی
هندسه نامتاهی قابل انقسام فرض ایلدور . متناقض کی کورولن بوايکی قضیه ناصیل
تألیف اولونابیلیر ؟

قانت بومسئله‌ی شو صورتله حل ایدیور : مادام‌که موند قوتدر ، احوالده مکانک
هر طرفه ماده‌ی داغیلیمسزین قوه‌ی جاذبه‌سني انتشار ایتدیره‌بیلیر . بوتقدیرده موندک بساطتیه
خلل کلز و هندسی مکانک موجودیت ماده‌سني ده ایضاح ایدلش اولور . بناءً علیه‌ده قارت
ومقبلمری کی عالمده ساده‌جه قوه دافعه‌ی دکل ، عینی زمامده جاذبه قدرتی‌ده قبول ایتمک
لازم‌کلیر . دافعه اجسامده کی عدم حلول خاصه‌سني ایضاح ایدر . عدم حلول هر جسمک
دیگرینی دفع ایتمسندن باشقه بر شی دکلدر . فقط دافعه اجسامک بر برینی طوماسنک
ومکانک جزءلری آراسنده کی رابطه‌نک سببی آکلاناماز . بر جسمک بولوندیکی نقطه‌قوه
جاذبه‌سیله دافعه‌نک مساوی اولدینی یردر .

شو حالده هر جسم جذب و دفع قوتلرسنه معروضدر . بناءً علیه حرکت مطلقه ویا سکون
مطلق موجود دکلدر . تام بر عطالت هیچ بر جسمده یوقدر . ساکن کی کوردیکمز
اشیا حد ذاتنده پک یاواش حرکتده دیمکدر . لاینیج ده قارت فلسفه‌سني قارشنی اعتراض
ایده‌رکن بو بویوک فرانسه‌ی فیلسوفی اسپانک سکوندن حرکت ، حرکتدن سکونه ناصیل
کچدیکنی ایضاح ایده‌مه مشدر دیسوردی . قانتک بوتلقیسی آرتق بویه بر اعتراضده محل
ویرمزدی . چونکه بوايضاحاته کوره حرکت مطاقه کی سکون مطلق دخی یوق دیمکدی .
حرکت و سکون حقنده «یکی تلی» [۲] عنوانیله ۱۷۵۸ ده یازدیکی اثرده بواساسلری اورته‌یه
قویویوردی .

[۱] موند اصلاً آحاد معناسه کلن یونانجه برکله‌دن آینمشدر . لاینیج بوتون موجوداتک
اساسی ، جوهری عد ایندیکی بسیط قوتله بو اسمی ویرمشدی .
[۲] کتابانده (۱۴) نومرو ایله کوستریلن اثر .

قانت بو ایلک دورده یالکیز منفرد فیزیک مسائلی تدقیق ایتمکه فالما دی . منظومه شمسیه لک صورت تشکلی ایضاح ایدرک نیوتونک نظریه سنی آتامه جالیشدی . دها کنج یاشده نیوتونک منظومه شمسیه نك حرکاتی ایضاح ایدن نظریه سنی ناقص بولش ایدی . چونکه سیاراتک بو کونکی حرکاتی ایضاح ایدیور فقط صورت تشکلی قوانین طبیعیه دائره سنده تنویر ایده منجه دوغری بدن دوغری به قدرت الهیه عطف ایلوردی . ده قارت سیاراتک تشکلی حقنده دها جسورانه بر نظریه قومیشدی : بوفلسوفه کوره ایلک ماده ابتدایی حرکته کتیرمک ایچون برضریه کافی ایدی [۱] . آرتیق اوندن صوکره کواکب و سیارات میخانیکی بر صورتده تشکلی ایده بیلردی . یالکیز ده قارت ایلک ماده ابتدایه کثافتک موجودیتی قبول ایتهمش و بناء علیه حال ابتدائیک کواکب و سیاراتی ناصیل حصوله کتیره بیله جکشی مهم بیراقشدی .

قانت نیوتونک دوغری نظریه سنی نتیجه طبیعی سنه قدر سوق ایتک ، دیگر جهتمن ده قارتک مهم بر اقدینی ، یالکیش کوردیکی جهت لری آتام ایلک ایستوردی . بو امله (هویغه نس) ، (هاله ی) ، (دورهام) کی بویوک ریاصه و هیئت عالم لری کابلیری اوقودی و ۱۷۵۳ ده اوتوز یاسنده ایکن « تاریخ عمومی طبعی و نظریه افلاک » [۲] اسنده کی اثرینی یازدی . قانت بونده منظومه شمسیه نك صورت تشکلی حقنده « سحاب مضی » فرضیه سنی اورتیه قوبوبوردی . آنجق یارم عصر صوکره درکه مشهور فرانسز عالمی (لابلاس) عینی اساسندن حرکت ایدرک قانتک فرضیه سنی آتام و توضیح ایلیه بیلدی . فیلسوف بوائرله نیوتونی هانکی نقطه ده تامملا دی ؟ نیوتون منظومه شمسیه لک تشکلیدن اول خلاده اجرامده کورولن اندفاع قوتنک ناصیل وجوده کلدیکنی ایضاح ایده ممش و بونی قدرت الهیه نك بر تجلیسی عد ایلشدی . فی الحقیقه اجرام سماویه ده ایلک اندفاع قوتی ناصیل حاصل اولدی ؟ ناصیل حرکت دوریه لر وجوده کلدی ؟ ایسته قانت بو مسئله اوزرنده دوشوندی ، اونی سو صورتله حل ایتدی : اگر مکانی خالی عد ایتز ، منظومه شمسیه لک تشکلیدن اول غیرمشکل (Inorganisé) ، سیال ، عینی زمانده مختلف کثافتده بر ماده ابده ایه نك وجودینی قبول ایدرسه ک نیوتونک مشکل بولدینی جهتی ایضاح ایده بیلیرز . فی الحقیقه

[۱] ده قارت بر نظریه سنی (Traité du monde) اسمیله شرایتک ایسته دیکي کتابده سرد ایلوردی . فقط عالیله ارض حقنده کی قناعت علمی سنی یوزندن محکوم ایدلیدیکنی ایشینجه قورقدی و بو کتابی نشر ایتکدن صرف نظر ایلدی . [دارالفنون تاریخ فلسفه نوظلری] [۲] کتابیاده کی (۴) نومرو ایله کوستریلن اثر .

سیاراتک ابلک منشأندہ عالمی قانوس Chaos (۱) دن عبارت فرض ایدہ لم و بو قانوس. ارادۃ النہیہ ایله جاذبہ ودافعہ قوتہ معروض اولسون. بو غیرمشکل مادہ نیک ال کشف اولانلری دیگر سیال و خفیف قسمک نوملرینی تشکیل ایدر. بو نوملر آراسندہ جذب و دفع قوتلرندن برینک غالب اولماسنہ کور. مختلف حرکتلر وجودہ کلیر. دہا کشف، کتلہ سی دہا بویوک اولانلر نسبتاً دہا آز کشف اولانلری کندینہ دوعری جذب ایدر. آنجق بو خفیف کتلہلر کشف اولانلرینک اوزرینہ دوسمز. دافعہ قوتی ثقلنک اجرای حکم ایتمسہ مانع اولور. فقط برحرکت دوریہ ایله یاواش یاواش مرکزہ تقرب ایدر. ایشتہ شمس بو صورتلہ تشکل ایتمشد. شمسک خراتی اجزاسنک دائمی دلیکندن حصولہ کلکدہ و بونک تأثیریلہ کتلہ شمس دہ انبساط ایلمکدہ در. دیگر بعض نوملردہ جذب و دفع قوتی حال توازنده بولونور. اووقت بونلر آرتیق مرکزہ دوعری یاقلاشماز، بویوک نوه اطرافدہ الی نہایہ دوزلر. بو قسم سیاراتی تشکیل ایدر. عینی قانون سیاراتک مدارلرینک قطع ناقص شکندہ اولماسی کیفیتنی، بیکلرک صورت تشکلنی ایضاح ایتدیکی کبی سیاراتک کثافتنک شمسدن درجہ بعدینہ کورہ آلاماسی سببیدہ کوستری. کواکب ثابته حد ذاتندہ برر شمسدن باستقہ برشی دکلدر. اونلرک تشکلیدہ عینی قانونہ تابعدر... الخ.

ایشتہ قانتک تشکل افلاک فرضیه سی.... بوفرضیہ کورہ آرتیق کواکب واجرامک بر تاریخی وار دیمکدر. یعنی منظومۂ شمسہ بدایۂ شیمدیکی حالده دکلدی. برقائوسدن چیقدی. بو حالیدہ ابدی عد اولوناماز. اجرام سماویہ دہ کی اندفاع قدرتی یاواش یاواش آزالاجق، بلکہ برکون سیارات کونش ایچندہ قاینشاجقدر. فقط صوکر اوردہ تمرکز ایدن قدرت بلکہ یکی عالملر یاراداجق و بو حال دوام ایدوب کیدہ جکدر.

عواالمک بو صورتلہ مہادی تکنون حالندہ بولونماسی قانتک روحنی ہیجانہ کتیریور. دیورک: «تکنون برآنک اثری دکلدر... ہیچ برزمان تماملانش دہ فرض ایدیلہ من، تکنون عواالم باشلامشد. بر نقطہ دہ قالمیہ حق، مہادیاً طبیعتک یکی تشبثلرینی، یکی شیلری، یکی عالملری خلق ایتمکدہ دوام ایدوب دوراجقدر». علمی بویله متہاسز، تکنون ایچندہ کورن فیلسوف بو نامتہای تحولات قارشیمسندہ حیرت و خوفلہ قاریشیق بر حس دیوبور و آلمان شاعرلرینک ال بویوکی عد ایتدیکی هاله لک شویتنی ذکر ایلیور:

(۱) کواکبک تکنوندن اولکی حال ابتدائی.

Unendlichkeit! Wer misset dich {۱}

بوتون کائنات کی ارض کدہ تاریخی وارد. اوده یاشار، تبدیل شکل ایلر. ابتدائی تشکندہ کی مادہ غازی نك اوزرنده اولاً قشر پیدا اولدی و صوکر بو سطح صوغوبه وق حیاتک وجوده کلسی ایچون مساعد شرائط حصوله کلدی. حیاتک تولد ایتدیکی بو زمان ارضک عادتا سن رستد دوریدر. بوندن صوکر اوزرنده یاشادیغمز بو کتله احتمال که اختیالایه حق، بوکونکی شرائطی غائب ایلر جکدر.

ایشته قانت، بر طرفدن اجرام سماویه نك، دیگر طرفدن ارضک بویه تاریخی، بکیردیکی انقلابانی تدوین ایتک ایستیوردی. اوصیراده وجوده کلن لیزبون حرکت ارضی اونی بو حادنه طبیعی نك ماهیتی تدقیقه سوق ایلشدی. فیلسوف نظریه افلاک حقدده سرد ایتدیکی فکرلره صادق اولارق حرکت ارضی قشر ارضده کی درین بوشلقلر ایچنده موجود غازلرک انفلاقه حمل ایدیوردی.

۱۷۵۴-۱۷۵۳ سنه لری آراسنده علم ارضه و جغرافیایه دائرنشریاتنده هپ بونظریه لرک تجربی مؤیده لرینی آراددی.

قانتک بودورده کی جغرافیایه، بالخاصه جغرافیای طبیعی یه عائد تدریساتی ده شایان دقتدر. جغرافیایی نك واسع بر صورتده تلقی ایدن فیلسوف بو علمه عائد چوق درین، چوق حقیقی فکرلر اورته یه قویوبور.

کورولویورکه ایلک دورده قانت طبیعت ماده یی تدقیق و تعمیق ایلوردی. تماماً اشتراک ایتدیکی نیوتونک فیزیکده کی اساساتی دائره سنده مختلف واقعاتی تنویر و ایضاح ایلوردی. فقط اوتوزدرت یاشندن صوکر آرتیق فیزیکه دائر هیچ نشریاتنده بولونمادی. اوندن صوکر یاشادینی همان یاریم عصرده ماده علمنه عائد بر ایکی تنقیدی مقاله سی خارچنده بر شی یازمادی. حالبوکه مؤخرأ نشر ایدیلن نوظرلیله ثابت اولدینی وجهله یکی نظریات علمییه یی، سیاحینک مختلف یازیلرینی عمرینک صوکنه قدر تعقیب ایلوردی. علمک نتایجنه اولان اطمینانی ایسه هیچ بر زمان صارصیلمادی. ایلریده کوره جکرکه ذاتاً تأسیس ایتدیکی مسلك انتقاد بالخاصه علوم مثبتیه نك صحتی تأیید ایچون لازمدی. احوالده نه ایچون بو تاریخنن صوکر فیزیک اشتغالاتی براقدی؟ چونکه آرتیق بو تاریخنه یکی مهم بر مسئله قارشیننده قالمشدی. کورویوردی که: «حادثات طبیعی نك

{۱} نامتناهیت! سنی کیم تقدیر ایده بیلیر؟

منشأ ابتدائینی آزامق مابعدالطبیعه نك موضوعیدر « [۱] . آرتق بوندن صوكراتی تفكراتی اومنشأی ، الحاصل مابعدالطبیعی اساسلری آزامغه حصر ایلدی . فیزیکی تنویر ایچون مابعدالطبیعه مسائلی دوشوندی .

*
*
*

قانتك حیاندندن بحث ایتدیگمز زمان فیلسوفك ایلک اول نیوتونك فیزیکی و وولفك فلسفهسی تأیری آلتنده قالدیغنی سويلشذك [۲] . بو دورده فلسفه طبیعییه دأر نشراتی اثبات ایدرکه قانت دها كنچ یاشنده نیوتون فیزیكنی آتام ایلک ایسته مشدر . نته كیم ایلک مابعدالطبیعی اثرلرده لاینیج وولفی سربست اولارق تنقید ایلشدر . بو حالی کوستریورکه فیاسوف عمرینك هیچ بر دورنده بر اثره ، بر فیلسوفه تابع قالماش ، دارمعناسیله اونك معقی اولما مشدر .

مثلا « تاریخ طبیعی و نظریه افلاك » ده نیوتونی ناصیل ایلک ایسته یورسه همان عینی زمانده نشر ایتدیکی « مابعدالطبیعی معرفتمزك مبادئ اولاسی حقنده یکی بر ایضاح » [۳] دده لاینیج و وولف فلسفه سنی اویله آتام کورویوردی . بو اثرده بالخاصه لاینیج - وولف فلسفه سنده تصحیح ایتك ایسته دیکی جهت بو فیلسوفلرك قبول ایلدكلی « آهنگ ازلی » قاعده سیدی . لاینیج ، اوکا اتباعاً وولف بوتون موجوداتی یکدیگریه قطعاً مؤثر اولیان ، هر بری کندی خصوصی قانونه تابع اولارق متحول بولونان انقسام قبول ایتمز بسیط قوتلر ، تعمیر مخصوصیله موندلردن مرکب عد ایدیورلردی . هر موندلر آهنگ موجود ایدی . عیاری ایکی ساعتك ایشلمسی بر برلرینه ناصیل توافق ایلورسه موندلر آراسنده کی تحولاترده بوتوافق وارد . ساعتلرك عینی زمانی کوسترمسی ناصیل بر برلرینه تأثیر ایتمه سندن متولد دكل ، صنعتكارك ساعتلرك ماكنه سنی عینی طرزده یانما سندن ایلری کلیورسه موندلرك تحولاتنده کی توافقده بر قدرت خارجیه نك ، یعنی اللهك تقدیرندن منبعث اولویوردی . لاینیج بوتقدیر الهیه (آهنگ ازلی قانونی Loi d'har-monie préétablie) دیدی . حالبوکه نیوتون اسبانك بر بری اوزرینه جذب و دفع صورتیله

[۱] کتبیانده (۶) نومرو ایله کوستریلن اثرده .

[۲] صحیفه ۱۰

[۳] کتبیانده (۹) نومرو ایله کوستریلن اثر .

تأثیر ایتدیکنی کو ستره مشدر. ایکی معاصر بوبوک آدامک، یعنی نیوتون ایله لایبنیجک افکاری آراسنده بو نقطه ده تحالف موجود ابدی : بری مونادلرک بربری اوزرینه قطعاً تأثیر ایتیه جکنی و بوبوکا مقابل قدرت خالقنه مک اراده سی اثری اولارق انباده بر آهنگ تام موجود بولوندیغنی قبول ایلدور، دیکری ایسه طالمده کی حرکاتی و بناء علیه بر نوع آهنگی کتله لرک بر برینه تأثیر ایتیمی نتیجه سی عد ایدیوردی . قانت نیوتونک جاذبه و دافعه قدر تلب رینه مغایر بر طرز ایضاح اولان « آهنگ ازلی » اساسی رد ایتمه لزوم کوردی . بو احتیاج « لایبنیج - وولف » فاسفه سی قارشینده سربسته جه دوشونمه سی ایجاب ایدیوردی . فیلسوف بو اثرنده « آهنگ ازلی » فکریخی رد ایتک اوزره شویله بر تحلیل یاییور : « سبب موجب Raison déterminante » مبدأی وجوده ویا معرفتمزه تطبیق ایدلمسه کوره، ایکی مختلف شکل آلیر . انباده سبب موجب مقدمدر . مثلاً اثرک موجودیتی و ماهیتی سرعت ضیانک سبب مقدمدر و سبب وجودیدر . فقط سرعت ضیا حقه کی علمه بر مشتری پیکنک خسوفی نتیجه سیدر . بناء علیه ضیانک سرعتی حقه کی معرفتمزک سبب موجبی بو حده در . شو حلاله سبب وجود مقدم و خارج، سبب معرفت مؤخردر . حقیقی علم حاصل ایده بیلیمک ایچون اشیانک سبب مقدمی، یعنی سبب خارجینی بولمه مجبورز . بونک ایچوندرکه تحولات انشیانک سببی جوهرک ماهیتی تحلیل ایله بولاماز . چونکه اونحولک سبب حقیقی سی کنیدیسنده دکادر . جوهر ویا مونادک تحولاتی کندی ماهیتدن خارج و مقدم بر سببه عطف ایتمه مجبورز . بو صورته اشیانک آنجق بر برلینه تأثیر ایده رک تحول ایده جکنی قبول ایده بیلیرز . تحولات آره سنده کی آهنگ ده کتله لرک مقابل تأثیراتنده کی انتظامدن متولددر . بو انتظامک سبب وجودی ده مقدم و اشیادن خارج بولونماسی اقتضا ایدر . بو سبب خارج ده اللهدر .

مابعد الطبیعه ده دائریازدینی بوایلک اثرده شایان دقت نقطه سربسته جه لایبنیج فلسفه سنک اک مهم اساسی تنقید ایتیمی، سلف لرندن آیری بر استقامت آلمسیدر . کنج فیلسوف ده بوایلک اثر فلسفیه سیله هیچ بر کتابه باغلی قالمادیغنی و قالمیه جغنی کو ستره مشدر . فقط بوراده تعقیب ایلدیکی اصول آثار متأخره سنه تماماً مخالفدر . چونکه استاد ایتدیک مبدأک اساسی، یعنی سبب موجب آرامه مک منشائی تحرییه هیچ لزوم کورمه مشدر . بناء علیه نصی « دوغماتیک » عد ایتدیک ده قارت و معقلرینک ایزندن هنوز آیرلامشدر . بونک ایچوندرکه بو اثرینک فلسفه انتقادییه سی نقطه نظرندن بر قیمتی یوقدر .

« نیکی‌نیک فلسفه‌سنة دأثر بعض ملاحظه‌لر (۱) » عنوانیله یازدینی آورده‌ده عینی‌طرز تفکر حاکمدر. لیزبون حرکت ارضی اوزرینه (وولته‌ر) ایله (روسو) آراسنده عالمک ممکن اولان کالی حائر اولوب اولمادیغه دأثر شدتلی بر مناقشه باشلامشدی. وولته‌ر « آرتیق بوکچی فلاکت طبیعه‌لری ایجاب ایدن نقصان قارشیسندنه یاشادیغمز عالم ممکن اولان کالی حائر عد ایدیه‌مز » دییوردی. روسو بویه بر ادعائک مجرد تفکر نتیجه‌سی اولدیغنی، اگر طبیعه رجوع ایتکی بیلسه‌ک، کندیمزی احتیاسات طبیعه‌مز بهراقسه‌ق عالمی مظلم کوره‌جک حکملرده بولونیمه‌جیمزی ادعا ایدرک حیات مدنیه‌واونک مدافعی اولان فیلسوفلره هجوم ایدیوردی. قانت بو مباحثه‌یه قاریشمدی. صرف « الله » فکرینه واونک تضمن ایلدیکی صفاته استناداً عالمزک کالی ادعا ایلدی. بو ائردده بلا تنقید، یعنی منشائی آرامقیزین، قبول ایلدیکی « الله » فکرندن نتیجه به انتقال ایلپور و دعواسنی بویوله اثبات ایلپور. حالوکه قانت بالا خره بو نوع طرز تفکری رد ایدرک مسلک فلسفیسنی تأسیس ایلشدر. بناء علیه بو اوفق اثرینکده انتقاد فلسفه‌سیله علاقه‌سی یوق کییدر.

آنحجق قانت چوق زمان بو طریقه‌ده دوام ایتدی. بو اثرلرینک انتشارندن درت سنه صوکر ا قیصه قیصه فاصله‌لرله نشر ایلدیکی اثرلرله آرتیق اسکی عقلیه « راسیونالیست » فیلسوفلرینک اصولنه تماماً مخالف بر وضعیت آلدی. فلسفه‌سنی تجربی اساسه ابتدا ایتدیرمک ایستیزردی.

برکره « قیاسک درت شکلی آراسنده کوستریان ساخته دقیقه‌جولق » (۲) نامنده‌کی اوفق اثرنده آریستو منطقک متفکرلر ایچون بر نوع ادماندن باشقه قیمتی اولمادیغنی ایلری به سوردکن صوکر آثار متأخره‌سی ایچون اهمیتی اورن شو ایکی ملاحظه‌ینی چیقاریپور:

(۱) تصوراتی تحلیل ایدرک نتیجه چیقارمقدن عبارت اولان منطق صوری اعانه‌سیله بکی بر حقیقت بولاماز. (۲) (حس قدرتی Faculté intuitive) (تصدیق و حکم قدرتی Faculté de juger) ندن آیریدر. بناء علیه تصدیق‌لریمز، حکملریمز (حس و ادراک) قدرتنک نتیجه‌سی دکلدیر. تصدیق و درتی ایله تصورلریمز تفکرک موضوعی اتخاذ ایدرز. بناء علیه حس و ادراکدن تصدیق و حکم ایتک قدرتی استخراج ایدیه‌مز. بو ملاحظه‌لر (انتقاد عقل محض) ده فیلسوفک مدافعه ایلدیکی ایکی مهم اساسدره اوراده‌ده.

[۱] کتابتاده (۱۴) نومرو ایله کوستریلن اثر.

[۲] کتابتاده (۱۶) نومرو ایله کوستریلن اثر.

منطقی تحلیل علم حاصل اتمکده کی عجزنی اثبات ایلور و اشیا نك تصويرنه منجر اولان
حس قدرتیله (حکم و تصدیق) شکلده بحلی ایلین (مدرک Entendement) قوتی
آری آری فرض و بررلریه غیر قابل ارجاع کوروور . فیلسوفک بو اثرنده مدافعه
ایلدیکی بو ایکی ملاحظه ، فاسفه انتقادیه سیله علاقه دار اولدینی ایچون ، اونی قسم مخصوصنده
اوزون اوزادی به تدقیق ایده جکزر .

بو اثردن بر سنه سوکرا (فلسفهیه کیمات منفیه مفهومک ادخالی ایچون تشبث) (۱)
عنوانیله نشر ایلدیکی اثرله قانت لایبنیچ فلسفه سی استقامتندن آریق قطعی صورتده
آیرلمشدر . فی الحقیقه بو اثرده اولایعینت مبدأه « Principe d' identité » مستند اولان ،
یعنی موضوع ایله محمولی عینی مفهوم ، عینی تصور ایچنه کیره ییلن تصدیقات و قیاسات
ایله یکی بر حقیقت بولوبامیه حغنی برکزه ده ایشاح ایلدکن سوکرا سو ملاحظه لری
یورودویور : بز یالکزر علتی نتیجهیه ربط ایلک سایه نده یکی بر حقیقت کشف
ایده بیایرز . چونکه بو صورتله بر مفهومندن بستیون بشقه رمفهومه ، بر واقعه دن آری
بر واقعهیه انتقال ایلرر . علت ایله نتیجه بر برندن تماماً آیریدر . حتی نتیجه علتک قسماً و یا
تماماً اورته دن قالماسنی ناطقدر . شو حالده علت ایله نتیجه آراشمنده بر نوع تناقض ده
وار دیکدر : بری موجود اولونجه دیکری بولونیور . فقط ذهنی و منطقی تناقضله
حقیقی تناقض بر برندن تماماً آیریدر . منطقاً تناقض بر شیئک تماماً نفی ، یعنی موجود
اولماسیدر . حالبوکه عالم حقیقیده تناقض نفی مطلق افاده ایتمز . نته کیم ریاضیه ده منفی
کمیتر کمیته یوقلنی دیمک دیکدر . فرض ایدیکز که پورتکیزدن بره زیلیایه کیدن برکمی
اوله بر روز کاده معروض اولسون که کاه شرقه ، کاه غربیه کیتسین . بز کمینک شرقه
دوغری حرکتی مثبت ، یعنی اصل استقامتنه موافق ، غربیه دوغری حرکتی منفی
اولارق کوستردم . فرض ایده لم که کمی اولا شرقه دوغری ۱۹ میل ، غربیه دوغری ده
۸ میل ، تکرار شرقه دوغری کذلک سکز میل کیتمش اولسون . بو تقدیرده بونی
[۱۹ + ۸ - ۷] دییه کوستریز . بوراده منفی کمیت اولان (۸ -) ، (۸ +) ک
یوقلنی ، نفی مطلق دیمک اولمادینی آشکاردر . کذلک برانکرعینی زمانده هم آلا جقلی ،
هم بورجلی اولابیلیر . شو مثالر کوستریز که [متناقض اولان شیلر موجود اولماز]
دستور منطقیسنک غیر قابل تألیف واجتماع عد ایتدیکی ایکی مفهوم حقیقته بعمضاً بر آراده
(۱) کتابانده (۱۰) نومرو ایله کوستریلن اثر .

بولونا بیلیر . نته کیم « کیمات منفیه » کیمتک یوقلای دیمک دکلدر . فیلسوفلر دائماً بویله منفی مفهوملا قوللانیرلرکه حقیقتده بونلر نفی مطلق افاده ایتمز . مثلاً چرکیملک ، الم ، ردیلت بر نفی مطلق دکل ، کوزللیکک ، حفظک ، فضیلتک یوقلای دیمکدر . بناءً علیه المله بر منفی حظ « Plaisir négatif » دییه بیلیرز . شو شهرطله که ریاضیه عالملرینک (منفی کیمت) تعیرندن آکلادقلری طرزده بر معنی آکلایشیلین ، بسبتون یوقلق معناسی چیقارماسین . منفی حظدن بویله یوقلق آکلایشیلیرسه « عدم حساسیت » مفهومی حاصل اولور . هپ بومعناده اولارق فیزیکده دافعهیه منفی بر جاذبه ، اولومه منفی بر تولددیه بیلیرز . فیلسوف بو طرز تفکری ده ایلری به کونوره دک طبیعتده هر حقیقی مثبت کیمتک بر منفی کیمته تقابیل ایتدیکنی سوبیلور . اجرام سماویه نك متقابلاً جاذبه و دافعهیه معروض بولونمسی اثبات ایدر که بو عالمده هر مثبت کیمت و قوتک برده تقابیل منفی جهتی واردر . سواحاله کائنات مادهیه مثبت قوتلرک یکونی منفی قوتلرک یکونسه معادلدر . هرایکینسک مجموعی ایسه صفره مساوی دیمکدر . بو تقدیرده کائنات مادهیه نك بذاته هیچ بر قوتی یوقدر . چونکه مثبت و منفی قوتلردن متشکلدر که یکونی صفردر . بناءً علیه عالمک وارلنی ایچون کندی خارچنده بر ارادهیه ، بر اراده السیهیه احتیاج واردر . بوتخلیلده الهلک وجودینی استلزام ایدر .

فانتک بو ائرده کی فکرلری خیلی مناقشه ایدیه بیلیر؛ هله چیقاردینی نتیجه نك قیمتی ده یوقدر . آتجق مبدأ حرکتی اعتباریه اک مهم مسئلهیه تماس ایلشدرد . فیلسوف کوسترمک ایسته مشدر که منطق صورینک استناد ایتدیکی مبدأ عینیت و تناقض اشیا آراسنده کی سببیت وعلیت مناسبتی ایضاح ایده مز . بناءً علیه علیت عینیت هبدأنه ارجاع اولونا ماز . طبیعتی منحصر آتصوراتی تحلیل ایه آکلامش ، یعنی بر حقیقتی بولمش اولماز . بزه عالمی طائیدیران بر شیدن بسبتون آیری بر شیئی استخراج ایتمکلکمز ، ایکی مختلف واقعه یی سببیت مناسبتیه یکدیگرینه ربط ایتکلکمزدر . طبیعت حفته کی علومده بویله وجوده کلیر . روزکارک یاغموری حصوله کتیرمسی ، عالم حقیقینک الهلک وجودینی ایجاب ایلسی هیچ بر صورتله منطقی بر تحلیلله الله ایدیه مز . روزکار مفهومده یاغمور ، عالم حقیقی تصوری ایچنده « الله » مفهومی یوقدر . او حاله بویله یکدیگرندن آیری اولان بر شیدن دیگر برینه ناصل انتقال ایدیورز ؟ تعیر آخرله علت نتیجه دن تماماً آیری اولدینی حاله برینک واقع اولدینی قبول ایدنجه دیگرینک موجود اولاجینی ناصل تسلیم ایلورز ؟

ایشته قانت بومهم مسئله‌ی حل ایتمکسزین وضع ایدیور و مسائل فلسفیه‌نک منحصراً تحلیلات منطقیه ایله قابل ایضاح اوله‌میه جغنی آکلاتیوردی. سو حالده اسکی فیلسوفلر کی بعض نصورات بدیهه‌دن حرکت ایده‌رک بوتون موجوداتی احاطه ایلمکه امکان یوقدی . فقط بو اصول ریبه هانکی طریق اقامه ایتملیدی ؟ بالخاصه وضع ایلدیکی مسئله‌ی ناصل حل ایتملیدی ؟ قانت نسیمدیلک بو سؤاللره جواب ویرمیور ، ایلریده عینی مسئله‌یه عودت ایده‌جکنی سولیدیوردی . یالکیز بویله برطاقم مبادیدن حرکت ایده‌رک هر مسئله‌ی حل ایتمکرینه قائل و پک درین دوشوندکارینه قانع اولان فیلسوفلردن کندینک بر تورلو حل ایده‌مدیکی شوعلیت مبدأنه متعلق سؤاللره ناصل جواب ویره بیله‌جکلرینی تمهکانه سورویوردی .

فیلسوفک او صیراده اورتیه قویدینی بو مسئله‌ی یعنی (علیت) رابطه‌سنگ منشأ کیمیتی هیوم وضع و برصورتده حل ایلمسدی . عجا قانت هیومک طرز حلنه او زمان اشتراک ایدیورمیدی ؟ قانتی تدقیق ایدن مؤلفلرک بو خصوصده کی فکرلری ده مختلفدر . بو قسمک صوکنده فیلسوفک آنارینه استناداً او صیراده کی طرز تفکری حقنده حقیقه یاقین بولدیلم مطالعینی سوبیله‌جکم . یالکیز محقق اولان شوراسیدرکه بو انکلیز فیلسوفک اثری قانتی اسکی فیلسوفلر ، لاینسیج - وواف مسلکی اربابی کی دوشونمکدن قورتارمش ایدی . نته کیم یکریمی سنه صوکر ا هیومک کندی اوزرینه اولان بو تأثیرینی شوصورتله آکلاتیوردی : « آچیقجه اعتراف ایدرم : داوید هیومک اثری بنی نصی دوشونوش ایچنده او یویوب قالمقدن قورتاردی . فلسفه نظریه ساحه‌سنده کی تحریاتمه بسبتون بانشقه استقامت ویردیردی . »

قانت بو صیراده ترتیب ایلدیکی (وجود الیهک اثباتنده یکانه ممکن اساس) [۱] ده اوتهدن بری الیهادن اثبات واجبه دائر سرد ایدیلن دلائلک عدم کفایتی حقنده کی قناعتی ده اورتیه قویدی . وجود الیهی ده دلائل عقلیه ایله انتقال ایتمکده کی مشکلاتی آچیقجه سرد ایلدی . مع مافیه بودلائل ریبه قائم اولابیله‌جک یکی برطرز اثبات اورتیه قویغنه چالیشیوردی . فیلسوفه کوره اثبات واجبه دلیل وجودینک هیچ قیمتی اوله‌ماز ایدی . چونکه « الله » تصور ذهنینک محقق وجود خارجی بی استلزام ایله‌جکی ادعا [۱] کتایباده ۳۱ نومرو ایله کوسترپلن انرده .

اولوناماز . کونی و علت غائییه دلیملری دینیلن برهانلرده اثبات واجیه کافی اولاماز . چونکه بونلرده اساس اعتباریله دلیل وجودیه ارجاع ایدیه بیلیر [۱] . دلیل وجودیه استناد ابدنلر ذهنده موجود « کمال تصورندن » وجود حقیقییه ، یعنی ذات بارییه انتقال ایدیورلر . فیلسوفه کوره بوبرهانی عکسی اولارق استعمال ایتلیدر؛ تعیر آخرله آنجیق اشیانک وارانی مبدأندن « الله » تصویرینه انتقال ایدیه بیلیر . فی الحقیقه ذهن برچوق ممکنات اوزرینه دوشونور ، اولری قبول ایدر . ذهنک « ممکن » ی ، حادثه لری موضوع تفکر عد اتمسی بر وجود حقیقی و ضرورینک وارلغنه دلالت ایدر . زیرا هیچ وجود حقیقی بولونماسه موضوع تفکر اولاجق هیچ بر شی ، ممکنات وحداننده موجود اولماز . بناء علیه وجود حقیقی انکار اولونورسه ثابت موضوع تفکر قالماز . اونک ایچون بر وجود ضروری وارد ؛ اوده اللهدر . ذات بارییه بو صورتله استدلال ایتدکن صوگرا آرتیق اوکا لایق اولایسه جک صفاتی ده عطف ایدیه بیلیر . قانت بو دلیل ایله حقیقنده یکی بر دلیل ، حتی یکی بر طرز اثبات سرد ایتیموردی . دلیل وجودینک عدم کفایتی اوقدر قطعیتله سرد ایدن فیلسوف حقیقنده عینی ماهیتده دیکر بر برهان اورتیه قویوردی . چونکه سلفلری کی بر تصور ذهنیدن ، بر ضرورت منطقیه دن وجود حقیقییه انتقال ایلوردی . حالبوکه قانت (انتقاد عقل محض) ده بو نوع برهانلرک هیچ بر قسمتی اولمادیغی اثباته چالیشمیشدر . کورولویورکه بو دورده قانت بر طرفدن اسکی فیلسوفلرک اثبات واجب ایچون اورتیه قویدقلری دلائلک عدم کفایتی آکلامش ، اولنره اینانماش ، فقط تفکر ایتیه بسبتون یکی بر استقامت ده ویره مه مشدر . یالکیز اویله قولای قولای وجود باری حقیقنده دلائل عقلیه بولونامیه جغنی وبو مسئله نک بعض فیلسوفلرک ضن ایتدکلرندن چوق مشکل اولدیغی پک ایی سرزمشدر . اثرینک نهایتده « برکت و بر سین که الله ایمان ضروری اولدیغی قدر اونک وجودی حقیقنده برهان سردی مجبوری دکلدر » دییور .

[۱] دلیل وجودی سن آنسئم (Saint Anselme) ک وبالاخره ده قارتک اثبات واجب ایچون سرد ایلدیکی دلیلدرکه شوله حلاصه ایدیه بیلیر : « ذهنده (الله) ، یعنی (وجود اکل) تصویری وارد . کالک انک مهم شرطی وجود خارجییه مالکیتدر . اوحالده (الله) ده تصور ذهنی خارجنده موجوددر » . بوندن ماعدا مختلف شکلرده سرد ایدیلن دلائل عقلیه یا علت فاعلییه ، عالمک بر علت اولامی اولسی اساسنه ، یا خود علت غائییه ، یعنی کائناتده کی انتظام و آهنگک بر دی شعور سبی بولونماسه استفاد ایدر . ده قارتک اثبات واجب حقیقنده سرد ایتدیکی دلائل ایچون دارالفنونده کی فورمه لره مراجعه . اثبات واجب مسئله مننده قانتک اصل مسلک کی الیریده کوزه جکزه .

شو جمله ایله عادتاً کنديك اورنيه قويمق ایستنديکی یکی دلیک قیمتمدهده بر نوع شبه حس ایلدیکی کوستریوردی .

فقط فیلسوف چوق دوام ایتدی، سلفلری کبی برمدای، برتصوری تحلیل و تعریف ایدرك فلسفی مسائله حقیقه واصل اولمقده کی مشکلاتی کوردی . برلین آفاده میسنه ویردیکی (اخلاق و عقاله مستند الیهاتک [علم کلامک] استناد ایتدیکی مبادینک بداهتی) (۱) عنوانیه یازدیعی ائرد آرتیق فلسفی مسائل بو طرزده دوشونوشک بر ثمره ویرمه جکی آکلاتمی ایستیوردی . بونک ایچون اول امرده شومسئله یی تدقیق ایتدی : ریاضیهده تعقیب ایدیلن اصولده قارنک تصور ایتدیکی کبی فلسفهده، مابعدالطبیعه مسائلنه قابل تطبیق اولاییلمی ؟ یعنی بر طاقم تعریفادن ، تحلیللردن باشلامق صورتیه فلسفهده حقیقه ایریایه یاییلمی ؟ ناصیل ریاضیهده ، مثلاً هندسهده مربک ، مثلثک تعریفدن باشلا بوق ، بعضی متعارفلری ، موضوعه (Postulat) لری اساس اتخاذا ایدرك نتیجه قطعیه چیقاریوسوق فلسفهدهده حقیقه ، مکان ، زمان مفهوملرینی تحلیل و تعریفله بونلرک ماهیته واقف اولاییلمی یز ؟ فیلسوف بو سؤالره منفی جواب ویریور . نه ایچون ؟ چونکه ریاضیهده تعریفلر مفهوملرک آزجوق اعتباری بر صورتده یکدیگرینه ربطی صورتیه وجوده کابر . حالبوکه فلسفهده بونک عکسنه در ، اونک موضوعی مشخص (Concret) اولدینی ایچون فلسفی تعریفلر ، فیزیکیده و روحانده اولدینی کبی ، او موضوعک آتجق تحایلیله اله ایدیه یاییلم . دیگر جهتدن ریاضیهنک موضوعی بسیط و تماماً عدد و سکلره ، دستورلره قابل ارجاع و اونلره قابل افاده در . فلسفهده ایسه بویه دکادر . اونک موضوعی اوند « معضل Complexe » درکه یالکز مجرد مفهوملری افاده مخصوص اولان کلملر اکثریا اونک موضوع مشخصی تماماً افاده دن عاجز قالر . بونک ایچوندركه ریاضیه اصولی مابعدالطبیعهه تطبیق ایتک هیچ مشر نتیجه ویرمز . مابعدالطبیعهده حقیقی اصول ده قارنک طریق هندسی دکل ، فقط نیوتونک فیزیکیده تعقیب ایلدیکی طریق تجربیدر . ناصیل فیزیک تجربه حسیه یی اساس اتخاذا ایدرك اوندن فرضیه و قوانینه یوکسلورسه فلسفهده تجربه باطنیهه ، دوعریدن دوعریه شعوره استناد ایتک مجوریتددر . فیزیکیده تجربه حسیه دن استخراج ایدیلن تعریف تماماً حقیقی افاده اتمسبیه هیچ اولمازسه استنتاجانده بولونمغه کافی عناصر حقیقیه یی حائر در . عینی شرائطله تجربه باطنیهه استناداً یاییله جق فلسفی تعریفلردن ده ، فیزیکیده (۱) کتایانده ۱۹ نومرو ایله کوستریل اثر .

اولدینی کبی ، حقیقی استنتاجانده بولونیا بیلیر .

قانت خطوط اساسیه سنی چیزدیکی بو اصولی اخلاقه تطبیق ایدیور . دییورکه « یالکنز احتیاساتمزله ، تعیر آخرله تجربه وجدانیه مزله وظیفه نك وجودنی آکلارز . منطقی استنتاجات بوصورتله بیلدیکمز عناصره ، وظیفه یه آنجق صورت ویریر ، (. . . . لره مجبورسك) دستورنی الیه ایتدیریر . کورولیورکه منطق یالکنز شکل و صورت ویریر . فقط اوصورتك ماده سنی ، محتواسنی آنجق تجربه ایله الیه ایدیه بیلیرز . فیلسوف احتیاساتك قیمت اخلاقه سنی کوسترمك شرفك معاصرلرینه ، بالخاصه هوچسونه عائد اولدینی سویلیور . بوندن ده آکلاشیلیورکه ناصیل معرفت مسائننده انکلیز فلسفه سی ، بالخاصه هیوم قانتك تفکرانه یگی بر استقامت ویرمش ایسه اخلاق ساحه سنده ده انکلیز متفکرلر سك دوستونجه لر ی اونك ایچون یگی برالهام منبی اولمشدر .

قانتك بوصیراده کی اثرلرندن بری ده « حسن وعلویت احتیاساتی حقنده مشاهده نره » [۱] عنوانی حائر یازیلردر . فیلسوف ۱۷۶۴ سنه سی تعطیلانی احبابلرندن ووبسهر (Wobser) ك بر اورمانحق ایچنده کی اوند کچیرمشدی . اوزمان کوزه للك وعلویت حقنده کی احتیاساتمز اوزرینه دوستوندی . فیلسوفك بواثری دیگرلرندن چوق فرقیدر . برکزه انکلیز فیلسوفلری کبی مشاهده لری اساس اتخاذا ایتمشدر . اوصورتله که بویازیلرنده درین بر فیلسوفك دوستونجه لرندن زیاده دقتی برمشاهدك کوروسلری واردر . اسلوب بیله چوق فرقیدر . ده خفیف ، ده نکتیلی ، ده جاذبه داردر . کتباب « حسن وعلویت احتیاساتی حقنده مشاهده لر » عنوانی حائر اولدینی حالد فیلسوف بوایکی نوع احتیاسات بدیعه مزی آیراجق معیارلری اوزون اورادی به آراشیدیرماش ، معین بر تعریف وضع ایله مشدر . بوخصوصده کی مطالعاتی بعضاً بك سطحیدر ؛ کتیردیکی مثاللارده ده اکثریا بك از موفق اولمشدر . مثلاً « حسن خوسه کیدر ، علویت بزى تهییج ایدر » دییور . احتیاسات بدیعه مزك ایکی نوعنی بوقدر مهم برتعریفله آیرمق ایستیور . « یوسكك میشه لر ، اورمانلرده تنها کولسکه لکلر علوی ، سکوفه زار یرلر ، منظم کسيلمش آغاجلر کوزلدر . قویو رنگلر ، سیاه کوزلر علوی ، قومرال بگنر ، ماوی کوزلر کوزلدر . » [۱] کتابیانده ۲۲ نومرو ایله کوسترین اثر .

نه بومثالدرده تام موفقیّت ، نه ده قبول ایته دیک میارده صراحت واردر . عمرینک صوکنه دوغری یازدینی « تصدیقلرک اتقادی (۱) » نه ده فیلسوف بو یحیی پک درین برطرزده تدقیق ایده جکدر .

بدیی ساحه ده بو تقریقی یابدقن صوکر ا بونی اخلاقیاته تطبیق ایلیور : یالکز حقیقی فضیلت علوبدر . ای طبیعتلر ، خیرخواهی ، حسلیک ، شرف حسی ساده جه کوزلدر . کوزل اولان مزاج و اعمالده ظاهراً فضیلتیه بکزه دیک حالده نه یه یالکز فضیلتیه غیر قابل قیاس بر « علویت » واردر؛ بونک سبی فضیلتک کلی برطاقم مبادی بی الهام ایلمی، اونک اوزرینه مستند بولونماسیدر . فضیلتک استناد ایته دیک مبادی بی فیلسوف شو صورتله آکلاتیور: « فضیلتی وجوده کترین بومبادی برطاقم قواعد نظریه دن عبارت دکلدر . بالعکس هرکک قلبنده یاشایان بر احتیاسک شعوریدر که بونک حدودی علی العاده محبتدن ، خیرخواهیدن چوق واسعدر . بو مبدأ و اساسک ماهیتی خلاصهً سودر : بز وجدانم زده شخصیت بشریه نیک، انسانلغک محاسنی، مکرمبتی (Dignité) دو یارز . » قانتک انکشافنده بو طرز تلقی مهم بر خطوه در .

بر پارچه اول بحث یتدیکمز ارنده (۲) فیلسوف اخلاقی احتیاساته استناد ایته دیریور و بو اعتبارله علی الاطلاق انکلیز فیلسوفلرندن ، بالخاصه شافتمبوری ، هوجسوندن ملهم اولدیغنی سوبلوردی . بوسوک ملاحظاتیله بر طرفدن بوانکلیز فیلسوفلرندن ، دیگر جهتدن تلقیات اخلاقیه سی اعتبارله اثرلرندن اوقدر ملهم اولدی بی ژان ژاک روسودن آیریایور : واقعا بو اثرده ده شافتمبوری کی احتیاس بدیی ایله احتیاس اخلاقی بی توحید و هیجان اخلاقی بی ده بر نوع حیرته قاریشیق تقدیر عدایدیور ، کذلک روسو کی حس اخلاقی بی طبیعتک دوغریدن دوغری به بر موهبه سی ، فطری ر سوق طبیعی اولارق تلقی ایایور . کرچه طبیعت اُلدن چقان هر شیئه قارشی ژهنه ولی فیلسوف قدر فرط امنیت بسله میور؛ فضیلت سوق طبیعیتک بعضاً بولونیه جغنی قبول ایلیور . یالکز ناصیل سوق طبیعیلر حیات حیوانیه بی منتظماً اداره ایدرسه وسطی اوله رق انسانلرده کی فضیلت غریزه سنک (Instinct) ده او صورتله طبیعتک استهداف ایله دیک غایه به انسانلری سوق

[۱] کتابانده ۲۲ نومرو ایله کوستریان اثر .

[۲] « اخلاق ، عقله مستند الهیاتک استناد ایله دیک مبادینک بداهتی » عنوانی اثری . کتابیات

نومرو ۱۹

ایده جگنی تسلیم ایلور [۱] .

بوتون بو مطالعه لر روسونی تماماً در خاطر ایندیریر . سو قدر که قانت بو نقطه لرده قالمیور . فضیلتی کلی بر اساسه ، انسانلک اصالت و مکرمتی تقدیر مستند بولویور . قانت آرتیق اخلاق ساحه سنده انکلیز فیلسوفلرینک ، روسونک ساده جه بر معقی دکلدرد . بالعکس فضیلت ایچون احساسات وسوق طبیعیلرک فوقنده بر مبدأ کلی آرامغه ، بولمغه چالیشمشدر . بالکیز دهها بوزمان وضع ایندیکی مبدأک نه اوصافی ، نه ده احتیاسات وسوق طبیعی اناه مناسبتی تعمیق اتمه مش ایدی . شو قدر که اخلاق حقنده خصوصی بر نقطه نظر صاحبی اولمغه باشلامشدی . بالا آخره بواساسلر اوزریده یورویه رک « انتقاد عقل عمل » [۲] وجوده کیشدر .

اثرک دیگر قسملری توصیفی روحیاته دائردر . اولاً فردک وقادینله ارککک مقایسه لی سجه لرینی ، نهایت اسپانیول ، فرانسه ، انکلیز و آلمانلرک سجایای معنویه لرینی توصیف ایلور . بوبله توصیفی مطالعاتی خلاصه اتمک چوق مشکلدرد . بونلردن ذوق آلاسیلک ایچون بالذات متنی اوقومق لازمدر . ذاتاً بونلر ساده جه برر مشاهده درلر . واقعا چوق دقتی بر ذکاتک کوروسلری اولمق اعتباریله قیمتی واردر . فقط قانتک فلسفسیله ، حتی مسلك انتقاده قدر فیلسوفک تکامل ذهنیسی ارا نه اعتباریله بر اهمیتی یوقدر . بناءً علیه بوتوصیفی قسمدن اوزون اوزادی به بحث اتمیه جکیز .

قانت اسمنی ذر اتمکسزین بالا آخره اشر ایندیکی « بر کاشف اسرارک تخیلات مابعد الطبیعه ایله کسب وضوح اتمش خولیالری » [۳] نامنده کی اثرینک موضوعیله ، هیچ شبهه یوق که ، بو صیرالرده مشغول اولمشدی . بو کتابک طرز تحریرینه باقهرق اونی ساده جه فکرلرینه اشتراک اتمدیکی مابعد الطبیعیونی تهزیل ایچون یازلمش بر اثر عد ایلک

[۱] روسونک ۱۷۵۵ ایله ۱۷۶۲ آراسنده انتشار ایدن ک مهم آثارینی قانت یاقیندن تعقیب ایلشدی . « کوزلاک وعلویت حسلری حقنده مشاهده لر » ی یازدی بوزمانه مصادف نوطلرنده بر جوق و - یله لرله روسونک استعداد فوق العاده سنی ، سحرکار و بلیغ اسلوبی ، دکاسنک بی نظیر نفوذنی مدح ایلور ؛ بالا آخره کونیه سبرغ غزته سده یازدینی بر مقاله ده روسونک تصور ایلدیکی حال طبیعی به بر خیال دیوب کچمه مک لازم کلدیکنی سوبه یوردی .

[۲] کتابیائده ۱۸ نومرو ایله کوسترین اثر

[۳] « ۲۴ »

دوغری دکلدرد. بالعکس فیلسوف کندینی چوق دوشوندیرن، مشغول ایدن بر وقعه اوزرینه بویازیلیری وجوده کتیرمشدرد.

فانت (۱۷۶۲) نه سیوه دنبورغ (Siwedenborg) ک چوقدن بری ستوقهولم، غونا مبرغ، قونپناه محافل علمیه سنی، اکابر صالونلرینی اشغال ایدن اسرار انکیز حکایه لرینه مطلع اولمشدی. معدنیات، فیزیک، ریاضیه علمی اولاروق طانیلان و او وئته قدر بو علومه، بالخاصه معدنیاته دائر اولدجه مهم اثرلر یازمش اولان بو آدام اللی بش یاشنده ایکن برنوع الهام الهی به مظهر اولدیغنی ادعا ایلمش وعالم ارواحله، ملائکه، الهله مناسبتده بولوندیغنی سؤیلمشدی. حتی بو حالانک کندینه مخصوص اولمادیغنی، هرانسانک ارواحله مناسبتده بولوندیغنی قبول ایلمش و هر کسک بومناسبتک فرقده اولمامنک سینی عالم ارواحه عائد اشیایه صورت مخصوصه دقت ایلمه مسندن و بونلری دوشونمه مسندن ایلری کلدیکنی ظن ایلمشدی (۱). برنوع فلسفه تصوفیه تشکیل ایدن نظریاتی لوندرده باصدیردینی (سرا ترا هوتیه

[۱] امانوئل سیوه دنبورغ (Emmanuel Siwedenborg) ۱۶۸۸ تاریخنده استوقهولمه دوغمش، (۱۷۷۱) ده لوندرده اولمشدرد. اولحه ادبیاته سرا ایتمش، بوساحده اولدجه قیمتی اثر وجوده کتیرمشدرد. عینی زمانده الهیاته، لسانه، علوم ریاضیه و طبعیه به چالیشمش و بومنله لر اوزرینه کنج یاشنده کتاب نشر ایتمشدی. بالآخره اون ایکنجی سارل زماننده معدن اموریه اشغال ایدرک (Opéra philosophica et metallurgica) عنوانی آلتنده بوکون ایچون بیله قیمتی عد ایله بیله حک اوچ حلد تر نازمیشدی. فقط بر مدت سوکرا ذهنیت علمیه سنه پکده مطابق اولمایان اشتغالانه باشلامش، تجلی ایتدیکنی ظن ایله یکی الهاماته کندینی بیراقشدر. لوندرده بولوندیغنی صیراده برنجلی الهی به مظهر اولدیغنی ظن اتمش و جناب حق کندینه «س خالق کائنات اولان اللهم. کتاب مقدسک حقیقت باطیه و معنویه سنی اسانلره نشر ایتک ایچون سنی انتخاب ایتدم. بوندن سوکرا سسک یاراجعک فکرلری بن یازدیراحم» دیمشدرد. سیوه دنبورغ وحی عد ایتدیکنی بو تجلی روحیه به ربط قلب ایلمش و بوندن سوکرا عالم روحیه عائد اشیایی دوغریدن دوغری به کوردیکنه، ملائکه، حتی الهله قونوشدیمنه قائل اولمشدرد. بوقاریده بحث ایتدیکمز «اسرار لاهوتیه» بی بونک اوزرینه نشر ایلمشدرد. سیوه دنبورغه کوره عالم مادینک فوقده برعالم روحی وار و هر کس بونکله، یعنی ائی وکوتو ارواحله مناسبتده در. عالم مادیده مشاهده ایتدیکمز و علم اغانه سیله قانونلرینی بولدیمز اشیای خارجنده کی موجوداتده بحر به مرئفد اولایلیر. هر کس بو عالمی بیله مبرسه سبی دقت ایتمه سنی و دوشونمه سیدر. منسوب اولدی بی پروتستانلی عقایدینک اساسلرینی قبول ایتکله برار بالخاصه عالم و الهلک کائنات ایله مناسبتده، ملائکه، خبر و شره دائر تماماً خصوصی نقطه نظری واردی. کندینی زماننده برطریقت مخصوصه رئیس صفتی طاق معدینی حالد برطاق اوصاف نمازده سی دولایه سیله، ماصرلری اوزرینه، حتی زمانندن سوکرا برچوق زمره لرک اعتقادیه تأثیر اجرا ایتمشدرد. وفاتندن اون آلتی سنه سوکرا بو بویوک و مقدس آدام نامنه لوندرده

(Arcana Coelestia) عنوانلی، یدی بویوک جلددن عبارت کتابیله نشر ایتشدی. سیوه دهنبورغ حیات علمییه منتسب ایدی. بوتون بولوندینی ایشلرده، بالخاصه اسوچده اون ایکنجی شاراک مأموری بولوندینی ائناهه عقیف، ناموسلی، خلوق طائمشدی. بناء علیه اوندن منقول اولان نظریات و احوال فوق العاده هر کسک نظر تجسسی جلب ایدیوردی، بالخاصه کندیسیمه کوروسنلرک نقل و شهادت ایلدکلری حکایات بو کبی خوارقه اینانمایانلری بيله سهیه دوشورویوردی. سیوه دهنبورغ و آتاری حقنده هر طرفده حاصل اولان حس مراقه قارشی فیلسوف بیگانه قالمادی. کندی دوستلرندن دانیارقه لی برضابط بو فوق العاده آدام حقنده فیلسوفه معنومات ویردی. قانت بونک اوزربنه محتاج تنویر کوردیکی نقطه لری دانیارقه لی ضابطدن استیضاح ایتشدی. دیگر جهتدن استوقه یوله کیدن بر انکلز دوستنه سیوه دهنبورغ حقنده محلنده تدقیقانه بولونمسی ایچون تعلیمات مفصله ویرمش، بو صورته روایت ایدیلان کشفیاتک بر حقیقت، یاخود بر ماصال اولوب اولما یغنی تحقیق ایتمسی رجا ایتش ایدی. دیگر طرفدن یواسوه چلی «کاشف اسرار» ده بالذات بر مکتوب یازدی. سیوه دهنبورغ فیلسوفک بو مکتوبله صوردینی سؤالره دوغریدن دوغری به جواب ویرمدی؛ ساده جه کتابی، یعنی (سر ائزلاهوتیه Arcana Coelestia) نی کوندره چکنی وعدا ایلدی. قانت صبر ایده مدی. کتابی یدی انکلز ایراسنه لوندردهن کیترتدی. دیگر جهتدن بر چوق دوستلری سیوه دهنبورغک نظر یاتنه دائر بر چوق سؤالر صوریورلر، مکتوبلر یازیورلردی. بومراجعتلرده فیلسوفک حس تجسسی آتیردی. او صیراده بو سؤالره قارشی ویردیکی جوابلرک بر قاچی محفوظدر. بالخاصه مادمازل «سارلوت Charlotte» ک استیضاحنه قارشی یایدینی تدقیقاتک خلاصه سی بیلدیریور. فقط اوزمان هنوز اسوه چلی کاشف اسرارک مروی اولان کشفیات نه قبول، نه رد ایده بیلوردی. سیوه دهنبورغک کتابی او قودقدن صوکر اورتیه سورولر ادعائک اصلسز لغی آکلامشدی. آرتیق قسماً بومعناز تئبئاتک تشویق ایدلمه نیک اوکنی و قسماً ده بر قاچ سنه مشغول اولدقدن صوکر سقوط خیاله اوغرامسنگ انتقامنی آلق اوزره «برکاشف اسرارک خولیلری» نامنده کی اثرینی یازدی و امضاسز اولارق نشر ایتدی.

برکلیسا یاپمشد. بوکون اسوچده، آمریقادا، هندده، افریقاده آغرمه سوبولرک بر چوقی سیوه دهنبورغ اعته دینه پرستش ایدر و اونامی طاشیرلر. بر قسم آتاری فرانسزجه به و دیگر اسارلره ترجمه ایدلمشدر. بو آدامک عظیم نفوذ موی قاسیس ایتدیکي نظره آیلدنجه قانتک بر قاچ سنه بو ذاک افکاری اوزربنه دوشومه نیک حکمتی آکلاشیلیر.

فیلسوف بواژده « جواهر روحیه Substance Spirituelle » نك يكدیگریه مناسبتده اولدیغنی بسنئون انکار ایتیموردی . بالعکس جواهر مادیه ناصیل نیوتونك کشف ایلدیکی جاذبه قانوننه تابع ایسه روحلرك يكدیگریه مربوطیتنی استلزام ایلین بر قانون کلّی ده موجوددر . درونی ، باطنی سائقلرله حرکت ایتدیگمز زمان اراده کله نك قواعدینه تابع بولوندیغمزی حس ایلپورز . بناء علیه بوتون موجودات متفکره تماماً روحی قوانینه توفیقاً بر وحدت معنویه حاصل ایدر . فیلسوف بومبدأدن حرکت ایدرك دها ایلریه کیدیور : احتساس اخلاقی ذاتاً اراده فردیه نك اراده کلهیه تابعیتی حس ایلسندن ، بر وحدت معنویه وجوده کتیرمک اوزره روحلرك مشترك جهننك شعور مزده تظاهرندن باشقه بر شی دکلدر .

فیلسوف بومطالعه ایله چوق شایان دقت بر نظریه اورتهیه قویویور : اخلاقی فردك اراده کلهیه تابع اولدیغنی حس ایتسنه استناد ایتدیریور و بو اراده کله نك ماهیتنی ده روحلرك بر وحدت حصوله کتیرمک اوزره جهندن عبارت عدا ایلپور [۱] . بوجهك نتیجه سی طبیعتده ، سو عالم مادیده تماماً تحقق ایده مز . فقط روحلرك بو غایه سی بر عالم معنویه ، بر عالم روحیده تماماً حصوله کله بیلیر . چونکه بو غایه روحلرك تابع اولدیغنی قانوندن منبعندر . بویه بر عالم معنویه ایسه یالکیز بوقانون روحی حاکم اولور و اونك تحققنه مانع اولابيله جك هیچ برشی موجود بولونمار . دیمک که شعور و وحدانك غایه سی تحقق ایده بیلیمک ایچون بو تجربی عالم فوقده معنوی بر عالم ، بر کائنات لازمدر . قانت بالاخره بو عالمه (ذات استیاء عالمی Univers nouménal) دییه جك و بونی (حادثات عالمی Univers phénoménal) ندن آیراجقدر . حادثه ایله ذات استیاءك تفریقنی اساس اعتباریه قانت دها بو اثرنده طاسارلامش بولونویوردی .

روحلر آراسنده قانتك قبول ایلدیکی بو ارتباط و تابعیت فرضیه سی سیوه دنبورغك فکترلرله ، اونك قبول ایلدیکی الهامله مناسبتی یوقدر . سه وه دنبورغه کوره عمومک تجربه لری و معلوماتی خارجنده اولارق مشاهدّه مضاعفه ، دوغریدن دوغریه ارواحله مناسبت و اونلر حقنده معرفت حصولی نمکسندر . فقط انسانده بویه بر قدرتك موجودیتی عقلاً ایضاح ایتمه امکان یوقدر . بر آدام کندی عالنده یالکیز جه قالیرسه ، آویستونك دیدیکی کبی ، [۱] بو ارده سرد ایتدیکی بومهم فکری قانت دیگر کتابلرنده مع التأسف تعمیق ایتمه مشدر . بومبدأدن حرکت ایدرك بو فکرلر اوزرینه دوشونسه بدی اخلاقك اجتماعی اساسلرینی لایقيله بولاجمنه شبهه یوقدی .

خولیا به دالایلیر. تحیل ایتدیکی صورت محسوسه لری، خیال لری خارجه ایمش کبی کوره بیلیر. نته کیم برسام (Hallucination) . طو تومش انسانلرده اصلی اولیان برشیتی کورور و یا ایشیدیر کبی اولورلر. سیوه دنبورغک مروی اولان «کشف اسراری» ده اویله در. اونک ده کوردیکی، کشف ایتدیکی شیلر خسته بردماغک صورت محسوسه لری، خیال لری خارجه عطف ایلمسندن، اونلری موجود فرض ایتمسندن باشقه برشی دکلدیر .

عجبا مابعد الطبیعه ایله مشغول فیلسوفلرک، مثلاً اپنیسیچ و وولفک نظریه لری ده برنوع فردی تحیل اثری، فیلسوفلرک تحیله لرینک آلا بیلیدیکنه یورو به بیله جکی بر ساحه ده دولاشمی محصولی دکلیدر؟ فی الحقیقه عقل عینیت مبدآنه استناداً تصوراتی، مدزکاتی تحیل ایله مابعد الطبیعیونک ادعا ایلدکلری کبی نه علتک، نه ده جوهرک وجودینی آکلایامار، بیله مز. علت، یکد کیرینک عینی اولیان ایکی مفهوم آراسنده ارتباط تأسیس ایدر. مثلاً اراده مله قولی حرکت ایتدیر برسه م بو حرکتک علتی اراده م اولدیغنی آنجق تجربه ایله، تجربه باطنیه مله بیله بیلیرم. یوقسه اراده بی تحیل ایله قولک حرکتک علتی اولدیغنی بولامام. بناء علیه اشیانک مفهومات اصلیه سی، مثلاً علت، قوت، عمل و حرکت تصورلری اگر تجربه دن استحصال ایدلمش ایسه صرف عندی اولور، وجود لری نه اثبات ونه رد ایدیله بیلیر. حالوکه مابعد الطبیعیون بو تصورلری خارجه موجود فرض وعقلک محصولی عدا یتشملر و فلسفه لرینی بوکبی مفهومات ابتدائیه و مثلاً علت اولی، جوهر فکرلرینه استناد ایتدیر مشلردر . بویه بر مذهب فلسفی حقیقی افاده ایده مز. بو فیلسوفلر آنجق تجربه داخلنده دوغری اولایلن بر تصوری فضولی اولارق تجربه ماوراسی ایچون ده صحیح ظن ایشلر و بو یا کاش مقدمه به استناداً تحیله لرینک قوتیه مختلف بنای فلسفیلر قور مشلردر . مابعد الطبیعه ریولی آرتیق ببراقالی، نظری ساحه ده یالکیز «عقل بشرک حدودینی» آرامقله اکتفا ایتلیدر .

مابعد الطبیعه نک بوتعریف ایله چیزیان حدودی فیلسوفه کوره دار و نتایج عملیه دن عاری دکلدیر . نته کیم کندیبی عقل بشرک حدودینی آرامقله اخلاق غایه سنه و وجدانک تلقینه قوتله ایمان ایده بیلمش و حیات اخرویه ایچون امید و برنوع نظرا مکتبی بولمشدر . ایشته سیوه دنبورغک ادعا ایلدیکی الهامات و کشف اسرار فیلسوفی بو مطالعه لری سرده، مابعد الطبیعه ایله اشتغال ایدنلرک طرز تفکر لرینک ماهیتی آکلانمغه سوق ایتدی. موضوع بحث ایتدی کمز بواثر قانتک تفکرات ساحه سنده بسبتون ابداعکار بریوله کیر مکده اولدیغنه دلالت ایدیوردی .

۲

آرتیق فیلسوفک (۱۷۶۸ ایله ۱۷۸۱) سنه لری آراسنده کی اک فیاض دور حیاتی تدقیقه باشلایا حفر . بو زمانده کی آناری دهاسنک اک یوکسک تجلیاتیدر . قانت بالخاصه بویکنجی دورده کی اثرلرینه قیمت و اهمیت ویرمش و یالکیز بونلرله اصول انتقادی تأسیس ایتدیکنی قبول ایلشدرد . فی الحقیقه (۱۷۶۳) دن صوکر ا فیلسوف سلفلرندن آیری ، تماماً ابداعکار بر طریق فلسفی وجوده کتیره که باشلامش ، (۱۷۷۰) ده نشر ایتدیکی (محسوسات و معقولات عالمنک صور مبادیسی) (۱) عنوانلی اثریله تملنی آتدینی بنای فلسفی بی ، اوندن صوکر اکی کتابلریله تتویج و اکمال ایلشدرد . بناءً علیه فیلسوفی اصل بو ایکنجی دورده کی اثرلریله طانییه بیلیر ، مسلك انتقادی آنجق (۱۷۶۹) دن صوکر اکی آتارندن آکلایا بیلیرز . واقعا فیلسوف خلاصه کوردیکمز یکریمی سنهک حیاتنده ده علم ، اخلاق ، صنعت مسائلی اوزرنده دوشونمش ، بونلری تدقیق ایتمش ، کندندن اولکی فیلسوفلرک بو خصوصده کی بر چوق فکرلرینی رد و جرح ایلشدرد . اوصورتله که بوزمانده ده معنای عادیسنده اسلافنک اثرلرینی تنقید ایلشدرد . آنجق قانت تنقیدی خصوصی بر معناده آکلایور ، بالخاصه انتقادی بر مسلك مخصوص اولارق تأسیس ایدیوردی . ایلریده کوره جکمز وجهله اونک آکلادینی معناده آنجق بویکنجی دورده کی اثرلرینه « انتقادی » دینه بیلیردی .

عجبا بو ایلک زمانکی مساعیسندن بو ایکنجی دوره نه انتقال ایتدی ؟ تعبیر آخرله فیلسوف بو مدت ظرفده دوشونور و سلفلرینک اثرلرینی تنقید ایدرکن ایلریده تأسیس ایده جکی مسلك انتقادی ایچون حائر اهمیت هانکی اساسلری ، هانکی فکرلری اکتساب ایلش بولونویوردی ؟ بوفکرلر اوزرینه ناصل مسلك انتقادی تأسیس ایتدی ؟ بوجهتلری آکلامق آتار اخیره سنه نفوذ ایتک ایچون چوق لازمدر .

هیچ شبهه یوق که بو یکریمی سنهک مساعیمی نتیجه سنده بر طاقم اساسلی فکرلر الد ایتمش ایدی . فیلسوف اسلافنک اثرلرینی تدقیق و تنقید ایدرکن بالخاصه شو اوج نقطه ده طولایا بیله جکمز مهم قناعتلری اکتساب ایتدی که بالآخره بونلری هیچ ترک ایتدی : (۱) علمک حقیقته ، ذهن بشر ایچون یقین افاده ایلیه جکنه ایمان ایتشدی .

[۱] کتابانده ۲۶ نومرو ایله کوسترلین اثر

علمك قطعی اعمالك مؤثریتی تأمین اتمسیه ثابت و محققدر . فلسفه علمك شرائطی تحری ، اتمیتی و حدودی تعیین ایلر . فقط حقایق علمیةك یقین افاده ایتدیکنه شبهه ایده منز . قانت بو اعتقادله دركه حادثاتك ، موفقیت احتمالی آرز اولسه بیله ، علل طبیعیة-نی تحری اتمکی بر هدف عد ایلوردی . نته کیم (عقل محضك انتقادی) (۱) نده « حادثاتك صحتی شبهه لی ، فقط طبیعی بر فرضیه ایه ایضاحی مابعدالطبیعی بر قوته عطف ایدلسنه مرجعدر » دییوردی . اووقت سرد ایتدیکی بوفکر دها کنجلیکندن اعتباراً اک اساسلی بر قناعتی تشکیل ایدیوردی . نیوتونك عالم سہانك صورت تشکلی قوانین طبیعیہ ایه ایضاح اتمه مسیدرکه کنج متفکری افلاکک منشائی آرامغه و بویوک عالمك نظریاتی اتمامه سوق ایلدی (۲) . نهیه بویوک اجرامك حرکاتی طبیعی قانونلرله ، جاذبه عمومیه ایه ایضاح اولونسونده منشأی، صورت تشکلی عینی صورته تنویر ایدیله مسین ؟ اشته بوطر زده دوشونمسی، تعیر آخرله واقعاتك علل طبیعیہ ایه ایضاحی لزومه و علمك یقین افاده ایتدیکنه ایمان اتمسیدرکه « تاریخ طبیی سہا و نظریه افلاک » ی تریه سوق ایلدی .

(۲) طبیعت حادثاتك علتلرینی بولمق سیاه سنده طاسلابیله جکی، حتی وجودالهی آنجق بوصورته اثبات اولونابیله حکمی (۳) حقهده . قناعتی فیلسوفی بزی « علت » تحریسنه سوق ایدن ذهنمزك و علی الاطلاق حکم و قصد بقلرمزك ماهیتی حقهده تحری به سوق ایلشدی . قانت تفکرک یا تحلیل و یا ترکیب طریقنی تعقیب ایلدیکنی کوردی . تحلیل ایه آنجق ایکی تصویری یکدیگرینه ربط ایلرز . چونکه تحلیل تصورک تضمن و شموله کیرن مفهوملری آیریر . اولر آواسنده کی ارتباطی کوستریر . بونک ایچون بو واسطه ایه «واقع Rêel» بیله منز ، انیا آراسنده کی رابطه آکلاشیلاماز . بالکیز تحلیل واستنتاجه مستند اولان علم و مابعدالطبیعه حقیقی احاطه ایده منز . و حکم و تصدیق^{تصدیق} ماقعه مطابق اولایلمسی ، یعنی « نیئی Objective » بر حقیقه تطابق ایله بیلمسی ایچون تجربهیه وقانتک تعبیریله حدسه « Intuition » مستند اولماسی، و ترکیبی بولونمسی اقتضا ایدر .

(۳) نهایت قانت احساس اخلاقینک افکار نظریه دن مستقلاً و اوندن مقدم اولارق

[۱] کتابیایده ۳۰ نومرو ایله کوسترین اثر .

[۲] صحیفه ۲۹ - ۳۰

[۳] صحیفه ۳۷

موجودیتنه قناعت ایتش و فیلسوفلرک آنجق بواجتسالمزک صحتی تأیید و اثبات ایدم جگنی، فقط حس اخلاقی بی فلسفی دوشونوشله نه ایجاد ونه احکا ایدمه جگنی کورمشدر .

قانت بوفکرلردن فاصیل فلسفه انتقاده کچدی ؛ مسملکنی فاصیل تأسیس ایلدی ؟ یوقاریده سویلدی کمز کبی آنجق علت رابطہ سی اعانه سیله طبیعت حقنده علم وجوده کتیره بیلورز . فقط اشیا آراسنده کوردیکمز «علیت» برتحلیل نتیجه سی اولاماز . چونکه نتیجه بی تحلیل ایدم رک علتی بولاماز . علت نتیجه دن آیریدر . اوحالده فاصیل اولویورده علت عد ایتدیکمز برحادثه دن بالضروره دیگر برحادثه نک تولد ایلیمه جگنی آکلایور و تسلیم ایلورز ؟ قانت قسماً کندی تفکراتیله ، قسماً هیومک اثرلرینک الهامیله بومهم مسئله یه تماس ایتش ایدی . حادثات طبیعه آراسنده اتصال ضروری واردر ، یعنی علم تشکل ایدم بیلیمسی ، حتی دینک ، یعنی وجود الهینک اثبات اولونابیلیمسی ایچون هر شیک برعلتی اولاجنی ، هر حادثه نک دیگر برحادثه بی وجوده کتیره جگنی قبول ایسکلکمز لازم ... مادام که برحادثه بی تحلیل ایلیمه اونک حصوله کتیره جگنی دیگر حادثه بی بولامیورز ، اوحالده علمک اساسی اولان بو ضرورت ، بوقناعت نره دن وجوده کلور ؟ هیوم بونی صرف انفسی بر ترکیب نتیجه سی عد ایتمشدی ، یعنی اشیا ده کوردیکمز علیتک تصورلرمزک بر برینی خاطر لانتسمندن ، تعیر آخرله بعضی فکرلرک بر آراده ذهنه تبادردن واونلرک خارجه عطیل اولونمہ سندن متولد فرض ایلشدی . اگر هیومک قبول ایتدی کبی علمده بر حادثه نک دیگر بر حادثه بی بالضروره وجوده کتیره جگنی حقنده کی قناعت صرف انفسی ، یعنی منحصرأ شعورک ، روحک بر خصوصیتدن ، اونک قانونندن متولد ایسه اوحالده ماوقعده ، عالم خارجیده علت ایلیمه نتیجه مناسبتک موجودیتی بیلیمیورز دیمکدر . قانت هیومک تنقیداتی پک دوعری بولمشدی . اوده تسلیم ایدیوردی که نتیجه نک تحلیلیمه علت استحصال ایدیلمز . اوحالده علت ایلیمه نتیجه آرمه سنده کی ارتباط بر ترکیب نتیجه سیدر . آنجق انکلیز فیلسوفک چیقاردینی نتیجه بی قبول ایدم میوردی . فی الحقیقه هیومک طرز استتاجی تسلیم ایدیلمرک علت ایلیمه نتیجه آراسنده کی مناسبت صرف برنوع اعتیاد ذهنیدن ، تداعیدن ، شعورک مهم برسوق طبعیمسندن ایلری کلور ، الحاصل انفسی بولونویورسه اوحالده نیوتونک کشفیایله اوقدر اهمیت کسب ایدن فیزیکک اشیا یه مطابقتنده شبهه ایتمکلکمز لازم کلزمیدی ؟ بالخاصه علتی اراده مختاره مز اولان اخلاق مبادیسنده ده شک دوشمکلکمز ایجاب ایتزمیدی ؟ حالبوکه قانت علمک و اخلاقک حقیقت و قیمتنده هیچ

شبهه ایتمه‌ش، اولنلرک اعمالمزده حسن نتیجه تولید ایتلرخی ماقعه مطابقتلرخی تسلیم ایچون کافی کورمش ایدی: «علم و اخلاق بر موجود، بر واقعده. فیلسوفلر آجق بونلرک قییمتک سببی ایضاح ایتلیدرلر، دیوردی. اولنک ایچون تنقیداتسندن اوقدر مایهم اولدیفی هیومک علم و اخلاقده بزی سنگه سوق ایده‌جک، حسابانیلکه دوشورده‌جک اولان نظریه‌سنی تماماً قبول ایده‌میوردی. او صیراده «عجبا تحلیلله چیقاردیغمز تصورلردن باسنه بوتون تجربه‌لره قابل تطبیق قبلی (À priori) مفهوملرمز یوقیدر؟ تعیر آخرله تجربه‌دن مشتق اولمان ترکیبی حکم و تصدیقلرمز موجود دکلیدر؟» دییه دوشوندی. اکر تجربه‌دن استحصال ایده‌ش ترکیبی تصدیقلرمزده وارایسه اوحالده «علیت» ده بوله عدایده‌یاییم؛ علت ایله قیجه آراسنده‌کی ضرورتده قابل ایضاح اولایلیردی. هیوم تجربه خارحنده ترکیبی تصدیقلرمز اولدیغنی قبول ایتمه‌مشدی؛ قانتده هنوز بو نوع حکملرک موجود اولاجنی اثبات ایده‌میور ایدی.

اولنک ایچون فیلسوف بر مدت هیومک پک منطقی اولان تنقیداتیله نیوتون فیزیکی حقیقه‌بله بکی ایمان آراسنده‌قالدی. فیزیکک نتایجده، ماقعه مطابقتنه اینانیوردی. فقط بونلرک استادکاهی اولان علیت مبدأنده‌کی قطعیت و ضرورتک زردن حاصل اولدیغنی بولامیور ایدی. ۱۷۶۳ سنه‌نده تصادف ایتدیکی مشکلی حله‌آدوغری مهم بر خطوه آتدی. بو صورتله علمه، عینی زمانده نیوتون فیزیکنه ااعتمادی آرتمشدی. چونکه بو صیرالده هیومک آلداندیغنی نقطه‌بی کشف ایتدی. بوانکلز فیلسوفی «هان بوتون معاصرلری کبی ریاضی حکملری تحلیلی فرض ایدیور و بوسایده ریاضی علملرک نتایجک ضروری اولماسنک و تجربه‌یه غیر محتاج، تعیر آخرله قبلی (À priori) بولونماسنک سببی ایضاح ایتش اولویوردی. عینی زمانده تماماً انفسی مناسبلردن عبارت کوردیکی بو حکملرک «خارجی، سببی Objectif، بر حقیقه‌ته تقابل ایده‌یه‌جکنی سوبلییوردی. قانت انکلز فیلسوفک بومطالعهنی ده اوزمان قبول ایتمه‌مشدی: «ریاضی حکملرمزده معلوماً مزئی توسیع ایدر. بناءً علیه تحلیلی دکل، ترکیبدر. اشکال و کیات ریاضیه‌بی ده ذهن تشکیل ایدر» دیوردی. فقط فیلسوف بونظریه‌ک هنوز نتایجی دوشونمه‌ش، هله مشکلاتی کورمه‌ش ایدی. فی الحقیقه تجربه خارحنده ترکیب ناصیل ممکن اولویوردی؟ بالخاصه بو قبلی À priori حکملرک بوتون تجربه‌یه قابلیت تطبیقه‌سی زردن ایلری کلیوردی؟ فیلسوف بوجهتلری هنوز ایضاح ایده‌مه‌مشدی.

قانت بوآراده مکان وزمانک ماهیتی حقنده تکرار دوشونمکه باشلادی. (۱۷۶۸) ده
 و مکانک جهانی آراسنده کی فرقک مبنای اصلیدی [۱] « عنوانیه بر مقاله یازدی. لاینسیج
 مکان مضمونمک اشیا آرسنده مناسبت موضعیه دن تولد ایتدیکنی قبول ایتش ایدی.
 قانت بر طاقم تجربه لره، بالخاصه (اشکال متناظره Figure Symétrique) حقنده کی
 تدقیقانه استدلاً بونک دوغری اولمادی یعنی کوستردی. مثلاً صاغ ال ایله صول ال، یاخود
 برشی ایله اونک آینه ده متناظراً حاصل اولان خیالی تماماً مساوی و بربرینک عینی
 اولدییی حالده احزاسنک ترتیبی بربرلرینه منطبق دکلدر. شو حالده مکان برآراده بولونان
 اشیای محسوسه نك بر نوع تریندن عبارت عد اولوناماز. بالعکس مکان اشیای
 محسوسه دن تماماً آیری اولان بذاته بر حقیقتدر و اشیا آراسنده کی ترتیب حد ذاتنده
 محسوس اولان ماده دن مستقل، مطلق بر مکانک موصوفته مستددر. بونک ایچوندرکه ابعاد
 ثلثیه یی خارجاً موجود بر حقیقت عد ایدر و هرشیده یوقاری آشاغی، صاغ صول، اوک
 و آرقه تفریق ایلرز.

مکانک بوصورت تقیسی، قانتک فلسفه استفاده دوغری آتدییی مهم برخطوه ایدی. آنجق
 هنوز مشکلات تخفف ایش دکلدی. سه کیم مقاله نك نهایتده کی مطالعاتدن آکلاشیلورکه
 قانتده بونک فرقده ایدی: مکان بویه ماده دن آیری بر حقیقت، تعبیر آخرله تفکر
 و تجربیده حصوله کلن بر مفهوم دکسه بونی بالتجربه بیامورزدیمکدر. فقط تجربه ایله
 بیلدیکمز برشیتی ناصل بوتون اشیایه قابل تطبیق عد ایده سیارز؟ ریاضیه نك، هندسه نك
 موضوعی اولان مکان تجربی عد اولوبورسه بو علملرک بوتون ماده یه قابلیت تطبیقیه سه
 خلل کیزی؟ کورولوبورکه فیلسوف مکانی ده تدقیق ایدرکی عینی نتیجه وارمشدی:
 تحلیلی اولانلر خارجنده ذهنک ضروری و تجربه دن وجوده کله مش مفهوملری وارمی؟
 و بونلرک منشای ندر؟

هیچ شبه یوق که قانت فلسفه انتقادک اساسلی فکرینی مکان حقنده کی بو مقاله سنک
 انتشارندن برسه صوکر اولمشدی. (۱۷۷۰) ده دالامبره یازدییی مکتوبده ملاً شویه
 دیوردی: « تخمیناً بر سه وارکه بردها دیکشدریمیه جکمی ظن ایلدیکم، فقط توسیع
 و تعمیقنی ضروری عد ایتدیکم بر تلقیه واصل اولدیغی کورمکه ممنوم. بو کشف
 یوتون مایمدا الطیمه مسائلنک تماماً قولای و امین رمعیاره کوره تدقیق ایدلمسنی تأمین ایایه جک
 [۱] کتابیانه (۲۰) نوسرو ایله کوستریلن اثر.

و بو مسئله لرك نه درجه يه قدر قابل حل اولاييله جكني ويا غير قابل حل بولنديغني ميدانه چيقاراجقدر . . . بومكتوبده اشارت ايتديكي ۱۷۶۹ سنه سنده فيلسوف نه ي كشف ايتشدی ؟ بونی نوظلرنده وانتقاد عقل محضك ايكنجی طبعی مقدمه سنده واضحاً آكلاتيور . قانت اووقته قادار خارجاً موجود ظن ايديلن بر طاقم مبادينك حقيقتده (افعی Subjectif) اولديغني ، یعنی بونلرك بر طاقم شرائط ذهنيه اولوب اسيان آجق بوسايه ده ادراك ايتديكمزي و آكلاديغمزي بولمش ایدی . اوزمان سو صورتده دوشوندى : فيلسوفلر شيمدی يه قدر علممرك موجوداته كوره تنظيم و ترتيب ايدليكى قبول ايدیورلردی . فقط بوفرضيه استناد ايدنجه علت ، جوهر . . . الخ كجی ذهنك ضرورى و نوتون تجربه لرله قابل تطبيق مفهوملرينك قيمتلىرى ، یعنی ذهن خارجنده بر موجوديته تقابل ايدوب ايتدكارى اثبات ايچون پايلان تشبثلر هيچ بر نتیجه و بره ميوردی . عجباً بو فرضيه يي عكس ايدر و اسيانك معرفتمزه ، علممرك شرائطه كوره ترتيب و تنظيم ايدليكى قبول ايدده جك اولورسوق مابعدالطبعی مسائلى حلدده ده زياته موفق اولميه جقمى يز ؟ . . . مشهور قوپه رنيك ده زمانه قدر عالمرك حرركات سماويه حقنده كى كوروشلرينى عكس ايدده رك كشفياته موفق اولمامشيمدى ؟ اجرامك ارضده دوران بر راصدك اطرافنده دو نمكده اولديغني قبول ايدليكى تقديرده حرركات سماويه نك تماماً ايضاح ايديله مديكنى كورن بو بويوك عالم پرده اوضده كى راصدى اجرامك اطرافنده متحرك فرض ايلكى دوشوندى و بو سايله ده حرركات سماويه يي ده دوعرو اولارق ايضاحه و علم تاريخنده بك مهم اولان كشفياته موفق اولاييلدى . قوپه رنيكك حرركات سماويه حقنده بك مشر اولان بو طرز تفكرى معرفتمرك ماهيتى مسئله سته تطبيق ايدرسك دوعرى يولى بولمش اولمازمى يز ؟

ايشته فيلسوف بويه بر محاكه ايله علممرك موجوداته كوره تعين ايدر فرضيه سنى بيراقدرق « اشيا معرفتمرك شرائطه كوره ترتيب ايديلر » مبدائى قبول ايتدى . بو اساس فلسفه انتقادك تملى ایدی .

بولدينى بو اصولى هال مكان وزمانك ماهيته تطبيق ايلدى . يوقايرده سويله ديكمز كجی ؟ ۱۷۶۸ ده يازديى مقاله ده مكاتك مطلق بر حقيقت خارجيه اولديغني و اسيانك بر حقيقت ايچنده ادراك ايدليكى قبول ايدیور ، فقط بوتلقينك نتيجه سى اولان مشكلاتى حل ايدمه ميوردی . شيمدى بولدينى يكي اساسى تطبيقه مكانى بر حقيقت خارجيه دكل ، حساسيتك ايجاب ايتديكى بر ضرورت ، ذهنك ادراك ممكن اولاييلمى ايچون اشيايه

تطبیق ابتدیی بر قانون اولارق قبول ابتدی . اسکیدن مکان حقدنه معرفتمزی اولنک وجود خارجیه استناد ایتدیردیکی حالده شیمدی مکانی عالم خارجیک ادراکی ایچون بر شرط ذهنی عد ایدیوردی . عینی فرضیهی هر نوع ادراک باطنیهزك شرط اساسیسی اولان زمانه تطبیق ایلدی . بو نقطهده قالمادی . مکان و زمان مفهوملرنی وجوده کتیره رك محسوساتی ترکیب ایتدیکمزکی علوم طبعیهدهده عینی ماهیتده بوتون تجربه لرمنه قابل تطبیق « قبلی A priori » و سناء علیه ضروری حکملرمنه موجود دکلیدر : نه ایچون مثالعلیت و جوهریت تجربه لرمنی ترکیبه یارایان و فقط اوندن استخراج ایدلمه مش اولان برر مفهوم اولماسین ؟

(۱۷۷۰) ده کونیغسبرغ دارالفنوخنده منطق و مابعدالطبعیه کرسدی انحلال ایتشدی . قانت بو کرسی بن استغال ایده بیلمسی ایچون لاتینجه قلمه آلاجنی بر اثر سعینی مدافعه ایتسی ایجاب ایدردی . فیلسوف ایشته کشفنک خطوط اساسیه سی بومناسبتله « محسوسات و معقولات عالمنک صور و مبادیسی » (۱) عنوانیه یازدی . معرفت مسئله سنده بوتون نظریاتی محتوی اولان « عقل محضک انتقادی (۲) » یوقاریده ده سوبلدیکمز کی بوندن آنجیق اون سنه صوکرانتشار ایتدی . (۱۷۷۲) ده « مەرکوس هرچ Mercus Herz » یازدینی مکتوبده « بوکون بن نظری و عملی علممزك ماهیتی کوستره بیهجک اولان عقل محضک انتقادی نشر ایده بیهجک حالدیم . « دیوردی . عینی ذاته آنجیق ۱۷۸۱ مایسنده موعود کتانی کونده ریور و اثری « محسوسات و معقولات عالمنک صور مبادیسی » نده ذکر ایتدیکی اساسات دائره سنده یایدیی تحریانک نتایجندن عبارت اولمی اوزره توصیف ایدیوردی . فی الحقیقه اوزون سنه فاصله لرله وجوده کلن بویکی اثر آراسنده تفصیلات اعتباریه فرق وار ایسه ده اساساتنده بر وحدت و ر اتصال تام موجوددر . لاتینجه اثرینک مکان و زمان حقدنه کی مباحثی « عقل محضک انتقادی » نده هان بلا تعدیلات بر بولدی کی بوصول ائرده کی فکر لرینک بر چوق اساسلری « محسوسات و معقولات عالمنک صور مبادیسی » نده موجوددی . او حالده دارالفنون مدرسی اولدینی ائاده یازدینی ائرده وضع ایلدیکی اساسلرک برنوع توسیع و تطبیق دیمک اولان « عقل محضک انتقادی » نه به اوقدر فاصله ایله انتشار ایتدی ؟ قانتک ترجمه حیاتی یازانلر بونی مختلف سیلرله عطف ایده ولر :


{۱} کتبیانده ۲۸ نومرو ایله کوستریلن اثر .

{۲} کتبیانده ۳۰ نومرو ایله کوستریلن اثر .

دارالفنونه مشغولیتنی، صحتک اوصیراده مخیل اولمسی، تفکراتنه وضوح تام وبره مه منی بو تأخره سبب اولارق کوسر لرلر . واقعا بوصیراده «هرچ» یازدینی مکتوبلرده صحتندن شکایت ایدیور؛ بیک کشفنی وضوح تام ایله افاده ایتمکده کی مشکلاتی سویلیور. آنجوق بونلرک هیچ بری بواوزون تأخرک سبب حقیقتیسی دکدر . قانت لاینجه ثریله چیزدیکی اساسلی تعقیب وتطبیق ایتمکده جدی مشکلاته تصادف ایلدی . چوق قوتلی بر مفکره مالک اولان بو بویوک آدم اورتیه قویدیعی فکرلرک عمیق بردوشونجه نتیجه سی اولماسنی، ایضا حاتنک آهنگدار بولونماسنی ایستردی . «محسوسات ومعقولات عالمک صور مبادیسی» دارالفنونه کرسی اشغال ایده جی ایچون عجله یازدی . اوزمان قویدیعی اساسلرک تطبیقده اوغرایاجی مشکلاتی تمامیه تقدیر ایتمه مشدی . فقط بو طریق اوزرند بوزومکه باشلانجه کنیدیسی حل ایدلمسی لازم برچوق موانع قارشیننده بولدی . فی الحقیقه لاینجه اثرده علوم طبیعیه ده تجربه دن مشتق اولیان ضروری برطاقم مبادینک، برطاقم تصدیقلمزک موحدیتنی قبول ایدیور، ذهنک بوصورته تجربه منی ترکیب ایلدیکنه اشارت ایله یوردی . اوحالده بر طاقم سؤاللر قارشیننده قالماسی طبیعی ایدی : بویله تماماً تجربه دن آری مبادی بی ، تصدیقلری ناصیل واقعاته ، شأینته ، حقیقت خارجیه تطبیق ایدم بیلورز ؟ ذهن واشیا آری آری ایکی عالم تشکیل ایدیورسه واقعات ناصل ذهنک بوقانونلرینه معروض اولابیلور ؟ بومسئله لری حل ایتمکده کی مشکلاتک نه قدر بویوک اولدینی قانت مالآخره «علم کی تاقی اولونه بیله حک مسئبل نظریات مابعد الطبیعهیه مدخل» ده آکلاتور. فی الحقیقه ایلریده کورده حکزکه «عقل محضک انتقادی» نک الک مهم قسملری ده بوبخه تعاق ایدن جهتیدر . قانت بیله کتابک ایکنجی طبعنده بو مباحثی یکیدن خیل تصحیحاته وتعذیلاته تابع طوتمشدر . بونک ایچون شبهه ایدیه مزکه لاینجه اثریله آرتیق دارالفنون مدرسی اولان فیلسوف بولدینی فلسفی اساسلی تطبیقده ، بحث ایتدبکمز مسئله لرکی ، برچوق مشکلات قارشیننده قالدی . بومسئله لری برصورت حله اقتران ایتدیرمک ایچون چوق دوشوندی ؛ برچوق تردد دورهلری کچیردی . حیانتک الک فیضلی دورینی بوکا صرف ایلدی .

«عقل محضک انتقادی» ایله آرتیق اصول انتقاد قلمی اولارق نأسس ایتمش اولیوردی . اونک مختلف ساحه لره تطبیق نسبة سهل ایدی وفیلسوف بونی فیصه برزمانده یابدی . شیمدی قانتک اساس فلسفه سندن، وبوتون دیگر نظریاتک قلمی اولان فلسفه معرفتندن

بحث ايده بيارز . يوقاريدە سويلەدېگمىز كې معرفت مسئلەسنى بالخاصە اولاً و محسوسات و معقولات عالمك صور مباديسى « ايله ، صوكرات » انتقاد عقل محض « ايله ، نہات » علم كې تلىق اولونە بيلە جك مابعدالطبيعە يە مدخل « ايله تأسيس ايندى . بىز تىكر تىكر بو اثرلى تلخېص ايتىە جگمىز ؛ آرى آرى بو كىتابلار دە دولاتىمىە جغىز . سادەجە فياسوفك بونلرلە يامىق ايتەدىكى بناى فلسفى بى مطالعە ايلە جگمىز . حتى كىم دىسنىك قبول ايندىكى تقسماتلە دە مقيد بولونمىە جغىز . اولجە سويلەدېگمىز كې بوتقسيمات چوق صنعيدر . بىز او اثرلر اعانە سويلە فياسوفك اورنىە قويدىنى فكلرلك ترتيب طبعى و منطقىسنى تعقيب ايتىكە چاليشا جغىز .



اوچونجی قسم

عمل محضك انتقادى ، باضرد علم مسئلسى

موضوع و اصول

اسكى فيلسوفلر ك باشليجه اشتغالآتى عالمده كى وجودك ، وارلغك ماهيتنى آراشدير مقدى . فلسفه جديدده ايسه اك مهم مسئله معرفتمزك قيمت ومنشأنى آراء مقدر . قرون جديدده . فيلسوفلر وارلغك ماهيتنى آرامازدن اول على الاطلاق علممزك اساس ومنشأنى تحرى ايتك ايجاب ايدجكنى تقدير ايتمشلردر . فى الحقيقه اول امرده علممزك قيمتى نهدر ؟ منشأنى نهدر ؟ معرفتمز ناصيل وجوده كليور ؟ مسئلهلرى تدقيق ابدلديكجك ماوقمك ماهيته ، كائناتك اساسه ، علت اولانك اوصافه دائر ويره جكمز حكملرك قيمتى نه ايله تقدير ايدج بيليرز ؟

اون سكزنجى عصر اورته لرينه دوغرى علممزك ماهيت و قيمتى مسئلهسى اطرافنده يكدبكرينه مخالف باشليجه ايكي تلقى واردى . برى (سپنوزا) ، (لايبنيچ) . (وولف) ده داخل اولدينى حالده ده قارت و مقبلرينك ، يعنى عقليه (راسيوناليزم) مذهبي سالكلرينك قناعى ايدى ؛ بونلر علم مسئله سنده قرون قديمه وقرون وسطا تلقات فلسفيه سنده صادق اولاراق حواسك بزه بيلديرديكى معلوماتى برطاقم ظواهردن ، قاريشيق ، متناقض برمنظومه احساسادن عبارت عد ايلورلردى . بوفيلسوفلره كوره عقلدر كه حسك قاريشيق معطياته وضوح و برر ، تميز ايتديرر ، الحاصل علم حصوله كتيرر . بزبوسايده حسك معضل اوله رق بيلدير دكلرندن بسطى آييريرز ، دائما تحول ايدن اعراضدن بذاته قائم اولان جوهره انتقال ايدرز ، ظاهرآ انتظام سز تورون واقعاتك ثابت قانونلرني بولورز . حسك بزه بيلديرديكى قاريشيق بيلكيلردن ناصيل بسطه ، جوهره ، قانونلره انتقال ايلوروز ؟ ذهن بونك ايچون تجربه دن وجوده كلين ، يعنى حواس واسطه سيله الده ايدلين خصوصى برطاقم مفهومات و مبادى عقليه ني استعمال ايدر . بومبادى و مفهوملر ماوقعه تماماً مطابقدر .

ایشته اصل علم بوصورتله مفهومات عقلیه ، یعنی جوهره وعلنه انتقال ایتک ، تغیر ایتمین ثابت برورالمی بولمقدرد . بواسه مابعدالطبیعه نك موضوعیدرد . بناءً علیه مابعدالطبیعی معرفت ، یعنی حواسک بیلدیردیکنک فوقه ذهناً ارتقا هم ممکن ، هم ضروریدرد . بونک ایچوندركه ده قارت مابعدالطبیعه نی شجر علمك کوکی عد ایدیور ، اصل معرفتی ده بوکوکده بولویور [۱].

انکلیز مکتب فلسفیه ، بالخاصه (لوق) ایله ناشلایان مسلک تجربی (آمپیرزم) به کوره ایسه عقلیه مسلکی سالکلرینک قبول ایتدیکی طرزده مابعدالطبیعه عائد علم نه ضروری ، نه ممکندر . واضح وقابل تمیز علممز بالکز حواس واسطه سیله حصوله کلن انطباعلردن وجوده کلیر : ماوقعه (Réel) بزى مناسبتده بولوندران ده بالکز حواسمزدر . مفهومات عقلیه محسوسات فوقنده بر وارلغه دلالت ایتز ، بلکه بومفهومات ده داخل اولدیعی حالده بوتون تصورلریمز تأثیر خارجی ایله وجوده کلن احساسلرک خلاصه سندن ، تجرید ایله ضعیفله مش رسوبندن باشقه برشی دکلدرد . بونک ایچون تصورلر مز نه قادار مجرد ، بناءً علیه عمومی اولورایسه محتواسی ده او قدر ماوقعندن اوراقلاشیر . عایت وجوهریت کبی تجربه فوقنده عد ایدیلن مبادی به کلنجه بونلرده هیومك تنقیدندن آ کلاسیله جنی وجهله [۲] برر اعتیاد ذهنیدن ، تجربه به مترافقاً حصوله کلن تداعی افکاردن عبارتدر . بناءً عایه تجربه دن وجوده کلین مفهومات ومبادی به مستدد بولونان مابعدالطبیعه اساساً ممکن دکلدرد . بزم علممز بالکز حادثاته تعلق ایلده بیلیر .

یکدکرینه مبین بوا یکی نظریه مواجهه سنده متکرمه نك ایکی تورلو حرکتی قابلدر : یاکندیمزی ذهنك عطائنه قابدی رارق حقیقی آیرمق ممکن اولیه جنه حکم ایدر ، بوصورتله شکله دوشرز ، یاخود ذهنی فعالیتیه سوق ایدرک بوصورتله انتقاد طریقته کیره رز . قانت هیچ برزمان شکله منجر اولان طریق اختیار ایتدی ، عمرینك هیچ بردورنده حسابانی برطرزده دوشونمندی [۳] . چونکه سیوتون فیزیکنه ووجدانك وظیفه حقنده کی امرینه اینانمشدی . بوا تان اونك بویه شکله دوشمسنه مانع ایدی . بالعکس انکلیز فیلسوفلرینك

[۱] دارالفنون ده قارت وقارنیه نلره دائر باصیلش فورمالره باقیکز .

[۲] صحیفه ۴۹-۵۲

[۳] وبقوتور قوزدن ده قارتک انتقادیه مسلک نی ده حسابانی مذاهبدن بری عدایدر . بو طرزده هیچ

حقیقه توافقی انغمز . Cours de l'histoire de la philosophie ، صحیفه ۴۲

مسلك تجرېسنى ونځى (دوغماتيك) فيلسوفلرك مابعدالطبيعى مسلكلرېنى شكې تولىد ايدمك ماهيته كورويوردى. فى الحقيقه برنجېسى عامك قوانينى - كه علت ايله نتيجه آراسنده كې رابطه مستقدر - صرف انفسى بر ارتباطه حمل ايدويوردى. بويلا بر تفكر علمك موقوفه مطابقتى مسئله سنده شېهېنى توليد ايتزميدى؟ دېكر جهتدن مابعدالطبيعونك (الله)، (بقاى روح)، (اختيار) مفهوملرېنه منجر اولان فلسفه لرى يكديكرېنى نقض ايتكمده و برچوق مسائلې غيرقابل حل بر رفته در. بويوزدن مابعدالطبيعى مفهوماته، يعنى روحه، وجود الهى به قارشى اعتقاد منزّل اولمقده، فيلسوفلرك مسامحې فكر يه لرى بر نتيجه و بر مينجه، دينه، اخلاقه قارشى معتاد اولان اعتراضات حقلى كې كورونمكده در. بونك ايجوندر كه قانت علم و اخلاقه قارشى شكې ازاله ايدمك بر يول آرادى. بوطريق انتقاد دى.

انتقادك معناسى، غايه سى نه در؟ انتقاد آثار و مذاهب فلسفېه يى دكل. فقط تجربه ماوراسنه چيقيم ايسته ين معلوماتنه نظراً عقلك قدرتنى تنقيد ايتك و بو صورتله مابعدالطبيعه نك امكان ويا عدم امكانى تقرير ايتكمدر. عجباً انتقاد بوايكې شقندن، يعنى مابعدالطبيعه نك امكان ويا عدم امكاندن هانكيسنه توجه ايدر؟ بالخاصه قانت مابعدالطبيعه نك بسبتون عدم امكانى و علم بشر ايجون حادثاتدن باسقه بر موضوع اولاميه جفنى كوسترمكى ايسته مش، بناء عليه هيومك چيقاردينى نتيجه يه مى واره شدرد؟ قانتك فلسفه سنى لايقله تعميق ايدنجه و بالخاصه بو خصوصه كې بياناتى نظر دفته آليتنجه بو سؤاللره جواب و يرمك قابلدرد. فى الحقيقه فيلسوف سلفلرينك تلقى ايتديكى طرزده مابعدالطبيعه نك ممكن اولمادىغنى و انتقادك بو جهتنى كوستره جكنى قبول ايدويوردى. نه ايجون؟ چونكه نصى (دوغماتيك) مابعدالطبيعون حادثاته عائد علملرده ذهنك تعقيب ايتديكى طريقى، تنقيد، يعنى اونك حدودىنى آرايه لزوم كورمكسز ين محسوساتك، ماوراسنده شميل و تطبيق ايدويورلر؛ بو صورتله ماهيت اشيا و ذات اشيا Chose en soi، حقه علم حاصل ايدم بيله جكلرېنه قانع اولويورلر؛ علتك، جوهرك و حود خارجىنى علماً اثبات ايتلكى در عهده ايلبورلر. يكديكرېنه مابين افكار سرد ايدرك بونلرده موفق اولامينجه ده ساده جه مابعدالطبيعه نك دكل، علوم مثبت نك ده حقيقته مطابقتى مسئله سنده شېه حاصل اولويور. قانت كوره بو تهلكلى نتيجه محسوسات ايله خارجنده كې موضوعلرى يكديكرندن آير مامقندن و هپسهنه عىنى اصولى تطبيق ايتكندن تولد ايلبور. حالبوكه مثبت علم آنجق حادثاتى موضوع اتخاذ

ایده بیایم. حادثات ماوراسنده یالکز عقل محض ایچون تماماً ضروری اولان «ملکة عمله» مستند ایمان (Croyance) ممکن اولاییم. ایسته قانت علم اصولنی بویه محسوسات فوقه تطبیق ایتک ایستین مابعدالطبیعه نك عدم امکاتی اوریه قویدی. بونکله نه علمك موقوفه مطابقتده شبه حاصل ایتک، نه ده مرنوع مابعدالطبیعی ملاحظاتك ممکن اولمادیغنی سوبله مکت ایسته مشدر. بالعکس قانت علم ايله مابعدالطبیعی اعتقاداتی یکدیگرندن صورت قطعیه آیرمی ایل اتخاذا ایشدر. تاکه نه علمك جیقاراجنی نتیجه لره بو اعتقاد منزّل اولسون، نه ده مابعدالطبیعی عقیده لرك تجربه و عقلاً یقین افاده ایتمه سی علمك صحتی حقنده کی قناعتی خللدار ایلسین. بو مقصدله درک فیلسوف «بن اعتقاده روبره ییلمك اوزره مابعد الطبیعی موضوعلرده علمی رفع ایتمه مجبور اولدم» دیور [۱]. بونکله برابر قانت مرنوع مابعدالطبیعه نك ممکن و لازم اولدیغنه ده قانعدی. نتکم عقل محضك انتقادینك ایکنجی طبیی مقدمه سند «انتقاد متین بر مابعدالطبیعه تأسیس ایچون ضروریدر» دیوردی. بومابعدالطبیعه اسکی فیلسوفلرك آگلادیغنی معناده ذات اشیا حقنده بر علم اولمایا جقدر. بو خصوصده یالکز عمله مستند بر عقیده وجوده کله یاییم. آنجق بوعتقاداتك اساسی بر صورتده تأسیسی ایچون انتقاد طریقیله ذهنك حدودی، چورده سی، اصولی، طرز صحتی تعیین ایدمك اقتضا ایدر. بوده مرنوع مابعدالطبیعه ايله اولاییم. قانكده یایمق ایسته دیکي بوایدی کورولورک قانت هیوم کبی علمك موقوفه مطابقتده شبهه منجر اولان و یاخود حادثات ماوراسنده مرنوع یقین حاصل ایتمه نك امکانشزلفنی کوستره ن بر فلسفه تأسیس ايله مشدی.

شوايضاحاتدن آکلاشیلدیغنی وجهله اصول [طریق] انتقادك هدفی بر طرفدن (مسلك

[۱] انتقاد عقل محضك ایکنجی طبیی مقدمه سندن خلاصه نقل ایتدیکم شوفکرلر اوجهله یی پک ابی تور ایدر: «عقل نظرینك تجربه ماوراسنه نفوذ ایده بیله حکمی حقنده کی یا کلیش ادعای اورنه دن قالدیرمده عقلک ضروری عدا ایتدیکی ملکة عمله استنادآده وجود الهی، اختیاری، بقای روحی بول ایده م. چونکه عکس حالده عقل تجربه قابل تطبیق اولان مبادی استعمال ایدرک بوفهومانه نفوذ ایتک ایسته جک و اوونت بومبادینك تطبیق ایدلدیکی تجربه ماوراسی موضوعلرده بالطبع حادثه شکله کیره جکدر. بوتقدبرده عقل محضك عمله تشبیلی لزومسز اولحق، بومانوق الطبیی مفهوماتی آرتیق عقل عملیه استناد ایتدیرمکده امکان قالیه جقدر» (عقل محضك انتقاد B. Pacaud ترجمه سی ۱۹۱۲ طبیی صحیفه ۲۹).

تجربى (Empirisme) ايله صحى سبهييه دوشن علمك ماقعه مطابقتى تاييد ايتك، ديكر جهندن مابعدالطبيعهين بالذات مابعدالطبيعيون النندن قورتارمق اولاجقدر . انتقاد بونى ناصيل برطريق تعقيب ايدرك ياجقدر ؟ قاسته كوره بو هدفه واصل اولمق ايجون اسكيدن قالمه اصول فلسفى ييراقق لازمدر . تجربيه (مپيريزم) مسلكى اربابى ايله نصى (دوغماتيك) فيلسوفلرك علم مسئله سنده كي نظرلرى تاماً بربرينه مخالف اولمقله برابر هرايكيسيده مشترك براساسه ، بر اصوله استناد ايدسيورلر . هرايكى طرفده تفكر مركز موضوع منحصرفى اسيا تشكيل ايتديكى ، تعبير آخرله يالگوز اشيا نك ذهن اوزرنده كي تاثيريله علم حاصل اولديغنى قبول ايتكده درلر . بر كره بوفرصيه يي عكس ايتك لازمدر . يعنى قبول ايتليركه علم ذهنك اشيا اوزرينه تاثيريله وجوده كليز . ديكر جهندن مابعدالطبيعيون علمى مابعدالطبيعى اساسلره استناد ايتديرمك ايتسيورلر ، مسلك تجربى اربابى ايسه بومابعدالطبيعى اساسلرى ييقمق صورتيله علمك حجتده شبهه توليد ايديله جك برتلقى وجوده كتيوريورلر . بوتورلو مساعينك فائده سزلىكى وتهلكه سى آسكاردر .

بر فيزيك عالمى ايجون طبيعت ناصيل بر واقع ، بر موجود ايسه فيلسوف ايجونده علم اوليه جه بر واقعدر . مثلاً نيوتون « حرركات سماويه يي ناصيل بر فرضيه ايله ايضاح ايتك ممكندر » ديهه دوشونهرك فيزيكده كي كشفانه موفق اولمشه فيلسوفده اسكيدن اولدينى كې « علم يقين افاده ايدرمى ؟ » طرزنده كي تحرياتي بيراهه رق ذهنك هانكى قانونه ، هانكى شرائط انفسيه مستنداً ر واقع ، بر موجود عد ايديان علم ممكن اولويور ، عقل ايجون غير قابل اجتناب بر صورتده حلى لازم كلن (الله) ، (اختيار) ، (بقاى روح) مسائلى نه صورتله حل اولونايلير ؟ تعبير آخرله مابعدالطبيعه نه طرزنده ممكندر ؟ بونى آراشدير ماليدر . بوحقيقات علم قدرتنك ، تعبير آخرله ذهنك تجربى اولارق بر تحليلندن ، لوقك ياپدينى كې مفكره نك برنوع فيزيولوژيسندن عبارت ولمايه جقدر . چونكه لوق يالگوز واقعات ذهنيه يي تثبيت ابلش فقط نه كي شرائط ايله علم ممكن اولويور آرامامشدر . اونك ايجون بوفيلسوفك ياپدينى ساده جه توصيفيدر . انتقاد ايسه علمك ومابعدالطبيعه نك امكانى آراياجنى ايجون بويله بر تحليل روحيدن بسبتون باشقهدر .

ديكر جهندن انتقاد بر « تحليل منطقى Analyse logique » ، يعنى علم ايجون ضرورى اولان تصوراتك تحليل ، عالملك تحريات علميه لرنده تعقيب ايلدكلى وتيره علميه مك تدقيقده دكلدر . چونكه بويولده تحليلات وتدقيقات ده بزه علمك ومابعدالطبيعه مك امكانى حقه ده بر حكم وريدره من .

انتقاد طریق بویه بر تحلیل روحی و منطقی اولمادیغه کوره ماهیتی نهدر؟ بونی ایجه آکلاهیلمک ایچون بر واقعه اولارق قبول مجبوریتنده اولدیغمز علممزی یاقیندن تدقیق ایدلم . تجربه محصولی اولان علممز شو ایکی شرطی تصمن ایدر : ۱) ماده (Matière ، ۲) صورت Forme . علمک مادهسی حواسمز اوزرینه تأثیر ایدن شیدر [۱] . حواس اوزرینه تأثیر ایدن بو «شی» نهدر؟ نفسمز خارجنده بویه برشی وارمیدر؟ بو مسئله حد ذاتنده وارلق نهدر؟ عالم خارجی نهدر؟ سؤالندن باشقه برشی دکلدرد . بو سؤاللر ایسه قانتک نقطه نظرینه کوره بو طرزده وارد اولاماز . چونکه انتقاد علمی بر امر واقع اولارق قبول ایتدیکی کبی ، شعورمز اوررینه تأثیر ایدن مادهک موجودیتنده متعارفه اولارق تسلیم ایدر . اثبات ایتکه قالمماز . علممزک صورته «Forme» کلنجه بوتعین ایدیله بیلیر . فقط بوصورتلر «قبلی A priori» در؛ یعنی تجربه دن مستخرج دکلدرد . چونکه تجربه واقع اولابیلیمک ، یعنی برشئی ادراک و اونک حقیقه علم حاصل ایده بیلیمک ایچون بیه مادهیه ، تمیز آخرله حواس وسطه سیله حصوله کلن انطباعلره بر «صورت» ویرمکلکمز ایجاب ایدر . نه کیم ذهنک «ماده» سز صورتی الیه ایتکه ده امکان یوقدر . ایشته انتقادک موضوعی معلوما تمزک «قبلی A priori» صورتلرینی تعین ایتکدر . بویه اولدینی ایچون اصولی ده «تجربیدی ویا مابعدالطبیعی برتحلیل Analyse abstraite ou métaphisique» در .

علممزک مادهسی و صورتی تفریق منجر اولان بوتحلیل عینی زمانده بزم ایکی قدرت ذهنیه مزک آریتماسنی ایجاب ایدر . شبه ایدیله مزک بزم علممز اول امرده تجربه ایله باشلار . تمیز آخرله تفکره باشلامازدن اول ذهنده بعض شیلر خارجدن معطا اولارق موجوددر . ایشته «اشیاک بزم اوزر مزه واقع اولان تأثیری و اونک نتیجه سی اولان صورت ذهنیه یی استحصال قدرتی» حسابیتی وجوده کتیریر . علممز تجربه ایله باشلامقله برابر بوتون معرفتمز اوندن مشتق دکلدرد . علومده ضروری وکلتی اولارق قبول ایتدیکمز حکملر تجربه ک محصولی اولاماز . تجربه ساده جه ممکن اولانی افاده ایلر . بناء علیه (ضروری Nécessaire) حکم و تصدیقلمز «قبلی بر علم قدرتی» ایجاب ایدر . بوتقدزنده «مدرکه Entendement» در .

تجربه دن مشتق اولمان حکملر مزک هبسی صرف تحلیلی اولسهیدی ، مدرکه ک انتقادیه لزوم قالمزدی . معلومدرکه بعض تصدیقلمزده محمول (Prédicat) اولجه موضوع (Sujet) ده [۱] ایلریده قانتک ناصیل بر معیار قبول ایدرک علممزک ماده و صورتی آپردینی کوره جکمز .

داخلدر . مثلاً « هر جسم متجزدر » قضیه سنده (تجز) صرف (جسم) مفهومی ایضاح و توسیع ایدرك ، یعنی تحلیل ایدیهرك بولونمش و ربط ایدلمشدر . بوراده مفكره كندی كندیبه مطابق اولمائی اساسی تعقیب ایدر . بوبوع حكملر مرك تجزیه دن مشتق اولمائی و بناء علیه ضروری و كلی بولونالری طبعیدر . نته كیم هیومده تحلیلی حكملرك ضروری و كلی بولوندیغنی قبول ایتدیكى ایچوندركه - ایكى ایكى دهادر دوت ایدر كی - ریاضی حكملر مریده تحلیلی عد ایدلمشدر . قاتنه كوره هیوم بوصول نقطه ده ، یعنی ریاضی حكملری تحلیلی عد ایلكدده یا ككلمشدر . تحلیل تصدیقلمر موضوعك ایضاحنه خدمت ایدر . بزم علممزی توسیع ایتمز . ریاضیه ایسه هیچ بویه دكلدر . اونك ایچون ریاضی حكملرده تحلیلی عد اولونهماز . تعیر آخرله بونوع تصدیقلمرده محمول موضوعك اولجه محتواسی داخلمده دكلدر . بالعكس محمول موضوعه رفعل ذهنی ایله ربط اولونمشدر . مثلاً $(۷ + ۵ = ۱۲)$ بر قضیه ترکیبه در . چونكه $(۷ + ۵)$ مفهومده بو ایكى عددك بر عدد داخلمده جمع ایدیه بیله چكى فكري داخل اولمادیكى كی اون ایكى عددینك ساده جه تصویری بو ایكى رقمك توحیدنی متضمن عد ولوناماز . كذلک هندسه ده « بر خط مستقیم ایكى نقطه آراسنده کی مسافه نك اصغر ایدر » قضیه سی ده بر ترکیبدر . چونكه « خط مستقیم » مفهومی کیفی ، یعنی دوز بر خط معناسنی افاده ایدر . ساء علیه صرف « خط مستقیم » تعیرندن بویه بر كمی حكم الله ایدیا من ؛ خط مستقیم تعیرینی تحلیل ایدرك « ایكى نقطه آراسنده کی مسافه نك اصغرالی » تصویری چیقارمغه امكان یوقدر . الحاصل بوتون ریاضی حكملر بویه جه ترکیبدر . فیزیكده تجربه دن استحصال ایدیان « هر جسمك ثقلنی واردر » كی قضیه لمده اولویتله ترکیبدر . چونكه « جسم » مفهومك ثقلنی احتوا ایلمسی ضروری دكلدر . بزبونی تجربه ایله بیلبر ، موضوع ایله محمولی بو صورتله ترکیب ایدرز . مع مافیه فیزیكده بالکثر تجربه دن اشتقاق ایدن ترکیبی حكملر دكل ، عینی زمانده تجربه دن مشتق اولیان ، قبل *A priori* حكملرده واردركه بونلرده علمك مبدائی تشکیل ایدر : « عالم مادیده کی تحولاتده ماده نك کمیته خلل كلز ، حكمی كی [۱] . بوحكم تجربه دن مشتق اولمادیكى

[۱] ماده نك ، یسی عالمده کی حرکت وقولك کمیته - ملل کلیه چكى متعارفه سی حد ذاتندن « هر شئیك خلق واردر ، هیچ بر شی علتسز حصوله كله من » مبدأ ذهینسك باشقه صورتله بر افاده سیدر . چونكه بو کمیته تحول واردك عالم مادیده علته محتاج اولمغسزین کی قوت ، یكى حرکلمر وجوده کلیور ديك اولور . بویه بر مبدأ ایسه علوم مادیانی اساسندن تخریب ایدر . اونك ایچون

کې تحليلی ده دکلدر. چونکه (عالم-مائی)، یاخود (ماده) مفهومنده کیمه غیرمتحوللک ده داخل عد اولوناماز. كذلك مابعدالطبیعه ده علممزی توسیع ایلدیکی و بزه یکی حقیقتلر اوکره ندیکی قبول ایدیلیر، اووقت ساده جه مفهوملری تحلیل اتمکله قالمالی، عینی زمانده «بوعالمک برمبدأ اولیسی اولمالی، کبی قبل و ترکیبی حکملره استناد ایتلیدر.

ایشته علممزی تحلیل ایتدیکمز زمان بوصورتاه تجربه نك تحلیل منطقیسندن چیقماش ضروری و ترکیبی حکملر مز بولوندیغنی آکلا یوروز. بونوع تصدیقلر مزك موجود اولدیغنی تثبیت ایدلکدن صوکر ا صلاحیت وامکان مسئله سی مواجهه سنده قالیرز؛ یعنی بویه قلی؛ عینی زمانده ترکیبی حکملر مز ناصل ممکن اولویور؟ (عقل محض) ك بو مسئله عمومیه سی یوقاریده سوبلدیکمز کبی تجربی بر تدقیق ایله دکل، بر تحلیل مجرد Analyse abstraite ایله حل اولونابیلیر، قانت بونوع تجربانه (متعال Transcendental) دیبور. قانتك لساننده بونك معناسی «استیامك دکل، فقط تجربه دن مشتق اولماق، یعنی قبل A priori بولونق اعتباریله علممزك طرزینی «تدقیق ایتمکدر. ایسه بوندقیقات بر انتقاددر؛ بالذات عقل محضی، تعبیر آخرله «معلوماتمزك محواسندن قطع نظرله- کویا بومحتوا یوقش کبی- یالکمز صورتی تنقیددر. بوناصل یاسیلیر واهمیتی ندر؟ ایلریده کوره جکمز.

تصنيف

یوقاریده ده کوردیکمز کبی [۱] انتقاد فلسفه سی علم، یعنی ریاضیه و فیزیکی برواقع، بر موجود عد ایدر. مابعدالطبیعه کانه هر نه قدر صحتی مسلم نتایجیه وارماش ایسه ده ذکای بشر فطری اولارق اونك موضوعی اولان حکملره، یعنی (الله، روح، اختیار) مفهوملرینه واصل اولغنی، تعبیر آخرله طبیعتك، تجربه نك فوقه یوکسلمکی ایستر. بوزهنك بر تمایل طبیعیدرکه - بر نتیجه استحصال ایدیا سین ایدلمه سین - انکار اولوناماز. ایشته انتقاد شواوچ موضوعك امکاتی تجربی ایلر. یعنی:

علوم بوحرکنک، قونک، الحاصل ماده نك کیمه اکیلوب چوعالمیه جنی اساسنه، یعنی هر شینك عاقی واردور دستورنه استناد ایلیر. بودستور هر نوع تجارب علمی نك شرطی اولدیغنی ایمون فیلسوف بونی ایلریده ایضاح ایدم جکمز وجهله، قبل عد ایدیور.

- (١) ناصیل نظری ریاضیات ممکن اولویور ؟
 (٢) ناصیل نظری فیزیک ممکن اولویور ؟
 (٣) هانکی شرائطه مابعدالطبیعه ممکن اولابیلیر ؟ (١)

قانت کتابنده ایکنجی و اوچونجی قسمی (منطق متعال Logique transcendante)
 عنوانی آتده برلشدیریور. شو حالده انتقاد عقل محض باندیجه ایکی قسمدن عبارت اولویور.
 برنجی قسمده قانت معلومات حسیه نك تجربه دن مشتق اولیان صورتلرنی تخری ایده جك
 و بویه جه بوتون کیت و اشکاک شری اولان مکان و زمانی بولا جقدر. معلومدرکه ریاضیه نك،
 بالخاصه هندسه و میخانیکک موضوعی ده بالهایه بوا یکی مفهومدر و بوسایه ده ریاضیه نك امکاتی
 تخری ایتمش اولاجقدر. دیگر قسمده ایسه مدرکه نك تجربه یه تطبیقه وجوده کتیردیکی
 فیزیکی و یا خود تجربه ماوراسه چیقارق اورته یه قویدینی مابعدالطبیعه یی، یعنی مفکره نك
 حقیقتی بولمق ایچون یابدینی دوغرئی و یا یا کلش بوتون تشبثاتی تدقیق ایلیه جکدر.
 دقت ایدیله جك اولورسه بوتقیم قانتک (حسایت) و (مدرکه) اولمق اوزره ذهنزده
 تقریق ایتدیکی ایکی قوته استنادایدیر. فی الحقیقه برنجی قسمده فیلسوف حسایتی، ایکنجی
 قسمده مدرکه یی انتقاد ایلیه جکدر. بوا یکی قوتک تحایل مجردینی یامق سایه سنده فیلسوف
 علم ایله مابعدالطبیعه نك ناصل ممکن اولدیغنی و یا اولابیله جکنی آراشدیرایلیه جکدر.

١ — محسوساتک تحلیل مجردی

هر تام علم ذهنک ایکی قوتنک، یعنی حسایت ایله مدرکه نك اشتراکیله ممکن اولور. مدرکه

(١) قانت بولردن برنجینی (Esthétique transcendante)، ایکنجینی (Analytique transcendante)، اوچونجینی (Dialectique transcendante) عنوانی آتنده تدقیق
 ایلور. قانت (Esthétique) تمیزینی صرف خصوصی معناده قولاندیور. بو تعبیر ایلك دفعه
 آلمانیا ده (باوم غارتز) طرفندن اك مکمل حس اولان « بدایع » ك علمی معنایه وضع ایدلش
 و قولانیلمشدی. قانت کله نك مشتق اولدینی اساسه استناداً بونی علی الاطلاق محسوسات علمی
 معنایه استعمال ایتکده در. نك کم فیلسوف Esthétique transcendante تمیزینی حسایتک
 قبل مبادیسی علمی دیه تعریف ایتکده در. بوندن آکلاشلوره فیلسوف بوتقمده محسوساتک
 تجربه دن اشتقاق ایتینی قسمی آراشدیرا جقدر. انتقاد عقل محض فرانزجه B. Pacand ترجمه سی
 صحیفه ٦٤، آلمانجه ١٩١١ طبعی صحیفه ٥٠

ذهنك قدرت فاعله سیدرك تصورات (Concepts) اغانه سیله دوشونه بیلمك كمره خدمت ایدر . حساسیت ایسه ساده جه تأثیرات خارجیه بی اخذ ایدر . تعیر آخرله بزه تأثیر ایدن اشیا حقه دوغریدن دوغری به بیلمك بی تأمین ایدن (حدس Intuition) ی (۱) وجوده کثیرر . بر شینك حساسیت مز اوزرینه وقوع بولان تأثیراته (احساس Sensation) دینلیر . فیلسوف حساسیت واسطه سیله برشی حقه دوقوع بولان حدسه ، تعیر آخرله دوغریدن دوغری به تأثیرات خارجیه حقه دویلمه کی علمه (تجربی Empirique) نامنی ویریور . حساسیت اغانه سیله وقوع بولان بر حدسك موضوعه (حادثه Phénomène) دینلیر (۲) . حادثاتی انتقاد ایتمك كمره ، یعنی یوقاریده آكلاندیغمز طرزده تحلیل ایلدیكمره زمان اونك صورت و ماده سنی تفریق ایده بیایرز . فی الحقیقه بر جسمك ذهنمزه حصوله كن خیالنده بر كره دوغریدن دوغری به احساساتدن عبارت اولان رنگ ، قوقو ، صلابت ... الخ کبی اقسامی تفریق و تجرید ایتدكدن صوكر ابونلرك خارجنده (حیز Etendue) و (شكل Figure) لاموجود اولدیغنی کوروروز . بزحیز اغانه سیله جسمك احساسله بیلمك كمره کیفیاتی ترتیب و تنظیم ایدرز . بونكه برابر حیز و شكلی دوغریدن دوغری به حسك محصولی عد ایده مه یز . كذاك حس باطنیمزله دویدیغمز احساساتده ده بر كره دوغریدن دوغری به تحسسانمزی و مثلاً خطی ، المی ، كدری ، حدتی ... الخ تفریق ایلرز . فقط عینی زمانده بویاطنی وقایعی یكدیكمره نی تعقیب ایتمسه ، یعنی اول و یا صوكر اولماسنه كوره تنظیم ایلرز .

[۱] Intuition کله سی لاینجه (Intueri) کله سندن مشتق اولارق کندیلکن ن ، دوغریدن دوغری به ، قطعی اولارق حصوله كن علم معناسنه در . بناءً علیه نظر واستدلال اغانه سیله وجوده كن هلك مقابلدر . اشیا لك دوغریدن دوغری به بیلمك كمره فرض ایلدیكمره رنگی ، طادی ، شكلی ... الخ کبی . بزبوکا حدس ، یاخوده حدساییده ، دیوروز . اساساً بولکله بی الیهات منتسبلی الیه یا عالم اخرویده ، یاخود بعض ممتاز انسانلرك حیات دنیویه لك بعض آننده نظر واستدلال واسطایله دکل دوغریدن دوغری به بیلملی معناسنده قوللا مشغولدر . تصوفده کشف ، مکاشفه ، شهود حق دینیلن حالده بورد . فیلسوفلر الیهاتدن بواصطلاحی آلارقی آرزچوق فرقلی معنارده استعمال ایدیورلر . قانتك لاندنه بولکله حاکم مان ادراك خارج « Perception extérieure » معناسنه در . شو شرطله که هم حواسمزله بیلمك كمره رنگ ، طادکی کیفیات ، همده اونلرك شرطلری اولان مکان وزمان آكلایشیلین . بناءً علیه حدس بر طرفدن دوغریدن دوغری به اشیا بی خارجیه لك تأثیریله وجوده كن کیفیاتی ، دیگر جهتدن اونلرك شرط ادراکی اولان زمان و مکانی بیلمكدر . کورولور . یورکه قانتك بولکله بی طرز استعمالی دیگر فیلسوفلردن و مثلاً برهونك قوللاایشندن چوق فرقلدر .

[۲] انتقاد عقل محض B. Pascal ترجمه سی صحیفه (۶۳ - ۶۴) آلامجه ۱۹۱۱ طبعی (۵۰ - ۵۱) (کتابده بولکله ره تصادف ایلدیکی وقت بو تعریفله مراجعت ایلدیكمره .

ایشته نه چیز، یعنی مکان، نه دمه تعاقب، تعبیر آخرله زمان دوغریبدن دوغری به احساس محصولی اولمادی حالدده بوتون حسابآتمک چرچیوه سنی تشکیل ایدرلر . احساسات ، یعنی استیای خارجییه مکان شرطی ایچنده واحتساس زمان داخلنده بر موقع آلارق مشعور اولور . کورولوبورکه اشیای خارجییه نك ذهنده وجوده کان خیالنده دوغریبدن دوغری به احساسدن حصوله کلین قبل (À priori) بر صورتی واردرکه اوده مکاندر . کذلک تحسّسات باطنیه نك عینی صورتله تجربه محصولی اولمیان صورتی ده زماندر . قانت بوادعاسنی، یعنی مکان وزمانک حساسیتک ایکی صورتی اولدیفنی صیرا ایله ایضاح و اثبات ایلور . فیلسوفک بو ایضاحار ایکی صفحه عرض ایدر: اولاً مکان وزمان حقیقه تجربه دن مشتق دکلده ذهنک محسوساته تطبیق ایلدیکی بر شرط ضروریمیدر ؟ تعبیر آخرله بولر قبی (À priori) میدرلر ؟ نایاً زمان ومکانه استناد ایدن ریاضیات ناصیل ممکن اولوبور ؟ ایشه قانتک طرز انتقادی بو ایکی سؤاله جواب ویرمکی استهداف ایلر .

شیمیدی فیلسوفک مکان وزمان حقدده کی افکارینی صیراسیله تعقیب ایدمه :

أ. مکان — . مکان تجربی عد اولونامار . چونکه مادی بر جسمی ادراک ایدم بیلیمک ایچون اوکا عائد اولان احساساتی بر مکان خارجییه عطف ایلککلیمز لازمدر . دیمک که مکان تصویری بر محل ایچنده تمکینه محتاج اولان احساسدن مقدمدر . تجربه آنجق مکان خیالک موجودتی ایله قائمدر ؛ یعنی مکان تجربه نك شرطیدر . شرط البته مشروطدن مقدم اولور . شو حاله نظر آ تجربه نك ، احساسک مکانی تولید ایلدیکی ادعا اولونایلیرمی ؟ دیگر جهندن مکان مقایسه و تفکر محصولی بر تصویره دکلدر . چونکه مکان وحدتی ، برلکی تضمن ایدر . واقعا مختلف یرلردن ، مکانلردن بحث ایدرز . بوندن آکلادیغمز معنا وحدت حالنده تصور ایتدیگمز مکانک مختلف جزملرینه اشارت ایتکدر . حالبوکه مقایسه و تفکر محصولی اولان مفهومات کلیه حقیقی وحدتی تضمن ایتمز . بو کبی کلی مفهوملمرده کوردیکمز برلک صنی و مجرددر . مثلاً انسان مفهوم کلیسی وحدت حقیقیی دکل ، وحدت مجردی افاده ایدر . حقیقی وحدت (انسان) کله سنک افاده ایلدیکی معناده دکل ، اومفهوم داخلنه کیرن احمد ، محمد ... الخ فردلردهدر . کذلک مکان نامتناهی قسملردن متشکلدر . انسان ، حیوان کبی کلی مفهوملمر ایه بالفعل نامتناهی دکل ، بالقوه نامتناهی خیال و صورتلری (Représentations) احتوا ایدر ، یعنی البته انسان ، حیوان مفهوملمرینک افاده ایلدیکی افرادک مقداری متناهیدر . آنجق بو مفهوملمری ،

عینی و صفده بولونان بوتون افرادی جامع اولاجی ایچون، بالقوه نامتناهی عد ایده بیلورز .
مکان ایسه بویه دکلدر . اولالفعل نامتاهیدر .

شو ایضاجات کوستریورکه مکان نه تجربه نك ، نه ده مقایسه وتفكرك محصولیدر .
شو حالده قبلی (A priori) بر حدیس ، تعبیر آخرله دوغریدن دوغری به - فقط تجربه دن ،
احساسدن وجوده کلین - بریلکیدر .

تحلیل انتقادی ایله چیقاردیغمز بونتیجه نك علوم ریاضیه اعتباریه نه اهمیتی وارد ؟
اولجه سولشمك كه (۱) ریاضی حکملر فیاسوف نظرندنه تحلیلی دکل ، ترکیبیدر . یالکمز
ریاضیه نه پایدیغمز بوتز کیلر دوغریدن دوغری به تجربه دن ، اشیاى خارجیه نك حدسندن
متولد اولاماز . چونكه بوتقدیرده مثلاً هندسه نك حکملرینك کلئی و ضروری بولونماسی
و بوتون مادهیه قابل تطبیق اولماسی ایضاح ایدیه من . اولك ایچون بوتز کیلر قبلی (A priori) در .
فقط بوفرضیه نك مشکل اولان نقطه سی بوقبل ترکیلرک ناصیل موحود اولایله حکمیدر .
فی الحقیقه بونظریه نك تأید ایله بیلیمسی ایچون ذهنمك ، حساسیتمك بویه ترکیب قدرنی
اولدیغنی اثبات اتمك اقتضا ایدر . (مکان) ك ماهیتی حقنده چقاردیغمز نتیجه بوانتدارك
موجودیتنی اثباته کافیدر . فی الحقیقه مکان دوغریدن دوغری به بریلکی ، برحدسدر .
بناءً علیه برترکیدر . دیگر جهتدن قبلی ، یعنی اشیاى خارجیه نك شرط ادراکی بولوندیغنی
ایچون ضروریدر . مکانك بواوصافی اونى موضوع اتحاد ایدن هندسه نك نه ایچون بوتون
مادهیه تطبیق ایدیه بیلدیکنی ده بزه ارأه ایلر : مکان ذهنك ادراك حسیسی ایچون برشرط
ضروری و کلئی اولدیغندن اونك قانونلرینه تعلق ایدن هندسه ده عینی وصفی حائزدر ،
یعنی بوتون مادهیه قابل تطبیقدر و حکملری ضروریدر .

بونتیجهیه واردقندن صوکرار سؤال قارشیننده قالیرز : مادامك مکان سادهجه
محسوساتك برشرط ذهنسیدر و هندسه ده صرف بویه انفسی برشرط اولان مکانه استناد
ایلور ؛ او حالده هندسه ده کی حکملرک ماقومه ، اشیاى خارجیهیه مطابقتی اعتباریه نه
قیمتی اولایلیر ؟ مکان حننده قبول ایلدیکمز فرضیه بو سؤاله قولایلقله جواب ویره .
بیلیمکلکمزى تأمین ایدر : فی الحقیقه هندسی مکان اشیاى خارجیه نك ادراکی ایچون بر
شرط انفسیدر ، تعبیر آخرله محسوسات خارجیه نك صورتیدر . او حالده بالاشبه تسلیم
ایدرزكه هیچ برشی ، هیچ بر ماده بوضوونه انطباق ایتدیکجه معلوم اولاماز ، ادراك

ایدیله مز . دها آچیق بر تعبیرله هر واقعه بر «جزء مکان» صورتنده تجلی ایدر ؛ هر حادثه بر حیز داخلنده ادراک ایدیله بیلیر . بونک ایچوندرکه مکانک بر حقیقت تجربه به تقابل ایتدیکنی قبول و تسلیم ایدیور و هندسه قانونلرنی بوتون اشیایه تطبیق ایدیله بیلوروز .

کوردولویورکه مکان آنجق بویله تجربه نیک بر شرط افهیمی اولدنی ایچون قیمت آفاقه سی ، وجودی واردر . بونک خارجنده عیجا مکان مفهومی بر وارلغه تقابل ایدرمی ؟ تعبر آخرله «مکان» تجربه خارجنده بذاته قائم بر وارلق ، یعنی «ذات اشیاء» یاخود بویله بر وارلنک ، «ذات شیء» ک بروصنی اولارلق قبول ایده بیایرمی ؟ [۱] یوقاردنبری تعقیب ایتدیکمز طریق انتقاد کوستریرکه بوسؤاللرک ذهن بشر ایچون هیچ بر قیمتی یوقدر . چونکه تجربه به تطبیق ایدلمسی ، ماده نیک ادراکی ایچون بر شرط ذهنی اولماسی خارجنده «مکان» مفهومی صرف ذهنی ، صرف رمزی (Symbolique) بر نهیتی واردر اوقدر [۲] .

ب . زمان — . «زمان» ک طرز انتقادیده «مکان» حقنده کی ملاحظاته تماماً موازیدر . زمان ده تجربه دن مشتق بر مفهوم اولاماز . چونکه هر تجربه برابرلکی ، یاخود تماقی اقتضا ایدر . بوتون تجاربک بوصورتله شرط ضروریسی اولان زمان ناصیل تجربه دن مشتق عد اولونا بیلیر ؟ حالات باطنیه مز آنجق اول ویاصورکرا دییه تفریق ایلدیکمز «زمان» ایچنده ، «تعاقب و تسلسل» آراسنده مشهور اولور . دیمک که «زمان» تجربه باطنیه نیک شرطیدر . شرط البته مشروطدن ، یعنی تجربه دن مقدمدر . شو حالده زمان محصول تجربه اولاماز . کذلک زمان تفکر و مقایسه نتیجه سی عد ایدیله مز . تعبر آخرله مختلف «آن لرک مقایسه و تجربه دیله استخراج ایدلمش بر تصور کلی فرض اولوناماز . چونکه و مختلف

[۱] (ذات اشیاء) محسوسات فوقنده اولان مطلق (وارلق) دیمکدرکه ایلریده کوره جکمز وجهه قافت بوکا (نومنه) دییور . مثله نیوتونک تصور ایتدیکی کی مکان بویله ملان بر وارلق اولایلیرمی ؟ یاخود حادثه خارجنده بر (ذات اشیاء) وار ایده مکان اونک بروصنی بولونا بیلیرمی ؟ بویله بر وجوده (مکان) عطف ایده بیلیرمی بز ؟ ... سؤاللرینه جواب ویرمکدر . مکان تجربه حسیه به صورت ویرن بر وجود ذهنی ایلدینه کوره یا نیکر حس ایله ، تجربه ایله قائم دیمکدر . بناء علیه تجربه وحس قالفنجه (مکان) برلکه ، نهایت بر رمز اولارلق قالیر . باشقه نورلو بر موجودیتی اولسه بیله ذهن اونی بیله مز . انتقادله چیقان بونتیجه نیوتونک (مکان مجرد) حقنده کی تلقیسه ، ده قارنک حفر حقنده کی فکرینه مخالفی آشکاردر .

[۲] انتقاد عقل محض فرانسزجه ترجمه سی صحیفه ۶۵-۷۲ ، آلمانجه صحیفه ۵۱-۵۷

آنلری فکرآ ازاله اینسهك بيله « زمان » باقی قالیر . ذاتاً بو کبی تصورات کلبهك افاده ایلدیکی وحدت ، مكانك انتقادی صیراسنده سویلدیکمز کبی ، صنعی و متحولدر . حالبوکه زمان بر « وحدت حقیقه » یی متضمندر . اوصورتله که منفرد آنلر بوتام و « بر » اولان زمانك جزئی اولارق ادراك ایلدیلر . الحاصل زمانك « جزء » لری ، یعنی ماضی و حال زمان ایچنده حس ایلدیلر . یوقسه « زمان » مفهومی بو جزئلرک یکدیگریله اولان نسبت و مقایسه سندن استخراج ایدیله مشدر .

خلاصه « زمان » مكان کبی قبل بر حدس (Intuition à priori) در؛ تعاقب و تحولك شرط ادراکیدر . بز شعورمزك تجلیاتی تعاقب و توالی ایللرینه ، یعنی زمانه کوره ترتیب ایلرزه . مادام که هر نوع تحولك ادراکی آنجق « زمان » ايله ممکن اولویور ، اوحالده بوتون تجربه لر مزده « زمان » ك بر حقیقت افاده ایلسی طبعیدر . فقط تجربه ك شرطی اولماسی خارجنده « زمان » مطلق بر حقیقتی افاده ایده بیلیرمی؟ « زمان » مطلق بر وارلق ، یا خود تجربه ايله بيله میه جکمز « ذات اشیا » یه عائد بروصف عد اولونا بیلیرمی؟ انتقاد شه سز که بوسؤاله منفی جواب ویرمیکی ایجاب ایدر . چونکه زمان ذهنك آنجق تجربه یه ، محسوساته تطبیق ایدیلن بر صورتیدر . تجربه خارجنده قیمتی ساده جه ذهنی بر مفهوم اولماسندن عبارتدر . بومفهومك دوغریدن دوغری یه بر وارلقه ، مطلق بر حقیقته تقابل ایتدیکنه ، حکم ایتدیره جك هیچ بر قدرت عامیه مز یوقدر .

کورولویور که قانت زمان و مکاهه یعنی اصولی تطبیق ایتیش و عینی نتیجه لری جیقار مشدر . یالکز فیلسوفك مکانی اشیا ی خارجیه ك و زمانی احوال باطنیه مزك ادراکی ایچون برر شرط ذهنی اولدیغنی قبول ایتدیکنه باقهرق حساسیتك بو ایکی رکن انفسیسی بر بيله هیچ تقاطع ایتمین موازی قانونلر فرض ایتدیکنی ظن ایتمه ملبدر . بالعکس قانت مکان و زمانك یکدیگریله اولان مناسبتی آراشدیر مشدر . کور مشدر که حیز داخلنده جریان ایدن حادثات ده نهایت شعورك بر تبدیلی ، بر تحولی اولدیغنی ایچون بر مدتی (Durée) و تعاقبی استلزام ایدر . بناء علیه حادثات خارجیه ده زمان قانونه تابعدر . بونك ایچون دیزله بیلیر که زمان عمومیتله بوتون حادثاتك قبلی شرطیدر . مکانی وقایع ده آنجق زمان ایچنده بزم ایچون مشعوردر .

دیگر جهندن زمانده بر نوع بعده بکزر . فی الحقیقه نه وقت زمانی مشخص اولارق

تخیل ایتمک ، کوز اوکنه کتیرمک ایسترسهک نامتناهی برخط حائده دوشونورز .
 یالکنز زمانک مکان حائده تخیله بر قیمت حقیقه عطف ایتمه ملیدر . باشقه تورلو
 دوشونه مدیکمز ایچون اونو مکانه قیاس ایتمکده و طول کبی تصور ایلمکده یز . بوقسه
 زمان ماهیه مکانه ارجاع ایدیله من . فقط زمانک مکانی محیط اولماسی بویا دکلدرد . بوقاریده
 سولیدیکمز اسبابه مبنی زمان مکانی ده حقیقته احاطه ایلر [۱] .

۲ -- مدرکه نك تحلیل مجردی

بوقاریده سولیدیکمز کبی علممز ، فائده کوره ، « حساسیت » و « مدرکه » اولوق
 اوزره ایکی قدرتک محصولیدر . بو ایکی قدرت معرفتمز نقطه نظرندن بر برینک لازم
 غیرمفارق ایسه ده حدذاتنده یکدیگرندن آیریدر . حساسیت اشیا ی خارجه نك بزم اوزریمزه
 اولان تأثیراتی اخذ ایدر . مدرکه ایسه حساسیتک اخذ ایلدیکی بو تأثیرات اوزرینه
 دوشونور . لایینچ و ووقته کوره بویکی قدرت ذهیه یکدیگرندن تماماً آیری دکلدرد .
 بالعکس ایکیسی آراسنده آنجق درجه فرقی واردرد . اوصورتله که حساسیت ده ، مدرکه کبی
 من حاصل ایدر . آنجق حس واسطه سیله اولان بیلکیلر من مهم وقاریشیق اولدینی حالده
 مدرکه نك وجوده کتیردیکی معرفت بونک دهها زیاده تنور و توسیع ایدیلمش شکلیدر . بو

[۱] « مکان » و « زمان » ک ماهیتی و یکدیگرله مناسبیتی مسئله سی بو کوزده تفکرات
 فلسفیه نك اساسی نقطه لرندن بریدر . ریاضیه نك و اونک تطبیقی ایله وجوده کلن علومک فیتی
 « مکان » حقنده کی تلقیه سبق برصورتده مربوطدر . دیگرجهتدن زمان تعاقب و منضم اولماسه
 کوره شعوری مستلزم و اونک ماهیتله علاقه داردر . قانتک نظریه انتقادی بومستلرله مواجهه سننده
 اسلامیه نظراً ناصیل بر خطوه ترقی تشکیل اییدیور : اخلاقک وجوده کتیردیکی فکرلره ناصیل
 بول آچشدرد ؟ بوجهلری کتابک خائمه سننده قانتک فلسفه سه عمومی بر نظر عطف ایتمکمز زمان
 بحث ایله حکم . ایسته بورم که قارئی بوحیفه لرده لزوم قطعی اولمادجه یا باجی برفکره ، بر تنقیده
 تصادف اتمکسزین فیلسوفزک سلسله افکارینی اولدینی کبی تعقیب ایده یلسین . تنقید فیلسوفلری
 تدقیقه ایکنجی مرحله در . اول اصرده تدقیق ایتمکمز متفکرک اساسده و تفرعانده تعقیب ایتمدیکی
 طریقه مطلع اولمیزی ، آنجق اوندن سوکرادر که اثرینک اک ابداعی نقطه سی ، فلسفی کوروشنک اک مهم علمی
 و اخلاقی اوزرنده مؤثر اولان جهتلری آراشدیرمق صلاحیتی اک قساب ایده یلیرز . اونک ایچون
 بوحیفه لرده بالکنز فیلسوفک سلسله ها کانی تعقیب ایده حکم و بوغایه ایچون لزوم قطعی کورمده که باشقه
 فکر ، تنقیدی مطالعه لر یزیه حتم . ذرق تنقیدی و کمرلری (خائمه) ده بولاجقدر . زمان یعنی ایچون
 انتقاد عقل محضک فرانزجه ترجمه سنندن ۸۲-۸۹ آلمانجه ۱۹۱۱ طبعندن ۵۷-۶۵ نجی حیفه لرده باقیکر .

فیلسوفلر بوایکی قدرتی بالکزددرجه اعتباریله فرقلی علم حاصل ایدیه بیلجه کوردکلری و مدرکه نك وجوده کتیردیکی هر نوع «تصورات» که ده حساسیتک محتواسی کبی اشیا به مطابق بولوندیغنی فرض ایتدکلری ایچون عقلک الک نهایت آ کلامق ایستدیکی جوهر، ذات اشیا (Chose en soi) حسنده ده علم ممکن اولاجغنه قانعدرلر. قانت بویه بر نتیجه به وارماق ایچوندرکه بوایکی قدرتی تفریقده اصرار ایلور. حساسیت، یوقاریده تعریف ایدلیکی کبی، برآخذه در، اشیا نك تأثیراتی آلیر. فقط بذاته علم وجوده کتیرمز. علم آنجق قابلیت حسیه مز واسطه سیله الیه ایدیلن موضوع اوزرینه دوشونمکه حصوله کلیر. ایسته بوشونجه قدرته «مدرکه» دینیلیر. بناء علیه «حساسیت» ایله «مدرکه» علممزنک بر برندن مستقل ایکی شرط لازمیدر: حساسیت تفکرا ایچون موضوع تهیه ایدر. مدرکه اوموضوع اوزرینه دوشونور. حساسیت اولماسه مدرکه ایچون تفکر ایدیه جنت موضوع بولونماز. مدرکه ده مداخله ایتزه، یعنی تفکر اولمازه حساسیتک بیلیردیکی تأثیرات غیرقابل فهم اولور، یعنی آکلاشیلماز، علم حصوله کلز. قانت بو ایکی قدرت آراسنده کی مناسبتی شو صورته آکلانیور: «محتواسی اولیان» [یعنی حس واسطه سیله وقوع بولان بر تأثیری موضوع انخاذ ایتمین] تفکر بوم بوشدر. تصور حاله کلین حدس ده [یعنی ایسای خارجه ک ادواکی ده] کورددر. بوایکی قدرت یکدیگرینک ایشنی ده کوره مزلر. مدرکه ده حدسی بر اقتدار بوقدر. یعنی حس کی دوشونیدن دوشغری به هیچ بر شینی بیه مز. «حواس» ده دوشونونه مز. علم بو ایکی قدرتک اتحادیه ممکن اولور، [۱]. علممزنه مدرکه محضه بی، یعنی عمومیتله تفکر انمزنک صورتی تحلیل ایلکه قانت تحلیلی متعان (Analytique transcendantale) عنوانی ورییور و بونی شو صورته ایکی قسمدن مرکب عد ایاپور: بری تحلیلی تصورات (Analytique des concepts)، دیگرکی تحلیلی مبادی (Analytique des principes) در.

أ - تحلیلی تصورات

مدرکه دیدیکیز قدرتک فعلی تفکر در. تفکر ایله بر حکم و تصدیقه بولونمغن، یعنی «شوشوبله» بویه در، دیکدن باشقه برشی دکلدر. حکم و تصدیقلمز ماهیه

[۱] انتقاد عقل محض فرانسوزجه ترجمه سی صحیفه ۹۱، آلمانجه ۱۹۱۱ طبعی ۶۶

حساسیت اقتداری اعانه سیله اشیا نك بزده وجوده كلن متنوع خیال لرینی، استحضاراتی (Représentation) وحدته ارجاع ایلک، تعبیر آخرله برشیئی خصوصینك زنده حاصل اولان خیالی دها بر چوق خیال لری احتوا ایدن ر تصور ایجینه ادخال ایلکدر. مثلاً «معدن جسمدر» دیدیکمز زمان «معدن» خیالی دها بر چوق خیال لری محتوی اولان «جسم» تصویری داخله ادخال ایلش اولورز. سو حالده تفکیر تصورات وجوده کتیره رك علم حاصل ایتک، تعبیر آخرله بر شیئك نسبةً خصوصی اولان خیال و تصویری دها کلی بر خیال و تصویره اسناد ایلکدر.

حکملر منك ایکی نوعنی تقریق ایده بیلیرز. بر قسم حکملر من و اودر که اونلرله ایکی مفهوم، ایکی حادثه آراسنده افاده ایلدیکمز رابطه صرف افسیدر. تعبیر آخرله بو نوع حکملری افاده ایدن تشخیص صرف کندی دویغوسنی، کندی انطباعنی آکلامش اولور. مثلاً «کونشك ضیائی زه اوردینی زمان طاشلرک ده ایصیندینی کوروپورم» دیدیکمز وقت کونشك طلوعی ایله طاشلرک ایصینمسی حائلرینی یکدیگرینه ربط ایدیورم. فقط بوراده افاده ایلدیکمز رابطه صرف افسیدر: بر طرفدن کونشك اورته لی آیدیملانمسی و دیگر جهتن طاشلرک ایصینمسی بنده بر انطباعدور. شعور مده کی توالی ایدن، باخود بر آراده بولونال بو ایکی انطباع و تأثیری یکدیگرینه ربط ایلور و بویه بر حکمله افاده ایدیورم. بو نوع حکملره ادراک حکملری (Jugement de perception) دینه بیلیر. حالبوکه «کونشك ضیائی طاشی ایصیدر» دیدیکمز زمان «ضیائی شمس» ایله «طاشك ایصینمسی» مفهوم لرینی شیئی، ضروری اوله رق ربط ایلش اولورم. تعبیر آخرله بر نحی نوع حکملرک قیمتی آنجق بئم شخصی انطباعلرمله قائم اولدیعی حالده، ایکنجی طرزده کی حکملرک - فیزیقده کی و علی الاطلاق علومده کی بوتون قاعده و حکملر بو نوعدندر - هر شعور ایچون وارد و مسلم اولاجنه قانع بولونورم. اونك ایچون بو طرزده کی تصدیقلر، حکملر کلی و ضروری، یعنی شیئی (Objective) درنر [۱]. بو نوع حکملره قانت تجربی حکملر «Jugement de l'expérience» عنوانی وریبور.

[۱] قانت کوره بر حکمک شیئیتی (Objectivité) کلی (Universel) و ضروری (Nécessaire) اولماسندن باشقه برشی دکادر. بر حکم موضوعی اولان شیئه تطابق ایتدیکنه قانع ایسم اومه موضوع حقنده دیگر لرینك حکملری ده بئم وردیکمز او حکمه توافق ایله جکنی تسلیم ایدیورم دیمکدر. یعنی

ناصیل اولوبورده بالتجربه بیلان، یعنی انطباعات انفسیه مدن عبارت اولان تأثیراتی کلتی اولارق یکدیگرینه ربط ایله بیلورم؟ نه حیثیتیه بن کونشک ضیاعی و طاسک ایصندنیقنی کوردکدن صرکرا « کونشک ضیاعی طاشی ایصیدر » حکمنی ویره بیلور وونک هرکس ایچون بویه اولدیقنی، ضیاعی شمس ایله طاشک حرارتی آراسنده ضروری نسبت بولوندیقنی افاده ایله بیلورم؟ بو ایکی حادثه آراسنده ضروری بر علت و نتیجه مناسبته موجود اولاجه ناصیل انتقال ایلیورم؟ تجربی حکملرک بویه کلتی و ضروری اولایلمه سی، لوقک فرض ایتمیکی کتی، مدرکاتک مقایسه سی نتیجه سی عد ایله مز. چونکه حبس و ادراک امکاتی و جزئی فی افاده ایله . بونلرک مقایسه سندن ناصیل کلتی و ضروری بر تصدیق چیقایلیر؟ هیومک ظن ایلمیکی کتی ایکی حادثه نک، موضوع ایله محمولک شعورده دایما بر آراده خاطر لایمائی، یعنی تداعی افکارده بو کلیت و ضرورتی ایضاح ایله مز. بر آراده دایما خاطر لایمائی باشقه، بو بر آراده خاطر لایمان ایکی شیئی هر شعور ایچون وارد و ضروری اولارق یکدیگرینه ربط ایتمک باشقه در. مسئله بویه بر ربط قدرته نکه زده دن کلدیکنی بولمقدرد. الحاصل شیئی دیدیکمز بو حکملرده کی کلیت و ضرورتی صرف تجربه نکه، حکمک محصولی فرض ایله مز. حس ممکنی کوستریر؛ حس ایله و یاخو دایدنلره نظر آ بر قیمتی اولور. دیگر همتدن « محسوس » حسیدر. شو و یا بوشراط آلتنده واقع و قیمتی ده بو دایره داخلمده موجوددر. بو اوصافی حائر اولان « تجربه و حس » دن ولوکه، مقایسه و تداعی اعانه یله اولسون، کلتی و ضروری بر حکم چیقماز.

دیگر همتدن تحلیل منطقی ده بو نوع حکملری ایضاح ایله مز. چونکه منطق تجربه ایله معلوم اولان بر « شیئی »، بر « خیالی »، تحلیل ایدرک تصورات وجوده کتیر بر. بو صورته الهه ایدیلن تصور و فکرلر محسوسک بر رسوبندن، بر طور طوسندن باشقه رشی دکلدرد. مثلاً قارشیمده بولونان متعدد دفترلرک احساسندن ذهنده « دفتر » خیالی وجوده کلیر. اونی تحلیل ایدرک « کاغددن مرکب اولماسی »، تصویری الهه ایدرم. بو تصورلر احساسک بنده قالمش بر تأثیریدر. حالبوکه تأثیرات خارجیه دن بویه حه جوهر، علت هرکسک او موضوع اوززنده کی حکملری بالضروره بر برینک عینی اولور. کذلک بر حکمی کلتی، یعنی هر شعور ایچون وارد و ضروری عد ایدرسک اوز انفسی بر رابطه دن عبارت کورمز، اشیاک ترکیبته داخل بر وصف عد ایدرز. شو مطالعات کوسترکه شیئی دیک هر شعوره قابل تطبیق و ضروری حکملر دیمکدر. طاشی ایصندن کورومچه بونی « کونشک ایصیتدی » درسهم بو حکمی انفسی بر رابطه عد ایتم، هرکس بونی بویه بولایلیر، بناء علیه کلتی و ضروریدر دیک ایسترم.

مفهوم‌لر بی استحصال ایده‌م. چونکه بونلر حس واسطه‌سیله وجوده کلن تصورات میاننده داخل دکلدرکه تحلیل ایله بولمش اولایم. با خصوص جوهریت وعلیت طریقیله وجوده کان حکم‌لر بر ترکیدر. علیت مؤثر ایله اثری، جوهر مختلف اعراضی ترکیب ایلر. وتیره منطقیه ایسه ساده‌جه بر تحلیلدن باشقه برشی دکلدر. ذاتاً حقیقی تفکر، شیئی بر علم ترکیک محصولیدر؛ موضوع بحث ایتدی کمز تجربی حکم‌لرده برر ترکیدر. تحلیل‌لر منطقیه بونلری ایضاح ایده‌مز.

مادام‌که بو نوع کلی و ضروری حکم‌لر نه مقایسه‌دن، نه تداعی کبی شعورک بر قانوندن، نه‌ده تحلیل منطقی‌دن وجوده کلیمور، احوالده مدرکه‌مزده حساسیت اعانه‌سیله ادراک ایلدی کمز اشیا بی توحید ایله جک قبل بر قدرتک موجودیتی تسلیم ایتک اقتضا ایدر. بز حدس، حس اعانه‌سیله مطلع اولدیغمز اشیا بی برطاقم قبل تصورات (Concepts à priori) واسطه‌سیله ترکیب ایدرز. دوشونجه‌لر مز بو صورته اولور، کلی و ضروری حکم‌لر بو طرزده حصوله کلیر. شو تقدیرده صرف اشیا نك بزه واقع اولان تأثیرینك بر خلاصه‌سندن عبارت اولان «تصورات» موحد اولدینی کبی بونلر خارجنده «تفکر» دیدیکمز «فعل ذهنی» بی وجوده کتیره‌ن، شیئی و علمی حکم‌لر می تأمین ایدن قبل تصورلر مزده موجوددر. ناصیل محسوسات «مکان» و «زمان» ایچنده ترکیب ایلدیله رک مشعور اولوبور و بویه اولدینی ایچون بو ایکی «تصور» اشیا نك وجود حسیسینك شرطی بولونوبور ایسه مدرکه‌نك بو قبل مفهوماتی‌ده اشیا بی ترکیب ایلوبور و محسوسه بر صورت ویره‌نك کلی حکم‌لر، یعنی «علم» وجوده کتیریور، اونك ایچون بونلر معرفت علمیه‌نك بر شرط ذهنی اولوبور. قانت بو قبل تصوراته مدرکه‌نك (مقولات Catégories) ی دیور.

بو تصورات قبله‌نك، مقولاتک نه‌لردن عبارت اولدیغی ناصیل بولابیلیرز؟ ناصیل بر اصول تعقیب ایلدرکه مدرکه‌نك بو شرط‌لر بی تثبیت ایله بیلیرز؟ مادام‌که کلی و ضروری، یعنی شیئی بر حکمک حصولی ایچون مدرکه‌نك قبل فعلدن برینك انضمام الیسی، تعبیر آخرله حساً - قانتک قبول ایتدیکی اصطلاحه کوره حدساً - بیلدی کمز اشیا بی مقولاتدن برینك صورت ویرمی لازمدر، احوالده بو اوصافی حائر حکم‌لر مزک نه قدر انواعی وار ایسه مدرکه‌نك‌ده علاوه ایلدیکی اوقدر صورتک، اوقدر مقوله‌نك بولونماسی

اقتضا ایدر . قانت منطق علماسنک قبول ایتدکری طرزده قضایانک انواع منطقیسی
اساس اتخاذ ایتش وبو صورتله هر نوعه خاص اولان مقولاتی بولغه چالیشمشدر .
اوتهدنبری منطق علماسی حکملرمزی کیمته، کیفیت، اضافه، جهته کوره تقسیم ایتدکرینه
نظراً قانت آتیده کی حدولی استحصال ایشدر :

مقولات		حکملرک (تصدیق لرک) انواع منطقیسی	
وحدت	Unité	کلی	Universel
کثرت	Pluralité	جزئی	Particulier
مجموعیت	Totalité	شخصی	Singulier
ایجاب	Réalité	ایجابی	Affirmatif
سلب	Négation	سلبی	Négatif
تحدید	Limitation	تحدیدی	Indéfini
جوهر	Substance	حملی	Catégorique
علت	Cause	شرطی	Hypotétique
تقابل	Réciprocité	منفصل	Disjonctif
امکان	Possibilité	ممکنه	Problématique
وجود	Existance	مطابقه	Assertorique
ضرورت	Nécessité	ضروریه	Apodictique

بزحکمملرک بوتقسیماتی اوزرنده توقف ایتیمه جکزه . بوتون منطق کتابلرنده اوتهدنبری
تصدیقاتی واونک افاده ایلدیکی قضایای کیمته کوره کلی، جزئی، شخصی، کیفیت کوره
ایجابی، سلبی اوله رق تقسیم ایدرلر . کذلک اگر برمرض جوهره، تعبیر آخرله برکیفیت،
بر مادهیه، بر موضوعه عطف اولونمش ایسه اوکا «حملی» دیرلر . قار بیاضدر کی؟ علت
ایله نتیجه آرهنده کی نسبی افاده ایلدورسه «شرطیه» دیرلر . عدالت وار ایسه مجرملر
جزالاندیریلیر، کی . بری دیگريله امتزاج ایدمه مکله برابر هی بر آراده حقیقی افاده
واحاطه ایدن قضایایده منفصله عنوانی ویربرلر . «عالم یا تصادفک» یا کندی داخلنده کی

بر ضرورتك، یا خود بر علت خارجیة ك محمولیدر کبی. تصدیقاتك بوتقسیمی موضوع ایله محمول آراسنده کی اضافه، علاقیه کوره در. بوندن ماعدا قضیه ك محتواسندن قطع نظر موضوع ایله محمول آراسنده کی نسبتك درجه صحیح اعتبار ایله ده یا ممکن، یا حقیقی، یا خود ضروری در. بوصورتله تصدیقلمز احتمالی، یا مطلق و یا خود ضروری اولمق اوزره اوج نوعه آریلیر. بوتقسیمده جهته کوره در [۱].

قانت منطق علماسنك اوتهدنبری قبول ایلدکری تفسیاتی بمعنی اوافق نقطه لرده تعدیل ایتمك صورتله حکملرك جدولده کوستردیکمز انواع منطقیسنی تثبیت ایلشدر. ازان جمله حکملرك کیفیه کوره اولان انواعه برده تحدیدی حکملر (Jugements indéfinis) دییه بر نوع مخصوص علاوه ایدیلشدر. فیلسوفه کوره «روح فانی دکلدر» قضیه سی سلبی بر حکم دکلدر. بوتصدیق حدذاتنده بر تحدیدی ناطق در. یعنی قنایه محکوم نامحدود موجودات آراسندن بر قسمك فانی اولمادیغنی افاده ایلور. اونك ایچون بو طرزده کی قضایای آیری بر زمره عد ایلك اقتضا ایدر.

فیلسوف بو صورتله حکملرك انواعنی تثبیت ایتدکدن صوکر اهر حکمده مدرک نك محسوساته علاوه ایلدیکی قبلی فعلی آراشدیریور و یوقاریده کی جدولده ارااه ایلدیکمز مقولاتی بولویور. فیلسوفك حکملرك انواعندن «مقولات» ناصیل انتقال ایتدیکنی آکلامق ایچون جدولك ایکی ستوننی یکدیگریله مقایسه ایتمك کافیدر. مثلا شرطی حکملر مزده مقدمه دیدیکمز جمله نی، تالی دیدیکمز جمله یه ربط ایتمک کلمزه سائق اولان نسبت شرط ایله مشروط، تعبیر آخرله علت ایله نتیجه آراسنده کی مناسبتدن باشقه برشی دکلدر. فی الحقیقه «صو حرارته معروض اولورسه تبخر ایدر» حکم شرطیسنده مقدمه، یعنی «صویك حرارته معروض اولماسی» بر علتدر. بو علت حاصل اولونجه تالی دیدیکمز ایکنجی حکم بالضروره واقع اولور. بوتیجه در. کورولویور که شرطی حکملرده مقدمه ایله تالی نی

[۱] حکملرك بوانواعی و تمیزلری ایچون «مبارس داده» و علی الاطلاق منطق کتا بلرینه مراجعت. جدولده کی حکملرك هر نوعی یوقاریدنبری سوبلیدیکمز طرزده کلی و ضروری، یعنی شئییدر. تقسیم اثناسنده کلی و ضروری تعبیرلرنی معنی حکملره و برانش اسم شکیلده کوروبده دیگر لرلیک بو اوصفی حائز اولمادیغنی طن ایتمه لیدر. مثلا قضایای جزئیده هر ذهن ایچون مسلم و ضروری اولدیه کوره قانتك تعبیرنجه شبهه یوق که شئییدر. کذاک قضیه ممکنه دهده «امکان» خصوصنده کلیت و ضرورت واردر. «زیرا قضیه ممکنه ده بر حکمی» تضمن اولور، یعنی موضوع ایله محمول بیننده کی نسبتك ضروری اولدیغنی افاده ایدر. معیار سداد صحیفه ۹۶

ربطه سائق اولان نسبت «علیت» در. كذلك «طاش قاتیدر» کبی حلی حکملرده موضوع اولان «طاش» ایله محمول اولان «قانی» لق آراسنده کی مناسبت اعراضك جوهره اولان نسبتك عینیدر. «هر جسمك وزنی واردور» کبی کلی حکملرده موضوعك محموله نسبتی مدرکه نك ماقوی وحدته ارجاع ایتك صورتیله ترکیبی عملیه سنه استنادایدور. کورولویورکه حکملر مزك انواعی ایله اوندن چیقاریلان «مقولات» آراسنده بر تقابل و تضایف (Corrélation) وار. نه ایچون؟ چونکه مدرکه شرطی، حلی، کلی دییه تفریق ایلدیکمز حکملری وجوده کتیرمک ایچون تجربه دن حصوله کلن احساسلره، کیفیتلره، عات، جوهر، وحدت مفهوملرله افاده ایلک ایستدیکمز ترکیب قدرتی، فعل مخصوصی انضمام ایتدیور و بو حکملرده اوصورتله میدانه کلیور. اگر مدرکه ده بو «مفوله لر» ك تضمن ایلدکلی قدرت اولسه یدی بویله ترکیلر، ضروری و شئی دیدیکمز حکملر اولمازدی اشیا اوزرینه «تفکیر» ایده مزك .

بوايضاحات بزه کوستریورکه مدرکه نك کندینه خاص برطاقیم قوانینی، قبلی تصوراتی واردور. بو تصورلر ك مقدارینی، یعنی مدرکه نك محسوساتی نه طرز لرده ترکیب ایده سیله جکلی تثبیت ایلدك. فقط بو کافی دکلدر. مدرکه نك بوقبلی فعللرنی، تصورلرنی بولدقن صوکر بونلر ك بالحدس ییلدیکمز محسوساته نه صلاحیتله تطبیق ایلدیکمزی، بو مفهوماتك ماقوه نسبتله نه قیمتی بولایله جکلی آراشیدیر مقلغمز لازمدر. مادام که علممز حس ایله بیلدکلر من اوزرینه مدرکه مزك فعلك انضمامیله حصوله کلیور، اوحالده بر فعل ذهنی انضمامیله وجوده کلن علمك اشیا، موجوداته نظراً ماهیتی، قیمتی نه در؟ سؤالی قارشیدنده بولونمقلغمز طبعیدر. نته کیم محسوساتی ده انتقاد ایدرکن عینی بولی تعقیب ایتدك. محسوساتك خارجدن کلن «ماده» سندن ماعدا ذهنك علاوه ایلدیکی صورتلری آراشیدردق و بونی «مکان» و «زمان» اولارق تثبیت ایلدك. اوندن صوکر بونلر ك شیشی نه قیمتی اولایله جکلی تحری ایلدك و تجربه حسیه نك شرطلری اولدقلری ایچون بونلر ك مداخله سی اولقمزین محسوساتك مشهور اولامیه جفنی کوستردك؛ بوسایه ده موجودات حسیه نك بزم ایچون آنحق بوشرطلر ك وجودیله قائم اولدینی نتیجه سنه واردق و بویله جه بو ایکی قبلی تصورك تجربه اعتباریله قیمتی بولمش و بونلری موضوع اتخاذ ایدن ریاضیه نك امکاتی ایضاح ایلش اولوبوردق [۱].

مادام که محسوسات کبی مدرکه نکرده بر طاعت قبلی مفهوم لری وار ، عینی نظر زده اونلر کده نه قیمتی بولوندیغی آراشدیر مقلغمز اقتضا ایدر . باخصوص که علوم طبیعی ده کی شینی حکم لرب مقولات ایله وجوده کلدیکی ایچون اونلر ک قیمتی تحری فیزیک ک فاصیل ماقوم ب مطابق اولدیغی ایضاح ایتمک ایچون لازمدر .-

آنحقی . بیکان ، و زمان ک قیمتی تحری نسبة چوق قولایدی . چونکه هر نوع احساس و احتساسک ، الحاصل حد ک آنحقی مکان و زمان داخلده مشعور بولوندیغی کوسترمک و بالمقابله بونلر کده آنحقی حساسیتک شرط لری و قانون لری اولدیغی ارانه ایتمک کافی ایدی . حالبوکه فیلسوف ک نقطه نظرندن حرکت ایدنجه مدرکه نکر مقولاتی اشیا به نه صلاحیتله تطبیق ایلدی کمزی ارانه نسبة چوق مشکلدی . مثلاً « علت » مقوله نی اله آلیکمز . بز بو مقوله نکر مداخله سیله دوشونویور زکه یکدی کیرندن تماماً آری بکی مفهوم ، ایکی حادثه اولان (ب) ایله (س) آراسنده بر ارتباط وار : یعنی علت ایندی کم (ب) وجوده کلنجه در حال (س) ده حاصل اولویور . علت و قیجه دیدیکمز بو ایکی مختلف حادثه آراسنده دائمی بر ارتباط موجود اولدیغی نه بالبداهه ، نه ده بالتجربه سیله مبورم (۱) . طریق انتقاد بکا کوسترییور که بو رابطه نی تأسیس ایدن « مدرکه » مدر . او حالده ذهنمک حادثات آراسنده وجوده کتیردیکی بو اتصالک اشیا ده ده حقیقه موجود اولدیغی نه دن معلوم ؛ دیگر جهتن هیچ بر عالده ماقومده بویه علتیه مسند بر ارتباطک موجودیت اعتقادندن فراغت ایده مز . عکسی حالده حادثات بر تصادفدن عبارت بولوناسی لازم کلیر . بو تقدیرده اشیا حقنده « علم » وجوده کتیرمک امکانی قالماز ؛ فیزیک بر و همدن عبارت اولور . اونک ایچوندر که ساده جه مدرکه نکر بر قانونی اولان بو مقولاتی وازان جمله و علت ی اشیا به نه حیثیله تطبیق ایدی یور ز ؛ بو قانونلر دائرة منده دوشونور ک « علم » حاصل ایندی کمز زمان اشیا بی آ کلامش اولور می یز ؛ سؤال لری نه جواب ویرمک فیلسوف ایچون چوق اهمیتلی بر بحث ایدی نصی (دوغماتیک) فیلسوفلر قوانین ذهنیه نکر اشیا نکر ماهیتی ده تشکیل ایندی کینی قبول ایلدکلری ایچون اونلر ک نظر نکرده بو سؤالر موجود دکلدی . یاخود حلتی اوقدر مشکل عد اولونا مازدی حالبوکه قانت (نفس متفکرک Sujet pensant) ایله اشیا ی آیردی . اشیا حقنده علم وجوده کتیرمکه - ائق قوانینی ، نفس متفکره ، مدرکه یه خاص عد ایلدی . او حالده علممز ، فیزیک ماقوم کوسترییور می ؛ سؤال

مواجهه‌سند بولونوبوردی . « انتقاد عقل محض » ك نشری بالخاصه بونازك مسئله‌نك ایضاحی ایچون کجیکدی .

مدرکه‌نك قانونلری دائره‌سند دوشونورکن یالکز کندی طرز تفکرمنی دکل ، عینی‌زمانده اشیا‌ی ده آکلا یابیلیمککمزك سببی، یعنی علممزك اشیا‌یه مطابقتی ایضاح ایچون ایکی بول واردر . بری معلوماتمنی اشیا‌دن متولد عد الیکدر . بو طرز ایضاح اولسه اولسه قسماً محسوسات ایچون قابلدیر . اصل « علم » مدرکه‌نك فعالیتی نتیجه‌سی اولدیغندن اونك اشیا‌یه انطباقی بوصورتله آکلاتمه امکل بوقدر . ایکنجی طرز « اشیا‌نك آنجیق بو « مقولات » سایه‌سند بزم ایچون ممکن اولایله حکمی، یعنی یالکز بو واسطه‌ایله معلوم بولوناجغنی اثبات الیکدر . بوصورتله « اشیا » نك انسان ایچون آنجیق « مدرکه‌نك بر نوع فعالیت خصوصیه‌سی سایه‌سند موجود اولدیغنی کوسترمش اولورز . قانت ایشته بویکنجی طریق تعقیب ایدرک مدرکه‌نك اشتراکیله حصوله کلن علممزك آفاقی ، شیئی قیغی اولدیغنی ایضاح ایشدر باقیکنز ناصیل :

ادراک حسی فوقده بر « علم » حاصل ایتک ایچون شعورمک بتون قدرت وخیال‌لریله مداخله ایتسی ، تعبیر آخرايه تفکر دیدیکم فعل مخصوصک انضمامی لازمدر . (تفکر) ایسه نفس متفکرک تفکر ایدیلن (اشیا) قارسیسند کندی بیلمسی ، کندی حقنده شعوریدر . دیمک که « تفکر » ده یکدیگریله بر کل تشکیل ایتش ایکی جبهه وار : بری موضوع تفکر (Objet)، دیگری اونك قارشیسند نفس متفکرک کندی حقنده شعوریدر . تفکرک موضوعی شعور حسیدر . یعنی حواس واسطه‌ایله بیلدیکمز پارچه پارچه طاعینق انطباعردر . بوانطباعر « ماده‌ی » ، « شیئی » تشکیل ایده بیلمسی ، الحاصل قابل فهم اولایلمسی ایچون شعوری برصورتده ترکیب اولونماسی اقضا ایدر . بو ترکیب دائماً وحدت وعینیتی حائز اولان نفس متفکرک کندی حقنده شعوریله حاصل اولور . باتقه بر تعبیرله مدرکه ایله افاده ایتدیکمز عمل باطنی محسوسی توحید ایدر ؛ حتی حس واسطه‌سیله وجوده کلن انطباعاتک بزده حاصل اولدیغنی ، کندی انطباعاتز بولوندیغنی ده آنجیق نفس متفکرک بویله بر شعوری سایه‌سند قابلدیر . مثلاً مکان داخلنده برخطی کورمکه ادنی حقیقه آکلامش اولمام . خط حقنده تام معرفت وجوده کله بیلمسی ایچون اونی مکان اوزرنده چیزه بیلمی‌یم، یعنی نقطه‌لری ترکیب ایتلی‌یم . طبق بونك کبی حساسیتک ذنده وجوده کنیردیکی مشوع خیال‌لری ترکیب ایتک سایه‌سند علم حاصل

ایدرم . نیم ایچون (شی) آنجق بوصورتله معلوم اولور . دها آجق بر تعیر ایله محسوسات نفس متفکر ایچون توحید ایدمک سایه سنده « اشیا » موضوع علم تشکیل ایدر . قانت بالذات عینی فکری شو صورتله آکلانیور : « شعورك وحدتی ایله درکه حساسیتک تولید ایتدیکی خیاللرک بر (شی) ایله اولان نسبتی تأسس ایده بیلور واونک ایچون بوتوحیدک بر قیمت آفاقه سی ، بر قیمت شیئه (Valeur objective) سی اولاییور . »

حکملر مرک بنیه لرینی تدقیق ایده جک اولور سق بونظریه نك تأید ایتدیکنی کوروروز . فی الحقیقه حکم و تصدیق (رابطه Copule) دیدیکمز بر فعل ، برادات اعانه سیله ایکی تصور تجربی ، ایکی حادثه آراسنده کی شیئی ، آفاقی ر نسبتی افاده ایتمکدر . بوصورتله افاده ایتدیکمز مناسبی خارجه موحد عد ایدر واونی ضروری کوروروز . « هر جسمک ثقلی و درر ، دیدیکمز زمان جسم ایله ثقل آراسنده شیئی ، یعنی هر ذهن ایچون مسلم و ضروری بر نسبت ملاحظه ایلرز . ذهن بر شیئی کورونجه دیکرینی خاطر لایه رقده ایکی شی ، ایکی واقعه آراسنده بر نسبت بولور . آنجق بوکا سائق حکم و تصدیق قدرتی دکل ، تداعی ، قانونیدر . مثلاً دکنزه ناقار ، کمی فی خاطر لارم . بوصورتله بنده حاصل از لان ایکی تورلو انطباعی بکدیگرینه قریب ایلرم . فقط یوقاریده ایضاح ایلدیکمز کبی (۱) بوصورتله حصوله کلن نسبت صرف افسیدر . دیمک اولویورکه محاکمه قدرتیله تراکی واقعه آراسنده کی شیئی نسبتی افاده ایلوروز . بو قدرتمک ماهیتی ایسه حساسیت اعانه سیله وجوده کلن خیاللری توحید ایتمکدر . ایشته بو توحید مدرکه نك فعلیدر ، یعنی مقوله لر طاعن ذیق از لان محسوساته بر صورت ویره رک از لری نفس متفکرک وحدت ترکیبیه سی ایچنه ادخال ایلکه خدمت ایدیور . بو مقوله لرک شیئی بر قیمتی اولماسی محسوساته بویه جه « صورت » ویردرک تفکر و ترکیبی ممکن قبله اسندن نشأت ایلور .

شوهالده مقوله لرک قیمتی محسوساتک برر صورتی اولارق تفکر امکاتی وجوده کتیر مسیله قائمدر . یوقسه بونلرک بذاته ، یعنی محسوساته تطبیق ایدلمی خارجه هبج بر قیمتی یوقدر . چونکه مدرکه دوغریدن دوغریه علم وجوده کتیر من . آنجق محسوسات اوزرنده دوشونه رک معرفت حاصل اولور بناء علیه علممز تجربه

ساحه سنه مقصوددر . محسوساتی قالدیریکز ، مدرکه نك موضوعی قالماز ، مقولات ایچی بوش برر صورتدن ، موضوعسز برر کله دن عبارت اولور . یاخود مقولاتی برشی متعاله ، یعنی بالتجربه بیلمدیکمز بر موضوعه ، مثلاً وجود مطلقه تطبیقه قالدیشیکز ، چیقاردیفکمز حکمک بر معناسی ، بر قیمتی اولاماز . مثلاً « الله بر جوهردر ، یاخود دکلدر » قضیه لرینک هراکیسنکده هیچ بر قیمتی یوتدر . چونکه (جوهر) تجربه ومحسوسانه تطبیق ایدیلن بر « صورت » دن باشقه برشی دکلدر . قیمتی ده آنجق بوتطبیق سایه سنددر . اونک خارجه چیقیلدینی زمان هیچ معناسی قالماز . حالبوکه « الله » لفظه جالانک افاده ایلدیکی علت اولی بالتجربه بیلنه من . چونکه مطاقددر . جوهریت ایسه اضافیه ، حادثیه تطبیق اولونان بر صورت ذهنیدر [۱] .

دیمک اولویورکه « مقوله لر » یالکمز حادثانه قابل تطبقتدر . فقط بو مقوله لری حادثانه محسوسانه ناصیل تطبیق ایده یلیورز؟ مقولات بسیط وکلی برنصوددر ، محسوس « فیسوفک تعبیرنجه حدس » ایسه معضل (Complexe) وجزئیدر . ناصیل اولویورده یکدیگرندن تماماً آیری وصفده بولونان بواکیسنک اتحادی ممکن اولویور؟ بو اتحادی ممکن قیلاجق آراده بر واسطه اولماسی لازمدر . ازیله بر واسطه که بر طرفدن حدسک اوصافی حائز ، اونک کبی حسی ، متنوع اولسون ، دیگرجهتدن مقولات کبی ذهنی و ترکیبی ، قبلی بولونسون . مفکره مزده بو ایکی وصفی ده حائز بر قدرت وارمیدر ؟

قائده کوره بوقوت مخیله (Imagination) در . فی الحقیقه مخیله من اشیا نك اوزر مزده کی تأثیرینی محافظه ایدرک اونلرک بر نوع خیالی دیمک اولان صور محسوسه (Images) وجوده کتیریر . مثلاً قارشیمده بولونان آغاجک حواس واسطه سیله اولان تأثیری زائل اولمیه رق مخیله م اونک صورت محسوسه سی (Image) حاضر بولوندیریر . بو صور محسوسه دائماً بر زمان ، بر مکان داخلنده در . مخیله بو اعتبارله « حساسیته » مربوطدر . فقط مخیله ساده ، انطباعاتی محافظه ایتمز . عینی زمانده بذاته بر قدرت فعاله و ترکیبیه یی حائزدر . وبوقوتک اعانه سیله در که مقولاته توفیق اقبلی اولارق شه ما ، سمه (Schème) ورمزلر وجوده کتیریر وبوسایده محسوساتی ، حدس حسیلری بوشه مالر ، بوزمزلر ایچنه ادخال ایدرک دوشونه ییلیرز . مثلاً زمانی ذهنز آنجق بر (خط مخیل) وجوده کتیره رک دوشونه ییلیر ،

[۱] انتقاد عقل محض B. Pacaud ترجمه سی صحیفه ۱۱۸-۱۷۰ ، آلامنجه ۱۹۱۱ طبعی صحیفه ۹۹-۱۲۹

کیتی (عدد) دیدیکمز بر شمه ما ایچنده تصور ایله بیلیرز . لاعلی التعمین بر دائره دوشونه بیلیمک ایچون عادتاً ذهنمزد د دائره یی چیزدرز . دیمک اولیورکه مخیله دوغریدن دوغری یه بزم اوزرمزه تأثیر ایدن منفرد اشیا نك صور محسوسه (Imags) سنی وجوده کتیردیکی کبی علی الاطلاق محسوساتی برنوع تنظیمده تابع طوئیور ؛ ترکیبی بر قادرو وجوده کتیریورکه بوسایده محسوساته هانکی نوع مقوله لری تطبیق ایده جکمزى آکلا یورز وذهنده حقیقی ترکیبلر حصوله کتیرمه بیلیورز . مثلاً یوقاریده سرد ایتدیکمز مثاللردن (عدد) شه ماسنی آلیکمز: بومفهوم (بش، بیک، اون بیک) الخ هیچ برمعین کمیت دکلدر . فقط نه وقت بر کمیت دوشونورسه ک (عدد) قادروسی ایچنه ادخال ایدرز. دیمک که بو مخیله نك وجوده کتیردیکی برقادرو ، برشه مادر . بوسایده محسوسات « کمیت » دیدیکمز مقوله نك کو-تردیکی استقامتده ترکیب ایدیلور . فقط بو قادرو لر مقولامک تطبیقه وجوده کان ذهنی ترکیبلرده اولدینی کبی حقیقی وحدت وجوده کتیرمیور . یا لکنز عادتاً محسوساتی حدودی غیر محدود برچرچیوه ایچنه آلیور . فی الحقیقه مثلاً (عدد) محسوسک ترتیب حقیقیسی دکلدر . ساده جه کی ترکیه دوغرو برحاضر لندر . نه وقت بش ، بیک الخ معین بر عددی بر محسوسه عطف ایدرسه ک اووقت ذهنی و حقیقی بر ترکیب وجوده کتیریورز .

عجبا مخیله بوشه مالری ، بو قادرو لری نه واسطه ایله حصوله کتیریور ؟ مخیله نك بو فعلی صرف باطنیدر . هر باطنی ، انفسی عمل یوقاریده سوبلادی کمز کبی « زمان » ی مستلزمدر . دقت ایدرسه ک کورورز که « زمان » حد ذاتده حساسیت ایله تصورات قبلیه آراسنده مشترکدر . فی الحقیقه هر محسوس محقق بر زمان ایچنده مشعوردر [۱] . بناء علیه زمان حسک ، سنو عک شرط ادرا کیدر . دیکر جهتدن « مقولات » دیدیکمز تصورات قبلیه سنو عک ترکیب وتو حیدینی ناخقدر . بو ترکیب وتو حید ایسه بر امر انفسی ، بر امر باطنی اولدینی ایچون زمانی مستلزمدر . نه کمیم مقولات کلیدر دیوروز ، یعنی هر زمان ایچون صادقدر دیمک ایستوروز . بوندن باشقه مقولانك علم وادراک ایچون بر قاعدۀ قبلیه بولوندیغنی کوردک . « زمان » علم وادراکده داخل اولدینی حالده بتون حالات انفسیه مزک قبلی Apriori بر قاعده سیدر . شوا یضاحات کوستریورکه زمان هم حساسیت ایله هم « مقوله » لرله متجانسدر . بونجائس سایه سنده درکه مخیله « زمان » حدسی داخلنده حادثاتک ایچنده صیرالانا بیله جکی بر طاقم شه مالر ، قادرو لر طاسازلامقه محسوساتک ترکیب ایدیه بیله جکی مقوله لری ده تعین ایلور .

ایشته بوجرچیوله شه‌مالره قانت متعال سمه (Schème transcendantal) دییور. ذهك قبل اولارق بویه خیالی شه‌مالر وجوده کتیرمك صورتیله مقوله‌لرك حادثاته تطبیق ایدلمسنى ممكن قیلان فعلنه‌مدرکه محضه‌نك سموینی (Schématisation de l'entendement pur) نامنى ویریور .

دیك اولویورکه ذهنمزه مقوله‌لره کوره برطاقم قادرولر، شه‌مالر وجوده کلیور. دیگر جهندن مخیله، انیانك صور محسوسه‌سنی ده حصوله کتیریر. شه‌ماده بویه تجربه ایله بیلدیكمز انیادن وجوده‌كلن صور محسوسه، خیال اولماسین؛ مخیله‌نك وجوده کتیردیكى شه‌مالرك قبل اولدیغنى اثبات ایدیبیلمك ایچون بو قادرولرك انیادن، حصوله‌كلن صور محسوسه (Images) دن فرقی ارائه ایدلمك اقتضا ایلر. فی‌الحقیقه دقت ایدرسه‌ك شه‌مالر صور محسوسه (Images) عد اولوناماز. مثلاً کاغذ اوزرینه بش دانه نقطه قویوکز. اوکا باقهرق سزده « بش » عددینك صور محسوسه‌سی، خیالی وجوده کلیر. فقط لاعلی‌التمین « عدد » مفهومك افاده ایتدیكى شه‌ما بویه بر صورت محسوسه دکلدر. چونکه « عدد » شه‌ماسی معین بر شئك صورت محسوسه‌سنی، خیالی ارائه ایتز. بالعکس بر کمیتی صورت محسوسه حالده تخیل اصولی، طریقی ارائه ایلر. دیك که (شه‌ما) معین بر صورت محسوسه، بر خیال مشترك دکل، فقط او صورت محسوسه‌لرك بر شه‌بیلجکی بر چرچیوله‌نك تصویری، باشقه بر تعبیرله بو خصوصده ذهك تعقیب ایلدیكى « اصول » ك خیالیدر. الحاصل معین بر عدده ساده (عدد) منهومی آراسنده، کاغده چیزدیكم معین مثك ایله « مثك » منهومی پیتنده نه فرق وارایسه انیادن حصوله‌كلن صورت محسوسه ایله شه‌ما آراسندهده او فرق واردر.

تقرر

مادام که مخیله‌نك وجوده کتیردیكى « شه‌ما » لر مقوله‌لری تعین ایدیور، او حالده نه قدر تصورات قبله وارایسه اوقدرده شه‌ما (Schème) بولونماسی طبعیدر :

- (۱) کمیته عائد مقوله‌لر ایچون مخیله‌نك وجوده کتیردیكى شه‌ما (عدد) در. عدد بر حدسك عناصرینی زمان ایچنده ترکییدن تولد ایدن وحدتی افاده ایله‌ین بر شه‌مادر.
- (۲) کیفیته عائد مقوله‌لرك شه‌ماسی زمان ایچنده وجودر .
- (۳) نسبت و اضافته تعلق ایدن مقوله‌لردن جوهرك شه‌ماسی ما وقعك زمان ایچنده دیومت واستقراری، علیتک شه‌ماسی زمان داخلنده حادثانك انتظام دائرہ‌سندہ تعاقبی، تعاقبک شه‌ماسی جوهرلرك بر برینی عینی زمان داخلنده تعین وایجاب ایتسیدر .

۴) جهته تعلق ایدن تصور ایدن « امکان » ك شه ماسى غير معين بر زمان داخلده بر شينك واراولا بيلماسى، « وجود » مقوله شينك شه ماسى معين بر زمان داخلده، « ضرورت » ك شه ماسى ده هر زمان اينجده بر شينك واروليدر .

قانتك شو « سمه » نظريه سنى خلاصه ايدلم : « بخيله زمان داخلده حادثاتك صيرالانه بيله چكى چرچوله لرى كوسترييور بو چرچوله لر، بو شه مالرده مدركه نك تطبيق ايدم چكى « مقوله لر » ي ارانه ايليدور . مثلاً زمان داخلده وقوع كن حادثات آراسنده انتظام تعاقب « علت » مقوله سنك تطبيقه بر اشارت اولويور . بخيله بو قادرولرى زمانى مختلف طرز لده تعين ايدرك ياپيور . بخيله ، محسوساتك داخل اولاجى بو قادرولرى ناصيل جزييور؟ بو بر نوع تركيب وتنظيمى ناصيل حصوله كتييريور؟ بو قدرت، فيلسوفه كوره « روح بشرك درينلكننده كينلى بر عملدركه اونك ماهيتنى ميدانه چيقارمق . . . » جداً مشكله [۱] .

فيلسوف بورايه قدر تمقيب اينديكمز سلسله محاكاتيله واصل اولمق اينديكى هدف يوقاريدده بالماسبه سويلنديكى وجهله [۲] بالخاصه نيوتونك دهاسيله تماماً تأسس ايدن فيزيكك استناد ايلديكى مبدأ اصلي ي ايفح ايدم بيلمك ، اونك قيمتنى كوستريمكدى . فيزيك « طبيعتك قانونلرى واردر » ، باشقه بر تعبيرله « حادثات آراسنده كللى و ضرورى نسبتلر موجوددر » دستور اساسينده دايانئوردى . بو دستورك منشأى نه ايدى ؟ قيمتى نه اولايانئوردى ؟ بو تحليلات ايله قانت بالخاصه بو سؤاللره جواب ويرمك اينستدى .

« مقوله لر » حقنده ويرديكمز ايضاحات ايله ده فيلسوفك بومسئله نى ناصيل حل اينديكى كوروش اولدق . فى الحقيقه استقار ميدانه قوييمشدى كه حادثات آراسنده كى بوارتباط اساساً بيلمديكمز « ذات اشيا » ده ، ماهيت انياده دكلدر . كئلك ذات اشياك تظاهراتندن

[۱] هيچ شبيهه يوقكه « انتقاد عقل محضك » لك مهم قلمرندن رى نوسمه بخيدير . « Journal de psychologie » لك صوك جيقان نسلخه لريك برنده موسيو ده (D et) لك قانتك ومو-يو بالهوبنك سمويت خنده نظرياتى مفايله ايدن مهم بر مقاليسى وار . بوراده بو « سمه » مسئله شينك « روحيات » اعتاريله بالخاصه اهميتى كوسترديكى كى بوايهات سببنده ايضاح ايليدور . خاتمه ده بو نقط لره تأس ايدم چكز . Journal de psychologie ۱۹۲۳ سنه سى ۳ نجي نومرو صحيفه ۲۲۰-۲۳۶ . سمويت بخي انتقاد عقل محض فرانسرجه ترجمه سى ۱۷۵-۱۸۲ . آلمانجه ۱۹۱۱ طبعى ۱۲۳-۱۲۹ .

[۲] صحيفه ۴۹ و ۶۴

عبارت اولان حادثندده تولد ایله میور . بو ارباطی وجوده کثیرن مفکره در . تعبیر آخرله محسوسی ضروری و کلی ، بناءً علیه (شیئی Objective) ترکیب حائده توحید ایتک ذهنک قانون مخصوصیدر، اونک طبیعتی اقتضاسنددر. نفس متفکر بوتوحید و ترکیب برر شکلی اولان « مقوله » لری موضوع تفکره ، یعنی احساساته تطبیق ایتک شرطیله اونلر اوزرنده دوشونه بیامور . بو توحید و ترکیب قابلیت و اونک برر شکلی اولان « مقوله » لری قالدیریگز ، آرتیق دوشونن، علم وجوده کثیرن ذهن موجود اولاماز . کذلک موضوع تفکری ، احساساتی ده رفع ایدیگز، بو ترکیب و توحیدک تطبیق ایدیله جکی موضوع قایه جی ایچون شعور صاحبی بر اما ، بر نفس متفکر موجود اولاماز .

شواله بر معناده دییه بیلرزه طبیعت قانونلری امر وحت ایدن، حتی اونک حقنده علممزی ممکن قیلان مدرکه مزددر، بزر. آنجیق قانت بونتیجهیه وارمقله برابر اسبابی، طبیعتی تماماً ذهنک خلق ایلدیکنی قطعاً ادعا ایته مش، خافلری اولان آلمان رومانیک فیلسوفلری، بالخاصه «هگل» کی افکاریه مطلقه (*Idéalisme absolu*) یه منجر اولاجق بر طریق فلسفی تعقیب ایته مشدر. حتی طبیعتک بوتون قانونلری ذهنک وجوده کتیردیکنی ده تسلیم ایله مشدر. هیچ شبهه یوق که اشیانک الکی قانونلری یعنی مبادی مدرکه نک محصولیدر، قوانین خصوصیه سی ده مقولاته تابعدر . فقط یالکیز مدرکه و مقوله لر دن اشیانک وجودی استخراج ایدیله مز . چونکه او قانونلر بیانه بیلیمک ایچون تجربه نک مقولاته علاوه سی لازمدر . دیمک که قوانین طبیعت ، اشیا ساده جه ذهنک محصولی دکدر . حادثاتک ده ، طبیعتک ده اوکا انطباقی و توافقی لازمدر. کرک فیزیکک موجودیتی، کرک انتقاددن چیقان بومطالعات قبل اولارق بزه کوستریورکه « طبیعت » ، « اشیا » دیدیکمز بر وارلق وارددر. تعبیر آخرله زمان و مکان داخلنده وجوده کلن حادثات مدرکه نک بعض قوانینه مطابق اولویورده بزم ایچون علم حقنده معرفت ممکن اولاییلور .

ب. تحلیل مبادی

مادام که طبیعتک عمومی قانونلری وضع و تعیین مفکره در، او حلاله مفکره نک استعمال ایلدیکی بر طاقم عمومی و قیل قانونلر، کلی قضایا وارددر که بوتون معرفتمز اونلر

استناد ايدر . ديكر جزئى ، خصوصى قانونلر اونلرك وجودىنى استلزام ايلر . بونلر مدركهٔ محضهٔ نك مباديسى (Les principes de l'entendement pur) در .

اسكى فيلسوفلر مفكرهٔ نك بومباديسى هپ (مبدأ تناقض Principle de contradiction) ارجاع ايلورلر ؛ بناءً عليه مدركهٔ نك قانون اصليسى تناقضدن عبارت كور و بورلردى . سبهه يوق كه مبدأ تناقض حقيقتك بر معيار ايدر . فقط تماماً منفى بر معيار ايدر . يعنى بر حكمك بر فكرك حقيقت اولابيلمسى ايچون ديكر مسلم حقيقتلره متناقض اولماسى اقتضا ايدر . فقط (حقيقت Vérité) ك حصولده بومنى لزوم خارجده مثبت شرطلرده احتياج واردر : بر فكر ، بر حكم متناقض اوليه بيلير ، بونكه بهمه حال اشيايه مطابق بولونماسى اقتضائير . شو حالده مبدأ تناقض بر تصورك تحليله يارار . يعنى محمولك موضوعده داخل اولابيلمسى ايچون حائز بولونمسى اقتضا ايدن شرطى كوستير . بو اعتبارله تحليلى حكملرك مبدأى عد اولونابيلير . حالو كه يوقاريده سويلشذك كه علمى حكملرده محمول موضوعده داخل دكلدر كه بومبدأ تابع اولسون . اشيا حقهده كي حقيقى علممز بالعكس تركيبدر [۱] . بوتركي وجوده كتيره نده ذهندر . شو حالده ذهنك بوتركب قدرتى افاده ايدن بر طاقم مبادى واردر كه كللى و ضرورى اولان علممزك اساسنى تشكيل ايديور . بو مبادى ايكي حادثهٔ نك ، ايكي مفهومك ضرورى اولازق تركيبي اولدينى ايچون مدركهٔ نك توحيد قدرته استناد ايلور . شو حالده بوتون معلوماتك تملى «اشيا» مدركهٔ نك وحدت تركيبهسى شرائطه تابع اولارق ممكن اولور ، دستور ايدر . «مقوله» لر حقهده اولكى قسمده سويلديكمز نظريهٔ نك نتيجهسى اولان بومبدأ اصلدن مشتق بر طاقم قبل مبادى واردر كه بونلر علومك استناد ايلديكى متعارفهلركده اساسيدر .

بومبادى يي ناصيل بولابيلير؟ يوقاريده ايضاح ايلشذك كه مقوله لر مدركهٔ نك محسوسى نه طرز لرده تركيب ايتديكى ارايه ايليوردى . مبادى ايسه بونلرك صورت استعمالى ، يعنى طبيعت حقهده علم حاصل ايد بيلمك اوزره تطبيقليردر . او حالده مقوله لرى كوز اوكنه كتيرير و بونلرك تطبيقى قاعده لرىنى آراشديرير سهق «مبادى» يي بولش اولورز . مثلاً «علت» مدركهٔ نك بر مقوله سيدر ، تعبير آخرله ايكي حادثه آراسنده ضرورى تماقبي افاده ايتديكمز وقت ذهن بوقبلى تصويرى استعمال ايدر . شيمدى «علت» مقوله سسى عموميتله تجربه به ، طبيعته تطبيق ايدلم ، او وقت سبو مبدأ حاصل اولور : «اشياده»

طبیعتده هر تحول علت ایه معلول دیدیکمز ایکی حادثه آراهنده کی ارتباط ضروری قانونه توفیقاً وجوده کلیر. ایشه قانت بویه یاپارق مدرکه نك مبادیسی استخراج ایلشدر.

مقولات « کمیت ، کیفیت ، اضافت ، جهت » اولقی اوزره درت زمره داخلنده طویلاندیغنه کوره مبادی ده بونلره توفیقاً درت طاقه ارجاع ایدیه بیلیر . فیلسوف هر طاقه بر اسم ویره رک شو جدولی استحصال ایدیور :

مقولات	مدرکه محضه نك مبادیسی
کمیت مقوله لری	حدسك متعارفه لری
کیفیت »	ادراکك شرط مقدسی
اضافت »	تجربه نك دستورلری
جهت »	عمومیتله تفکرات تجربه نك موضوعه لری

شیمدی صیراسیله بونلری کوره جکمز . یالکمز فیلسوف بونلردن کمیت و کیفیته تعلق ایدن مبادینک افاده ایلدیکی قطعیت و یقین حدسدن ، یعنی اشیانک ادراکندن تولد ایتدیکی ایچون بونلره « ریاضی مبادی » ، دیکر لرینه (قوانی مبادی Principe dynamique) دیور . بو تقسیم چوق اساسلیدر . چونکه ایلک ایکی نوع مبادی دوغروندن دوغرویه حدس و ادراکك ، حادثه نك اولچوله بیلمسنی ، یعنی کمیتله افاده اولنه بیلمسنی ممکن قیلار . حالبوکه دیکر لرلی آنجق حادثانک ترتیب و تنظیمنه تعلق ایلر . اولکی لرلی سایه سنده ذهن بر ترکیب ریاضی، بر ترکیب کی وجوده کتیریر . ایکنجی لرلنده حادثه لری یالکمز ترتیب ایدر . شو حالده ذهن حادثه لری هم بر تشکیل ریاضییه تابع طوتولور، یعنی اولچه بیله جك، رقمه افاده اولونایله جك حاله صوقویور ، همده اونلرک بر آراده بولونماسنه ویا یکدیگرینی تعقیب ایتمه سنه کوره تنظیم و ترتیب ایلور . مدرکه حادثاتی بو ایکی جهندن ترکیب ایتدیکنندن ریاضیه نك فیزیکه تطبیق ممکن اولایلیور . بو ایکی جنس مبادی نی آیری آیری کوردیکمز وقت آرالرنده کی فرق ده ائی تظاهر ایده جکدر .

أ. حدسك متعارفه سی — حدسك ، یعنی حساسیت واسطه سیله واقع اولان دوغریدن دوغرییه بیلکینک استناد ایلدیکی متعارفه شودر : بونلره هر مدرم نك بر امتداد کمیت (Grandeur extensive) ی واردر .

فی الحقیقه هر حادثه زمان و مکان ایچنده مشعورارلور . بن زمانک افاده ایتدیکی مدنی

آنحقیق اونك احتوا ایلدیکی مختلف آنلری یکدیگرینه ضم ایدرك تخیل ایله بیلیم . نته کیم برخطی ذهنده چیزمکسزین ، یعنی اونك اقسامی متعاقباً استحضار ایتیمکسزین تخیل ایدم . دیمک که برسیئت اجزاسنی ترکیب ایدرك تمامک حدسی ممکن اولویور . شو حالده بوتون حادثات اجزاسنه آریلابیلیر . بوتون حادثات برطساقم جزءلرک ، قسملرک اجتماعی شکله ادراک اولونابیلیر . شو حالده حدس حمی ایله بیلدیکمز اشیا جزءلرینه آریلابیلیر . « امتداد کیتی » ده جزءلرینک تخیلی سایه سنده تمامی دوشونوله بیلن کیت دیمکدر .

هندسه نك اشکال و متعارفه لری مخیله مبدعه نك بویه جه اجزای ترکیب ایتسنه استناد ایدر . اشیا یی خارجیه حقنده کی علم ده بویه بر ترکیب له ممکن اولویور . چونکه « شیء خارجی » آنحقیق زمان و مکان داخلنده مشعور اولور . زمان و مکان مستند اولان هر حادثه ایسه امتداد کیتی حائزدر . یعنی اجزاسنک ترکیب له تمامی آکلاشیلابیلیر . شو حالده مکالک جزءلرینک ترکیب له وجوده کلن هندسه اشکال و متعارفه لرینک نه ایچون بوتون ماده یه ، بوتون تجربه لرمنه قابل تطبیق اولدینی آکلاشیلابیلیر : مخیله مبدعه اجزای مکالیه یی بر صورت له ترکیب ایدرك هندسی شکلری وجوده کتیریر . ذهن ده ذاتاً حادثات خارجیه ده کی متجانس جزءلری ترکیب ایدرك دوشونور .

ب . کیفیتک شرط مقدمی — . کیفیته تعلقی ایدن مبدأ شودر : *برنومه هارثانه* احساسک اصل موضوعنک ، ماده و مادیقنک بر شرت کینی (*Grandeur intensive*) ، یعنی درجه سی واردر .

فی الحقیقه اولجه سویلیدیکمز کی هر حادثه ده ذهنک علاوه ایلدیکی « صورت » ه مقابل « رنگ ، صدا ... الخ » حالده بیلیدیکمز بر ماده سی واردر که دوغریدن دوغری به احساسه معلوم اولور . اصل تأثیر خارجی ایله معلوم اولان « مایقع » بودر . بو مایقعک ، یعنی احساسک موضوعی اولان شینک بر درجه شدتی موجوددر که صفردن ، یعنی اونك عدم وجودندن اعتباراً غیر معین درجه ده کی احساس آراسنده تحول ایدر . احساسده کی بودرجه ده بر کیندر . فقط « حدسک مبدائی » نده سویلیدیکمز امتداد کیتی دکدر . چونکه ماده نك احساسه معلوم اولان درجه شدتی تماماً و دوغریودن دوغریوه ادراک و حس ایدرز ، حالبوکه « امتداد کیتی » نه قدر کوچوک اولورسه اولسون اجزاسنی ترکیب

صورتیله معلوم اولور . مثلاً الك اوافق بره خط « ی بيله نقطه دن اعتباراً ذهناً ترکیب ایدرك ، یعنی مختلف احساسلری برلشدیرهرك بیلیرز . حالبوکه برصدانك ، برزنكك احساسده کی شدتی دوغربدن دوغری به ادراك ایلرز ، یعنی اجزاسنی ترکیب ایدرك بیلیمیز . اشیانك احساسده کی شدت نره دن ایلری به کلیور ؟ شبهه یوق که آنجق تجربه سایه سنده صداده ورنکده کی شدتک موجودیتی بیلورز . فقط بو شدتک صفردن ، یعنی اونك اولماسندن اعتباراً نامین بر درجه به قدر تحول ایلجه جکنی دوغربدن دوغری به تجربه آکلا نامرز . چونکه منفرد بر احساس « آن معین » داخلنده ، بر « شدت معینه » ايله وجوده کلیر . بویه معین شدتده کی احساسک درجه لری اولدیغنی تجربه دن استخراج ایده بیلیرمیز ؟ ذاتاً مختلف احساساتی ذهناً تجریدایتسه ک بيله مدرکه ده احساسک درجه لری اولدیغنی « تصور کلی و ترکیبسی » قالیر . دیمک که احساسک کیفیتی اولارق حس ایتدیکمز بو شدتک درجانی « تصویری ترکیبی و قلی برمبدأرکه رنک ، طاد ... الخ کبی محسوسک ماده می تماماً تجربه دن وجوده کلدیکی حالده اونی (شدت Intensité) ی اعتباریله صیرالامقلمز مدرکه نك قبل بر قانونندن ، برمبأندن حصوله کلیور . او حالده که معین بر احساسک تقدیر ایتدیکمز درجه شدتی بومبدأک بر صورتله تعیین و تحدیدندن باشقه برشی دکلدر .

فلسوفه کوره ، بومبدأ فیزیکده جوت مهمدر . چونکه بر کره ده قارت و معقبلیرنك ماده یی صرف حیزدن ، بناءً علیه تماماً امتداد کمی (Grandeur extensive) ندن عبارت عد ایدن نظریه لرنك دوغرو اولدیغنی کوستریر . فی الحقیقه مختلف امتدادده ، مختلف بویوکلکده ایکی ماده فرض ایدیکمز . بونلرک بزده تولید ایتدیکی هر هانکی بر آغیرلق ، یا خود ضیا احساسلری مساوی اوله بیلیر ؛ یا خود عینی امتدادده ایکی شئیک احساسلرنده کی درجه شدت بر بردن تماماً فرقی بولنه بیلیر . دیمک که بزم « ماقوع » اولارق قبول ایتدیکمز شی ساده « امتداد کمیتدن » عبارت دکلدر . برده کیفیتی ، یعنی احساسده مختلف درجه لری موجوددر . کذلک عینی حجمده کی ایکی جسمک آغیرقلری آراسنده کی فرقی ایضاح ایچون فیلسوفک معاصر ی اولان بعض فیزیک عالمری اجزای فردیه بندنه کی (خلا) ی قبول ایدیورلردی . فیلسوف احساسک درجه شدتی اشیانک بویوکلکیله متناسب اولمادیغنی و درجه احساسی مدرکه نك قبل اوله رق تعیین ایتدیکنی کوستریمکله بالتجربه ادراکی ممکن اولمایان ، برخلا ، تصویرینک اوکنی آلمش و عینی حجمده ایکی جسمک مختلف ثقات و کثافتده بولونا بيله جکنی باشقه صورتله ایضاح ایلش اولویوردی . شو حالده حادثه لرده ایکی نوع اتصال ، ایکی نوع کمیت آیرمق

«دیومت واستقرار» مبدای بر شرط ذهنی در و بوا اعتبار له «جوهریت» که اشیا به نظر آ بر قیمتی وارد در. فی الحقیقه بو مبدای قالدیریکنز؛ او حالده هر شینک مطلق اولارق باشا لدیفنی، یعنی نظاهر ایتدیکی زماندن اول هیچ بر شینک موجود بولونما دیفنی قبول ایتک لازمدر. بو تقدیرده او حادثه نك ادراك ایدلدیکی آدن اولکی آنی دوشونه مزسکنز. چونکه بوش، یعنی حادثه سز بر «جزء زمان» قابل ادراك دکلدر. حالبو که زمانك جزء لر ی آره سنده اتصال وارد در. «بر آن» دها اولکی «آن» اولقمسزین دوشونیه مز. زمان آراسنده بویه اتصال اولونجه اونك احاطه ایلدیکی حادثه لرده ده اتصال و دوامك موجودتی طبیعیدر.

دیمک که شیمدی ظهور ایدن حادثه دن اولده برشی واردی، و یکی ظهور ایدن حادثه دها اولکنك بر ایجابی ایدی؛ یعنی اونك بر باشقه طرزده تحولك نتیجه سی اولدی. شو حالده برشی مطلق اولارق باشا لامیور، دوام ایدن بر شینك، ماضینك نتیجه سی اولویور. بودوام واستقرار-که جوهریت مبدای بودر- سایه سنده حادثه لر بر برینه ربط ایدیه بیلور، حال ماضی ایله اتصال پیدا ایلیه بیلور.

(۲) نجی دستور؛ مبدأ علیت شو صورتله افاده ایدیه بیلیر: هر تحول علت ایلر معلول (نتیجه)، مؤثر ایلر اثر آراسنده کی ارتباط ضروری قانونه نرفیقاً رهبرده کلیر. فی الحقیقه هر حادثه بوندن اول کوردیکمز وجهله باقی ومستمراولان بر شینك تحولی اولارق ادراك اولونا بیلیر، بالتلیجه هر تحول دها اولکی حالی استلزام ایلدیکنه کوره زمان ایچنده بر تعاقب اولارق بزه معلوم اولور. فقط بر برینی ولی ایدن حادثه لر آراسنده حس ایله بیلدیکمز توالی به مدرکه هیچ برشی انضمام ایتدیرمه مش اولسه نهایت اونلرک بر بری آرقه سندن وجوده کلدیکنی آکلارز. فقط بر برینه، علومك ایجاب ایتدیکی وجهله، بر قانون ایله ربط ایلیمه میز. مثلاً (۴) ایله کوستزدیکمز بر تحول محقق (ب) نی تعقیب ایتشددر. چونکه زمان ایچنده محسوس اولان (۴) آنجق بویه بر توالی ایله مشعور اولور. فقط علم ساده جه بر برینی ولی ایدن بو (ب) ایله (۴) که تعاقبی افاده ایتمکه تأسس ایتمز. بلکه بو ایکسی آراسنده بر ارتباط ضروری نی تسلیم ایتمکلکمکی، یعنی بوا یکی حادثه نی بر قانون ایله بر برینه ربط ایتمکلکمکی اقتضا ایدر. او حالده که (ب) بالضروره (د) ی ایجاب ایتش اولسون. بویه بر ایجاب-که علینك نتیجه سیدر- تعاقب حسیدن تولد ایلز. بلکه مدرکه نك ادراك حسی به، بویه بر ایجاب و ضرورتی افاده ایدن ترکیبی بر تصویری انضمام ایلمی سایه سنده ممکن اولور. مدرکه نك بو ضرورتی تسلیم ایتدیرن مبدای «علیت» در.

شو ایضاحات کو-تریرکه یا الکز مدرکه نك قانونی سایه سنده بر حادثه بی ماقلی اولان دیگر بر حادثه نك ایجاب ضروری عدا ایده بیلدورز . اونك ایچون هیوم کی تجربیونك (آپریست) «بوتون تصورلر من تجربه محصولدر، علیت حادثه لر نك تعاقب وتوالسنك نتیجه سیدر» طرزنده کی نظریه لر نك آنجق عکسی دوعری اولاییلر؛ یعنی تجربه آنجق مدرکه نك قلی تصورلری اغانه سیله ممکن اولاییلر . علیت تعاقب وتوالی کی تجربه حسیه نك محصولی دکلدر . بالهکس تعاقب وتوالی ایدن حادثه لر آراسنده کوردیکمز ضرورت مدرکه نك عایت قانونندن منبشدر .

(۳) نجی دستور؛ تقابل مبدأی . شو صورتله افاده اولاناییلر : مظانه برابر بر ادراک ایملر جوهرلر متقابلاً بر برلرله مناسبتدورلر ، بر برینه مؤردورلر . بزم ادراک لر من حد ذاتنده یکدیگری تعقیب ایدر . فقط اکثریا بز ادراک لر منک صیراسنی بوزارق برندن دیگرینه کچه بیلدورز مثلاً (ب) ایله (د) ایکی شیدر . بز (ب) یی اولان (د) صوکر ادراک ایتدی کمزی فرض ایدم . اکثریا اولاییلر که صوکر ادن ادراک ایتدی کمز (د) یی ایسترسهک اولان حس ایده بیلر . صوکر (ب) یی کوره بیلدورز . بویه ایستدی کمز حالده برینی ویا دیگرینی اول ویا صوکر ادراک ایده بیلدی کمز شیلره (همزمان Simultané) دینلر . ایکی شیک بزمان داخلنده موجود اولدیغنی ده آنجق بوصورتله آکلارزه «زمان» اشیانک ادراکی خارجنده معلوم اولامیه جفی ایچون همزمانیلک یکانه معیاری ایکی ادراکدن برینی ویا دیگرینی ایستدی کمز وقت تقدیم و تاخیر ایده بیلمک کمز در . مثلاً قریایه ارضده بولونان اشیا ایکی آیری آیری ادراکدر . بو ادراکدن ایستدی کمز وقت لاعلی تعیین برینی اول . دیگرینی صوکر ایله کتیره بیلیم . بوصورتله ایکی سنک بزمانده بولوندیغنی تعین ایلر . شیمدی بویه برهمزمانیلک ممکن اولاییلر سی ایچون برابرجه بولونان اشیانک متقابلاً بر برینه مؤثر اولدیغنی ، یکدیگریله مناسبتده بولوندیغنیک تسام ایدلسی لازمدر . چونکه فرض ایدیکمز که جوهرلر، اشیا و حادثات بر برینه قطعاً تأثیر ایتیورلر و بونلر تماماً تجربیدایلمش بر حالده درلر . آرالزنده تماماً بر فاصله ، بر بوشلق وارددر . واقعا بو حالده ده ادراکم یاواش یاواش بو تماماً یکدیگرندن آیریلش، تجربیدایلمش اولان شیلره نفوذ ایده بیلر؛ فقط بونلرک بر برینی ولی ایلدیکنی، یاخود ایکی سنک برآراده همزمان اولارق بولوندیغنی آکلایامام . چونکه (ب) ایله (د) همزمان اولاییلر سی ایچون بواکیسندن بری دیگرینک زمان داخنده کی موقعی تعیین و ایجاب ایتسی مقتضیدر . (ب) ایله (د) آراسنده بویه برنسبت موجود دکلسه ،

هر ايكينسك ادراكى آراسنده بر بوشلق، بر خلا قالوردنمكدرد. بوحالده بن ناصيل بونلرى همزمان عدايده بيليرم؟ اكر جوهرلر تماماً يكدىكرندن آيرى و بر برينه غير مؤثر بولونيورلر، يعنى برى دىكرىنى تعين و احساب ايله ميورسه، آراده حقيقت بوشلق وارايسه بوكا هر حالده ادراكم تعلق ايله من. شو تقديرده تجربهنك امكان نقطه نظرندن اشيا آراسنده بر اتصال تام، بر اشتراك حقيقى بولونمايى لازمدر. بو اشتراك و اتصال تام مبدأ اولينجه ادراكاتكم مسايقه ويا تقارننه حكيم ايدهم. تجربه ايسه بونلر حقيقتده بر حكم حاصل ايلمكدرد.

ايشته مدركنك قبلى شواوچ قاعدهسى اعانه سيله دركه تجربه ممكن اولويور. بونلرى قالدريكمز، حالات آراسنده «قانون» قلمار؛ انسان ايچون «طبيعت» موجود اولماز؛ اشيا حقيقتده علم حصيله كله من. بومبدألك افاده ايلديكى نسبتلر اولجا. ايضاح ايتديكمزكي دوغرىدن دوغرى يه احساسده، مادهده موجود دكلدر. شو حالده بونلر مدركنك قانون خاصيدرلر. اوصورتاهكه بونلر بولندقجه تجربه ممكن اولامايوو.

ح. عموميتله تفكرات تجربيه نك موضوعه لرى. تجربه نك مبدأ اساسلرى كى تفكرات تجربيه نك موضوعه «Postulats» لرى ده جهت مقرله لرى اولان «امكان» حقيقت، ضرورت، «توافق ايتك اوزره اوچ قبلى قاعدهدن تركب ايدر.

(۱) نحى موضوعه: تجربهنك شرط صوريسنه، يعنى مدرك صورتنه و مدركنك مقرله لرينه مطابق اولاييلن شى ممكندر.

فى الحقيقه انتقاد كوسترمشدركه برشى ممكن اولاييلمك ايچون اولاحدك صورتنه مطابق اولاييلملى، يعنى مكان وزمان ايچنده بولونا بيلملى؛ ثانياً مدركه مك قلى صورتنه، يعنى مقولاته انطباق ايده بيلملى. آنجق بوشرايطدا خلند شيشى (Objective) بر وارلق ملاحظه ايديله بيلير. بوموضوعه كوسترييوركه امكان منطق اياه قانئت تركيبى ويا خود متعال ديديكى امكان سيشى و آفاقى يي يكدىكرندن تماماً آيرىمق لازمدر. امكان منطقى يي ايجاب ايدن قانون ذهنى «عدم تناقض» در. عدم تناقض تماماً سايى بر قانون ذهيدرد. يعنى برشيك متناقض اولمامسى اونك امكان منطقيسى ايجاب ايلر اما امكان شيشيسى اقتضا ايلر. مثلاً بر سطحك ايكي خط مستقيم ايله احاطه ايديله بيلمسى بر تناقضى محتوى دكلدر. شو حالده امكان منطقيسى وار. وئناكه سطحى تركيب و تشكيل ايتك ايسترزه اووقت كورورر كه سطحك ايكي خط

مستقيمه قايادلسى ممكن دكلدر . ديمك كه امكان منطقى امكان آفاق و-يشى نى ايجاب ايتز . اصل لازم اولان يوايكنجى نوع امكاندر . بونك شرطى يوفاريده سويلديكمز وجهله بر شينك هم حدسك صورتلرينه، هم مقولاته انطباق ايده بيلميسيدر . امكان شينى و آفاقينك امكان منطقيدن آيرى اولديغنى دوشونمه ملرى يوزندندر كه بعض فيزيك و مابعدالطبيعه عالملى خطايه دوشمشلر، و مثلاً ادراكلريمذك اولجه يضا ح ايديكمز طرزده [۱] اوتباط ضرورىسى خارجنده جوهر، قوت .. الخ كه وجودلرى منطقاً متنع اولما ديغندن اونلر حقيقتده شينى بر عالمى ممكن كوره شلر، يا خود روحلرك دوعر بدن دوعرى به بر لرليه مناسبتده بولونا بيله جكنى، مكوناتك ذى شومر بر قدرت الهيه محصولى اولديغنى هب بوا مكاندن استخراج ايلمشلردر . حالبوكه انتقاد بزه كوسترمشدر كه بونلرك هيچ برى معرفتمزى ممكن قيلان شرائطه تطابق ايلديكي ايجون امكان شينيسنه عقل نظرى دلالتيله حكيم اولونا ماز . چونكه بونلر معرفت علميه نك انتقاد ايله تعين ايدن شرطلرى خارجنده قالدقلى ايجون امكانلرينه ده حكيم ايديله مز . كورولويوركه عدم تناقضدن عبارت اولان امكان منطقى امكان تركيبى و متعالى مقتضى دكلدر .

(۲) نجى موضوعه : تجربه نك شرائط ماديسه، يعنى « احساس » نوانى ابره شى حقيقيير ، مارقمه مطابقه .

بوندن او ايكى موضوعه بر (شىء) ك حساسيت و مدركه نك شرط صوريسنه مطابقت سايه سنده ممكن اوله بيله جكنى كوسترمشدى . فقط اوشينك حقيقه موجود و ماقعه موافق بولونا بيلمسى ايجون حساسيت و مدركه دن تولد ايدن قبل صورتلرك « مادديه »، يعنى احساسه تطبيق اولنسى لازمدر . بر شينك تصورى نه درجه تام اولورسه اولسون ، نه درجه ذهناً معين و واضح بولونورسه بولونسون وجود حقيقيسنه حكيم ايجون كافى دكلدر . بلكه تجربى ده اولماسى، يعنى احساس واسطه سيله ماده سى مكناسب بولماسى اقتضا ايدر . آنجق بو سايه ده تصور « حقيقى » اولاييلر . مثلاً مقناطيسك موجوديتنى ساده جه بويه بر ماده نك تصور واضحندن استخراج ايده مەيز . بلكه مقناطيسلاشمش بر شينك اوفاق دمير قيرينتيلرينى جذب ايتمنك ادراكى، يعنى بويه بر احساسه تطابق ايله اوتصورك حقيقى اولماسه حكيم ايله بيليرز . ايشته حواسمز بويه بر ماده نك موجوديتنى ادراك ايده بيلورده مقناطيسيتك وجودى تحقق ايله يور . الحاصل بر « تصور » دن اونك وجود حقيقيسنه

انتقال ایده بیلیمک ایچون اول امرده بر احساس وادراکه تقابل ایلمسی لازمدر .

(۳) نجی موضوعه . مارقمه مطابقت تجربه نك شرائط ضروریه نك ایجابی اولونجه درمورد ضروری تحققی ایبر .

ساده حه بر تصورک موجودیتدن اونک ضرورتنه حکم ایده مه یز . بزم قبلی اولارق بیلدیکمز یکانه ضرورت حادثه لر آراسنده بر ارتباط بولوندیغیدر، یعنی عایت قانونیدر . بناءً علیه اگر طبیعتده بولدیغمز، حسن ایله بیلدیکمز بر حادثه دیگر بر حادثه نك ایجابی اولویور، یعنی بواکنجه نك نتیجه سی بولونویورسه آنحق او وقت «ضرورت» تحققی ایلمر . انسان ایچون معلوم اولایبله جک ضرورت ده بوندن عبارتدر . شو ایضاحات کوسستریرکه «ضرورت» قانونی ذات اشیا به تعاقق ایده مز؛ وجوب ذاتی بولوناماز، اولسه بیله بزیله میز [۱] . بزم بیلدیکمز وجوب و ضرورت تحولات اشیا آراسنده، حادثات پیتنده کی ضرورتدر، یعنی هر تحولک دیکرینی بالضروره ایجاب ایلمیدر . بناءً علیه «بعض شیلرک و خودی واجبدر، یعنی بالضروره واقع و موجوددر» دییه مایدر . چونکه بویله بر حکمی تأیید ایده جک قدرت علمی مز یوقدر . بزم بیلدیکمز آنحق هر واقع اولان شینک دها اول حدوت ایده نك ایجاب ضروری سی اولارق حصوله کلدیکیدر . بومبدادن قولایلقله سوا یکی قاعده قبله نی استخراج ایده بیایر: اولاً هیچ برشی کور بر تسادفک نتیجه سی دکلددر . ثانیاً طبیعتده کور بر ضرورت، بیلنه میه جک بر ضرورت ذاتیه یوقدر . بالعکس شرطک مشروطی تولید ایتیمی نوتندن بر ضرورت موجوددرکه حادثات آراسنده کی بو نسبت قابل فهمدر [۲] .

[۱] ضرورتک ذات اشیا به تعاقق ایتیمه، ذات اشیا نك وصفی عد اولونماسنه بزم منطق و کلام کتاباریده «وجوب ذاتی» دینلیور و بونک خرجنده کی ضرورتلره «وجوب بالغیر» عنوانی وریایور . نه کم وجوب ذاتی «دات و ضوعدن نشأت ایدن ضرورت» دییه تعریف اولونمدهدر . بومعزاده اولارق جناب الله «واجب الوجود» دینلیور . یعنی ذاتی وجودنی و صفاتی بالضروره ایجاب ایدر دیمکدر . ایتیه قانتک «بیلهمیز» دیدیکی ضرورت بو نوع اولانددر . بزم منطق کتابارنده وجوب و ضرورت کله لر عینی معنایی افاده ایدر .

[۲] انتقاد عقل محض Parcaud ترجمه سی صحیفه ۱۸۲ - ۲۵۰ ، آلمانجه ۱۹۱۱ طبعی صحیفه

تحلیلاتک نتیجه‌سی

ماده و ذات اشیا

تصورات و مبادینک تحلیلاتنه دأثر یوقاریدن بری و یردیکمز ایضاحاتی تعقیب ایدیجه شو نتیجه وارمش اولویورز : ذهنمک بر طاقم مبادیمی واردرکه آنحق بو مبادینک افاده ایلدیکی ترکیب سایه‌سندمه تجربه ممکن اولابیلور. آنحق بو مبادینک هیچ بری باشلی باشنه برقیقتی حائر دکلدر. بونلرک ماقعه، اشیا به عائد بر علم و جرده کتیره بیلیمسی ایچون حس وادرا که تطبیق ایدلمش اولماسی لازمدر. عکس حالده بونلر بوش برر قضیه‌دن، اشیا نک وجودینی افاده اعتباریله هیچ برقیقتی اولمیان تصور و حکملردن عبارتدر .

شو نتیجه‌ینی استحصالدن صوکر علم مسئله‌سندمه قاتتی سافلردن آیران وصف‌بارزی بک ای تشخیص ایده‌بیلیرز :

بو قسمک باشنده بالمناصبه سویلنمشدی که اون - ککزنحی عصرک اورتله‌ربنه دوغری فیلسوفلرک « معرفت » مسئله‌سی حقنده یکدیگرینه مخالف باشلیجه ایکی تورولو تلقیلری واردی. بونلردن رنجیسنی آلمانیا ده لایبنیچ و وولف تمثیل ایدیوردی. ایکنجیسی بالخاصه « لوق » ک اثرلریله انکلترده تأسس ایلشدی [۱] . قانت شو چیقاردیغمز نتیجه ایله بو ایکسی آراسنده بر موقع آلیور . ده دوغریسی بو ایکی تلقینک ده بعض اساسلرینی قبول ایلور. نصیه و عقلیه (دوغما تیزم - راسیونالیزم) سالکلری ومثلا لایبنیچ و وولف ، بزم ماقعه حقنده کی : لیممز ذهنک قبل برطاقم تصورات و قانونلرینه استناد ایدر دیمورلرمیدی؟ قانت ده عینی فکردددر. دیگر جهندن تجربیون، لوق و معقلبری علممز یالککز تجربه‌دن نشأت ایدر نظریه‌سنه استناد ایلورلرمیدی؟ قانت کورده ماقعه مطابق اولان علممز آنحق تجربه‌دن حصوله کله‌بیلیر. شو اشتراکک درجه‌سنه باورق قانتک فلسفه‌سنی بو ایکی زمردن برینه ادخال ایده‌بیلیرمی‌یز؟ شهم‌سز که خابر ، قانت فاسفه‌ینی بو ایکی زمردنک لیدن ده قورنارمق ایسته‌مشدر [۲] .

[۱] ۵۶ و ۵۷ نجی صحیفه‌لره بایکیز .

[۲] صحیفه ۶۰

شو حالده فیلسوفك مساعیسنی بو ایکی مسلك فلسفیده تصادف ایستدیکی حقیقتلری اقتطاف ایتمکدن، یاخود تألیف ایلمکدن عبارت عد ایدە بیایرمییز؟ هر مدقق نظر قانتك تعقیب ایلدیکی طریقك تماماً یکی، تماماً باکر اولدیغنی ده تسلیم ایتمك مجبوریتده در . فیلسوف اوله بریول تعقیب ایتمشدرکه کرك « لاینسیج » وکرك « لوق » ایله مشترک اولدیغنی اساسلری ینە اوللری تکذیب ایتمك اوزره قوللانمشدر : معلوماتمرك استناد ایستدیکی تصورات و مبادی، الحاصل قانون ذهنی اکر محسوسه تطبیق ابدلزمسه هیچ بر معناسی یوقدر، کذلک محسوس و تجربه بو تصورات، بو مبادی اعانه سیله دوشونیلزمسه معرفت موجود دکلدرد. انتقاد فلسفه سنه خاص اولان شو نتیجه قانتك بو ایکی نوع فلسفه دن ده آیری و مستقل بر طریق آچش اولدیغنی کوسترزمی ؟

شیمدی دیگر بر نقطه نظردن فلسفه انتقادی بی معاصری اولان مذهبله مقایسه ایدلم، اونك خصوصیتی آرایالم : قانتك انکشاف ایلدیکی دورده ده عالم خارجینك، « ماده » نك وجودی مسئله سنده ده فیلسوفلر باشلیجه ایکی زمهریه آریلشلردی . بر قسمی حس سایمه تبعاً ماده نك، عالم خارجینك وجودی قبول ایدیورلر واونی دوغریدن دوغری به بیلدیگمزه قانع اولویورلردی . بونلر حقیقه (ره آلیزم) مسلکی اربابی ایدیلر . دیگر بر قسم فیلسوفلر ایسه ماده بی، متحیز بر شئی یا دوغریدن دوغری به غیر قابل اثبات و مشکوک و یاخود بستیون غیر ممکن و جعلی بر وجود عد ایدیورلردی . مثلاً ده قارت واونك ایزیغنی تعقیب ایدن فیلسوفلر غیر قابل رد حقیقت اولمق اوزره « بن وارم » دستورینی، یعنی کندی وارلغمزی اساس اتخاذا ایدیورلر و نفس خارجنده مستقلاً بر شئك وارلغنی دوغریدن دوغری به بیله میه جگمزی سویلیورلردی . « بارقله ی » ایسه نفسمز خارجنده بر شئ متحیزك بولونماسنی بستیون غیر ممکن کورویور و بو خصوصده کی اعتقاد عامه بی اساسمز بولویوردی . بونلر افتکاریه (ایدە آلیزم) مسلکینه منتسب فیلسوفلردی . قانت تحلیل لانیله عجبا بو ایکی مذهب فلسفیدن هانکیسنی قبول ایتمشدی؟ انتقاد حقیقه (ره آلیست) اولانلرهمی، یوقسه افتکاریه (ایدە آلیست) مسلکی اربانه می حق ویریوردی ؟

تفکرات تجربیه نك ایکنجی موضوعه سنی [۱] اوقونجه نفس خارجنده بر « شئك » وجودی فیلسوفك قبول ایلدیکی آکلاشیلیر . چونکه بو موضوعه یه کوره برشی حقیقی

وماوقعه مطابق اولایلمسی ایچون تجربه نك شرط مادیسنه ، یعنی احساسه تطابق اللمسی ایجاب ایدر . دیمك كه علم من نفس خارجده بر «وجود مادی» بی اقتضا ایلور . بواشارته رغماً «انتقاد عقل محض» ایلك انتشار ایتدیكى زمان ، متفكر لردن بر رسمی قانتك مسلكنى علی الصاده بر «افتكاریه» تلقی ایتدیلر . بارقه ی ، یاخود دیکر بر نقطه نظر دن هیوم فلسفه لرینك بر نسخه ثانیه سی عد ایلدیلر . فیلسوف کندی مذهبك افتكاریه دن عبارت عد ایدللسندن و بالخاصه «بارقه ی» بکزه دلمسندن حقیقه متأثر اولدی . «علم کبی تلقی اولونابیله جك مابعد الطبیعه یه مدخل» [۱] عنوانیله همان یازدینی اثرده بویا کایش تفسیراته قارشى جواب ویردی . «انتقاد عقل محض» ك ایلکنجی طبعنه یازدینی مقدمه ده بویوله کی تفسیراندن متولد تأثرینی اظهار ایلدی [۲] و کتابه آیریمجه «افتكاریه مسلكنى رد و جرح» دائر بر بحث علاوه ایتدی .

«علم کبی تلقی اولونابیله جك مابعد الطبیعه یه مدخل» ده قانت معارضلرینه ساده جه جواب ویریبوردی : «لوق» اشیانك کیفیات ثانویه سی دینلن «رنك» طاده وقور .. الخ نك اشیاده دكل ، بزده حاصل اولدیفنی قبول ایتمشدی . بوتلقیسيله خارجه بر «ماده» نك اوله بيله جكنی انكار ایتمش اولویور میدی ؟ بویله بر اعتراضه معروض قالمشیدی ؟ کندیسی ده بوفیلسوفك آجدینی چیغیری تعقیب ایتدی . اشیایه عطف ایتدیكمز کیفیتمرك ماده نك تأثیراته توفیقاً ذهنده حصوله کلدیکنى ادعا ایلوردی . بونكه نه به خارجه بر «ماده» نك وجودی انكار ایتمش و افتكاریه محضه ی ، «ایده آلیم» ی ترویج ایتش عد ایدلسین ؟ بالعکس ذهنده حصوله کان کیفیتمرك ماده نك عینی عد ایدرسك و مثلاً بر پیراغك بزده حصوله کتیردیكى «یشیلک» دیدیکمز کیفیتی بواحاساسی تولید ایدن قوت و خاصه نك عینی اولدیفنی ادعا ایدرك مدافعه و اثبات اولونامیه جق بر یولی طونارسه ق اووقت «اشیای خارجه» نك وجودی حقیقه شبه تولید ایتش اولورز . اونك ایچون قابا بر حقیقه (ده آلیم) طریقه ده اشیای خارجه نك وارلفی شبه دن آزاده بر صورتده اورتیه قوناماز . ماده نك وجود خارجیسی اولدیفنی هر تورلو شکدن آزاده بر صورتده تثبیت و تأیید ایلک ایچون ساده جه حسی بر ظاهری ، صرف انفسی بر خیال (Schein) ی ، الحاصل شعور مرکب بسط

[۱] کتابانده نومرو ۳۹ بيله کوسترلن اثر

[۲] B. Pacaud ترجمه سی صحیفه ۳۶ ، آلمانجه ۱۹۱۱ طبعی صحیفه ۲۳-۲۴

بر تبدیلی حادثه (Erscheinung) دن تفریق اتملی یز . حسده کی بر تبدلک محقق بر قیمت شیئیه سی ، بر ماده خارجی به توافقی ادعا اولونا ماز . فقط حادثه بو احساس کلی و ضروری قاعده لره توفیقاً یکدیگرینه ربطی صورتیه مشعور اولاجنی ایچون وجود خارجیسنده شه ، ایدیه من . کلیت و ضرورت ، یعنی هر زمان و هر شعور ایچون توافقی ، اولجه سوبدیکمز کبی ، خارجی ، شیئی بر وارلفک یکانه معیاری دکلی ؟ [۱]

قانت «مدخل» ده کی بواضاحتیه اکتفا ایتدی . کنیدیسه ده بونی کافی کورمه مش اولملی که «انتقاد عقل محض» ک ایکنجی طبعنده کنیدی وارلفمز حقنده کی شعوری نفسمنز خارجنده بر وارلفک ضرورتی ایچون «برهان» اوله رق اورته یه قویدی : فی الحقیقه بن وارلفمی زمان داخلنده بیلیمور ، یعنی بر زمانده کی تجربی تصور و خیال لرمک شعوری «موجودیت» حقنده کی حکمک مسندی اولویور . حالوکه شعور منده کی بوخیال لرمک زمان داخلنده اولدینی ایچون بالطبع دائماً متحولدر ، دکیشوب دوریور . هر تبدل ثابت و مستقر بر شیئیه نسبتاً ادراک اولونا بیلیر . دیمک که دوشونجه لرمده کی ، تصورات تجربیه منده کی تبدلی تعین و ایجاب ایدیه جک ثابت و مستقر بر شی و وار . بوشی نفس ، شعورم اولاما ز . چونکه فحشده ، شعور منده کوردیکم دائماً متبدل اولان بر طاقم تجربی تصورات و خیال لردر باقیه بر شی یوقدر . شو حالده بو ثابت و مستقر شی نفس ، شعورم خارجنده دره . شو برهان کوستریور که بالذات کنیدی وارلفمز حقنده کی شعورم عینی زمانده نفسم خارجنده بر شیئک وجودینه دائر بیاکی پی ده استلزام ایلدیور .

کورولویور که قانت «بر شی خارجی» نک وجودی حقنده قبول ایتدیکی بو برهان ایله بر طرفدن ده قارت طرزنده کی «افتکاریه احتمالیه Idéalisme problématique» مسلکندن اوزاقلاشیور . چونکه ده قارت یالکنز کنیدی وارلفمز حقنده کی دستوری قطعی عدا ایلدیکی و بو اعتبارله وجود خارجی به احتمالی بر قیمت و بر دیکی حالده قانت کنیدی شعور من کدوغریدن دوغری به شی خارجی جک ده قبولانی ایجاب ایدیه جک پی فرض ایلشدر . دیگر طرفدن بارقله کی افتکاریه محضه اربابندن ده آیریلشدر . چونکه اونلرماده یی ، شی متجزی غیر ممکن عدایلر و یالکنز عالمی تصورات انفسیه دن عبارت فرض ایدرکن قانت بالعکس خارجده بر «ماده» نک وجودینی قبول ایلدیور ؛ شعور من خارجنده کی بو «ماده» نک حواسمز اوزرنده واقع اولان تأثیر یله در که انطباعات حسیه حاصل اولدینی سوبلیور .

واتا بزر خار جده كى بو « ماده » نك ماهيتنى بيله ميورز . بزم بيلديكمز اونك تاثيراتيله حاصل اولان نظاھرات حسيه، يعنى « حادثه » لردره فقط بويلا ثابت بر « شى » اولمسه تحولات شعوريه وجوده كله من .

شوايضا حادتن صوكرا بو بحثك باشنده وضع ايتديكمز سؤاله جواب ويره بيايرز . قانت معاصر لر نك آكلاديني معناده نه حقيقيه (رد آليزم) مسلكنى ، نده اون سكزننجي عصر ك (ايد آليزم) فلسفه سنى قبول ايلشدى ، بو ايكي مختلف مذهب فلسفى تاليف ايلكمده قالمى . علم مسئله سمده ناصل نصيه (دوغماتيزم) وتجربيه (آمپيريزم) آراسنده ايكي بر طريق آچش ايسه عالم خارجينك وجودى خصوصنده مستقل بر نقطه نظر اورتيه قومعه چالشدى . قبول ايلديكي فلسفه يه شعور مزمى مبدأ اتخاذ ايتسي حيثيله ايتكاريه (ايد آليزم) دينه بيايردى . فقط ده قارتك وبارقلهيك قناعتلرينك عيني عد ايدلمهك شرطيله ... فيلسوف كندينك بو خصوصده كي نظريه سته ايتكاريه معال (Idéalisme trans-cendental) ، ياخود ايتكاريه انتقاديه (Idéalisme critique) ديور .

مادام كه علممز ساده جه حادثاته تعاق ايد ديور ، يعنى اصل اشيا يي دكل ، اونك بزده كي نظاھراتى حساسيتك ومدركه نك قانونلرى دائره سمده تركيب ايدرك بيلورز ، او حالده نالذات او نظاھرات حسيه يي وجوده كيره و شعورك تركيبي خار جنده فالان بر شى واردر . قانت بوكا ذات اشيا ، ياخود وجود عقل (Noumène) ديور [۱].

« انتقاد عقل محض » ك ايلك طبعنى كوزدن كچيرن قارى انتقادك ده ا زياده صرف منفى اولان تاثيراتى آلنده قالير ؛ يعنى اثرده يالكلز : « نظرى مابعدالطبيعه ممكن دكلدر ، وجود آلهى ، اختيار بشر ، نامناھيت ... الخ كي محسوسات فوقنده اولان اشيايه دائر بر علم حاصل ايتك قابل اولاماز . . . » يولنده كي منفى حكملرى حاكم كورور [۲].

[۱] نومن (Noumène) يونانجه نوؤمەنون Nouménon كله سندن آينشدر كه شى محسوس ، شى ظاهر ، مقابل اولق اوزره شى معقول ، وجود عقل ديمكلدر . قانت نومن وعيني معناده اولارق Etre intelligible وشى متدل objet transcendantal وذات اشيا تعبير لريك هبسى استعمال ايلكمده در . بو تعبير لرون ذات اشيا دن ماعداسى محسوسات فوقنده كي اشيايه علم اولارق قانتك اسلاف طرفندن قولايامشدر . « ذات اشيا » تعبيرنى بو معناده قانت استعمال ايلشدر .

[۲] « انتقاد عقل محض » كه ۱۷۸۱ ده نشر ايلديكي زمان قارللى قانتك « مابعدالطبيعه » نك عدم امكانى اورتيه قوبارق موجود مسلك فلسفه يي ييتمنى استهداف ايلديكنى طن ايد ديور ومشت بر فلسفه تأسيس ايدمكندن شبيه ايد ديور لردى . قانتى حسابى تاق ايدنلر هب بو تاثير آلنده

فی الحقیقه کتابنده قانت متبادیاً «تصورات» مبادی ده آنحق محسوسه، حدس حسی به تطبیق اولونابایر، فکری تکرار ایدوب دورور. بوتون تصوراتمز، بوتون مبادی، ولوکه تجربه دن چیقماش اولسون، فیلسوف نظرنده آنحق تجربه به تطبیق ایدلسی سایه سنده معناسی اولابیلیر. نته کیم ریاضیه نك موضوعی اولان «اشکال» و «عدد» ی ذهن تشکیل ایدر. فقط بونلر محسوسه تطبیق ایله قیمتی اولابیلیر. «عدد» ر موضوع تجربینك تعدادی، شکل هندسی حادثه لره تطبیق ایله بر معنا اکتساب ایلر. فیزیکک استقاداتیدیکی مبادی ده قبایدر، مدرکه وجوده کتیریر. فقط بومبادینك محسوساته تطبیق ایدلسی سایه سنده علم تأسس ایدر. یوقسه، منحصرأ بومبادی بی اساس اتخاذا ایدرک ماهیت اشیا به، علت اولایه نفوذ ایده میژ. بومبادینك تجربه به تطبیقندن حصوله کان فیزیک ممکندر. فقط منحصرأ ذهنك بوقبی قانونلرینك دلالتنه کوه نه رک مکوناتك ماهیتنه نفوذ ایتک ایسته بن مبحث وجود (Ontologie) ك قیمتی یوندر. بناءً علیه شیئی بر علم، اشیا به نظراً قیمتی اولابیله جك بر معرفت طبیعت، یعنی حادثات وقانونلری حقنده ممکن اولابیلیر.

آنحق «علممزالکمز حادثاته تملق ایدر» دیمکه حادثات خارجنده بر شیئی تسلیم ایدیور واونی آیریوروز. چونکه محسوس اشیا نك بزم اوزر مزده تأثیر ایدر. بزبوتأثیری مدرکه نك قانونلری دائره سنده توحید ایدره ك علم حاصل ایدیوروز. بو حالحده حس ایله وجوده ککن تأثیر خارجنده بالذات «ماهیت اشیا» واکا عأدبر ساحة علم قالیور؛ یعنی بزم بیلدیکمز حس عالمی، حادثات عالمی اولدیفته کوره بونك ماوراسنده ذات اشیا به تعلق ایدن وموضوعنی دوغریدن دوغری به مفکره نك، عقلك تدارك واستحصال ایتسی ایجاب ایدن بر «معقولات عالمی» تصور ایده بیلوروز. ایسته حادثه خارجنده. قالان بوماهیت اشیا وجود عقلی (Noumène)، ذات اشیا (Chose en soi) در.

قاللردر. فیلسوفك دهاسنی دها اوزمان پك ابی تقدیر ایتس اولان مهنده له-سون انتقادك موجود فلسفی قاءتیری «نوز بوز» ایتدیکنی سویلور. فقط بو بویوك آدمك عبی قوتله مثبت بر قناعت فلسفه ده وجوده کتیره جککن امید وپونی غنی ایلوردی. Haffding. Histoire de la philosophie ایکنجی جلد صحیفه ۱۳ آنحق بوا مید و تقدیر اوزمان هر کده یوقدی. قانت تأثیرینك ایلك طبعنده معرفتمزك بالخاصه دوغریدن دوغری به ادرك حسی محصولی اولیمان قبلی شرائطنی اراه و تثبیت ایلك واوشرطلرک علمده طرز استعمالی کو سترمک ایستیوردی. اونك ایچون اك چوق بو جهتلرده اصرار ایتدی و ذات اشیا به حقه کی قناعتی اوقدر و ضوح و اهمیتله بحثه لزوم کورمدی. بویوز دندرکه اترك ایلك طبعنی اوقویانلر اونی ساده جه هیومك متلدی فرض ایلدیلر. «عقل علینك انتقادی» انتشار ایدینجه بویا ککش دهاب با فعل تکذیب ایدلش اولوبوردی.

حادثه ماوراسنده اولان بو « ذات اشیا » حقنده علم حاصل ایده بیلیرمی یز ؟ اگر مدرکه ده دوغروندن دوغری یه بیلگی، یعنی حدس قدرتی اولسهیدی، تعبیر آخرله ترکیب ایده جکی موضوعی حسك اعانه سه محتاج اولقسزین بولایلسهیدی بلکه بو ذات اشیا حقنده علم حاصل ایده بیلیردی . حالبوکه ذهنمزك تشسکی اعتباریله بزده بویه بر قدرت یوق . مدرکه نك قانونلری محسوسه تطبیق ایدلینجه بوم بوسندر ؛ موضوعمزدردر [۱] . فقط بزم ذات اشیا حقنده علم حاصل ایده جك قدرتمز اولماسی اونك، محقق اونك موجود اولمادیغه دلالت ایتمز . اشیا حقنده کی علممزك تشککنده کندی حساسیت و مدرکه مزك یارادیایشی مؤثر اولدیعی ایچون باشقه صورته یارادییش بر موجودك ذات اشیا حقنده دوغریدن دوغری یه علم حاصل ایده بیلیمسی، یعنی بوخصوصده حدسه مالک اولاییمسی پك اعلا قالدرد . کیمسه ادعا ایده مزکه بزم طرز علممز یکنه طرز معرفتدر و باشقه تورلوسی اولاماز . آنجق مدرکه مز دوغریدن دوغری یه بیلگی قدرتی اولمادیعی ایچون ذات اشیا، (نو۰۰ن) ی بزانسانلریله مه یز . یکنه واسطه معرفتدر، یعنی دوغریدن دوغری یه علم حاصل ایده بیلجك قدرتمز « حساسیت » اولدیغه کوره بوتون معلوماتمز محسوساته عاندر و آنجق اوکاتعلق ایله بیلیر . اونك ماوراسنده قالان « ذات اشیا » یی بیلجك قدرتمز اولمادیعی کبی بوکا مدرکه نك قانونلریخده تطبیق ایده مه یز . چونکه مدرکه نك تصورات و مبادیعی محسوساته تطبیق ایدلنرسه هیچ بر قیمتی و معناسی قالماز .

« ذات اشیا » حقنده علم حاصل ایتمکدکمز قابل اولمادیغه کوره حادثه خارجنده قالان بو وارلق «ك بزم کوره مثبت (Positive) و معین بر معناسی یوقدر؛ باشقه بر تعبیرله « ذات اشیا » علممزك حدودینی کوسترهن صرف منفی (Négatif) بر « تصور » در . مادام که مثبت صورته « ذات اشیا » یی بیلیم قابل دکلدر ، اولحاده بویه بر « تصور » ك نه فائده سی اولاییلیر ؟ سؤالی خاطرله کله بیلیر . برکزه بزم حساسیت طرزی ماوراسنده، یعنی مکان و زمان خارجنده مطلق بر « شیء » ك موجودینی هیچ بر زمان متاقص دکلدر . بناءً علیه ذهنده بویه « تصور » موجود اولاییلیر . بو تصورک وجودی بزم سیئی اولان علممزك حدودینی و مدرکه نك اونی تجاوز ایله میه جکینی کوستره سی اعتباریله بر فائده یی ده موجبدر . چونکه « ذات اشیا » حدس حسی فوقنده اولدیعی ایچون تجربه نك حدودینی اراه ایلر . بو اعتبارله

مثبت علمك نره به قدر كیده بیه جگنی کوستریر . قانت بووظیفه سنه استاداً «ذات اشیا» یی تحدیدی بر تصور (Concept limitatif) عد ایلور .

خلاصه بزم طرزادرا کمزی ، طرز علممزی تجرید ایدرك اولك ماوراسنده قالان بر «شی» حقهده تصور الله ایدم بیلورز . یعنی (عالم حسی Monde sensible) فوقنده بر (معقولات علمی Monde intelligible) سزیورز . بو عالم حقهده یکانه بیلدیکمز شی علممزك موضوعی تشکیل ایدن محسوسات عالمدن تماماً فرقی اولدیغیدر . بویه بر «عالم ممکمدیر» دکیدر ؟ « صرف عقل نظری ساحه سنده قالدقچه بو عالمك واونك موضوعی اولان «ذات اشیا» نك جس عالمی تحدید ایتکده اولدیغنی سولیکدن باشقه بر حکم ویره میز . چونکه بر تصورك شیئی اولارق امکان وجودی ساده جه متناقض اولماستدن استخراج ایدیه من . بلکه او تصورك بر حدسه ، یعنی دوغریدن دوغری به بر بیلکی به تقابل ایتسی ایجاب ایدر [۱] . انسانلرده دوغریدن دوغری به بیلکی یالکیز حساستدن متولد اولدیغنی ایچون بویه بر عقلی وارلنی بیلدیره جك حدسی بر اقتدار من یوق . بناء علیه ذات اشیا نك امکانه حکم ایدم میز . ایلریده کورده جکیزکه «عقل عملی» شیمدی ساده جه بر «حدود علم» اولارق صرف منفی بر طرزده سزدیکمز «معقولات عالمی» بر درجه به قدر تعیین ایتك قدرتی بخش ایلجه جکدر [۲] .

فقط اوتدنبیری مابعدالطبیعیون هب بو «ذات اشیا» حقهده علم وجوده کتیرمهک چالیشم شلردر . بونلرک مساعیمی بر نتیجه ویره مشیدر ؟ ویره ندیه سبی ندر ؟ صیرا بو جهتك تدقیقنه کلشدر . قانتك اثری اوج مسئله نك حلنی استهداف ایدیوردی [۳] . بونلردن ریاضیه ایله فیزیکك ناصیل ممکن اولدیغنه عابد سؤاللره ایضاحات سالفه دائره سنده جواب ویردی . شیمدی اوچونجی سؤاله ، یعنی «مابعدالطبیعه فاضل ممکن اولایلیر ؟» مسئله سنه جواب ویره جکدر .

[۱] صحیفه ۹۳

[۲] . بشنچی قسده وه تساوی نفیضین « بحثنه باقیکز .

[۳] صحیفه ۶۴

۳ — مابعدالطبیعه ممکن‌میدر ؟

مهرل فعال

فانت مدرکه‌نک تحلیلاتی اجمال ایدوبده « ذات اشیا » بی موضوع بحث ایتمه
وما بعدالطبیعه‌نک امکاتی آراشدیرمه باش-لایاجنی صیراده شویه بر تصویر یاییور :
« شیمدی به قدر مدرکه‌نک نفوذی آئنده‌کی یرلری دولاشدق . هرکوشه‌سنی دفته‌تدقیق
ومعاینه ایتدک ؛ بولدیغمز اشیا-نک قیمتی تقدیر وهبسنک محللرخی تعین ایلدک . فقط
مدرکه‌نک حاکم اولدینی بویرلر برآطیه بکزرکه بالذات طبیعت آشیلمسی ممکن اولمایان بر
حدود ایله اطرافنی چورمشدیر . « حقیقت » ک بولونابیه‌جکی بو « یر » واسع وفورطنه‌لی
بر دکزله ، وهمک حکم سوردیکی عظیم برقطه ایله احاطه اولونمشدرکه بورانک اوزرینی
اورتن کشف سیس طبقه‌لری ، بالاخره ارییه‌جک اولان عظیم بوز کتله‌لری اوزاقلرده
یکی مایکتلر اولدیغه دأر کاذب خیالار اویاندیریر ودائماً یکی یرلر آرامق پیشنده قوشان
کیمیجی سیاحلری آلدادیجی امیدلرله کندینه دوغری جذب ایلرلر . بونلر برکره بوامید
بیسود آرقه‌سندهر کذشته آتیلدیلر می ، آرتیق بردها بوبولی بیراقمازلر فقط بر نتیجه‌یه
ایره منزلر . » [۱] شو پک کوزل تصویر مابعدالطبیونک ناصیل بر ساحه‌ده ، ناصیل بر
امیدله تحریاته کیریشدکلرینی کوستریر . فانت بوساحه‌نک بر « وهم » دیاری اولدیغنی ،
اونلرک بسلدکلری امیدک سرایدن باشقه برشی بولونمادیغنی آ کلامتی ایسته‌مشدر . واقعا
فلسوف عمومیتله مابعدالطبیعه تحریاتی عقامته محکوم عداایتمشدر . « انتقاد عقل محض » ک
ایکی طبعی آراسنده « علم کبی تلقی اولوناجق مابعدالطبیعه به مدخل » - سنده‌کی اثری
انتشار ایلشدر . اوراده صراحة سویلیورکه انتقاد برطرفدن تجربی بوتون معلوما تکز
قبلی شرائطنی تحری ایده‌جک اولان تماماً یکی بر نوع « فلسفه طبیعه » نک ، دیگر
طرفدن اعمال اخلاقیه‌نک کذلک قبلی شرائطنی آراشدیراجق اولان مابعدالطبیعه عادات
(La métaphysique des mœurs) ک مدخلیدر . آنجق انتقادک غایه اولارق قبول ایتدیکی
بو ایکی نوع مابعدالطبیعه سلفلرینک تلقی ایتدیکی طرزدن تماماً آیریدر . فیلسوف بوتون قوتیه

[۱] انتقاد عقل محض B. Pacoud ترجمه سی صحیفه ۵۲۰ ، آلمانجه ۱۹۱۱ طبعی صحیفه ۲۰۲

سلفلرینک، یعنی افلاطوندن لایینیجه قدر نصّی (دوغماتیک) فیلسوفلرک بیهوده یرماوغراشوب دوردقلمی مابعدالطبیعه نك عقامتنی اثبات ایلدک واونی اورتهدن قالدیرمغه چالیشیور . چونکه اولنرک آکلادینی معناده مابعدالطبیعه تجربیه ماوراسنده بولونان موضوعلر حقتده علم حاصل ایلکی استهداف ایدیور . بو فیلسوفلر محسوسات فوقنده کی « ذات اشیا » یی، یوقاریده ایضاح ایلدیکمز طرزده، بر تصور تحدیدی فرض ایتیمورلر . اولنک وظیفه سنی ساده جه علم بشرک ایریشه بیله چکی ساحه یی تعییندن عبارت کورمیورلر ؛ تجربه فوقنده اولان نامتناهی یی ، بذاته جوهری، هیچ بر علت ، هیچ بر شرطه مقتدر اولیان وجود مطلق بیلمکه قادر اولدقلمی ظن ایلورلر . وبوصورتله بزده کی علم اتمدارینک (شیء مطلق *Objet absolu*) حقتده دوغریدن دوغری به معرفت حاصل ایدمک صورتده یوکسله بیله چکنی قبول ومعقولاتی موضوع اتخاذ ایدن برنوع حدس قدرتی اکتساب ایلیمه چکمری فرض ایلورلر . انتقاد کافی درجه ده وضوحله ارائه ایلشدرکه بز محسوسات فوقنده اولان « معقولات » حقتده هیچ بر حدسمز، اونی دوغریدن دوغری به بیله چک بر قوه ذهنیه مز یوقدر . بزم تک بر نوع حدس قابلیتمز وار . اوده محسوسی ادراک تعلق ایلر . بو نوع ادراک حسی به ، حدسه مستند اولان هندسه نك قطعی و بوتون ماده به تطبیق ایدیله بیلمسی حدس حسینمک ماقعه مطابقتی ارائه واثبات ایلوب دورویور . حالبوکه (معقولات) ه تعلق ایدن مابعدالطبیعه نك چیقاردینی نتایج هیچ بر زمان بوتون ذهنلری تطمین ایدمک درجه ده قطعی اولاماش ، هیچ بر زمان ضروری بر علم حالی اکتساب ایلیمه مشدر . بو حال مابعدالطبیعه نك ادعالینه رغماً (معقولات) ی دوغریدن دوغری به ادراک ایدمک بزده بر قدرتک اولمادیغنی و بناء علیه بوکا عائد حقیق بر علم یاپیلامیه جغنی کوسترمیورمی ؟

بوفیلسوفلرک اشغال ایلدکلمی مابعدالطبیعه نك بر حقیقه ایره میه چکی محقق اولمقله برابر مفکره نك بوادی نی تعقیب ایلسی صنعی ده دکلدر . بالعکس « ذات اشیا » یی بیلمک آرزوسی ذهن بشرک مقاومت قابل اولمایان بر تمایل و احتیاجندن دوغریور . انسان تجربه نك دار دائره سنده صیقیشوب قالمق ایسته میور . اونک حدودینی آشارق اصل مطلق حقیقه ایرمکه اوغراشیور . بوبله جه مابعدالطبیعه اشتعالاتی باشلاور . واقعا بو اشتعالانک موضوعی ساده جه قیاس فاسده مستند بر وهمدر ، شوقدرکه ذکای بشر ایچون غیر قابل اجتناب وطبیعی بر وهمدر . اونک

ايچون خطابه منجر اولسه ده انسان ايچون بک قيمتلى اولان بو مابعدالطبيعه اشتغاللارنىك ماهيتنى تحليل ايتمكدن فراغت ايديله مز .

بشريتك مستثنا ذكالي رنى بومابعد لطبيعه مسائليله اوغراشيديرمه سوق ايدن سبب عقلا در . عقلا (Vernunft) ماهيته مدرکه (Verstand) دن آيريدر . مدرکه ، بوندن اولبكي بمحمد ايضاح ايلديكمز كي [۱] بعض قاعده لره ، قانونلره تبا حادثانى تركيب ايلره . عقل ايسه مبدألر اعانه سيله مدرکه نك بوقاعده لرني توحيد ايدر . بوسايه ده ده ذهن بشر اك يوكسك وحدتى اكتساب ايلش اولور .

(عقل)ك ايكي طرز استعمالى واردر . برى منطقى ، ديكرى متعال (Transcendental) در . عقلك استعمال منطقيسى «استدلال Raisonement» در . معلومدرکه بعض شيلردوغريدن دوعري يه بزه معلوم اولور : اوچ ضلعلى بر شكلده اوچ زاويه بولوناجنى كي . فقط بر مثلك اوچ زاويه مى مجموعى ايكي قائمه اولاجنى دوعريدن دوعري يه معلوم دكلدر . بونى آنجق بالاستدلال بيله بيليرز . استدلاللرمزده بر قضيه واردرکه برمبدأ مسلم اولق اوزره قبول ايديلير . صوكر ا بوندن (نتيجه) ديديكمز ايكنجى حكم ، ايكنجى قضيه ، استنتاج طريقيله استخراج اولنور . بوصولله ايكنجى حكم برنجى مبدأ تماماً ربط ايديلير . احوالده كه برنجى حكم ايكنجى شريطدر . استدلاللارنىك بر قسمنده نتيجه دوعريدن دوعري يه مبدأ دن استخراج اولوناماز . آواده هرايكيسى ربط ايديله جك بر حكمه احتياج اولور . مثلاً « هر انسان فانيدر » حكمندن « عالموده فانيدر » نتيجه سى دوعريدن دوعري يه چيقاماز . چونكه «عالم»ك بومبدأ ده داخل اولدينى دوعريدن دوعري يه معلوم دكلدر . بناءً عليه (عالم)كده فنايه محكوميتى «عالمده اناندر » كي ايكنجى بر قضيه واسطه سيله استخراج اولونور . ايشته بويله « نتيجه » يى « صغرى » ديديكمز بر قضيه واسطه سيله « كبرى » تسميه ايديلان مبدأ ده ربط ايلسكه «استدلال عقلى ويا قياس» عنوانى ويريوروز . دقت ايدرسه ك بويله بر قياس ويا استدلال عقلى ايله ذهن هر حكمك داخل اولاييله جكي بر مبدأى آريور . بونك ايچون اونك معلق اولدينى شرطى تحرى ايايور . مثلاً شوقياسه بايكنز : « هر مركب اولان شى قابل تغيردر . جسم ده مركبدر . احوالده جسم ده قابل تغيردر . كورولويوركه «جسمك» كبرى ديديكمز مبدأ ، قاعده يه داخل اولاييلسى ايچون اقتضا ايدن شرطى آريوروز . اونى ده «جسمك مركب » اولماستدن بولويوروز .

آننجق بویه. بر قیاسك و بریدیكى علمك صحیح اولاییلمسی ایچون کبری و صغرانیك مسام بولونماسی اقتضا ایدر. بونك ایچون عقل بونلری ده، یعنی بر قیاسده (مبدأ) اولارق استعمال ابتدییکی حکمی ده بر نتیجه کبی تلقی ایدرك اونك شرطی، داخل اولدیعی دها شامل مبدأى آزار. بوصولته بر نتیجهی «قیاس» ایله بر مبدأ، یعنی اونك شرطنه ربط ایلدكدن صوکر او شرطی، او مبدأى ده دیگر بر شرط و مبدأ، اونی ده دها کلبی بر شرطه ... الح ربط ایله رك کیدر. ایشته عقلك استعمال منطقیسی قیاسده بو شکله تجلی ایلر.

آننجق عقل شرطدن شرطه انتقال ایلمکله تطمین ایدیه مزه. ایستركه بالنهايه بر مبدأ، بر شرطه ایریشین که او مبدأ دیگر حکملری احاطه ایله بیلمسین، دیگرلرینك شرطی بولونسون. فقط کندیسى بر شرطه معلق و مشروط اولماسین. بو صورتله واصل اولوناجق «مبدأ»، اونك افاده ایلدیکی «وارلق» بونون ساسله موجوداتی، بونون شرطلری ایضاح ایله بیله جکدر. ایشته ذهنك تطمین ایچون نهایتده غیر مشروط (Inconditionné) بروارلغه واصل اولمق ایستیشمزه فیلسوف عقلك (استعمال متعال Usage transcendental) ی دیور.

هیچ شبهه ایدله مزکه «عقل» ك اك صووك مرحله توجید اولمق اوزره وجوده کتیردیکی «غیر مشروط وارلق» بر تحلیل منطقی نتیجه سی دکلدر. چونکه بزم استعمال ایلدیکمز حکملر هپ شرطه محتاج، هپ اضافیدر. بو حکملر ایچنده «غیر مشروط بر وارلق» داخل دکلدر که تحلیل ایله اونی بولالم. او حالده بالنهايه واصل اولمق ایستیدیکمز تصورات ترکییدر. هم تجربه دن چیقامیه جغه نظراً قبلی بر ترکییدر. آننجق بویه بر «ترکیب» ك اشیا به نظراً قیمتی اولاییلمسی ایچون محسوسه، حدسه تطبیق ایدلمش اولماسی اقتضا ایدر. مدرکه نك تحلیلاتی بزه کوسترمشدی که [۱] ذهنك قانونلرینك، الحاصل شعورك قبلی ترکیب قدرتنك قیمتی اولاییلمسی ایچون محسوسه تطبیق لازمدر. حالوکه «عقل» ك استعمال ابتدییکی واسطه مدرکه نك تصوراتی و حکملریدر. دوغریدن دوغری به تجربه ایله، محسوس ایله علاقہ سی یوقدر که «عقل» ك بوقیل ترکیلری، تصورلری اونلره تطبیق سایه سنده نیثی بر قیمتا کتساب ایدیه بیلمسین. او حالده «عقل» ك معلوماً مزى توجید

ایتمك صورتیه وجود کثیردیكى حکملىك هیچ بر قیمتی یوقدر . بونلر صرف انفسى (Subjectif) در ، یعنی بر وجود خارجیه عطف اولوناماز .

خلاصه عقل بزی غیر مشروط بر « وارلق » ى ادراك ایلکه دوغرى سوروکایور و بونك ایچون هر نوع حدس ، حس ماوراسنره اولان (غیر مشروط Inconditionné) بر وجودی ، بر شئی تصور ایدیور واونی حقیقت عدالمیورز . بوصورتله «عقل»ك هیچ بر شئی محسوسه تقابل ایتمین « تصورات » ى حاصل اولویور . افلاطون محسوساتدن ، تجربه دن وجوده کلدیکی حالده عقلك بزی آکلامغه سوق ایلدیكى موجودات معقوله یه (مثال Idée) دیمشدى . مثلاً تام بر فضیات ، کامل بر انسان مفهوملىرینك افاده ایلدیكى معنا محسوساتده موجود دکلدر . حس بزه نافع بر فضیلت ، کمال نسبی حائز انسانى بیلدییر . عقل بو نقصانلردن کمال تامی ، کمال مطابق ادراك واونك حقنده علم حاصل ایلک ایستیور . قانته کوره یونان قدیمك بو بویهك فیاسوفی عقلك بالنهايه ادراك ایلک ایستدیكى مفهولىر محسوسات فوقنده عد اتمکده واونره تجربى تصورات خارجنده براسم ویرمکده چوق حقلی ایدی . اونك ایچون کندیسى ده افلاطونك «معقولات» ایچون قوللاندینى (Idée) تعبیرنى عقلك تصورات قبله سنى افاده ایلک اوزره استعمال ایتدی . افلاطون نظرنده بو کله نك افاده ایلدیكى « معقولات »ك خارجده بر وجود جوهریسی واردر . حالبوکه قانته کوره عقلك تصورات قبله سى ساده جه ذهنك توحید احتیاجیله واصل اولمق ایستدیكى نایه درکه عقل نظرى ساحه سنده اوکا شئیى قطعاً بر قیمت عطف اولوناماز . بوفرقی کوسترمك اوزره وئت فلسفه سنده (Idée) کله سنه مقابل « صورت عقلیه » دیمكى ده مناسب پولویور و (مثال) اصطلاحنى کافی السابق افلاطونك فلسفه سنه تخصیصى ترجیح ابایورز .

عجبا عقلك تصورات قبله سى ، یعنی صور عقلیه (Idés) نه لردر ؟ بونلری ناصیل تثبیت ایده بیایرز ؟ یوقاریده کورمشدك که عقل هر حکمك ، هر قضیه نك شرطى واونك داخل اولاجنى مبدأى بولمق اوزره استدلالده بولونیور . بو صورتله هر شروطك معلق اولدینى شرطى آرایا آرایا نهایت هیچ بر شرطه معلق اولمیان بر وارلغه واصل اولمق ایستیور . صورعقلیه (Idées) ده بوندن تولد ایلور . شو حالده نتیجه ویا دعوى دبدبكمز حکمى بر (مبدأ) ده ارجاعى استهداف ایدن قیاس بزی بالنهايه بر صور

عقلیه « Idées » ی، یعنی هیچ بر شرطه معلق اولمایان بر تصویری قبوله سوق ایلیوره. شو تقدیرده استدلال عقلیه، تبیر آخرله قیاساتک انواعندن اولنلرک بزى ایصال ایتک ایستیه جکری تصورات عقلیه نی چقاراییز و تثبیت ایایه بیلیرز. نته کیم مدرکه نك « مقوله لر » نی بولنی ایچون حکمک انواع منطقیسندن استفاده ایتشدک. عقلک تصورات قبله سنی تثبیت ایچون ده استدلالک انواع منطقیسندن استفاده ایده بیلیرز. چونکه بونوعلرک هر بری آنجق بر « صورت عقلیه » یه ، بر وجود مطابق و غیره شروطه استناد ایتدیکی زمان ک صوک هدفه واصل اولور. فیلسوف قیاسلر مزده شو اوچ نوعی تفریق اییدیور :

(۱) نحی نوع کبراسی بر قضیه حلیه اولان قیاس (Sillogisme Catégorique) در . یوقاریده بالمناسبه سولدی کمز « هر مرکب قابل تغیردر ، جسمده مرکبدر . او حالده جسمده قابل تغیردر » قیاسی کبی . بونوع قیاسات نهایت بر موضوعه ایریشمکی استهداف ایدرکه آرتیق اوموضوع (Sujet) هیچ بر زمان محول اولماسین ، یعنی ماشقه شیئه اضافه ایدیه مه سین ، دیگر بر شینک اعراضی بولونماسین ، بذاته قائم جوهر اولسون و بوتون دیگر اعراض ، دیگر حادثات اوکا عطف اولونایلمسین . دیمککه بر نحی « صورت عقلیه » Idée ، بویه هیچ بر سیئه معلق بر جوهر^{۱۱۱}در . بویه جوهر تصویری بزى بالخاصه « روح » فکرینه ایصال ایدر .

(۲) نحی نوع کبراسی بر قضیه شرطیه اولان قیاس (Syllogisme Hypotétique) در . بو قیاس (برشی شویله اولورسه بویه اولور) طرزنده بر کبرایی حاوی اولور . بونوع قیاسات اوایله بر فرضیه به کوتوروورکه آرتیق کندیسندن اول هیچ برشی فرض ایدمک ایجاب ایتز ، کندیسنک بر شرط لازمی اولماز . حادثاتک شرط لازم سنک مجموع مطلقنی افاده ایدن (عالم Le monde) تصور عناصی بوضوئله حصوله کلیر .

(۳) نحی نوع کبراسی « اوشی یا بوله در ، یا شویله در » طرزنده بر قضیه متفصله اولان قیاسات (Syllogisme disjonctif) دزکه بزى بوتون بوقسیملری احتوا ایدن وتفکر ایدیه بیلان بوتون اشیانک شرط نهاییسی اولان بر وجوده ، یعنی (الله) تصویرینه سوق ایلر .

کورولویورکه استدلال عقلی نهایت (روح ، عالم ، الله) صور عقلیه لرینه منجر اولویور . بو تصورات عقلیه محسوساته تطبیق ایدلمدیکنه نظراً وجود خارجیلر نی ، عقل نظری ساحه سنده قالدقه ، اثباته امکان یوقدر . حالبوکه مابعدالطبیعیون بونلرک حقیقت خارجیلر نی وماهیت وصفیلر نی ایضاح ایلکی درعهده ایتشلر و (روح) ی موضوع اتخاذ ایدن (عقلی

روحیات (Psychologie rationnelle) هیئت عمومی سیله حادثاتك مجموعنی، یعنی عالمك گنهی
آراشدیران (عقلی کونیات Cosmologie rationnelle) وذات الوهیت حقنده عقلی بر معرفت
حاصل ایتمکی استهداف ایلین (عقلی الهیات، یاخود کلام Théologie rationnelle) ی تأسیس
ایلك ایسته مشلردر. یوتون بونلرده حاکم ظاهری بر منطق اولان جدل (Dialectique) درکه
تجربه ایله معلوم اولان شیلردن صرف استدلال عقلی ایله هیچ بر شرطه معلق اولیان بودودور
عقلیه به بزی سوق ایدر و بونکله قالمیه رق اونلر حقنده علم حاصل ایتمک قابل اولدینی
ظننی حاصل ایلر.

شیمدی صیراسیله (عقلی روحیات و کونیات و الهیات) ك احتوا ایلدیکی قیاس فاسدلی
تدقیق ایدرك بومابعد الطبیعی تشبثاتك نه ایچون بر نتیجه به و ارامیه جفنی یاقیدن کوردم :

أ. عقلی روحیات

(عقل محض) ك قیاس فاسدی

بزم علممیز دایما نظر و محاکمه دلاتیله در، یعنی ایکی شیتی بر برینه عطف و اسناد
ایدرك بیلیمیز. یونلردن بری موضوع، دیگرکی اونك محمولیدر. نه وقت برشیق آکلامق
ایستیزنه ك اونق محمول اولارق بر موضوعه عطف ایدرز، دیگر جهندن او موضوعده
دیگر برشینك محمول، یعنی کیفیت و اوصافیدر. بز ایسته اشیایی بویه آکلارز. هیچ
برشینك محمول اولیان، هیچ برشینك بر وصف و کیفیتی بولونمیان جوهری دوغریدن
دوغری به بیله مزمنی بز؟ مدرکه دلاتیله بویه بر وارلق حقنده علم حاصل ایده مه یز. فقط
عقل بویه اعراضك فوقده بزی بر جوهره سوق ایدر. عقلی روحیات «روح» ك بویه
مطلق بز جوهر اولدینی بالاستنتاج اثبات ایلك ادعا سنده در. فی الحقیقه بو علم اربابی ساده جه
«دوشونویورم» حکمندن، یعنی تفكرك و شعورك وارلقندن بالذات نفس متفكر حقنده
علم حاصل ایدیه بیله جکنی، جوهر روحی استنتاج اولونابیله جکنی ظن ایدیورلر [۱]. اکر

[۱] ده قارتك «دوشونویورم بناء علیه وارم، دستورندن ناصیل ماهیت اساسیه سی «تفكر»
اولان «روح» ك بر جوهر اولارق وارلقنه انتقال ایلدیکنی آکلامق ایچون ده قارت فلسفه سته دایر
اولان «دوالفنونده» کی تاریخ فلسفه فورمالرینه باقیکز.

عقلى روحيات

ساده جه «تفكر» ك موجوديتدن ، شعور دن جوهر روحي حقهده علم حاصل ايتك واونك موجوديته انتقال ايتك قابل اولسه يدي يوقايدنبري سرد ايتديكمز مطالعاتك هبسي .
تكدزيه اوغرازدی . چونكه بوخالده محسوسه استقاد ذات اشياي بيلمك ، يا خودتجربه
فوقده اولان اشيا حقهده علم حاصل ايتك ممكن اولديني تيين ايدردی . بوخالده عقلك
بزي سوقايديكی «صور عقليه» نك هبسي حقهده علم استحصالی تماماً قابل عدايديله بيليردي .
فقط عقلى روحياتك بوادعاسنك استناد ايدليكی دليلی تدقيق ايدجك اولورسه ق
فساديني درحال آكلار و بوتشبتانك نه قدر چوروك بولونديغنی تسليم ايلرز . فی الحقیقه
بونوع روحيات عالمربنك جوهر روحيي استتاج ايتك اوزره اورتهيه قوبدقلى دليل
حد داننده شويله برقيسه ارجاع اولونا بيلير :

«برشي كه حكملرمزده دائماً «موضوع» Sujet اولورق بولونور ، هيج برزمانه «محمول»
يعنی بر كيفيت و صفت اولاز ، ارشي «جوهر» ، تعبير آهرله بر «عرصه» ، بر «ماديه»
اوليانه وارلقدر .

«انا» Moi نفس متفكر اولاسي مپينيله دائماً حكملرمزده (موضوع Sujet) در .
باشقه هيج برشيئه محمول اولورق عطف ابرلرمز .

اولالده انا Moi ، تعبير آهرله نفس متفكر دائماً «موضوع» اولورق موجودور .
يعنی مبرهردر .

دقت ايديله نيك اولورسه «موضوع Sujet» تعبيرلى بوقياسك كبرا وصفرا سنده آبري
آري منالرده آليمشدر . برنجي جملهده ، كبراده قصد ايديلن «موضوع Sujet» تماماً
عمومي معناددر ، يعنی اشياي توحيد ايدن نفس متفكر (Sujet pensant) اولوق اعتباريله
شهورم معانسه مقصور و بناء عليه صرف نفسى بوجود دكلدر . بلكه هر كس اينچون دائماً
حكملرمزده «موضوع» اولان شي ديمكدر . و بونده هم حدس حسی محصولی اولان علمك
ماده سي ، همده قبل تصورات داخلدر . ايكنجي سنده ايسه دار معناد اولاروق تصورات
تجربيايی توحيد ايدن موضوع منطقی ، وحدت و فاعليتي خائز اولان شعور معاننده در .
حالبو كه تجربه خارجنده اولان بر موضوع منطقی مدر كه نك تخیلاتی اشنا منده بولديكمنز
كبي بوم بوشدر ، دوشونيله مز . نهوقت نفس متفكر دوشوتوبله جك اولورسه
او وقت بر حدس ايله ، بر محسوس ايله مترافق اولور . بناء عليه «كبرا» هبوضيع

اولوندىنى طرزده بر نفس متفكر ، بر «انا» حكملرده «موضوع Sujet» دكلدر . نفس متفكر بر حككمك موضوعى اولدىنى زمان دائما محسوسله مترافق اولور . بوندن آكلا- شيليوركه بوقياس فاسد بر دليدلر .

نيمه «عقلى روحيات» ازباني بوداييه صاپلانيدورلر ، قيمت ويرييورلر ؟ چونكه بونلر ظن ايديورلر كه دوغريدن دوغرييه «نفس متفكر» دوشونوله بيلير . و «دوشونويورم» ديديكيم زمان دوغريدن دوغرييه دوشون بر واراني ، بر وجودى آكلايورم . بناء عليه «دوشونجه» نى تحليل ايله او وجوده انتقال ايديه بيليرم . حالوكه «دوشونويورم» ديمكه حدس حسي ايله بنده وجوده كلن خياللري ، تجربى تصورلري بعض شرائط ذهنيه كوره صيرالايورم ، ترتيب ايايورم ديمكدر . بر ترتيبك موضوعى اولان محسوسى قالديريكلر ، اووقت «دوشونجه» و «شعور» ساده جه بعض شرائط ذهنيه نى ، قبل تصورلري افاده ايدركه بونلر بر ماده يه تطبيق ايدلمكجه هيچ بر زمان بر موضوع ، برشى عد ايديله من . كورولور . يوركه «دوشونويورم» ك مدلولى بزده كي حسله مترافق اولان شعورى بيلديريز . محسوس قالديريكلرجه بوشعورده قالقار . ايسته بونك ايچوندر كه «دوشونجه» ديديكيم شعورك تحليلندن محسوس خارچنده بر وارلغه ، يعنى «روح» . انتقاله ، وبوكا حسله معلوم اولميان جوهريت ، بساطت ، عينيت ، شخصيت كبي صفتلر عطف ايتمه كه امكان يوقدر . بوتون بونلر واقع عد ايديله بيلمك ايچون «تفكر» ، «شعور» ديديكيم تركيب قدرتنك دوغريدن دوغرييه بر بيلكييه ، بر ماده يه تطبيق ايدلمسى لازمدر . محسوس خارچنده قالان بويله بر «ماده» نى بيلديره جك بر قدرت حدسيه من يوقدر .

الحاصل مابعد الطبيعونك يابدينى كي استنتاج طريقه «روح» ديديلن معنوى وغير فان بر جوهرك وجودنى اثبات ممكن دكلدر . بركت ويريسين كه انسانيتك بو خصوصده كي اعتقادى بويله بر دليل نظرييه استاد ايتيور و بودليك فسادى تظاهر ايلكه بو اعتقاد و اميد منسلب اوليورمه يور . ايلريده كوره چكزكه «عقل عملى» موجودانده كي غايه وى ترتيبه استاد آ تجربه من خارچنده وعرفانى ماوا سنده اميد واعتقاد بسلمككمزى تأمين ايدمه جك ماهيته در [۱] .

[۱] انتقاد عقل محض في انسزجه B. Pacaud ترجمه ، صفحه ۳۲۱-۳۷۵ ، آلمانجه ۱۹۱۱

عقلی کونیات

عقل محضک ناری' نقیضینی

عقل استدالات قیاسیه ایله حادثاتک شرطلرینی آرار، حکملرک داخل اولاجنی مبدألری تحری ایلر. و بوتحریات نتیجه سنده بوتون شرطلری احتوا ایلین بر وجود مطاقه ایریشمک ایستهر. عقلک بوتون حادثاتی محتوی اولقی اوزره قبول ایلدیکی وارلغه (Le monde) دیوروز و بوکا عائد تشکیل ایلدیکی صور عقلیه (Idées) یه فیلسوف (کونی صور عقلیه Idées Cosmologiques) نامنی ویریور.

بوصور عقلیه نه لرر؟ عقل دوغریدن دوغری یه تصورات وجوده کتیرمز، صور عقلیه حد ذاتنده قبلی تصوراتک حادثانه تطبیق ایلمیه رک مطلق کبی دوشونولسی محصولدر. شوحالده مقوله لری مطلقه قدر اشمیل ایده جک اولورسوق بو «صورعقلیه» وجوده کلیر. ایسته قانت درت زمرده طوبلانیلان مقولاته عائد جدولی (۱) آلاق اونلر اغانه سیله عقلک صورتلرینی بولوبور. باقیکنز ناعیل:

(۱) نجی نوع مقوله لر کیمته متعلقدر؛ هر حادثه، کیت نقطه نظرندن، مکان داخلنده بر امتداد، بر تجمع اولارق مشهوددر. هر جزء مکان کندیسنه متصل دیگر برمکانله، هر زمان کمندن اولکی زمانله محدوددر. مدرکه بوحدود دائرة سنده مکان وزمانی واونلرک کیمیتی آکلار. عقل ایسه زمان و مکاندن بواضافی حدودی قالدیرمق ایستیه رک حادثاتک مجموع مطلقنک کیمیتی دوشونور. تعیر آخرله عالم (Le monde) ک مکان وزمان اعتباریه کیمیتی اوکره نمکه چالیشیر.

(۲) نجی طاقم مقوله لر کیفیته متعلقدر. کیفیت نقطه نظرندن هر حادثه برمکان اشغال ایدن ماده نک بر حالیدر. بویه اولدینی ایچون اشغال ایلدیکی مکان کبی قابل تقسیمدر. عقل بوتقسیم شرطنک سلسله نامنی آراکن انقسامک تاملاندینی، بیتدیکی بر موضوع مطلقه، «بسیط» و یوکسلیر.

(۳) نجی مقوله لر اضافه متعلقدر. بواعتبارله هر حادثه برعقلک نتیجه سی اولارق معلوم اولور. عقل ایسه «تام بر سلسله علل» فکرینه یوکسلیر و بوصورتله (علت اولی Cause première) یه، مختار بر علتله، یعنی باشقه برشیدک نتیجه ضروریه سی اولمیان «علت» تصویرینه واریر.

(۴) نحی مقوله لر جهته عائددر. جهت نقطه نظرندن هر حادثه دیگر حادثه لرله متقابلاً بر برلرینه تابع اولاجق وجهله مناسبته در. عقل بالعکس بویه بر برینه معلق اولان موجوداتك سلسله تامه ايرمك ايستدر وپو صورتله هر حادثهك ديكرينه مربوط اولماسنه مقابل هيچ بر شيئه معلق اولميان بر وارلنى، يعنى وجود ضرورى ني، وجود واجبي (Être nécessaire) آكلامغه جاليشير.

ايشته عالمك مكاناً وزماناً كميتى، عنصر بسيط، علت اولى، وجود ضرورى عقلك اصل اولق ايستدكلرى متتالرى تشكيل ايلر. بو صور عقليه حادثاتك معلق اولدينى شرائطك مجموعنى افاده ايدن برر تصور مجرد (Concept abstrait) تاقى اولوندينى تقديرده فلسفه انتقادك هيچ بر ديه جكي يوقدر. چونكه حقيقه عقل حادثاتك علم وادرا كنده كي شرائطك مجموعه يوكسلهرك بر طاقم «صور عقليه» استحصال ايلر. فقط مابعدالطبيعون بو صور عقليه يي عقلك سسوق ايتديكي مجرد بر تصور فرض ايتيورلر، بالعكس «جدل» ديديان جعلى بر طرز منطقي سايه سنده بو صور عقليه حقه علم قابل اولاجته فافع اوليورلر ومثلاً عالمك مكاناً وزماناً اولان كميت وحدودينى، وجود ضرورى اولوب اولمادىنى، هر شيئك برعات ضروريه نكمى نتيجه سى، يوقسه علت مختاره نكمى محصولى بولوندينى آكلامق ايستيورلر وبونلر حقه «علم» حاصل ايد، بيله جكلرنى ظن ايتدكلرى ايچون «مابعدالطبيعه» يه بو وظيفه يي تحميل ايليورلر. حالبركه نه وقت تجربه حدودى خارجنه چيقارسق، نه وقت تجربه نك معلق اولدينى شرائطك سلسله تامه، يعنى وجود غير مشروطه وارمق ايستهرسهك عقل غير قابل حل بر تناقضه دونه ر، ايكي طرفى ده عيى درجه ده قوتلى برهان (Argument). ه مالك اولان ايكي طرز حكم وجوده كليركه طريق انتقاد ايله بونك اسبابى بولماز وقيمتلرني كوسترمزسهك ذهك شك ايچنده قالماسى غير قابل اجتناب اولور.

شايدن دقتدركه يوقايد كورديكمز وجهله «عقلى روحيات» ك استناد ايتديكي برهان، يعنى شعور و«دوشونجه» نك وارلنى بزي ياكز غير مثبت برتيجه يه، برتيجه فاسده يه كوتورور [۱]. حالبركه كوني صور عقليه نك وجودى حقه علم حاصل ايتك ايستدكمز زمان يكديكريله تماماً متناقض ايكي نوع حكم قارشيسنده قاليرزكه بوايكيدنك ده عقل نظرى ساحه سنده درجه قوتى همان بر برينه مساويدر وبويه اولدينى ايچون بوايكى متناقض دعوا ايچندن صير بلوب چيجه قماغمز

غیر قابلدر. صور عقليه لك بزی سوق ایتدیگی بومتناقض دعوا و برهانلره قانت (عقل محضك تساوی نقیضینی Antinomies de La raison pur) دیکدهدر.

شیمدی عالمك مكاناً زماناً كمیتنی، مادهی تشکیل ایدن بسیطی، علت مختارینی، وجود ضروری بی آکلامق ایستریکمز زمان دوشدیکمز تساوی نقیضینی بربرر کوردم. بونلره دقت ایدرسهك آکلارزكه کونی برصورت عقليه حقنده اورتهیه قویاجغمز هر حکم، هر دعوا عینی قوتده برهانه مالك دیگر متناقض حکمله، بربرینی نقض ایده جك ماهیته کورولان ایکی دعوی ایله قارشیلانمتمدهدر.

۱ — برنجی نسازی نقیضین

دعوا

«عالم» لك زماناً بر مبدأی وارددر. یعنی قدیم دکادر. مكانآده بر حدودی وارددر، نامتناهی دکادر.

نقیضه دعوا

عالمك نه زماناً بر مبدأی، نه ده مكاناً بر حدودی وارددر. عالم زمانآده، مكانآده نامتناهیدر. یعنی قدیم و نامحدوددر.

دلیل: فی الحقیقه اگر عالمك زماناً بر مبدأی اولمازسه شو دتیقه دن اول نامتناهی بر سلسله حادثاتك كابوب یکمیش اولماسی لازم کلیر. فقط بر سلسله غیر منتهیه لك بوصورته حالا تمامش و یکمیش اولماسی ناصیل قبول اولوناییار؟ چونکه بر سلسله لك نامتناهیتی بالخاصه جزء لرك علاوه و ترکیله اصلاً تماماً نامناسمه مستقدر. اگر دییه جك اولورسه قه که شو آندن اول نامتناهی سلسله حادثات كابوب یکدی. او حالده بونامتناهیت بو «آن» ایله بیتیور دیک اولور. بوده نامتناهیت و «قدم عالم» منافیدر. شو حالده عالمك زماناً بر مبدأی وارددر، قدیم دکادر.

کذاک دعواضرك عکسی اولارق عالمی مكاناً نامحدود عرایدیکز. شو حالده عالمده همزمان اولارق نامتناهی اشیاك بولونمسی اقتضا ایدر. فقط مکان

دلیل: فی الحقیقه عالمك بر مبدأی اولدیغنی فرض ایدم. بوحالده عالم موجود اولازدن اولکی زمانده هیچ بر شی یوقدی؛ یعنی اشیاك وجودنی تماماً بوش و خالی بر زمان تقدم ایلشدی. فقط بویه خالی بر زمان اینجده اشیاك تولد ایلش اولماسی قابل ایضاح اولماز. چونکه بویه بوش بر زمان اینجده هر هانکی بر شیک وارلغنی ایجاب ایلیه جك بر سبب یوقدر. بناء علیه عالمده کی اشیاك بر مبدأی وارددر. فقط بالذات عالمك هیچ بر مبدأی یوقدر، یعنی عالم قدیمدر. کذاک عالم متناهی اولسه تماماً خالی بر مکان ایله تحدید ایداش اولماسی اقتضا ایدر. فقط حادثات و اشیاك احاطه ایتین «بوش بر مکان» بر عدمدن، بر «یوقتی» دن باشقه برشی دکادر. اشیا بویه تماماً بوش بر مکان ایله، بر «عدم» ایله

حد ذاتنده جزء لك، توالیاً تركیه ادراك اولوناسیلیر. احوالده نامتاهی اولان مكانك وبوصورتله نامتاهی اولان اشیانك تركی ایچون نامتاهی زمان اولماسی لازم كایر. یوقاریده كوردك كه بویه نامتاهی زمانك كچمش اولماسی عقل قبول ایده من.

احاطه ایدلدیكنی قبول ایتك هیچ برشی امله تحدید اولونمادغنی تسلیم ایلك دكلی؟ شوخالده مكان داخلنده اشیانك حدودی وارد. فقط بالذات مكان واونك محتوی اولدیغنی عالم نامحدوددر.

۲ — ایلگینی ناسی نقیضین

دعوا

هر مرکب جوهر برطاقم بسیط جزء لردن تركب ایدر. بناء علیه عالمده هرشی یا بسیطدر، یا خودبو «بسیط» لك تركبی محصولیدر.

نقیضه دعوا

هیچ بر مرکب «بسیط» لك آیریلماز. بناء علیه عالمده هیچ بر «بسیط» یوقدر.

دایلی: فی الحقیقه فرض ایدیکر كه جوهر مركب «بسیط» لردن مركب دكلدر. بوحالده ذهنأ تركبی قالدیر اچق اولورده ق هیچ بر جزء مركب قاناز وقبول ایتدیكز فرضیهیه كوره مادام كه عصر بسیطده یوقدر، اوحالده ذهن جوهر مركب تركب وصفنی تجرید ایدنجه دوام ایدن، باقی قانان هیچ بر شیئك آرتیق بولوناماسی ایجاب ایدر. شوخالده یادییه جكر كه جوهر مركب ده «تركب» وصفی جوهر كدانشه تعلق ایدر و بناء علیه ذهنأ اونی جوهر دن تجریده امكان یوقدر، یاخود تسلیم ایلایه جكز كه جوهر مركبده كی «تركب» ذهنأ تجرید ایدیله ییلیر وبوحالده بر شیئك باقی قالمسی لازم كلیر كه اوده مركب برشی اولمایه حینه نظرأ «جوهر بسیط» در. تركب جوهر كدانشدن منبعث اولادینی، بالمكنس اونك عاوضی بر نسبت

دایلی: هر جوهر بالضروره مكان داخلنده اولدیگی كی جوهر ك اجزای ده ینه مكان داخلنده در. هر مكان براتداد اولدیمنه نظرأ قابل تقسیم در. بناء علیه «جوهر مركب» لك آیراچمن اقسام واجزاسی ده بولوندقلى مكان كی قابل تقسم بولونماسی ضروریدر. شوخالده مادهك انقسامك نهایت بویه بر بسیطه منجر اولماسی قول ایدله من. لاندیك ریاضی نقطه (Point mathématique) ابله مادی نقطه (Point physique) بی تفريق ایتسی عالمده بسیطك بولونمایه حینه دثر سرد ایتدیكز دلیل قارشیدنده بر قاجاماق جهت بولمده معطوف بر تشیدن باشقه برشی دكلدر. چونكه مادی نقطه اكر حقیق و ارا كی قابل مروحوده تقابل ایدسورسه اوحالده بونون ادراك ایدیلدیكز حقایق كی مكان داخلنده اولماسی

ووصفی بولوندىنى ظاهر اولدینه، نظراً برنجی شق | لازم کایر. چونکه بوتون ادراکاتر مکان حدسی
دوغری دکادر. بناء علیه ایکنجی شق تسلیم | داخلده اولور [۱].

[۱] دهقارت جوهر مادی بی (حیز Etendu) اراق اوزره قبول ایشدی. لاینبیج «حیز» ک
بر جوهر، بر حقیقت اصلیه عد اولونامیه یعنی اوردیه قزیدی. حیز بر امتداد، بر تکرر، بر تجمع
دیکدر. هر امتداد، هر تجمع برشی، ممتدی، برشی، مجمعی اقضا ایدر. شوالده حیز باشلی ناشنه
بر موجود دکل، شی، مجمع، شی، ممتد، بر کفایتدیر. امتدادی حائز اولان، یعنی تکرر ایدن
شیت، تعبیر آخرله ماددک بر وارلق، بر حقیقت عد اولونامیه حسی ایچون بسیط جوهرلردن مرکب
اولماسی لازمدیر. چونکه بر مجموعه، بر کثرت، بر سبطلرک بر آرایه کلسندن باشقه برشی دکادر. بسیط
جزءلرک وجود حقیقیسی یوقه اولملرک تجمع و تکررلردن عبارت اولان «ماده» نك حقیق بر وارلق
عد ادبلسی ناصیل قابل اولور؟ ایسته لاینبیجک اصل وارلک، اصل حقیقتک «بسیط» بولونماسی
اقتضا ایده جکنه دائر اولان دللی خلاصه بودر. لاینبیج بو «بسیط» جوهره «ماده» دیوردی.
پونده شایان دقت اولان جهت اولاً لاینبیج دهقارت کبی «حیز» باشلی باشه بر وجود عد ایچور،
شی، متجزک بر وصفی، بر کفیتی تلقی ایلور. ثانیاً حیزی مکاندن تماماً آیریور. اکر حیز، یعنی
امتداد مکانک عینی اولسه اشیاى مادیه دهقارتک تصوراتدیکی کبی اجسارک ریاضیه Corps mathématique دن
عبارت اولاحق، یعنی شی، مادی مکانک مختلف صورته ترکبندن عبارت بولوناچقدیر. حالیکه
بوفیلوفه کوره مسئله هیج بویه دکل ... اولاً بر وجود، بر حقیقت، بر جوهر وار، صوکر
اوجره هک تکرر و تجمی، مرکبی موجود، بولردن صوکر اوترکبک، اوتجمهک بروصفی، بر کفیتی
اولان امتداد، یعنی حیز مفهومی ذهنده حصوله کایور نهات بو اشیاک، ناساب موضعه لرندن (مکان Espace)
توله ایلور. مکان اشیاى مادیه آراسندن. مسافه، ناساباتک هیئات مجموع سندن توله ایدن بر مفهوم
ذهنیدر. بونک ایچون ماددک مکانی، موضعی دیکشدیکی حالده حدانده تکرر، امتداد دیک اولان
حیز وصفی باقی قالیور. شوالده شی، متجزی اصل تشکیل ایدن جزء مکان، واونک حدغایه سی
اولان (نقطه ریاضیه Point mathématique) ارلاماز. نقطه ریاضیه اشیاک موضعی منساباتندن
توله ایدن مجرد بر مفهومدر، شی، متجزی تشکیل ایدن بر حیز دکادر. جسم ماییک حیزه اصغری
اولاً نقطه مادیه ای نهات پک کوچوک بر امتداد اولدینه نظراً اده بر تکرر دیکدر. شوالده
بونقصه مادیه نك بناء علیه جسم مادک بر عنصر متکله سی بولونماسی، یعنی تکرر ایدن بر شیتک اولماسی
لازم کایرکه ایسته بو «بسیط» در اصل وارلق بودر. بونقطة ریاضیه کبی بر مفهوم ذهنیدر،
نه نقطه مادیه کبی شی، متجزک جزء اصغریدر. بوکا نقطه مابعد اطمینی (Point métaphysique)
دییه بیلیرز. بونقطة مابعد اطمینه حقه مشخص مرکبالده ایدمه سیماک ایچون «روح» ی دوشوعلی یز.
«روح» برشی، مشخص Concret در بناء علیه بر نسبی اراده ایدن بر مفهوم ذهنی دکادر. دیکر
جهتدن امتدادی حائز اولدینه کوره سبطدر. ایسته حدانده تکرر ایدن، بناء علیه ممتد اولان
جسم مادینک بویه روح کبی بر قدرت بسیط دن متشکل اولماسی اقتضایدر. لاینبیجک فکری بودر.
شوايضاحان صوکر «لاینبیج» ک جوهر بسیط حقه کی قناعتی ایکنجی تساوی نقیضینک
نقض دعواسندنکی دلیلدن ناصیل قورناردینی آکلاشایر. نقض دعواده «جوهر بسیط اولانده»

ایده‌رك جوهر مرکبده کی «تركب» وصفنی ذهنأ
تجريد ايتديكمز تقديرده دوام واستقرار ديمك
اولان «جوهر» ك زائل اوليه جفتی، برشيك باقي
قالسی لازم كله جكنی قبول ايتكمكمز انجاب ايدر.
بواقی قلاجق شی ايسه جوهر بسیطدر. شو حالده
طبیعتده هرشی یا بویه بسیطدر و یا خود بسیطك
تركبی محصوليدر.

چونكه بوده برمكان داخلدهدر. بناء علیه مكان كبی قابل تقسیمدر «دیورز دكلی؟ لاینبیجه كوره
خایر، مكان جوهری احاطه ایدن، اوندن اول موجود اولماسی لازم كان برشی دكل؛ بالعكس
جوهر ك عالی بر طرزده كوره تصویری محصوليدر؛ یعنی مقایسه ونسبتله وجوده كلكش بر مفهوم
ذهنيدر. بناء علیه جوهر دن مؤخردر. اولك همچون صرف بر نسبت موضوعیه بی افاده ایدن مكانك
ذهناً قابل تقسیم اولماسندن بسیطك بولونا یه جفته حكم ایده مه یز. بز بر تكرر، بر تجمیع محصولی اولان
ماده بی كور و یورز. تكرر و تجمیع ايسه تكرر ایدن، طولانان جرء بسیطلری احتوا ايدر. اوبله اولسه
تكرر و امتدادك معناسی قالماز. او حالده اصل اولان فعالیت و انفعالی حائز جوهر بسیطدر.

ایشته قانت ماده ك الی نهایت انقسام ایتیه جكنه ونهایت اولك عنصر مشكلسی اولارق «جوهر بسیط» ك
بولونا جفته دائر اولان بولور حلك مقنع اولامیه جفته صورت مخصوصده اشارت ایلور. ایکی
فیلسوف آراسنده کی بو اختلاف اول امرده مكان حقنده کی تلقیلری آراسنده کی فرقندن ایلری کلیور.
مكان قانت كوره اشایی مادیه ك وجودندن مقدم بر شرط ذهنی، لاینبیجه كوره جوهر لك یكدیكریه
اولان مناسبت موضوعیه سندن متولد مؤخر بر مفهومدر. مكان حقنده بر برینه مابین اولان بوا یکی نظریه
نیوتونك مكان طاقی حقنده کی فکریخده علاوه ایدرسه كیز اون سكرنجی عصرده مكان مسئله سی
اطرافنده کی اوچ بوبوك نظریه ك ندن عبارت اولدیغنی آكلارسكزه اون دوقونجی عصرده مكان
حقنده کی بواوچ مهم تلقی مختلف استحاله و تكامله اوغراشدر. مكان حقنده اك یکی نظریه اولان
آیشتابن فرضیه سنه قدر بو خصوصده کی افكارك تكاملانی و صوك عصرده کی مناقشاتك اساسنی قاورایه یامك
ایچون بوماضی بی بلك اقتضا ایلر.

لاینبیجك «جوهر بسیط» ی، مونادی شخصی اولارق دوشونه بيله جكمزك دلیل اولوق اوزره
(روح) ی كوسترمسینه كانجه قانتك بو خصوصده کی فکرو اعتراضك نه اولایله جکی «عقلی روحیات»
بخشده سویلدیكمز ایضا حادتن آكلاشیلیر. روح محسوس ايله، ماده ايله مترافق اولقمزین بزم ایچون
مشعور دكلدر كه اونی بر جوهر بسیط عدا ایده بيله. شعور دائماً محسوس ايله، یعنی امتداد و تركبی
حائز بر موضوع ايله برآرادهدر؛ بناء علیه مكان وزمان جریویه سی ایچندهدر. هیچ بر زمان
«بسیط»، یعنی دوغریدن دوغریه، ماده سز، موضوع سز اولارق روح مشعور اولاماز.

۳ - ارجوئی ناری نقیضین

دعوا

عالمده هرشی قوانین مادیه دائره سنده ،
یعنی علت ضروریه توفیقاً حصوله کلز .
عالمده کی حادثاتی ایضاح ایچون علت مختاره یده
احتیاج واردر .

نقبصر دعوا

عالمده اختیار یوقدر . کائناتده هرشی آنجق
قوانین مادیه دائره سنده وجوده کایر .

دلیل : فرض ایدیکز که هرشی قوانین طبیعیه
دائره سنده وجوده کلور . او حالده حادث اولان
هرشی کندندن اول ظهور ایدن دیگر بر شیک
ایجاب ضرور یسیدر . علت اولان بو شی ده صوکرادن
حادث اولمشدر . اوله اولماسه نتیجه نکه ده
حادث اولماس اقتضا ایدر . صوکرادن حادث
اولان بو علت ده کندندن اولکی دیگر حادثه یی ،
قاعده علت دائره سنده ، تعقیب اتمی بویکجه
علت ده دیگر بر حادثه نکه ، دیگر بر علت نتیجه سی
بولونمای . . . الخ ایجاب ایلر . شو حالده بوتون
وجودانک قوانین طبیعیه دائره سنده حصوله
کلدیکی قول ایدر سه کز هر شیک شرطی
اولان بر شیی تعقیب ایدیکنی و بونک الی نهاییه
دوام ایدیکنی تسام ایده جکسکز . بناء علیه
اشیانک بر برینه نظراً باشلانغی تعین ایلیه جک
وقف ایلک مبدای ، ایلک باشلانغی بولامیه .
جکسکز . وانعا بویه جه هر حادثه یی الیاقین عتزلویه
ایضاح ایده یلمبرسکز . فقط «تام برسلسله علل» ه
اصل اولامیه جکسکز ایچون او حادثه یی و بواضافی
علتلری ایجاب ایدن بر سبب کوستره میه جکسکز .
بو تقدیرده هیچ بر حادثه یی ، هرشی بر علت
کافیه نکه ایجابی اوله رق موجود اولایلیر» دستور

دلیل : اگر اختیاری ، بر علت مختاره نکه
وجودی قبول ایده جک ، یعنی کندی می باشغ سمنک
ایجابی اولادی حالد بر طاقم سلسله افعالی
حصوله کتیرن بر شیی تسلیم ایلیه جک اولور سه کز
طبیعه کی ارتباطی اخلال ایلش و تجربه نکه ایجاب
ایندیکی وحدتی بوزمش اولور سکز . چونکه
تجربه حادثان صوکراد ظهور ایده ک مقدم
اولانه ربط ایدلسنی و بونک بلا فاصله دوامی اقتضا
ایلر . اگر مختار بر علتک وجودی فرض ایده جک
اولور سه کز بر قسم حادثاتی اونک نتیجه سی عد
ایده جک ، شو حالده بر قسم اشیایی کندندن اول
باشغ بر شیک نتیجه سی اولیان بر علتیه ربط
ایلیه جکسکز . بو تقدیرده حادثانک دائماً بر برینه
مربوطاً موجود اولماسنی اقتضا ایاین تجربه نکه
وحدتی اخلال ایلش اولور سکز . بناء علیه یالکز
قوانین مادیه نکه ایجاب ایلدیکی علل ضروریه یی
قبول ایللی ، بر قسم حادثاتی ماقبلک نتیجه سی
اولیان بر علتک ایجابی ، یعنی بر علت مختاره نکه نتیجه سی
اولارق فرض ایتک صورتیه طبیعده و هرفتمزده
بر آهسکز لکه وجوده کتیرمه یی لری . الحاصل
«حادثات آراسنده کی ارتباط ضروری قانونی»
- که تجربه نکه امکانی بوکا استفاده ایدر - علت

مختاره تصویرینی قطعاً سلب ایلر .

کلیسنتك ایجاب ابتدیی وجهله ایضاح ایدمه، ش اولور سکیز . چونکه بو حادثه ده اولکینک، اوده ده اولکینک . الخ نتیجه، سیدردیدیکک، زمان او حادثه نی متسلسلاً صایدیفکیز، علتله برابر باله ایجاب ایدن شی نه در؟ سؤالی قارشیدنده قایر سکیز . و بو و اله جواب ویره بیلمک و بوتون حادثاتی تام اوله رق ایضاح ایدمه بیلمک ایچون قوانین ماده داتره سنده برعلت کوسترمک کافی دکلدر . چونکه بوسورنله کوستره جککیز « علت » ده ماقبلده اولان دیکر بر حادثه نك نتیجه سیدر . بونک ایچون باشقه برعلت . محتاج اولیان و بناء علیه بذاته اثر و حادثه وجوده کتیره ییلان و ایلمک باشلانغیج اولایلان برعلتی ، یعنی علت مختاره (Cause libre) نی قبول ایلمک کیز که بوتون اوسلسله، عللک، بدائی کوسترمش و بو صورتله حادثاتی ذهنکیزی تطمین ایدمه جک وجهله ایضاح ایلمش اولاسکیز . شو حالده عالم یالکیز قوانین ماده داتره سنده کی علته ایضاح اولولناماز . بونک خارجنده اختیار (Liberté) ، علت مختاره ده وارد .

۴ — دربرنجی ناری نقیضین

نقیضین دعوا

نه عالمک داخلنده، نه عالمک خارجنده، عالمک عاتی اولان بروجود ضروری یوقدر .

دلیل: اگر عالم داخلنده وجود ضروریک بولوندیغنی قبول ایدرسه کز حادثات و مو . حودات آراسنده کوردکیز ارتباطی اخلاص ایلمش اولو سکیز . چونکه عالمه کوردیکیز حادثات بربرنجی ایجاب ایدمه جک وجهله یکدیگریته مرهبطدر . حادثات بربرنجیه مرهبط و یکدیگریته

دعوا

عالم کند یسنتك « علت اولی » سی، اولارق بر وجود ضروری نی ایجاب ایدر . بو وجود ضروری عالمک بر جزئیدر .

دلیل: فی الحقیقه اگر عالمه هیچ بر وجود ضروری، یوقسه کوز دیکیز تحولات ده، حادثات ده ایضاح ایدیلمه من . چونکه هر تحول علت قاعده سی مو حجه، بر شرطک نتیجه ضروریه سیدر . بر شرط ایسه دیکر بر شرطک ایجاب ایلدیکی بر تحولدر . فقط بو تحولانك باله ایضاح ایدیله بیلمی

ایچون بروجود غیر مشروطدن اثبات اولماسی لازمدر. «وجود غیر مشروط» ایسه ماقبلنده کی شرطک نتیجه سی اولادیفنه نظراً تحول ایتقین، الحاصل بذاته کندی کندی ایجاب ایددن بروجود ضروریدر. «بروجود ضروری عالم داخلنده اولماسی لازمدر. چونکه عکس حالده عالمده کی تحولات و ممکناتی تعیین ایلرله ضرر، عالمده کی تحولاتی ایجاب و تعیین ایلرله بیله ایچون بوتحوالات ایلرله مناسبتده بولونماسی، تمبیر آخرله حادثات ممکنه دن مقدم اولان بو وارلرک تحوللری ایجاب ایتقی لازمدر. شو حالده وجود ضروری سلمه حادثانندن مقدم بر زمان داخلنده در. بناء علیه عالم ایچنده در.

تحولیه متبدل اولدیفنه نظراً تحولدن آزاده بروجود ضروریتک عالمده بولونماسنه امکان یوقدر. اگر حادثاتک هیئت شوعه سنی بروجود ضروری عد ایدر سه کنه سی متحول اولان حادثه لریک مجموعتک ناصیل بروجود ضروری تشکیل ایلرله بیله جکنی ایضاح ایلرله مناسکت. بر شیتک مجموعی او یکنونه داخل اولان جزو لریک وصفی حائز اولماسی لازمدر. اگر وجود ضروری بی عالم خارجنده فرض ایلرله جک اولور سه کنه بروجود ضروری نک نه وقت عالمده حادثانه مؤثر اولرله باشلادیفنی صورق ایجاب ایدر. بناء علیه بو ژریتک بر باشلانغیجی اولماسی لازمدر. هر باشلانغیج بر زمان داخلنده در، هر زمان داخلنده اولان بر شیتک عالم داخلنده اولماسی ایجاب ایدر. بو حالده وجود ضروریتک عالم داخلنده بولونماسی انضا ایدر که بونک دوغری اولایه جفنی یوقاریده سوبلایک. الحاصل هر نه صورته فرض ایدیلر سه ایدیلرین بروجود ضروری یوقدر. هر شی تحول و امکانه مستنددر.

ایشته صور عقلیه دائر عقلاک بزی - وق ایلدیکی متناقض حکملر و دلایلری بونلردر. ظاهراً باقاجق اولور سه کنه بودعوا و نقیض دعوانری بر جدل اویونی عد ایدوب کچر سکت. فقط بوقورو دستورلرک یوکسکک مابعد الطبیعی مسائلی خلاصه ایدیور؛ بشریتک حل ایچون اوغرا شوب دور دینی الکاهیتلی معمالری اورته یه قویویور: عالمک مبدای وحدودی وارمدر، یعنی شومکونات قدیمیدر، متناهییدر، دکلیدر؛ عالمده بالخصه نفس انسانیده بروحدت بسیطه، بناء علیه غیر قابل فنا بروجود وارمدر؛ اعمالده مختار می؟ یوقسه نمده اعمالم دیگر حادثات طبیعه کی علت ضروریه ننگمی نتیجه سیدر؛ عالمک بر علت علیه ضروریه سی وارمدر؟ بو مسائلک بزم ایچون برنجی درجه ده اهمیتکی اولدینی انکار اولونایلیر می؟ بونک ایچوندر که هان هر زمان یوکسکک متفکرلر بو متناقض دعوالردن برنی تسلیم ایدرک اونی تأیید و اثبات ایچون چالیشوب دور مشلردر. باخصوص که عقل نظری اعتباریه عینی قوتده دلایلره مالک اولان بودعوا و یا خود نقیض دعوالری قبول ایلدیکی

اقتضاییدن بعضی فائده لرده واردر. بومفتمتلرده آریجه بویوک برهیجان و حرارتله بوتضیقیندن برینی ترجیح واثباته بزی سوق ایلمکدهدر. فی الحقیقه صورعقلیه نك اورتیه قویدینی بودوت تساوی نقیضینك دعوالرینی قبولده برکره عملی فائده وار: چونکه اخلاقك، دینك استادکاهی اولان «روح» و «اختیار»ك، الوهیت، کوارانی بودعوارلك اثباتنه معلق کبی کورولمکدهدر. شوحالده بو حکملری ترجیح ایده جك اولورسقا اخلاق و دینك مسندی اولان فیکرلری قورومش اولورز. دیکر جهتدن اونلری قبولده نظری بر فائده ده موجوددر. عقل بشر هر شینك شرط و علتنی آراکن غیر مشروط، غیر معلق بر وارانه قدر یوکسلیمی سایه سنده تماماً تطمین ایدیه بیلیر. مثلاً دردنجی تساوی نقیضینی آلیکز. هر شیئی تحولدن عبارت کورن ذهن نهایت او تحولاتی ایجاب ایدن بروجود ضروری تسلیم ایلی که کاشانی نامتناهی تبدلدن عبارت کورمه سین، ضروری ولایتغیر بروارانه استناد ایدرك اوراده توقفایده بیلین، بوصورتله علممز بوتون برسلسله شروطی احتوا ایدرك تماماً لامش اواسون. بوفائده لری دولایسیله تساوی نقیضینك دعوالرینی قبول خاق ایچون، حس سلیمه تابع اولان انسانلر ایچون جاذبدر. چونکه بارز بر فائده عملیه سی وار. ذهنی بر مسنده ایصال ایتك و معلوما تمزی تماماً مقی اعتباریله ده قوتلی بر فائده نظریه سی وار. بونك ایچوندرکه عمومیتله نصی (دوغماتیک) فیلسوفلر تساوی نقیضینك دعواسنی ترجیحاً تسلیم ایلمش و اونی اثبات ایتک اوغراشمش لردر. نقیض دعوالره کلنجه؛ واقعا اونلری قبولده اخلاق و دینی تأیید ایچون استحصال ایدیه بیله جك هیچ بر فائده عملیه یوقدر. فقط بوکا مقابل دعوالرده اولیان یوکك بر فائده نظریه وار. چونکه نقیض دعوالری قبول ایله آرتیق تجربه ساحه سی خارجه جیقیمورز. هر شیئی تجربی اولارق ایضاح ایلورز؛ بوصورتله مدرکه نك حدودینی آشایور، طبیعت و تجربه ماوراسنده اولان اشایی بیلیم ادعاسنه قاقیمورز. الحاصل مثبت علم دائره سنده قالیور و معرفت بشریه نك واصل اولایبیله جکی حدود دائره سنده تحریات عامیه ده بولونمی تأمین ایایورز. بوصورتله انسان قدرتنك حدودینی تقدیر ایدیور و «هر شیئی بیله بیلیرز» ادعاسنی بیرا قرق عالمه ده ایا قیشان تواضی اکتساب ایلمش اولویور. بونك ایچوندرکه تجربی (آمپیرست) فیلسوفلر نقیض دعوالری ترجیح و قبول ایدیورلر.

کورولویورکه دعا و نقیض دعوالردن هرایکینسك ده قوتلی دلیللری وار؛ هرایکینسك ده کندینه کوره فائده لری موجود... اوحالده نه یاملی؟ «بونلردن هیچ برینه حکم ایدیه مز»

دیوب عقلی بوتعارض، بوتناقض ایچنده بیراقلمی؟ واقعا تماماً یکدیگرینه متناقض، عینی درجده قوتلی حکملرک موجودیتی انسانی شکه سوق ایدن اک مهم سببلردن بریدر. بربرنی تماماً نقض ایدن افکار قارشیسینده اکثریا حس-بانیاک (Scepticisme) باش کوستریر. آنجق انتقاد بویله بر نتیجهی قبول ایده من. چونکه یوقاریده کوردک که [۱] فلسفه انتقاد علمی بر امر واقع عد ایدر واونک امکاتی قبول ایدر. اوخالده ذهن بشرک بالهایه کندی کندینه غیرمطابق برحاله دوشمیه جکینی طبیعی بریوله یورودیکی حالده دائماً بر نتیجهیه ایره جکینی تسلیم ایایور دیمکدر. اونک ایچون بوتناقض ادعالر اورتیه قویعقله اکتفا ایدیله من. بونلرک ناصیل حل اولوناییله جکینی، ذهنک بوتعارض ادعالردن ناصیل صییرلاجغنی کوسترمک لازمدر. شوالده تساوی نقیضین بر نتیجه دکلد، بالعکس حلی لازم کلن مسئلهلرک عادتاً خلاصه سیدر.

اگر شو تساوی نقیضینک ایکی طرفنی محتوالرندن قطع نظرله تدقیق ایده جک دعوا و نقیض دعوالردن برینک صحتی آرامنی بر افرق اولنری صرف شیء علممزک قواعدی اعتباریله ملاحظه ایدیله جک اولورسوق کورورزکه «عقل» ک «غیر مشروط» وارلق حقیقه اورتیه قویدینی بونتیجهلر مدرکه نک قادروسنه کیرمیه جک درجده یاپک بویوک وکنیش، یاخود پک کوچوک، پک دارد. مثلاً برنجی تساوی نقیضینی آلیکمز. دعوا عالمک مکاناً وزماناً نامحدود ونامتناهی اولدینی دکلی؛ فقط بویله نامحدود ونامتناهی بر عالم مدرکه نک قاعده علمنه نظراً چوق بویوک، چوق کینشدر. چونکه مدرکه مکان وزمانک جزئلرینی ترکیب ایده ایده علم حاصل ایدر. فقط ترکیک متناهی، یعنی نامتناهی مدرکه ایچون قابل تیقن دکلد. نقیض دعوا ایسه عالمک زماناً برمبدای اولدینی ومحدود بولوندیغیدر. بویله برعالمده مدرکه ایچون پک دار وپک کوچوکدر. چونکه معرفتک قواعد قبلیه سی مدرکه یه «بوتحدیدی ایجاب ایدن شیء ندر؟» سؤالی حقی اوله رق صورغه سوق ایدر وبویله محدود برعالم قوانین ذهنیه مزه نظراً پک دار اولور؛ مدرکه بو دار ساحه یه قناعت ایده من. کذلک اوچونجی تساوی نقیضینی آلیکمز: عالمده هر شیء بالکمز قوانین مادییه توفیقاً می یکدیگرینه مربوطدر؛ یوقسه بقوانین مادییه خارجنده اختیاره، حریتده یر وارمی؛ یعنی باشقه برشیک ایجابی اولیمان عات مختاره موجودمی؛ برنجی حالده علتلرک سلسله مقدماتی نامتناهی در. هر علت دیگر بر علتی، اوده اوچونجیسنی..

الحاجب ايدرك نامتناهى به كيدر . بويه بر عالم مدرکه ايچون چوق كنش ، چوق واسعدر . مدرکه هر عاتى ديكر علتته ربط ايدرك تركيب ايلر اما هر علتك نامتناهى ساسله مقدمه فى استحصال ايليه من . ايكنجى تقديرده ، يعنى اختيارك قبولى حالده ايسه تصور ايتديكر ز عالم مدرکه ايچون بك دار ، بك كوچك اولور . چونكه ذهن برطاقم اعمال و نتايج توليد ايدن «اختيار» كده ، «علت مختاره» نكده علتى آرار ، اونى ده ايضاح ايلك اوزره ديكر برشيئه ربط ايلك ايستر . الحاصل بو طرزده تدقيق ايدجك اولورسه كنز ديكر ايكي تساوى نقيضينده عيى حالى كورورسكنز . علقك بزي سوق ايلديكى «عالم» مفهومى دائماً مشروطى ينه اوجنسدن اولان شرطه ربط ايدرك معرفت حاصل ايدن مدركه نك طرز تركيبنى تجاوز ايتمكده ، ياخود اونك قدرت تركيبه نى تحديد ايلمكده در .

ايسته مدركه نك علمه بزي حاصل ايلمكده كى قدرتيه علقك بيلمك ايسنديكى تصورات آراسنده كى عدم تناسب بزي بو تناقضه سوق ايدويور . عقل مدركه نك قدرتى يا آشاجق درجه ده كنش ، ياخود اونك فعاليتنى تحديد ايدجك درجه ده دار صورعقليه وجوده كتيريور . وبويه اولادى ايچون بونلر حقنده مدركه نك تجربه ساحه سنده استحصال ايلديكى كجى كللى ضرورى حكملر تشكىل ايليه ميور . مدركه ايله عقل آراسنده كى بو تعارضده شهه يوق كه حقيقت مدركه جهته در . فى الحقيقه بو قدرت علميه من درجه درجه مشروطى شرطه ربط ايدرك حادثاتى تركيب ايلر . فقط هيچ بر زمان بو طرز تركيبنى زمان و مكان خارجنده اولماز . بناء عليه حادثاتى تجربه ماوراسنده برشيئه ربط ايلز ، حدس حسينك فوقه چيقماز . حالبوكه عقل بر حمله ده بوتون شرائطى تركيب ايتديكى فرض و ادعا ايدر ؛ هيچ بر زمان محسوسات داخلنده اولميان و بناء عليه مدركه نك موضوعه كيرمين مجموع شرائطى شخص بر حاله صوقيق ايسيه ك « صورعقليه Idées » وجوده كتيرير و بونلر مدلول خارجيلرني دوش-ونهرك « شئ » متعال *Objet transcendant* ديديكز غير محسوس بر وارلق استحصال ايلر . الحاصل مدركه نك بيلديكى موجودات حسبك فوقه يوكسلهرك اوندن تماماً آيرى وجود عقلى (*Existence intelligible*) ديديكز بر نوع وارلق دوشونور .

ايسته بونك ايچوندركه استدالات كونييه (*Raisonnement cosmologique*) نهايت حقيقى بر نتيجيه واريور . بونى ده اى آكلايه بيلمك ايچون تساوى نقيضيك هرايكي طرفنده كى دليللره بايكنز ، دقت ايدجك اولورسه كنز كورورسكنز كه بو دليللرله هپسى

شویله بر قیاسه استناد ایدیور : [اگر مشروط Conditionné معطا ومعلوم ایسه اونک تام سلسله شرائطی ده معلوم ومعطا اولور . مادام که اشیا حسیه بر شرطه معلق، یعنی « مشروط » اوله رق معلومدر ، اوحالده بو « مشروط » وجود حسینک تام سلسله شرا ئطی ده معطا ومعلوم اولایلیر .] بویله بر قیاسه استناد ابتدکی ایچون رنجی تساوی نقیضینده « مادام که هرشی بر زمان و مکان مشروط اولارق محسوس اولویور . او حالده بو مشروطی تقدم ایدن سلسله شرائطی تام اوله رق بیله بیلیر » دییه درشونویورز وبو صورتله بو تام سلسله شرائطک ، یعنی عالمک زماناً و مکاناً منهای ویا نامتناهی اولدیفنی استدلال ایایورز . حالبوکه بو طرز استدلال ، بوقیاس حد داننده فاسددر . چونکه کبراسنک موضوعی باشقه ، صغراسنک موضوعی باشقه در . کبراده اکر « بی مشروط معطا ومعلوم ایسه اونک تام سلسله شرائطی ده معطا ومعلوم اولور » دییورز . بوزاده کی « وجود مشروط » محسوساته عائد اولاماز . چونکه محسوساتده مدرکه مشروطی شرطنه ربط ایدر اما هیچ بر زمان تام سلسله شرائطی استحصال ایلر . بلکه مشروطی درجه درجه شرطه ربط ایدرک معرفت اکتساب ایدرو بوتربکی تدریجی ونا محدوددر . بناءً علیه محسوسات اعتباریه مشروطک وجودی بوتون سلسله شرائطک . معلوم ومعطا اولماسنی اقتضا ایلر . شو حالده کبراده کی « مشروط » تعبیری آنجق محسوس خارجنده بر موجوده ، وجود عقلیه تعالی ایلیه بیلیر . صغرایه کلاجه اوراده « مشروط » اولارق معلوم ومعطا عد ایدیلن « محسوسات » در . دیمک که تجربه خارجنده ، اولان ، بناءً علیه صرف وجود عقلی ، ذات اشیا حتمده دوغری اولایلیمسی ممکن اولونان بر حکمی محسوساته تطبیق ایلیورز . دها آچیقجه « بر شئیک مشروط اولدیفنی معلوم ایسه تام سلسله شرائطله ده معلومدر » قضیه سی حادثات حتمده حصوله کتیردیمکن علم طرزینی تجرید ایدر ، صرف قانون ذهنی اعتباریه دوسونورسک دوغربدر . فقط مدرکه نک طرز علمی ، الحاصل عالم حسی حتمده کی معرفت نقطه نظرندن بر قیمتی یوقدر . چونکه معرفت علمیه مزده هرشی بر شرطه معاق اولارق بیانیر اما هیچ بر زمان اوشینک بوتون « سلسله شرائطی » ، یعنی مجموع حالات ، مجموع علل تام اولارق محسوس وتجربه داخلمده ، وجود اولاماز . خلاصه « وجود مشروط » مثبت وشئی علمی وحوده کتیره مدرکه نقطه نظرندن باشقه ، عقل نقطه نظرندن باشقه ، معناده در . برنجیسنه کوره وجود مشروط ذهنک تدریجاً شرائطه ربط ایتک صورتیه بیلدیکی « وجود محسوس » در . ایکنجیسنه کوره

ايسه بوتون « سلسله شرايطى » ايجاب ايدن بر وارلقدر . بوتون سلسله شرايطى بيان وارلق محسوس اولماديغنه نظراً آنجق بوجود عقلى ، بر ذات اشيا اولابيلير . بو ايسه علم بشرك حدودى ماوراسنده در . الحاصل حد اوسطى كبرا و صغرا ده آرى آرى معالرده آلمق صورتيله وجوده كتيره جكمز هر قياس ، بيايرسكزكه ، تماماً فساد ايله معلول اولور . بناءً عايه تساوى نقيضينك هر ايكي طرفنده « وجود مشروط » تعميرى كاه آنجق ذات اشيا ايچون دوغرى اولاجق بر معناده ، كاه محسوسانك مشروط اولماسى طرزنده قوللايلايى ايچون كرك دعوا كرك نقيضى عيى درجده فاسددر .

شو حالده تساوى نقيضينك طرفينى هپ بويله باطل بر قياسه استناد ايتريكى ، هپ حادثه نك « متقدم سلسله شرايطى » تام اولارق معطا Donnée بولوناجنى وهمنه مستند بولونديغى ايچون بونلر قارشيسنده بايه جغمز شى دعوا و نقيضلرينك تجربه ماوراسنه و بناءً عايه غير قابل حدس بر موضوعه قلمق ايتديكىنى كوسترمك ، اقامه ايديلن دليللارك فسادينى اورتيه قوياق بو خصوصه ياپيلان مناقشه لرك بهوده اولديغنى ارايه ايلمكنن عبارتدر .

فى الحقيقة رياضى نقيضين (Antinomies mathématiques) دينيان [۱] ايلك ايكي تساوى نقيضين آنجق بوصورته تقدير وحل اولونابيلير . فى الحقيقة بوايكي تساوى نقيضينك كرك دعوا ، كرك نقض دعواسنده موضوع بحث اولان « عالم » ، « ماده » بيلديكمز حادثاتك عمومى دكل ، بالعكس محسوس فوقنده اولان « ذات اشيا » در . فى الحقيقة برنجى تساوى نقيضينه بايكمز . بونك دعواسنده « عالمك زماناً بر مبدأى و مكاناً ده حدودى اولديغنى

[۱] قانت برنجى وايكيجى تساوى نقيضينه (رياضى نقيضين Antinomie mathématique) ديور . چونكه بولمده آرائيلان غير مشروط وجود مشروطك چانسنددر . فى الحقيقة بونقيضينه شددود كيلتردن نامته اى بويوك ، نامته اى كوچوك بركيى استدلال ايلك ايسيتورز . هر ايكي حالده ده كيت غير متناهيه نك - برنجى تساوى نقيضينه اعظم نامته اى ، ايكيجيده اذغرا نامته اى حالده - ادراك مسئله -ى دعوا و نقيضلرينك موضوعنى تشكيل ايلكده در . البته « كيات غير متناهيه » كيات محدوده دن بسبون باشقه ماهيته دكلدر . صوك ايكي تساوى نقيضينه ايسه آرائيلان وجود غير مشروط ايله مشروط و محسوس تماماً غير متجانسدر . فى الحقيقة اوچونجى تساوى نقيضينه وجود غير مشروط اختيار ، وجود مشروطده علت ضروريه تابع حادثاندر . ايكيسى بربريله متجانس دكلدر . كذلك در دنجى تساوى نقيضينه امكادن ، تحولدن ضرورى وغير ، تحول وجوده كپوروز . بونلر آراسنده ده تجانس بوقدر . الحاصل صوك ايكي تساوى نقيضينه اولكيلي كى اولارق برشيدن ، بنه عيى چنسدن اولان ديكر رشيدنه انتقال اغيوروز . بلکه برشيدن باشقه ماهيته ديكر برشيى ا كلامق ايسيتورز . اولك ايچون فيلوف بوصوك ايكي تساوى نقيضينه (قوانى نقيضين Antinomie dynamique) ديور .

نقیض‌مندوده بالعکس « عالمک نه زماناً مبدئی ، نه ده مکاناً حدودی اولامیه جفی » قبول و ادعا ایدی-سورز. بو ایکی حالده اوزرینه بر حکم ترتیب ایتس-دیکمز « عالم » آنجق « ذات اشیا » اولاییلیر . یوقسه بالتجربه بیلدیکمز حادثات عد ایدیه مز. چونکه بوتون حادثات تجربه لر مزده دائماً یکدیگرینه ربط ایدیلرک معلوم اولور ، هر حادثه ، هر نتیجه کندندن اولکنک مشروطی اولارق بیانه بیلیر . حالبوکه بو تساوی نقیضینده موضوع بحث اولان « عالم » تام و غیر مشروط بر ورائی ، یعنی مجموع اشیا ای افاده ایدیور و اونک ایچون بو مجموع اشیا نك حادث ویا قدیم ، متناهی ویا نامتناهی اولدینی آراشدیریور . بویله مجموع اشیا ، یعنی آرتیق-تماملانا ، بناءً علیه ماقبلنه ربط ایدیه میه جک اولان بر عالم بزم تجربه لر مزه داخل دکلدر و بویله اولدینی ایچون بو تصور ایدیان عالم محسوسات فوقنده بر وارلق اولاییلیرکه اوکاده علممز ایریشه مز . تجربه ایله بیلدیکمز حادثات دائماً مشروط اولدینی ، دائماً ماقبلنه ربط ایدیلرک بیلیندیکی ایچون دیگر بر حادثه به ربط ایدیه مین ، بناءً علیه بوش بر مکان و زمان ایله تحدید ایدیان بر عالم حسی اولامیه جفی کبی بوندن اول کچمش نامتناهی زمانک و کذاک نامتناهی مکانک ترکی محسوساتی بر عالم حادثاتده موجود دکلدر . خلاصه برنجی تساوی نقیضینک کرک دعواسنده ، کرک نقیض دعواسنده کی « عالم » « عالم محسوس » عد ایدیه مز . بویله بر « عالم محسوس » تصور ایتک تناقضه دوشمک اولور . محسوس فوقنده اولان بر « عالم » حتمده ایسه علممز لاحق اولاماز . بناءً علیه کرک دعوا ، کرک نقیض دعوا عینی درجهده فاسد ، عینی درجهده باطلدر .

ایکنجی تساوی نقیضینده حال بویله در . فی الحقیقه بو تساوی نقیضینک دعواسی ماده نك اجزای بسیطه دن مرکب اولدینی ، نقیضده بویله جزء بسیطک اولامیه جفدر . هر ایکی تقدیرده موضوع بحث اولان ماده محسوس و تجربه داخنده اولان بر شی دکلدر . چونکه برنجی تقدیرده ماده انقسامه اوغرایاجق ، نهایت جزء بسیط بولونا جقدر . بو جزء بسیط بر شی محسوس ایسه بر مکان داخنده اولاماسی و بناءً علیه آنجق جزء لرینک ترکیبیه بیلنمسی لازمدر . شو حالده محسوسات داخنده بویله غیر مشروط بر ماده بسیطه ، بر جوهر بسیط اولاماز . ماده نامتناهی قابل تقسیمدر ، بسیط موجود اولاماز دینلیدیکی زمانده موضوع بحث ایدیان ماده ینسه تجربه داخله کیرن بر وجود دکلدر . چونکه

تجربه ندریجاً اشیاك جزء لرینى تركیب ایدرك معرفت استحصال ایدر . فقط بویه نامتناهی اجزاسى بولونان بر ماده حقنده هیچ بر حسسز یوقدر ببناء عایه بویه بر ماده تجربه من داخلنده دكلدر . شو حالده كرك « بسیط » مارجاع ایدیه بیهلك و كرك نامتناهى اجزاسى موجود اولاییهلك بر ماده محسوسك شرائطنه نظراً حد ذاتنده متناقضدر . اولسه اولسه بوساوى نقیضنك موضوعى اولان ماده ذات اشیا اولابیلىر . بزم بیلدكمز یالكز تجربه داخلندهكى ماده اولدینى ایچون اونك خارجنده اشیا حقنده بر علمسز لاحق اولاماز . بواعبارلهده تساوى نقیضنك حكملرینك هر ایكیسیده قیمتندن خایدر .

كورولوبوركه هر ایكى تساوى نقیضنده تصور ایدیان شكلكده « عالم » و « ماده » بالتجربه بیلدكمز طبیعت و اشیا نه نظراً تناقضى حاویدر ، بناء عایه وجودى محسوس دكلدر . اونك ایچونده بوبابده ویره جكمز بوتون حكملر عینى درجده فاسددر . بوساوى نقیضنده اورتیه قونولان دعواونقیض دعوا طبق « تربیع دائرة (Cercle carré) دائرة ویدر ، یاخود مربعدر » ادعاری كیدر . بوا دعالرك ایكیسیده دوعری اولاماز : تربیع دائرة مربیع دكلدر ، چونكه دائرة در . دائرة دكلدر چونكه مربعدر . بوساوى حكملرك هر ایكیسنك دوعری اولاماسى « تربیع دائرة » نك ذاتاً متناقض بر تصور اولماسندن ، بویه بر شكلك موجود اولماسندن متولددر . بناء عایه متناقض اولان بر شكلى ناصیل توصیف ایتسه كز یاباجفكز حكم دوعری اولاماز . تساوى نقیضنده بحث ایدیان « عالم » و « ماده » عالم محسوس اعتباریه موجود دكلدركه اونك هر هانكى بر صورتده تعین و توصیفى دوعری اولابیلسین .

دیكر صوك ایكى تساوى نقیضینه بویامى حل ایتلى ؟ دقت ایدیهلك اولورسوق ایللك ایكى « نقیض » ایله صوكنجیلری بیتنده مهم بر فرق وار . چونكه ایللك ایكى تساوى نقیضنده موضوع بحث اولان شیء حادثاك زمان و مكان اعتباریه تركیبى ویا تقسیمیدر . مركب اولان سینگ اقسامیه ، تقسیم ایله وجوده كلن فهومك كل ایله متجانس بولونماى اقتضا ایدر . بناء عایه برنجى تساوى نقیضنده موضوع بحث اولان « عالم » حادثاك مكان و زمان اعتباریه تركیبى محصولى اولدینى ایچونینه حادثات جنسندن بولونماسى ؛ ایكنجى تساوى نقیضندهده ماده دائماً حادثه اولارق معلوم بولوندینى ایچون اونك جزء لایجزاسى اولارق تصور ایدیلن بسیطك بینه حادثات میاننده اولماسى ضروریدر .

حالبوکه بوتساوی نقیضینده حادثه لرك تركیب و انقسامی محصولی اولان عالم و ماده، یوفا یده ایضاح یتدیکمز وجهله، حادثه لرك اوصافدن بسبتون آیری ماهیتده تلقی ایدیلارک « ذات اسبابه کی آیینمقده و بوصورنه تساقضه دوشوله لرك کرك دعوا، کرك نقض دعوا عینی درجه ده فسادده محکوم اولمقده در. صوگ ایکی تساوی نقیضین ایسه ماهیه بویه دکدر. بونلرده موضوع بحث ایدیلان شرط Condition و مشروط Conditionné تماماً غیرمقحانس اولابیلیر، هرایکی سنک محقق برحسندن بولونماسی ایجاب ایتمز. اوحالده که تماماً محسوس خارحنده اولان، بناءً علیه ذات اشیا عدایدیه بیلان برشرط، برعلت تجربه داخلندن بولونان سلسله حادثاتی پک اعلا ایجاب و تعیین انده بیلیر و هیچ برشرطه محتاج اولیلان برعاب، بروحد ضروری محسوس و بالتجربه معلوم موحدو داتک استقنا کاهی اولارق قبول اولابیلیر. ده آچیقجه سی غیرمشرط علت و وجودی حادثاتک مسندی عدایدیه ذات اشیا، عالم معقولانه متعلق اولارق قبول ایدیلیر، و عالم حادثانده مدرکک ایجاب ایتدیکی علت ضروره و نظام طبیعی تسام اولونورسه صوگ ایکی تساوی نقیضینک دعوا و نقیضی تألیف ایش و لور. فی الحقیقه بوصوگ ایکی تساوی نقیضینی تدقیق ایدیه جک اولورسه ق تماماً مناقص کی کورولن دعوا و نقیض دعوا لرك تألیف ایدیه بیه حکمی آکلارز. مثلاً اوحوخی تساوی نقیضینی آیکز. دعوا «عالمه کی حادثات» ایضاح ایچون قوانین ماده خارجه ده علت محتاتک اولماسی لازم که جکدر « نقیض دعوا ده اختیارک موجود اولما دیغیدر. طبیعتده مرظهوریدن حادثه، تجربه نک «ایکنجی دستوری» [۱] نده آکلان دیغمز وجهله ماقبلنده اولان حادثه نک ایجاب ضروریسی اولق صورتیه بیلنه بیلیر. علت اولان حادثه ده الیه برزمان داخلنده ظهور ایتشدیر. اولیه اولسه نتیجه نک ده حادث اولماسی لازم کلیر. دیمک که بو «علت» ده دیگر برشینک نتیجه سیدر... الخ حادثاتک بویه قوانین طبیعه داتره سنده بربرینه مربوط اولماسی ذهنک اک اساسی برقانونیدر. بناءً علیه سلسله حادثات آراسه کندن اولکی برحادثه نک ایجابی اولیه رق برطاقم نتایجی اقتضایدن واونلرک عاتی بولونان (اختیار Liberté) . یرویرمه امکان یوقدر. آنجق مؤثرک، علتک اثر مقحه بوغندن اولماسی، عینی ماهیتده بولونماسی اقتضا ایتیه جکی ایچون بوواقعاتک باشقه جهندن آیری ماهیتده برعلتک، یعنی حادثه نوعندن اولیان برعلت مختاره نک ایجابی فرض ایتمه کلک مزده هیچ

بر مانع موجود دکلدر . علت ضروریه ایله اختیار بر برینی سلب ایتمدیکنه نظراً بونلرک بر آراده بولونایلملری و تألیف ایدیه بیللمسی قابلدر .

بوتالیفک ناصیل پاییلایله جکنی آکلایایلمک ایچون اعمال انسانییه بی ملاحظه ایتمک لازمدر . انسان بر جهندن عالم محسوسک بر جزئی اولماسی و بزه اولهجه معلوم بولونماسی اعتبار ایله علت مادییه تابمدر . بناءً علیه محسوس اولان بوتون اعمالی، حادثات طبیعییه کبی، ماقبلی اولان بر علتک نتیجه ضرورییه سی اولارق بیلینیر . فقط انسانده بر ملکک ، بر قدرت واردرکه بو ، هیچ بر زمان قوای محسوسیه بکزه مز . چونکه بوملکک و قدرت محسوس بر عمل دکل ، اعمال ایچون بر قاعده ، بر تصور محض Concept pur در . بر قدرت « عقل عملی » در . فی الحقیقه عقل اعمال ایچون « وظیفه Devoir » دیدیکمز قانونی ، قاعده بی وجوده کتیرر . بو صورتله « یاپمالیسک ، یایمغه مجبورسک » امرینی ویریر . بو امرده بر ضرورتی Necessité ، بر وجوبی تضمن ایدر . فقط بو وجوب حادثات طبیعییه کورولدیککی وجهله بر حادثه نکل دیکرینی تولید ایلمسی ، اونک نتیجه سی اولماسی نوعندن بر ضرورت دکلدر . بالعکس صرف عقلی بر تصور ، بر قانوندر . او حالده که عقل اعمال ایچون وضع ایتمدیککی قانون ایله حادثانده کوردیکمز نظام اشیا بی تعقیب ایتمز . نظام اشیا « اولانه ، اولاجنه ، اولمشه » تعلق ایدر . وظیفه ایسه دوعربدن دوعرییه اولماسی لازم کلن شیئی افاده ایدر . اکثریا اولابایرکه وظیفه نکل واجب کوردیککی شی قطعاً حصوله کلمه مشدر ؛ یاخود کله میه جکدر . بوکا رغماً عقل ینه بو اعمالکک وجوبیه ، یعنی اولماسی لازم کلدیکنه قاعده در . دیمک که عقل اعمال بشریه ایچون « وظیفه » دیدیکمز بر نوع وجوب ، بر نوع ضرورت تحقق ایتمدیریور ، « یایمغه مجبورسک » دستورینی ، قانونی وضع ایایور . هر ضرورت امکانی تضمن ایدر . « یاپمالیسک » امری « یاپایلیرسک » ، « یایمغه قادرسک » ده دیمکدر . شو حالده « وظیفه نکل » موجودیتی دوعربدن دوعرییه عقلک بعضی اعمالی ایجاب ایدمیه جکنی و عالم حسیده بعض اثرلر وجوده کتیره بیه جکنی تضمن ایلیور . بناءً علیه انسانک بعض عمللرینک علتی بر حادثه دکل ، سادهجه تصور عقلی ، قانون عقلی اولابیلیر . عقل « وظیفه » امرینی ، حادثاندن استنباط ایتمدیکنه نظراً عالم محسوسک فوقده بر قدرت یعنی ذات اشیا Chose en soi در . بناءً علیه اونک اثری اولان وظیفه زمان چرچیوه سی ایچنده و قوانین طبیعییه داخلنده دکلدر . بالعکس عقل اعمال اخلاقییه بی زمان و اشیا نکل ایجابات و تاثیراتی خارجنده اولارق هیئت عمومیه سیله بر قانون کلی حالنده

تعیین ایلر . دیمک اولویورکه عقل زمان و اشیانک تأثیری خارجنده اولارق دوغریدن دوغرییه وظیفه دیدیکمز قانون مطایقه محسوس داخلنده بر طاقم سلسله اعمال وجوده کتیریور . و فقط بالذات کندی فعلی، کندی اثری اولان «وظیفه» دیگر برشیک ایجابی اوله رق ابتدا ایتمیور . او حالده که عقل محسوس داخلنده بر سلسله اعمالک علای اولویور ، فقط کندیمنک ذاتندن باشقه برعاتی بولونما یور . یعنی دیگر برشیک ایجابی اولیه رق بالذات اعمال وجوده کتیره بیلیر . شو حالده قوانین مادیه دائره سنده وجوده کلن حادثات کبی ضروری دکل ، تماماً مختار اولویور .

عقلک اعمالده بویه قانون وضع ابتدکی ومؤثر اولدینی قبول ایدیلنجه [۱] انسانک بر شخص عاقل اولماسی صفتیه بر طاقم عمللریک علتی عقله ، «وظیفه» مجبوریتنه حمل ایتمکمز طبعیور . دیگر جهندن انسان بر شی محسوس اولدینی و بوتون افعالی محسوسات میاننده بولوندینی ایچون هر نوع اعمالک قوانین مادیه دائره سنده دیگر بر فملک ، دیگر بر حادثه نک نتیجه سی اولارق بیانمسی ده ضروریدر . بناء علیه انسان تجربه فوقده قانون اخلاقی وضع ایدن عقله صاحب اولدیغنه ، یعنی بر شخص عاقل بولوندیغنه نظراً محسوس فوقده بر ذت اشیا تشکیل ایدر ، یعنی حادثات فوقده بر ماهیت ذاتیه سی وارد . بوعبارله بر طاقم عمللریه ماقبل اولان برشیک ، بر حادثه نک ایجاب ضروری سی اولیه رق ابتدا ایلده بیلیر ، بویه اولدینی ایچون اعمالده مختاردر دینلیر . چونکه اعمال اخلاقیه نک علای دوغریدن دوغرییه عقل و وظیفه درکه بولردیکر برشیک ایجاب ضروری سی دکل ، دوغریدن دوغرییه انسانک ذاتنک محسولیدر . اعمال اخلاقیه ده بو خصوصیتک ، یعنی اختیارک بولونماسی قوانین مادییه اخلاک ایتز . چونکه قوانین مادیه هر حادثه نک بر علت ضروریه نتیجه سی بولونماسی اقضا ایدر . اساساً مختار اولارق تعین ایدن اعمال انسانیه ده حادثه شکلنده تجلی ایدینجه اوده بو قانونه تابع اولور . یعنی محسوس داخلنده هر فعل بشرده ماقبل اولان برشیک ، بر حادثه نک نتیجه سی اولارق مشعور اولور . بویه جه وظیفه ایجابی اولان اعمالده حادثات شکلنده تجلی ایدینجه دیگر اشیا ی طبیعی گئی قوانین مادییه تابعدر . او عمللرده دیگر بر حادثه نک علای اولارق ایضاح اولونور . اعمال انسانیه نک بویه قوانین مادییه تابعیتی انسانک « برشی محسوس » بولونماسندن ، مختاریتده بر ذات عاقل اولماسندن متولددر .

[۱] عقل عملینک وضع ابتدکی «وظیفه» نک اشیا فوقده و طبیعت خارجنده ناصیل و نه ایچین بروجوب و مکلفیت تشکیل ایتدیکنی آکلا یاییلمک ایچون بشنجی قسمه باقیکز .

انسانك بویه بر طرفدن مختار اولارق قبولی، دیگر جهتدن بوتون اعمال خارجه سنك قوانین مادییه تابع عد ایدلمسی بلکه بك قارشیق ومبهم بر ایضاح کبی کلیر . فقط حیات بشریه واحتمایه کوز اوکنه کتیر لجه بوضرورت واختیارك ناصیل برلشدیکی آکلاشیلیر . فی حقیقه رآدام فرض ایدیکز که اخلاقی بر حرم ایشلمش، بر قناحر کتده بولونمش، مثلاً یالان سوبایه رك نظام احمای بی بوزمشدر . سزاوآدامك بوحرکتی ایضاح ایتك ایچون بر طاقم اسباب مادیه وتحریه آراسکیز . اونك بوحرکتی، تربیه سنك، محیطك، سوق طبعیلرینك، دوشونجه سزلکنك، بعض احوال واتصادفك الجای ضروری بی عد ایده یایرسکیز . بوحرکتی آحق بویه بر علت مادیه سایه سنده ایضاح ایلیه یایرسکیز . فرض ایدیکز که بوحرمت حرکتی ایضاح ایچون سزی تماماً تطمین ایدن اسبابی بولایکیز وبونکه اوحرکتی ایضاح المدیگر، یعنی اوآدامك بوقالغی، یوفاریده صایدیغمز ا- باب مادیه دن بر ویا بر فاجك نتیجه ضروری سی عد ایلدیکیز . بو حالده ینه وجدانکیز اونك معصومیتی تسایم یتیز . بوضرورته رغماً اونی ینه کناهکار، ینه مجرم کورورسکیز . نه ایچون ؟ ا کراوآدامده طبیعتدن فضله برشی یوقسه، یعنی اونك عملنی ایجاب ایدن ساده جهات طبعیه ایسه سراوی وحداناً نهیه تقبیح ایدیورسکیز ؟ بوآدامك حرکتی علت طبعیه الله ایضاح تمککله زه رغماً اونی ینه بر مجرم عد اتمه کز کوستریر که محسوس علتله، سائقله رغماً اوآدامك باشقه صورله حرکت ایتمی قابلدی، اونده بوحرمدن، اخلاقی کناهدن وقاه ایله حک بر قدرت، بر سحیه عقلیه واردی . دیمك که انساندن ظهور ایدن فعالك سائق طبعیسی اولدیغنی قبول ایتمکه برابر بوسائق خارجنده اعمال بشریه بی تعیین واجباب ایدن بر « قدرت عقلیه » ده فرض ایلورسکیز . وبوقدرت عقلیه محسوساتك ایجایی فوقسنده اولدیغنی ایچون انسانك ماهیت ذاتیه سی اولویور، یعنی ذات اشیا بولونویور .

شوایضاحات کوستریر که قانت بر نظام طبیعی ونظری، برده نظام عملی (Ordre pratique) قبول ایدیور . مدرکه نظام طبعینك قوانین ضروری سنی تثبیت ایلویور، « عقل عملی » ده نظام عملنك قانونی وجوده کتیریور . انسا بو نظام عملنك قانونی وجوده کتیرهن عقله صاحب اولماسی اعتبارله مختاردر . نظام طبیعی به تابع اولماسی دولایسیله ده افعالی قوانین طبعیه به تابعدر . بویکی نظام ایسه بر برندن تمامیه آریدر . نظام طبیعی اولانه، اولمشه، اولاجمه تعلق ایدر . فقط « ناصل اولمیلدر ؟ » سؤالنك جوابی آراهاز . یعنی بزحادثات

طبیعیہ دن حدوث ایدہ فی اولجہ اصولہ کلہ ربط ایدرز و بوربط و عایت اعانہ سیلہ استقبالہ تحدث ایدہ جک حادثاتہ انتقال ایلرز . فقط هیچ رزمان علم « طبیعتہ نہ حادث اولماید ؟ یا خود بردار دنگ نہ کی اوصافی بولونماید ؟ » سؤالرینی آراماز و بوکادائر قانون طبیعی وضع ایدلز . حالبوکہ عقل عملی اعمال انسانیه نک ناصیل اولماسی لازم کلہ جک نہ دائر قانون وضع ایدر . دیمک کہ بوا یکی نوع قانونک ماهتی آیریدر . بری تماماً علت طبیعیہ دستورینہ مستند اولدینی حالہ دیکری اختیار دن انبعث ایلر [۱] .

خلاصہ اوچونجی تساوی نقیضینک دعوا و نقیضی ظاهراً بربریه متناقض کی کورولور . حالبوکہ نظام طبیعی ی ، « نظام عقلی Ordre intelligible » دن آیراق ، اعمال انسانیه دن بر قسمی ، یعنی اعمال اخلاقیہ ی اساساً ذات اشیاده ، ماهیت انسانیه ده متمرکز اولان علت مختارہ دن انبعث و صدور ایندیکنی تسلیم اینککہ برابر محسوس فعل حالہ کلنجه ، بوتون اشیاء و حادثات طبیعیہ کی ، علل مادیہ نک ایجاب ایندیکنی تسلسلہ تابع کورہ جک اولورسہ ق دعوا و نقیض دعواده کوردیکمز تعارض اورتہ دن قائلار . او وقت یک اعلا دیہ بیلیرز کہ بو تساوی نقیضینک دعواسندہ موضوع بحث اولان علت مختارہ ذات اشیایہ ، وجود عقلی یه و انسانک شخص عاقل اولق صفتیہ یابدیی حرکات اخلاقیہ یه عائددر و نقیض دعواده موضوع بحث اولان عالم ، عالم محسوس Monde sensible اولدینی ایچون اوراده یالکیز قوانین مادیہ حا کدر . الحاصل دعوا ، یعنی اختیارک وجودی عالم معقولات (Monde intelligible) ایچون صادقدر ، نقیض دعوا ، یعنی علت مختارہ نک اولامیه جفی ده عالم حادثات ایچون دوغریدر . بویله برتالیفہ ده عقل نظری اعتباریله هیچ بر مانع یوقدر . ذاتاً اولکی بجنده مدرکہ نک یابدیغمز تحلیل لاتندن چیقان نتیجه بزم علممیزک بکانه مہ . ضوعی اولان حادثاتک ماوراسندہ بر ذات اشیانک ، بوجود عقلینک اولابیله حکمی کوسترمبورمیدی ؟ حساسیت و مدرکہ نک قدرت ترکیبہ سنک الضامیلہ بیلدکمز حادثاتک بوتون بوتائیرات قبلہ دن آزاده بر مبناسی اولماسی لازم کلہ جکنی ارانہ الیورمیدی ؟ محسوسات خارجنده اولارق سزدیکمز شی متعالم ، ذات اشیانک ایسه مختار بر علت اولابیله حکمی یک اعلا ملاحظہ ایلیم بیلیرز ؛ یعنی دیہ بیایرزه محسوسات خارجنده اولان ، بآءایه علممیز ماوراسندہ بولونان بو ذات اشیاده باشقه برشینک ایجابی اولیمه رق ، یعنی بالاختیار ، دوغریدن دوغری یه اثر وجوده کسیرہ بیلہ جک قدرت وار و بو قدرتک اثری حادثہ اولارق عالم [۱] بشنچی قسمه و بوقسمک اصوله تعلق ایدن آشاغیده کی صحیفه لوبنه باقیکیز .

محسوسه تجلی ایلور. بویه بر تالیف مفکره نك طریق انتقاد ایله یابدیغمز تحلیل اتنه مغایر اولماقدن باتسقه اعمال بشریه یی ملاحظه ایتدیگمز زمان ، یوقاریده سویلدیگمز کبی ، ضروریدرده ... فیلسوفک « عقل عملی نك انتقادی » نامنده کی اثرینی خلاصه ایدرکن بو وجوب و ضرورتی دها زیاده تعمیق ایله جکیز [۱] .

اوراده کی مطالعاتندن ده شونتیه جیقاقدر که انسان بر طرفدن رجود محسوس اولمق اعتباریله طبیعتده موجود بالجمله اشیا کی قوانین مادییه تابعدر ، دیگر جهندن انسانده اعمالک فانوتی وضع ایدن « عقل » وارکه بو قانون ، یعنی وظیفه زمان قیدی خارجنده اولدینی ایچون محسوسات فوقنده برماهیت ، بر ذات اشیا در و بو حیثیتله اونده « اختیار » ی قبول ایتکل کمز لازمدر ؛ بو قدرت اغانه سیله انسانک بعضی اعمالنه مسبوق بر حادثه نك نتیجه سی اولقمسزین ایتدار ایدم بیلیمک اقتدارنده اولدیغنی تسلیم ایتکل کمز اقتضا ایلر . باتسقه بر نه یرله انسان سلسله حادثاتک بر حلقه سنی تشکیل ایتسی دولایسیله حرکتی قوانین مادییه دائره سنده دره . فقط بر وجود معنوی Etre moral اولماسی حیثیتله ده ماهیت عقلیه سی Carectère intelligible واردر ، بعضی اعمالی بویه محسوسات فوقنده بر سجهیه ، برماهیه صاحب اولماسندن متولددر . خلاصه اوچونجی تساوی نقیضینک غیر قابل تالیف اولمق اوزره اورتیه قومدینی « یا اختیار واردر ، یاخود یوقدر ، حکملری بو صورتله تالیف ایدیلر بیایر . طبیعت و اختیار بر طرفدن یکدیگرندن تماماً آیری عد ایدملکه برابر دیگر طرفدن یکدیگرنی سلب ایتیه جک وجهله برلشد یریه بیلیر .

در درنجی تساوی نقیضینده عینیه اوچونجیسی کی حل ایدمک اقتضا ایدر . بو تساوی نقیضینک دعواسنده « عالمده تحولات و بناء علیه امکان [۲] (Contingence) » خارجنده [۱] کتابک بشنجی قسمنه یاقیکز .

[۲] تورکجه ده کی « امکان » کله - نی فرانسزجه هم (Contingence) ، هم (Possibilité) مقابلی اولارق قولانیورز . (Contingence) مقابلی اولدینی وقت امکان ذهناً هیچ برتناقضه او عر اقمسزین اولماسنی دوشونه یلدیگمز شیدر . برشی که حادثدر ، سوکرادن اولمشدر ، بر مدت سوکرا فنا بولاجقدر ، - لاصه بر عاقبتی واردر . بونلر ممکندر . چونکه اوله اولیه یلیردی ، باشقه بر صورتله تجلی ایله ییلیردی . نه کم شیمدی وار ایه ده حدوثدن اول یوقدی ، ذاتاً بویه قالاحق دکل ، بر مدت سوکرا دکیسه جک . احواله و حودی « ممکن » در . یعنی ضروری دکلدر . عالمده کی حادثات عیب بویه اولدینی ایچون بوماده ممکندر . امکانک بو معناده مقابلی (ضرورت) در . وجود ضروری ذهناً اولماسنی ، یاخود باشقه درلو اولماسنی دوشونه میه جکمز و اولقدر . بزم عالم محسوسده

بر وجود ضروری بولوندیغنه ؛ نقیض دعواسی ده « بویه وجود ضروری اولمادیغنه دأرئدر . یعنی مسئله عالم، تحولاتدن و بناءً علیه امکان (Contingence) دئی عبارتدر یوقسه تحول ایتمین بر وجود ضروری واری ؟

یوقاریده سویلدیکمز کی ، ریاضی نقیضینک موضوعی حادثه نك مجموعی ویا جزملرینه انقسامی اولدینی ایچون آریالان غیر مشروط وارلق ، یعنی عالم و ماده ماهیه حادثات ایله متجانسدر . حالبوکه بوتساوی نقیضینده حادثه واونك وصفی اولان امکان ایله وار اولوب اولمادیغنی تحقیق ایتدیکمز وجود ضروری ، یکدیگریله هیچ متجانس دکلدر . بناءً علیه مختلف نقاط نظر دن بواکیسنك ده موجود عدایده یلمسی ، بک اعلای ممکندر . اوصورتله که تحولات و بناءً علیه امکانی عالم محسوسه عائد عد ایدر وهرنوع تحولاتدن ، امکاندن آزاده وارلنیده وجود معقوله ، ذات اشیایه متعلق فرض ایده جك اولورسق دردنجی تساوی نقیضینده یکدیگری سلب ایده جك ماهیتده اولارق اورتیه قویدیممز دعوا و نقیض دعوائی تأیید ایش اولورز . بو حالده دعوا ذات اشیایه ، عالم معقولانه عائد اولاییلیر . نقیضده محسوسات عالمی ایچون صادق عد ایدله بیلیر .

آنجق اوجونجی تساوی نقیضینک موضوعی اولان مختار علی حائز وارلق ایله بیلدیکمز هر شی تحول معروض اوله جمنه طراً ممکندر . وجود ضروری ، واریسه ، اونی آنجق عقلاً بیلیرز .

(Possibilité) مقابل اولان امکان کلنجه وجودی ذهأ هیچ برتناقضی ایجاب ایتکمیزین دوشونولهیلن شیدر . (Contingence) مقابل اولدینی وقت ممکن حد داننده وقوعی تحقیق ایتش اولاییلیر ، فقط ذهناً اولماسنیده دوشونه بیلیرز . یعنی وجودی ضروری دکلدر ، اولیله اولیه بیلیردی . (Possible) قابل اولدینی زمان (ممکن) دیدیکمز شیئك وقوعی بیلیموز . فقط اونی وار فرض ایدرسك ذهن تناقضه دوشمز . ضعیف اولسه بیله منطقاً شتملدرکه اولاییلسین . مع مافییه بویه بر شیئك هیچ تحقیق ایتمه سیده قابلدر .

کورولوبورکه امکالك بو ایکی معناسی آراسنده فرق وار . اسکی منطق کذابلر عزمده امکالك امکان خاص و امکان عام نامیله ایکیه تفریق بر درجه به قدر بوفرقی ارائه به معطوف عد اولوناییلیر . امکان عام « یالکز بر طرفدن ضرورتی سلب الیکه » ، امکان خاص ایسه « هم وجود ، هم عدم طرفدن ضرورتی سلب الیکه » دییه تعریف ایلورلردی . شوالده (Contingent) کلمه نه امکان خاص ایله ممکن دیمك لازم کله جك . بو تفریق فرانسزجه ده کی بو ایکی اصطلاح آراسنده کی فرق ارائه ایده جك ماهیتده اولمادیغنی کی لسانک شیهه سی اکثریا امکانی بوقیدرله توصیفه مانع اولمدهدر . فلسفه ده ایسه بعضاً بو ایکی نوع امکانی آیرتی ایجاب ایدیمور . اونک ایچون جوق شایان نمیدرکه بزدهده (Contingent) تعبیری مقابل اولارق مستقل بر کله وضع اولونسون .

وجود ضروری *Être nécessaire* آراسته مهم بر فرق وار. مختار بر علت آنجق ذات اسبابه عائد اولایلیکده بویه بر عتی حائز اولان سینک محسوسات عالمکده جزئی اولارق ملاحظه ایدیه بیلمسی قابلدر. مثلاً انسان بر طرفدن حادثات عالمک بر حلقه سی، دیگر جهتدن ده یوفاریده سویلدیکمز کبی معقولات عالمک بر حزئی عد ایدیه سیایر. فقط « ضروری » اولان وارلق بویه دکلدرد. محقق سلسله محسوسات خارجنده ملاحظه اولانایلیکده اوصورتله که بوسلسله نک مبدای ده اولاماز. اویله اولسه بر زمان داخنده اولور. چونکه بر سینک مبدای، ناسه نفیجی اوشیدن اولکی زمانده موجود بولونان دیمکدر زمان داخنده اولان هرشی آنجق محسوسات میاسنده بولوناجنی و بویه اولق اعتساریله دائماً ماقبله مربوط و معاق عد ایدیه حکمی ایچون وجود ضروری قطعاً سلسله حادثات فوقده بولونماسی و هیچ برصورتله اوکا استراک ایلمه سی ایجابایلر.

وجود ضروری. بویه حادثات عالمک خارجنده اونک فوقده اولارق ملاحظه ایدلیکی تقدیرده هیچ بر زمان تناقضه دوسولمش اولماز. آنجق معقولات عالمده اولایلیکده حکمی دوشوندیکمز وجود ضروری بر حقیقه تقابل ایدیورمی؟ تعبیر آخرله عجباً حقیقه عالمده کوردیکمز تحولات و ساء علیه ممکنات خارجنده و محسوس عالم فوننده ضروری بر وجود دارمی؟ مفکره مزک غیر قابل مقاومت فطری تمایلی تسو تحولات عالمی ناسلی باشنه کافی کورده مکه بزی سوق ایلیور و بونون تحولاتی بر وجود غیر مشروطه، بناءً علیه بر وجود ضروری به ربط ایلمک ایسته یور. باشقه بر تعبیرله شو عالم محسوسده کوردیکمز هر شی کنندن اولمکنه مربوط اولارق وجوده کلشدر، بناءً علیه تحول ایدیه سیلیر، نهایتی، عاقبتی واردر. هر بویه حادث اولان و عاقبتی موجود بولونان شی نمکدر، یعنی اولمامسی ده، یا خود باشقه تورلو ظهور ایلمسی ده قابلدی. ذهن بویه تحولات و ممکنات چرچیه سی ایچنده فالق ایسته مه یور، بو عالم محسوسک استنادکاهی اولاجق تحول و تبدلدن آزاده بر وارلق، بر وجود ضروری آریور. انسانده کی بومیل فطری، عقلک بزی سوق ایلدیکی بوغایه قابل استحصالیدر؟ بوغایه و وصول ایچون پایلان جهدلر یهوده میدر؟ جدل متعالمک اوچونجی قسمی اولان عقلی الهیات بحثنده فیاسوف بالخاصه بو سؤالاره جواب ویرمهک چالیشا جقدر.

[۱] تساوی قضیین حلی بحثی انتقاد عقل محض فرانسیزجه B Pacand ترجمه سی صحیفه

۴۱۲ - ۷۸، آماج ۱۹۱۱، عجمی صحیفه ۳۱۸ - ۲۷۳

عقلی الہیات [۱]

عقل محضك غایه كمالی

یوقاریده کی ایضاحات کوسترمشدرکه ذهنك قبلی بر قانونسك، قبلی بر ترکیبنك وجود خارجیسی اولابیاسمسی، اشیایه عائد بر علم حانی آله سیامسی ایچون یکانه زمین معرفت تشکیل ایدن حدس حسی به تطبیق ایدلمسی لازمدر. نته کیم مقولات صرف ذهنی بر ترکیب افموله سیدر. فقط محسوساته تطبیق ایدیلهجه، حدس حسیلرمزی ترکیب ایدیلهجه شیبئی بر قیمت اکتساب ایلور. حالوکه عقل قبلی تصوراتی ده ترکیب ایدرهك عالم و روح کی «صورعقلیه» وجوده کتیریور. آنجق بونلر زمین علم اولان محسوساته تطبیق ایدیله میورلر. اونك ایچون عقلك بوصورتلرینك برمدلول خارجیسی، مدلول مشحصی اولوب اولمادیغنی بيله میورلر. خلاصه عقلك علممزی توحیداحتیاجیله وجوده کتیردیکی بوکلی مفهومملرک بر وارلغه تقابل ایتدکلی حقیقه هیج بر علممز لاحق اولاماز. چونکه محسوسات خارجنده درلر.

عقل یالمنکر بویه کلی صورعقلیه حاصل ایتمکه فالماور، بالذات بو عقلی صورتلری ده بر ترتیب معین ایله توحید ایتک ایستیهرك بر غایه کمال، بر مفکوره (Idéal) وجوده کتیریور. عقل محسوسات فوقه حیقیدیغنی وقت اولاً حادثات کی اضافی اولیان مطلق مفهومملر، غیرمشروط تصورات وجوده کتیریور، اونلرک مدلول خارجیلرینی قبول ایدر. فقط بونکله ده فالماز، او صور عقلیهك تمثیل ایتدیکی فردیت معینینی تصورایلرکه فیلسوفه کوره غایه کمال، مفکوره (Idéal) ایشته بودر. بونی ایجه آکلایا بیلیمك ایچون عقلك

[۱] مدرسه تدریساتنده کی «علم کلام»، یاخود «علم توحید و صفات» ك غایه سیله حد ذاتنده «عقلی الہیات» ك غایه سی بکدیگریك عینیدر. اوندوقوزنجی عصر دن اول عقلی الہیات «دات اکل» ك وجودینی اثبات، اونك صفاتی آرمی، حتی بعض فیلسوفلره کوره وحی، معجزه کی ادیان، نزلهك وضع ایلدیکی عقیده لرك امانتی تحری ایدردی. «کلام» ك هدفی ده هان هان عینیدر. آنجق هرایکسی آراسنده کی فرق اصولده در. فیلسوفلر الہیاتده بوتون بومسائل ایله اوغراشیرکن هیج بر تأثیراننده دکلدیلر. بناء علیه مثبت و منفی بر حکم و بره سیایلردی. علم کلامده ایسه بوتون بومسائلر حدتنده حل ایدلمس فرض اولوبور. آنجق، ذهندنه شبه عارض اولانلره دلیل ایراد ایدیلر. بناء علیه بوتون حکملری (قرآن کریم) ایله ثابت اولانه مطابق بولونقی افضا ایدر. نته کیم «علم یتندرنه علی اثبات العقائد الدینیة علی الغیر بایرادالحج و دفع الشبه فالمراد بالعلم معناه الاعم و التخصیص مطلقاً لیتناول الادراك الخفی فی العقائد و دلائلها» دییه تعریف اولونمده در. «کشاف اصطلاحات فنون».

اعماله متعلق اولارق وجوده کتیردیکی مفکوره لرك تشکلی دوشونملی ز، مثلا انسانلرده نسبی فضیلت و علم واردر؛ عقل محسوس اولان بو فضیلت خارچنده کمال مطلقی حائز «فضیلت و حکمت» ی دوشونور. بو «فضیلت کامله و حکمت محض» ک وجود خارحیسی یوقدر. چونکه بر جوق اسباب طبعیه عالمده فضیلت کامله دن انسانی انحراف ایتدیریر. «حکمت محضه» ی ایشمکدن منع ایلر. او حالده بونلر ساده جه عقلی برر صورتدر. عقل ساده جه بوسورتلری تشکیل ایلکله و اونلری وار عدا یتکله قالمیه رق معین بر فردیتده تمثیل ایده جکلی فرض ایدرو مثلاً حکمت و فضیلت محضه نی حائز (حکیم Sage) دیدیکمز بر فردیت تصور ایلر. او زمان عقل (مفکوره Idéal) استحصال ایلش اولور [۱]. شو حالده فضیلت و حکمت محضه بر تصور عقلی، بونلری حائز فرد، یعنی (حکیم) بر مفکوره، بر غایه کالدرد. بویه اعمال ایچون ذهنزده مفکوره حصوله کلدیکی کی عقل محضده صور عقلیه نی توحید ایتدیکی زمان (الله) لفظیه افاده ایلدیکمز غایه کالی وجوده کتیریر.

عقل محض ناصیل بو مفکوره یه یوکسلیورد (الله) مفهومی استحصال ایلیر؟ معلومدر که عقل وارلک (Existence) شرائط نامی (Conditions totales) آرار، تعیر آخرا بر شیء وار اولابیلرسی ایچون لازم کلن مجموع شرائطی تحری ایلر. یالکیز صفترلرک متناقض اولماسی بر شئیک وارلغه دلالت ایتمز. بر جوق متناقض اولمان صفتری حائز تصورات واردر که وجود حقیقلری یوقدر. بناء علیه بر شئیک وار اولابیلرسی ایچون اونک محموللری آراسنده تناقض اولماسی کافی دکلدر. بلکه اونک معین اولماسی، یعنی بالعموم صفات و کیفیاتی ایله اوشی آراسنده کی نسبیک بولونماسی لازمدر. چونکه اشیانک بالعموم کیفیاتی صفات ممکنه سی برشی موجوده یا ایجاباً، یا سلباً عطف اولونا بیلیر. باشقه بر تعیرله بر شئی نام و کامل اولارق بیلک ایچون بوتون اشیانک کیفیات و صفات ممکنه سی بیلک و بو کیفیلرک اوشیه نظراً نسبتی تعیین ایلک، یعنی

[۱] حکمت و فضیلت محضه نک ناصیل شو عالم محسوسده موجود اولیان بر تصور عقلی و حکم، ک ناصیل تحقی ممکن بولونمان بر مفکوره اولدینی آکلایبیلک ایچون رواقبون (Storciennes) ک بوخصوصده کی نظریه لرینی خاطر لاق کافیدر. معلومدر که رواقیه به کوره حکمت و فضیلت حساسیتک تماماً احساسی ایجاب ایدر. بو حکمت و فضیلت محضه نی حائز حکیم ایسه احتراصات مواجهه سنده هرینی تماماً استحصال ایلشدر. بویه بر فرد تماماً عاده واصل اولشدر. هیچ برالم اونک سعادتنی ازاله ایتمز، آلامی فنا کورمز، هر شئی بیلیر. حدود حریتی آرتیق یوقدر. هر شئی یابابیلیر عادتاً الهده کوردیکمز صفاتی حائزدر... الخ بویه بر فردیت اولسه اولسه بر مفکوره در، عتلك بر تصور محضک بر فردیتده تمثیلدر.

ایجاب‌آمی، یا خود سلب‌آمی اوشیئه عطف اولو بایشه چکنی تقریر ایتک لازمدر. کورو لویور که بر وارلی تعین و اونک حقنده نام و کامل بر علم استحصالی ایچون «اشیانک صفات ممکنه‌سنی» بیا مکنک ایجاب ایدیور. بو صورتله عقل «بالعموم صفات ممکنه» تصویرنی الده ایدیور. او صورتله که بو تصور اشایه نفیاً و یا اثباتاً اسناد ایتدیکمز بالجمله کیفیاتک برنوع منشأی اولویور. بو اعتبارله برشی حقنده علم حاصل ایتک، یعنی کلی اولارق اون تعین ایلیه بیا مکنک ایچون باقی، فانی... الخ کبی «صفات ممکنه‌نی» اوگما یا مثبت و یا منفی طرزده عطف ایلشکه قابلدرد. شو حالده بومکنک کیفیتلرک بر قسمی ایجابی اولارق اشایه عطف ایدیور. یعنی (اونلر ماقعده واردرد) دیوروز؛ دیگر لر نی نفیاً عطف ایدیوروز؛ یعنی بویکیتلر موجود دکلدرد دیوروز. فقط اشیا دن نفی ایتدیکمز حد داننده معدومی دیمکدر؟ اشایه نظراً نفی و سلب عدم وجودیمی کوستریر؟ خایر، نفی ایتدیکمز کیفیتلر ما وقعک بر تحدیدیدر، یعنی حال حاضرده برشیئک اکیسکلکی، اونک اولما مسیدرد. فقط بو اولما دیغنی تسلیم ایلدیکمز صفت نفس الامرده معدوم دیمک دکلدرد. نته‌کیم قارا کلق بزّه نظراً ضیانک نفی، اونک اکیسکلکی، حالبوکه آنادن دوغمه بر اعما ایچون بر «عدم محض» در. تماماً جاهل علمی معدوم ظن ایدر، بزّ ایچون جهل ساده‌جه علمک یوقاغیدر، عدم محض دکلدرد. قانت ده‌ا ۱۷۶۳ ده، یعنی انتقاددن اول بومنی کیفیتلرک عدمی افاده ایتدیکنی ادعا و اثبات ایشدی [۱]. «فلسفه‌یه کیات منضیه مفهومک ادخالی ایچون بر تشبث» عنوانیه یازدیغنی ائرده فیلسوف، ناصیل ریاضیه‌ده منفی کیمتله مثبت کیمته مخالف بر نقطه نظر دن ینه بر مقدار کیتی اشعار ایدیور لر سه سلسله موجوداتده نفی بستیون عدمی دکل، برشی حقیقینک تحدیدینی، اونک ساده‌جه اکیسکلکی کوستر دیکنی ادعا ایتشدی. بو اکیسک اولان، یعنی اشیانک حدود حقیقیسی خارجنده قالان شیلر - که بز اولنری نفیاً اشایه اسناد ایدیوروز - نفس الامر، ماقوع اعتباریه بستیون معدوم دکل، بالعکس اشایه نظراً یوق اولان شیلردرد. شو حالده کیفیات ممکنه‌دن اشایه سلباً عطف ایتدکلمزده نفس الامرده موجود اولایلیر. دیمک که اشیانک مثبت و منفی بوتون محمول لر نی محتوی اولان تصویری بذاته قائم بر وارلق عد ایتدیکمز، بو تصورک مدلول خار جیمی اولدیغنی قبول ایلدیکمز زمان بو وجودک بوتون حقایق جامع اولماسی و بو اعتبارله هر نوع تحدیددن آزاده بر وارلق بولونماسی ایجاب

ایدر . بویه رواراق کندی خارجده هیچ برشی قالمیجغه نظراً « ذات اکمل » در . فقط عقل بوقطعهده قالماز . مادامکه وجود اکمل بوتون صفات نمکینی ، بوتون حقایق حامده ، اسبک بون صفاتی ، بوتون کیفاتی حازدر ، اوحالده اشیا عطف ایلمکمز صفاتی اوکا سببته ادراک ایلیورز . یعنی صفات اشیاك منشأی اولویور ، بوتون حقایق موجوده ، صفات نمکناوندن انبساط ایلیور ، اونك ایچون بوتون وارقلرك مابه الوجوددر ؛ وجود اصلی (Et e originaire) در ؛ حقیقت اولیهدر ؛ کندی خارجده هیچ برشی ، هیچ رصفت قالمیجی ایچون بذانه کندی کندی تعیین ایدر . بناء علیه بوتون حقایق جامع بر « شخصیت اکمل » در ، خلاصه بویه بر وراق بوتون حقایق ذائده جمع ایتش وجود اکمل اولدیغنه نظراً عقلك غایه کایدرد . « الله » لمظه حلالیده بونی فاده ایدر .

برنوع حدل الله ، ظاهری بر منطق ایله عقلك یوکسلدیکی بو « تصورك » نه قیمتی واردرد ؟ یوقایدنبری سوبلدکمز مطالعات بوکا قولایلقله جواب ویرمکه کایدرد : حقایق نمکینی جامع بروحد حقهده هیچ برحدسمز یوقدر . یعنی بویله وجود حدس حسی داخنده اولاماز ، علممزلک زمینی ، ماده سنی تشکیل ایدهك ناشقه نوع حدس قابایتیده انساندرده موجود دکلدرد . اوحالده « الله » بونون مفهوملمر میزی ، صور عقایه یی وحدته ارجاع ایدن وبوعتبار ایله عقل ایچون استحصالی لازم کنرغایه ، رمفکوره اولمقله برابر اونك مدلول خارجیی اولدیغنی بیامکه بزم ایچون امکان یوقدر . انتقاد کوسترمشدردکه علمك حصولی قدرت ترکیبیه سنك محسوساته تطبیق ایدلمسی سایه سنده قابلدرد . حالبوکه عقلك سوق ایلمدیکی بو « وجود اعلا » محسوساتك نالطبع فوقندهدر . اولك ایچون وارلغنی بیله مریز . بویه اولماسنه رغماً عقل انسانی بویه برووجود غیر مشروطه ، برووجود ضروری یه سوق ایدر . آنجق بویه بر وارلغی قبول سایه سنده تماماً تطمین ایدیلیر ، سکونه ایرر . آنجق شونی بیلملی یزکه عقل علممزی تماماً وکاملاً توحید احتیاجله بزی بوغاییه سوق ایلیور . اکر صرف اهمی بر احتیاج نتیجه سی اولارق وجوده کن بو « وجود اکمل و ضروری » تصورینك مدلول خارجیی اولدیغنی بیلدیکمزه ، یاخود بیله جکمزه قانع اولورسوق وهمه وخطایه دوشرز . نته کیم مابعدالطبیعیون بویه بر خیاله قایلماشلدرد . اونلر عقلك بوغایه کالئل وجود خارجیی اولدیغنی دلیل و خودی ، دلیل کونی ، علت غایه برهانی عنوانلری آلتنده طوبالایه بیله جکمزه قیاسات ایله اثبات ایلمکه

قالقمشلدرد. بوما بعد الطبیعی مساعینک عقامتینی برقات دها اثبات ایلیه بیامک ایچون بودیللر ده استنادایدیلان قیاساتک فسادینی میدانه قه یمق ایجاب ایدر. اونک ایچون فلسوف برر ورو دلیللرک فساد منطقیسینی اوانه ایلیور. بو اوچ دلیلدن، قانته کورده، اک اهمینلیسی دلیل وجودیدر. چونکه دیکر ایکی دلیل قولایاقله دلیل وجودیه ارحاع اولونایلیر. سو حلدده دلیل وجودینک اساسینلانی تین ادرسه دیکر ایکی دلیل ده کندلاندن یقیلیر. بو مطالعه ایه درکه قانت انصی (دوغماتیک) فیلسوفلرک اثبات واحب ایچون قور دقلری بای یقیمغه اول امرده «دلیل وجودی» نک تنقیدیه باشلايور.

اثبات واجب ایچون سرد ایدیلن دلیل وجودی (Argument ontologique) «وجود اکمل» ک تعریفنه استناد ایدر و اساس اعتباریه شوصورتیه خلاصه اولونایلیر: بزم ذهنمده ذات اکمل (Etre parfait) تصویری وار. ذات اکمل وتون کلانی حائر دیمکدر. وجود ایسه (کمال) ک شرط لازمیدر. او حالده ذات اکمل تصویری وجودی ایجاب ایدر. ناصیل (مثک) تصویری اوچ زاویه سنک ایکی قائمه اولماسی وصفی ایجب ایدرسه، ناصیل مثک تصور ایدر ده بو وصفی اوندن نزاع ایتک امکانی یوقسه (ذات اکمل) تصورندن ده وجود حقیقی وصفی قالدیرمق قابل دکلدر [۱].

بودیلک فسادی «وجود» صفتی بر وصف منطقی عد ایتمکدن، «ذات اکمل» تصویرینک تحلیلایله اونک «وجود خارجیی» نه انتقال ایدیله بیله حکمی ظن ایلکدر بولد ایلور. فی الحقیقه «مثک» تصویری وهندسه ده کی تعریفی مسلم ومطاب اولوبجه اونک اوچ زاویه سی مجموعنک ایکی زاویه قائمهیه مساوی اولاجنی قبول ایتک ده ضروریدر. مثنی تسلیم ایتدکن صوکر ا زاویه لرینک ایکی قائمهیه مساوی اولدیننی رد ایتک تناقضه دو سنک اولور. آنجق (مثک یوق) دیدکدن صوکر اده بو وصف طبیعیه قالفار. ذات اکمل تصویری ایچون ده بویه در. اول «ذات اکمل» تصویرینک وجودینی اثبات ایتلی بیه که اوندن صوکر ا

[۱] ایلک اول سن آنسه لم طرفندن مرد ایدیلن بودلیل بوشکلده بالآخره ده قارب صرفدن ایلری سورولدیکی ایچون قانت بودلیله قارته زیه نلرک دلیلی (Argument cartésien) عوتی ویریور. قانت دها انتقاد دورندن اول «وجود آلینک اثباتنده بکانه ممکن اساس عنوانیه یازدنی اثرده دلیل وجودینک قیمتی اولدیننی کوسترمشدی. مع مافیه اوزمان وجه واجب اثباتی ایچون تحلیل بردایل اقامه سی قابل اولدیننی ظن ایلور و بونی آراشدیریوردی (۳۷ مجی صبهیه باقیکنز) بالطبع انتقاددن صوکر ا آرتیق بونوع دلیلرک هیچ برقیعی اولیه جغه قائل اولمشدر.

بونك تحليليله بولوناييله جك وصفلرني آراشدیرایم . مثلاً «الله» ك وجودى ثابت اولدقدن صوكر اونك قادر كل (Tout puissant) اولماسى ضروریدر . چونكه قادر صفى (الله) مفهومك تحليليله چيقمشدرد . فقط وجود الهى نفي ایدیلیر ، «الله» یوقدر دینيله جك اولورسه لفظه جلاله عطف ایدیلان بوتون محموللر ، بوتون صفات الهیه ، اویانده قادر صفى ده قالفار وبویله جه «ذات اكمل» تصورینی بالمله صفاتيله برابر نفي ایتمكده ده ذهنه هیچ برتناقض یوقدر . بناءً علیه وجود بر تصورك تحليليله چيقاجق بروصف منطقی دكلدر . اونك ایچون اول امرده «ذات اكمل» تصویرنك برشیئه تقابل ایتدیكى اثبات ایدلمی كه اوندن صوكر «ذات اكمل» شو وشو صفتلری اقتضایلر دینيله بیلسین ، بومفهومك تضمنی داخلنده بولونان صفتلر چیقارایلسین . برشیدك خارجدده بر حقیقی فاده ایلدیكى ، ساده جه ذهنی برفهوم اولمادینى ایسه آنجق تجربه ممکن اولان برفموضوع حقدده ترکیبی برحکم وجوده کتیرمکله اثبات ایديله بیلیر .

واقعا بوعراضه قارشى دینيله بیلیر كه ذات اكمل تصوری دیگر تصورات کبی دكلدر . اونی ذهندن نزع ایتك غیر قابلدر . حقیقی ولایتیغروارلق دیمك اولان «وجود اكمل» ی ذهن دائماً بالضروره تسلیم ایتزمی ؟ قانت بوعراضه قارشى شو جوانی ویریور : ذات اكملك وارلنی ذهن ایچون فی الحقیقه متناقض دكلدر . بناءً علیه منطقاً وجودی نمکندر ، بویله بر «وارلق» اولابیلیر . آنجق وجود منطقی محقق وجود حقیقی نی ، یعنی ماوقده ، نفس الامرده وار اولمغنی ایجاب ایتمز . ذات اكملك هیچ برصفتدن بویله بر وارلنی استخراج ایدمه یز . چونكه برشیدك وجودی اونك هر هانکی بروصفك تحلیلندن استنباط ایديله مز . بالعکس ترکیبی برحکمه منتقدرد . هر کس بیلیر كه برشیئی ایسترسه کنز وهم عد ایدك ، صرف ذهنده واقع بر تصور فرض ایلک ، ایسترسه کنز اونك وجود خارجیی تسلیم ایدیکنر هرایکی قدیردهده اوسیه عطف ایدمه جک کنز صفتلر دیکشمز ، بر برینک عینی اولور . بوده کوستریر كه برشینك وارلنی اوکا عطف ایدیلان هر هانکی برصفتدن استنباط اولوناماز . مثلاً خیل بریوزلیرا ایله جیکیزده موجود ، اء علیه حقیقی یوز لیرایه عطف ایدمه جک کنز صفات و محموللر یکدی بکرندن نه فضلّه ، نه اکسیکدر . بونك کبی وجودی ثابت اولان «الله» ك نه قدر محمول و صفتلری وار ایسه «الله» تصوری صرف ذهنی برفهوم عد ایلدیكى ووجودی قبول ایلدیكى زمانده اوقدر صفات و محموللری موجوددر . خلاصه نه «ذات اكمل» تصوری ، نه ده بونك محموللری هیچ بر زمان وجود حقیقی نی ایجاب ایلمز . هر زمان

تناقضه دوشمکسزین « وجود اکمل بوتون محموللریله برابر صرف ذهنی بر مفهومدر »
 دییه بیلیرز. متناقض اولمیان ، ممکن بولونان برتصورك نفس الامردهده ، ماقعدهده موجود
 عد ایدیه بیلیمسی ایچون آنجیق تجربه ایله وجوده کلمش بر ترکیبی حکمه اقتران ایلمسی لازمدر.
 نیم ذهنده بوتون محموللریله موجود اولان « یوز لیرا » تصورینک صرف ذهنی بروهمی،
 یوقسه حقیقه جیمده موجودمی آکلا بایلیمه ایچون بولیرانک بر حدس حسی به تقابل
 ایتیمی اقتضا ایلر . یعنی جیمی یوقلابه رق (وار) دیمکلمکم لازمدر . حالبوکه یوقاریده
 سولیدیکمز کبی الله مفهومک افاده ایتدیکی مدلولک خارجده ماقعه مطابق اولدیغنی ،
 نفس الامرده موجود بولوندیغنی بکا بیلدیره جک هیچ بر موضوع حسی ، هیچ بر حدس
 یوقدر . بناء علیه امکان منطقینک ماقعهده بروجوده تقابل ایدوب ایتدیکنی کوتره جک
 یکانه معیار اولان تجربه « ذات اکمل » مفهومی حقنده فابل تطبیق دکلدرد . اونک ایچون
 بومفهوم عقل نظری اعتباریله برامکان منطقی حالده قالیر . وجودی اثبات اولوناماز .
 ذهنی بر تاجرک قاصه دفترینه تشیه ایدرسه کز تاجرک دفترینک واردات قسمنه برقاج
 صفر قویارق ایرادینک آرتدیغنی ظن ایلمسی نه ایسه مابعدالطبیعیونکده امکان منطقی بی
 نفس الامرده کی وارلق ایله قاریشیدیرارق وهمه دوشمسی ده اودرد . برشینک وجود خار جیمی ،
 نفس الامرده وار اولمسی ذهنده تام ومعین اولارق دوشونولمه سیله دکل ، تجربه نک امکانیه ،
 یعنی حدس حسی به تطابقله قائمدر [۱] .

کله لم شیمدی دلیل کونی Preuve cosmologique دینیان : بهانه ؛ بودلیلک اولکنه
 نظراً مهم بر رجحانی وار ، چونکه تجربه دن ابتدا ایلیور ، تجربه ایله معلوم اولان اشیانک
 بروجود ضروری بی ایجاب ایلمسه استناد ایدیور وبویه اولدینی ایچون ده زیاذه ذهنی
 تطمین ایده جک ماهیت عرض ایلیور .

بودلیل حد ذاتنده شو صورتله خلاصه اولونابیلیر : اکر شو کوردیکمز مکونانده
 برشی وار ایسه ، برشی موجود ایسه وجود ضروری ده واردرد . علمده ایسه هیچ اولمازسه
 محقق اولارق بن وادم ، هرشیئی انکار ایتسه م بیه کندی وارلغنی انکار ایده م .
 اوحالده تماماً ضروری ، یعنی تحولاتدن آزاده بر وارلغنی ، بروجودی ده تسلیم ایلمکلمکم
 ایجاب ایدر . - بویه بر « وجود ضروری » باشقه برشینک ایجابی اولمادیغنه نظراً کنیدیسی بذاته

[۱] عقل عضک انتقادی قرانسزجه B. Pacand ترجمه سی صحیفه ۴۹۰-۴۹۷ آلمانجه ۱۹۱۱

طبی صحیفه ۳۹۸-۴۰۲

وجودی ایجاب ایدر، بناءً علیه وجود ضروری ناشئه بر سینه محتاج اولیاں بر حقیقت اعلا، تعبیر آخره ذات اکمل (Etre parfait) در [۱].

قانت بودلیک ایکنجی قسمندہ کی کیزی فسادی بک ماہرانہ بر صورتہ اورتہ یہ قویارق تنقیدہ باشلا یور. بوقسمده دعوا «وجود ضروری ذات اکمل اولور» قضیہ سیدر. بوقضیہ بی منطق صوربدہ کی عکس مستوی قاعدہ سنہ توفیقاً عکس ایدہ لم [۲]. معلومدر کہ هر قضیہ کلیہ نیک عکسی قضیہ جزئیہ اولور. بناءً علیه بوقضیہ «بعضی ذات اکمل ضروریدر» طرزندہ عکس ایدیلیر. «ذات اکمل» بوتون حقایق جامع اولدینی ایچون اونک حقندہ (بعض) ذات صحیح اولاماز، چونکہ قسم آریلاماز. ارحالده بوقضیہ جزئیہ معنا اعتباریله «وجود اکمل ضروریدر» قضیہ کلیہ سنہ معادلدر. دیمک کہ دلیل کونینک بو ایکنجی قسمندہ کی دعوا، یعنی «هرووجود ضروری اکملدر» قضیہ بی صادق ایسه اونک قاعدہ منطقہ توفیقاً پاییلان عکسی، یعنی «ذات اکمل ضروریدر» قضیہ بی دہ دوغری اولماسی لارمدر. منطق قاعدہ بی بوی ایجاب ایدر. بوایکنجی قضیہ ایسه «دلیل وجودی» دہ سرد ایلیور دہ دوغری اولمیه جفی آکلادیمز دعوای دکلیدر. فی حقیقه «ذات اکمل ضروریدر» حکمنک معنای ذات اکمل، الضروره هو حوددر، تعبیر آخرله «ذات اکمل» تصویری وجود خارجی بی دہ بذمه مضمندر دیمکدر. فقط هیچ زمان منحصر آ «ذات اکمل» تصویرینک وجودی [۱] ایجاب ایتیمه جکئی یوقاریدہ دلیل کونینک تنقیدی بزه کوسترمشدی. اوحالده عکس ایله حاصل اولان بوحکم دوغری اولمنجه اونک اصلی دہ صادق اولماقی اقتضا ایلر. کورولوبور کہ قانت صرف منطق قواعد تبعاً پاییلان اوافق بر عملیه ایله دلیل کونینک دلیل وجودی به ارجاع ایدیله بیلہ جکئی کوسترمش و بناءً علیه بو ایکی دلیلدن بربک دعواسی صحیح ایسه دیکری دہ صحیح، بری دوغری دکلسه اونہ کی دہ دوغری اولامیه جفی ارانہ یتشدر.

بو برهانک ایلک قسمنک، یعنی عالمده اشیانک واری بی وجود ضروری به منتظر اولدیمی حکمنک دہ بر قیمتی اولامیه جفی طریق تنقاد قولایلقله وستره بیلیر: بوقسمده [۱] قالک حقندہ تنقید یوروندیکی دلیل کونینک بوشکلی لایمنیج - وولف طرفندن قبول ایدلکی طرزدر.

[۲] عکس بر صبه صادق ایسه ینہ صادق، کاذب ایسه ینہ کاذب قالق اوزره موضوعی محمول، محمولی موضوع یا بعه دیرلر. قضیہ کلیه صادق ایسه مضه جزئه اولارق پاییلانجی عکسی دہ صادق اولق انتضا ایدر.

« عالمده مادام که برشی وار ، هرشیده سببه ایتسم بیه هیچ اولمازه کندی وارلغ محقق ... او حالده بونک علتی اولان ، فقط کندیمی هیچ بر علتک ایجابی بولونمسان بر وجود ضروری ده اولماقی لازمدر ، دیبه دوشونویورز . آنجق بویه بر قیاس «علیت» مبدأنك محسوسات خارجنده بر شینه تطبیق دیمکدر که انتقاد بونک بیهوده اولدیغنی کوسترمشدر . بز هر حادثه نك علتی آراز . فقط بو علتی ینه محسوس داخلنده بولارق نتیجه به ربط ایلرز . هیچ بر زمان تجربه ممکنه خارجنده قالان بر علت غیر مشروطیه ، تحولاتدن ، باستقه شینه معلق اولمقدن آزاده بر « علت اولی » به قدر جیقامایز . بزم طرز علممز ، قاعده معرفتمز « سلسله عال » ك نهایت بر منتهاده توقف ایده جکنی کوسترمز . بناء علیه عقل بر « وجود غیر مشروط » ایله « سلسله عال » ك تماملانا جنی ظنه دوشهرك یا کلیش بر حس اطمئنان بسلامکده در . چونکه بویه بر غیر مشروط وارلق مدرکه نك ، بناء علیه علممزك موضوعی اولماز ، بویه بر وارلغی احاطه ایله بهمه یز .

الحاصل اثبات واجب ایچون سرد ایدیلن دلیل وجودی ده ، دلیل کونی ده عینی مشکله معروض اولمقده همان همان عینی سبیدن دولایی قیمتی بولونما مقده در . ذاتاً بویاکی طرز برهان « الله » لفظیه افاده ایتدی کمز (مفکوره متعال Ideal transcendent) ی ایکی آیری نقطه نظر دن ملاحظه ایتمکدن باشقه برشی دکدر . دلیل وجودیده ضرورت مطلقه یی حائر بر تصور بولمق ایتدیورز ، دلیل کونیده ایسه اشیانك تصور اتندن ضرورت مطلقه یه یوکسیلورز . بونک هرایکسی ده قدرت بشریه خارجنده در . نه بر تصورك وجود ضروری نی ایجاب ایتدی کنی اثبات ایده بیلیرز ، نه ده تحولات اشیا دن « ذات اکمل » ك وجود یی استدلال ایله بیلیرز . بوکا رغماً عقل بویه بر وارلغی آرامقدن ده صرف نظر ایده مز . عقل اشیای متحو له نك مسندی اولاجق بر وجود ضروری آرایور . فقط بر تورلوده اوکا واصل اولما یورز .

سو حالده عقلك بویه بر وجود ضروری به واصل اولمق ایچون صرف ایلدیکی جهد ایله حاصل اولان نتیجه آره سنده بر تناقضی وار ؟ تعبیر آخرله عقل بر طرفدن بوتون بو ممکن و متحول اشیایی بر وجود ضروری به استناد ایتدی رمك ایچون اوغراشییورده بر تورلو بو غایه به وارا ما یورمی ؟ عقل کندی غایه سنه واصل اولما مافه محکوم اولارقمی قالیور ؟ قانت بو معنایی حل ایچون دردنجی تساوی نقیضینك تألیفی صیرا سنده کوستردیکی طرز تسویه یی تکرار ایدیور . اگر حادثانك

علت اعلاسى حادثات عالمى آراسنده فرض ايلر، اكر محسوسات فوقنده قبول ايله جكمز علت اولايه تجربه ايله بيلديكمز علتلر طرزنده بر معنا ويرسهك اووقت تناقضه دوشورز. چونكه حادثاتى توليد ايدن فقط محسوس اولميان بروجودى بيله ميه جكمز كي محسوس وجود ايجون بولا جكمز علت ديه نه محسوس اولماسى لازم كلير. فقط بوه ذات اكمل» مفكوره سنى عقلك ناظم بر مبدأى (Principe régulateur) عد ايدر وبواسطه ايله صور عقليه يى، بوتون تصوراتى ساده جه ترتيب ايلديكمزى فرض ايلرسهك تناقض اورته دن غائب اولمش اولور. تعبير آخرله «ذات اكمل» بزم قبل تصوراتلر مزك ترتيب تامنك توجه ايلديكى اك صوك غايه كالى، مفكوره يى كوسترير. ديه بيليرز كه عالمده كي حادثات بر علت مطاقه ضروريه دن انبعث ايتمش اولسه ناصيل اولاجقمه اوليه جريان ايتمكه در. سو حالده «الله» تصورى ساده جه بر فرضيه در، اوليه بر فرضيه در كه بزم بوتون تصوراتمزي، صور عقليه يى وحدته ارجاع ايديور. بوسايله حادثاتك بر علت اعلا (Cause suprême) يه قطعياً منجر اولميه جغنى ادعا ايتمك مزين اسيسانك سلسله عللى متمادياً آرايورز. ديكر جهت دن بوتون تصوراتى جامع اولان واونلر كه هيسنى ذاتنده ترتيب ايلين وجودى صرف بر مفكوره، صرف عقلك بر غايه كالى عد ايدر ك اوني بر «شى» خارجى» كي تالق واثباته قالممايورز. «ذات اكمل» كه وجودى بويه بر «فرضيه» اولارق قبول ايتمكه، اسيانى ترتيب وتوحيد ايدن ذهني بر مفكوره عد ايتمكه هيج برخطايوقدر. آنجق نه وقت بوفرضيه يى تحققاتمش بر «شى»، بر «موضوع علم» ظننه دوشرسهك، نه وقت بوني ذهنك ناظم بر مبدأى دكل، فقط بروارنى تشكيل وايجاب ايلين بر مبدأطن ايلرسهك اووقت خطايه دوشمش اولورز[۱].

كورولو يوركه مابعدالطبيعه موجودات اشيا دن «ضرورى وارلق» ديكس لملك ايستديكى، «ذات اكمل» ي، «الله» ي استخراج ايتمكه چاليشدينى حالده موفق اولمايور. عجباً عالمده بيلديكمز نا متناهي اشيا آراسنده كي آهنگدن، بر برينى تاممالا ياجق وجهله ترتيب ايدلمش اولان نا محدود تنوع دن، كوزللكدن، الحاصل بر كله ايله هپسند بر «غايه Fin» كورمكنكمزدن بويه بر «وجود ضرورى» يى استدلال ايدمزمى يز؟ فى الحقيقه اوتنه دن برى بر جوق متفكر لر عالمده موجود اولان نا محدود اشيا ده كي آهنگى «ذات اكمل» كه وجودى ايجون بر برهان اولارق اورته يه قومش لدر. تاريخ فلسفه ده علت غاييه دليلي

[۱] عقل محضك انسانى فرانمزجه B. Pacand ترجمه سى صيفه ۴۹۷-۵۰۴، آلمانجه ۱۹۱۱

عنوانیه ذکر ایدیلن واک اسکی ، عقل سلیمه الزیاده موافق کورون بوبرهانی برآراق « قانت » ده التزام ایتشدی؛ « تا یخ طبیعی افلاک » ی یازدهق تشکل عالمک میخانیکیتله ایضاح ایدیه بیله چکنی اورته یه قویدی زمان متنوع اشیا آراسنده کی تناسبی « وجود آلهمنک وارلغنه » که مهم دلیل عد ایتشدی. آنجق انتقاد یولنه کیرد کدن یعنی، ۱۷۷۰ دن سوکرا بو « دلیل » ی ده تماماً قوتسز بولدی . نه ایچون ؟ فیلسوفک طرز تنقیدی کوزدن کچیرمزدن اول بوبرهانی خلاصه ایده لم :

طبیعتده بالکنز علت نسبتی (Relation causale) کورمیورز . عینی زمانده حادثات عالمک هیئت عمومیه سی یکدیگر بیله آهیکدار و بربرلیه متناسب اولارق وجوده کلیور . هله ذی حیات موجوداتده بو آهنگ و تناسب کوزه چارباچق درجه ده مارزدر . جانلی مخلوقاتک فعالیتی وجوده کتیرن عللرک هپسی معین غایبه یی استهداف ایده چک وجهله آهنگ مقابل ایچنده بولونویور . بو آهنگ و تناسب اشیا یی ترکیب ایدن ماد، ایله ایضاح اولوناماز. دیمک که اشیا خارچنده ، طبیعت فوقده برذکای ناظم لازمدرکه هیچ برغایه سی موجود اولمیان کور ماده یه بالاختیار برهدف ، بر مقصد تعیین ایتش اولسون . ناصیل ذکای بشرک محصولی اولان بر اثر صنعتک اقسامی آراسنده بر توافقی وار ایسه مکونانک بوتون اجزای آراسندهده او یله بر آهنگ موجوددر . او حالده بو توافقی وحدانیتی حائر برذکادن، بوتون نظام وترتیبک مبدای اولان بر « وجود بسیط Être simple » دن حصوله کلیور [۱] .

بوبرهانی قیمتی نه در ؟ کورولویورکه « علت غایبه » دلیلنه استناد ایدنلر مکونانی ذکای بشر محصولی اولان آثاره بکزه دیورلر، ناصیل ضایع بشریه نک وجوده کتیردیکی آثارک ، مثلاً بر اؤک ، بر ساعت قسملری ، صانعک نیت و اراده سنه تبعاً ، بر هدفی استحصال ایده چک وجهله ترتیب اولونمش ایسه عالمی ده بویه فوق البشر بر اثر صنعت ، فرض ایلورلر ، مکونانده کی اشیا ک ده بر صانع علیمنی قبول ایدیورلر . فقط مکونانی

[۱] قانت ریماروس (Reimarus) ک علت غایبه دلیلنه ویردیکی شکل اوزرندن تنقیدی یوروتویور . قانتک یاشادینی دورده آلمانیا ده انکلز و فرانسز فلسفه لرنده موجود اولان دین طبیعی جریانی یایلمشدی . بؤلک الک قوتلی مدافع لرندن بری ریماروسدی . ریماروس علت غایبه دلیلله وجود آلهمنک ثابت اولاجغنه قائمدی . فقط وحیه ، خریستیانلرک عقائد سائره سنه ایستیموردی . ریماروسک دین طبیعی به دأر اولان اثری اوست اوسته آتی دفعه طبع اولودی که بو حال نظریه سی حقنده رغبت عمومیه یی کوستیریر .

انسانك آثارينه مائل عد ايتك، علل طبيعیه آراسنده کی تناسبده برنیت وقصد کورمک نه درجه یه قدر صحیحدر ؟ انتقاد ایسترسه بوقیاس وتمثیلک براساسه استاد ایتدیکنی قولایلقله اورته یه قویابیلیر. فقط قبول ایدیکیزکه بوتمثیل دوغریدر، اویله اولدینی حالدهده بودلیل کندیسندن بکلینلن نتیجه یی حاصل ایده مز، یعنی ذات بارینک قدرت مطلقه یی حائر وخالق اولدینی اثبات ایلز. چونکه بودلیل کوره الله آنجق صانع مکونات، برنوع معمار عالمدر، ابدی بر ماده ابتدائیة (قائوس Chaos) ی ترتیب ایدن انا قساغورك ذکا (نوس Nouce) دیدیکی شی نه ایسه الله ده ماده یی بر غایه یه کوره ترتیب وتنظیم ایدن اویله بر قوتدر. ایشته اقسام کائنات آراسنده کی آهنگه استناداً بودلیلک اثبات ایده جکی «الله»، اولسه اولسه، بویله صانع وناظم و صفرلری حائر اولابیلیر. شبه سزکه بویله بر صانع مکونات ده بر قدرت عظیمه صاحبدر. آنجق ترتیب ایتدیکی ماده، طبیعت مواجهه سنده قدرتی البته نامتناهی دکدر. چونکه هر صانعک اقتدار یی ترتیب ایتدیکی ماده نک، تعیر جائرسه استعمال ایلدیکی مالزمنک قابلیت و مقدار یله محدوددر. اونک ایچون بودلیلک اورته یه قویدینی «الله» ک قدرتی تحدید ایدلمش دیمکدر. سوکرا کندی خارجنده ترتیب ایتدیکی ماده اولدینه نظرأ بوتون موجودات و حقایق جامع، کندی ذاتی و خودینی مقتضی بر وارلق عد اولوفاماز. الحاصل بودلیل عقلک تسلیم ایلک ایستدیکی قادر مطلق اولان الله وجودینی اثبات ایتز. اگر برخطوه دها آیلیر، عالمی ترتیب وتنظیم ایدن قدرتک عینی زمانده بوتون حقایق جامع «ذات اکمل» اولدینی ادعا ایدیا برسه اووقت ناقص ووجودلری، ممکن اولان اشیا ی محسوسه دن «الله» انتقال ایدیلور دیمکدرکه بویله براستدلال دلیل کونیدن باشقه برشی دکدر. زیرا بوتقدیرده دعوا «عالمک صانعی اولان وجود ضروری ذات اکملدر، شکله کیره. بویله بر دلیل کونینک تبدیل شکل ایتش بر دلیل وجودیدن باشقه برشی اولمادیغنی کوردک و دلیل وجودینک بر قیمتی بولونمادیغنی طریق انتقاد بزه اثبات وارانه ایلدی. خلاصه علت غائیة دلیلی ده عقلک واصل اولمق ایستدیکی ذات اکملی اثبات ایده مز. اثبات ایتک ایستدیکی زمان دلیل وجودی یه انقلاب ایدر [۱].

کورولویورکه عقلی الهیات هانکی دلیله مراجعت ایدرسه ایتسین چیقان نتیجه داثما منفی اولویور. ایسترسه کز ذهنده موجود «ذات اکمل» تصورندن اونک وجودینه انتقال ایدیکز، ایسترسه کز اشیا ی طبیعیه نک وارلفندن الله ارتقا ایتکه چالیشکز. کرك عقلا

یا لکنز مادهٔ ابتدائیهٔ کائنات اولان متعال بر وارلنی تسلیم ایده جککنزی و فقط اونک صفاتلرینی بیلیمیه جککنزی سویلیمک، کړک طبیعتیه قیاساً بو متعال موجودک، یعنی اللهک عینی زمانده علم و اراده سیله مکنوناتک ماصیل مبدأی اولدیغنی بیلیمک امکانشه قائل اولوکرز [۱]، الحاصل هر هانکی شکلده اولورسه اولسون بوتون بو مساعی عقیم قالیر، یعنی عقل نظری ساحه‌سنده «الله» لفظیله افاده ایتدیکمز غایهٔ کلاک اثباتی قابل اولماز. بو عدم امکان عقل ایله حساسیتک یکدیگرندن تماماً آیری اولماسنه مستنددر. عقل ساده‌جه اک یوکسک بر ترکیب قدرتیدر. بو قدرت اولیه صور عقلیه وجوده کتیریورکه اونی محسوسک، حدس حسینک ترکیبی محسوسلی عد ایدمه‌یز، عد ایدرسک عقلک واصل اولمق ایسته‌دیکی مفهوم اولماز. یعنی «الله» ی محسوساتک اک یوکسک ترکیب توحیدی کبی ملاحظه ایده‌مزسکنز، عالم داخلنده کوره‌مزسکنز، حادثاتک بر امتدادی فرض ایده‌مزسکنز. چونکه بو حوالده حادثات کبی مادی اولور، باشقه بر شینه محتاج اولماسی اقتضا ایدر، خلاصه «الله» اولماز. بناءً علیه «الله» ی محسوسات فوقنده اولارق قبول ایتمهک مجبورز. محسوسات فوقنده بر شینک اولوب اولمادیغنی ایسه بز بیلیمه‌یز. او حوالده عقلک ایستدیک بو مفهوم ساده‌جه بر مفکوره، بر غایهٔ کمال اولایلیر. وارلنی مثبت عد ایدیلیمه‌یز.

بو تقدیرده مفکرهٔ بشریه‌نک بونظری جهندن هیچ بر نتیجه چیقمیورمی دیملی‌یز؟ خایر.. بر کره انتقاد «الله» ک وارلنی دلیل نظری ایله اثبات ایلک ممکن اولمادیغنی نه سبیلره مبنی اورته‌یه قویویورسه عینی سبیلر «الله» ک موجود اولمادیغنی عقلاً اثبات ایتک دعواسنه قائلانلریده جرحه کافیدر. بز عقل نظری ساحه‌سنده ذات بارینک وارلنی اثبات ایتمهک نه دن مقتدر دکلسهک عینی سبیلردن دولایی یوقلغنی اثبات ایلکدن ده عاجز ز. فیلسوفه کوره عقل نظری :

واردر سوزی جهلدن کلیرمش ..

یوقدر دیمه‌مز بنجه بویه [۲]

[۱] فانت مکنوناتک سبب ظهوری اولان بر قدرت ابتدائیهٔ به عقلاً انتقال ایدیلیمه‌جکینی و فقط بوقدرتک صفتلری و بالخاصه مکنوناته اولان ماسبتی بیلیمیه جککی قبول ایدن مسلکده دئیزم (Deismus) قدرت الهیه‌نک علم و اراده سیله کائناتک ماصل مبدأی اولدیغنی عقلاً بیلیمه‌جکینه قائم اولان مسلکده الهیه (Theismus) دییور.

[۲] مقبره عبدالحق حامد بک

حکمنی ویرمبیلیر . بناءً علیه انتقاد « الله » بالنظر ، بالاستدلال قابل اثباتدر « دیهین بوتون مسلکله نه درجه ونه ایچون مخالف ایسه » « الله یوقدر » دعواسنی ایلرییه سورن هر نوع الحاد (Athéisme) مذهبلینه ، نصّی مادیون (Matérialisme) ک افکارینه ده اوقدر معارضدر . برنجیلرینک ادعاسنی جرح ایچون سرد ایندیکمز افکاری ایکنجیلرینی رد ایچون ده عینی قوتله قوللانا بیلیرز . دیگر جهندن « وجودالهی » نک اثبات ایدیلوب ایدیلمیه چکی حقمنده بو جهد ذهنی و انتقاد عقل ایچون دائمی بر مراقب وظیفه سنی کورور ، عقلک اورتیه قویدینی غایه کلاک ، مفکورنک نه کبی اوصافی بولونابیله چکنی بزه کوستریر ، وجود الهییه زمان و مکان داخلنده حس ایلدیکمز هیچ بر کیفیتی ، هیچ بر وصفی عطف ایدمیه چکمز ی اراه ایلر . بو صورتله « الله » انسانه و مادهیه متعلق بر طاقم اوصاف اسناد ایتنه ک و اونی اوصورتله ملاحظه ایتنه ک نه درجه یا کلیش و سقط اولاجنی بزه اراه ایلر . واقعا دینه بیلیرکه وجودینی اثبات ایدمیدیکمز بر وارلغه نه کبی وصفلرک لایق اولاجنی تعیندن نه چیقار ؟ نظری ساحه خارجنده الهک وجودینه اینانمقلمیزی ایجاب ایدن سائقلر بولورساق او وقت بو منفی نتایج کسب اهمیت ایلر . نته کیم فیلسوف اعمالزک بالضروره ایجاب ایتدیکی « وظیفه » قانونک الهک وجودینه اینانمغه بزى سوق ایتدیکنی کوستره حکدر [۱] . او وقت بو « غایه کال » مفهومی اوزرنده صرف ایلدیکمز جهندنظرینک قیمتی آکلاشیلاجقدر . چونکه « وظیفه » قانونی طبیعت ایله نظام عملینک ، غایه اخلاقیاتک تألیف ایدلمی لزومنی اورتیه قویار ، بو لزوم بزى الهک وارلغنه اینانمغه سوق ایدر . فقط اوزمان بواینانا جغمز « وجوداعلا » ، ذات باری عقل نظری اعتباریه متناقض دکلیدر ؟ بالخاصه اعمال اخلاقیه ک اینانمق لزومنی اورتیه قویدینی « الله » نه کبی وصفلر عطف واسناد ایدمیبیلیرز ؟ سؤاللری خاطره کلیر . وانتقاد ایله چیقاردیغمز بو منفی نتیجه لرک قیمتی در حال تبارز ایلر . چونکه بر کره عقل نظری ساحه سنده « الله » که نه وارلغنی ، نه یوقلغنی اثبات ممکن اولمادینی ایچون عملی سائق ایله الهک وارلغنه ایمان ایدم بیلیمکلمز قابلدرد . دیگر جهندن ینه عقل نظریک انتقادی هانکی شرائط دائره سنده و هانکی طرفه ذات باریک وارلغنی دوغری اولارق تسایم ایدیلمیه چکنی بزه کوسترمکده در . بو اعتبارله درکه عقلک غایه کال اولارق وضع ایتدیکی « ذات اکمل » حقمنده کی انتقاد نظری عقل عملینک وجود بارییی بر ایمان (Croyance) حالده تأسیسه یول آچار .

نتیجه

عقلك بزی سوق ایلدیكى (روح ، عالم ، الله) مفهوملرینك وارلغنی برطاقم قیاسات ایله اثبات ایتیمکه اوغراشان « عقلی روحیات ، کونیات و الهیات » ك هدفلرینه نه ایچون واصل اوله مدقلرینی و اولامیه جقلرینی صیراسیله کوردك . انتقادى تدقیقات کافی درجه ده وضوحله بزه ارانه ایلدی که بر اوج صورت عقایه هب عقلك اشیانی الك صوك درجه به قدر توحید ایتیمکی استهداف ایدن مبدألرینك استعمالندن حصوله کلیور . بناءً عایه هر اوچنك ده منشأی عینی... اوچنك انتقادندن چیقان نتیجه ده بر ... فی الحقیقه بر کره عقل بومفهوملری استحصال ایتدیمی اونى بر « شی » عد ایدیور . بر وجود حقیقی به تقابل ایتدیكى وهنه قایل یور و بونلرك وجودنی اثبات ایتیمکه چالیشیور . بومساعی ایسه کوردیکمز وجهله ، نهایت عقاوتیه محکوم اولویور . شو حالده صور عقایه نك بر شیئه تقابل ایتدیكى بزم ایچون معلوم اولامادیغنه ، بر حقیقت خارجی نی ، بر وارلغنی افاده ایتیمکله کورده ذهنده نه یارایور لر ؟ سؤالی طبیعتیه ذهنه کلبر کره بومفهوملر اشیانی منتظم بر صورتده تربیه خدمت ایلر لر . مثلاً « روح » صورت عقلیه سنی بوتون حادثات باطنیه مزك استناد ایتدیكى بر موضوع مشترک ، « عالم » ی مجموع حادثات ، « الله » ی بوتون حقایقك مبدأی ، وارلغنی بیلدیکمز اشیانك مابه الوجودی تلقی ایدیورز . بو صورتیه « روح » حادثات باطنیه نی توحید ، عالم مادی حادثه لری (الله) ایسه بوتون موجوداتی ، بوتون حقایقی جمع ایلور . فقط بو ترکیب و وحدتیه حصوله کلن بو تصورات بر نوع وجود شیئی به دلالت ایلور ، بلکه بر تصور حالنده قالیور ؛ علم مزك تماملارمانسك یالکمز شرطی افاده ایدیور . تعبیر آخرله مفکره مز ، علم استحصال ایدن ذهنمز نظرنده حالات باطنیه ، حادثات شعوریه آرقه سنده اوکا مسند اولاجق بر روح وارمش ، ممکن و متحول اولان حادثات کندی فوقده بر وجود ضروری موجود ایمش کبی جریان ایدیور . فقط بز بونلرك حقیقه وار اولوب اولمادقلرینی ببله میورز ؛ اونلر حقنده علم حاصل ایله میورز . نه وقت معرفتمزك ترکیبندن عبارت اولان بو صور عقایه نك بر وجود خارجی به تقابل ایتدیکنی قبول ایتیمکه قالدیشیر ، نه وقت (روح ، عالم و الله) ك وجود خارجیلرینی اثباته اوغراشیر سه ق خطایه دوشوبورز . چونکه بو صور عقلیه علم مزك ناظمیدر . فقط بر وجود خارجی نی ، بر وارلغنی تأسیس و تشکیل ایده جك بر مبدأ ، اشیایه نظراً بر مبدأ مکون Principe constitutif دکلدر . خلاصه بونلرك شیئی بر قیمتی یوقدر ، صرف انفسی ، صرف عقلی بر تصوردر .

شومطالعات کوستریورکه « صور عقليه » علمك حدودینی کوسترمکدن عبارت اولمق اوزره معرفتمز ساحه سنده صرف منفی برخدمت کورمه یور . بالعکس عقل مدرکه نك فعالیتنه رهبرك ایدیور ، حقیقه یکی وفائده لی شیلرده وجوده کتیریور . یوقاریده ایضاح ایلدیکمز وجهله مدرکه « مقوله » لری اعانه سیله حدس حسیدن حصوله کان متنوع انطباعلری ترکیب ایلر، اشیائی بر برینه معلق ومشروط اولمق اوزره ربط ایدر. بو ترکیب وربط حقیقی بر وحدته منجر اولدینی زمان علممز تماملانیور و بزی تطمین ایده جك بر حال اکتساب ایلر . معرفتك التزام ایلدیکی، علممزمك متوجه اولدینی بوغایه نه در؟ ایشته صور عقایه بالخاصه بوسؤاله جواب ویریور، مدرکه اشیائی بر برینك شرطی اولمق اوزره ربط ایدرکن عقلده معرفتمزك کالی ایچون بوسلسله نك ناصیل تماملاناچنی کوستریور. تعبیر آخرله عقل مدرکه یی برغایه دوغری سوق ایدیور. بوغایه ساده جه برصورت عقایه (Idée) در. بویله اولدینی ایچون مدرکه نك موضوعی اوله ماز. فقط عقلك بو صورتلری مدرکه نك تصورلرینی وحدته ارجاع یولنی اراشه ایلر ، اونك قاعده لرینك اك یوكسك استطاعه سنی کوستریور. مثلاً (الله) مفهوم عقلیسی مدرکه نك تأسیس ایلدیکی عالمك توجه ایتدیکی ، اك صوك وارمق ایسته دیکی تخیل برمحراق نقطه سیدرکه هیچ برزمان اوکواصل اولوناماز . چونکه بوتون علتلرك برلشدکاری بو نقطه عینی زمانده اونلرك مصدري اولاجنی ایچون حقایقك ، بوتون وارلقلرك منبئی دیمکدر . بویله بر وارلق حقنده بزم هیچ حدسمز، تجربه امکانی حصوله کتیره جك حسمز یوقدر. خلاصه عقلك تصورلری بزم ایچون بر مفکوره ، بر غایه کمال (Fins idéales) درلر . علملرمز اوغایه دوغری، او وحدتی استحصاله دوغری کتیلیدر. آنجق اولدن بیلعلی یزکه هیچ برزمان بوغایه ، بو نقطه منتهایه ، الحاصل شیء مطلقه واصل اولامایز. علم حادثات آراسنده وحدت مطلقه حصوله کله جك وجهله ترکیه توجه ایتلیدر . عقل بوغایه یی اراشه ایلر . فقط یونك استحصالی قدرت بشریه خارجنده در .

دیمك كه عقلك استعمالی معرفتمزك هدفنی کوستریور . واقعا بو هدفه انسانلر واصل اولامایه جقلردر . فقط ممکن مرتبه نام برعلم حاصل ایتك ایچون او هدفه دوغری کیتمك، یعنی ممکن اولدینی قدر اشیائی توحید ایلك اقتضا ایدر . ایشته نظری ساحه ده عقلك مثبت اولارق بزه خدمتی ...

علممزمك تشكیل منطقیسنه باقاجق اولورسه ق بونی دها واضح آکلارز . علم آرادینی

وحدتی استحصال ایچون آرالرنده تجانس واشتراك بولونان تصورلری یكدیكریله برلشدیریر . بوصولته اجناس و انواعی تشکیل ایدر . معلومدرکه علومده هپ بویه اشیا و حادثات آراسنده بربرینه مشابه جهنلری بولونانلری ، متجانس اولانلری بر آرایه کنیریور ، (نوع) لرخالنده توحید ایلدور ، نهایت بوزمره انواع آراسندهده مشترک نقطه لر بولارق بر « جنس » آلتنده برلشدیریورز . کذلک جنسلریده برر نوع تلقی ایدرک اونلر آراسندن یاقین و اوزاق اشتراك نقطه لری بولویور ، اک یوکسک جنسه یوکسلدورز . بویه جه علوم اشیا یی خطوه ، خطوه ترکیب ایدرک تک برجنسه ، وحدته ارجاعه جالیشیور . شو عملیه منطقیه نك ممکن اولماسی ایچون حادثاتده یكدیكرندن آیری اوچ وصف اساسینک بولونماسی ایجاب ایدر . اولاً حادثه لر آراسنده برتجانس (Homogénéité) ، یعنی آرالرنده نقطه اشتراك بولونملی که هپسنی برصنف داخلنه ارجاع ایده بیله لم ، ثانیاً هر رینک بر خاصه مخصوصه سی اولملی که دیکرلرندن فصله ، آیرمغه خادم اولسون ، ثالثاً آرالرنده برنسبت ، براتصال بولونملی که مفکره یكدیكریله هیچ برتجانس ، برقشاه عرض ایتمین ، بربرندن ظاهرآ بک اوزاق کورونن جنسلر بیننده بر قرابت آراسین ، یكدیكرندن تماماً فرقلی کورونن ایکی زمره اشیا آراسنده کی متوسط اجناسی بربرینه ربط ایده ایدر اونلر بیننده کی قرابتی ده کوستره بیلسین . بو اوچ شرط ، حادثاتی مسلسل برطاق منظومه لر داخلنده طولامقلمغه ، انواع و اجناسی تشکیل ایتمک کمزه ، خلاصه و علم ، وجوده کتیرمه خدمت ایایور .

شیمدی بو شرائطک قیمت حقیقیه سی نه در ؟ بونلر اشیا نك طبیعتده ، ماهیتده موجود قانونلر میدر ؟ حقیقه اشیا آراسنده برتجانس وعینیت ، عینو زمانده یكدیكرندن آیراجق « خاصه » لر می موجوددر ؟ نصی (دوغماتیک) فیلسوفلر بویه ظن ایتمشلر ، بو شرائطی ماوقعه ، طبیعتک کنیدیسنده موجود مبدألر اولارق قبول ایتمشلردر . مثلاً لاینیجه کوره ماهیت اشیا ده عینیت وار . بونکله برابر اشیا نك کیفیاتده ، صورتلرندهده مطلق براتصال موجود ... فقط بونظریه ، قانته کوره ، قابل مدافعه دکدر . چونکه اشیا ده عینیت مطلقه وارسه ، ماهیه بر ایسه آرالرنده کی فرقلری تولید ایدن خاصه لر ناصیل ایضاح اولونابیلیر ؟ یعنی اساساً بر اولانک عینی زمانده فرقلر و خاصه لر اظهار ایتمی متناقض دکلیدر ؟ کذلک حادثات آراسنده مطلق بر اتصال یكدیكرندن آیراجق خاصه لرک موجود اولماسی سلب ایلر . بناء علیه بومادییه مطلق بر قیمت و یریه لک

اولورسه انواع واجناسك تشكلى ايضاح ايديله مز . بالمكس اكر بوشرائطى صرف ذهني ، صرف عقلى عد ايدرسهك ، تعبير آخرله حادثاتك توحيدينه عائد برقانون عقلى اولديني قبول ايلرسهك مسئله اووقت تماماً قابل ايضاح اولور . او زمان ديرزكه طبعته ممكن اولديني قدر سموللى بر وحدت ، اك زنكين بر تنوع ، مرتب براتصال آرامق عقلك دستور كليدى (Maxime de la raison) دركه بوسايه ده تجربى معرفتمزالك يوكسك وحدته دوغرى سوق ايديلير . بودستور عقلى بوتون وسعيله تجربه ممكن اولان ساحده تطبيق اولونور . آنجق او ساحه خارجه چيقلنجه صحتى بيلنه مز . سسو ايضاحات نصى (دوغماتيك) فيلسوفلرله انتقاد فلسفه-نى ايران نقطه يي بر كره ده اكوستيرر . نصى فيلسوفلره كوره تجانس ، اتصال هب اشيايه در . بناء عليه عقلك بوخصوصه تسليم ايتيرديكى وجود شئي در ، خارجه موجود در ، وارلقدر . بو حالده لاينديجك (موناتى) صور و كيفيات اسبانك چيقديني عينيت مطلقه يي افاده ايتديكى ايچون بر وجود حقيقى به تقابل ايدر . قانته كوره خاير ، بويه عينيت واتصال آرانديران عقلدر ، عقل بوسايه ده معلوماتى توحيد ايدر . بومعلوماتك صحتى حدس حسى به استناد ايتمنه مربوط ومعلق اولدينى ايچون عقلك توحيد قاعده سنك محسوساته تطبيق حقيقت علميه يي وجوده كتيرر . فقط بو قاعده عقليه تجربه ساحه سى خارجه ده بزي سوق ايدر . اووقت وجوده كن صور عقايه نك صحتى بيله مز . چونكه بو صور عقليه بر قانون عقلينك اك صوك حده قدر تطبيقدر ، بوحد معلوماتك كال نقطه-يدر . فقط بونقطه هيچ بر حده اقتران ايتديكى ، تجربه ساحه سى خارجه قالدني ايچون علممرك احاطه سنه كيرمز . بناء عليه قانته كوره بونقطه كالى افاده ايدن صور عقايه (Idées) معرفتمرك نمونه كاليدر . فقط بر شئي تقابل اعتباريله قيمتى يوقدر . حالبوكه دوغماتيك فيلسوفلره ، ازان جمله افلاطونه كوره بونمونه كال اشيايه واقعدر ؛ تعبير آخرله عقلك سوق ايلديكى غايه لر حقيقت وماهيت اشيادر . ايشته عقلك قوانين كليهنك قيمتى حقده نصى فيلسوفلرله انتقاد فلسفه-نى آراسنده كى فرق ...



بورايه قدر ويريكمز ايضاحاته فيلسوفك شاه ائري اولان «عقل محضك انتقادى» نك ايلك و اك مهم قسمنى ببتيرمش اولويوروز . شيمدى بر بارچه كرى به دونوب قانتك نه يايق ايتنديكى خاطر لائق و فيلسوفك استحصا ايتديكى نتيجه يي خلاصه ايلك ايتيورم .

انتقادك موضوع و اصولندن بحث ایتدیكیز صیراده سوبلدیكمز وجهله فیلسوفك
 واصل اولمق ایستدیكى هدف شوایدی: مسلك تجربی (امپیریزم) ایله صحتی تهیه دوشن علمك
 ماقعه مطابق اولدیغنی تأیید و ایضاح ایتك ، مابعدالطبیعه یی بالذات مابعدالطبیعیون الندن
 قورتارمق « [۱] . قانت بو غایه یی ، بو هدفی استحصال ایچون بوتون معرفت بشریه
 ساحه سنی دولاشمغه لزوم کوردی . بو تحریات کوستردی که علم بشر حدسیات ایله ،
 یعنی حساً دوغریدن دوغریه بیلگی ایله باشلار ، اورادس تصویراته کچر ، صور
 عقلیه ایله نهایته ایردر . علمك بو اوچ عنصرینه مقابل مفکره نك ده اوچ قدرتی واردر:
 (۱) حساسیت ، (۲) مدرکه ، (۳) عقل . بربرینه غیر قابل ارجاع اولان بو اوچ قدرتك
 بالخاصه مشترك بر وصفی واردر که اوده هر اوچك کندی ساحه لرنده هب توحید وربطه
 خادم اولمالیدر . تحلیلالات بزه کوستردی که حساسیت مکان و زمان مبدای سایه سننده ،
 مدرکه مقوله لری اعانه سیله ، عقل صور عقلیه ایله ایله هب ترکیب و توحید ایدر . آنجق
 بو ترکیب درجه درجه در : حساسیتك مکان و زمان ایله اولان ترکیبی مدرکه اتمام ایدر .
 عقل ایسه بو توحیدی اکمال ایلر .

مفکره نك بو اوچ قدرتندن هیچ بری علممzk موضوعی ، ماددسنی وجوده
 کنیرمز . هر اوچی ده ایچی بوش برر صورتندن ، ترکیبی افعوله (Fonction) سندن
 باشقه برشی دکلدر . علممzk ماددسنی حدس حسی حصوله کنیر که مدرکه نك افعوله
 ترکیبیه می اوکا انضمام ایتمزسه غیر مرتبط ، فاریشیق انطباعرلدن عبارت قالیر . حساسیت
 مکان و زمان سایه سننده ایلک ترکیب و توحیدی وجود کنیر بر . او وقت حدس حسی
 (حاده Phenomène) اولور . مکان و زمان داخلنده موقعی تعین ایدن بو انطباعر ،
 یعنی حاده لر تکرار مدرکه نك فعالیت ترکیبیه و توحیدیه سنه معروض اولور . علمك
 وصف اساسیسی اولان کلیت و ضرورت ، قانتك اصطلاحنجه تجربه Experiences
 حصوله کلیر . نهایت عقل بو تجربه لری ده توحید ایتك ایستر . واقعا بواک یوکسك وحدتی
 تحقق ایتدیره مز . فقط بونی بر نمونه کمال اولمق اوزره نلقی و تصور ایدر . مدرکه حدس
 حسیلری توحید ایتدیکی کی عقل ده مدرکه نك تصورات قبله سنی بر نقطه ده توحید ایلکه
 چالیشیر . تعبیر آخرله مدرکه محسوسانه ، عقل مدرکه نك تصورات قبله سنه تطبیق اولونور .
 جیقاردیغمز شو نتیجه بزی فیلسوفك انتقادك هدفی اولمق اوزره کوستردیکی ایکی

غایه به وصولی تأمین ایلر . قانتك انتقاددن بکلدیکی ایلک هدف علمك صحتنی تأیید ایتك دکلیدی ؟ دها دوغریسی علوم مثبتك نه ایچون صحیح اولدینی ، ماقعه مطابق بولوندیغنی ایضاح ایدرك تجربیونك (آمپرست) تنقیداتیه ذهنده حصولی محتمل اولان شبهه نی قالدیرمق آرزو ایله میورمیدی ؟ چیقاردیغمز شو نتیجه اونك بو املنی تحقق ایتدیرر . فی الحقیقه بر کره . بو نتیجه هندسه نك امکاتی ، ماقعه مطابقتنی بزه ارا نه ایلر . چونکه هندسه نك موضوعی قبلی *À priori* اولارق مکان داخنده ترتیب و تشکیل ایلدیگمز امتداد کیتلری ، یعنی اشکالدر . اشیا ایسه محقق مکان حدسی داخنده ، یعنی بو اشکال ایچنده بزه تظاهر ایدر ، آنجق بو صورتله مشهور اولور ، بناء علیه هندسه نك قانونلری طبیعیه اشیا به تطبیق ایدیلر ، یعنی شیئی قیمتی اولور . کذلک فیزیق ممکندر ، چونکه شیئی ، تعبیر آخرله کلی و ضروری حکملر منک صورتنی تشکیل ایدن مقوله لر حادثاته تطبیقه مساعددر . بو تطبیق نتیجه سی حصوله کلن حکملر بالطبع شیئی اولور . هر نه قدر بو صورتله وجوده کلن علم کال تامه 'یره مز ، نقطه منتهایه واصل اولاماز سه ده اک بو کسک وحدتی اک زنکین تنوعی استحصاله دوغری ترقی ایدر بیلیمک ایچون اوکنده افق آچقددر . چونکه عقل مدرکه نك قاعده لرینی کیت کیده دها واسع صورتده تجربه زمینی اولان اشیا به تطبیقه دوغری بزی سوق ایلر . الحاصل علم ممکندر ، چونکه مفکره نك قانونلری اشیا نك بزه اولان تظاهراتی قانونلرینک عیندر . بناء علیه حادثاته عائد اولمق شرطیه مثبت و شیئی علم نرم ایچون قابلدر . تجربه زمینی خارجنده تأسیس ایدیه جک بر علمك ایسه هیچ قیمتی یوقدر و اولاماز .

انتقادک دیگر هدی مابعد الطبیعه نی مابعد الطبیعیون لندن قورتارمق دکلیدی ؟ یوقاریدنبری خلاصه ایتدیگمز مطالعات بو غایه نی ده استحصاله کفیدر . چونکه بزه اثبات ایتشدر که ده قارتک ، لاینیج و وولفک آکلادقلری معناده مابعد الطبیعه تحقق ایده مز . بویه بر مابعد الطبیعه نك موضوعی بالطبع محسوسات خارجنده در . محسوسات ماوراسنده بر موضوع حقنده نرم هیچ بر قدرت حدسیه مز یوقدر . شوالده مابعد الطبیعیونك بو علم ایچون تصور ایتدکلری موضوع مدرکه و عقلک هیچ بر ماده به تطبیق ایدلمکسزین استعمال محضی (Usage pur) ندن ایلری کلیور . بو استعمال بوش ، موضوعسز بر طاقم مجردات ، بر طاقم کلی مفهوملر وجوده کتیرر و بویه اولدینی ایچون اشیا به تطابق اعتباریه هیچ بر قیمتلری یوقدر . خلاصه محسوسات فوقده اولان برشی ، یعنی ذات اشیا حقنده علم

حاصل ایدمه‌یز . شو قدرکه ماهیت اشیایی بیلمکی ، مطلق آکلامنی استهداف ایدن مابعدالطبیعه ممکن دکلدر دیمک ، یعنی اسکی مابعدالطبیعیونک وهلمری اورتیه قویمق کافی دکلدر . ذات اشیاء حقیقه علم حاصل ایتک آروسنک نره دن انبعاث ایلدیکنی آرامق و بونوع تحریاتک سائقنی کوسترمک ده لازمدر . فی الحقیقه مفکره مزک قوانینی بومابعدالطبیعه اشتغالانک سببی بزه کوستریر وعینی زمانده محسوسات فوقنده کی تصوراتک نه راده یه قدر حقیقی اولاییله جکنی بزه ارائه ایلر . بحث مخصوصنده سویلشدک که مدرکه حساسیت حدودینی تجاوزایدرد . اووقت ذات اشیایی وجود عقلی یی (Noumène) تصورايدرز . عقل مدرکه نک حدودینی آشار ، صورعقلیه Idée وجوده کتیرر . بناء علیه کرک مدرکه نک ، کرک عقلک تجربه فوقنده برطرز استعمالی واردر . بو طرز استعمالدن تولد ایدن متعال موضوعلر (Objets transcendants) برحقیقت سیئییه یی افاده ایتمزله ، بو اعتبارله هیچ قیمتلری یوقدر ، یعنی مدرکه و عقلک تجربه فوقنده اورتیه قویدینی موضوعلرک نفس الامرده موجود اولدینی اثبات ایدمه‌یز . آنجق بونلری مفکره من حللی لازم کلن بر مسئله اولارق اورتیه قور . واقعا بر تورلو بونلرک وجودینی دلیل نظری ایله اثباته مقتدر دکلر . شو قدرکه بونلرک قطعاً موجود اولامیه جقلری ده ارائه ایدمه‌یز . بناء علیه ذات اشیاء متعلق بر اختیار ، وجود الهی ، نقای روح علوم تجربیه قارشیسند سادجه ممکندر . وجودلری ثابت اولماقله برابر قطعاً موجود اولامیه جقلری ده اثبات اولونماز . اگر حدس حسی خارجنده برسبب ، یعنی نظری اولیمان بر سائق سادجه ممکن کوردیکمز بومتعال موجوداتک حقیقتی ، وارلقی وضع ایدر و بزه یقین حاصل ایتدیررسه اونلرک وجودینه اینانمقلغمز طبیعی اولور . بو حالده اسکی فیلسوفلرک آکلادینی معناده مابعدالطبیعه نک روحی ، اختیاری اللهک وجودینی اثبات ایدمه‌یه جکی و بناء علیه بر علم اولامیه جنی میدانه قوناجق ومعرفت ساحه سی بونوع اشتغالانن تمیزله نه جک اولورسه (مابعدالطبیعه ایمان Métaphysique de la croyance) ، تأسیس ایتکه دوغری برخطوه آیلدش اولور . چونکه بر کره نظری ساحده اللهک ، روحک ، اختیارک وجودینی اثبات ایتک قابل اولما دینی کورملی زکه بونلره اینانمق ایچون باشقه ساحده دیکر نوع سائقلر آرایلم . تعییر آخرله وجودینی اثبات ایدمه‌یه جکمز بو تصورلرک حقیقی اولدینی و اینانمقلغمز لازم کلدیکنی کوستره جک باشقه سائق یوقی ؟ دییه دوشونه لم . اونک ایچوندرکه مابعدالطبیعه نک عقیم بر تثبیت اولدینک اثبات ایدلمی ، قانتک تعییرنجه مابعدالطبیعه نک مابعدالطبیعیون الندن قورنارلمی بر نتیجه یه

ایر مکسزین نظری ساحده تحقیق ایدیلوب دوران تصورات عقلیه نك وارلغنی باشقه بر ساحده بولاجمیز ساققلرله تأسیس ایلمکه یول آچار . نته کیم فیلسوف عقل عملی اغانه سیله - هیچ اولمازسه ایان حالده - اناهم وارلغنی روح بقاسنی تأسیس ایلمکه چالیشاچقدور . خلاصه قانت یوقاریدنبری ایضاح ایلدیکمز نظریات ایله انتقاددن بکلدیکی ایکی هدفده استیصال ایلمش اولویور .

عقلك تابع اولاجنی نظام

فلسفه نك انسامی

« عقل محضك انتقادى ، قسمنده معرفتمك هر ساحه سنی دولاشه رق عالمیزی ترکیب ایدن نه کبی عناصر بولوندیغنی و بو عناصرله مثبت و شیئی اولارق هانکی حدود دائرة سنده بیلکی حاصل ایده بیله جکمزى کوردك . آنجق ساده جه بو معلومات بر مسلک فلسفی وجوده کتیرمز . بلکه بویله بر مسلک دوغری بر نوع حاضر اقدور . دها دوغریسی بوتحریات تام بر مسلک فلسفی وجوده کتیره بیامك ایچون لازم کان موادی حاضرلار . قانت عقل محضك انتقادینی تماملاقی اوزره کتانه برده ایکنجی قسم علاوه ایلیور . بوراده فیلسوف بو عناصرله هانکی اصول ، هانکی پلان دائرة سنده تام بر بنای معرفت قوروله بیله جکینی آراشدیریور و بو قسمك اسمنده « اصولك نظریه متعالی » (Théorie transcendante de la méthode) دییور .

فیلسوف بو قسمده بالخاصه انتقادك اورتیه قویدینی مواد ایله ناصیل بر مسلک فلسفی ، تام منظومه علم وجوده کتیره بیله جکینی ، تعیر آخرله بویله بر مسلکك صورتی (Formelles) نه کبی شرائطی اولاجنی تعین ایلیور . آنجق بو خصوصده اوزون اوزادی به بحث ایتدیکی فکرلر دها زیاده بو کتابك ایلمك انتشار ایتدیکی زمانده کی قارئلرنی علاقه دار ایده بیلیر . چونکه اوزمان فیلسوفك هنوز اخلاقه ، حکمارك انتقادینه دائر اولان اثرلری انتشار ایتمه مشدی . بناء علیه مسلک فلسفیی تام اولارق اورتیه قوناماشدی ؛ (عقل محضك انتقادى) نك موضوعی خارجنده کی فکرلری معلوم دکلدی . اونك ایچون هیچ اولمازسه نظریه سنك استقامتی کوسترمی لازمدی . فیلسوف ایشه بو مبخده اك چوق بو هدفی تعقیب ایلیور . حالبوکه آثار مؤخره سی دلائله آرتیق بو کون بز قانتك یایدینی بنای

فلسفی بی بیلورز . و صیراسیله مطالعه ایلیمه حکمز . اونک ایچون انده فیاسوفک « عقل عملیک انتقادی » ، « مابعدالطبیعه عادات » ، « حکمیرک انتقادی » اسمنده کی اثرلری بولونانلر ایچون بو قسمک بر چوق یرلری زانددر . آنجق بر ایکی بحثی وارورکه دیگر اثرلرینه انتقال ایچون عادتاً مقدمه در . بز بوقسملری خلاصه ایده جکمز .

عقل حد ذاتسده بر طاقم قواعد و قانون قدرتیدر . بویه اولدینی ایچون بالذات کندیسنک بعض نظام و قواعد تابع اولماسی لازم کله جکی ظن اولونور [۱] . واقعا عقلک تجربه موضوعلرینه تطبیق ایدماسی حقیقت ایچون یکانه معیاردر . آنجق معلومدرکه عقل تجربه حدودی خارجنه حقیقه متایلدر . بوتایلنک اوکنی آلمق غیرقابلدر . شوالده عقلک فعالیتی انتقادک چیزدیکی حدود دائره سنده بیراقق ایچون بر طاقم منظومه قواعد تأمین ایتضا ایدر .

بو قواعد نه لردر ؟ تعیر آخرله عقل محضک فعالیتنده تعقیب ایده جکی طریق نه اولابیایر ؟ اولاً خاطره عقلک ریاضیه ده تعقیب ایتدیکی اصول کلیر . فی الحقیقه علوم ریاضیه ده عقل تجربه نیک هر نوع مراقبه سندن آراده اولارق اشکال و کمیات تأیس ایلور و اونلردن استنتاجده بولونویور ، چیقان نتیجه لر تماماً قطعی و بوتون ذهنلر ایچون مسلم اولویور . عجباً فلسفه ده عقل محض عینی بولی طوئامازی ؟ نصی (دوغماتیک) فیلسوفلر عقلک ریاضیه ده تجربه نیک مراقبه سنه محتاج و لمقسزین تعقیب ایلدیکی بولی جاذب کورمه شلر ، فلسفه ایچون ده اونی نمونه اتخاذا ایلکه قالمشلردر .

فقط انتقاد بزه قولایقله کوستیر که ریاضی اصولک فلسفه یه تطبیقیله حصوله کان مابعدالطبیعی

[۱] قانت بعضی تدبیرلری آرزق فرقلی اولارق بعضاً کنیش ، بعضاً دار معناده قوللانیور . (عقل) تعبری ده بویلددر . فیلسوف عقلی مدرکه مک مقابل اولارق قوللاندینی زمان تجربه موضوعی اولیان شیلری آ کلامغه سوق ایدن قسرت « معنانه استعمال ایلور . بعضاً ده عامومی ، یعنی « تجربه دن مستقل اولارق بزده . موجود اولان علم قدرتی ، معنانه قوللانیور . مثلاً کتابنک عنوانده استعمال ایلدیکی « عقل محض » تعبری بو معناده در . (Hoffding) ک تاریخ فلسفه سی صحیفه « ۵۹۳ » ۸ نجی نوط ... فیلسوفک کتابی تلخیص ایدرکن بزده بالمجبوره عقل گاه کنیش ، گاه دار معناده قوللانیورز . فقط دقتله اوقوناجق اولورسه قولایقله عقلک هانکی معناده قوللاندینی آکلاشیلر . کنیش و عمومی معناده قوللاندیق لازم کلدیکی زمان (عقل) تعبری برینه وضوح ایچون بعضاً (ذهن) دیورم . یوقاریکی سطرلرده (عقل) کنیش و عمومی معناده قوللانیلمشدر .

نسیجیلك (Dogmatisme métaphysique) ك اورتیه قویدینی نتایج و برهانلر ریاضیه‌ده کی دعوا و دلیللره هیچ بکزه مز . نه ایچون ؟ چونکه فلسفه ایله ریاضیه‌نك موضوعی تماماً بربرندن آیریدر . فی الحقیقه ریاضیه‌ده بر طاقم مفهومات و تصورات تأسیس ایدیلر ك باشلانیر . حالبوکه فلسفه‌ده نتایج مفهومات و تصوراتدن چیقار . ریاضیه‌ده قبلی حدس ، یعنی مکان داخلنده اسكال وجوده کتیریلیر . خصوصی شکلرده کلی قانونلر بولونور . تعیر آخرله عمومی خصوصی ایچنده ملاحظه ایدیلیر . حالبوکه فلسفه‌ده بونك عکسی یابیلیر . خصوصی منفرد شئیلری کلی ، عمومی ایچنده ملاحظه ایدرز . بری کیمه متعلقدر ، دیگرکی کیفیت (Qualité) ، عاندر . موضوعلر آرا-منده بو فرقلردولایسیله ریاضیه‌نك اصولی فلسفه‌یه تطبیق ایدلدیکی زمان قطعی و مشر نتیجه حاصل اولاماز . مثلاً بز ذهناً مکان حدس داخلنده بر مخروط چیزه‌رز . بو مخروط واقعا تجربه‌دن وجوده کله‌مشدر . بز اونی عقلاً چیزییورز . یعنی مخروط تصویرینی تشکیل ایلورز . آنجق بوتصوری قبلی À priori بر حدس ، تعیر آخرله مکان اوزرنده وجوده کتیرییورز . محسوس اولان هر شی قبلی حدس داخلنده ، مکان ایچنده مشعور اولدینی ایچون ذهناً چیزدیكمز مخروطك شئی بر قیمتی اولویور . فقط بو مخروطك بر کیفیتنی ، مثلاً رنگنی بویه قبلی اولارق آکلامق ، تثبیت ایتك ایسترسهك موفق اولامایز . چونکه ماده‌سز ، موضوعسز بر تصور دن هیچ بر کیفیت استخراج اونوناماز . آنجق تجربه ایله مخروط دیدیکمز تصورك ماده‌سی موجود اولملی که اوکا کیفیت اسناد ایده‌بیلیم . الحاصل ریاضی موضوعلرده موفقیته تطبیق ایدیلان و قطعی نتیجه ویرم اصوللرک هیچ بری فلسفه موضوعلرینه تطبیق ایدیلر مز . ریاضیه‌نك تعریفلری ، متعارف‌لری ، انبایلری وضوح تامی ، دوغریدن دوغری به بداهتی حائر ایسه بونك سببی بونلرک قبلی بر حدس داخامده تشکیل اولونمالرینه مستنددر .

حالبوکه فلسفه‌ده بو شرائطی حائر نه تعریف وضع ، نه متعارف‌لر اقامه ایدیلر بیلیر . نه‌ده عینی طرزده اثبات Démonstration لر یابیلیر . ریاضیه‌ده مثلاً ، مربع مخروط... الخ مفهوملرینی مکان داخلنده بز تشکیل ایدیورز . اویله اولدینی ایچون اونك بوتون انکشافی حدودینی کوستره‌بیلرک صورتده تعریف ایلر بیلیرز . حالبوکه فلسفه‌نك مفهوملرینی ، تصورلرینی بز تشکیل ایدیورز . بو مفهوملر تجربه‌ایله برلکده ذهنده حاصل اولویور .

بو طررده معطا اولان بر تصور، ریاضیه ده آکلاسیلان سکلده تعریف اولونا ماز. آنجق تحلیل ایله ایضاح اولونا بیلیر. تعبیر آخرله فلسفی منهو ملوک ریاضیه ده اولدینی کبی بوتون انکشافاتی کوستریله مز. دیگر جهتدن ریاضیه ده متعارفه لر واردر. چونکه بومتعارفه لرک محمولاری داتما قبل حدسه یعنی مکانه مستنددر. مثلا «برسطحده همه حال اوچ نقطه واردر». متعارفه سنده اوچ نقطه نك اولماسی، تعبیر آخرله طول و عرض حد ذاتنده مکلك قبل حدسه یله بیلدیکمز بر شیدر. اولنک ایچون دوغریدن دوغری به معلومدر، بدیهیدر. حالبوکه فلسفه ده بویه دکلدر. فلسفه نك مقدماتی متعارفه عدایدیه مز. بولمر بر طاقه تصورات و مفهوم ملردر که دوغریدن دوغری به بالحدس معلوم اولمادیغه نظرأ اثباتی لازم کلیر، حالبوکه «هر شیک عاتی واردر» کبی بوتون بومقدمات، بومبادی ساده جه ذهنک تجربه نی ممکن قیلان قانونلریدر. اولنر بالحدس بیانن مکان کبی بر موضوع علم تشکیل ایتز. بناء علیه بولنرک سیئی بر قیمتی اولابیلیمسی ایچون حدس حسینک انضمامنه محتاجدر. خلاصه فلسفه ده بویه دوغریدن دوغری به بدیهی متعارفه لرده یوقدر. ریاضیه ایله فلسفه نك موضوعلری بویه جه بر بردن تماماً آیری اولدینی ایچون ریاضی اصولنک ده قارتک دوسوندیکی کبی فلسفه به تطبیق دوغری بر نتیجه به بزی ایصال ایلمه مز. نته کم ریاضیه اصوللرینی فلسفه موضوعلرینه تطبیق ایلین نصی فیلسوفلرک مساعیسی عقیم قالمشدر.

نصیلک بالکمز بویه مثبت. طر زده تحلی ایتز. اولنک منی طر زلری ده واردر. مثلاً عقلک مابعد الطبیعی مسألی، ازان جمهر و حک بقاسنی، الهلک وجودنی اثبات ایدمه مدیکنی و بویوله هیچ بر نتیجه ایرمه مدیکنی کوستره لرک اونن سکوته محکوم ایلک بویه منی بر بولدر. پک ظالمانه اولاجق اولان بونوع ادعا قارشیدسنده عقل کندی سمر بستیسنی مدافعه ایتمه که مجبوردر. بویه بر دعوانی ایلری سورده لرک عقلی ال طبیعی یواندن آلیقویمغه چالیشانلره قارشنی مثلا دییه بیلیرز که عقل مابعد الطبیعی مسئله لرده سزک ظن ایتدیکلر کبی تناقض ایچنده قالماده در. واقعا ظاهراً صور عقلیه متناقض ادعالره منجر اولویور کبی کورونور. حالبوکه بحث مخصوصنده کوستردیکمز وجهله اورته به قونولان دعوا و نقیض دعوا لرده کورولن تناقض ظاهریدر. حقیقته بوتابین مسئله نی یا کلش وضع ایلکدن، یا کلش آکلامقدن تولد ایلیر. چونکه اورته به قونولان نقیضین حادثات عالمی ذات اسیا کبی مطالعه ایلکدن حصوله کلیر. انتقادله میدان چقان بو سوء تفهیمی قالدیریکمز، متناقض دعوا لرده محل قالماز. کذلک الوهیت مسئله سنده عقل واقعا مثبت بر نتیجه وارماز. یعنی الهلک وجودنی

ثبات ایدیه من ، فقط عقل عینی زمانده الهك عدم وجودینك ده قابل اثبات اولامیه . معنی میدانه قویار . بناء علیه بومابعدالطبیعی مسائله عقل طریق انتقادى تعقیب ایدنجه پك اعلا مثبت نتیجه لره وازابیلور . بناء علیه اونی بو ماحنده سكوته محكوم عدایتمك اك یاكایش ، فانیات انسانیه ایچون اك بی رحمانه بر ادعا اولور . خلاصه بوتون بومسائله ، بو مناقشه زده عقلك سر بسته تحری و تنقیدیه میدان بر اقایدر . بو بولده هیچ بر قید مشروع اولاماز . هر کسدن دعوا سی معقول اولارق وضع و اثبات ایتمسی طلب ایتم حقیق زدر . بوکا فارشی باباخفكیز مقابله آخجق ینه عقل ساحله اولابیایر . بوقسه اصی اولارق عقل سكوته محكوم ایدیه من . هر کسی سر بسته بر افیکیز ، اکر مناقشه ایدنلرك درین و یکی نظریات وضعه ، تحریاتده بولونمه قابیلری وار ادیه ، برکله ایله اولور دلیل عقلی سردایله بیابورلر سه بوندن ینه عقل فازانیر . افکار عمومیه نك اضلالی ، اخلاقك تجاوزه اوغرامسی بهانه سیله عقل ایچون تحدیدات وضعه ، اونك مناقشه حقیقک سلبانه قالمایکیز ، جدل موضوعی اولان بومابعدالطبیعی مسائلك نظری اولارق مناقشه سندن تهاسکلی هیچ بر نتیجه حقا ماز . هر کسك کندی تفکراتی ، حانه مقتدر اولامادیی سه و ترددلری عمومك تقدیر و محاکمه عرض ایتمك اك بوبوك حقیق . نظری تحریاتده ، فکر و قناعتلرد هر فردك رأی صاحبی اولدینی تقدیر و حکم عمومیدن ، انسانیتك عقل کلی و مشترکندن ناسقه حاکم ظانیمسی انسانك اك بوبوك ، اك مقدس حقیق . بناء علیه بو حقدن محروم ایدیلرك عقل هیچ بر صورتله سكوته محكوم ایدیه من .

فلسفی مناقشانه کنجلی آیشدیر می ده تهاسکلی ظن ایتمه ماید . نالکس بومسائل حقدنه کنجلیله معلومات ویرلمزسه اولور مدیونك ، الحاد مسلککریک منی ونصی دلیل و حکملری فارسینده قالدجه در حال اعتقادلری منزول اولابیایر . نالکس کنجلی حقیق انتقاد اصولنه آیشدیر مق ، بو صورتله جدل موضوعی اولان مسائلك مناقشه لرك بیوده اولدینی کوسترک بصیرت و احتیاطه اك موافق حرکتدر .

عقلک حسابیلک (Scepticisme) طریقه کیر مسنه کانجه مفکره نصی واسقه ایچنده بیوده مناقشه لردن یورولونجه « بیلنه من » دبیه لرك حسابیلکده توقف واستراحت ایتمک ایسته می . طبعیدر . آنجق شبهه مفکره ایچون برکچید اولابیایر . نصی بر طرزده یادیی تفکراتك بر نتیجه یه وازمادینی کورونجه یکی بر یول بولق ایچون بر مدت موقته ایچون توقفی عد اولونابیایر . فقط انسان بو مرحله ده قلاماز . چونکه عقل شبهه ایچنده استراحت

ایده مر. ذهن ایچون راحت، بیله کده، یقین حاصل اینکده، خلاصه بر ایمانه قاور و سقمده در. بو مرحله ده عقلی تردیدلردن آنحق انتقاد قورتارایلیر. چونکه بو سایه ده هیوم کبی عقل بشرک بر نوع جغرافیاسنی یاپایلیر، خریطه سنی چیزه بیلیر، توصیف ایله بیلیر. عینی زمانده بو انکایز فاسوفك یادیی کبی عقلك حرارتیه آزادینی شیئی مطاقی بر طرفه بر اقیویرمه یز. بولری نفی ایلیویر مکة قالمایز، ساده حه ممکرة بشریه نك شروع و دوعری اولارق بیله جکی سیرك حدودینی کوستیر، وقتیر و سائق حقیقیسی، علت کافیسی غیر موجود مدعالر سرد ایتمک تمه که سنک اوکنی آلیرز.

عقل محضك تعقیب ایده حکمی طراق، ریاضی اصول اولامادیغنه و حسابانیلکده فالفده بزی تطمین ایله مدیکنه کوره عقلك تابع اولاجنی حقیقی نظام نه اولمالیدر؛ اولاً محسوس فوقنده اولان سایه داتر فرضیه قورمقدن چکیمیلیر. چونکه بر فرضیه آنحق حقیقی بر وقته استناد ایدر، موضوعی اولان وفایی تماماً ایضاح ایله بیلیرسه دوعری و مسروع اولایلیر. مثلا مکونانده کی آهنگ نظامی ایضاح ایتمک ایچون کمال مطاقی حائز بر علت و رض اینک بو ایکی شرطك هیچ برنی حائز دکادر. چونکه بر کره تجریه خارجنده در. دیگر طرفدن بویه بر فرضیه مکونانی ده ایضاح ایدر. چونکه عالمده آهنگ بولوندینی کی آهنگ سیرک ده، شرده، نقصانلرده واردر. کمال مطلق حائز بر علت بولناقلری ایضاح ایدر. او وقت مکونانك بونقصان حیلترینی ده ایضاح ایچون دیگر فرضیه اقامه سئزوم کورولور. واقعا دینه بیایر که محسوسات فوقنده اولان وجود مطلقه داتر وضع ایله جک فرضیه نك هیچ اولمازسه بر فائده عملیه سی واردر. چونکه بو نوع فرضیه «محسوسات فوقنده هیچ برشی یوقدر»؛ یاخود «موجود مطابق ماده خارجنده دکادر» دین الحاد Athée مسککترینی، هر نوع مادیونك ادعائینی جرح ایتمک یارار. فقط بو فرضیه لرك بویه بر سلاح مدافعه طرزنده استعمال ایدلمسی حد ذاتده قوتلی اولماسندن متولد دکادر. بایکه مخاصملرینک یعنی مادیونك، الحاد مسابکی ارابانک مدعالرینک ضعیف اولماسندن منهدر.

ثانیاً وضع ایله جک دلیلارده، انبانلرده دائماً خاطر لانا مالیدر که عقل محضك مبادیسی ساده حه معلوماتنك ناظمیدر. یوقسه اشیایی تشکیل ایدن بر اصل، بر مبدأ مکنون (Principe constitutif) دکادر. یعنی عقلك مدالری معلوماتی ترتیب ایلر. فقط منحصرأ بو مبدائل موقوفی، نفس الامری وجوده کتیرمز، حقیقت خارجی بی تأسیس.

اینز . اونك ایچون فلسفه ده قبول ایدیلن مبدأ نك دوغرو لغنه یكانه دلیل ، یكانه معیار تجربه امكانی حصوله شیر مسیدر . مثلاً « مبدأ علیت » ك یكانه دلیل تجربه حصوله كله بیلمك ایچون زمان داخلنده بر شئی تعین و ایجاب ضرورتیدر . بویه بر تعین « علیت مبدأ » ن ایجاب ایدرده اونك ایچون بومبدأ ذهنی شئی بر قیمت اکتساب ایلر . کورولویور كه مفكره نك هر هانكی بر مبدأ نك حقیقتی ، موقوف اعتباریله قیمتی آ کلا بیلمك ایچون تجربه نك او سایه ده ممكن اولوب اولمادیغنی آریورز . شو حالده فلسفه ده اثبات طریق قبول اولونان مبدأ نك نقیضی رد ایلنكه ، یا خود اومبدأ نك چقان نتایجك دوغرو لغنه استاد اینز . بلكه انتقادی دلیلر دایم بالا واسطه در . بوقاریده سوبلدیكمز كی تجربه یه دایانیر ؛ یعنی قبول ایدیلن مبدأ تجربه امكانی حاصل ایدیورسه شئی قیوتی اولدیغنه حکم ایدیلیر . انتقادك استعمال ایلدیکی یكانه طریق اثبات بودر واستقبالك فلسفه سنده ده بویه اولمایدیر .

بوریه قدر ویردیكمز ایضا حالده عقلك استعمال نظریسینك تابع اولاجنی شرائطی کوردك . باشقه بر تعیریله مفكره نه كی شرائط داخلنده استعمال ایدیلیرسه مشروع و دوغری بر نتیجه نظریه ، اشیا حقنده مثبت بر علمه واصل اولاجغیزی مطالعه ایش اولدق . عجباً عقلك طرز استعمالی یالکمز اشیا حقنده بر علم نظری استحصالته می معطوفدر ؟ عقلك استعمال ایدیله جکی باشقه ساحه یوقیدر ؟ « عقل محض انتقادی » نك بر چوق یرنده ، بالخاصه او چونجی تساوی نقیضینك حلی بخنده فیاسوف عقلك نظری ساحه خارچنده برده عمل حقنده طرز استعمالی اولدیغنه بو طرز استعمالی قانون اخلاقنك وضعی وودی بولندیغنه اشارت ایشدی . قانت عملی (Pratique) تعیندن شونی قصد ایدیور : « اختیار Liberté ایله ممكن اولان هرشی » . بو بسیط تعریف ایکی آیری نظام ، ایکی آیری عالم تفریق ایدیور . فی الحقیقه یوقاریده کورمشدك كه علمك موضوع خاصی طبیعتك قوانین ضروریه سیدر . بوقوانین اولان ، حدوث ایدن شئی ماقباندی کی برعته ربط ایدرك افاده ایدر . مفكره علم یادیغنی ، طبیعتی آ کلامغه چالیشدیغنی زمان بویه قوانین ضروریه بولور . علممرك وجوده کتیردیکی بونظام طبیعی خارچنده برده « اختیار ایله ممكن اولان عمللرمز » وار كه بونی ده قانون اخلاق تعین ایدر . قانون طبیعی حدوث ایدن شئی ، اولانی افاده ایلدیکی حالده قانون اخلاق « اولماسی لازم کلنی » امر و تعین ایلر . اولکبسی عقل ایچون طبیعتك بر الجاسی اولدیغنی حالده ایکنجیسی اراده مزه وضع ایدیلن

بر نظام مطلقدر. بوابی نوع اعظم بر برینه جوق دفعه مخالفدرده . اکثریا قانون اخلاقینک تعقیبنی امر ایتدیکی بول طبیعتک ، احساس و سوق طبیعیلمنک ایجابنه مخالفدر . بوندن اکلاشیلورکه اختیارمن، بوکا تعلق ایدن عملمنز طبیعتدن ، اوکا عائد اولان مثبت علملردن باشقه بر نقطه نظارله قائمدر و عقل بویکی طریق اوزرندده یورورکی موضوعی طبیعت اولان علممنزک اثبات ایدمه مدیکی متعال وارافلری بر ایمان زمنی اولوق اوزره تعین ایلمر. [۱]

خلاصه عقل اول امرده « نر بلمر بلمیر؟ » مسئلهسی قارسیسندده در . بوسؤاله ناصل جواب ویریه بویه جگنی عقل نظرینک انتقادى بزه ارانه ایلشدر . فقط بونی متعاقب اولکیسندن تماماً آیری اولارق « ناصل حرکت ایتمی بز؟ » سؤالی مواجهه سندهده ولونورر . بو ایکنجی سؤاله نظری انتقاد قطعی جواب ویرمه منر . رنجی سؤال « اولان سبئلره ، » طبیعت داتر علممنزک حدودینی آرامی استهداف ایتدیکی حالده ایکنجی سؤال « اولماسی لازم کله » تعلق ایدر . بونی حل ایچون ایکنجی بر « انتقاد » لازمدره فقط بوایکنجی سؤالدهده قالدناز، هرایی مسئلهنک حلی بزى اوچونجی بر - سؤال ده فارسیسندده بولوندریر ؛ کندی کندیمزه نه امیر ایتمی بز؟ سؤالی صورمه سوق ایلمر .

بومسئله بر طرفدن نظری ، دیگر طرفدن عمایدر . نظریدر ، چونکه حادثاتک ، طبیعتک علمیه اکتفا ایدمه یورر . عقل بزى محسوسات فوقه چیقاریور ، اونک خار جنده وجود مطابق تصور ایدیور و بلمکه اوغراسیور . دیناک که ذهن بر تورلو علم حاصل ایدمه مدیکی حالده بیامک ایتدیکی ، امید یلدیکی بر « عام معولات » ور . عمایدر ، چونکه مختار اولارق یادیغمز عملی ایجاب ایاین « وظیفه » طبیعت مطابقی اولوق نزومنی حسن ایتمکسزین مطابق قانون وضع ایایور . بوقانون اخلاقی سوعام محسوسده تماماً حکمترما اولامایور . بو حال اونک تماماً حکم سورده حکى عالمی ورس واونک وارلغنی امید ایتمه بزى سوق ایدیور . قانون اخلاقینک مطلقیتی بزى بر قدرت ربانیهنک وارلغنی امید ایتک و اوکا اینانق ضرورتی فارسیسندده یراقیور . دینک که کرک نظری ، کرک عملی انتقاد بزى هی محسوسات فوقنده بر وارلغه سوق ایایور . آنجوق انتقاد عقل محض کوستردی که بالنظریه بویه بر وارلغنی اثبات امکانی یوقدر . شو حالده علم بوسؤاله جواب ویرمه یورر . فقط عقل عملی ، قانون اخلاقی ایمان حائده وجود مطلق ، دات بازی پی ، بقای روحی بالضروره وضع ایدر . علم واقعا حقیقیدر ، قطعیدر فقط حادثات علمیه مقصوردر .

[۱] شجی قسمه نایکوز .

مطابق بیلدیرمیز. اخلاق بزى الهك واراغنه، روحك بقاسنه ایمانه سوق ایدر. آنجوق بویامك سیتی قیمی اولدیمی اورتیه قوناماز. [۱]

بونفریق بزه عقل محضك حاکمیتی آلتنده تشکیل ایددجك تام بر فلسفه سیسته منک احتوا ایلدجکی قسملری کوس-تره سیلیر؛ بر مسلك فلسفینك بلاتی چیزمکه خدمت ایلر. فی الحقیقه عقلک نظامی آلتده تشکیل ایددجك معلومات بر سیسته، بر منظومه اولور، یعنی معلومات وافکار معین مدالر داخلنده ترتیب ایلدش بولونور. سو حالده هانکی اصول تعقیب ایدیلیرسه اید یاسین، عقل محضه « مسند بر فلسفه سیسته منک احتوا ایددجکی قسملر اولدن تعیین اولوبایلیر. »

یوفاریده ده سولیدیکمرکی: مسلك فلسفینك، « فلسفه محضه Philosophie pur، نك ایکی موضوعی وارددر. بری طبیع (Nature) دکری اختیار (Liberté) در ۲. بیا علیه نوموضوعلرد بعلق ایتمی اعتباریله فلسفه نك ایکی شبهه سی تقریق اینك قابلدرد: ۱) فلسفه

[۱] بشنچی قسمده پوستالری ایضاح ایلدجکر.

[۲] فرامیزجه (Liberte) کلمه سی بقالی اولارق ایلاندرده اوج تعیر وردرد ۱) برسی (۲) اختیار (۳) حریت. ۲) اوج کلمه بی دده فرامیزجه تده ک شتلف موضوعلرده بقالی اولارق قوللانیلر. شه کیم آلمانلرده Freiheit در ماعدا Villenstreim کلمه سی. دکابرلرده Liberty-Freedom شه لوندن ماعدا Free will یعنی وار. (Liberté) حد ذاتده ایستدیکنی بییه ده. شه تعیر بر یانخی قونک تاثیر کتده بولونتمیرین حرکتیه دییر. ماعدا امارک. کیه حرکتیه صدیدر. ماعدا صلیدن ستقای اینك اوزره بویکه اوج مختلف استقامده ماعدا ایددکدرد. ۱) برشیت، حی برشی حده ک داخلی ویا خارجی برسد طرفندن احوال اولونتمیرین سیعه ده واقعی اونی اوزره بر سته حرکتیه. بومعاده اشیاءک، حیوان ویا اینك هر ماعدا بر عارصه ویا سد خارجی طرفندن بگهله معروض قیلدرد اینجاب طبیقیه موافق حریت و کشمینی فاده ایدر (Liberte) بومعاده قوللانیلیدی مارا حرکتیه حرب کلمه لرنی قوللانیلیر بویا برده. سب کلمه ده مترقی اولارق (مستقی) دیکلکمر موافقرد، ظل ایدرد. ۲) بکلمه کلتیمی و سیاسی معنیده هوالایمیه. بوحالده فردیه اجتماعی وسیعی بخوربت آلتده قیاسی معنیده در بومعاده نزداتما (حریت) کلمه سی قوللانیلیر. ۳) بویکه بالارده دوشوندرک. ماعدا بیلدرد حرکت ایلد ویا سبک احتراض وسوق صیقلیرسه ماعدا اولونتمیرین اصل معیت معمولیه یعنی عمل و احلاوت اینجاب مطهره کوره سملده بولونم. کبی پسینولوریک مععاده مولانیلیر اوومت اختیار کلمه سی استعمال ایللی بر. س نوکتانده ایشنچی مععاده مولانیلیدی زمان (حریت) تعیری. بویجی مععاده یعنی پسینولوریت بردلالتی بولونمینی زمان (اختیار) کلمه سی استعمال ایدورم.

طبیعیه (۲) فلسفه اخلاقیه . فلسفه طبیعی موجود اولانك ، حدوث ایدنك قانونلری تدقیق ، فلسفه اخلاقیه ایسه « اولسی لازم كه‌نك » قانونلری تعیین ایلر . فلسفه‌نك بوايكي سابعه‌سی ده ایكي قسمی ایتوا ایلر ، دها دوغریسی تدقیق‌اندده ایكي صفحه عرض ایدر . برنجی قسم قبی معرفت وجوده کتیرمسی اعتباریله عقل محضی تدقیقه و مطالعه‌یه تعلق ایدر . اصل انتقاد بودر ، ایکنجی قسم عقل محضت استعمالیه حصوله کان معلوماندرکه بواکعمومیتله مابعدالطبیعه دینلمکده‌در . دیمک‌که فلسفه کرک طبیعته ، کرک اخلاقه تعلق ایتسین اول امرده قبی معرفت *Connaissance à priori* حاصل ایتک اعتباریله عقلک انتقادی لازم‌در . اوندن صوکرادرکه مابعدالطبیعی قسم ، یعنی عقلک استعمالیه استحصال ابدیان معلومات موضوع بحث اولور . بونک ایچوندرکه برنجی قسم ایکنجیسنه یعنی مابعدالطبیعه حاضرلایان برمدخل تشکیل ایدر . مثلاً فلسفه طبیعی‌دن اول عقلک قبی معرفت اعتباریله قدرتی انتقاد طریقیه معلوم بولونمایدکه نه شرائط و نه حدودداخلنده طبیعت فلسفه‌سی یاپیلاسیله‌جکی آکلاسیلسین . شوحوالده عقل محضک وجوده کتیره‌جکی سیستم شوبلان دائرة‌سنده مراتب اولمق انتضا ایلر :

فلسفه محضه
 ۱) عقل محضک انتقادی طبیعتک مابعدالطبیعه‌سی (فلسفه طبیعی) [۱]
 ۲) عقل عامی‌نك انتقادی عادتک مابعدالطبیعه‌سی

قانت فلسفه طبیعی‌ده اونتولوژی ، عقلی فیزیولوژی - که عقلی روحیات ایله فزیک‌دن مرکبدر - کونیات (قوزمولوژی) ، الهیات دن مرکب کورویور .

[۱] قانتک « طبیعتک مابعدالطبیعه‌سی *Metaphysique de la nature* » تعبری مقابلی اولارق بر درنجی قسمده « فلسفه طبیعی » دیه‌جکه . برده (*Metaphysique*) تعبریسه مابعدالطبیعه دینلدیکی ایچون « طبیعتک مابعدالطبیعه‌سی » تعبری خوش‌کوره‌دم . انجق هانکی قمبر قولانیبرسه « اولانیون قازم قانتک » طبیعت *Nature* « که‌سن دن آکلادی معنای - که یوقاری بحثلرده سوبشماک - قطعاً اولونما‌ملدر . فرانسیزجده ناصیل (*Nature*) کله‌سی بربرندن اولدقیجه فرقلی معنای کایورسه . برده « طبیعت » تعبری مختلف معنالرده قولانیلمه‌نده‌در . قانت ایسه یو کله‌بی تماماً (اخیر *Liberte*) مقابلی اولارق استعمال ایلور . بناء علیه فیسوفک طبیعتک مابعدالطبیعه‌سندن ، یاخو - قولانیلمی طرزده فلسفه طبیعی‌دن نه قصد ابتدیی آکلامق ایچون اساس مسلیکنه نموز ایلک لازم‌در . یو کله‌بی تعیرات‌ده آنجق او زمان تنور ایدر . نه‌کیم قانتک « عقل محضک انتقادی » نده استعمال یلدیکی (*Esthétique transcendante*) تعبری « علم محاسن اعلا » دیه‌ترجه ایتک فیسوفک یو کله‌بی بیجون باشقه معناده ، « علم حسن » مدلولده قولانیلمی بیامه‌مکدن ، « عقل محضک انتقادی » نك اساس موضوعه عدم وقوفدن ایزی کایور . اولنک ایچون بر فسه سیستمی هیئت عمومیه‌سیله بیامه‌دکه ، پارچه پارچه آکلاسیلامیه‌جفی هیج اولونوما‌ملدر .

فيلسوف بوتقسىياني ايله سلفلرينك طرز تصانيفنى فلسفه انتقاديه نك نقطه نظريه تاليف هدفنى تعقيب ايتديكي آكلاشيليور . يوقسه بوتصنيف نه اوقدر طبيعي ، حتى نه ده قانتك آثار مؤخره سنه نظراً مسلكنك احتوا ايلديكي بوتون اقسامى محتويدير . مثلاً بالذات قانتك فلسفه سنده فلسفه طبيعيه ايله فلسفه اخلاقيه ني يكدىكرندن تماماً آييرمق نه درجه يه قدر قابلدور؟ بو جهت شاين مناقشه اولديني كى ايلريده كوره جكمز كى قانتك حسن وغايت حقه ده كى نظرياتى احتوا ايدن (حكيم قدرتنك انتقادى) ده بويان دائره سنده كوسترلمه مشدر . بناء عليه بو تقسيمه قانتك (عقل محضك انتقادى) نى يازدينى صيراده فلسفه حقنده دوشونديكي لان اولمق اوزره باقمايدور .

بويانده كوره (انتقاد عقل محض) ى فلسفه طبيعيه نك تعقيب ايتسي لازمدر . بزده دردنجى قسمده فيلسوفك فلسفه طبيعيه حقنده كى فكرلرينى كوره جكمز .

دردنجی قسم

فلسفہ طبعیہ

قانت « عقل محض انتقادی » فی اکمال استدکدن قیصہ بر مدت صوکر فلسفہ طبعیہ سنی ، یعنی انتقادک چیزدیکی خط دائرہ سنده یکی مابعدالطبیعیہ ، مبحث وجود ، روحیات و فیزیک ، کونیات و التہیات [د منعلق نظریاتی اورتہیہ قویتمق ایستہدیکی محققدر . بویوک اثرنک برنجی طبعی مقدمہ سنده (طبعیتک مابعدالطبیعیہ سی) عنواتی ویردیکی فلسفہک بوقسملری حقندہ کی سیستہ منی انسر ایلیہ جکی وعدندہ بولونویور . بو وعدینہ مطالع اولان قارئلرک اثرینہ انتظار ایلمکده اولدیفنی بیایور : ۱۷۸۵ ایلولنده سوتز (Christian Gottfried schütz) . یازدیفنی مکتوبده مابعدالطبیعی اثرینہ انتظار ایدنلرک آلدائیہ حقلرینی سویایوردی .

بوکا رنمأ فلسوف (۱۷۸۵) ده نظری فیزیکه دائر (علوم طبعیہک مابعدالطبیعی مبادی* اولاسی [۱]) عنوانیله یاردییی مدخل خارچنده مابعدالطبیعی مسائله دائر اولجه ناصارلادیی نفسیاتی حائر هیچ برائریارمادی . تام فلسفه سیستہ منک « فلسفہ طبعیہ » ی یاخود اصل « مابعدالصغیات » ی حاوی اوماسنی لازم کوردیکی ، وبوقسمک احتوا ایلیہ جکی اقسامی بیله اوخه دوسوندیکی و لاتنی حاضرلادیی حالده بر تورلو وجوده کتیره مدی . قانت فلسفہ سنده کی بو بوشانی ناصیل ایضاح ایتلی ؛ بالخاصه « عقل محض انتقادی » ندن صوکر « عقل عمایات انتقادی » ، « مابعدالطبیعی عادات » ، « حکم قدرتنک انتقادی » انتشار المدیکی حالده نه ایچون حتی بونلردن اول شیرینی دوسوندیکی مابعدالطبیعی سنی اورتہیہ قویامادی ؛ بونک بر کره سببی سنک ایلرله مش اوماسیدر . « عقل محض انتقادی » طبع ایدلدیکی رمان فیلسوف الہی آلتی یاشنده ایدی . مختاب موضوعلرله هب بر آراده اشتغال ایدہ میوردی . سوتز یازدیگی مکتوبده شوبله دییوردی : [۱] کتایاتده ۱۰ نومرو ایله کوستریلن اثر .

و آرتیق کنج دکه . اوخسه اولدیگی کبی مختلف مساعیرله سرعتله قوبولامیوره . فکرلرم آراسنده کی ارتباط رشته سنی غائب ایتمه مک ایچون تفکراتمی بر نقطه ده جمع و تکشیف ائمه که مجبور اولویورم » حالبوکه مختلف وقایع تفکراتنک سلسله مطبقیه سی اخلاص ایدیوردی . مثلاً « انتقاد عقل محض » انتشار ایدنجه اوغرادینی اعتراضله جواب ویرمک مجبوریتده قالدی ، بومهم اثرک دها واضح بر خلاصه سنی یایمق اضطراری دویدی . کتابک نسبتاً قصه بر مدت صوکر ا ایکنجی طبیعی لارم کلدیکی رمان کی بر مقدمه علاوه ایتدی ، بر جوق بر لرخی تعدیل و بعض قسملر علاوه ایلدی . بونون بولر فلسفه سنک تاصارلادیگی اقسامی حقند . صیراسیله مشغول اولماسنه مانع اولویور ایدی . دیگر جهتدن دارالفونده کی وطانی کنیدی می اشغال ایلیوردی . راینهولد (Reinhold) ۱۷۸۸ مارتنده یازدیغی مکتوبده فاکولته رئیس و دارالفنون امبی اولارق توجه ایدن مساعیدن سکایت ایلیور .

بوسیلر فیلسوف مشغولیتی کوستریر . الحق فلسفه اخلاقیه دایر اثرلری یاردیغی حالده وعدینه رغماً فلسفه طبیعیه دایر هیچ بر کتاب یازمامسنت حقیقی سابی ایضاح ایلیمز . « عقل محض انتقادی » ده تاصارلادیغی فلسفه سیسته منده فلسفه طبیعیه فیلسفه اخلاقیه عائد سیر یانه قدیم ایده جکی سویلدیکی وحی انتقاد صوکر یکی بر مابعد الطبیعه تأسیسینک پک قولای اولاجنی تحمین ایلدیکی حایده نهیه وایشی الک صوکرایه بر اقدی ؛ و بیوردن عمری وفا ایتدده یایدی تقسیمه نظر آ سیسته منده بر وسای قالدی : بونی ایضاح ایچون دها درین سملر آراملی بر .

« عقل محض انتقادی » انتشار ایدنجه مسایچه عراض فانت مسلکند نهایت حسبائیکه منجر اولاجی ایدی . چونکه اثرده وجود آلمنک ، بقای روحک . محسوسات فوقده هر نوع وجود عقلی اثبات ایدله مییه جکی سویلیوردی . اونک ایچون هامل ، هدهر فیلسوفی « بروساده بیشیش رهیموه » عدیتدیله دیگر بر طایفه منقدلرده عامک تماماً قلی و بنده غایه انفسی سر نطله وجوده کلدیکی ادعا ایندیکی ایچون انتقاد فلسفه سنک حقیقی والدینی بهر قله یک مسلکند کوردیلر . فیلسوف برده حسبائیکه ، ابتکاریه محضه (Idéalisme pur) ایله اتهام ایدلمکدن متاثر اولویوردی . اعتقادنک یکی بر یول اولدیغی ، هیومدن تماماً آیرلیدی کوسر مک ایچون « علم کی باقی اولوواجو مابعد الطبیعه مدخل ، عوانده کی اثرینی یاردی ، مختلف وریصلرله معرصرلرله جواب

ویردی. فقط سؤنفهمی بستیون ازاله ایچون بونلر کافی دکلدی. بالفعل تکذیب ایتلیدی. بونلک ایچون اختیار (Liberté) فلسفه‌سی، فلسفه اخلاقیه‌سی، « مابعدالطبیعی عادات » ی برآن اول یازمق ایستدی. بوسایه‌ده الهک وارلغنی، روحک بقا-نی اخلاق اوزرینه تأسیس ایلیه جک و معارضلرینه فعلاً جواب ویرمش اولاجقدی. اونلک ایچون موقه فلسفه طبیعییه عائد اشتغالاتی ترک ایتدی. اخلاق مسائلی اوزرینه دوشوندی، فلسفه اخلاقیه‌نی یازدی. بواننده واقعا بستیون فلسفه طبیعی‌نی اهلل ایتدی. « علوم طبیعی‌نک مابعدالطبیعی مبادی اولاسی » نی [۱] بوصیراده نشر ایلدی. فقط فلسفه طبیعی‌نک دیگر اقسامنه دائر یازمقنی و قیله تاصارلادینی بخنلری یازمادی. حتی (۱۷۸۵) ده شوتره کوندردیکی مکتوبده بحث ایتدیکی عقلی روحیات حقنده کی اثری ده هیچ انتشار ایتدی. نه ایچون؟ چونکه اخلاق فلسفه‌نک بوتون نتایجی اورتیه قویق، قانون اخلاقی‌نک الله، بقای روح حقنده کی ایمانک ناصیل مسندی اولایله جکنی کوسترمک، دینه بالخاصه موجوداتده کی شروقالق، کاسبانه دائر دوشونجهمی و اضحاً یازمق ایستوردی. بو اشتغالی صیراسنده و قیله فلسفه‌نک بر قسم مستقل اولارق دوشونمیدیکی بر موضوع قارشیسندده قالدی: « ذوق و حسن » ک ماهیتی. بونی ده « حکم لک انتقادی » عنوانیه یازدی. الحاصل قانت حسابیلک اتهامی بستیون اورتدن قالدی بر مق ایچون یکرمی سنه کی اوزون بر فاصله دن صورتکرا تکرار اخلاق بدقیقه‌نه عودت ایتدی. اونلک ایچون « فلسفه طبیعی » اقسامنک نشری هپ آتی به بیراقدی. عمری وفا ایتدیکی ایچون بر تورلوده اتمام ایلیه مدی. ذاتاً فیلسوفک « عقل محضک انتقادی » نک مقدمه‌سندنکی وعدی فضله بر قناعت و اطمینانه استناد ایلیوردی. قانت قبول ایتدیکی تقسیمات دائر دسندده فلسفه طبیعی‌نی یازمقسزین وجوده کتیره جکی اثرک « عقل محضک انتقادی » نظراً حجمی همان یازی درجه‌ده اولاجغنی و فقط محتویاتی اعتباریه یک زنکین بولونا جغنی سوبیلوردی. بو تخمین تجربه ایدلمکسزین اورتیه قونمش تماماً نصی بر قناعتدی. واقعا انتقاد فلسفه طبیعی‌نک یلان، اصولی تماماً چیز مشدی. فیلسوف بو اساس، بواصول دائر دسندده اثرک عادتاً کنیدیلمکندن ترتیب ایدیلویورم جکته قانمادی. حالبوکه موضوع قولایاقله بویلا نه، بواصوله انطباق ایدیویورمه یوردی. فیلسوفک بو مشکل قارشیسندده وعدی تماماً انجاز ایده‌مه‌سی ده قابلدی.

بوتون بوسایلری طویلایاجق اولور سهق قانتک سیستمه‌منده کی بوبوشلغک اسبابی تنور

ایدر . مع مافیه فانت فلسفه ضمیمه ، اصل مابعدالطبیعه دائر هیچ اثر نشر ایتمه مش دکلدر . «عکس فیزیکک مابعدالطبیعی مبادیسی حقنده یوقاریده بحث ایلدیکمز اثری یازمشدر . ذات فیلسوفک (عقلی فیزیک) دیدیکی قسمک مابعدالطبیعهک دیگر اقسامنه ظراً مهم بر رجحان واهمیتی وار . چونکه یالکمز بوقسم حقیقه علمی ، حقیقه شیئی بریقین حاصل ایده جک ماهیته در . دیگر قسملرک ، مثلاً « عقلی روحیات ، عقلی کونیات » ک موضوعلری هب تجربه ماوراسنده در . حالوکه فیزیکک موضوعی « طبیعت متحیزه » اولدینی ، یعنی طبیعت حیز داخلنده . مطالعه ایدیجهکی ایچون دأما مکمل وزمان ایچنه کیره و بویله جه ریاضی حسابیه تابع اولابیلمر . اولک ایچون فیزیکک قبل اولارق شرائطی نحری و تثبیت قاندر . بر ااین اولابیلمر زک تثبیت ایده جکمز بوشرائط عینی زمانده تجربهک ده شرطلریدر : فیزیکک موضوعی حیز داخلنده اولان ماده در . بوتون تجربه لرده حیز داخلنده اولور . اوحالده اولکینک قبل *à priori* بولاجفه ز شرطلری تجربهک ممکن اولابیلمه سنک ده ، هیچ سببه یوقکه ، شرطلدر . قات بونک ایچون اولا طبیعت مادهیهک مابعدالطبیعه سببه اشتغال ایتدی ، طبیعت مادهیه دائر او اوافق اثری یازدی . بوضورتیه اوته دنبری اک مهم هدی اولان « نیوتون فیزیکنی » قبل بر صورنده تأیید ایتشده اولوبوردی . فقط شوتره یازدی مکتوبدن صراحة آکلاسیلمرکه فیلسوف بو اوافق اثری بر طاسلاق عد ایلور ، ناتمام کورویوردی . بو اثری تاماملق ایچون عمرینک نهایتلرینه دوغری جوق جالیشدی . وفات ایتدیکی زمان « علوم طبیعییهک مابعدالطبیعی مبادی اولاسندن فیزیکه انتقال » عنوانی آلتنده یازلمش یوز الی صحیفهک بر مسوده بولوندی . فیلسوف بو یاریم قالان اثرله طبیعت مادهیه حقندهکی فلسفه سنی تاماملق ایستیوردی . اولاً اختیارلق و خستهلق ، صوکر اولوم بو آرزوسنک اتمامه مانع اولدی .

مع مافیه ایلک یازدینی رساله ایله بو ناتمام اثرندن قانتک عقلی فیزیک (*Physique rationnelle*) حقندهکی فکرلری ، تعبیر آخرله طبیعت مادهیه عائد فلسفه سنی استخراج یلک قاندر فقط مابعدالطبیعهک دیگر قسملری ، مبحث وجوده ، روح مسائله ، کونیته عائد هیچ بر اثری یوقدر . سببه ایدیله مزکه قانت بو بحثلر اوزرینه انتقاد ایله چیزیان حدود دأرمنده قالمق اوزره دوستونمکی رد ایتیبوردی ، مابعدالطبیعهک بو قسملرینک قابل تحقق اولمادیغنی هیچ بر زمان ادعا ایتدی . (۱۸۰۰) ده باصیلان منطقه دائر اثرنده « حقیقی فلسفه مابعدالطبیعه در ، حتی فلسفه اودر » دییوردی .

دیگر جهتدن کندیسی مابعدالطبیعه، خواجه سی ایدی، فیلسوفک بو وظیفه سنی جدیتله نلایق ایتدیکنسه و بناءً علیه بو درسک احتوا ایلدیکنی قبول ایتدیکی قسمملر اوررینه دوسوندیکنسه سهم ایدیه بیلیرمی؟ ذاتاً لازم کلدکجه مابعدالطبیعه نك بو اقسامی درسرنده تدقیق ایلور و بوخصوصده کی مطالعه لرینی سوبایوردی. بو درسلك ۱۷۷۵ - ۱۷۹۷ سنه لرینه یعنی انتقاد دورینه عائد قسمی طایفه سنك طوطدننی نوط دفترلی سایه سنده محفوظ قالمش، بو نوطلرك بر قسمی ده طبع اولونمشدر. عجبابو نوطلرله عقل محضك، عقل عمایك، حکملرك انتقادلرینه دائر اثرلرندن، بو دورده یاردینی مقاله و اوراق رساله لردن قانت مابعدالطبیعه حقنده کی فکرلرینی بر درجهیه قدر استخراج ایده بیلیرمی؟ کورولورورکه بوخصوصده خیلی منابع واردر. آنجق بونلرك تنوعی واکمه. قسمك طلبه سی طرفندن تدویسات انشاسنده طوتموش نوطلر حالده اولماسی فیلسوفک حقیقی فکرینه قطعیتله هود مایسکه مانع اولمقده و مختلف منابع آراسنده کی تباین منقذلری تردده سوق ایتکده در. ذاتاً بو نوطلره بویوک بر قیمت ده وریله مز. چونکه بر طرفدن فیلسوفک مخاطبرلی، طلبه سی فکرلرینی ایجه ضبط ایدمه مش، یا کلیش آکلامش اولابیلر. دیگر جهتدن قانت (باوم غارتن Baumgarten) ك مابعدالطبیعه یه دائر اولان اثرینی اساس عدا ایلور، اونك اوزرندن تدریس ائده بولونویوردی. بو یوزدن بو نوطلری طوتان طلبه سنك باوم غارته نك فکرلرله استادك قناعتلرینی قاریشدمش اولمالری، حتی بو کتابی اساس اتخاذا ایتدیکی ایچون بالذات فیلسوفک کندی قناعتلرینی تماماً ایضاح ایدمه مش بولونماسی ممکندر. بوندن باشقه بعض مؤلفلرك فرض ایلدکلی کی فیلسوفک کنج ذکارده بردنبزه عنعنوی مابعدالطبیعه نك تأیری سیلمکده محذور کورمش و اونلرك انتقاددن چیقاجق مثبت نتیجه لری هضم ایتمکسزین بالکسز منفی حکملره قابیلاجقلرندن قورقش اولماسی ده محتملدر. بوتون بونلر نوطلرله کتابلر آراسنده کی اختلافك سببی کوسترمکده و درسارنده دوغماتیک فکرلرله انتقاد قناعتلرك قاریشمش اولماسی ایضاح ایتلمکده در. بناءً علیه بو نوطلری قید احتیاطله تاقی ایلک و اوکا کوره نتیجه چیقارمق لازمدر.

مع مافیه بو منابعی فیلسوفک اثرلرله قونترول ایدهرک فیلسوفک مابعدالطبیعه حقنده کی نهائی فکرینی بر درجهیه قدر آکلامق قابلدر. رویسسن (T. Ruyssen) ك اثرده یابدینی طرزده بنده فیلسوفک بو خصوصده کی قناعتی قسماً خلاصه ایلجه حکم. آنجق

بو فوسلك اصل هدفی فیلسوفك طبیعت مادهیه حقننده کی نظریاتی ایضاح یلك اولاجقدر . چونكه اولاً دوغریدن دوعری به عقلی فیزیک حقننده یازلمش اثری واردر . بو خصوصده کی قناعنی صریح اولارق آکلامق فاندرد ، ثانیاً « عقلی فیزیک » تشبی رومانیتک فیلسوفلر اوزرنده چوق مؤثر اولمش ، (سهالینغ) ك فلسفه طبیعیه سنی تولید ایلشدر . فانتک بو خصوصده کی فکرلرنی آکلامق اون دو قوزنجی عصر استدالرنده بالخاصه آلمانلرده کی فلسفه طبیعیه جریانی ایضاح ایلکهده یارار . اونك ایچون « طبیعت مادهیه » به عائد قسمه همیت ویریورم .

قانت ناصل بر مابعدالطبیعه قبول ایدیور و اوکانه قیمت ویریوردی « عقل محضك انتقادی » بزم بو سؤاله قولایلقله جواب ویرمکله کمزه کفایت ایدر . فی الحقیقه فیلسوف بو اثرنده مابعدالطبیعه نك ساحه سنی کوسر مشدر . بر کره ارايه ایلشدر که عالم مادی آنجق عالم حادثدر . بناء علیه مادیونك یاپدیمی کی جسمه ، مادهیه ذات اشیا ، ماهیت اشیا ، ظریبه باقیلاماز . ثانیاً انصی (دوغماتیک) فیلسوفلر ك قبول ایتدکلری طرزده مابعدالطبیعه نمکن دکلدرد و بونك ایچون محسوسات فوقنده کی اشیا به مدرکه قاعده لری تطبیق ایدیله مز . یعنی اونلر حقننده علم قابل اولاماز ؛ اسک فیلسوفلر ك آکلادینی معناده مابعدالطبیعه تحقّق ایامیه مز . ثالثاً محسوسات ماوراسی یعنی مطلق حقننده علم قابل اولماسقله برابر انسانده مجموع انسانی بر وحدته ارجاع ایدر ك آکلامق میل فطرییه ده واردر . بوغیر قابل مقاومت میل عقلدن ایلری کلور ، تعبیر آخرله عقل محسوسات عالمی خارجنده برعالم معقولات (Monde intelligible) وجوده کتیریور . یالکیز تسوراسی محقق که عقلک تأسیس ایلدیکی عالمک قبعی صرف ذهنیدر ، یعنی بو عالم صرف ذهن بشرده واردر . اونك بر شیئی خارجی کی وجودی قطعاً اثبات اولوناماز . مثلاً الله ، روح بویه جه محسوسات فوقنده عقلک تصور ایتدیکی بر وارقدرد . بونلر ك وجودی صرف انصی ، صرف ذهنیدر . اونلر حقننده بر شیئی مادی کی علم حاصل اولاماز ، اشیا به تقابل ایلدکلری بیلنه مز . بو قید احترازی اونو توماق شرطیله عقلک محسوسات عالمی خارجنده بر معقولات عالمی تصور ایتسه هیچ بر مانع یوقدر چونکه عقلک استعمال ایلدیکی مادی مدرکه نککی کی حساسیت ایله محدود دکلدرد . او ، بالعمکس داتما حساسیت خارجه چیقار . ایشته فانتک تلقیسنه کوره مابعدالطبیعه نك موضوعی مثبت بر علم کی تلقی ایدله مک ، یعنی محسوسات فوقنده کی

نصورت لک بر سیتی خارجی به تقابل ایستیکی و یا ایتمیکی حقننده بر حکم ویرمه مت شرطیه عقلاً مفکوره وی بر عالم، بر عالم معقولات تأسیس انمکدر . بویه بر عالم قیمتی ایسه هبیچ شبهه یوق که ، ذهنیدر ؛ مفکوردیدر .

فانتک ماعد الطبیعه به دائر اولان دوسلرنده مبحث وجود (Ontologie) ه تعلق ایدن قسملری فیلسوفک « عقل محضک انتقادی » نده سرد ایلدیکی نظریات حرجنده مهم بر فکری احتوا ایلور . عقلی روحیات بحثنده ایسه بر کره انتقاده چیزدیکی حدود دائرده سنده ماده (Matérialisme) اعتقادی رد ایلور . جسم ، ماده بزم ایچون حادثه در ، تعیر آخرله حدس حسی به ، تفکره قابیلی اولان انسان ایله قائمدر . چونکه بزجه معلوم اولان ماده حساسیت ومدرکه اعانه سیله ترکیب اولونمش انطباعلردر . حساسیت ومدرکه کی یعنی فکری قالدیریکز ماده قالماز . ماده دیدیکمز شی بویه اولونجه ناصیل اولورده نفس کندیشنی ماده نك ، جسمک اثری ، فعلی اولارق دوسونه بیلیر ؛ بالعکس ، عقل محضک انتقادی قسمنده ویردیکمز ایضا حاندن ده آکلاشیلاجنی وجهله انا ، نفس متفکر ماده نك ، جسمک شرط وجودیدر . بوملاحظات فانتک قبول ایستیکی (افتکاریه متعال) فلسفه سنک نتیجه سیدر . [۱]

انتقاد نظر بنده « ماده » ، مذهبک اعتقادی دوعری اولامیه جنی کی روحیه (سپر . توالبزم) ک ادعای ده یا کیشدر . چونکه بومساک اربانه کوره بز دوعریدن دوعری به « روح » دیدیکمز جوهر بسیطی بیلورز . یوقایدده [۲] آکلاندیغمز کی حکملرمزده نحلی ایدن نفس یالکمز نسبتی وجوده کترین بر تصور « Concept » در . فقط بوتصور بر حدس ایله مترافق اولسادجه بر « شی Objekt » عد ایدیه مز . ایلریده کوره جگمز که یالکمز « عقل عملی » اختیاری حائر بر روحک وجودینه بزه ایناندر ایلیر .

روح حد ذاتنده « بسیط » اولارق ملاحظه ایدلک لازمدر . آنحق روحیه « سپر توآلیست » مذهبی اربانک ادعا ایتمکری کی بوساخت « غیر متجزیه » اولماسنه مستند دکدر . چونکه تحیزدن عاری اولارق دوعریدن دوعری به نفس حقننده بر علممز یوقدر . آنحق (انا) مزک تعقلی عیر قابل انقسام اولدیمی ایچون روحک بساطنه حکم اتملی یز . آنحقینه « روحیه » مذهبی

[۱] ۹۷ - ۱۰۰ صحیفه لر به باقیکمز .

[۲] ۱۱۰ - ۱۱۲ صحیفه لر به باقیکمز .

اربابك فرض ايتدكلرى كې بوبساطت اونك فاني اولماديغنه دلالت ايتير . واقعا بسيط اولان برشى مركب كې انحلال ايدهرك فنا بولماز . آنجق بويله بسيط قوت ده درجه درجه قدرتي ضايع ايدرك فنايه محكوم اولماسى قابلدور . روحك بقاسمه آنجق عقل عملينك بر موضوعه سى اولدينى ايجون اينانه بيايرز .

روح ايله بدن مناسبانه كلنجه بوتأيراي ماده و روحى آيرى آيرى ايكي جوهر عد ايدهرك اونلوك مناسبانه عطف و حمل ايتك دوغرى دكلدر . بدن دېكر موجودات ماديه كې حادثه در ، روح ده انتقادك اثبات ايتديكى وجهله بدن اوزرينه مؤثر بر علت فرض ايديله من . چونكه بزم مدركه ايله بيله جكمز علت حادثه اولور و بناء عليه دېكر بر عاتق محتاج بولونور . « روح » ك بدن اوزرنده كى مؤثرى كې مختار فرض ايديله جك بر علت بزم ايجون قابل علم دكلدر . شو حالده روحله بدن مناسبتي آنجق « عقلى intelligible » بر نسبت عد ايتلىز . اويله اولدينى ايجون بو مناسبتك ماهيته علم حاصل ايدهمه يز . بالذات روحك وجودى كې ، بومناسب ده آنجق عقل عملى به مستند برايمان اولاييلير . كورولويوركه فيلسوف مابعدالطبيعه نك بر قسمى اولارق فرض ايتديكى « عقلى روحيات » بختنده همان هيچ بر شيتى حل ايتيور ، بوخصوصده كى درسلىرنده بكي هيچ برفكر اورته به قويمايور . كنديسى ده بو بحثه عائدك صوك درسلىرنده عقلى روحيات آنجق ماديه (ماترياليزم) مذهبك ردينه يارار اوقدر . ديبور .

فيلسوفك كونياته عائد درسلىرينه كلنجه بو بحث بر بارچه ده واسعدر . كونياتك موضوعى اولان مكنونات ، يا خود عالم (Welt) « حقيقى رابطه ايله بيرلشمش جوهرلرك مجموعى » ديمكدر . بويله مجموع اشيا آنجق عقلده بر تصور حالده واردور ، برفكر در ، فقط اونك حقتده هيچ بر حد سمنز يوقدر .

حادثات نقطه نظرندن بزم ايجون تك بر عالم واردور . يعنى عالم محسوسات بر در . چونكه محسوس اولان هر شى مكان داخلنده در . مكانده وحدت اولدينى ايجون اونك داخلنده تماماً يكدىكرندن آيرى جوهرلر ، عالملر فرض ايتلكه امكان يوقدر . فقط ذات اشيا اعتباريله مسئله بويله دكلدر . ذات اشيا به ، وجود عقلى به محسوسات نوعندن مكان اضافه ايدهميه جكمز ايجون عقل بك اعلا مكان خارجنده يكدىكرندن تماماً آيرى عالملر

فرض ایده بیلیر . بوحالده شوم مسئله مواجهه سنده قالیرز: عجبا ذات اشیا یکدیگر نیدن تماماً مجرد میدرلر ؟ بربرلیله بیرلشمشیدر ؟ متقابلاً مناسبات درونیه ده می بولونویورلر ؟ لاینسیج هربری بر جوهر اولان موندلری تماماً یکدیگر نیدن مجرد فرض ایش ، یالکیز تحولاتنده آهنگ ازلی (Harmonie préétablie) قبول ایتشدی . مالبراننده جوهرلر ، یعنی ذات اشیا آراسنده ارتباط بولوندیغی قبول ایتمه مش ، اونلرک تحولات و کیفیاتی آراسنده کورولن مناسبتی (علت عادی Cause occasionnelle) ایله ایضاح ایتشد . (۱) قانت ذات اشیا آراسنده کی مناسبتک نه آهنگ ازلی ایله ، نه ده علت عادی مذهبی (Occasionalisme) ایله قابل ایضاح اولامیه جغنی ، سوبلور . شوحالده ذات اشیا « نومنه » متعدد ایسه اونلر بیننده ناصیل بر مناسبت جاری اولایبیلیر ؟ فیاسوفه کوره بونلر آراسنده کی مناسبت آنجق هبسنک (الله) طرفدن مخلوق اولماسنه بنام علیه برمشادن ظهور ایتمش بولونماسنه استاد ایله بیلیر . تعیر آخرله ذات اشیا آراسنده کی ارتباط آنجق (الله) فکریله قابل ایضاحدر .

[۱] لاینسیج جوهرلری ، منی ، موندلری یکدیگر نیدن تماماً آبری عایدیور و بولری مستقل بر عالم فرص ایلدوردی . مالبراننده جوهرلری یعنی (روح) یله (بدن) یا خود (ماده) بی ینه بوله بربرندن آبری فرض ایلور و یکدیگریه حقیقه مؤثر اولایله جکئی قبول ایتدوردی . شوحالده کرک لاینسیج ، کرک مالبرانیش عینی سؤال مواجهه سنده ایدیلر . مادام که ماهیت اشیا ، جوهر بربرینه مؤثر دکادرلر ، اوحالده ناصیل اولویورده ایشیاک تحولاتی آراسنده برنسبت بولویورز ؟ ناصیل اولویورده برنسبتک ، بلا بدنگ تحولی روح دهده تبدیلی اقتضا ایلور ؟ بویکی فیلسوف بومشله بی بربرینه یک یاقین ایکن فرضیه ایله حل ایتدیلر . لاینسیج ذات ناری طرفدن تنظیم ایدلش بر آهنگ ازلیک . موندلر آراسنده کی بوتوامتی نواید ایتدی کی قبول ایتدوردی . قارش قارشی به قوغش ایکی ساعتک عینی زمانده عینی دقیقه کی کوسترمی ناصیل ساعتی بابانلرک عینی هدف ، عینی غایه کوره بولری ترتیب ایلرندن متولد ایسه موندلر آراسنده کی بوتوافق ده بولهجه صانع عالمک آهنگ ازلی قانونی ایتاید . مالبراننده کوره ایسه ایشیاک هربری اوزرینه مؤثر کی کورونمی حقیقی دکلدور . برشینه کی تحول دیگرینک تحولی ایچون اراده آللهیه نک تملقنه بروسیله (Occasion) اولقه ددر . ناصیل ایکی ساعت آراسنده کوردیکمز توافقی بربرینه تأثیر ایلندن متولد دکله ایشیاک تحولاتنده کی توافقه ده یکدیگریه مؤثر اولماسنک ، برشینه کی دیگر تبدیلی بالضروره ایجاب ایدرهک اونک علت حقیقه سی بولونماسنک نتیجه سی دکلدور . بالعکس برنده کی تحول دیگرینک تبدیلی ایچون علی العاده بروسیله اولویور و حقیقی علت اولان اللهک اراده سنک تملقنه بر سبب عادی اولویور .

ایشته جوهرلری یکدیگر نیدن تماماً آبری و مجرد فرص ایلنلرک اراده توافقی ایضاح ایچون اورتبه قوبدقلری ایکی نظریه ... دقت ایدیلیرسه آهنگ ازلی فرضیه سیله علت عادی نظریه سی یکدیگریه یک یاقیندر و عینی مشکلک حلنی استهداف ایلر .

مع مافیه نه وقت بز ذات اشیا آراسنده، جوهر لر پیننده کی مناسبی تصور ایتک ایسترسه ک مخیه من حادثات آراسنده کی ارتباطه قیاس ایله و بناء علیه بورابطه نك صورتی اولمق او زرده مکانی دوشونور. نته کیم «الله هر یرده حاضر در» دیرز و بوضو رتله بوتون اشیا نك وجود مطلقدن نشأت ایتمکده اولدیفنی واللهم بوتون اشیا یی احاطه ایلیه جك وجهله موجود بولندیفنی افاده ایتک ایستیه رك آرا ده کی آهنگی، ارتباطی ارائه ایتک چالیشیرز. فقط بو دستور دن تماماً رمزی بر معنا آکلاملیدر، یعنی جوهر لر آراسنده کی مناسبی حادثات پیننده کی مناسبیتک عینی فرض ایتمه ملی، مکانی ذات اشیا پیننده کی مشترک بر صورت حقیقه ظن ایلیه رك وجودیه (Pantheisme) مسلیکی اربابی کبی دوشونمه ملیدر. فیلسوفک بو قید احترازیسه رغماً نظریه سی سینوزانک وجودیه مسلکته مشابه کورنلر واردی. یاقوبی (Jacobis) سینوزانک مسلکته دائر مکتوبلرنده قانتک «عقل محضک انتقادی» نك ده وجودیه، (بانتیه یزم) «متوجه بولوندیفنی سویلیور»، «قانتک قبول ایتدیکی وجود حقیقی، اشیا نك مابه الوجودی (Ens realissimum) ایله سینوزانک جوهری آراسنده یاقین بر مناسبت یوقیدر» دیوردی [۱]. فیلسوف بو اسناده قارشى همان «برلینک هفتقه لق مجموعه سی» ایله جواب ویردی. سینوزانی ریاضی بر صحت و یقین ایله ذات اشیا به انتقال ایدن و مسلکی بالنتیجه تعصبه منتهی اولان بر فیلسوف عد ایدیور. کندی نك قبول ایده. بیله جکی «الله» «مکان اسناد ایدیه میه جکفی تصریح ایلوردی. قانتیه کوره «الله» سینوزانک تصور ایتدیکی کبی ماقعک مجموعه دکلدی. یالکز اشیا او سایه ده تحقق ایدیور، ترتیب و تنظیم ایدیور. خلاصه «الله» مصدر حقایق در، ناظم اشیا در. فقط وجودیه مسلکی اربابنک ایناندیفنی کبی عالمده کوردیکمز اشیا و کیفیاتی محتوی عد اولونا ماز.

فیلسوفک مابه الطبیعه نك درونجی قسمی اولان الهیات حقیقه کی درس لری ده او اسعدر. فیلسوف بو درس لرنده اثبات واجب ایچون نصی (دو غمایدست) فیلسوفلرک اورتیه قویدق لری دلیل لری تنقید ایلور. قانتک بوتنقیدلرینی یوقاریده کوردک [۲]. «الله» ک قانون اخلاقیه [۱] ۱۳۵ نجی صحیفه یه بانیکز. معلومدر که قانتک وجود حقیقی دیدیکی «الله» تصویری بوتون حقایق ممکنه یی جامعدر. سینوزانک جوهری ده اویله در. یاقوبی بو اعتبارله: که آرا ده مناسبت کورشدی.

استاناداً ناصیل ایمان حالنده تأسیس ایدیه جکفی ده فلسفه اخلاقیه سندن بحث ایتدیکمز زمان مطالعه ایلیه جکمز . بناء علیه بوراده عقل عملی به استناداً الهیه ایمان ایتدکدن صوکر اوکا عطف ایدیه جک صفتلر حقهده کی مطالعاتی نقل ایلیه جکمز .

بر کره عقل عملی الهیه ایمان ضرورتی وضع ایتدکدن صوکر « الله » ک اوصافی تمیز ایده بیلیرز . بونک ابجون بر طرفدن نصی فاسوفلرک، دیگر جهندن انسانه تعلو ایدن اوصافی ذات بایه حقیقه عطفه قالقانلرک تلقیلرندن اجتناب ایتک لازم کلیر . نصی فاسوفلر الهی بر « شی » ، بر موضوع علم فرض ایلرلر . فلسفه انتقادیه « الله » ک صفاتی تعیین ایلرکن اول امرده بو نظریه نک قیمتی اولمادیغنی کوستره که مجبوردر . انتقاد بو خطادن توفی ایلک اوزره اولاً الهی عالم خارچنده مدایدر ، بناء علیه « روح عالم » فرض ایدنلرک ، هر هانکی صورتله اولورسه اولسون ، عالم داخلنده کورنلرک فکریلرینی رد ایلر . ثانیاً الهی آنجق بسیط بر قوت ، بر موفاد فرض ایده بیلیرز . بناء علیه مادی (ماده ریالیست) مذهبی اربابی کبی نه صورتله اولورسه اولون اوجا ماددی بروصف عطف اولونامار . ثالثاً فیلسوف الهی بذاته کافی عد ایلر ، بویه جه اونی بره جوهر نامتناهی ، تلقی ایلنه ک دوغری اولیه جغه فاعدر . چونکه نامتناهی انسانک اولچمه سی ، تقدیر ایله سی قابل اولمیان معناسه منفی بر صفتدر . نهایت الهی « مریده حاضر و ناظر » دیرز . فقط بوندن بر نوع تمکینی قطعاً قصد ایله مدیر . بلکه بونک معناسی حقیقه ک آنجق الهی ک تأثیریه ممکن اولدیغدن عبارتدر . صفات الهیه انسانده بولونان بعض اوصافی عطف ایتکه کلنجه بو صرف عادی بر تمثیل اولدیغنی اونوتولماق شرطیه قبول ایدیه بیلیر . الله علیمدر ، مریددر . . الخ دیرز . فقط عطف ایلدیکمز بو صفتلرک قیمت حقیقه سی یوقدر . بوندن آکلاسیلاجق معنا هر شی بزده محدود حالده بولونان قوا و ملکات معنویه نک اک یوکسک درجه کالی الهیه وارمش کبی جریان ایلکده در . یعنی الهیه همه حال بو صفتلرک درجه کال حالنده موجود اولدیغنی بیهه یز . یالکمز بو صفتلرک بویه کال درجه سنک الهیه موجود اولونامی ممکندر . فائتک خلقت مسئله سی حقهده درس لرنده مهم بر افاده سی وار : فیلسوفه کوره (الله) هم خالق عالم ، هم ناظم کائناتدر . شو قدر که انسانلرک بیلدکاری حادثانک دکلر ، بلکه ذات انسیا Chose en soi نک خالقیدر . حادثاتی وجوده کترین بزم حساسیت مزدر . بناء علیه الله ذات اشیا نک تظاهری اولان حادثه لرک صانی ، خالق دکلدر . ذات باری آنجق بزم حدس ، دوغریدن دوغری به بیلکی قدرتمزک عاتی اولابیلیر . یوقسه بو قدرت اعانه سیله

حصوله کان حادثات دوعربدن دوعربى به اونك اثرى دكلدر . بونك عكسنى فرض ايتسهك يعنى حادثاتك علتى دوعربدن دوعربى لاهده كورسهك ذات بارينك ده زمان داخلنده بولونماسى لازم كلير . چونكه حادثات زمان داخلنده مدرك اولدينى كې علنك ده زمان ايچنده اولماسى ايجاب ايدر . حالبوكه الله زمان خارجنده در . بناءً عليه خلقت زمان وقوى مسئله سنك ، علم ارلى الهى تصويرينك مابعدالطبيعه ساحه سنده هيچ بر قيمتى بوقدر .

ايسته قانتك انتقاد دائره سنده تأسيس ايتك ايتديكى عقلى كونيات ، روحيات ، الهيات حقنده درسلىرنده ايصاح ايتديكى بعضى فكرلر . . . قانت بزه مابعدالطبيعه نك آنجق طبيعت ماديه ، كندى اصطلاحنه كوره عقلى فزيكه دائر اولان قسمى حقنده طاسلاق حائده اولسه بيله كندى قلمندن چيقمش ايكي اثر بيراقشدر . اصل حائز اهمت اولان ده بوقمدر .

عقلى فزيك

طبيعت ماديه

طبيعت ماديه نك قبلى شرائطى تحرى ايدن عقلى فزيكك فلسفه طبيعه نك ديكر اقسامنه نظراً مهم بر رجحانى وار . مابعدالطبيعه نك يوقارنده كوردېكمز ديكر قسمه لرينك موضوعلرى تجربه داخلنده اولمادىي حالده فلسفه ماديه نك موضوعى حيز داخلنده ماده در . بناءً عليه حدس نك موضوع بدر . مابعدالطبيعه نك عقلى فزيكه لك ياقين قسمى قانتك تصنيفنه كوره عقلى كونيات (Cosmologie) در دكلې ؟ بوقارنده كورمشدك كه عقلى كونيات (قوزمولوژى) ك موضوعى ديكديكرينه رابطه حقيقه ايله مربوط اولان جواهر ، يعنى هيئت عموميه سيله مكونات وعالم در . بو عالم بزم ايچون محسوس دكلدر . حالبوكه عقلى فزيك ماده نك قبلى شرائطى آزار . ماده حيز داخلنده اولديي ايچون اونك بولوناچق قبلى شرائطى عيى زمانده تجربه نك ده شرطيدر . اونك ايچون عقلى فزيكك مشخص اولارق شو تجربى علم ساحه سنده تطبيقى نيوتون فزيكىنى وجوده كتير مشدر . فى الحقيقه نيوتون فزيكنده قبلى *à priori* ايله حسى *Sensible* تجربه داخلنده يرلشمشدر . نه ايچون ؟ چونكه حادثات ماديه اوچ بعد ايچنده ، يعنى مكان داخلنده در . مكان داخلنده اولان هر شى ايسه بالرياضيه بيانه بيلير ، يعنى قبلى اولارق تشكيل ايديله بيلير .

مادام که مدرکه قبلی اولارق طبیعت حکم ایدیسور، تعبیر آخرله قبلی قانونرله اسیایی تعیین ایله یور، بو حالده مفکره ایله شی آراسنده بر تماس نقطه سی بولماقمز لازمدر، او صورتله که مدرکه ماده نك بوتون اوصافنی اونقطه یه، اوکیفته ارجاع ایده بیاسین . مدرکه ایله شی آراسنده کی بو واسطه، ماده نك بوتون کیفیاتنك ارجاع ایدیه جکی وصف، سنهه یوق که، حرکتدر. فی الحقیقه عالم خارجی حرکت سایه سنده بزم اعضا مزه تأثیر ایدر، دیگر جهندن مدرکه ماده نك بوتون اوصافنی، بوتون کیفیاتی « حرکت » ارجاع ایله بیلیر. بناء علیه « حرکت » ماده نك مابعدالطبیعه نك تملی، اساسی اولور .

بر کره مدرکه ایله سیئی مادی آراسنده بو خط وصل بولونقدن صوکر ماده نك مابعدالطبیعه سنی تأسیس قولایلا سیر. فی الحقیقه مادام که تصور ایتدی کمز بو مابعدالطبیعه مدرکه نك مقولاتنك ماده یه تطبیق ایله حصوله کله جکدر. شو حالده مقولاتنك درت طاقنك یعنی « کمیت، کیفیت، اضافت، جهت » ک تطبیقه کوره شی محسوسک، ماده نك باسقه بر تعبیرله « حرکت » ک درت نوع ایضاح و تعریفی قابل اولور. بو صورتله عقلی فیزیک ده درت قسمی آیرایلا بیلیر. ماده یی صرف کمیت جهندن نظره آله (فورونومی) [۱] یعنی مبحث حرکتی، کیفیت نقطه نظرندن تدقیقی مبحث قوانی Dynamique اضافت جهندن تدقیقی میخانیکی جهت نقطه نظرندن مطالعه سی ده فنومه نولوژی (Phénoménologie) یی تشکیل ایدر .


اولا ماده یی صرف کمیت نقطه نظرندن مطالعه ایدلم، یعنی ماده یی هر تورلو کیفیات حسبیدن عاری اولارق مکان داخلده متحرک بر نقطه فرض ایدلم . بو حالده بو نقطه مجرد نك حرکتی بر حرکت دورانیه Mouvement de rotation اولاماز. چونکه هر حرکت دورانیه ده بر محور لازمدر که اوده آنجق بر خطدر. بو حالده حصوله کلن حرکت آنجق بر حرکت مترقیه Mouvement progressif تعبیر آخرله بر خط اوززیده تبدیل موضع اولور . فانت بو نوع حرکتده یالکز حرکت مستقیمه یی نظر اعتباره آلیور. چونکه حرکات منحنیه و متحوله متحرکه باسقه بر قوت تأثیر ایدرک اولک محرکنی و سرعتی دیکشدر مسیله حصوله کله بیلیر. بز بو بحثده ماده یی متحرک بر نقطه فرض ایتدی کمز و باسقه قوتلرک تأثیرندن آزاده اولارق ملاحظه ایله کمز ایچون بالطبع حرکت متحوله و منحنیه موضوع بحث اولاماز. بویه بر نقطه نك یاناجنی حرکت مستقیمه و متساویه مک سرعتی [۱] قانت «فورونومی» عوانی ویریکی قسم آیه ردن ری میخانیکده (Cinématique) دینیلن مبحث حرکتدر . بومیه نك موضوعی حرکتی علتدن، محیطندن نظم نظره مطالعه در.

زمان و مکان بسیط بر قدرت فرض ایدلیکی و سرعت (v)، زمان (t)، مکان (m) ایه کوسترلیدی تقدیرده شودستورله افاده اولنور: $\frac{t}{m} = v$. بناء علیه هر حرکت سرعته . یعنی بودستورله اولچولور .

حرکت مترقیه Mouvement progressif ایه متحرک اولان بر جسم اطرافنده بولونان اشیای مادییه واونلری احاطه و تحدید ایدن مکانه نظراً موضعی دیکشدریور دیمکدر . اشیای بوصورتله احاطه و تحدید ایدن مکانه اضافی و تجربی مکان Espace empirique ou relatif) در . مکان اضافی معین اشیای احاطه ایدن مکان اولدیفنه نظراً بالطبع محدود و احاطه ایدلیکی ماده کبی دهها واسع مکانه نظراً متحرکدر . مکان مطلق ایسه بوتون بو محدود مکانلری احتسوا ایلر ، کندیمی غیر محدوددر ؛ بوتون حرکات کندی داخلنده اولور ، فقط بالذات کندیمی غیر متحرکدر . شوحالده حرکت مترقیه بر متحرک ایه اونی احاطه ایدن مکان آراسنده کی برنسبتدر . بویه اولدینی ایچون بر حرکت مترقیه ده بونسبتک ایکی طرفنی تشکیل ایدن ماده متحرکه ایه مکان اضافیک هانکیسنک حقیقه حرکتنده اولدینی قبل اولارق تعین ایدیلهمز . مثلاً بیلاردو سانه سی اوزرنده بیلاردو طاشنک مکان مطلقه نظراً موضعی دیکشدرمی قبل اولارق هم طاشنک مکان مطلق داخلنده حرکتله ، همده طاشی سا کن فرض ایدرک اطرافنی تحدید ایدن مکانک عکسی استقامتمده و عینی سرعتله حرکت ایدلیکی قبول ایشکله قابل ایضاح اولایلیر . ایشه مادهنک حرکتله اونک اطرافنده کی مکان مادینک عکسی استقامتمده کی حرکتی آراسنده کی معادلت فورونومینک قانته کوره اک مهم متعارفه سنی تشکیل ایلر .

بو متعارفه فورونومینک باشایجه موضوعی اولان مسئلهلری حله خدمت ایلر . فی الحقیقه عقلی فیزیکک ایضاح اتمسی لازم کان اک مهم مسئله حرکتی ناصیل اولوبورده مدرکنک تشکیل ایدلیکی برکیت حالنده ملاحظه ایده بیلدیکمز تعیر آخرله ناصیل حرکتی مکانی بر مناسبتله ارجاع ایلده بیلدیکمزددر . مثلاً مقداراً مساوی ایکی حرکتی مساوی خط حائده تصور ایدیوروز . عجیباً ناصیل اولوبورده حرکتی بویه بعده ، بویه خطله ارجاع ایده بیلوروز ؟ یوقاریده سویه دیکمز متعارفه بو مسئلهنی تماماً حل ایدر . مثلاً بر (ب) نقطه متحرکسی فرض ایدلم . بونقطه متحرکه عینی زمانده ، عینی استقامتمده ، بکریکریته مساوی بر

حرکت وجوده کتیر سین. بوفرضیه کوره (ب) نقطه متحرکه سی (س) استقامتمنده مضاعف بر حرکت احرا ایلش اولاجقدر. بر متحرک عینی استقامتمنده وعینی زمانده ایکی



حرکتک بالحدس تشکیلی غیرممکن کورونور. آنجق بوحرکتلردن برنی متحرکه عائد فرض ایدر، ایکنجیسی متحرکی احتوا ایدن مکان اضافییه متعلق اولارق قبول ایلر س اک یوقاریده سویلدیکمز متعارفه موجبجه سویله دییه سیلیرز: (ب) متحرکی (س) ه دوغری حرکت ایدرکن متحرکی احتوا ایدن مکان اضافیده عکس استقامتمنده یعنی (چ) دن (س) ه دوغری عینی سرعتله حرکت ایدیوردی. او حالده که (ب) متحرکی (د) ه کلدیکی زمان مکان اضافیده (ب س) ه مساوی اولق اوزره عکس استقامتمنده (س چ) ایله کوستردیکمز برخط قطع ایلش اولور. بو حالده (ب) متحرکی (س) حرکتی یانجه مکان اضافیده عکس استقامتمنده متحرک فرض ایتدیکمز ایچون (چ) نقطه سی (س) ک اسکی بولوندیغی یه کلیر ومتحرکده اوراده بولونور. شو حالده (ب) متحرکی مضاعف حرکتده بولونمش اولویور. بوحرکتلردن بری بالذات متحرک کندی حرکتی دیکری کندی محیط اولان مکان اضافینک حرکتیدر وبوایکی حرکت مساوی اولدیغنه کوره متحرک بومضاعف حرکتی (۲ ب س = چ) اولور.

شیمدی ایکنجی رحال ملاحظه ایدم. (ب) متحرکنک مضاعف حرکتی (ب س) (ب و) کی ایکی خط اوزرنده وعکس استقامتمنده بولونسون.



بو حالی تصور ایده بیلیمک ایچون دییه سیلیرز که (ب) متحرکی (ب س) استقامتمنده حرکت ایدرکن مکان اضافیده عینی سرعتله (ب و) استقامتمنده حرکت ایلور. بو حالده (ب) متحرکی مکان اضافی داخلمده آلدیغمز (و) نقطه سندن دایما عینی مسافهده یعنی (ب و) ه مساوی بر مسافهده بولونور. بناء علیه حرکت یوق دیمکدر.

عینی طرزده ایکی حرکت متساویه نلک بر معینسک قطرلری کی بر زاویه ضلی

تشکیل ایده بیهیجکی اثبات اولونابیایر . خلاصه حرکات مستقیمه خط مستقیم کبی یا بر زاویه یا خود عنی ویا عکسی استقامتدرده ایکی خط مستقیم تشکیل ایدیه جک وجهله بر نقطه اطرافنده جمع اولونابیایر . بر نقطه متحرکه نك وجوده کتیره جکی حرکتدرده بوشکالردن عبارتدر . بومطالعات بزه حرکتک بعده ناصیل ارجاع اولونابیایه جکبی ، حرکتیه ناصیل ریاضی بر صورت وبردیکمزی ایضاح ایدر . فیلسوف ده ذاتاً فورونومی بحثنده بالحاصله حرکتی ناصیل هندسی بر شبکه صوقابیایورز؟ مسئله سنی حل ایلمک ایستیموردی . وبونی عقلی فیزاق ایچون چیزدیکی بلان دائره سنده یا بمق یعنی حدس حسینک بزم ایچون دوغروندن دوغری به معطا اولان شرائطی خارجنده هیچ برشیدن ، تجربی معلوماتدن استعانه ایتمکسزین حل ایلمک لازمدی . نته کیم اویله یاپدی ، حدس حسینک صرف قبلی شرائطه کوره حرکتک ناصیل تشکیل و تصور ایدیه بیهیجکبی آرادی . بر نقطه نك حرکتی مکان اضافینک حرکتیه ، یعنی هندسی بر تبدله ارجاع ایدیه بیهیجکبی کوسترمکله بومسئله یی حل ایلمش اولویوردی . قانت بوضورتله حقیقه قلی اولارق حرکتک هندسه سنی تأسیس ایلمش اولویور . زمانزده میخانیکک مبحث حرکتی یعنی سینماتیک (Cinématique) ده فیلسوفک نقطه نظری حرکات متحوله ومنحنیه به تطبیق ایتمکدن باشقه برشی یاپمایور .

یوقاریکی بحثده ماده یی مکان داخلنده بر نقطه متحرکه اولارق نظره آلاق . فقط حقیقته جسم بویه ریاضی نقطه لره ارجاع ایدیه مز بناء علیه ماده اشکال ریاضیه کبی مدرکه طرفندن تماماً تکوین و تشکیل ایدله مشدر . بلکه بزم ایچون معطا (Donné) در ، اونی حس ایدرز . بناء علیه ماده ده قارنک قبول ایستدیکی طرزده حیزه ارجاع اولوناماز . اویله اولسه ماده نك ذهنمزك قبلی اولارق تشکیل ایستدیکی اشکال ریاضیه دن عبارت اولماسی لازم کلیر . بالعکس ماده اوحیزه املا واشغال ایدن شیدر . بونک ایچون یالکیز بر نقطه متحرکه یی تدقیق ایاین فورونومی فیزیکی تأسیس ایدمه مز .

یوقاریده ده دیدیکمز کبی حقیقی ماده مکانی املا واشغال ایدن شیدر . مکانه ملو اولسی نفوذ ایتمک ایستین هر متحرکه فارشی اونک مقاومتی دیمکدر . شوحالده مکانک ملو ومشغول اولدیغنی بومقاومتدن آکلایورز وبونک ایچوندرکه ماده یی مقاومت وبناء علیه قوت (Force) اولارق تصور ایتمک مجبور اولیورز . ماده نك کیفیت نقطه نظرنندن تدقیقه

عائد یا بیلاجق علم بومقاومتی، بوقوتی ملاحظه ایدیه جکمه کوره مبحث قوت (Dynamique) اولماسی اقتضا ایلر .

ایکی قوتی نقطه هندسیه حالتده ملاحظه ایدیه جک اولورسه ق بونلرک یکدیگریله اولان مناسبی محقق خط مستقیم اوزره اولور. (ب س) کی برخط مستقیم اوزرنده ایسه آنجق ایکی تورلو، ایکی طرزده قوت ملاحظه اولونا بیلیر؛ تعبیر آخرله بو حرکتلر یا (ب) دن (س) . یا خود (س) دن (ب) یه متوجه بولنور. برنجیسنه دافعه (Repulsiv) دییه جک اولورسه ق ایکنجیسی جاذبه در . شو حالده هر قوت یا دافعه و یا جاذبه در . بوا یکی قوتدن ماده یی اصل تشکیل وتکوین ایدن هیچ شبهه یوق که دافعه در . چونکه بر محک ، بر مکانک ماده ایله حقیقه اشغال ایدلمش اولماسی یوقاریده ده سوبلیدی کمز کی دیگر بر ماده نک اورایه نفوذینه قارشى مقاومت کوسترمسيله قائمدر . ماده نک انبساطه والاستیقته قادر اولماسی ده اجزاسنده کی دافعه قوتندن باشقه برشی دکلدرد. آنجق هر ماده نک کوستردیکی مقاومت مختلف درجه ده در . چونکه اجسام نامتناهی درجه ده تضییقه معروض اولا بیلیر. وبوتضیق ایدلجکه عدم نفوذ قدرتی زیاده ل شیر. کورولیور که قانته کوره عدم نفوذ اضافی (Relatif) در [۱]

ماده اشغال ایدیکی مکان کی نامتناهی قابل تقسیمدر . آنجق بوقابلیت تقسیمدن نه آکلاملی؟ برکهر اسکی آتومیستلرک قبول ایتدیکی کی ماده نک حقیقه نامتناهی کوچوک اجزاسی بولندینی فکری دوعرو اولاماز . چونکه ماده مکان حدسی داخلده در. مکانک انقسامنک بر حده منجر اولسی قابل تصور دکلدرد . دیگر جهندن مکان داخلنده ملاحظه ایدلدی کمز ماده بالطبع حادثه در . البته ذات اشیا (Chose en soi) اولاماز. شو حالده موضوع بحث اولان قابلیت تقسیم حادثیه عائددر . آتومیستلرک قبول ایتدیکی طرزده ماده نک انقساميله آتوم دینلن و ماده نک عنصر اساسیسی عد ایدیه بیلله جک جزء فردلر بولوناماز.

دافعه ماده یی تکوین و تشکیل ایدن ایلک قوت اولدینی کی جاذبه ده ماده یی وجوده کترین ایکنجی قوتدر . جاذبه اولماسه ماده یالکیز دافعه نک تأثیری آئنده قالیر و اووقت (۱) ده قارنه کوره حیزبذاته عدم نفوذی حائردر. بناء علیه عدم نفوذ بوفیلدیه کوره حیزک وصف اساسییدر . بناء علیه مطاندرد. ده قارنک ماده ده کی مقاومتی هیچ حسابا قاعامسی فیزیک نظریه سنده اک بوبوک نقصاندر . بوبختر حقنده ده قارت فلسفه سنه باقبکر .

نامتناهی درجه‌ده داغیلوب کیدر . نته‌کیم دافعه اولماسه جاذبه‌نک تأثیری آلتند . بر نقطه هندسیه حاله انقلاب ایلر . هرایکی تقدیردهده حدودی مین بر مکان واونک داخلنده تقدیری ممکن بر کیتی حائر ماده بولامایز .

جاذبه آرالزنده مسافه بولونان جسملر بیننده وخلادن کچه‌رک واقع اولور . بناءً علیه تماس جاذبه‌یی وجوده کثیر من . زیرا تماس ایدن جسم وقیله آیری اولمی که جاذبه‌نک تأثیرینه معروض بولونابیلین . قوه دافعه ایسه بالعکس تماسه و قریب اولان جزء لر آره‌سند . انتقال ایله موثر اولور .

قوت ماده‌نک بتون اجزاسنده حال فعالیتده اولدیغی ایچون جاذبه ماده‌نک مقدار یله متناسبدر . بناءً علیه اجزاسی فضله ، یعنی کتله‌سی بویوک جسملرده جاذبه قدرتی کتله‌سی کوچوک اولاندن ده‌ها زیاده‌در . دیگر جهتدن جاذبه مسافه آراسندن مؤثر اولور . ایکی جسم آراسنده کی مسافه مکانیه ایسه نامتناهی درجه‌ده متحول بولوندیغی ایچون هر قوتک دوننده دیگر بر قوت ملاحظه اولونابیلیر . چونکه هر هانسی مسافه‌دن ده‌ابویوک دوسونوله بیلیر . شوالده مسافه آرتدیجه جاذبه آزالیر . آنجق بوقوت صفره منجر اولابیلیرمی؟ خایر ، مسافه جاذبه‌یی آزالتیسه‌ده صفره منجر اولماسی ایچون هیچ بر سبب یوقدر .

بونک ایچوندر که جاذبه مسافه‌نک تابعی (Fonction) در . فرض ایدم که بر ماده‌نک بتون اجزاسی عینی قوتله جذب ایدلمش اولسون . بو حال جاذبه قوتی مرکزنده تجمع ایتمش دائروی بر ماده‌ده واقع اولور . جاذبه‌یه معروض اولان ماده‌یی دائره محیطنده اولارق قبول ایتدیکمز ایچون بونک بتون اقسامی مرکزندن عینی مسافه‌ده واقعدر . بناءً علیه عینی قوه جاذبه‌یه معروضدر . جاذبه قدرتی آزالینجه بالطبع ماده مرکزندن اوزاقلاشیر . نه نسبتده ؟ هندسه‌نک بر دعواسی موجبینجه دائره‌نک محیطی نصف قطرک مربعیله متناسبدر . شوالده نصف قطرک بر مقدار اوزامسی محیطک اومقدارک مربعیله متناسب اولارق بویومسنی موجب اولور . تعییر آخرله جاذبه مرکزله ماده آراسنده کی مسافه‌نک زیاده‌لشمسی جاذبه‌یی اومقدارک مربعی نسبتنده آزالیر . بویله‌جه جاذبه قانونی شوشکل ریاضی اکتساب ایلر : «جاذبه جسمک کتله‌سیله مبدسوطاً ، مسافه‌نک مربعیله معکوساً متناسبدر . » قانت اجسامی جاذبه ودافعه‌دن متشکل کوردیکی ایچون اونک خواصنی هب بوقوتلرک بر فعلی اوملق اوزره تعریف ایلور . مثلاً بر جسمک شکلی بر ماده‌نک بتون اجزاسیله اشغال ایلدیکی مکانی کندیسنده کی «دافعه» قوتی تأثیر یله تحدید ایلندن حصوله کلیور . بوصورتله

ماده‌ك تحديد ایلدیكى مكان جسمك حجمی (Volume) تشکیل ایدیور . ماده‌ی تکیون ایدن قوت حد ذاتنده بر شدت کیتی (Grandeur intensive) اولدیغی ایچون [۱] بر حجم داخلنده مختلف درجه‌ده بولونابیلیر . حجمی اشغال ایدن قوتك بو درجه شدتیه کثافت Densité دینلیر . جاذبه‌ك تماس تولیدایدیه جك وجهله واقع اولان تأثیرینه التصاق Cohésion دییه بیلیرز . و قناکه ماده‌ك اجزاسی آراسنده کی التصاق قدرتی حد اصغریده در ، یعنی الك اوافق بر قوتك تأثیریه جزء لر تبدیل موضع ایلیه بیلور لر . او وقت بوجسم سیال (fluide) اولور . جسمك الاستیقیت خاصه‌سنه کئنجیه بوخاصه حد ذاتنده ماده‌یه مؤثر اولان یانجی بر قوتك تأثیری زائل اولدقدن صوکر اونك شکل معینی آلا بیلمسیدر . ماده‌یه مؤثر اولان قوتك ماهیته کوره الاستیقیت ده جذبی ویادفی اولور . اجسامك بربری اوزرینه تأثیری حرکتک انتقالی صورتنده اولورسه بوکا تأثیر میخانیک (Mécanique) دینلیر . اگر جسمك بربری تأثیری اجزاسی آراسنده کی ارتباطك مقابلاً دیکشمی طرزنده بولونورسه بوکا تأثیر کیمیوی (Chimique) دینرکه ترکیب و تحلیل کیمیوی شککنده تجلی ایدر .

بوتون بوتعریفات قانتك ماده حقیقه کی نظریه فلسفیه سنك ده قارت و معقبرلرینك صرف میخانیک ایضا حلرینه نه درجه معاکس اولدیغی کوستریر . قارته زییه نلره کوره ماده بر امتداد کیتی (grandeur extensive) در . قانته کوره ماده بالمعکس بر شدت کیتی (grandeur intensive) حازدره ، یعنی قوتدر . [۲]

یوقاریکی ایضاحات بزه کوستریرکه حرکتك منشأی « قوت » در . آنجق بومنشأدن قطع نظرله حرکتك انتشاری مطالعه ایده جك اولورسه ق او وقت شوسؤال قارشینده قالیرز : حرکت ناصیل انتشار ایدیور؟ بر ماده‌ك حرکتی دیکرینه ناصیل انتقال ایلور؟ باشقه بر تعبیرله بر ماده دیکریله ناصیل مناسبتده بولونویور؟ ایکی شی آراسنده کورولن هر هانکی برنسابتی مفکره‌ك « اضافت » (Relation) دیدیکمز مقوله‌لری تعین ایتدیکنی اولجه کورمشدك . شو حالده ماده لر آراسنده ملاحظه ایلدیکمز مناسبت ده مفکره‌ك او مقوله‌لری اجسامه ... تمسندن باشقه برشی دکادر . و بو تطبیق در بحث ایدن علم ده میخانیک (Mécanique) در .

[۱] ۸۸ صحیفه به باقیکر

[۲] ده قارت فلسفه‌سنه دائر یاقینده انتشار ایده جك اولان اثره بابکر .

یوقاریده فورونومی بختنده [۱] بر نقطه نك حرکتی ندقیق ایلشدك. اووقت بوحرکتك مقدارنی آکلامق ایچون نقطه نك حرکات مختلفه-نی ترکیب ایلک کافی ایدی. نقطه نك مجموع حرکتی ده سرعتله یعنی قطع ایلدیکی مسافه نك زمانه تقسیمیله اولچوله بیله جکینی کورمشدك. سیمدی بر جسمك یعنی بر حجمك حرکتی ملاحظه ایده-م. بر جسمك مجموع حرکتی اونی ترکیب ایدن نقطه لرك حرکتك یکونسه مساویدر. نقطه نك حرکتی سرعتله اولچدیکمزه نظراً جسمك حرکتی ده سرعتك مجموع ماده ايله، تعیر آخرله جسمك کتله سیله حاصل ضربنه مساویدر. احوالده بر جسمك حرکتی (۷) ايله کتله نی (ک)، سرعتی (۷) ايله کؤستره جك اولورسه ق جسمك مجموع حرکتی اشعارایده جك-ستور ریاضی $(7 = k \times v)$ اولور. بودستورده سرعتی حساب قولاید. چونکه مسافه نك زمانه تقسیمیدر. کتله یه کلاجه اونی دوغریدن دوغری به اولچمك قابل دکلدر. چونکه ماده مکان داخلنده اولدینی ایچون نامتناهی قابل تقسیمدر. بناء علیه معین بر جزء اصغری، برواحدی بولوناماز. کتله بوندن طولای دوغریدن دوغری به اولچوله مه مکله برابر یوقاریکی دستور اعانه سیله بالواسطه قیمتی تعین قابلد. چونکه یوقاریده کی دستور دن مجموع حرکتك سرعتله تقسیمیله چقان خارج قسمتك کتله نی افاده ایده جکی قولایاقله آکلاشیلیر. تعیر آخرله یوقاریده کی مساواندن قولایاقله استخراج ایدیله جك اولان شو دستور کتله نی ارانه ایلر: $k = \frac{7}{v}$ جسمك مجموع حرکتی بوصورتله تعین ایتدکدن صوکر بر جسمك تأثیرله وقوع بولان تحولاتی تدقیق ایلیه بیلیر. بوتحولات یا جسمك بالذات تحولاته موضع اولماسی، یا اوتحولاتك علای بولونماسی یا خود حرکات متقابله ده اولدینی کبی هم موضع هم علت اولماسی اعتباریله ملاحظه اولونابیلیر. تعیر آخرله ماده نك تحولاتی ویکدیگری ايله اولان مناسباتی مطالعه ایلک ایسته دیکمز زمان یا تحول ایدن ماده نك ذاتی دوشونورز، یا اوتحولك علتی یعنی تحولی ایجاب ایدن شیئی نظره آلیرز، یا خود تحول ایدن ماده ايله برابر اوحرکته -ائق اولان علای برآواده ملاحظه ایلر. بو اوج نقطه نظره کوره عقلی فیزیک اوج اساسی قانون وضع ایدر که اضافك اوج مقوله سنه یعنی « حوهر، علت، تقابل، تصورلرینه صیرا ايله توافق ایلر :


(۱) تحول معروض اولان ماده نی ذاتی اعتباریله ملاحظه ایتدیکمز، یعنی حوهریت نقطه نظرندن مطالعه ایلدیکمز زمان عقلی فیزیک دوغریدن دوغری به ماده نك دیمومت واستقرارینی

افاده ایدن شو قانونی وضع ایلر : جسمك هر نوع تحولانی اناندره مادهك كینی نه آزایی نه جو غایر ، ثابت بر مقدارده قالیر . فی الحقیقه ماده حد ذاتنده بر حیز ، بر امتداد در . هر امتداد ، هر حیز یکدیگر نردن آیری بر طاقم (جزء) لردن تركب ایدر . مادهك كیتته خلل كله بیامك ایچون مكانك بر قسمك احساسی ، یا خود تزیدی لازمدر . بوكا امکان اولمادیقنه كوره مادهك مقدارینه خلل كلز . بناء علیه ماده قابل تقسیمدر ، اجزاسك موضوعنی دكیشد بر مسمی دولایسیله تبدله معروضدر ، فقط غیر قابل اتحاد . اونك ایچون اسکیدنبری معتبر اولان « هیچ برشی یوقدن وار ایدیه من . هیچ برشی محو اولماز » دستوری ماده حقیقه تماماً قابل تطبیقدر . شوقدر كه بودستورك ساحه تطبیقی یالکیز مادهدر . چونكه اونك دوغروانی مكانك غیر قابل احاطه اولماسه مستنددر . مكان داخلنده ایسه یالکیز ماده واردر . بویه اولدی بی ایچون مكانه مقید اولمایان « روح » بودستور تطبیق ایدیه من . « هیچ برشیك محو اولامیجی » فاعده سی بقای روح لهنده بر دلیل اولارق قولانیلا ماز .

(۲) تحولانی علت اعتباریله ملاحظه ایندیكمز یعنی علت نقطه نظرندن تأمل ایدیکمز زمان مابعدالطبیعه قبلی اولارق عطات قانونی دیدنكمز شو دستوری وضع ایدر : مادهك هر تحولی بر علت ظاهره مكانك ایچایدر . مادامكه ماده جسمك موضوعیدر ، او حالد اونك هر هانکی بر حاتی تعیین و ایجاب ایدن شو مكان داخلنده بر سبب خارجیدر . بناء علیه مادهده اونك هر هانکی بر حاتی تعیین ایده جك ناطنی برعات فرض اولنه ماز ، سكوندن حرکت ، حرکتدن سكونه كچمکی ایجاب ایده جك سببی بذاته حائر عد ایدیه من . شو حالد نه هیلوزوئیزم Hilozoïsme مسلكی اربابی کی مادهك تحولانی كنديسنده بذاته موجود جانلیغت نتیجه سی فرض ایدیه بیایر ، نه ده غایت (Finalisme) اربابی ، مثلاً آرسطو کی تحولات مادهك علنی بر صورت ، غایه به انقلابه كوروله بیایر . بناء علیه بوابکی طرز ایضا حلد فیزیكده یری اوله ماز . حادثات طبیعه ، آنجق مكان داخلنده بر علت خارجیه ایله ، یعنی مباحثیکی اولارق ایضا اولوناییلر .

(۳) مادهنی تقابل Réciprocité نقطه نظرندن مطالعه ایلر باشقه بر تعبیرله بر برینك تأثیرینه تابع اولورق هم مؤثر هم متأثر اولماسی حاتی ملاحظه ایدرسه ك مابعدالطبیعه فیزیق ایچون « تأثیر وعكس تأثیرده معادلات » دینیلن شو قانونی تأسیس ایدر : هر مكان انقلابه

تأثیر عکس تأثیره دائماً مساویم . نیوتون بوقانونی بولمشدی . فقط بونی حقیقی سببه استناد ایتدیرمیش ، قانونك حقیقته ، مطابق اولدییی قبل اولارق کوسـترهـمینجه اثبات ایچون تجربه دن استمانه ایلکله اکتفا ایلشدر . مثلاً هرصده نك مساوی درجده عکس صدمه یی ، هرتضییقك معادل برعکس تضییقی وجوه کتیردیکنی کوسـترهـرك بوقانونك کلتی اثبات ایلک . ایسته مشدر . حالبوکه یوقاریده بحث ایدیکیز ماده ده دعومت وعطالت قانونی کی بوقانونك حقیقی سببی ده مدرکه نك الجآت ضروریه سیدر . بویه اولدیعی ایچون اونی قبل اولارق اثبات ایده بیلیرز . فرض ایدیکیزکه (ب) جسمی غیر متحرک بولان (س) جسمنه یاریمش اولسون . فورونومینک یوقاریده سوله دیکمز متعارفهی



موجبجه (ب س) حرکتی یرینه مکان اضافینك عکسی استقامتده یعنی (س ب) استقامتده حرکتی اقامه ایده بیلیرز . یعنی (ب نك (س) ه دوعری حرکتیله (س ك (ب) ه به دوعری حرکتی آراسنده فرق یوقدره . بویکی حرکت یکدیگریه معادلدر . شو قدرکه بو مسئله ده فورونومینك حساب قاتمادینی بر عنصر وار . اوده (ب) ، (س) جسملرینك کتله لیدر . بز مکان اضافی بی ده (س ب) استقامتده متحرک فرض ایتدیکمز ایچون جسمك کتله لرینی ده ملاحظه ایلک مجبوریتده بز . مطالعه ایلدیکمز ایکی حرکتك معادل اولماسی ایچون حرکت ویردیکمز سرعت کتله لريله معکوساً متناسب اولماسی ایجاب ایدر . بونك ایچون ب س سرعتی موضوع بحث ایکی جسمك کتله لريله معکوساً متناسب اولمق اوزره ایکی غیر مساوی قسمه یعنی (ب چ) ، (چ س) ه آیرالم (ب) ، (س) جسملری کتله لريله معکوساً متناسب بر صورتله یکدیگریه دوعری حرکت ایدرکن (چ) نقطه سنده بر لرینه تصادف ایدرلر . ایکی جسمك حرکتی کتله لريله معکوساً متناسب سرعته مالک اولدیعی ایچون بر برینی احاطه و بناء علیه بونقطه ده هرایکیسی ده سکونت اکتساب ایدر . فقط ایکی جسمك بوسورتله یکدیگرینك حرکتی ابطال ایلدی مکان اضافینك (ب س) استقامتده کی حرکتی اخلال ایلز . بناء علیه مکان اضافی (ب) و (س) جسملرینه نظراً ب س استقامتده (چ س) سرعتیله حرکت ایدر . واقعا (ب) (س) جسملری مکان مطلقه

نظراً ساکن اینه لرده مکمل اضافینک بو حرکتی دولاییدیه مکان مطلقه نظراً (ب د) استقامتنده و (د ز) سرعتیه حرکت اندیورلردیمکدر. بوکارغماً مکان اضافیه نظراً هرایکی جسمده (د) نقطه سنده حال توقمده بولونور. باشقه برتعیرله بو ایکی جسمک بکدیگریه تصادف ایده جک صورتده وقوع بولاجق حرکتیه معادل اولوق اوزره عکس استقامتده مکان اضافینک حرکتیه فرص ایلرسه ک حاصل اولاجق نتیجه بو ایکی جسمک کتله لریه معکوساً متناسب برسرعتله مختلف استقامتده حرکتلریه مساوی اولور. هرایکی حالده کتله لره حرکتلریه حاصل ضربی یکدیگریه مساوی بولونور. تعیر آخرله (د < ز = ب < ب د) اولور. بو حال اثبات ایدرکه بو ایکی جسمک یکدیگریه مؤثر اولوق اوزره وجوده کتیره جکبری حرکتلر مجموعی مساوی یعنی تأثیر عکس تأثیره معادلدر.

حکملر من جهت نقطه نظرندن یا ممکن، یا حقیقی یعنی واقع، یا ضروری اولور. مقولات بحثنده کورمشدک که [۱] جهت مقوله لری امکان، حقیقت و یا وقوع، یاخود ضرورتدر. ماده تعیر آخرله حرکت حقنده کی فیزیکی حکملر مزده بالطبع جهت اعتباریه بو اوج صورتده اولور. شو حالده ماده اوزرنده دوسون مابعدالطبیعیون حرکت نه شرائطه ممکن و یا واقع یاخود ضروریدر؟ مسئله سنی آرامق مجبوریتنده در. فیلسوف عقلی فیزیکک بو سواللری تدقیق ایدن قسمنه فیه نومه بولوژی Phénoménologie دیبور:

(۱) اولاً حرکتک امکان و یا عدم امکان شرطنی آراشدیرالم. فورونومیک متعارف سی بزه اراه ایشددرکه بر جسمک مکان اضافی داخلنده حرکت مستقیمه سی بالذات مکان اضافینک عینی سرعتیه عکسی استقامتده کی حرکتیه معادلدر. بناء علیه بر جسمک هرهانکی برسرعتیه حرکت مستقیمه سی فرض ایدسه ک، عینی زمانده مکان اضافینک ده عکس استقامتده فقط عینی سرعتیه متحرک بولوندی یعنی قبول ایلرسه ک جسمک هیچ بر حرکتی محسوس اولمار، امکان اضافیه نظراً سکونتده بولونور [۲]. بناء عایه مکان اضافی داخلنده تبدیل موضع ایدر، تعیر آخرله حرکت مستقیمه ده بولونان بر جسمک مکمل مطلقه نظراً حرکتیه میدر؟ یوقسه جسم ساکنده مکمل اضافیه حرکتیه در؟ بونی ذهنأ کسیدره یزه. باشقه

[۱] صحیفه ۷۵

[۲] صحیفه ۱۸۳

بر تعبیر له حرکت مستقیمه ده بولونان بر جسم مکان مطلقه نظراً ساکن فرض ایتک یعنی اونک حرکتی ظاهری عد ایدوب حقیقته مکان اضافینک متحرک بولوندیغنی قبول ایتک قابلدرد، نته کیم عکسنی ده فرض ایدردک مکان اضافینک حرکتی ظاهری وجسمک حرکتی حقیقی عد ایله بیلیرزه شو حالده ماده نك بزم بیلدیکمز حرکت مستقیمه سی سادّه جه مکان اضافی به کوره در. بویه اولدینی ایچون ماده نك مکان اضافی داخلنده حرکت مستقیمه سی ممکندر. مکان مطلق داخلنده بر حرکت مستقیمه بر تجربه ممکنه نك موضوعی اولاماز؛ یعنی بالتجربه مکان مطلق داخلنده بر حرکت مستقیمه نك موجود اولدینی بیلمه یز. بناء علیه مطلق بر حرکت مستقیمه غیر ممکندر.

(۲) عطالت قانونی موجبجه بر حرکتک کندی استقامتی تعدیل ایلمی ممکن دکلدرد. بناء علیه حرکت بر تأثیر خارجی ایله استقامتی تعدیل ایدلمکجه دائماً خط مستقیم اوزرنده انتشار ایدرد. سو حالده منحنی حرکتلر دائماً بر تأثیر خارجی بی ایجاب ایدرلر. چونکه منحنی حرکتلر هر آن استقامتی دیکشدیرن بر حرکت مستقیمه درلر. بر حرکت مستقیمه ده استقامتک دیکشمی ایسه بر تأثیر خارجی به، بر قوته مضقردرد. ینه عطالت قانوننک نتیجه سیدر که حرکت دوریه به تابع اولان هر نقطه دأثروی اولان حرکتی بیراقه یق اوگا تماس بر خط اوزرنده حرکت ایتک جهندنه بولونور. فقط حرکت دوریه بی ایجاب ایدن قوت نقطه بی دأثروی اولان حرکتی تعقیبه مجبور قیلار. بوده کوستریرکه دأثروی محرک چیزن هر متحرک حرکتی ایجاب ایدن قوت واردر و حقیقهً او جسم متحرکدر. بناء علیه حرکت دوریه ده حرکت مستقیمه ده اولدینی کبی عجبا جسمکمی حرکتی واقعدرد، حقیقیدرد، یوقسه عکس استقامتده مکان اضافیکمی حرکتی واقعدرد؟ دییه صورامایز. چونکه جسمک عطالت قانونی موجبجه مستقیم حرکتده بولونمایوبده دوری حرکت یایماسی بزه تماماً اظهار ایدرکه بر قوت وار وار حرکت دوریه بی اقتضا ایله یور. بویه اولدینی ایچوندر که حرکت دوریه ماده ده واقع و حقیقی (Réel) بر محمول، بر کیفیت تشکیل ایدرد. خلاصه بر جسمک حرکت دوریه نك انکشاف ایلدیکی مکانی، وسطی (milieu) متحرک عد ایدوب جسمک حرکتی ظاهری عد ایتک امکان یوقدر. نته کیم ارضک حرکت دوریه سنی ظاهری عد ایدوب سنانک عکس استقامتده حرکت ایتدیکی فرض ایدمه یز. بویه بر تصور و همدرد.

۳) جسمك حرکتی مکانه نظراً ملاحظه ایتیموب ده دیگر بر جسم متحرکه تأثیر اعتباریه مطالعه ایلرسهك یوقاریده سولدیکمزمیخاییك اوجونجی دعواسی [۱] موجبنجه یکدیگرینه تأثیر ایدن هر ایکی جسمده حرکتك بالضروره واقع اولماسی لازم کایر؛ ایسته بوتک ایچوندرکه فنومه نولوزی حرکتك ضرورتنه متعلق اولق اوزره سو قانونی وضع ایدر: «بر جسمك دیگرینه تأثیر ایتک اوزره واقع اولان هر حرکتی ایکنجیسنده بالضروره اوکا مساوی و عکس استقامتده بر حرکتله مترادف اولور»

بورایه قدر ویردیکمز ایضاحاتله فانتک عقلی فیزیکدن بکله دیکی شی آکلاسیامشدر ظن ایدرم. فیاسوف طبیعت ماده نك مابعدالطبیعی مبادی واساسنی قبلی اولارق، یعنی تجربه دن استعانه ایتیمکسزین صرف مدرکهك قانونلری دائره سنده تثبیت ایلن ایسته مشدر. بناء علیه عقلی فیزیک بو قاعده لر حید ذاتنده عقل محضك انتقادیه بولدیغمز قبلی قانونلرک ماده یه تطبیقیدر. ناصیل بو تحلیل ایدن چیقاریلان قبلی شرطلر و مفهوملر یالکمز تجربه یه قابل تطبیق ایسه عقلی فیزیک بو قاعده لر ده حادثه داخلنده اولان ماده یه تطبیق ایدیه بیلیر. بناء علیه نه ذات اتیا Chose en soi، نه مکان مطلق حقنده بو قاعده و قانونلرک بر قیمتی اولاماز. چونکه بونلرک قیمتی بر طرفدن متعال transcendantal و قلی اولقله برابر محسوسک بر شرط ادراکی بولونان و بوضورتله تجربی بر حقیقت افاده ایدن مکانه، دیگر جهندن تماماً قبلی بر تصور اولقله برابر تجربه یی ممکن قیامق اعتباریه سیئی قیمت اکتساب ایدن مقولانه مستنددر. بویله اولدییی ایچون طبیعتك، طبیعت ماده نك مابعد الطبیعه سی ماهیه تجربه نك نظریه عقلیه سی یایمقدن باشقه بر شی دکلددر.

ذهنك قبلی تصورلرینه کوره تأسیس ایلدیکمز بو قاعده لر دوغریدن دوغریه تجربه حسیه تطبیق ایدیه بیلیرمی؟ مدرکه مزك تشکیل ایتدیکی عدد، حرکت، قوت کبی مجرد تصورلردن تجربه ایله بیلینان و نامتناهی صورت اکتساب ایدن مشخص عالمه کچه بیلیرمی یز؟ دها آچیقجه سی عقلی فیزیک یوقاریده سولدیکمز قاعده لرینی یز وجوده کتیریوروز. مدرکه مزك قبلی تصورلرینی ماده یه تطبیق ایده رک استحصال ایلوروز. ذهنك تشکیل ایلدیکی بو قاعده لر اوقدر متنوع صورتلر اکتساب ایلین تجربه یه هان تطبیق ایدیه بیلیرمی؟ یوقسه آرادره بر واسطه واری؟ قانت بو قاعده لر دن هان تجربه یه کچه بیله جکنی ظن ایتمه مش

واونك ایچون مفكره ایله انبیا، ذهنك و بریدی صورت ایله ماده آراسنده برخط وصل دوسونمشدر. بونی بولمق ایچون عمرینك نهایتنه دوغری «طبیعت مابعدالطبیعه سنك مبادی» اولاسندن فیزیکه انتقال، عنوانیله بر اثر یازمق ایسته مشدر. وفات ایتدیکی زمان بو اثردن یوز اللهی صحیفه لك برمسوده بولوندی. بونلردن قانتك بو خصوصده کی اساس فکریلری بر درجه یه قدر اklamق فاللدر.

طبیعت مادیه نك مابعدالطبیعه سی حقنده ویردیگمز ایضاحات کوسترمشدز که حرکتك قانونلری عینی زمانده (قوت) كده قانونلریدر. چونکه فورونومینت قاعده لری دینامیکكده اساسیدر. بوقاعده لر هانکی شرائط دژمه نده حواس امله بیلدیگمز حادثات ایچونده دوغری اولابیلیور؟ بونك سببی تظاهرات حسیه (Apparence Sensible) ایله (قوت) آراسنده عینیت نسبتی اولماسندن متولددر. تعبیر آخرله قوتك قاعده لری، قانونلری قبل اولارق تأسیس اید مفكره ایله عالم خارجی یکدیگرندن تماماً آیری دکلدر. بالعکس هر ایکسینك بر کره منشأی عینیدر. قبل قانونلری ده، عالم خارجی ده تفکر اعانه سیله بیلورز. بیلدکرمزك بر قسمی خارجی، بر قسمی باطنی دیه تفریق ایدن ینه شعورمز، تفکرمز اولویور. مکان داخلنده عینی زمانده ادراك ایلدکرمزه «شی» خارجی «دیورز، یکدیگری تعقیباً زمان داخلنده ادراك ایلدکرمزی ده» باطنی Intérieure «اولارق قبول ایلورز. دیگر جهتدن قوت مکان داخلنده حرکت شکلنده انکشاف ایده رك حواس خارجیه زه التحاق ایلدیکی زمان بسبتون یا نانچی بر ساحه دوشمش اولمایور. بالعکس مدرکه قوتك درجه لری تمیز اقتدارینه مالک اولدینی ایچون [۱] شی محسوس یعنی قوتك مکان داخلنده تجلیسی انانك کندی کمدینی حس اتمسی اولویور. واقعا مکان داخلنده بر سینك احساسنه معروض قالدیغمز زمان بو احساسك مفکره یه تماماً یا نانچی بر علتدن حصوله کلدیگنی ظن ایدرز. چونکه احساس مکان داخلنده بر اخلال، بر تعیین موقع اولدیی ایچون فسمزدن تماماً آیری کورونمکده حتی نزه نفسمز ایله متضاد کی کلکده در. حالبوکه حقیقته مدرکه نك تطبیق ایلدیکی مدرکات عالمی قبل، عقلی قانونلر اعانه سیله بر تأسیس ایدیورز. بویه اولدینی ایچون بزم ادراك ایلدیگمز احساسات صاف، فسخ مداخله ایتدیکی بر حادثه اول (Phénomène premier degré)، باشقه بر تعبیرله خام بر حقیقت دکادر. بلکه مفکره نك قبل اولارق تأسیس

ایلدیکی علمیینه کنیدیسی طرفندن یلمکدن باسقه برشی دکادر. خلاصه اشباه ویریلن صورت انانک، ذهنک محصولیدر. انانک افعوله لرینی بيلمکله قوتک نه کبی صورتلر اکتساب ایلله بيله جکسی آکلار. تعیر آحرله قوای طبیعیینی تصنیف ایده یایرز.

قانت بوصورتله مقوله لره کوره قوایی تصنیف ایلدور. بو خصوصده چیقاردینی نتیجه لر عقلی فیزیکنده سولدنکرندن آیری برشی دکادر. یالکز شونظریه حقدده برنقطه به اشارت ایلک ایستیورم. قانتک نفس ایلله شیء مادی آراسنده بولدیغی و پک مهم افاده ایتدیگی منابعت اخلاقی اولان رومانتیک فیلسوفلرک باشلجه استغاللری موضوعنی تشکیل ایتشدور. بویاریم قالان اثرنده کی فکرلر «فیخته» ده، «شهلینغ» ده، حتی هغه لده باشقه باشقه طرز لرده نتایج وجوده کتیرمش و رومانتیزم فلسفه سنک افکاریه مطلقه به *Idéalisme absolu* منجر اولماسنه سبب اولمشدر.

فیلسوف بو اختیارلق دورینه عائد اثرنده عناصر ماده یینی ده تصنیف ایلدور. بو خصوصده کی فکرلرلنده برچوق ابداعی نقطه لر وار. اونک ایچون اوراده کی فکرلرینی خلاصه قیل ایلک ایستیورم: مادام که بر مکان واردور. اولحده بومکانی اشغال ایدن ده «تک» بر ماده اولماسی لازم کلیر. ماده دن خالی بر مکانک ادراکی قابل اولمادیی ایچون مکانک ماده ایلله مشغول بولونماسی ایجاب ایدر. تجربه تک مکانی مکانک بویله ماده ایلله مشغول بولونماسنی اقتضا ایلدیکنه کوره بوده ماده تک موجودیتنه بالواسطه و فقط قطعی ر دلیل تشکیل ایلر. اشغال ایلدیکی مکان کی بر ومتجانس اولان بوماده ائیر (Eter) در. ائیر بذاته غیر قابل ورندر. ثقلت بوماده کلیه ایچنده بولونان منفرد جسملر آراسنده دوسونوان برنسبت مشتمله در. ناصیل مکانک حدودی یوقسه ائیرده تحدید اولوناماز. هیچ برشی اونک خارجه چیقاریلاماز، مایع و صلب هر سیئه نفوذ ایدر، معین بر سکیلی یوقدر. ماده کلیه اولان ائیرک سینه سنده حصوله کلن مناسبتلر جاذبه و دافعه به ارجاع اولونابیلر. دافعه تک بویوک بر سرعتله یاقیننده کی حزلری کری به دفع ایتسنه مقابل جاذبه اونک الی نهایه داغیلوب کیتسنی منع ایلر. بوابساط و انقباض صورتیه وجوده کلن مضاعف حرکات دائمی و نامتناهی سریع اهتزازات وجوده کتیرر. بواهتزازات جسمه انتقال ایده رک اوراده حرارت حصوله کلیر. قانت اولجه حرارتی بر ماده خصوصیه ظن ایتشدی. بالاآخره اونک داخلی بر حرکت رقصیه دن، بر حرکت اهتزازیه دن باشقه برشی اولمادیغی قبول ایتدی.

غیر قابل وزن و تحدید اولان اثره مقابل وزنه مالک و مختلف شکلر اکتسابه مساعد اولان ماده لر ی تصور ایدیوروز. حرکتدن ماعدانا جمله حکمی و کیمیوی کیفیادن عاری اولارق دوشوندیکمز بوماده لره قانت عناصر (Stoffe) دیمکده در. قانت کوره بو عناصر کیمیا عالمترینک اجسام بسیطه لریدی. فیلسوفک زماننده بعض غازلر مایع حالنه کتیر یله مه مشدی. قانت کوره ایشته بونلر «عناصر» دبدیکمز جسم لر ی تشکیل ایدیورودی. قانت مناسبت کیم یوی ایله جسمک اوصافی بیتمده، مثلا کثافت آراسنده بر مناسبت بولونایله جکمه قانع دکلدی، عینی زمانده بوتون اجسامک بر عنصر دن اشتقاق ایده بیله جکمی ده ظن ایتیموردی. «تاریخ طبیعی» و نظریه افلاک، نده قبول ایتدیکمی وجهله عوامک تشکیلندن مقدم موجود اولان ایلمک کتله سحابیه ده مختلف کثافتده ماده لره موجود اولدیغی قبول ایدیورودی.

فیلسوفه کوره ماده لر آراسنده کوردیکمز تنوع و تخالف قبل اولارق مقوله لره کتله تطبیقه ارجاع اولونایلیر. شوصورتله که اجسامک کمی فرقلری کتله و ثقله لریدر. کیمی فرقلری ایسه غاز و یا مایع و یا خود صلب حاللرند بولونمالیرد. اضافت فرقلری التصاق، دلك و آثار شعریه در. جهت نقطه نظرندن ایسه بوتون حادثات ماده یه جاذبه و دافعه قوتلرندن اشتقاق ایدر و جسم ده بو قوتلر اعانه سیله ایرک بر صورتله تعینندن ناشقه بر شی دکلدز. مطلق بر ماده، بر جسم، تعبیر آخرله بوتون دیگر اجسامی وجوده کتیردن بر آتوم موجود دکلدز. مدد که نک قانونلرینه نظراً بویله بر آتوم و همدر.

ایشته قانتک عناصر ماده یه نظریه سی بودر. قانت یاریم قالان بو اثریک ایکنجی قسمنده منظومه عوامک تشکلی. عقلاً ایضاح ایتک، بو خصوصده انتقاددن اول یازدینی «تاریخ طبیعی» و نظریه افلاک «آتمام ایلمک آرزو ایلیرودی. کوستر مک ایستیورودی که اجرامک حرکتلری و اولنلرده موجود جاذبه قدرتی ماده کلیمینی تحریک ایلین جاذبه و دافعه نک شکل آخرده تجلیسیدر. خلاصه فیلسوف نیوتونک تجربیه استناداً ایضاح ایلدیکی علمی قبل *a priori* اولارق توصیف ایتک ایستدی. یوقاریدنبیری ویردیکمز ایضاحات کافی بر وضوح ایله قارلره قانتک بو تشبیهی ناصیل یایمق ایستدیکمی کوستریر.

دنیله بیلیر که قانتک فیزیکی صرف قبل اولارق ایضاح ایتک خصوصنده یاریم قالان آرزوسنی آلمان رومانتیکلری، بالخاصه شه لینگ اکل ایتمه چالیشدی.

بشنجی قسم

فلسفۂ اخلاقیہ

عقل عملیہ انتقادی

فانتک قبول ایتدیکی تقسیماتہ کورہ صیرا عقل عملیہ انتقادیہ گلشدر . بناءً علیه بو وبونی تعقیب ایدن قسملرده فیلسوفت فلسفۂ اخلاقیہ سنی مطالعہ ایدہ جکیز .
فانت فلسفۂ اخلاقیہ سنی مابعدالطبیعۂ عادتک تملی [۱] ، عقل عملیہ انتقادی [۲] ،
«نظرہ حقوقک» و «فضیلت نظریہ سنک منادی اولی» سی [۳] ، اسمندہ کی اثرلریله
ایضاح ایشدر . بو اثرلری عقلک حدودی داخلندہ دین عنوانی اثریله بیرلشدیر برسه قور
فانتک نظریات اخلاقیہ سنی مطالعہ ایدہ بیایرز .

آنحقوق فیلسوفک بو اثرلریله ایضاح ایلدیکی صوگ و قطعی مسالمنکی اکتساب ایتزدن
اول مختلف تأثیرات آلتندہ قالدی . اخلاقک منشأی حقندہ بو اثرلرده سرد ایتدیکی
فیکرلری رطاقم مرحله لردن کچدکدن صوکره اکتساب ایلدی فیلسوفک فلسفۂ اخلاقیہ سنی
لایقیلہ فاورایه بیلیمک ایچون اخلاقک منشأی حقندہ کی دوشونجه سنک کچیردیکی صفحه لری ،
اوغرادیعی تأثیراتی مطالعہ ایتک لازمدر .

فیلسوفک تکامل ذهنیسندن بحث ایتدیکمز زمان [۴] کورمشدک که قانت اوینندن
بالخاصه آنه سنندن پییه نیست بر تربیه آلدی . خواجه سی سولتز ، قونوتزن پک صمیمی
بر پییه نیست ایدیلر : فلسفی ، اسانی ، علمی ، تاریخی بوتون درس لرینی پییه تیزم اعتقادیلہ
برلشدیر لر ، کلام الہی ، اینجیلک اوامر اخلاقیہ سنی ، صافیت وجدانی هرشدک فوقندہ
عد ایلر ایدی . بو تربیه نک قانتک فلسفۂ اخلاقیہ سنہ مؤثر اولدیغنه هیچ شہہ ایدیلہ مز .
آخر عمرینہ دوعری اکثریا اینجیلی اوقور ، عبرانیجہ «الله بزملہ برابرر» معناسنی تضمن

[۱] کتاباندہ (۳۹) نومرو ایلہ کوستریلن اثر .

[۲] « (۶۶ و ۶۷) »

[۳] « (۲۸) »

[۴] صحیفہ ۱۵ - ۱۶

اپدن « ئى مانوئىل » لقبى ايشىتمىكەن خوشلانېردى. اونك انجون قانتك اخلاقى معاصرلىرى واسلافي اوزرنده هر سىدن اول انجيله ، بالخاصه انجيلك پىيە تېزم طرزنده كى تاقىسەنە مستند كې كوروندى . سىللەر ۱۷۸۹ دە كۈتەپە يازدىمى مکتوبدە شويە دىيور : « لوتر كې قانتەدە دائما رهبانلق قوقوسى وار.. بونلر مناستىرلردن چىقىدىلر اما اوتريەنك اپزىنى نفسلرنده احما ايلمەيدىلر . »

فقط قانتك فلسفە اخلاقىيە سەندە بو دىنىي تاثيرك اهمىيتىنى سونباور ياخود پىقاروۋ [۱] كې اعظام اتمەيدىر. اوت ، قانتك چوجوقاغندە وكنجاككندە آلدېيى تاثير دىنىي عمرىنك صوكنە قدر دوام ايتىشدر. آنجوق قانتك فېكرى تىكاملنى ، انكشافىيى مثبت اولارق تدقيق ايدەك اولور سەق كورورزكە پىيە تېزم تاثيرلىرى دىكر فاسفى عوامل دائىما تەدبىل ايتىشدر اوصورتەكە حددا اداعى اولان نظريە اخلاقىيەسى ولوكە غالب اولان تاثيرى كوسترىمك انجون اولسون برىيە ، رەمشاد عطف ايلەكە ھىچ امكان يوقدر. مختلف عامللر ، مختلف تاثيرات قانتك پك سىرت ، پك حدى بر مېدا اخلاقىيى استىزام ايلين مزاجيلە ، طبيعت داھيانە سىلە بىرلشمىش و صوك نەصر ك انك ادعى فلسفە اخلاقىيەسى وجودە كلىشدر .

قانتك فلسفە اخلاقىيە سەنە مؤثر اولان بو عوامل فلسفيە نەلردر ؟ بر كره فيلسوف اوزرىنە ، « علم اخلاق نيوتونى » دىيەرك بالخاصە درسلىرنە فوق العادە تقدير ايتدىكى روسو قطعى صورتە مؤثر اولدى . حياتىدن بحث ايتىركىمزم مانەدە آكلاتديغىز كې ۱۷۶۲ - ۱۷۶۳ سەلرنە قانت ايكي مەھم تاثير آلتىدە قالدى . ھيوم و روسونك آناى . برنجىنك فېكرلىرى كىندىسى نصىلك « دوغمانىزم » دن قورتاردى . ايكىنجىسى اخلاق مسائلنى تنور دورى فيلسوفلىرى كې سالم و مقول بر محصل تفكر اولارق تلقى ايلەسەنك اوكنى آلدى .

اون سىكنىنجى عصر ك عقلية (راسيونالىست) فيلسوفلىرى اخلاقى بر محصول عقل ، بر محصول تفكر عدايدىيورلردى. اونلر نظرنە خبر بر حقيقت ابدىە ايدى كە اونى عقلاً بولايليردك . روسو بو نظريەنك تام عكسنى ادعا ايلدى . دىيوردى كە « انسانك اعمالى تفكر و مخيلە كىز اعانە سىلە ترتيب اتمەكە قاقاجنەكزە اونك طبيعتى و ماھيتى اوكرە نيكز . و بونك انجون انسانك سربىستجە انكشاف و تىكاملنە ميدان و يركز . اووقت كورور سىكنز كە انسانلق انكشاف ذھنيدە ، علمدە دكل ، بلكە طبيعى احتىساساتمزدەدە . »

[۱] پىقاروۋ عقل عملىك انتقادى مقدمە سەندە بو تاثيرە پك فضله اهميت و برىيور . صحيفە ۷ و اونى تعقيب ايدن صحيفلر .

انسان همچون غایه ممکن اولدییی قدر طبیعی احتیاسلری ایچنده یاساماسیدر . قانت روسونک اثرلندن انسانی معاصرلرندن باشقه رصورتله تقدیرایلمکی اوکر نمشدی . عصرلر دئیری انسانلرده غایه علمده ، تنورده ظن ایدیلور ، جاهل کتله اون سکنزنجی عصر متفکرلری طرفندن حقیر کورولوبوردی . چونکه فکر آتنور ایتمه من اولان بر آدم ، بوفیلسوفلره کوره ، انسانلانی تمثیل ایده مزدی . حالبوکه روسوانسانلغ فکری مکته سباتده دکل ، ماهیت وطبیعت بشری ده مندیج اولدیغنی تلقین ایلشدی . فیلسوفک ۱۷۶۴ده یازدیغنی شوسطرلری او قویوکز : «بن علمدن ذوق آلان بر آدم . عادما علمه قارش یویوک بر عطش دویارم هر آن تحری حقیقته آدیم آدیم ایلرله دجکه ده نامتناهی سرور ایچنده قالیرم . بویه اولدیجی همچون بر زمانلر حقیقی انسانلغ مزیت و مکر میاتی نده علم عشقنده بولور و جاهل اولان خلقی استحقار ایدیوردم . روسو بنی بو خطالی یولدن قورتاردی . انسانلغ علویتی منحصر آ تفکرده کورمه نك نه قدر بیوده اولدیغنی آکلام و اونک حقیقی قیمتی ، ماهیتی اوکر ندیم .» ویلسوفک شو افاده سندن بک اعلا آکلاسیلور که بتون فردلرده تجیل اولولواجق و تجاوز ایدیلهمه جک اولان کیفت الک بویوک حکمداردن الک عادی عملیه قدر هر کسک حائر اولدیغی شخصیت انسانیه در . بوتلقینک اول امرده بر نتیجه اجتماعیه و یسیه سی وار : مادام که هر انسان بر شخصیت اولمق اعتباریه غیر قابل تجاوزدر ، مادام که کوچوک ، بویوک هر انسان وجدانه ، اختیار ، شخصیت مالک اولدیجی ایچون تجیل اولونمالیدر . او حالده انسان آراسنده صنف ، موقع فرقی کوزه تیلهمز . شخصیت انسانیه سی هر نوع اسارت سکلرلنده اولدیغی کبی استحقار ایدیلهمز . فقط فیلسوف ناخاص بوتلقینک قیمت اخلاقیه سنه و روحک بو قناعتدن استحصال ایلهمز چکی قدرته مفتون اولمشدر . دییورکه : « انسانک بویه حیثیت معنویه مالکیتی فکری روحی تمامیه یوکاتتور ، ماهیت باطنیه مزک بو علویتی بزنی حیره سوق ایلور .» ایشه قانت روسودن کرک کندنده ، کرک باشقه لرلنده بویه حیثیت انسانیه نك تقدیر و تجیل اولونماسی لزومی اکلامشدی . ایلریده کوره حکمزه که اخلاقک منشائی مسئله سنده روسونک تلقینسندن چوق اوزاقلاشدی . فقط هر فردک بر شخصیت اولماسی اعتباریه حیثیت انسانیه یی حائر اولماسی ایجاب ایده چکی فکری هیج بیرامادی .

عینی دورده فیلسوف سافتمبوری ، هوچسون وهیوم کبی انکلز فیلسوفلرینک نظریه اخلاقیه لرینی اوکر ندی ؛ بولرده قانت اوزرینه مؤثر اولدی . او صبراده کی درس لرلنده

سامعین به بو انکلین متفکرلرینک اثرلرینی توصیه ایدیور، اونلرک فکرلرینی توسیع وایضاح ایدیوردی. روحیات و اخلاقه دائر ویردیکی درسلرده دائماً ذهن ایله احساس (Sentiment) آراسنده کی فرقی ایضاح ایدیور؛ بونلرک ماهیهٔ بربرینه ارجاع ایدیله میه جکینی سویابوردی. احساساتک ناسلی ناشنه تکاملی فیکرینی قانت، بو انکلین و فرانسز تأثیراتنه مدیوندر [۱].

قانت، اخلاق منشأی حقده کی ایلاک فکرلرینی «حسن و علوی احساسات حقده کی مشاهده لر» عنوانی حائز اثرنده کوروپورز [۲]. بو اثرده اخلاق حکملرینی دوغربدن دوغری به احوه اساسه استیاد ایدیور. «نسانده کی طبیعی احساس درکه اخلاق، وحدانی تأسیس ایلره دیوردی حتی فیلسوف بودورده ساده حه اخلاق دوغربدن دوغری به احساس طبیعیتزدن دوغریغی ادعا ایله انتفا ایتمهش، مختلف عرقلرده، مزاجلرده، قادین وارککده حس اخلاقی ناصیل تخالف ایتدیکنی ده آراشدرمشدر. و صیراده یاردینی بر نوطده دیوردی که «جنسیت، سنه، تربیه، فردک منسوب اولدینی حکومتک طرزینه، عرقه، اقلیمه تبعاً حس اخلاقی تخالف ایدر» ۱۷۶۵-۱۷۶۶ سنلری اخلاق درسی پروغرامنده اول امرده موجود صرف وعاداتی تاریخی و فلسفی بر صورتده تدقیق و بالاآخره بونلرک ناصیل اولماسی لازم کله جکینی آراشدراجفی سویابور، بو طریق تجربینی زمانسک بک کورل برکشینی اولمق اوزره توصیف ایدیوردی.

شو ایضاحات کوستیرک قانت او وقت اخلاق دوغربدن دوغری به برحس طبیعی اولدیغنه قانعه دی و بو احساسک مختلف تأثیراتله دیکشه جکینی قبول ایدیوردی. بناء علیه

[۱] قانت، اغلب احتمال کدینک معاصر بولوندینی سولزهر و مهنده لیسون کی آلمان متفکرلرینک ده عم و احتسابی آیرمق خصوصنده کی جهلرندن ملهم بولمهدر. لایبیچ و وولف احتسابی «بهم تصور» عد ایدیورلر، وضوح کسب بدینجه علم حاله کله جکینی فرض المیورلردی. آلمانیده او صیراده یوپوک راسکشافه مظهر اولان آلمان ادیبانی، آلمان وسیطی کوزلاش ددیکه زحس بدینی اوزرنده تفکرلری دوشوندیردی. حس بدینی بهم برتصور، بر فکر عد اولونا بیلیری؟ حس بدینک باشلی باشه قیتی یوقی؟ حس بدینک ذهندن، علمدن آیری قیتی وار ایسه علی الاطلاق احساسانی ده بوله ذهنندن منقل برمنشاه عطف ایله مک ایجاب ایزمی؟ یوقاریده سویلیدی کمز ایکی آلمان متفکری بو سوآلره مثبت جواب ویرمکی فوله الترام ایدیورلردی.

اخلاق روحیات مستنددی. حالیکه ایلریده کوره جکمز و حمله بالنهایه قبول استدیی
فلسفه اخلاقیده بو تاقی یی قطعاً رد ایتدی. مع مافیو بو دوردهده اخلاق ایچون حس
طبیعی یی کافی کورمه یوردی. «حسن وعلویت حقده کی مشاهدله» ده سو مطالعه یی
علاوه ایدیور: «فضیلت آنجق بعض مبادییه مستند اولابییر. فضیلتکارانه حرکت
مستند اولدیغی مبدأ نه قدر کلی اولورسه او حرکتده او قدر اصل، او قدر علوی اولور.
آنجق اخلاق استناد ایتدیکی بو مبدأ نظری ر و سونوسک، بر استدلال و محاکمه نك
نتیجه سی دکدر. بلکه هر کسک وحداننده یاسایان راحت ساسک روغریدن دوغرییه
شعور دیر.» فقط بر طرفدن حس اخلاقی کلی و عمومی بر مبدأ تاقی ایلک، دکر جهتدن
اولی یانه، عرقه، اقلیمه. الخ کوره متحول فرض ایتک صریح بر تناقضدی.

قانت بو تناقضندن اغلب احتمال (۱۷۷۰) ده دوغری صبرلدی. ذاتاً بو تاریخده
ایدی که معرفتمزک ماده سی ایله صورتی، حساسیت ایله مدرکه و عقلی یکدیگرندن تماماً
آیرمش، برنجیسی تحول ایچنده اولمائه رغماً ایکنجیسنک ثابت بولوندیغی و حکملرمزک
کلی اولماسنک سبی مدرکه نك بوقانونلر اعانه سیله حد ذاتنده پریشال بر حالده بولونال اطاعات
حسی یی ترکیب ایتسنه استناد ایلدیکنی کشف ایلشدی. معرفت خصوصنده بولدیغی بو
فکر اخلاق حقده کی تلقی سی ده ده کیشیدردی. ایلک دورده اخلاقی حکملرک مدشائی
دوغریدن دوغرییه احتساستده، حس اخلاقیده بولویوردی. واقع بو حکملر کلی بر مبدأ
ارجاع ایدله یلدیکی حالده حقیقی فضیلت اولابییردی. آنجق فیلسوفه کورد بو مبدأ
دوغریدن دوغرییه حس اخلاقی سغورندن باشقه بر شی دکدی. فقط احتساستمزک
سغوری ناصیل کلی بر مبدأ اولابییردی؟ هر نوع احتساستات و بو میاده حس اخلاقی
متحولدر؟ بوتحولانک سغوری هر کسه، هر یره شامل رحکم کلی وجوده کتیره یلیرمیدی؟
فیلسوف، نظری معرفتک ش اطنی تدقیق ادرکن عامده کی کلی و ضروری حکملرک
تجربه دن حیقامه هغنی کورمش، مدرکه ده قبل بر ترکیب قدرتی آرماشدی. او وقت
«علممزک انشیاه» احساسات و احتساستاه کوره ترتیب ایدیه حکمی قبول ایتمکدسنه اسیا
معرفتمزه، قبل علم قدرتنه کوره ترتیب و تنظیم اولونور فرضیه سی اساس اتخاذا اتمک
لازمدر، دیه دوشونویوردی. مادام که نظری معرفتمزک شرط نهائی و اساسی مکره نك
فعالیتدر، اونک قانونلریدر. او حالده سعادتک، اخلاق مبدأ ده بویه بر فعالیت شخصیه اولماسی
لازمدر. تعبیر آخرله نفس مزده کندی کندیمیزی مسعود ایتک قدرتی واردر. سعادتک موضوعی،

ماده سی حسیدر، یعنی شو ویا بو شی بزی مسعود ایلر. آنجق اساسی، صورتی، خلاصه مبدائی ذهنیدر! اگر اراده من نفس منزه، فعالیت ذهنیه ایله هم آهنگ اولورسه او وقت سعادت حاصل اولور. بویله بر آهنگك حصولی ایچون عملك تضمن ایلدیکی دستور بوتون انسانلر ایچون بر قانون کلی اولایلیملی. یعنی کئدم حقنده ناصیل حکم ویریرسم باشقه سی ایچون ده او یله دوشونملی یم. کندی علم حقنده کی حکم بوتون مکان و زمانلره شامل اولمق اوزره کلی بولونمالی. او یله اولمازسه، کندی علم حقنده بر تورلو، عینی حرکت باشقه سندن صادر اولدینی وقت باشقه تورلو حکم ایدرسم وجدانده آهنگ وجوده کله بیایریم؟ بسماعله حقیقی سعادت بویله بر آهنگده، عملك بر قانون کلی به استناد ایلمسنددر. هر نه قدر بو قانون کلی سعادتك علقی ایسه ده غایه سی دوغریدن دوغری به فردی مسعود ایلک دکلدر. بلکه بو قانون فردك سعاده لیاقتی تأمین ایدر.

شو خالد هر کس فعالیت ذهنیه سیله، اختیارینی بر قانون کلی به تابع طوتمقله سعادت حاضره لایور. قانتك اخلاق مسلمانده ۱۷۷۰ - ۱۷۸۰ آراسنده بو یوله دوشوندیکی پراکنده اولارق بر اقدینی بعض نوظلردن آکلاشیلیور. فیلسوف بو دوستونوشله بر کره ایلک دوردن آیریلشدر آرتیق اخلاقیانی، فضیلت اخلاقیه نی بر احتسابك شعورندن عبارت کورمه یور، بلکه بر فعالیت ذهنیه دن و اونك نتیجه سی اولارق بر قانون عقلمدن منبعث بولویور، آنجق بو دورده کی دوستونجه سی فلسفه اخلاقیه سنك شکل قطعیمی ده دکلدر. چونکه بو دورده قانون اخلاقیك هنوز مشائی بولماشدر؛ دها دوغریمی اونی فردده فرض ایلمشدر. مع مافیه اخلاقیلک عملك بر دستور کلی به استناد اتمی دیمک اولدیمی فکری قانتك اخلاق حقنده کی صوک مرحله تفکریننده تمایدر.

قانت، فلسفه اخلاقیه سی المریده مفصلاً آکلا تاجنمز طرزده (۱۷۸۵) دن یعنی عقل محض انتقادیك طبعندن صوکر دوشوندی. کوره جکیز که فیلسوف، اخلاقیلک ماهیتی تمایل ایله بو تسایحی چیقارمشدر؛ آنجق بو تحلیلانك طرز و اصولی ایکی مهم اساسه استناد ایدر. بونلردن بری قانتك تکامل حقنده کی تلقیسی، دیکری عقل محض انتقادیله حاصل ایلدیکی قناعتدر. بو ایکی اساسدر که قانتك نظریه اخلاقیه سنه استقامت ویرمشدر. اونك ایچون (۱۷۸۵) دن اوایکی تحریات و مساعی مبادیه سیله اکتساب ایتدیکی بو اساسلر فلسفه اخلاقیه سی بزه ابضاح ایدر. بنه علیه اصل نظریه سنه

انتقaldن اول بو اساسلی واونلرك فلسفه اخلاقیه سنه اولان تأثیرنی آكلاتا جفز .
 قانت چوق اول ، دها كمنجلكنده طبیعتك تشكلكه « تكامل » فكر و تاقیسنی
 تطبیق ایلش ایدی . « مارخ طبیعی سما و نظریه افلاك » نده اجرامك تكوی
 بر تكامل تدریجك محصولی كورمه یورمیدی ؟ عینی اثرده اجرام كې ارضكده بر
 تاریخی اولدیغنی وئاء علیه اسکی حائده قالمادیغنی و بالاكس تدریجی بر تكاملله بو حالی
 آلدیغنی سولایور و آئیده ده عینی قانون تحت تأثیرنده تبدل و تحوله اوغرا به جفنی آكلاتیور
 ایدی . [۱] صوكر اکی اثرلرنده ده ارضك قبل التاريخ حالی ، عرق بشرك منشائی آرادی .
 بر طرفدن علمه نرك ، اخلاقی حكملر مركز سبب اصایسنی تحری ایدركن دیگر طرفدن طبیعی
 جغرافیاه ، آنزپولوژی به عائد تدقیقاتی دقتی بشریتك منشأنه ، تاریخ طبیعیه - - - - -
 ایایوردی . ذاتاً « تكامل » تلقیسنك استناد ایتدبکی ایکی مهم فکری اثرلرنده ، بالخاصه
 نظریه افلاك كنده كمهم اساسی ومبدأ اولارق قبول ایتمشدی . بوفكر لرلدن بری ماضی بی
 شمبدکی تجربه لریمزله معلوم اولان عاملر اعانه سیله ایضاح ایلنك لرومیدر . تكامل تلقیسنك
 استناد ایتدبکی بو اساسه استناداً فیلسوف نیوتونك احرام حقنده کی نظریه سنی ناقص عد
 ایلمشدی . دییوردی كه : « بوكون اجرامك حرکاتی ایضاح ایدن عاملر نه به واونلرك ماصیده کی تشكلی
 ایضاح ایده مهن سین ؟ بالعكس بوكون بولدیغمز علملرك طبیعتك ماضیسنی ده ایضاح ایایه بیله جكنی
 قبول ایتمه لیدر . بو مبدأ (تكامل) فکرینك مسندلرندن بریدر . دیگر جهتدن فیلسوف
 اوافق اوافق تأثیرات ترا كم ایده رك ایلریده مهم ستایج حصوله كله جكنه قاعدی . نتكیم
 اجرامك ، ارضك تاریخی بو بولده آكلاتیوردی . طبیعتك ایضاحنده بو ایکی مبدأ ی ،
 تعبیر آخرله تكامل فکرینی روسونك وضع ایتدبکی مدنیت ایله سعادت فردیه آراسنده کی
 مناسبت مسئله سنه تطبیق ایلدی . روسو مشهور اثرنده ترقیات مدنیه نك فردك سعادتتی وجوده
 كنیره مدیكنی ادعا ایلمشدی [۲] . قانت ژنه ولی فیلسوفك بو ادعای اوزرنده متمایزاً
 دوشوندی . نهایت بشریتك انكشاف تاریخیسنك فردك سعادتیه اولچوله میه جكنه قناعت
 ایتمشدی . تاریخك انكشافی دوغریدن دوغریه سعادت فردیه نی استحصال غایه سنه متوجه
 دكلسه هدفی نه اولاییلریدی ؟ طبیعتك ، مثلاً اجرامك منشائی بوكونکی كو : دیگر
 علملرله ایضاح ایلیه بیلوردی . انسانیتك تكامل تاریخیسنك استقامتی حالاً موجود قانونلر

[۱] صحیفه ۲۹-۳۰

[۲] بالخاصه (Discours-sur L, inégalité) مقدمه می

اعانه سیله بولامازی یز ؛ تکامل تاریخی نك هدفی تدریجاً فردك سعادته واصل اولماسی عد ایدمه یز. انكشاف تاریخیك فردی سعادته، راحت، ایلک دوغری کوتوردیكنی کورمه بورر . او حالده بشریتك کیندیکی هدف نرده؟

ونت، « حسن وعلویت حقنه مشاهدله » عنوانده کی اثرینی یازدیغی زمان طبیعت فردیه ده کی کوزللمکری توصف ایتشدی. روسونك اثری، بالذات کیندینك آنتروپولوژی تدقیقاتی بو ظنی دیکشیدردی. نالکس فردی ماهیه بو کالاتدن عاری کورمه کاتلادی. آنتروپولوژیسنده « بز انسانلر تذل، وفاسز، عادی مخلوقلرز » دییوردی. طبیعت فردیه نك کالنه فاع اولان وزمانه او کالاتك انكشاف ایلدیکنی فرض ایدره ك بشریت حقنه پك نیکیانه دوستون سولزدر (Sulzer) . قارشى بویوك فردیه ریهك بر مکتوبده یازدیغی « عزیزم سولزدر . نرم (انسانلرک) نه فنا بر مخلوق اولدیغمیزی بیلیمورسکز » فقره سنی طبیعت بشریه حقنه کی بدینانه کوروسونك دلیل اولق اوزره سرد ایدیوردی .

انسانلرک حالتی نیکیانه بر طرزده محاکمه ایلک امکانی اولماجیه روسونك تدقیق ایلدیکی مسئله ناصیل حل ایدلمیدی؟ تعبیر آخرله مدنیت سعادت فردیه ی وجوده کتیه یورسه اونك هدفی نه اولابیلردی؟ فانت، بو سوأله جواب ویره بیلیمک اوزره فردك هدفیه انسانیت دیدیکمز جنسك (Race) غایه وشرائط وجودیه لرینی آیردی. تاریخی انكشاف فردك دکل جنس بشرک غایه نك تحقنه دوغری کیدیور. فی الحقیقه فرد ایله جنس بشرک شرائط وجودی یکدیگرندن تماماً آیریدر. فرد صرف سوق طبعیلرینه منقاد بر حیوان اولق اعتباریه نك باشه بیراقلدجه تام انكشافه مظهر اولور. فقط انسان بر ذات عاقل اولماسی اعتباریه ملاحظه ایدلیدی زمان آجق بشریت دیدیکمز زمره آراسنده انكشاف ایلیه بیلیر. چونکه عقلك انكشافی بر چوق نسللرک تجربه لریه قابلدرد. هر نسل کینندن اولکینك مکتسباتنه استناد ایتسی سایه سنده ترقی تاریخی ممکن اولمقدردر. فقط بشریتك بو ترقیسی، عقلك بو انكشافی غایه سنه واصل اولونجه یه قدر فرد ایچون عذاب و مشقت مقدردر. حتی صرف -وق طبعیلرینه تابع اولارق یالکمز فرداً انكشاف ایتسه بدی، یعنی بر شخص عاقل اولسه بدی بلکه دها آز ألم، دها آز مشقت دویاردی. چونکه ذات عاقل صفتیه انسانك انكشافی، تعبیر آخرله جنس بشرک ترقیسی متمادی مجادله ایله، فلاکت وسفالتلره مترافقدر . اگر صرف فردك سعادتی غایه اولمش اولسه بدی انسان سوق طبعیلرینه منقاد اولارق قالیر ، یعنی روسونك اوزله دیکی حال طبیعی بیراقدی .

حالبوکه فرد سوق طبیعیلرینی ترك ایتدی، عقل یوانه کیردی. سو حالده بو یولی تماماً قطع ایتسی، باسقه تعبیرله اعمالنده بالذات کندی واسطه سیله بولدیغی بولی سوق طبیعیلرینک برینه اقامه ایلسی لازمدی. بو غایه نك تماماً تحقیق ایچون هر فردك بالاخیار قبول ایتدیکی بو بولك کلی برقانونه قطابق سابه سنده مشترک اولماسی، تعبیر آخرله هر انسان حریتك دیکرینک حریتله قابل تألیف بولونماسی مقتضیدر. هر فردك بویه حریتنی دیکر بوتون فردلرله قابل تألیف اولاجق وجهله استعمال ایلسی ایسه بوتون انسانلرک حر فردلردن مرکب بر جمعیت تشکیل ایتسیله ممکن اولور. ایشته جنس بشرک استهداف ایتدیکی هدف، غایه بودر.

کورولویورکه انکشاف تاریخینک غایه سی فردك دوغریدن دوغری به سعادتی دکلدر. بلکه ترقی تاریخی هر کسک بر قانون کلی دائره سنده اعمالنی تعیین ایتسنی یعنی تماماً حر فردلردن مرکب بر جمعیت انسانیه تشکلی استهداف ایدر. سعادت بونک تخنده مند مجدر. ایشته قانتک فلسفه اخلاقیه سی وجوده کترین عامللردن ری تکامل تاریخیده کوردیکی بو هدفدر، ناسقه بر تعبیرله قانت فرد ایله جنس بشرک غایه لری آراسنده تضاد کورمش و تکامل تاریخی نی اداره ایدن قانونک انسانیتکده هدفی اولماسی لازم کله جکسی قبول ایلشدر. حتی قانتک قانون اخلاقیسی بو غایه تاریخینک، دستور تکاملک وجدان فردیده تجلیسی عد اولونا بیلیر؛ قانون اخلاقی تکامل تاریخینک هدفی بزه ارانه ایلر. بو صورتله وجدانک بزه قبول ایتدیردیکی حقیقت ترقی تاریخی نكده استناد کا هیدر.

تاریخ و آنزوپولوژی تدقیقاندن چیقان بو نتیجه «عقل محضک انتهدادی» نده اورنه قویدنی معرفت نظریه سنک نتایجله بیرلشدی. قانت، «عقل محضک انتقاد» نده سو اساسی قبول ایلشدی: طبیعت و عالم تجربی حقدیه علم حاصل ایده بیلیمک ایچون قوانین کلیه بولونماسی لازمدر. اراده ده اعمالی تعیین ایده بیلیمسی ایچون بویه قانون کلی وضع ایتسی اقتضا ایدر. بولک ایچوندرك طبیعتک قوانینله اراده نك اعمالی تعیین ایدن قانونی آراسنده برمئات واردر. برنجیسی علیت مبدأنه استداداً بزه عالم حقیقی نی طسایتدیردیگی کبی ایکنجیسی ده عالم معقولاتی، مفکوره وی عالمی طانیق ایچون برمدخل وظیفه سی کوروبور. قانت، معرفت مسئله سی تحلیل ایدرکن سو سوال قارشینده قالمشدی: مادامک طبیعتی بیلیمک ایچون قوانین کلیه به احتیاج واردر؛ ناصیل اولویورده بزه حصوله کلن بر تصور بویه کلی، بناء علیه شیئی برماهیت اکتساب ایدیور؟ بو سوالک جوابی «عقل

محض انتقادی، نده و بردی. اخلاق ده مادام که کلی قانونه مستنددر. اوحالده اعمالز ناصیل، ونه نسبتده کلی، شیئی اولایابور، تعبیر آخرله بر عملک اخلاقی اولایبلمسی اونک هر زمان ایچون بر فاعده، بر دستور کلی اولماسیله قائمدر. ناصیل اولویورده عملز بویله دستور کلی صورتی اکتساب ابله بور؟ «انتقاد عقل محض» ده فیلسوف طبیعته عائد قوانین کلیه نك تجربه دن استخراج ایدیلده میه جکی کوسترمشدی. نالعیس تجربه بوقوانین کلیه نك مشروعیته دایانیر. تعبیر آخرله قوانین طبیعتیه قبلی مبادیه مستنددر. اوحالده اخلاقک استناد ابتدییکی دستور کلی ده تجربه دن چیقمازدی. یعنی روحیاتک، تاریختک بزه بیلدیر. دیکی باطنی حادثات ووقایع اخلاقک سببی، تملی و حوده کتیره مز. چونکه بالتجربه بیلدیکمز حادثات روحیه دن، تاریختدن اخلاقک مناسی اولان دستور کلی نی چیقارده میز. اوحالده اخلاق فیلقک اساسی تجربه اولماسی لازم کلیر. بونک ایچوندر که غایه اخلاقی نی جنس بشرک تاریخده کوردیکمز سیرتکاملندن چیقشمش عدایده سردی. اونک ایچون اولاً تکامل تاریخیده کوردیکی هدفی بالاخره قبلی اوله رق تأسیسه چالیشدی. شیمدی یوقاریده کی ایضاحاتی خلاصه ایده لم:

فیاسوف تگون عالمک تدقیقی ائاسانده «تکامل» فکرینه قانع اولمشدی. بوفکری بشریتک تاریخنه، آنتروپولوژییه تطبیق ایلدی. بونکون اعمالزی اداره ایابن فانونک، تاریختک، جنس بشرک تکاملنی ده ایضاح ایتسی لازمدر. بوقانون دوعریدن دوعرییه سعادت فردیه نی استحصال اولامازدی. اوحالده مدینتک، تاریخده کی ترقینک غایه سی دوعریدن دوعرییه فردی مسعود قیامق دغدر، بلکه جنس انسانییه عانده دق استحصالدر. بوده ازائه ایدر که اعمالی اداره ایتسی لازم کلن قانونک کلی اولماسی، یعنی بوتون عقله صاحب اولان موجودات معنویه تطبیق ایدلمسی ایجاب ایدر. اخلاقی عمللر مز ناصل کلیت کسب ایدیور؛ ناصیل طبیعت حقده کی شیئی قانونلر یالکیز انطباعات خارجیه دن، تجربه دن تولد ایلده مزسه، بالعیس تجربه نك حصولی ایچون مفکره مزک علیت مقوله سی کبی کلی قانونلری اولماسی لازم ایسه اعمال اخلاقینک ده کلی بردستوره اسنادی نه روحی تجربه دن، نه ده تاریخی تدقیقندن، مثلاً عرف و عادتدن متولد عد ایدیه مر. اوحالده اونک ده منشأی قبايدر، یعنی انسانک ذات عاقل، بوجود معقول (être intelligible) بولونماسی حیثیتیه ماهیتدن منبئدر.

شو ایضاحات قانتک اخلاق مسئله سنده ناصیل بر تکامل فکری کچیردیکنی قارئلره کوسریر ظن ایدرم. قانتک اخلاقی ظاهراً کوردوندیکی کبی تماماً قبلی مبادیه مستند

دکدر . بلکه بیه تیزمک تأثیرینی بر طرفه بر افرسحق قانون اخلاقی بی آنرو پولوژیدن ، تاریخک سیرندن چقارمشد . هر قانونک هر کلی حکم ومفکوره ک قبل بر مبداء مستند اولماسی حقنده کی قذاعتی ، اخلاقی تجربه فوقنده بر ماهیت اساسیه استناد ایتدمکه چالیشماسنه و اخلاقک روحی وتاریخی بناء علیه اجتماعی مسندی انکاره سوق ایشدر .

بو معلوماتدن صوکر ا قانتک فلسفه اخلاقیه سنی تأسیس ایتک اوزره عاداتک مابعد الطبیعی تلی ، نامنده کی اثریله عقل عملینک انتقادنده بایدی تحایلاتی تدقیق ایلیه بیایور .

اضد قیلفک اساسی

طبیعتک تمیر آخرله عالم حادثاتک مابعد الطبیعه سنی تأسیس ایچون اول امرده ، طبیعته عائد معرفتمز ناصیل ممکن اولویور؟ ، سوالی حل ایتک لازم کلدیکی کبی افعال مختاره ک، اعمال اخلاقیه ک فلسفه سنی ده یایق ایچون هر شیدن اول سو مسئله یی حل ایتک اقتضا ایدر: ناصیل اولویورده اخلاقیلیق ، یعنی قوانین طبیعه و ضروریه دن تماماً آیری ومختار قانونلر دائره منده اعمال ممکن بولونویور؟ طبیعتی عائد علمک ناصیل ونه راده یه قدر ممکن اولدیغنی ، عقل محضک انتقادی ، نده تدقیق ایتدک. اخلاقیلیک، بناء علیه ارادی ومختار حرکتلرک ناصیل ممکن اولدیغنی تحقیق ایتک ایچون ایکنجی بر انتقاد لازمدر ایشته ، عقل عملینک انتقادی ، نک موضوعی بودر .

آنجق هر ایکی ، انتقاد ، ک آراسنده تماماً بر موازات فرض ایتمه ملیدر. چونکه عقلک نظری استعمالیه عملیسی آراسنده بر فرق اساسی وارددر. فی الحقیقه عقلک استعمال نظریسی مطالعه ایدرکن اونک برده استعمال محضی (usage pur) اولدیغنی کوردک . یعنی عقل بزم ایچون معرفت قابل اولمیان موضوعلری اکتسابه ده چالیشاجنی ایچون اونک بواسعمالک نه درجه مشروع اولایله جکنی ، نه راده یه قدر حقیقتی تأسیس ایده بیسله جکنی تحری ایتک لازم کلیدی . نته کم اولیه بایدق . مثلاً مفکره « علیت » مبدای اعانه سیله حادثاتی یکدیگرینه ربط ایده رک قوانین کلیه استحصال ایلور ، عقل بو مبدای معرفتک الوصول مرحله سنه قدر تشمیل ایده رک « غیر مشروط بر وارلق » ، « مطلق بر علت » ی استحصال ایتک میلنده بولونور . بز عقلک بو تمایله استناداً شیئی بر حقیقت تأسیسی قابل اولوب اولیه جغنی آراشدیردق . حالوکه عقلک استعمال عملیسی انتقاد ایدرکن بویه بر لزوم

قارشیدنده فایه جغز. چونکه حقیقهٔ عقلک عملی بر استعمالی وار ایسه، یعنی عقل بوتون علل طبیعی‌دن مستقل اولارق اراده‌مزی تعیین ایدیور، اونک اوزرینه مؤثر اولویور ایسه دیمک که بو استعمالی حقیقیدر. عقلک بو صورتله حر عمللر وجوده کتیردیکی تبین ایدیجی، موضوع مثبتي‌ده کندیلکندن تظاهر ایلش اولور. بناءً علیه نظری‌ساحه‌ده اولدینی کبی عملی‌ساحه‌ده عقل موضوعی خارجه جیقمورمی؟ کبی بر سؤال مقدر قارشیدنده دکلز. دها آجیقجه‌سی اکر اثبات ایده بیلیرسه که عقل هر تورلو عوامل طبیعی‌نک فوقده و اولردن آیری اراده‌نی تعیین ایده جک بر قدرتدر و بویه اولدینی ایچون اعماله مؤثر اولویور. شو حالده بو عمللر اونک موضوع حقیقی‌سیدر. آرتیق مشروع استعمالی خارجه جیقایلمسی موضوع حقیقی‌سی تجاوز ابله‌سی دوشونوله‌من. بویه اولدینی ایچوندر که قانت اترینه دوغریدن دوغری به «عقل عملینک انتقادی» دیمش، «عقل محض عملینک انتقادی» عنوانی و برمه‌مشدر. چونکه نظری‌ساحه‌ده اولدینی کبی عملی موضوعلرده عقلک «۱-تعمال محض» ی موضوع بحث دکلز [۱] او حالده تخریسی و اثباتی لازم کان جهت ساده‌جه عقلک حقیقهٔ بر استعمال عملیسی وارمیدر؟ افعال انسانیه حادثات طبیعیه خارچنده برده عقلک وضع ایتدیکی قانون تأثیرنده بولونویورمی؟ عقلک اعماله بویوله مؤثر اولدینی قبول ایتک افعالزک بر قسمنک بر علت طبیعی‌نک، بر حادثه‌نک نتیجه‌سی اولمادیغنی و دوغریدن دوغری به ماهیت انسانیه‌دن متولد بولوندیغنی تسلیم دیمکدر. دیگر بر حادثه‌نک ضروری نتیجه‌سی اولمقسزین حرکت «مختار بولونمقلغمزه» وابسته اولاجغه نظراً بومسئله برده «اختیار» وارمیدر؟ سؤاله منجر اولور.

بو سوآلی حل ایتک ایچون اول امرده عامه‌نک اخلاقی حکملرندن قانون اخلاقی‌نی استخراج ایتک، اخلاق‌لیقک استناد ایتدیکی دستوری بولمق لارمدر.

بناءً علیه سیمدی «اخلاق‌لیق ندر؟ هانکی مبدأ اوزرینه مستنددر؟» سوآله جواب ویرمکه جالیشاجغز. آنجق بو مسئله‌نی تدقیق ایتک ایچون عرف و عادات حقنده کی علمی اساس اتخاذ ایده‌میز، اونک شرائطی آرامقله بو مسئله‌نی حل ایلیمیز. عرف و عادات حقنده کی معلومات اخلاق‌لیقنی تشکیل ایتمز. اخلاق عرف و عاداتدن مقدمدر. آبی بر

انسانك اخلاقى حكى هر نوع علمك ووقوفك فوقنده در. اونك ايچون «اخلاقيلفك» استاد ايتديكى مبدأى بولا بيلمك، فلسفى بر فكر الله ايله بيلمك ايچون عامه مك بلا واسطه الله ايتديكى - يعنى عرف و عادات حقنده كي معلوماتدن استخراج ايلديكى - حكم اخلاقى ني تحيلدن باشلامقلمز لازمدر .

معلومدر كه عقل سليم صاحبي هر كس حركاتنده صحت، ثروت، شهرت .. الخ كبي بر جوق غايه لر تعقيب ايدر . بز بو غايه لر «أبي شير» ديوروز . فقط بر پارچه دقت ايده جك اولورسه ق كورورزكه بوتون بو «أبي شير» بذاته ابيلك تشكيل ايتمز، بونلردن هيچ بري ابيلك عمومى شكلى، صورتى افاده ايله مز. بالعكس بونلرك حقيقى ابيلك اولاييلمس . اونلرك طرز استعماللرينه، تعبير آخرله اراده نك اونلري تخصيص ايلديكى غايه يا غايلدر . ديمك كه بونلرك حقيقى ابيلك اولماسى اراده نك اونلري ابي برهده تخصيص ايتميسله ممكندر . شو حاله بوتون ابيلكلرك مبدأى، مسندى اراده در . نته كيم فناقلرك، شرك مبدأى ده اودر . بو ابي كوردبكمز شيرى اراده ابي غايه لر تخصيص ايدرسه ابي اولور؛ بونلري فناغايه لر حصر ايدرسه فنا اولور ، هيچ برشى بذاته ابي دكلدر . ابي دينلن شير اراده مزك اونلري ابي برغايه حصر ايتميسله ابي اولاييلرلر . شو حاله ابي ديدبكمز شيرى حقيقى ابيلك حائنه كتيرن يندر، اراده در. تعبير آخرله مطلق اولارق يالكز حسن نيت، اراده ايدر . فقط اراده سوق طيعيلر مزك، حساسيتك استهداف ايتديكى غايه يا خادم اولدقجه، مثلا راحتى، سعادت ماديه يي تأمين ايلمكه محصور قالدقجه «حقيقى خير» اولاماز . چونكه بو حاله اراده سوق طيعيلر، حساسيتك استهداف ايلديكى غايه ايچون بروسطه دن عبارت قالير . چونكه راحت و على العاده سعادت سوق طيعيلر مزك، تمايلات فطريه مزك ايجاب ايلديكى برره دقدر . اراده بو بولد مصر و اولدقجه تمايلات مزك هدفنى استحصال ايچون بروسطه دن عبارتدر . بر واسطه دن عبارت اولان شى ابيلكك، خيرك مبدأى اولاييليرمى؟ شو حاله ابي اولان اراده يعنى «حسن نيت» سوق طيعيلر، تمايلات خادم دكلدر . بلكه بويله بر اراده نك، حسن نيتك قانونى يالكز «وظيفه» در . منحصرأ قانون اخلاقى به رعابت ايتك ايچون عملده بولونمقدردر . مثلا حرمت عموميه يي قازانمق ايچون عفيف و مستقيم اولمق، اولوم عذابندن قورقدينى ايچون اتخار ايتمه مك وظيفه يا تابع اولمق دكلدر، بالعكس قوانين طيعيه يا اتباعدر . چونكه هر كسك كندى ابي طائيسنى ايسته مك، اولومدن قاجق نهايت تمايلات فطريه مزه ، سوق طيعيلر مزه انقياد ايلكدن باشقه برشميدر ؟ شو حاله بر

فم‌لك خارحاً قانون اخلاقى به مطابق اولماسى ، اويله كورونمى خيرى وجوده كتيرمز؛ اخلاق‌لىق، اراده‌نك وظيفه‌به اتقيادنن تولدايدر. بويله برانقيادى ايسه بر عملك يالكلز خارجاً قانون اخلاقى به مطابق اولماسى اثبات ايتمز. بالعكس اخلاق‌لىق اصلاً قانون اخلاقى به رعايتى قصد ايتمكه مستنددر. يوقازيده سويلد بكمز مثاللردن ده آكلشيلاجنى وجهله برشى تمايلات طبيعه‌مزنك نتيجه‌مى اولدينى حالده خارجاً قانون اخلاقى به مطابق كى كورونور. فقط بو حالده اراده وظيفه‌به دكل ، سوق طبيعيلرمزه اتقياد ايتديكى ايچون فعل اخلاقى حصوله كلز .

ديتك كه عمل اخلاقى وجوده كله بيلمك ايچون حظك، منفعتك ايحياب ايتديكى ملاحظاتدن صيريلتى، حيات يوصيه‌نك امكانلى فوقه چيقمق لازمدر. تعير آخرله وظيفه بوتون نفى، حظى ملاحظاتدر، ايحياب حل قيدندن صيريلارز مرزمانه ومعقول بوتون اراده‌لره شامل بر مكلفيت وجوده كتيريز . اعمالمز حى قيدلردن آزاده بر مكلفيته اتباع سكلنده اولورسه اووقت اراده يالكلز وظيفه‌نك تاثيرى آلتنده قالمش و اخلاق‌لىق دم تجلى ايتمش اولور . مادام كه وظيفه‌به تبعيت تمايلات طبيعيه‌به هقاد اولمقسزين حركت ايتمكه؛ زمان و مكاتك ايحياباتيله مقيد اولميه رق عملده بولونمقدرد؛ بو حالده عملمى تضمين ايدم جنك دستور زمان و مكاه، شوويا بو حاله محصور بولونميه رق كللى اولمالى، تاكه او عملده اخلاق‌لىق وصفى حاصل اولسون . بونك ايچوندر كه اخلاق‌لىقك ايلك دستورى شودر :

« اوصورنه حركت ايتمى يم كه عملك نضمه ايتديكى دستورك بر قانونه كللى اولماسى ايتيم بيلم . »

شو تحليلات كو-تيرر كه وجدان عامه‌نك دويدىنى امر و تكليفلر حقيقه فلسفى اولان بوضوئه، بو قانونه رجاء ايديله بيلير .

كورولويور كه وجدانك قبول ايتديكى مكلفيت اخلاقى به تحليل ايديله رك عمل اخلاقىنك تعريفنى، دستورى چيقاردق . فقط بو دستورك مناسنى، حقيقى تملنى ناصيل بولابيليرز؟ عجباً عامه‌دم موجود حس اخلاقىنك يا خود عرف وعاداتك تدقيقندن اخلاق‌لىقك حقيقى مسندىنى استخراج ايله بيليرمى يز؟ فلسفه اخلاقى به عامه‌نك قبول ايتديكى دساتير اخلاقى به دن چيقا- بيليرمى؟ خابره، عامه‌نك حكم اخلاقى مسندن دستور اخلاقى به بولابيليرز. فقط اخلاق‌لىقك اساسنى، تملنى بو حس اخلاقىنك، عرف وعاداتك مشاهده لرندن ، الحاصل تجربه دن چيقارمايز. نه‌كيم شوويا بومشاهده به استناداً اخلاقك مبدائى بولمغه چاليشانلر شيچدم موفق اولاماشلردر . بونلر اخلاقك اساسنى كاه فردك كالى فكر مجردينه، كاه سعادته مستند كورويورلر، بعضاً دوغرى به حس اخلاقى به، بعضاً مخافة الله عطف ايلك ايتيه بورلر . اخلاقك مناسنى بولمق آرزو ايله بورس كز بوتون بونظر به لرى بر طرفه يرافكلز لازمدر .

اخلاق اساسی كرك خارجى كرك باطنى تجربه دن چقاريلاماز ، كللى بر قانون اخلاقى انكليز فيلسوفلرينك و ياروسونك فرض ايلديكى كجى روحيات و يا آنزو پولوزى تدقيقاتيله بولوناماز . بونون اراده معقوله «Volonté raisonnable» ، يه قابل تطبيق بر اخلاق قاعده سى هر نوع خصوصى هدف خارجنده اولمالى ، تجربى ، يعنى زمان و مكانله مقيد محتوايى حائز بولونمالي ، الحاصل يالكنز قانون اخلاقينك صورت (forme) نى افاده ايتلى .. بويله تجربى محتواسندن صرف نظرله بر حكم كليتك صورتى بولمق ايسترسك آنجق مابعدالطبعى تحليلانه مراجعت ايله مز لازمدر [۱] . بناء عليه تجربه ساحه سى ، روحيات و آنزو پولوزى موادنى بيراقه رق مابعدالطبعى بر اصولله اخلاقك مناسبى آراشدبرالم .

طبيعتده هر شى قانونلر دائره سنده ، يعنى علت طبيعيله توفيقاً حر كنده بولونور . ياكيز ذات عاقل اولان انساندر كه قوانين طبيعيله منقاد اوليورمز . بلكه تصور ايتديكى قانونلره ؛ تعبير آخرله قبول ايتديكى بعضى مبادى به كوره حر كت ايلر . انسانك تصور ايلديكى قانونه ، مبادى به كوره حر كت ايتك قوتى « اراده » سيدر . اراده تأسيس و تصور ايديلن قانونه كوره حر كت اولديغنه كوره بر عقل مؤثر (Raison agissant) ، بر عقل عمليدر . چونكه ناصل عقل نظرى بر طاقم قبلى تصورلر و مبادى وجوده كيتيريورسه ، اراده ده قبلى بر تصور ، قانونه كوره حر كت ايله بيليور .

شوالله بويله اعماللر ايچون مؤثر قانون وضع ايدن اراده به « عقل عملى » ده ديه بيليرز . بو ايضاحات كوستيريور ، تصور و تأسيس ايله ديكمر قانون اخلاقى بزه مؤثر اولور . اراده به بر مجبوريت تحمیل ايدر . فقط قانون اخلاقينك تحمیل ايتديكى مجبوريت طبيعى بر قوتك ، بر علتك تأثير ضروريه بكنزه مز . مثلاً ثقلت ده جسم اوزرينه مؤثر اولور . بر جسمى بيراقجه ثقلته تبعاً دوشر . قانون اخلاقينك اراده اوررينه اولان مؤثرى بويله طبيعى بر جبر و ضرورت شكلنده ذكدر . بالعكس بر اسر impératif حالته در ، بناء عليه مجبوريت دكل ، مكلفيت تحمیل ايلر .

واقعا صورت مطلقه ده خير اولان بر اراده ايچون بويله بر اسر ، بويله بر قانون دوشونوله مز . مثلاً آسمى بر اراده دائماً و مطلق اولار ق خير حالته تجلى ايله جكي ايچون بالضروره اونك [۱] اولجه كورمشدك كه قانت علمى تحليل ايدر كن اونك « ماده » سى ايله « صورت » نى آيرمشدى . عيى اساسى تقسيمى اخلاقده ده ياپيور . معرفتزه عائد حكملرك كليتنى ناصل مدر كه نك قبلى صورتلرى تأمين ايدبورسه اخلاقى حكملرك كليتنى عقل عملينك و برديكى صورتده ، قانون اخلاقده آرامق لازمدير . ديور . ۱۶ صحيفه به باقكيز

حرکتی قانونه مطابق اولیر . حالبوکه اراده انسانیه آز ویاچوق مجبر دیگر بر طاقم سائق فکر تشویق و تنبیه ناهیدر . تجربه دن وجوده کلن بو سائق اراده ایچون دایما شرطه معلق بر امر وجوده کتیریر . مثلاً باشقه سنک امنیتی احراز ایتمک ایسترمیسک؟ دایما دوغری سوبله ، بوشکده دوغری لوق آنجق باشقه آدمک امنیتی قازانمق ایچون برواسطه دن باشقه برشی دکلدیر . بناء علیه دوغری دن دوغری به برغایه عداولوناماز . بو بر توصیه دن ، تدبیری وحکیمانه حرکت توصیه سندن باشقه برشی دکلدیر . بویله اولدینی ایچون بر امر شرطی (impératif hypothétique) در . حالبوکه امر اخلاقی شرطه معلق اولماز . بالعکس ریاضی متعارف لرکی بریقین قطعی و ضروری افاده ایدر . یعنی دیرکه : « هر زمان و هر حالده دوغری بی سوبله ، کورولویورکه حرکتیزک سائق تجربه دن ، یعنی راحت ، سعادت ایسته مکدن ، الحاصل خودکامیدن تولد ایدر ، بر اثر تدبیر کولم اولورسه اووقت دایما بر شرطه معلق ، بر مکان و حالله مقید بولونور ، مطلق اولماز . بالعکس اخلاقی امر وقانون بر قضیه حمایه شکنده قطعی و غیر مشروط بولونمالیدر . بونک ایچوندرکه قانون اخلاقی هر هانکی ر تجربه دن جیقار یلاماز .

بویکی نوع حکمی ، یعنی تجربه دن آلیان سائق وجوده کتیردیکی حکمله اخلاقی امری برده انتقاد نظر نده قبول ابتدیکمز اصول دائره سنده تدقیق ایدلم : برنجی حالده وجوده کلن هر حکمده بر شرط و بر مشروط یعنی برغایه و برواسطه واددر . برغایه وصول ایستین طبیعتیه واسطه سی ده ایستیر . اگر هر کسک امنیتی ایسته یورسه کز او حالده اونک واسطه سی اولان دوغری لوق ده آرزو ایلر سکز . آر دوغری بی سوبلیک و هر کسک امنیتی اکتساب ایچون برواسطه ایسه ایکنجی تصویری تحلیل ایله برنجی بولور سیکز . شو حالده بویله بر حکم تحلیل ، در . قانون اخلاقینک وجوده کتیردیکی امر قطعی ده نه بر شرط یعنی برواسطه ، نه بر مشروط تعبیر آخرله غایه واددر . بالعکس قانون اخلاقی اراده بی هر نوع تجربی عوامل و تصورات خارجنده اولان وظیفه به قبی اولارق ربط ایلر . بویله اولدینی ایچون ترکیبی بر حکمدر .

شو ایضاحات کوسریرکه اراده اوزرینه تأثیر ایدن و تجربه دن استخراج ایدیلن سائقلردن حصوله کلن حکملر تحلیلی اولویور . تعبیر آخرله تجربه دن مستخرج بر سائق اراده به تکلیف ابتدیکی امری ذاتاً اوسائق احتوائیلدور . حالبوکه قانون اخلاقی تجربه دن حصوله کلن سائقه هیچ بکزمه یور . خلاصه اخلاق امر و تکلیفی باشقه ماهیتده در . امر اخلاقی ده اراده

ایله وظیفه ترکیب ایدلمشدر . احوالده بویه بر قبل ترکیب ناصیل ممکن اولوبور ؟ سؤالی قارشیدینده یز . ناصیل عقل نظرینک انتقادیده قبلی ترکیلرک منشائی آرامشسه قاعمالز ایچون بویه علمی بر حکمت ناصل وجوده کلدیکنی ده ارامق اضطرارنده یز . اخلاقلیق نه اولدیفنی آراشدر دیغمز زمان یوقاریده کورمشدک که عمل اخلاقنک اساسی حرکتمزک استناد ایتدیکی دستورک قانون کلی اولماسنی ایسته مکدر . شوحالده ناصیل عملمزدده ترکیبی حکملر وجوده کتیریورز دیمک بالنتیجه عملمزدک دستورنک قانون کلی اولماسنی ناصیل ایسته یورز . سؤالندن باشقه برشی دکلدر . دیگر جهندن اکر «طبیعت» ی واسع معناده آکلارسه کز ، یعنی بو کله دن نتایج و آثاری حصوله کتیره ن قانونک عمومیلکنی قصد ایدرسه کز احوالده بو سؤالی باشقه تورلوده اورته به قویابیلیرز . مادام که کنسدی عملکنزک دستورنک کلی اولماسنی ایسته یورسکمز ، شو حالده اونک بر قانون طبیعی اولماسنی آرزو ایلورسکمز دیمکدر . ناصیل اولوبورد کنسدی عملمز ایچون قبول ایتدیکمز دستورک بر قانون طبیعی اولما-نی ایسته یه بیلور ؟

بو مسئله یی تنور ایچون مشخص بر قاج مسئله یی تدقیق ایدلم : فرض ایدیکنر که حیاتک آلریدن قورنولمق ایچون اتخار ایتک ایسته یورسکمز . بو حالده المدن قورنولمق حسنه ، یعنی خودکامی به استناداً اتخارک مشروعیتنی و اخلاقاً مقبولیتنی بر قانون طبیعی اولارق طلب ایده بیلیریمسکمز : خاییر . چونکه نفسمز حقنده کی محبتمز ، تعبیر آخرله حب نفسمز ممکن مرتبه عمرمنی تمادی ایتدیرمکی ایجاب ایدر . بناءً علیه خودکامی ، حب نفس تلف نفسی دکل عمرک ادامه سنی آمردر . اکر حب نفس بالنتیجه تلف نفسی مؤدی اولورسه طبیعت کنسدی قانونیه یعنی حب نفسله تضاده دوشمش اولور . شو حالده اتخارک بر قانون کلی ، بر قانون مشروع اولما-نی طاب ایده مزسکمز .

کذلک خودکامام ، یالکز کنسدمه محبت باشقه سنه یاردم ایتدیرمه یور . بو حالده ایسته یه بیلیریمیم که بو عملمک تضمن ایتدیکی دستور کلی بر قانون اولسون ، یعنی هرکس بر برینه حرمت ایتمکه برابر باشقه سنک احتیاجنی دفع ایچون هیچ برشی یایماین ؟ خاییر . . . چونکه اوله زمانلر اولابیلیر که بنده باشقه سنه محتاج اوله بیلیریم . بو تقدیرده کیمسه بکا یاردم ایتمه یین دیه بیلیریمیم ؟ چونکه بو حالده بنده کی حب نفس ، خودکامی باشقه سنک معاونتنی ایسته مکملکی ایجاب ایلر . بناءً علیه باشقه سنه یاردم ایتمه مک قانون کلی اولماسنی

ایسته‌مکلمک طبیعتک قانونک، خودکامینک کندی کندینی نقض ایتمسنی ، بالنتیجه بالذات بنم آهنگسزلك ایچنده قالمقلمغنی تولید ایدر .

شو مثاللرده نه‌ایچون عملم بردستور کای اولامابور؟ چونکه هرایکی حالده‌ده اراده خودکامینک خصوصی اضافی غایه‌لرینه خادم قیلئیور . باشقه برتعییره اراده خودکامینک، حب نفسک خصوصی هدفلری ایچون توقیف اولونئیور . اراده بویه بر حس ، بر سوق طبیعی طرفدن توقیف ایدیلنجه بر امر شرطی (Impératif hypothétique) حصوله کلیر ، یعنی عملمز بر دستور کللیه دکل ، مشروط بر قاعده‌یه استناد ایدر : « المدن قورتولمق یسترسهك انخار ایت » ، « ضرر ایله‌مك آرزو ایدرسهك معاونته محتاج اولانلره تقرب ایت » کی .

حالبوکه امر اخلاقی آنجق قطعی وکللی اولور . بوقطعیت وکللیت حاصل اوله‌بیلیمک ایچون خودکامینک وجوده کتیردیکی اضافی ، نسبی هدفلری بیراقق اعمالمزه مطلق بر غایه fin absolue آرامق لازم کلیر .

شو ویا بوفعله دکل ، بوتون انسانلرک اعماله قابل تطبیق مطلق غایه حس خودکامیده وسوق طبیعیده بولونمادیغنه نظراً نرده آریا بیلیرز ؟ یوقازیده‌ده سوبلشده‌که انسانک استحصالی آرزو ایلدیکی غایه‌لرک هبسی اراده‌یه نظراً نسبی واضافدر ، تمیر آخرله بو هدفلر اراده‌مرك طرز تطبیقنه یعنی زمانه و شخصه کوره ای ویا‌فا اولور . او حالده او خصوصی غایه‌لری ای بابان اراده‌در ، بونک ایچوندرکه بونوع محافظه نفس سوق طبیعیتدن متحصل ایلکدر آنجق اراده‌ونیت (Volonté) . تابعدر . دیمک که اعمالمزه غایه مطلقه‌یه سوق طبیعتک ، خودکامینک بزى کوتوردیکی هدفلرده دکل ، اراده‌ده آرامقلمغمز لازم کلیر . فی الحقیقه مطلق بر غایه تصور ایده‌بیلیمک ایچون او غایه‌یه وضع ایدن بر ذات تعیر آخرله بر عقل عملی ، بر اراده لازمدر . انسانک شخصیت (Personnalité) تشکیل ایتمسیده بوندن متولد دکیدر؟ هرانسانی بر شخص (Personne) عد ایدیوروز . چونکه انسان بر ذات عاقل اولمق صفتله کندیسى ایچون مطلق بر غایه وضع ایلدیلور . بونک ایچون حرکتی یالکمز سوق طبیعیلرندن متولد اولمایورده دوعریدن دوعری به شخصیته مربوط اولان اراده‌سنده تابع اولویور . دیمک که اعمالمزه مطلق هدفی سوق طبیعی طرفندن استخدام ایدله‌ین و بناء علیه مطلق مبدأ اولان اراده‌ده لابیلیرز . اراده‌یه بویه مطلق اولارق وضع ایدن ده شخصیت انسانیه‌در . او حالده اراده اخلاقیه‌نك ایجاب ابتدکی غایه مطاقه‌یه بالتجربه بیلدیکمز خودکامیده ، حب نفسده

آراما می‌یز، بالعکس انسانک بو مطلق غایه‌سی کندی شخصیتندن، کن‌دینک ذات عاقل اولماسندن متولددر. اونک ایچوندرکه اخلاق‌لیفک ایکنجی دستوری شودر: «اصورنهرکت ایتکه کرک کن‌دی شخصنده، کرک باشق‌لرینک شخصنده انسانیتی بر واسطه کبی رکل، برغایه اولورق قریومعصر اولاسک»

بودستور یوقاریده سویلدیکمز ایکی مثالده اعمالک نه شرطله بر قاعده مطلقه، بر قاعده کلیه اولابله جکنی بزه اراشه ایلر. فی الحقیقه اتحار غیر اخلاقیدر. چونکه متحر شخصیتی بر واسطه کبی قوللانیور. کذلک باشقه سنک احتیاجنی کوروبده یارديم ایتکمزین اونی کن‌دی حائده بیراقق بذاته اوندن شایان حرمت اولان شخصیت انسانیه‌سی اهاهلده کدر. بورایه قدر ویردیکمز ایضا حاله اخلاق‌لیفک ناصیل کلی بر دستوره استناد ایلدیکنی. و ناصیل مطلق بر قانون اولدیغنی کوردک شیمدی صوک بر سؤال قارشی‌نده یز: بو مطلق امری کیم ویریور؟ تعیر آخرله اراده کرک کن‌دی حیثیه، کرک باشق‌لرینک حیثیت. انسانیه‌سه رعایت امرینی هانکی قوتدن آلیور؟ اگر اراده اخلاقی امری کن‌دی. خارخنده بر قدرندن آلیورسه، اگر اراده من اوزرینه مؤثر خارجده بر «ولایت Autorité» وار ایسه او حالده بو امرک قیعتی، منبی اولان او قدرته باغلانمش اولور. تعیر آخرله یا اوقوتدن قورقدیغمز ایچون اراده بواصره اتباع ایدیور، یا خود سودی کمز ایچون اوکا قانع اولویورز. بو حالده اوقورقو ویا قناعت زائل اولونجه آرتیق اخلاقی امرده قوتنی غائب ایدر. بو تقدیرده قانون اخلاقی مطلق اولابیلریم؟ شو حالده اخلاقی امر مطلق عد ایدیه بیلیمک ایچون منحصرأ بر قانون اخلاقی اولماسی اعتباریه اطاعت ایدلمسی لازمدر. تعیر آخرله قانون اخلاقی به خارجی بر منشأدن صادر اولمش بر امر حائده اطاعت ایدیه جک اولورسه او وقت او امرک مصدرینک قیمتیه کوره تحول ایدر. یعنی حکم اخلاقی بذاته بر قیعتی اولماز. بناءً علیه اخلاق استناد ایندیکی حقیقی قانون بر قانون مختار «Loi autonome» در، یعنی بر سبیک، بر علت خارجه‌نک نتیجه‌سی دکدر. حالوکه منفعت «Intérêt» اوزرینه، یا خود خارجی بر ولایت اوزرینه تأسیس ایدیه جک اولان بالجله دستورلر غیر مختار «Hétéronome» در. چونکه بو قاعده لر بر سائق خارجی به مستددر. مثلاً رواقیون «Stoïciens» و «وولف» نظریه اخلاقیه لرینی مفکوره مجرده اولان «کمال» مفهومندن استخراج ایلدکبری وغرور یوس «Crusius»

وعلى العموم الهيات اربابى اخلاقى صرف امر السبى به مستند كوردكلى ايچون بومؤلفلرك قبول ايلدكلى اخلاق اراده‌نك مختار اوله‌رق وضع ايلديكى بر قانون اولمقدن جيقبور . بو ايضاحندن آكلاشيلدينى وجهله اراده قانون اخلاقى نه هيج بر سبب خارجى به مستند ولمقسزين يعنى مختاراً وضع ايدراونك ايچون اخلاقك اوچونجى دستورى شو اولوبور :

«بوتونه موجودات عاقله‌نك اراده لر بى قوانين كليده وضع ايله بر اراده اولمى اوزره مودمظه ايله اراده معقوله‌نك بويه مستقل اولماسى ، بذاته كنديسى ايچون قانون وضع ايله بيلمسى ايچون « اختيار Liberté ، صاحبي بولونماسى لازمدور . فى الحقيقه اراده‌نك كنديسى ايچون مستقلاً قانون وضع ايتديكى قبول ايله جك اولورسه ق هر حادثه‌نك كندى خارجنده برعلتى اولماسنى ايجاب ايدن قانون طبيعى به تابع بولونماسى لازم كليد . بويه كندى خارجنده بر علته محتاج اولمقسزين بر اثر وجوده كتيره بيلن وارلق ضرورت طبيعى به تابع اولماديقنه نظراً « حر Libre ، ديمكدور . فقط انتقاد نظرى بزه اراده ايتدى كه طبيعت محسوسه داخلنده بويه بر اختيار يوقدر . تعبير آخرله بز مدركه منزله ، ذهنزله مختار بر اراده‌نى بيلمه يز . بويه بر وارلق حقيقى معناسنده قابل علم دكادر [۱] .

اوحالده اراده‌نك بو استقلالى ، بو اختيارى يوقيدر ؟ هر نه قدر مدركه منزله بويه بر مختار وارلق اولديغنى بيله مزسه كده قانون اخلاقى اونك وجودنى اثبات ايدر . باشقه بر تعبيرله اراده‌نك مختارى حقيقيدر ، چونكه ديكر بر حقيقى وقعه‌نك ، وجدان اخلاقى به مستند حكملرك شرط لازمى ، شرط غير مفارقيدر . يوقارنده كي ايضاحات وجدان اخلاقى نه هيج خارجى ولايته محتاج اولمقسزين قانون كلي وضع ايتديكى كوستردى . مادام كه بويه حكم اخلاقى وار ، اونك شرط لازمى اولان اختيارده موجوددر . دها آچيقجه سى مرهانسكى بر شئت واراقى ، وجودنى قبول ايدرسه كز اونك شرط وجودنى ده تسليم ايشكلككز ايجاب ايدر . بويه اولدينى ايچون وجدانك حكملىرى ، اونك مسندى اولان قانون اخلاقى نه قبول ايدىجه اونك شرطى اولان « اختيارك بروحود حقيقى به تقابل ايلديكى ده تصديق ايله جكسكز . شيله ر قانتك بوفكرى نه وجهله ايله افاده ايديبور : « مادام كه بايمه‌ك لازمدور ، اوحالده بايايلىرسك [۲] باشقه بر تعبيرله وجدانك سكا مكلفيت تحمیل ايديبور ؛ اكر اونى بايق قدرتك اولمى ، بايمده مختار بولونماسه‌ك بو تكليفك معناسى اولورمى ؟

[۱] ۱۲۹ - ۱۳۱ صفحه به بائيكز .

[۲] Du Kannst denn der sollst

اختیار مسأله‌سی

و

افزونگی مبداءك استثنایی

اختیار مسئله‌ساز منشأی یالکمز اخلاق دکلدر. تعبیر آخرله یالکمز اخلاقی حکملرک وارلی بر «اختیار» مسئله‌ساز اورتیه آتاماشدر. یوقاریده کورمشدک که مدرکه نتیجه‌لری ماقبلنه ربط ایدر و بویله‌جه عاتلر سلسله‌سی الی نهایت تمادی ایلر. حالبوکه عقل تماملانمش بر سلسله‌ی علل تصور ایدر. او صورتله‌که بو سلسله‌نک ایلک حدی آرتیق دیگر بر علتک نتیجه‌سی اولمه‌حق و کندی کندینه کافی بولوناجقدر. باشقه بر شینک نتیجه‌سی اولمان هر «واراق» بالطبع «اختیار» Liberté ی حائر دیمکدر. عقل ایله مدرکه آراسنده‌کی بوتاین اوجونجی تساوی نقیضینی وجوده کتیریور. معافیله بحث مخصوصنده سوبلدیکمز وجهله اوجونجی تساوی نقیضینده کوریلان بوتاین ظاهریدر. چونکه مدرکه علتلرک الی نهایت تمادینسی قبول ایلا‌یکی ساحه تجربه موضعلریدر. تجربه ساحه‌سی خارخنده پک اعلا اختیار ممکن اولایلیر. نته‌کیم «عقل نضرینک انتقادی» نده بو نقطه‌دن حرکت ایلیه‌رک اوجونجی تساوی نقیضینک نقیض و عکس نقیضینی حل ایلشدک. اوراده دیمشدک که معینیت (Determinisme) «قائل اولانلرک» عالمده اختیار یوقدر «دیملری تجربه‌ساحه‌سی داخلنده تماماً دوغریدر. علل طبیعی سلسله‌سی حاری اولان عالم تجربیده مختار بروارلی قبوله امکان یوقدر. فقط «اختیار وارد» دییه‌نلرک مدعالری‌ده بو ساحه خارخنده‌کی بر عالم ایچون، بر عالم معقولات (Monde nouménal) ایچون دوغرو اولایلیر. کیم ادعا ایدمیلیر که حادثه‌نک خارخنده اولان «ذات اشیا» ده‌ده علل طبیعی حکم سورویور؟ تعبیر آخرله اونک‌ده هر اثری کزندن مقدمه دیگر بر علتک نتیجه‌سی اولویور؟ شو حالده انتقاد نظریه‌کی مطالعاتدن شو نتیجه جیق‌یوردی: «اختیار» ذات اشیا‌نک وصفی بولونماسی، ماسقه بر تعبیرله حساً بیلا‌یکمز عالم مرئی خارخنده‌قالان بر عالم ایچون قانون اولماسی ممکندر. عجباً اخلاقی حکملر انتقاد نظریه‌ممکن کوردیکمز اختیارک انسانده حقیقه موجود اولدیغنی کوسر مزمی؟

آنحقی انسانك مختار اولدیغی ادعا ایدمه ییلمك ایچون بژده اختیار ایله ضرورتك ناصیل برلشدیکنی کوسترمك اقتضایدر. یالکنز برکرم « اختیار » مفهومی بویله متعال بر وارلنك وصفی عد ایتمه رك دوغریدن دوغری به تجربه دن چیقارمق ایستیه یلنك نظریه لرینی رد ایتلی زک قبول ایله دیکمز فرضیه نك ایضاحنه لزوم کورولسون. اختیارك بالتجربه ییلنه چکنه قانع اولانلر اونی شعور حادثه لرندن چیقارمق ایستیدورلر. حالوکه کرک خارجی، کرک باطنی اولسون، هیچ بر تجربه « اختیار » یر وبره من. چونکه حواس خارجی ایله ییلدیکمز اشیا بر برینه مربوط ومعلق اولدیغی کبی (حس باطنی Sens intime) ایله مطلع اولدیغمز وقایع روحیه ده زمان داخلنده مشعوردر. ناصیل بر شکل هندسی مکانك اقسام ساره سنه مربوط ایسه، ناصیل بر حادثه حسیه مکان داخلنده کی دیگر بر حادثه نك نتیجه سی اولویورسه زمانك هر آنی داخلنده مطلع اولاجمیز وقایع ده اوندن اولکی « آن »، اوندن اولکی زمانك اثریدر. نته کیم بر زمان داخلنده ظهور ایدن حادثه ده اولکی بر زمانه ربط ایدلمدکجه علم حاصل ایدیه ییلیرمی؟ مادام که زمان داخلنده اولان هر شی ماقبلته مربوطدر ومادام که حادثات روحیه ده زمان داخلنده مشعوردر. او حالده اوده علت ضروریه به تابعدر. بناء علیه مسلك تجربینك حادثات روحیه یی تحلیل ایدمه رك « اختیار » ی بولمه چالیشماسی بهوده در؛ اختیار شعورك بر کیفیتی اولماز. روحیاتك یادیغی تحلیل لره میدانه قونماز. اونك ایچوندرکه « اختیار » آنحقی ذات اشیا نك بر وصف عقلیسی (Caractère intelligible) اولارق قبول ایدیه ییلر. تعبیر آخرله بز بالحدس اونی بیله مه یز. آنحقی عقل مزله وارانی دوشونوروز.

اختیاری بویله جه عالم محسوسدن معقولات عالته، ذات اشیا به قل ایتدکدن صوکراده یینه مهم برمشکل قاریسیسنده قالعز: ذات اشیا، موحودات معقوله، ذات مطلق، ک، « الله » ک اراده سیله تعین ایتمه مشمیدر؛ تعبیر آخرله ذات اشیا نك علتی ده « الله » دکلیدر؛ انسانك شو عالم محسوسدن ماعدا برده عالم متعاله مربوط اولدیغی قبول ایتسه ک بیله فرد او جهتدن ده اراده الهیه به تابع، بناء علیه افعالده مضطر اولمازمی؛ مادام که ماهیت اشیا نك، وجود معقولک - علتی اللهدر. او حالده انسانك بو اعتبارله اثری ده اراده الهیه نك نتیجه سیدر و بناء علیه انسان ایچون بو صورته ده اختیاره بر یوقدر دنیه ییلیر. نته کیم سپینوزا هر فعلك، هر عملك علتی حوهرده، اللهده کورمش، بوتون حرکتانی علت الهیه نك میخانیکی تجلیاتی عدا ایشدر. واقعا جوهری، الهی سپینوزا کبی دوشوبورسه کنز

یعنی زمان و مکانی وجود مطلق تعیینده داخل عد ایلر سه کز بوتون اعمال و حرکاتده ضرورت و معینیت کورمکز طبیعیدر . چونکه بو حالد هر تجلی الهی زمان و مکان داخلنده در و بناء علیه علیه تابعدر . خلاصه «الله» آنجق بویه تصور ایدلدیکی تقدیرده بوتون حرکات، بوتون افعال ذات مطلق، ک بر تجلی میخانیکسی اولور . حالوکه انتقاد ک اورتیه قویدینی و حمله [۱] «الله» تصورنده هیچ بر عنصر حسی بولونامیه جغنی قبول ایدیکز؛ تعبر آخرله «الله» تصورندن بوتون عناصر حسیه بی چیقاریکز، اونی زمان و مکان خارجنه وضع ایلدیکز؛ اروقت الهک بر علت اولارق بزم اعمالمزه، بزم تفکر انمزه مؤثر اولدینی فکرینک معناسز اولاجنی تماماً تظاهر ایدر . واقعا «الله» تصورنده ذات اشیانک خالقیتی ده مند محددر . آنجق بو خالقیث حادثات طبیعیه ده کوردیکمز طرزده علتک نتیجی تولید ایتمی قیلندن اولاماز . بویه فرض اولوندینی آنده «الله» زمان و مکان داخلنده اولماسی لازم کلیر . دییه بیلر سکرکه اولخالده الهک «مصدر حقایق» اولماسی، عالمه مؤثر بولونماسی ناصیل ایضاح ایدیه بیلر ز؟ بز بومناسبتک ناصیل اولدینی مثبت اولارق بیلهمه بز . آنجق الوهیتک تأثیرینک هیچ بز زمان بز «علت طبیعیه» نک «اثر» تولید ایلمی نوعدن بولونامیه جغنی طریق انتقاد صورت قطعیه ده اراؤه ایدر . چونکه علت زمان دمکان داخلنده بولونان حادثات بیننده مفکوره نک بولدینی برنسبتدر . الهی زمان و مکان خارجنده تصور ایدینجه آرتیق اوکا «علب» دییه مزسیکزه اعمالمزه، وجدانمزه حکملرک دوغریدن دوغری به ذات باریک اثری عد ایدیه بیلر سکر . اویله اولدینی ایچون «نفس معقول Moi mounénal» ده اعمالی تعیین ایدیه جک قدرتک بولونماسی ممکندر . و بو قدرت علت طبیعیه سلسله سی خارجنده اولدیمی کبی دوغریدن دوغری به بز «علت» عدا ایدیه میه جک اولان «الله» ک اثر ضروری ده تلقی ایدیه مز .

خلاصه حادثات عالمه دکل ، معقولات عالمه (نومه نه) متعلق بز اختیار ممکندر . «الله» تصویری بوکا مانع دکلدر . آنجق بوتون اعمال انسانیه علب طبیعیه سلسله سنه تابع اولدینغه کوره عینی عملرک برده اختیارمزه اثری اولایله جکنی ناصیل ایضاح ایتلی ؟ چونکه بز عمل اخلاقی زمان داخلنده بولوندینی ایچون بز حادثه در ، بناء علیه ضروریدر . دیکر طرفدن عینی عملی مختار اولارق تعیین و ایجاب ایدن بز قدرت متعال وار ، دیوروز . بز عملی بز طرفدن ضروری، یعنی حادثه نوعندن بز علتک نتیجه می، دیکر

جهتدن بزده موجود مختار بر قدرت متعالك اثری عد ایلورز . بو ایکیسی ناصیل قابل تألیف اولایلیر ؟ ایشته قانتک اختیار فلسفه سنده الك مغلق ، الك مبهم قسمی بودر . فیلسوفک بوسؤله ناصیل جواب ویردیکنی شیمدی کوره حکمز . آنجق اعتراف ایتلی که عقل عملینک بومسئلهیه تعلق ایدن صحیفه لری چوق مبهمدر . علم بر طرفدن اعمالک بر علت طبیعیه ک اثری اولماسی لازم کله جکنی کوسترییور ، دیگر جهتدن وجدان انسانده افعالی تعیین قدرتی اولماسی لازم کله جکنه شهادت ایلور . قانت بو ایکیسندن برینی یعنی نه طبیعته کی ضرورتی نه وجدانک شهادت ایتدیکی اختیاری فدا ایتک انسان ایچون قابل اولامیه جفی کورونجه اختیاری تأسیس ایلدکدن زیاده بونکله معینتی تألیفه چالیشمشدر .

باقیکز ناصیل :

فیلسوفه کوره اختیاری تسلیم ایتدیره بیلدک ایچون یکانه چاره اونک حکم سوردیکی موضوعی نظام طبیعینک جاری اولدینی ساحدن تماماً آیرمقدردر . تعیر آخرله انسان کندیسنی ایکی نقطه نظر دن ملاحظه ایده بیلیر : بر طرفدن تجربه ناطیه اعاسیله واقعات روحیه مزه زمان داخاند . واقف اولایلیرز ، بویله اولدینی ایچون هر واقعه روحیه ماقبلی اولان بر حادثه نک ایجاب طبیعیمی اولوبور . فقط دیگر جهتدن کندیمزی زمان قیدی خارچنده دوشونه بیلورز ، هر تورلو رابطه علیت خارچنده اولارق عمنمزی تعیین ایلیمیه جکمز قبول ایده بیایورز ، الحاصل بر حادثه کبی مطلع اولدیغمز واقعات روحیه مز خارچنده بر ماهیتمز ، تعیر آخرله بر وجود محسوس اولقوله برابر برده صرف عقلی (intelligible) بر جبهه مز بولوندیغنی آکلایورز . اکر نفسمزک بویکی جبهه سنی تماماً یکدیگرندن آیراجق اولورسه ق ضرورت ایله اختیاری تألیف ایلیمیه بیلیرز . او وقت دییه بیلیرز که نفس متفکرک عینی رمانده هم تجربی هم عقلی بر سحیه سی ، بر وصفی وار . تجربی سحیه سی ماضیمزک نتیجه سیدر ، یعنی تأثر لر مزه ، حال ذهنیمزه تابعدر . بویله اولدینی ایچون اونق متقدم حیامنز ، ماضیمز تشکیل ایتمشدر . بز بوتجربی سحیه مزی ، طبیعتمزی تعدیل قدرته مالک دکلز . فقط ماضیمزک محصولی اولان بونوع سحیه مز خارچنده برده ماهیت عقلیه مز ، ذات اشیا اولق اعتبارله بر وارلغمز وار . نه وقت نفسمزی زمان قیدی خارچنده دوشونورسه ک ، تعیر آخرله اونق نالذات عقل طرفندن وضع و تأسیس ایدیلن قانون ایله اعمالی تعیین ایلیمیه جک قدرت عد ایلرسه ک کندیمزی ذات اشیا اولارق ملاحظه ایتش اولورز . بو حیثیتله نفسمزی نظره آلبنجه آرتیق اونک اثرنده « اوللک » و « یاده صوکرالق » تصویرنه امکان قالماز .

عقلك وضع ايتديكى قانونه مؤثر بر علت آرامغه لزوم اولماز . بناءً عليه نه حادثه باطنيه يي . نه ده حادثه ماديته ك مجموعتي بو عقلی « انا » مركز ، بو صورتله ملاحظه ايلديكمز نفسمزك عاتى كې تالقى ايليه مەيز . بالعكس بونلر سجيۀ عقليه مركز بر اثرى ، بر نتيجه سى اولور . دها آچيق بر تعبيرله هر حادثه روجيه ، بناءً عليه هر معنوى اثرمز تجربى اولان سجيۀ مركز مولوديدر ؛ بناءً عليه بر طاقم علتلك ، مؤثرلك محصوليدر . فقط بو تجربى سجيۀ مز من حيث المجموع هيچ بر حادثه نك اثرى اوليان سجيۀ عقليه مزه تابع واونك اثريدر .

اختيارك بو طرزده ايضاحى البته او قدر واضح دكلدر . هله قانتك عقل نظرينك انتقادنده قبول ايتديكى اساسلرله بو فرضيه ك تاليفى حقيقه كوجدر . چونكه فيلسوفك قبول ايتديكى بو نظريه نه كوره عقلی انا (Moi Nouménal) ، عقلی سجيۀ حساسيتدن تماماً خارج ، تجربه دن مستقل اولدينى حالده بزم تجربى (انا) مركز عاتى اولويور . حالو كه قانت ، عايتك محسوسات خارخنده بر ساحه تطبيقي اولاميه حفى عقل محضك انتقادنده ادعا ايلشدى [۱] . او حالده اوراده قبول ايتديكى اساسله اختياري تسام ايتديرك ايچون وضع ايلديكى بو نظريه يي ناصيل بيرلنديرملى ؟ قانت ، بو اعتراضه قارشى مالا شو بولده جواب ويريور : « سجيۀ عقليه مزى علت ديهه توسيم ايتكمزكم صرف رمزى (Symbolique) معناده در . حقيقته تجربى سجيۀ مركز بو ماهيت عقليه مزه تابع اولماسى حادثه لر آراسنده بولديغمز علت و نتيجه اسبتى جنسندن دكلدر . بن عقلی ماهيته مز تجربى سجيۀ مركز علتله رديمكدن شونى قصدايدويورم كه سجيۀ عقليه مزى مكان وزمان داخلنده بر وارلق عد ابدرك اونك حالات مغنويه مزى حصوله كتيرديكنى ، ياخود بوتون حالات اخلاقيه مركز عال محسوسه دن نشأت ايلديكنى قبول ايديكز هرايكى حالده ده اعمالمز عيى صورتله جريان ايدر . بونك ايچوندر كه صرف مجازى ، صرف رمزى بر معناده اولارق سجيۀ عقليه مزى تجربى اعمالمزك عاتى كې ملاحظه ايدميليوز . » فقط بو ايضاحه قارشى بك اعلا دينه بياير كه تجربى سجيۀ مز بر وجود محسوسك نتيجه سى اولدينى حالده ده اعمال اخلاقيه مز بو بولده جريان ايدمك اولدقدن صوكرا بر سجيۀ عقليه فرض ايتمكه ، اونك مختاريتنى قبول ايتمكه نه لزوم وار ؛ بالخاصه بويله عادتاً مجازى بر اختيار فرضيه سى وجدانمزك حریت حقنده كى شهادتى تطمين ايدميليوزمى ؟ وجدان كه اعمالمزده مختار اولديغمزه دلالت [۱] ۸۱ صفحه بابقنر .

ایله مکده و بو دلالتی قانته کورده ده بوتون اخلاق فلسفه سنک تملنی تشکیل ایتمکده در، بویه اولونجه آز چوق صنعی و مجازی را اختیار قبولیه وجدان تطمین ایدلش اولور می ؟

قات نظریه سنک سوق ایلدیکی بومشکلاتی کوردی. فقط وجدانک اختیار حقنده کی حکم و شهادتی بویه متعال بر اختیار قبول ایتمکه تطمین ایدیه بیه جگنی قبول ایتدی. مثلاً بر آدم ارتکاب ایلدیکی فنا بر حرکتی غیر اختیاری بر خطانک و یا غیر قابل مقاومت بر سور و کلمه نك نتیجه سی عد ایده رک کندی کندینی آلدانا بیایر فقط وجدانک حس ندامتی کندینی ایفاظ ایدر، او عملک دوغریدن دوغری به مروط بولوندیغی سلسله افعاله دکل بزده موحود متعال بر قدرت اختیاریه به ربط الهه مک لارم کله جگنی اخطار ایدر. یعنی وجدان دیمک ایستر که « او فاعالی ارتکابه سوق ایدن بلا واسطه عاملر فوقنده اختیار دیدیکمز قدرتک بذاته حرکت مطاقه سی واردر که انسانک محسوس حرکتی هپ اوکا معلقدر. بناء علیه سنک او فعلتی ایجاب ایدن بر علت محسوسه اولماسنه رغما ینه مسؤولک. » ناصیل « اللهم بزم اعمالمز حقنده علم ازلیسی وار، او حاده عملمز مقدردر، ادعاسنده بولونان قدریه Fataliste مساسکی اربابنه قارشی « خایر، علم ازلی الهمینک موجودتی فردک اعمالدن مسؤل اولماسنی انتاج ایتمز. چونکه « الله » فردک حرکاتنک استقامتی بیلیر. فقط او استقامتی تعیین ایدن بالذات انساندر، دیه رک علم ازلی الهمی ایله مسؤولیتی تالیف امکاتی بولانلر فاصل بر محاکمه یورودیورلر سه قانته ده عینی یولده کیده رک عمللر مزک متقدم علتلری اولماسی اختیار مزه مانع اولامیه جغنی ادعا ایلدور. بر انسانک بوتون تمایلات مغنویه نه، ذهنی حاله، اوزرینه مؤثر اولان بوتون محسوس عوامله تماماً نفوذ ایتسه ک کسوف و خسوفی حسابده کوستردیکمز اصابت درجه سنده بریقین ایله اولنک مستقبل حرکتی تعیین ایده بیلیرز. آنجق بو امکان هیچ بر زمان انسانده حریت اولمادیغنه دلالت ایتمز. چونکه اختیار شو و یا بو عملده دکل ؛ نفس معقولک، عقلی انا مزک کندیسنه و بر دیکی استقامته در. باشقه بر تعبیرله حادثاتی وجوده کتیر مکده، منفرد اعمالده بولونمقده حر دکلز. آنجق عالم مطلقده انسانک بر خیار اصلیمی واردر، حیات مغنویه مز هپ بو اختیاره و بو سایه ده قبول ایتدیکمز استقامت عمومیه به تابع و معلقدر. نه کیم بعضی چو جق قارک نا کو چوک یاشلرنده فائق استعدادی کورو یورز. بولر بو بودکجه بو استعدادده انکشاف ایلدور. بو فائق استعدادینک عادتاً فطری کبی کورو نمسنه رغماً وجدان عامه بولنرک حرکتی معذور کورمه یور، نالعکس مؤلینته حکم ایلدور، قهیج ایدیور. نه انجقون؟

چونکه انسانك متعال برجهه سی بولدیغنی، بو اعتبارله بو فردك غیر قابل تغیر قنالق مبدائی بالاختیار قبول ایلدیكنی تسلیم ایله یور .

یوقاریده فلسفه اخلاقیه تأسیس ابد بیلیمك ایچون اول امرده قانون اخلاقی یعنی وجدانك امر قطعیمی مصل ممکن اولویور ؟ ، سؤالنه حواب ویرمك لازم كله جگکی سولیشدك . تعیر آخرله هر عملمز رحانه اولق اعتبارله قانون طبیعی به تاعدر . بونك خارجنده بولونان یعنی « اختیار ایله ممکن اولان » افعال اخلاقیه فاصل وجوده کلیور ؟ ایشته اختیار حقنده یوقاریده ایضاح ایتدیکمز فرضیه بوسؤاله قولایقله جواب ویرمك کمزری تأمین ایدر . فی الحقیقه اعمال اخلاقیه ، یعنی قانون اخلاقی ایله تعیین ایدیان افعال ممکندر . چونکه عقل عملیمزك تسایم ایتدیردیکی « اختیار » ایله نفسمز عالم معقولاتك برعضوی اولویور . بو اعتبارله دوعریدن دوعری به اراده مختاره سنك محصولی اعمالده بولوناییور . اکر انسان منحصرأ به عالم معقولاته عائد اولسهیدی او وقت بوتون اعمالی بویهجه اراده مختاره سنك اثری اولور و سناء علیه بوتون حرکتی قانون اخلاقی به مطابق بولونوردی . فقط انسان عینی زمانده عالم محسوسكده برعضویدر . بو اعتبارله اراده سی اوزرینه قانون اخلاقیدن باشقه برطاقم سائلرده مؤثردر . یالکتر بن تسلیم ایایورمكه اعمالی بوسائلقره دکل اراده مختارمه توفیق ایله ملییم . بویهجه قبول ایتدیکم وظیفه قبل و ترکیبی بر تصدیقدر . چونکه بنم اعمالی هر نوع تجربی ملاحظه خارجنده قانون اخلاقی به ربط ایله یور . عادتاً فاصل عالم محسوس حقنده کی حدسم مدرکه نك قبل تصوریه برلشهرک علم یعنی کلی حکملر حاصل اولویورسه تماماً عملی اولان اراده معقولهم برطاقم اشتیاقلردن متأثر اولان اراده محسوسه به التحاق ایلیور .

ایشته عمل اخلاقینك شرط وجودی بویهجه براختار متعالی قبول ایتمکله قائمدر . اونك ایچون اختیار تصوری بوتون عقل عملی به مستند فلسفه نك مفتاح حلیدر .

فقط اختیارك وحکم اخلاقینك فاصل موجود اولاجغنی آراشدیر مقله انتقادك وظیفه سی یتیمه مشدر . بواسالره استناداً فعل اخلاقی تشکیل ایدن عناصری قبل اولارق تأسیس لایمك لازمدر . قانت اخلاقیلغك عناصرینی اول امرده « مابعد الطبیعه عاداتك تملی [۱] [۱] کتایانده (۲۷) بومرو ایله کوستربلن اثر .

عنوانی آئنده‌کی اثرده آرامش‌دی : فقط اوراده تعقیب ایتدیکی اصول وجدان عامه‌نک تسلیم ایلدیکی حکم اخلاقی‌نی تحلیل ایتدیکی . نته‌کیم بزده یوقاریده فیاسوف‌ک او اثرده‌کی اصولی دائره‌سنده اخلاق‌لیلنگ نه‌کی عنصرلری بولوندیغنی آراشدیردق . آنجق بوتجربی‌نی تجربی و تحلیلی بر اصولله یاییوردق . وجدان عامه‌نک حکم اخلاقی‌سنی ملاحظه ایدرک ، اوننی تشکیل ایدن عنصر اساسی‌نی بولمغه چالیشدق . فقط مادام‌که بو عنصر اخلاقی قبلیدر . او حالده اراده مختاره‌مزدن دوغریدن دوغری‌یه استنتاج ایدلمی ، وایله‌جه تأسیس اولونمالیدر . عقل نظری‌نک تنقیدنده اول امرده «علم» ی بر واقع عدایله اونک شرائطی تحری‌ایتمک اصولنی تعقیب ایدیوردق . «اخلاق» ده بونی یا پامایز ، یعنی عرفی ، عادت‌لری بر واقع عدایله‌رک اونک اوزرینه اخلاقی تأسیس ایلده‌میز . چونکه اخلاق‌لیلو عادت‌لر ، عرف‌لر حقیقده‌کی معلومات دکل ، دوغریدن دوغری‌یه وجدانک حکمیدر . او حکمک ایسه شرطی «اختیار» در . شو حالده اختیارک موجودیتدن یعنی عقل عملی‌نک قانون وضع ایلک اقتدارندن بالاستنتاج اخلاق دستورلرینی بولایلیرز . خلاصه اخلاق‌لیلنگ شرطندن ، یعنی اختیاردن موضوعه ، عقل عمایدن اخلاقی واقعاته انتقال لازمدر . اونک ایچوندرکه فیلسوف عقل‌نظرینک انتقادنده موجود و واقع اولان معرفتمزی اساس اتخاذا ایدرک اونک شرائطی آرامش و بوضوئله قبلی مبادی و تصورلری بولمش اولماسنه رغماً ، عقلی عملیده بونک عکسنی یاپه‌رق قبلی مبادی و تصورلردن اخلاق قاعده‌لرینی استخراج ایلشدور .

قانت اخلاق‌لیلنی تحلیل ایدرک بولدیغنی مبادی‌نی قبلی اولارق استنتاج ایتک ایچون ریاضیه‌ده اولدیغنی کبی برطاقم دعوالر وضع ایتمش و اوننی حل ایدرک اخلاق‌لیلنگ استناد ایتدیکی مبادینک اوصاف میزه‌سنی قبلی اولارق کوسترمه‌ک چالیشمشدر . بودعوالرله اورتیه قویق ایتدیکی شی‌شودر : موضوعی آرزولرمزدن برینی تشکیل ایدن هر هانکی بدستور عملی تجربی اولاجنی ایچون کاتی دکلدر و بناءً علیه اخلاقی عد ایدله‌مز . بالعکس کاتی بر دستور عمل بر موضوعه ، آرزو ایدیان بر شیشه استناد ایتیه‌جکی ایچون یالکز قانون اولمقدن ، عقلک بر صورتی بولونمقدن عبارت قالا جقدر . قانتک بو خصوصده‌کی فکرنی آکلایبیلیمک ایچون بو اخلاقی مبدألری تأسیس ایتک اوزره وضع ایتدیکی دعوالری کورده لم .

دعوا ۱) هر هانگی بر دستور، عیبیه اراده بی تعیین ابدیه شی آرزو و استیثا فلزمزك موضوعی اولاده بر ماده اولورسه اوبهرا، ار دستور تجربه بر. بناء علیه اعمال ايجونه بر قانونه دكلدر.

في الحقيقة آرزولرمزك موضوعی ویره تجربه در؛ عملمزك حسی اولان موضوعی اراده معقوله طرفندن تعیین ایدیه من؛ ذاتاً هر کسك اشیا قارشیسنده حس و آرزو قابلیتی متنوعدر. برینك آرزو ایتدیکی شی دیکری ايجون مطلوب اولاماز. اونك ايجون موضوعی بزم آرزولرمزی تشکیل ایدن هیچ بر دستور بوتون انسانلره شامل کلّی قانون عد ایدیه من.

دعوا ۲) هر مادی اولاده دستور عمل مبن نفس، با فرد سعادت فردیه مبرای ايجونه در و بربر اولدیفی ايجونه بونلرك هسی برهنه مندر.

في الحقيقة مادی دستور عمل بر شینك موجودیتنی ایسته مکدر. اوشی بر ماده خارجه اولدینی ايجون حسمز واسطه سیله تقدیر ایده رز، ائی ویا کوتو دیرز. بناء علیه بوکبی شیلره قیمت ویردن ذهن، مدرکه دکل حسلریزدر. حواس ایسه بونلری ایشمز یارایوب یاراماسنه، یعنی سعادت فردیه مزه خادم اولوب اولماسنه کوره تقدیر ایدر. بویله اولدینی ايجون بوکبی دستورلرحب نفسدن چیقار. یوقسه بونلره قیمت ویرن اراده معقوله مندر دكلدر.

دعوا ۳) بر شخص عاقل کنری عملنی تضمین ابدیه دستوری عامیه شامل کلّی بر قانونه اولورسه تصور ابدیه پیلورسه بر دستورك اراده به مؤثر مبرای ماده سی، موضوعی دکل، بلکه صورته بر. یوقاریده کی ایکی دعواده کورمشدک که اراده بی منحصر آ بر ماده، برشی [۱] تحریک و تعیین ایدیورسه، باشقه بر تعبیرله هر هانگی برشی حقنده کی آرزو اراده به مؤثر اولویورسه بوکا مستند اولان عمل بر قانون کلّی تشکیل ایده من. چونکه او ماده تجربه بر. تجربی اولان هر هانگی بر حس، برشی حقنده کی تقدیر ایسه متحولدر. شو حاله بر فرد کنندی عملنك تضمن ایتدیکی دستورك قانون کلّی اولماسنی ایسته سی او عملنك استهداف ایلدیکی ماده اعتباریله دكلدر. بر دستور عمل تضمن ایتدیکی ماده دن تجربید ایدیلیرسه یالکز صورتی قالیر. ایسته صرف فردی اولان بر عملی دستور کلی خالنه قلب ایدن بو صورتدر که اونی عقل عملی ویرر.

[۱] فاشه کوره ماده حواسك مطیاتی دی کدر. ماده و صورت فرقلری ايجون ۶۱ نجی صحیفه به باقکمز.

مدرک، هیچ بر علمه محتاج اولمقزین، هانکی عملک تضمن ایتدیکی دستورده کی صورت (Forme) ک بر قانون کلی ماهیتی حائر اولاجنی تقدیر ایدر. فرض ایدیکز که هر نوع امین واسطه دن استفاده ایدرک اکتساب ثروتی دستور اتخاذ ایتدم. شیمیدیه المده آخر بر کیمسک امانه بکا بر ایدینی بر ثروت وار. او آدم اولمشدر، هیچ بر کیمسده بوامانندن خبردار دکلدر، بنده بوکا دائر هیچ بر مقبوض ویرمدم. شوحالده یوقاریده کی دستوریه نظراً بواماتی بنسبه مک لازمدر. یالکز دوشونه جکم جهت بودستوریمک بر تشریح کلی، بر قانون عمومی اولوب اولامیه جغیدر. بونی آ کلامق ایچون او دستوریه نظراً یاباجم شو حرکتک بر قانون کلی ماهیتی اکتساب ایدوب ایتیه جکنی تحری ایتکلمک اقتضا ایلر. تعبیر آخرله کیمسه طرفدن بیلنمین بر امانت کیمک ائده ایه اونک مالیی اولمالی؟ شبهه سزکه بویه بر حرکتک قانون کلی اولماسنی ایستیه م. چونکه بو حالده آرتیق کیمسک مالیی امانت اولارق باشقه سنه بیراقسنه امکان قالماز. بناء علیه بودستور دستور کلی، قاعده اخلاقیه اولاماز. نه ایچون بو دستور، کلی اولامایور؛ چونکه بو دستورده اراده یی تحریک ایدن بنم بر میل، ثروت حقه کی حرصدر. حالبوکه اراده بویه بر آرزو، بویه بر میل طرفدن تحریک اولونتجه آرتیق او حرکتی تضمن ایدن دستور کلی بولوناماز؛ بویه بر میله، بر آرزوی فردییه استناد ایدن عمللر اوزرینه قانون کلی تأسیس ایدیه م. آرزولر، میللر متفاوت و اکثریا متضاد در. بویه ضد میللرک، آرزولرک آهنگدار قیلنسی قابلی؛ شارلکن «میلان» ی آلمق ایستیوردی. یرنجی فرانسواده مادام که شارلکن «میلان» ی ایسته یور، بنده ایسته یورم دیوردی. شیمدی هرایکیسک بو آرزوسنی ائتلاف ایتدیرمکه امکان وارمی؛ ایشه بردستور عملیک اراده یی تعیین ایدن جهتی بویه بر آرزونک تضمینی، بر شینک اکتسابی کبی موضوعی وماده سی اولورسه اویله بر مبداء، کلی بر قانون اولامیه جفی ایچون اخلاقی عد ایدیه م. خلاصه دستور اخلاقیده اراده یه مؤثر اولان جهت عقل عملیک اوکا ووردیکی صورتدر، هانکی صورتک بر عملی دستور کلی شکلنه قلب ایده جکنی مدرکم تعیین ایدر. [۱]

بومبدائل قبول ایدیلنجه اختیار ایه وجدانک یعنی قانون اخلاقیک یکدیگری استلام ایده جکی قولایقله آ کلاشیلیر. قانت قانون اخلاقیک اختیاری بالمقابله اختیارک قانون اخلاقی یی ایجاب ایدیله جکنی مسئله شکلنده ایضاح ایتکده در:

[۱] عقل عملیک انتقادی Picavet ترجمه سی صفحه ۲۳ Kantwerke جلد ۲ Kritik der

praktischen vernunft لایپزیغ ۱۹۱۵ دار الفنون کتبخانه سی نومرو ۱۰۷۶ صفحه ۳۴

مسئله ۱) بر دستورك بالكلز نشریعی اراده صورتی بر اراده بی تعیین ایچره سبب قانونی اولریقی قبول ایتیملكمه نظراً بویه اراده نك ماهیتنی بولوكز .

بویه بر اراده حر اولماسی اقتضا ایدر . چونكه مبدأ علیته تابع اولان طبیعتده هر حادثه دیگر بر حادثه نك ایجاب و تعیین ایله وجوده کلیر . هر حادثه ایسه بر موضوعی، بر ماده بی ایجاب ایدر . بناءً علیله بر حادثه بی ایجاب و تعیین ایدن ساده جه بر صورت (Forme) دكل ، ینه بر حادثه ، ینه بر ماده در . شو حادثه هر نوع ماده و موضوعدن عاری اولان بر مبدأك بر حرکتی تعیین و ایجاب ایتسی آنجق عال طبیعه سلسله سی خارچنده بر وارلق ایچون دوشونوله بیلیر . بویه بر سلسله خارچنده وارلق ایسه معینته تابع اولیه جفته کوره حردیمکدر .

مسئله ۲) بالمقابل هر بر اراده بی بالضروره تعیین ایدر بیهك وارلامؤثر اراده بی قانونك ماهیتنی بولوكز .

مادامكه اختیار متعالدر ، یعنی عالم محسوسك فوقنده در ، بناءً علیله تجربه ساحه سندده موجود دكلدر . او حالده هیچ بر زمان محسوس بر ماده اوکا مؤثر اولاماز ، بویه بر اراده بی بالكلز قانون اخلاقنك صورتی تعیین ایدر . بر قانونك قبلی صورتی بالطبع کلیدر [۱] . بناءً علیله حر اراده بی قانون اخلاقنك ایشه بو کلیتی تعیین و ایجاب ایتیمکده در . بوملاحظات اراده ایدر كه اخلاقنك استناد ایلدیکی قانون کلیته تددر كه شوصورتله افاده اولونابیلیر :

اوصورنه حرکت ایتكه اراده نك دستوری کلی ، عمومی بر قانونه قیمتندره اولایلسین [۲] شیمدی قانتك دعوا و مسئله شكننده کی استنتاجانی خلاصه ایدلم : بر دستور عمل کلی یعنی بوتون انسانلرك اعمالی ایچون بر قانون ، بر شریعت اولایلمسی ایچون هر هانکی طرزده اولورسه اولسون بر ماده بی ، محسوس بر شئی ایسته مکه ، یعنی بر آرزویه مستند اولماملی . اراده بی بویه آرزولرمزك موضوعی اولان بر ماده تعیین ایتیهك اولورسه اونی صرف قبلی بر قانون ، صرف عقل عملنك اورتهیه قویدینی بر صورت تعیین ایدیور دیمکدر . بویه صرف قبلی بر قانون تأثیرند بولونان اراده ایسه « حر » در . چونكه

[۱] معلومدر كه ذهنك معرفته و بریدیکی صورت کلیدر . ذاتاً معرفتك صورتی آرمنه سائق علمدزده کی بو کلیت دکلیدی ؟ كذاك قانون اخلاقنك کلیتی عملدزه عقل قبلی بر صورت و برمسندن متولددر .

[۲] عقل عملنك انتقادی Picavet ترجمه سی صفحه ۴۶-۴۷ Kant Werke جلد ۲ Kritik

der praktischen Vernunft صفحه ۳۶-۳۷

اونك عملی محسوس بر ماده طرفندن تعیین ایدلمور ، بامكه بالذات كندی وضع ایستدیکي قانونه منقاد اولویور . تمییر آخرله بویه بر اراد بالذات كندی عملنك شاعی ، واضع قانونی بولونویور .

شیمدی نو مبادیدن نتایجنه انتقال ایدلم . اراده حد ذاتنده برغایه نی مستلزمدر؛ اشفه بر تعبیرله قانون اخلاقی ایله تعیین ایدن ارادهنك قصد ایستدیکي برشی وار ، بز اوکا « خیر » دیوروز . ارادهنك بو هدفی ، یعنی « خیر » ی ناصیل بر تصور میانه ادخال ایدم بیلیرز ؟ اسکی وبکی فاسوفلردن بر قسمی وظیفه یی « خیر » دیدیکمز شیئی ایسنه مکه مستند کوروپورلر . وظیفه یی بویه تنقی ایدیجه بالنطبع « خیر » ندر ؟ سؤالی قارشیسندم قایلیرز . بو سؤاله جواب ویرمك ایچون فیلسوفلر اکثریاه « خیر » دیدیکمز مفهومی تجربه ساحه سنده آریا پورلر . نته کیم بمضیلری (خیر) Bien ی خوش Agréable ویا فائده لی اولان ، طبیعتمزك تمایلاتنه ، یا خود احتیاجلرینه توافق ایدن شی عدا ایشلر ، الم تولید ایدن ، یا خود تمایلاتمزدن برینه مانع اولانلری بالمقابله (شر Mal) تلقی ایشلردر ، اکر اخلاقی بر قدرت متعالك اراده یی تعیین ایتمسینه یعنی اختیاره استناد ایستدیرم . جك اولورسه کر آرتیق وظیفه ، امر اخلاقی حساسیتمزك بر نتیجه سی اولاما ز . بناء علیه وظیفه نك استهداف ایلدیکي هدف - که خیردر - آرتیق حس ایله تقدیر ایدیان برشی عدا ایدیلهمز . [۱] بالعکس خیر مفهومی بو متعال قدرت ، یعنی اختیارمز تعیین ایدر ؛ بویه لجه خیر اراده نك قانون اخلاقی به مطابقتی ، شرده اراده نك قانون اخلاقی به عدم توافقی اولور . اراده نك قانون اخلاقی به تطابقنده آراناجق جهت صوره یعنی نیت اعتباریله توافقدردر . نیتمزك قانون اخلاقی به توافقی ایتمه یی خیر مفهومی ، عکسده شر مفهومی وجوده کتیریر . یوقسه خارجاً تطابق اخلاقیلانی وجوده کتیرمز . بر فعلك خارجاً ، ماده قانون اخلاقی به مطابق اولماسی ساده جه

[۱] آلمانلرک ایپی وکوتوبی افاده المین ایکیشر کله لری وارددر . مادی وحسی ایلکله ، حظه (Wohl) ، فنالفره (Uebel) ؛ یا خود (Weh) بویه مادی اولیان ، اخلاقی اولان ایلکله (Gut) و اخلاقی اولان فنالفره ، شرده (Böse) دیورلر . قات آلمان اساننده بومادی وحسی ایلک و فنالفره اخلاقاً ای ویا فا اولانلرک آیری آیری توسیمنه اشارتله لسانک بوسورتله هریکی ایلکی آیرمئن اولاسنده بویوک بر فائده وامابت کوروپور . عقل عملینك انتقادی فرانسیزجه Picavet ترجمه سی صحیفه ۱۰۶ آلاجه ، ۱۹۱۵ طبعی صحیفه ۱۷۸ اسانزدهده اکثریای ویا ففای دها زیاده مادی وحسی اولانلرده ، (خیر و شر) بالکر اخلاق حرکاتده قوللاندیفنزه نظراً فانتك الترام ایستدیکي تفریق تورکجه دهده برلشمش دیمکدر .

مشروع و حقوقی اوملانی تأمین ایدر. اخلاق اوملانی ایچون نیتک قانون اخلاقی به توافقی لازم و کافیدر. [۱]

شیمدی دیگر بر سؤال قارشینده قالیرز: فمالیت اخلاقیه ایله محسوسات عالنده تجلی ایدن «خیر» ی ناصیل تقدیر ایدم بیلیرز؟ باشقه برآدمیرله عمل اخلاقی شو عالده بر طاقم اییلکدر وجوده کتیریور، بونک قیمتنی و کمتنی اولجه بیلیرمی؟ بوسؤاله جواب ویرمک خیلی مشکلدرد. چونکه عالم محسوس علیت قانوننه تابعدر. بناءً علیه محسوسات حقدنه هر عاممز اولانی، موجودی بزه بیلدیرر. «اوملانی لازم کن»ه تعلق ایلمز. عقل، عملی ایسه دوغریدن دوغری به بر حدس قابیلنی حائر بولونما دینی ایچون قانون اخلاقی بی ماقعه تطبیق ایلیه مز. او حالده عالم محسوسده خیرک تجلیسی ایله نه ایچون علاقه دار اولویورم؟ مادام که محسوسانده قانون اخلاقینک وجوده کتیردیکی اییلک حکمتی دوغریردن دوغری به طبیعته تطبیق ایلمک قابل اولمایور، بنم ارادهم طبیعت اوزرینه حاکم بولونمایور. او حالده عالم محسوسده «خیر» دیدیکم فعلک حصولنی نه ایله بیلیر و نه ایچون ایستدورم؟ واقعا عالم محسوسده نه کبی فعلرک «اوملانی لازم کن»ه عائد یعنی اراده مک محصولی بولوندیغنی تقدیر ایدم. یالکیز بر عمله نیت ایدرکن شویله دوشونه بیلیرم: اجراسنی تندیب ایلدیکم شو فعلک احتوا ایتدیکی دستورک ایچنده یاشادیم طبیعتده قانون کلی اوملانی ایستیه بیلیرمی؟ مثلاً بر یالان ارتکاب ایلدیکم حالده بو یالانک طبیعتک، اشیانک نظامی ایچنده قایناشمانه موافقت ایدم بیلیرمی؟ بوسؤالره جواب ویرمکه چالیشیر، بو صورتله عالم محسوسی اختیارمک جاری اولدینی معقولات عالنه قیاس ایدم بیلیرم. باشقه بر تعبیرله معقولات عالمنک محسوسات میاننده تحققی ایستیه بیلیرم. بو طرز محاکمه امر وجدانیدن عملی قراره انتقال ایچون شبهه سز لازمدرد. فقط حد ذاتنده عالم محسوسی معقولات عالنه تقریب ایدیتم صرف رمزی و ذهنی معنادهدر. حقیقتده ارادهم طبیعت اوزرینه حاکم اولاماز. بناءً علیه اراده مک عالم محسوسده مؤثر اولدیغنی بیلهم. چونکه طبیعتده هر شی بر علت ضروریته نک نتیجه سی اولارق معلوم اولور. بن آنجیق اراده مه حاکم، طبیعت اختیاریمه تابع بولوناماز.

شیمدی بو ایضاحاتدن صوکرما مهم بر مسئله دهها مواجهه سنده بولونوروز: مادام که قانون اخلاقی تماماً متعالدر، اخلاقیلک هدفی، یعنی خیر نیتیمزک قانونه توافقدن عبارت اولدیغنه

[۱] نعل عملینک انتقادی فراسزجه Picavet ترجمه سی (۱۰۰-۱۱۵) Kant Werke ۱۹۱۵

نظراً ساده‌جه مجرد بر مفهوم مدن عبارت‌دره، او حاده بویه مجرد و تماماً قبلی بر مفهوم حیات عملیه‌مزده بر سائق اولابیلیرمی؟ معلوم‌درکه عملمژك سائق بر حس، بر احتساس‌در. امر اخلاقی بویه بر احتساسله مترافق‌دکله صرف مجرد بر مفهوم مدن عبارت اولوره، او وقت ناصیل حیات عملیه‌مز اوزرینه، مؤثر اولابیلیر؛ فقط بر حسله مترافق عدایدیلیرسه او زمان‌ده قانون اخلاقینك ماهیتی اخلاقی ایدلمش اولماز می؟ چونکه فیلسوفه کوره عمل اخلاقی بر احتساسك تطمینی ایچون دکل، صرف قانون اخلاقی به اطاعت ایتمک ایچون بایلان حرکت‌در. بر حس ایله متر فف اولونجه بو وصف زائل اولارق او احتساسك تطمینی ایچون حرکت ایدلمش‌در دینه‌مز می؟ صوکر قانون اخلاقی ایله مشارکت ایده‌یله جك بر احتساس تمایلات طبیعیه‌مزدن دوغمش اولماسی لازم کلیر. چونکه بویه اولورسه قانون اخلاقی تجربی بر حس ایله مشارکت ایتمش اولاجقدرکه قاتك توصیف ایدلکی طرزده اخلاقلیلانی آکلامغه مانع اولور. بو حاده قانون اخلاقینك عملمزه، مؤثر اولماسی ایچون اشتراك ایده‌جك قبلی حسی ناصیل تعیین ایده‌ییلمی؟

یوقاریده‌کی ایضاحات کوستر مشدرکه قانون اخلاقی هر نوع تحسساندن، میلردن مستقلاً اراده‌ینی تعیین ایدر. بناءً علیه بزده‌کی خودکامی و حب نفسه یعنی تمایلات طبیعیه مانع اولور. بویه اولدینی ایچون بر نوع الم تولید ایدر. آنجق قانون اخلاقینك بوتأثیری صرف منفیدر، یعنی تمایلات طبیعیه‌مزك حکم ایلمنه مانع اولماسی اعتباریله تولید ایندیکی بر حس‌در. فقط قانون اخلاقی بو منفی تأثیریله وجوده کلن حس المدن ماعدا مثبت بر احتساس‌ده وجوده کتیریر. فی‌الحقیقه «حب نفس» دیدیکمز تمایلات طبیعیه ضعیفله‌نجه یاخود زائل اولونجه. بالذات قانون اخلاقی حقنده «حرمت Respect» دیدیکمز مثبت بر حس وجوده کلیر.

ایشته بو حس دوغریدن دوغری به قانون اخلاقینك وجوده کتیردیکی بر احتساس‌در. حسیات ایچنده یالکمز قانون اخلاقینك وجوده کتیردیکی بو «حرمت» حسنی قبلی اولارق بیلور و تعیین ایده‌ییلوروز. معلوم‌درکه احساس و احتساسلری قبلی اولارق تعیین ایده‌مز. یعنی بر احتساسی بیلیمک ایچون اول امرده تجربه لارمدر. قبلی بر مفهوم هیچ بر حس تعیین ایده‌مز. حالبوکه قانون اخلاقینك تولد ایده‌جك حس حرمتی قبلی اولارق تعیین ایده‌ییلوروز. بونك ایچون‌درکه حس حرمت دیگر احتساسلردن ماهیهً تماماً آیریدر، دیگر حسلر تمایلات طبیعیه‌مزك تطمینندن وجوده کلدیکی حاده (حرمت) طوغریدن

طوغری به قانون اخلاقیدن حصوله کلیر. بویه اولدینی ایچون ماهیه^۱ (عقلی Intelligible) در. بوتون دیگر احتیاسات ایسته دیگمز برشیئی استحصاله الله ایدیلیر. حالبوکه حس حرمت چوق زمان طبیعی آرزولر خلافتده وجوده کلیر. (فونتهئل Fontenelle) بریده شویله دییور: «بوبروک بر موقع صامی آدم فایسینده باشمی براره قدر اکر رک عرصه تعظیبات ایدرم، فقط رومم اکیلیمز، قانت حس حرمتک ناصیل تمایلات طبیعه منه مخالف اولارق حصوله کله بیله جگنی آکلاتمی ایچون فونتهئلک بو فکرینی شو صورتله اتمام ایدیور: «اگر عوامده اولاده بر کیمسه ده، علی العاده بر آدمده کندرمده بولونمبانه درمده بوسک بر درستک، اغمفتی بر سیمیه کوره جک اولور روم موقعا بوسک کلیمکی اونون بر مامی ایچونه باشمی اکر رک عرصه تعظیبات اتمسم یلدر روم ایسترایست مزاندک فارشیسنده کندی کومر کلیمکی حس ایلر داوکنده اکیلیر.» [۱] قانون اخلاق حقتده بو حرمت حسدن خودکام اغمز، حب نفسمز رغماً کندنمزی قورتارامایز. وجدانمز امر اخلاقی حقتده بو حس حرمتی دویدینی کبی وظیفه یی علی العاده حظلردن تماماً آیییر. بعضاً وظیفه بزم ایچون جاذب اولور، اوناک ایفاسنده علی العاده حظده دیوارز. او وقت وظیفه نک صافتی قالماز. چونکه اصل اخلاقیلیق ساده جه قانون اخلاقی به رعایت تصدیله اعمالده بولونمقدرد. حسمز ایچون جاذب اولایله جک برشی اولمقسزین وظیفه ایفا اولوندینی زماندرکه اخلاقیلیکک ایجاب ایندیکی صافیت وجوده کلیر. قانت بویه وظیفه نک حظ و ممنونیت کبی هر نوع حسی جاذبه دن عاری بولونماغنی التزام ایندیکی ایچوندرکه شیلله ر فیلسوفلر، عنوانی طاشیان مشهور هجویه سنده اونکله شویله استهزا ایدیور: وجدانک مشکلی: درمنبریمه ایستیرک خدمت دیاریم ایدیریم. فقط نه باریم که بونی ممنونیت، مظهر یایوریم داویل اولدیفی ایچونه فضیلتلر اولدیفی دوروندرک مضطرب اولوبوریم.

حلی: درود ایدره جک برشی بوز: بوبله فعللره تعجب اعتبار اتمه بلسک، وظیفه نک ایجاب ایندیکی فعللری ممنونیت، مظهر دکل، نفرتمه باعمالسک. شاعر بواسهزاسیله حقیقتده قانتک فکرینه تخریف ایتشدرد. قانت وظیفه حظله، ممنونیتله برابر اولمالی، حسی جاذبه دن عاری بولونمالی دییور اما وظیفه زحمتله مترافق

[۱] عقل عملانک اشعادی Picanvet ترجمه یی صحیفه ۱۳۷ Kant Werke جلد ۲ Kritik

der praktischen Vernunft صحیفه ۹۹

اولمائی، یعنی کرها یا پاهمالی ده دیموردی؛ دیبه مزدی ده. چونکه فمالیت اخلاقیه مزده غایه بی زحمت عدایله جک و بویله جه یالکز کرها یا دیغمز عمللرده اخلاقلیق کوره جک اولور ساق اراده مزى بر قانون عقلی ايله دکل، ینه محسوس برشی ايله تعین ایلش اولور ز. حالوکه فضیات قانون اخلاقیك امرینی صرف «حسن اخلاقی» یه اتباع ایلک، صرف عقلی قانونه حرمت ایلک ایچون یانغه جهد ایلدیکمز زمان حصوله کلیر. بناءً علیه عمل اخلاقی کرک ممنونیت، کرک زحمت شکنده اولسون هر حالده حسی سواثندن عاری بولونمالیدر. شبهه یوق که بوتون حرکتلر مزى بویله منحصرأ وظیفه یه اتقیاد ایچون یانغه چالیشیق کوجدر؛ حرکتلر مزده حفظ و ممنونیت کبی هیچ بر حسی سواثتک بولونماسی مشکلدر. آنجیق انسان بوغایه ایچون جهد ایده بیلیر و اتمه لیدر. واقعا بوتون عمللر مزک بویله اولماسی، یعنی هر حرکتلرک تماماً قانون اخلاقیه تبعأ واکا حرمة یا بیلش اولماسی حیاتلرک شرائط حاضره سنه کوره استحصالی قابل اولمیان بر مفکوره در، آنجیق غایه کاله ممکن مرتبه یا قلاشیق ایچون چالیشیق و سعمز داخلنده در. فضیلتکار اولان انسان نه بر رواقی (Stoïque) کبی «حکیم» ک غایه اخلاقیه یه واصل اولدیغنه قائل اولار ق نحوت و غرور و ادیسنه صاپار، نده «بعض حسی رومانجی و تربیه جیلر» کبی طبیعت محسوسه مزک ایلکنه قائل اولار ق اخلاقی اونک انکشافنده کورور. بالعکس مفکوره اخلاقیه بی تماماً استحصال ایتدیکنه دأر هیچ بر زمان فضولی بر قناعت و غروره دوشمکسزین فضیلتی اکتساب ایچون جهد ایتک قدرت و جسارتی کندیسنده بولور.

قانت «حسی رومانجی و تربیه جی» دیدیکی زمره میاننه هیچ شبهه ایدیه مز که روسوی ادخال ایلوردی. یوقاریده متعدد فرصتلرله فیلسوفک روسودن نه قدر ملهم اولدیغنی، بوزنه نولی فیلسوف حقنده نه درجه بویوک بر محبت و تقدیر حسیه مشیوع بولوندیغنی ایضاح ایتشدک. شیمدی روسونک فلسفه اخلاقیه سندن هانکی نقطه ده تماماً آیرلدیغنی کورمک چوق فائده لیدر. چونکه بویله بر مقایسه قانتک «قانون اخلاقی» مدلولندن آکلادیغنی معنایی نظر مزده بسبتون تنویر ایلر.

روسو أمیلده (ویکتر ساوه یارد Vicaire Savayard) آغزندن شو -وزلری سولیتور. وجدان! وجدان! ای الهی غریزه (Instinct)، ای صدای باقی و لاهوتی! ای جاهل، فقط ذکی و حر انسانلرک امین رهبری، ای ای بی، کوتی یه حکم ایتمکه. حاکم لایخطی. سن

انسانی اللهه یا فلاشدریورسک. ماهیت انسانی بی مکمل یابان، حرکتلریمیزی اخلاقاشدیرمن سنسک. [۱]، بو خطابهده کی بوتون فکرلری قانت هان همان کندینه مال ایده بیلردی. چونکه اوده اعمالزه رهبرک ایدن برصدای باطنی قبول ایدیور، هر شخص عاقلده مشترک اولان بوسدایه تبعیت ایدلدیکی حالدله آدامغه امکان کورمه یور، اوده روسو کی اخلاقلیلینی تأسیس ایدن قانونک خارجدده دکل باطنیمزده اولدیغنی قبول ایدیوردی: فقط « ویکه ساوایاردک » خطابه سنده برکله وارکه فیلسوف بونی قبول ایده مزیدی. روسو وجدان ایچون (ای الهی غریزه Instinct) دیوردی. قانت وجدانی بویه بر سوق طبعی عد ایلیمزیدی. ایکی بویوک فلسفه اخلاق سیسته منده کی بوتون فرقده بو کلامده مندمجدر. روسویه کوره قانون اخلاقی تجربنی شعورمز (Conscience empirique) ک دوغریدن دوغری به بیلدیردیکی اکسیکمز برقانوندی. ناصل وهی فکرلره طرفدار اولانلر بزده « مطلق » و « علیت » مفهمرملرینک بولوندیغه قائل ایسه لر روسوده بزده یا کلاملر اخلاق سوق طبعیسی اولدیغنی فرض ایلوردی. قانت کوره ایسه ناصل معرفتک مبادی محضه سی حقنده شعورمز وار ایسه [۲] قانون عملی حقنده ده اولیه شعورمزوار. شوقدرکه عقلک بوقانونی هر نوع تجربنی شرائط فوقنده اولارق بزى مکلف قیلار. تعبیر آخرله مدرکه نک مبادیسی ناصل تجربنی دکلسه، ناصل تجربه بزده قبلی تصوراتی ویره میورسه عقل عمالینک قانونی ده هر نوع تجربنی شعورمزک فوقنده اولارق اعمالمزی تعیین ایدر. مدرکه نک قوانینی نظری ساحده محسوساتمه صورت (Forme) ویردیکی کبی اعمال اخلاقیه مزه صورت ویرنده قانون عقلیدر. بز تجربنی حیاتمزه، شبه یوق که، حکم اخلاقی بی، احساس اخلاقی بی بولایلیرز. فقط اخلاقی حکملری، اخلاقی حسلرمزی ممکن قیلان قبلی à priori قانونی متعال برتحلیل ایله آکلا یاییلیورز. نته کیم مدرکه مزک قبلی صورتلری ده بویه مابعد الطبعی برتحلیل ایله میدان چیقارا بیلیرز. خلاصه قانون اخلاقی هر شخص عاقلک وجدانسنک بر معطاسی (Donnée) در، تعبیر آخرله بوقانون بر واقعه (Fait) در. فقط روسونک فرض ایلدیکی کبی تجربنی حیاتمزدن استخراج ایدلمش علی العاده برواقعه دکل عقلی برواقعه (Factum der vernunft) در. بویه اولدیغنی ایچون تجربنی واقعه لردن بستیون باشقه ماهیتده در. تجربنی واقعه لر تماماً معطا اولدقلری حالدله قانون

[۱] Emil محبّه ۲۶۲. ۱۹۰۸ طبعی. دارالفنوده کی نسخہ سی کتبخانه نومروسی: ۳۶۳۲.

[۲] ۶۸ و اونی تعقیب ایدن صحیفه لره باقیکز

اخلاقی بر قوم « Acte » حائده در، عینی زمانده تشریع ماهیتی حائزدر. یعنی بر حرکت وجوده کنیرمکدن زیاده مکلفیت تحمیل ایدر. دیگر جهندن بوتون تجربی واقعات ماقبله مربوط اولدینی حالده بوقانون عقلک بنفسه Spontanément فعالیتی محصولیدر. طبیقی معرفتمزک قبلیتصور و مبادیسی مدرکه نک بنفسه فعالیتی نتیجه سی اولدینی کبی. یالکدر شو فرق وار: ایکنجیسی آنحق بر حدس حسی به مترافق اولونجه مشعور اولور، حالبوکه عقل عملینک بذاته فعالیتنی هر نوع تجربی فعلدن، عملدن مقدم دستور حائده بر تکلیف اولارق وجداناً بیلیرز.

ایشته روسو ایله قانتک آیرلدینی اساسلی نقطه لر. بوابکی فیلسوفک نظریه اخلاقیه لرنده کورولن بوفرک (اختیار Liberté) حقنده کی تلقیلری آراسنده کی آیر یاقندن تولد ایله یور. روسو اختیاری حیات تحریریه مزده کورویور، اونک ایچون ماهیه تجربی عد ایدیور. قانت بالعکس اختیاری انسانک بروصف عقلیسی (Caractère intelligible) تلقی ایلور و قطعاً تجربه فوقنده فرض ایلور. روسویه کوره اختیار طبیعیدر، طبیعت انسانیه نک نتیجه سیدر. قانت کوره اختیار ایله طبیعت مدلوللاری بالعکس یکدیگر یله متناقضدر. بناءً علیه آنحق طبیعت خارجنده بر اختیار دوشونوله بیایر. روسو اختیاره مالک، بناءً علیه اخلاقی حائز اولان شخصیت انسانیه آنکدار اولارق ترتیب ایدلمش طبیعت محسوسه نک بر جزئی اولارق قبول ایدیور. قانت کوره شخصیت انسانیه اختیاری حائز اولق اعتبارله شو عالم محسوسک دکل، مفکوره وی بر عالمک جزئیدر. چونکه عالم محسوسده هیچ برشی اختیارک نتیجه سی دکلدر.

بومقایسه وجدان حقنده قانت ایله روسونک تلقیلری آره سده کی فرقی اراؤه ایدر.

عقل عملینک نقیضینی

فضیلت - سعادت

بحث مخصوصنده عقل نظرینک ناصیل مشروط و معلق اولارق بیلدی کمز اشیادن وجود مطلق آ کلامغه سوق ایلدیکنی کورمشدک. عقلک استعمال عملیسنده ده عینی میل واردور. اوده هدفی «خیراعلاء» اولان بر مطلق عمله بزی ایصال ایتک ایستر، یعنی کرک

لذت، صحت کبی حسی، کرم فضیلت کبی اخلاقی بوتون ایللکر استحصال ایدیله بیله جک بر عملی استهداف ایدر. هر شیء قادر اولان بر وجود اکمل دوشونه جک اولورسه ق اوند ه هم جسمزک ایستدیک اذواق، همده فضیلت برلشمش اولاییلیر. هم اراده نك هم اذواقك کالی برلشنجه (خیر اعلا) وجوده کایر. قادر بر وجود کاملک عملی بویه بر خیر اعلا اولور، یعنی اونك عملی هم سعادتی، ذوقی، همده فضیلتی حائز بولونور.

بر وجود مطلقده بویه جه هم سعادت هم فضیلت برلشمه بیلدیک حالده انسانده بونك هرایکیسی اتحاد ایدیه مه یور، انسانده سعادت ایله فضیلت یکدیگرینه متناقض بولونویور. بو یوزدن عقل عملی بر بویه متناقض ایکی مفهوم اورته یه قوبویور: فضیلت و سعادت. یوقاریده کوردک که بونلرک ایکیسی بر برندن تماماً آیریدر. سعادت تحلیل ایله فضیلتی بولامایز یعنی سعادت فضیلتی احتوا ایتمز. بویه اولدینی حالده عقل بونلرک هرایکیسنك برلشمسینه ایستایور. بو اتحاددن حصوله کله جک اولان (خیر اعلا) یه وصولی بر هدف اولارق بزه کوستریور. بر طرفدن سعادتک فضیلتدن آیری اولماسی، دیگر طرفدن عقلک هرایکیسنی برلشدیرمک ایسته مسنی ناصیل ایضاح ایتملی؟ باشقه بر تعبیرله حیات روزمره مزده بو ایکیسی برلشمه مدیکنه نظراً عقل بونلرک اتحادینی فاصل استهداف ایدیه بیلور؟

مادام که سعادت ایله فضیلت آراسنده تحلیلی برنسبت یوق، یعنی سعادت تحلیل ایله فضیلتی بولامایز. ار حالده عقلک ایکیسی آراسنده کوردیکی نسبت بر ترکیب اولاییلیر. باشقه بر تعبیرله عقل بونلردن برینی علت دیگرینی نتیجه عد ایدرک ترکیب ایدیه بیلیر. فقط یوقاریده کورمشدک که سعادت فضیلتک علای اولاماز. چوتکه بو حالده فضیلتک تجربی براساسه استناد ایتمسی لازم کلیر که بوتقدیرده قانون اخلاقی کلینی تماماً غائب ایدر. عجباً بونك عکسی یعنی فضیلت سعادتک علای اولارق ملاحظه ایدیه ممزی؟ فقط فضیلت قبل، عقلی بر مفهومدر. سعادت ایسه زمان داخنده حساً ادراک ایلدیکمز بر تصوردر. هر محسوس اولان شینک علای ینه محسوسات میاسنده آرانماسی لازم کله جکنه نظر آسعدتک علای اولارق «فضیلت» کبی تماماً عقلی بر مفهومی کوسترمه یز. شو حالده فضیلت ایله سعادت آراسنده علیت نسبتی اولدینی ادعا ایدیه ممز. بویه اولونجه فضیلت ایله سعادت آراسنده عقلک استلزام ایلدیک وحدت و ترکیبی واقع عد ایدیه ممز.

فی الحقیقه بالتطریه بویه در. نه سعادت فضیلتی ایجاب ایدر؛ نه ده بو ایکی مفهومدر

بری دیگرینی احتوا ایلر . آنجق برشق واردرکه بالنظریه بیلمسهك بيله غير ممکن فرض ایدمه یز. اوده فضیلتك سعادتی ایجاب ایدمه بیلمسی ، اونك علتی اولای بیلمسیدر. واقعا فضیلتك سعادتی ایجاب ایدمه بیلمسی بر علم موضوعی اولاماز. یعنی بونی بيله مه یز. چونكه بزم بيله جكمز علت نسبتی آنجق حادثات میاسنده اولایلیر. فضیلت قبل بر مفهوم اولسی اعتبارایله اونی مدرکه مز بر حادثهك علی العاده علتی اولارق ادراک ایلیه مز. آنجق صرف قبل اولان عقلی بنیه مزك، عقلی «انا» مزك تجربی سجه یه مؤثر اولماسی بالنظریه ناصیل ممکن ایسه فضیلتك ده سعادتی تولید ایلمسی اولایله جه عقل نظری ایچون دوغروند دوغروی یه بیلنه مه بيله ممکندر. عقل عملی ایسه بالنظریه ممکن اولان بومناستی تسلیم ایلیه بیلر و بوسورتاه سعادت و فضیلت آره سنده کی تناقض قالمه رق حیات معنویه ده مفکوره وی اولارق کمال و وحدت دوشونوله بیلر. الویری که فضیلت ایله سعادت آراسنده کی بونستی حادثات بیلنده کی غایت نسبتی کی تاقی ایدلمه سین ؛ عالم محسوسده فضیلتك، سعادتی ایجاب ایدرچی فرص ایدلمه سین ، فضیلت ایله سعادت آ سنده کی بونستك بالنظریه بیلنه جکی قبول اولونما-ین [۱]

عقل نظری — عقل عملی

کوردولویورکه عقل عملی عقل نظریك ساده جه امکانی دوشوندیکی وارافلرک وجودینی تسامیم ایلیه بیلور . بو حالده عقل عملینك عقل نظری اوزرنده بر نوع رجحانی وار. واقعا نظری ایله عملی عقل یکدیگرندن تماماً آیری ایکی قوت دکلدر . انسانده بالکمز بر قدرت عقلیه وار، بوقدرت عقلیه نظری و عملی ساحه لده قبل مبادیلر کوره حکملر وجود. کتیریور. نظری ساحه ده استعمال ایدلیدی زمان «عقل نظری» ، عملی ساحه ده تجلی ایدلیدی وقت «عقل عملی» ، عنوانی آلیور. شو قدرکه عقل عملی تماماً یکی قبل بر مبدأ، یعنی وظیفه قانونی وضع ایلیور ، بوقانون اعانه سیله «اختیار» مزك وجودینی ، بالتجربه معلوم اولان شعور فوقیده عقلی انا (Moi intelligible) مزك وارلغنی تسلیم ایتدیریور [۲]. حالوکه کرک اختیار، کرک بالتجربه بیلنن نفسمز خارچنده عقلی انا نظری

[۱] عقل عملینك استادی Picavet ترجمه بی صحیفه ۲۰۰ Kant Werke جلد ۲ Kritik

der praktischen Vernunft صحیفه ۱۴۵

[۲] صحیفه ۲۲۵

تفکراتمیزك قاورایامیه جنی بر وارلقدر . تعبیر آخرله بونلر مدرکه مزك، نظی معلوماتمیزك حدودی خارجنده در . بناء علیه عقل نظری كندی قدرتی داخلنده اولان بیلگیلر ایله عقل عملینك تصدیق و تسلیم ایتدیردیکی مفهوملمری ترکیب و بصورتله نظری معلوماتمیزی اكمال ایلیدر . آنجق عقل عملی اعانه سیمله وارلغنی قبول ایتدیگمز مفهوملمر ، یابدیغمز حکملر عقل نفوذ و قدرتسك آرتماهی محصولی اولمادیغنی ، بلکه باشقه بر ساحتیه ، یعنی عمله تطبیقندن تولد ایتدیگنی اونوتاملیدر . فلسفه طبعیه اخلاق فلسفه سنك اورتیه قوبدیغنی حکملرله تماملانیر .

بقای روح و وجود الهی

یوقازیده کی ایضاحات ایله آکلاشیلمشدرکه عقل عملی اعانه سیمله بالظریه وجودینه قائل اولامادیغمز بر طاقم حکملری قبول و تسلیمه واونلرک وجودینه اینانغه مضطراولویوروز . بصورتله بر کره «اختیار Liberté» ک وارلغنی قبول ایدیوروز . فقط بو قدر دکل . اعمال بزه اعتقاد دینینک ایکی مهم رکنی اولان بقای روح ایله وجود الهی بی تسلیم ایتدیرمکه سوق ایدیور . فی الحقیقه عقل عملی بزه وظیفه نك تماماً ایفائی ، سعادته ، فضیلتك متحدبولوندیغنی امر ایلور . فقط بو امر شو عمر محدود ایچنده تماماً قابل حصول دکلدر . ایچمزه اك فضیلتكار اولانلر سیاه عمر لرینی وظیفه نك تحققی ایچون عالم محسوسه مجادله ایتمکه کجیرمه یورلرمی؟ بوده کوستیررکه عالم محسوس فضیلتك تماماً تحققنه مانع اولویور . بوکا رغماً وجدان وظیفه نك تماماً حکم سورمسی طلب ایتدیریور . مادام که حیاتك شرائط حاضره سننده وجدانك بو امری قابل تحقق دکلدر ، او حالده محسوس شرائطك ، شو محدود عمرک خارجنده بونك حصوله کله جگنی قبول و امید ایتمک کجیر ایجاب ایدر . بویه برفرضیه ایسه آنجق روحك شوفانی عمری تماملاقدن صوکر ابقا و دوامنه اینانقله ممکن اولابیلیر . عبدالحق حامد بك بو فکری شو مصراع ایله نه کوزل افاده ایدیور :

جوع اولماده اکل و شر به سائق

امید بقا بقای ناطق

فقط کیم روحك بو بقاسنی تأمین ایده جک؟ تعبیر آخرله کیم سعادته فضیلتك حسن

نیته مکنونات محسوسه نك آهنگنی وجوده کثیره جك ؟ سعادتله فضیلت بو عالده متحد دکلدر ، آهنگدار دکلدر . بوکا رغمأ عقل هملی بونلرك وحدتی آهنگدار اولابیله جکنی کوستریور. انسان بوهدفی ایسته یور. فقط وجوده کثیره مه یور. بو اتحادی وجوده کثیره جك قوت کائناتک خالق اولان ، مکنونات محسوسه کبی اراده نك ده شارعی بولونان ذات باری اولابیله . تعبیر آخرله عقل عملی عالم محسوسك نظام اخلاقیه تابع اولماسنی استهداف ایدیور. شو عالم تجربیده بو ترتیبی کوره مه یورز ، ده دوغریسی عالده طبیعت، مختار قانون اولان اخلاقی مبدألره تابع دکلدر. فقط عقل عملی بویه اولماسی ایچون بزه جهد امر ایدیور. جهد ایندیكمز حالده تحقق ایندیرمیه جکمز بو هدفی ذات باری وجوده کثیره بیلیر . یعنی آنجق الله طبیعتی قانون اخلاقیه تماماً منقاد ایله بیلیر .

شو ایضاحات عقل عملینك ناصیل بانظریه ساده چه ممکن اولان حکملرك وقوعه بزه ایمان ایندیردیکنی کوستریر . عقل نظری «روحك بقاسی بر مسئله ، بر امکندرکه اثبات ایدیله من [۱] ، الله بر مفکوره (Idéal) درکه وجودی بیلنه من» دییه بیلیر . فقط عقل عملی «امر اخلاقینك تماماً تحقق ایده بیلیمسی ایچون بقای روحی بر موضوعه اولارق قبول ایتملیر ، طبیعت محسوسه ایله اختیار من آراسنده بر آهنگ اولماسی ایچون ذات بارینك وجودینه اینانق ضروریدر ، حکمی ویردیرر . روح ده ، الله ده بوضورتله امر اخلاقیه مستددر ، عمل اخلاقیده بولونان انسان بو موضوعه لره اینانق احتیاجنی دیوار . یالکمز شورابه دقت ایتملیرکه عمل اخلاقی احتیاجیله قبول ایندیكمز اختیار ، روح ، الله مفهوملری بوضورتله بزموضوع علم اولماشدر . یعنی عقل عملینك سوقیله ایناندیغمز بو مفهوملرك تقابل ایندیکی وارلنی عالم محسوسه کی اشیا کبی بیله مه بز ، بونلر علممزك حدودینه کیرده من . ساده چه بونلر برر موضوعه Postulat درکه اینانقماغمز ایجاب ایدر . باشقه بر تعبیرله بونلر بر ایمان عملی Croyance pratique وجوده کثیر برلر . واقعا بو مفهوملر ، ایلریده کوره جکمز وجهله ، [۲] بزى دینه ، ایمان دینییه سوق ایدر . شو شرطله که نصی السهات اربابی کبی روح و اللهی « بر شیء خارجی کبی بیلیرز » ادعاسنده بولونیمه لم و اخلاقی اللهک امری اولارق تلقی ایلمه لم . [۳]

[۱] صحیفه ۱۳۷

[۲] فلسفه دینییه دثر اولان قسمه باقیکنز .

[۳] عقل عملینك انتقادی Picavet ترجمه سی صحیفه ۲۳۲ Kant Werke جلد ۲ Kritik der

praktischen vernunft صحیفه ۱۵۶

آلتجی قسم

فلسفه اخلاقه (مابعد)

مابعد الطبیعه عادات : فلسفه مقرر

قانتك فلسفه حقنده قبول ایتدیكى تصنیفه كوره انتقاد عملی یی « مابعد الطبیعه عادات » ك تعقیب ایتسی لازمدر . نته كیم فیلسوف عقل نظریك انتقادندن صوكر ا فلسفه طبیعیه كحكم ایجاب ایدر جكنی قبول ایتشدی . آنجق قانت فلسفه طبیعیه سنه مأخذ اولاجق اثرلری هپ ناتمام بیراقشدی . او یوزدن بو خصوصده كی قناعتلرنی آكلامقده نه درجه مشكلات اولدیغنی یوقاریده سویلشدك . « مابعد الطبیعه عادات » ایچون بویه كوچلك وارد دكلدر . بر كره قانت ۱۷۹۷ سنه سنده بر قاج آی فاصله ایله نشر ایتدیكى « حقوق نظریه سنك مابعد الطبیعی مبادی » اولاسی ، وه فضیلت نظریه سنك مابعد الطبیعی مبادی » اولاسی ، [۱] نه عائد ایکی بویوك اثری مابعد الطبیعه عادات ایچون ایکی مهم مأخذدر . بونلردن باشقه عینی موضوعه دائر فیلسوفك اختیارلق دورنده ، حتی ده اول بر خیلی مقاله سی یازیلری وار . اونك ایچون كمال اطمئنانله بو بویوك فیلسوفك « مابعد الطبیعه عادات » عنوانی آلتنده طوبلادیغنی نظریاتی تدقیق ایده بیلیرز .

بو تدقیقانه باشلامازدن اول « مابعد الطبیعه عادات » دن فیلسوفك آكلادیغنی معنایی تشریح ایلك لازمدر . یوقاریده كورممشدك كه « مابعد الطبیعی طبیعت » یاخود فلسفه طبیعیه عقل نظریك انتقادیه بولونان اساسلردا اثره سنده فیزیکك قبلی مبادی ومفهوملرنی عقلی بر منظومه حائده تأسیس ایدر جكدی . « مابعد الطبیعه عادات » ده عقل عملیك انتقادندن چقان نتایج دائره سنده وظیفه مزى قبل اولارق تام و عقلی منظومه داخلنده تأسیس ایلکی استهداف ایدر . بویه اولدیغی ایچون قانت بو مبحثده سجه لرك ، عاداتك

[۱] کتابتاده ۶۶ و ۶۷ نومرو ایله كوسترلن اثر

بر نوع تشریحی یا عینی دوشوئمه یور. عصر بمزده بعضی اجتماعیات علمالریک تکلیف ایلدیکی طرزده بر « علم عادات Science des mœurs وجوده کتیرمک ایسته مه یور . بلکه انسانک اعمالک اساسلی مبدألرینی صرف استنتاجی بر طرزده تعیین ایلدیکی قصد ایلدیور .

اعمال اخلاقیه ماهیه ، نه اولورسه اولسون ، ایکی عنصردن ترکب ایدر . بر طرفدن هر هانکی بر عملی « مکلفیت » شکله قویان قانون اخلاقی ، دیگر جهتدن او عملی ایشلین آدمک حرکتک سائقدر . قانون اخلاقینک امری مختلف سوائقک تأثیری آئنده اجرا ایدیه بیلیر . بر آدام اولابیلیرکه صرف قانون اخلاقیه ، وجدانک امرینه رطابه او فعلی اجرا ایتمشدر ، دیگر بر کیمسه عینی فعلی حسی برسائقه ، یعنی بر آرزو ایله ، مرحمت ، یا خود قورقو ایله یا ممشدر . شو حالده اعمالزی تشریع ایده جک اولان منظومه وظائفز ایکی نقطه نظر دن محاکمه ایدیه بیلیر: بری وظیفه لریک صرف قانون اخلاقیه تبعاً اجرایی حالدیرکه تشریع اخلاقی (Législation morale) نی تشکیل ایدر ، دیگر ی اعمال ناصیل برسائقه اجرا ایدیا برسه ایدیلرین خارجاً قانونه مطابقتی تنظیم ایلکدرکه بوده تشریع حقوقی (Législation juridique) نی وجوده کتیریر . شو حالده انسانک برطاقم وظائفی وارددرکه تشریع حقوقی میانسه کیرمز، چونکه حقوق عملک بالکز خارجاً قانون اخلاقیه مطابقتی آرار ، حقوق میانسه کیرمین و صرف وجدان طرفدن تقدیر ایدیلان بو وظائف فضیله عائد وظیفه لردر . دیگر وظیفه لرمن وجدان طرفدن تقدیر و حکم ایدملکه برابر عینی زمانده خارجاً قواعد و شریعت وضعنه مساعددر . بونلر وظائف حقوقیه در : تعهداته رعایت کی . وظائف حقوقیه و فضیله عائد اولمق اعتباریله محاکمه ایدیه بیله جکنه نظراً اونلری قبلی واستنتاجی بر صورتده تعیین ایده جک اولان « مابعدالطبیعه عادات » ده ایکی قسمدن مرکب بولونماسی اقتضا ایدر . بونلردن بری نظریه حقوق ، دیگر ی نظریه فضیلت اولاجقدر . بز بو قسمده فیلسوفک نظریه حقوقی خلاصه ایدم جکز .

حقوق نه در ؟

فیلسوف بو سؤالدن شو ویا بوملکستده ، شو ویا بوزمانده موجود قوانین ایله مؤید حقوق مکتوبه ومدونه نی قصد ایتمه یور . بالعکس افعالزک خارجاً تشریعنه اساس اولاجق لایتغیر و قبلی مبادی نی آراشدیرمق ، تعبیر آخرله حقوق طبیعیه نی ، عقلک مقتضاسی قانت ۱۶

اوزره بولونان برآدامك عینی تهلكیه معروض دیگر بر فلاکتزده لندن تخصیصیه سمیدینی جبراً آلماسی کبی . « ضرورتلر ممنوع اولان شیئی مباح قیلار » دستورینه استناد ایدن بوتجاوژی هیج بر محکمه تجزیه ایتمز . مع مافیه وجدان بویه برتجاوزه مساعده ویرمز . حقوق غیر متحتمه (Droit large) نك بوشکانه (حق اضطرار Droit de nécessité) دینیلیر .

فیلسوف بو ابتدائی تعریفلری یاپدقدن صوکر ا حقوق علماسنك « حقوق خصوصیه ، حقوق عمومیه ، ناملری آلتنده قبول ایلدیکی تقسیماتی اساس اتخاذا ایلهر ك فکرینی سرد ایدیور :

مفروضه خصوصیه

قانت ملکیتی کنیش بر معناده آلاق « حقم ، مالم » دیدیکمز هر شینه تشمیل ایدیور . ملکیت بویه واسع معناده یعنی « حقم » دییه بیله جکم هر شینه شامل اولونجه حقوق خصوصیه « ملکیت » ایله برلشیر . بناءً علیه حقوق خصوصیه « او نوع حقلردر که هیج بر کیمسه نئم رضام اولمق سزین اولنلری استعمال ایده من » دییه تعریف اولونایلیر .

مادام که حقوق خصوصیه کنیش معنا سیله « ملکیت » ایله برلشیدور ؛ احواله « حقوق خصوصیه » نیه استناد ایدر سؤالی « ملکیت حقاً ناصیل ممکن اولویور ، مسئله سنك حلنه منجر اولور .

فیلسوفه کوره ملکیت ساده جه فعلاً ، حساً بر شینه تملکدن ، یعنی واضع الید اولمقدن عبارت دکلدور . برشی الم آلتنده بولونماسه ، فعلاً تملك الیسم بیله یه اوشی حقنده عقلاً حق ملکیت ثابت اولایلیر . بناءً علیه ماکییت عقلی (Intelligible) بر مناسبتدر . دیگر طرفدن ملکیت برشی ایله اختیار ام آراسنده کی نسبتدن ده متولد دکلدور . بالعکس اختیار مله دیگر لرینك اختیاری آراسنده کی مناسبتك محصولیدر . تعیر آخرله هر کس برشی حقنده نئم حققی تسلیم ایدنجه و اوشی اوزرنده هر نوع ادعادن واز کچینجه نئم ملکیت ثابت اولور . دیمک که ملکیت اول امرده دیگر لرینك برشی اوزرنده کی ادعایینی رد ایتمیسه وجوده کلیر . شوالده منطلقاً فردی ملکیتدن مقدم هر کسک اشیا اوزرنده اختیاری استعمال ایلدیکی بر دور فرض ایتمک لازم کلیر . آنجق ملکیت فردیه نك تأسندن اول وجودینی فرض ایتدیکمز بودور مفکوره وی ومنطقی

اولارق موجوددر [۱] یوقسه فارینخده ملکیت مشترکه نك موجودیتنه عائد هیچ بر ایز یوقدر . فیلسوف بوله بر دور منطقی قبول ایتمکه باخلاصه شونی کوسترمک ایسته ویرکه حق ملکیت آنجق بوتون افرادك اراده مشترکسی محصولیدر .

شو ایضا حاکم کوستیر که حقوق خصوصیه اصلی دکادر . یعنی هابی مکتسب و مشتقدر . تعبیر آخرله اراده عمومیه ایله اکتساب اولومشددر . مالکیتک اابتدائی و اصلی سکلی کیمسه به عائد اولمیان بر شئی کندیمه مال ایتدیکم وقت تظاها ایدر . بوله کیمسه به عائد اولمیان بر شئی احرازی صورته حصوله کلن اصلی ملکیت « ایلک اشغال Première occupation » دینیلیر .

اوج نوع شی احراز اولونابیلیر : ۱) اشیای ماده ، ۲) اشخاصک تعهداتی ، ۳) بالذات اشخاص . بناء علیه بو اوج نوع ملکیت کوره حقوق خصوصیه اوج قسمه آیرلابیلیر : ۱) حقوق عینیه Droit réel ۲) حقوق شخصی Droit personnel ۳) عینی - شخصی حقوق Droit personnel-réel .

حقوق عینیه ، یعنی فردك اسبابی ماده اوزرنده کی حق اصلاً بر شخصك برشی ایله مناسبی عد ایدیه سر . هر هانکی بر ماده اوزرنده کی تملك حقمن اراده عمومیه نك او شئی منفرداً استعمال ایتمکه جواز ویرمسندن تولد ایلر . حق ملکیت اراضیه ده شامل اولمق ایجاب ایدر . چونمکه اراضیه تملك حتم قبول ایدلیه جك اولورسه اوزرنده بکا عائد اولان منقول اشیانك ملکیتیه تحت امنیتده بولوناماز . یوقازیده سوبلدیکمز کی اراضینك مالکیتی منشأی اعتباریه ایلک اشغال مستددر . آنجق بو ایلک اشغال ویردیکی صلاحیت غیر ثابتدر . اراده عمومیه ایله تشکل ایدن جمعیت مدنیه یعنی قوه عمومیه بو تملکی تحت تأمینه آلدینی زمان بوصلاحیت قطعیت کسب ایدر ، تعبیر آخرله اراضی اوزرینه وضع ید یعنی امر واقع او زمان معقولیت کسب ایلر . بعض حقوق عالمیری ملکیتک اساسی « سعی » اولمق اوزره قبول ایدرلر . فیلسوفه کوره سعی ده بر اشغال اولی ، بر احرازی مقتضیدر . چونمکه برشی اوزرنده ، مثلاً اراضیده سعی مسبوق اولابیلیمک ایچون اونك احراز و اشغالی لازمدر .

[۱] قانت ابتدائی جمعیتلرده ، تاریخنک هر هانکی دورنده ملکیت مشترکه نك موجود اولدینی قبول ایلمه یور . مع مافیه اثرینک بر یرنده موغوللرده اراضینك مشترک اولدینی ذکر ایلور . آکلاشیلور که فیلسوف ملکیت فردیهی فعلاً ملکیت مشترکه نك تکاملی محصولی عد اینك ایسته یور . حقوق نظریه سی Barni ترجمه سی صحیفه ۹۶ .

اراضینک مشروع صورتده تملک ایتوا ایلدیکی بوتون ثروتک ایستیلدیکی کبی استعمالنی ناطقدیر . ناصیل اعراض جوهردن انفکاک قبول ایتزسه اراضیده زمینده و تخنده کی ثروتدن ، اونک هر صورتله استعمالدن آریلاماز . بناءً علیه هیچ بر کیمسه بر مقاوله ایله صاحبک رضا و موافقتنی آلامدجه دیگرینک اراضیسندن استفاده قالماماز . بونک ایچوندرکه قانت آوروپالیرک تمدین اتمک بهانه سیله قوت استعمال ایدرک مدینتی کری ماتلرک اراضیلرینی اسغال ایتمکه تشبث ایتلرینی ، یاخود کذاک جبر و قضیق ایله جعلی اشترای و یا ایجار معاهده لری عقد ایتلرینی تماماً غیر مشروع عد و تلقی ایدیور . بناءً علیه بعضیلری طرفندن اورتیه آبلان - استعمار صلاحیتک برریاکارلق اولدیغنی اورتیه قویویور . بونک ایچوندرکه فیلسوف مستملک سیاستک حقه استناد ایتدیرمک ممکن بولونمادیغنه تماماً قانعدیر .

کورولویورکه حقوق عینیه منشأی اعتباریله اسغال و احرازه مستددر . حالبوکه تعهداته استناد ایلین حقوق شخصیه ک منشأی بویه بر اشغال و احراز عد ایدیه من . بر ماده اوزرنده کی حق یعنی حقوق عینیه بر طرفلدر . فقط تعهداته مستد حقوق طرفینی ایجاب ایدر . بناءً علیه حقوق شخصیه ایکی شخصک متقابلاً بر برینه قارشلی تعهداته کیریشمی تعبیر آخرله بر عقد و مقاولهده بولونمالری محصولیدر . بویه اولدینی ایچون حقوق شخصیه و هرکسک و بریدیکی سوزده رعایت ایلکه مجبور اولماسی ، امر اخلاقیسنه مستددر .

عینی - شخصی حقوق (Droit personnel - réel) ه کانه بونلر حقوق اهلیه (Droit domestique) دن ناسفه برشی دکلدر . بو نوع حقوق بر طرفدن شخصیدر ، چونکه موضوعی بر ماده دکل ، شخصدر . دیگر طرفدن حقوق عینیه بکزه ، چونکه بر شخص اوزرنده ولایتی مقتضیدر . بونک ایچون حقوق اهلیه ساده جه طرفینک رضاسیله قبول ایدلمش بر مقاولهده ، بر عقده مستد دکلدر . بلکه خارجی بر قانون ایله بر شخص دیگر اوزرنده بر ولایت و نفوذ تأسیس ایلر .

حقوق اهلیه دن اولان حق زوجیت ایکی جنسک ، یعنی قادین و ارککک مشروع و اخلاقی بر صورتده برلشمسیله یعنی نکاحله تحقق ایدر . حقیقی نکاح مساوی ایکی شخصک تماماً بر برلینه کندیلرینی ربط ایلرلیله حصول بولور . شخصیت بشریه بر ولایتجرا اولدینی ایچون نکاحله وجوده کلن ارتباط ایکی شخصی تماماً بر برینه باغلار . بناءً علیه تعدد زوجات جائز و حقوقی اولاماز .

تولد ایلین چوجوڭك رشید اولنجیه قدر ابونی طرفندن باقیمسی چوجق لهنده برحق، ابون ایچون چوجوڭی ییشدیرمکده بروظیفه در. بوکامقابل اولنلک حرکاتی تنظیم صلاحیتی ده ابونک حقیدر. آنجق رشید اولونجه ایکی طرفکده حتی ساقط اولور. اقدی ایله خدمتچی آراسنده کی مناسبه کلنجه بونی طرفینک بالرضا عقد ایتدکلی مقاوله تعیین ایدر. خدمتچی اوزرنده برشی مادی کی تصرف ایدیله مز. هر هانکی مقاوله اونک شخصیتنه تجاوز ماهیتده اولاماز. حتی رضا و اراده یه مستند اسارت بیله حقوقاً تجویز ایدیله مز.

مفروضه عمومی

حقوق عمومی نك تولدی منطقاً حقوق خصوصیه دن صوکر اکبر. چونکه جمعیات مدنییه دن اول تصور ایدیله جک حال طبیعی (L'état de nature) ده ینمکی، سنکیکی یعنی ینم حقم، سنک حقک فکری واردی. شوقدرکه بو هرتورلو تأمینندن عاری و غیر ثابتدی. جمعیت عالی شکلدن چیقوب حقوق خصوصیه یی متقابلاً تأمین ایلک اوزره تشکیلات وجوده کتیردیکی زمان حقوق مدنییه تأسس ایلدی و او وقت حقوق خصوصیه ده تحت تأمین آلمش اولدی. مع مافیه مدنی بر جمعیت لزومی فرد یالکیز کندی ضررینه ازاله یه مقتدر اولمادی بر تجاوز معروض قالدینی زمان حس ایتمز. قبل اولارق تقدیر ایده بیلیرکه اکایی انسانلردن مرکب طبیعی بر جمعیتده بیله هر برینک حقنک شمولنده اختلاف چیقابیلیر. اونک ایچون بو کی حالرده اراده فردیه فوقسنده بر قوتک حکم اولماسی و بو صورتیه تأسس ایده جک ولایت عامه نك عندالایجاب قوت استعمالیه حتی محافظه ایلمسی ضروریدر. جمعیات مدنییه بو ولایتی «قانون» تأسس ایدر.

مفروضه سیاسی

بر طاقم آداملرک عینی قوانین آلتسنده طوبلانمالری (دولت) ی تشکیل ایدر. مفکوره وی بر دولته قبل اولاق یکدیگرندن آیری اوچ نوع نفوذ و قدرتک موجود اولماسی لازمدر: بونلرلر بری قانون یایمق، دیگرکی یاییلان قوانینه توفیقاً اداره حکومت ایلک، اوچونجیسی قانونک تطبیقه چیقان اختلافاری حل و فصل ایلک. دولته آیری آیری بو اوچ نفوذ بولوناجنی ایچون اوچ نوع قوت تجلی ایدر: (۱) قوه تشریعه، (۲) قوه اجرائیه، (۳) قوه عدلیه.

بر اراده آنحق کندی طرفندن قبول ایدیان بر قانونه تابع اولاییلیر. باشقه بر تعبیرله بر قانونک عادل اولاییلسی ایچون اراده سنک انضام و التحاق لازمدر. یانجی بر اراده دن نشأت ایدن بر قانونه مفاد اولان فردک شخصیتنه تجاوز ایدیور دیمکدر. اونک ایچون قوه تشریعیه یعنی قانون وضعی جمعیت اعضاسنک اراده مشترک سنه عائد اولمق لازم کلیر. هر و طنداشک حائز اولماسی ایجاب ایدن اوصاف و حقوقی فیلسوف شو صورتله تعداد ایدیور. ۱) هریت یعنی بالذات کندی رضاسیله تأسس ایدن قانوندن ماعداسنه مفاد اولماق، ۲) مکلفیت حقوقیه اعتباریله مساری بولونمق، ۳) استقمول یعنی حیاتی و معیشتی کمنندن ماعدا باشقه بریسنه مدیون اولماق.

قانت خدمتچیلرده، عربه و مستخدمینده، قادینلرده، چوقوقلرده بو صوکنجی وصفی کورمدیکی ایچون اونلرک حق رأی صاحبی اولمالرینی تحویز ایله مه یور. دولنک قوه تشریعیه و اجرائیه و عدلیه دن عبارت اولان قوای نلکسی یکدیکنرندن آری اولمقله بر برینک متممیدرلر. بو اوج قوتدن هیچ بری دیگرینک صلاحیتنه تجاوز ایتمه میلدیر. بالخاصه اجرا قوتی قانون وضعنه قالدقارسه صلاحیتی تجاوز ایتمش اولور. دولته حقیقی حکمدار واضع قانوندر.

قانت و طنداشلرک قوه سیاسیه قارشیسنده حقوق و صلاحیتی ده تدقیق ایدیور. بو خصوصده کی مطالعاتی بالخاصه فرانسمز اختلال کیرینک پارلادینی دوره تصادف ایله مسی اعتباریله آیریمجه حائز اهمیتدر. قانت کوره حکمدارک ملت اوزرنده حاکمیتی تأسیس ایدن مقاوله یی بر وقعه تاریخیه کی ملاحظه ایتمه میلدیر. حکمدارک و طنداش آراسنده کی مناسبت بویه بر تاریخی وقعه یه دکل، نظام عقلیه مستنددر. بویه اولدانی ایچون صلاحیت و حقوق تاریخیاً قانونلردن مقدمی، یا خود بالرضا قبول ایدیلن قوانیندن صوکرامی وجوده کلدیکنی آراشدیرمق بیوده در. حالا بر جمعیتده هر و طنداشک وضعیتی قانون تعین ایدر. بناء علیه او قانونی مناقشه و رد ایتمکله یا خود قانونه مخالف حرکتله و طنداش کندیسنی قانون خارجیه چیقاریر. بونک ایچون دینه ییلیرکه حکمدارک تبعه مواجهه سنده بر طاقم - حقوقی وارددر. فقط تبعه نك حکمداره تحمیل ایده جکی وظائف موجود دکدر. حکمدار قانونه تجاوز ایدرسه تبعه نك آنحق شکایت حق وارددر، فقط ینه اطاعت ایتمیدر.

بناء علیه و طنداشلرک اختلال حق یوقدر. اختلالر غیره شروعدر. یالکمز حکمدار دولنک تشکیلات اساسیه سنده کی قالدقاری اصلاح ایله بیایر. عینی سببه مینیدرکه مخلوع

حکمدار تجزیه ایدیه‌ها را . چونکه خلعدن و واکرا حکمدار علی‌العاده بر فرد اولمشد . آرتیق اونک باشقه صورتله اتهامی دوغری اولاماز . انکلز قرالی برنجی شارلک ، اون آلتنجی لوئینک اعدامی هیچ بر اساس حقوقیه استناد ایتدیرله من .

مع مافیه (۱۷۸۹) فرانسز اختلال کیری تماماً مشروعدر . چونکه اون آلتنجی لوئی ، حکومتک معروض قالدینی مشکلات مالییه بی‌ازاله ایچون (نه‌تازده‌رو (Etats.généraux) بی انعقاده دعوت ایتمکه کندی حق تشریعی ، حتی هر نوع مراقبه‌دن آزاده اولان اجرا صلاحیتی معناً ترک انیش دیمکدر . بوحالده تشریع حق ملتبه انتقال ایلش وملت قوانین موجوده بی تعدیل صلاحیتی احراز ایلشد .

مع مافیه اختلال امر واقع حالی آلتنجیه ، ولوکه منشأ اعتباریه غیر حقوقی اولسون ، هر وطنداش اوکا اطاعت ایتمکه مجبوردر . خلاصه هانکی منشأدن نشأت ایدرسه ایتسین مرعی اولان قوانین اساسیه به انقیاد و اطاعت لازمدر .

قانت مونتهسکیوکی صرف نظری‌ساحده حکومت مطلقه‌ایله آریستوقرات وده‌موقرات حکومتلری مقایسه ایدیور . حکومت مطلقه اشکال حکومتک واقعا ک بسیطیدر . فقط بونکه برابر اک ایسی عد ایدیه‌من . نته‌کیم ده‌موقراسی ، شکل حکومتک اک معضلیدر . بونک ایچون اک فاسیدر دینه‌من . بالمکس یالکیز ده‌موقراسی شکلی حقوقک اصل منشأنه موافقدر . مفکوره‌وی حکومت « حقیق جمهوریت » در . یعنی ملتک حقوقی کندی‌نامه حمایه ومدافعه ایتسی ایچون تمثیل ایدلمسی ، باشقه برتعبیرله منتخب‌مبعوثلریزک ملت‌نامه اداره حکومت ایلسی شکلیدر [۱] . کورولویورکه فیلسوفه کوره اک مکمل حکومت ملتک انتخاب ایله تمثیلی و بالذات حقوقلری حمایه ایلسی طرزیدر .

قانت حکمدارک باشلیجه حقوقی‌ده تدقیق ایلمور . فیلسوفه کوره حکمداراراضینک متصرف عالیسی عد اولور . شوو معناده‌که بوتون ملکیت دستورینک تمثیلدر . املاک اونک‌نامه تفویض ایدیلیر . آنجق حکمدار هیچ بر اراضی اوزرنده فردی ملکیتی اولمالیدر . چونکه بویه برملکیت صاحب اولدینی وقت افراد ایله کندی آراسنده . بو ملکیتدن تولد ایلجه‌جک نزاعی کیم حل ایده‌جک ؟ کذلک روحانی ، جسمانی هیچ برصنف براراضینک دائمی متصرفی عد ایدیه‌من .

[۱] شوايضاحاتله آکلاشیلورکه قانت جمهوریتی شکل خارجسی یعنی رئیس حکومتک منتخب اولماسی نقطه نظرندن . ملاحظه ایتکدن زیاده روحی اعتباریه نظر آلیور ، تعبیر آخرله وطنداشلره مکلفیت حقوقیه تحمل ایدن قوانینک وضعنده اونلرک رضای آلیناسی اساس تلقی ایلور .

حکمدار بر ماتک رضاسيله و رکولری آتیراییلر، خدمت مسکریه تفویض ایایه بیلیر. ویرکیلرک بر قسمی فقراتک احتیاجنک تهوینه صرف ایدلمایدر. چونکه آنجق بوصورته دوات شخصیت انسانیه بی تذلیل ایدن دیلمجیایکی منه مقتدر اولاییلر.

دین برحس باطنی اولدجه دولتک هر نوع مراقبه سندن آزاده در. بناء عایه حکومت بر دین رسمی قبول ایده من. هیچ بروطنداشی اعتقادی یوزندن خدمت عمومیه دن خارج بیراقماز. دولت یالکیز سربستی ادبانه نظارت ایتلی، کلیساک سیاسی ومدنی ساحه لره تجاوز ایتمه سنک اوکی آلمایدر.

دولت مأمور تعیین ایدر. اولره شخصی رتبه ده ویره بیلیر. فقط ارثی برصالت تفویض ایلیه من. چونکه بروطنداشک منحصرأ وراثت طریقله برطاقم امتیازه صاحب اولماسی حقوقه مخالفدر.

حق جزایه کلنجه بونک اساسی نه جمعیتک منفعتی، نه ده مجرمک اصلاح حالیدر. چونکه بر آدمک آرزوسنه رغماً اصلاح حاله چالیشمه قالمق «حیثیت انسانیه» دستورینه مغایردر. حقیقی جزانک مبدأی ساده جه عدالت فکریدر. جزانک، ارتکاب ایدیلن عدالتسزلکک تعمیرندن باشقه هدفی یوقدر. ریاکار بر انسانیت تعصیله «برآدامک اولمسندن ایسه برملتک محو اولماسی ده ایدر» دستورینی قبول ایتک قدر عبث برحرکت اولماز. چونکه عدالت اولماقدن سوکرا انسانک شودنیا اوزرنده یاشامق زحمتنه قاتلانماسی معناسز اولور. جزانک شمولته کلنجه بونک ایچون اساس جزانک جرم ایله متناسب اولماسنی تأمیندر. بومبدأه لوره سرقت جزای تقدی ایله، قتل اعدام ایله تجزیه اولونمالیدر. باققاریا (Baccaria) کبی بعض حقوقشناسلرک یاکلیش برحس انسانیت ایله اعدام علیهنده بولونمالی ده دوضی دکلدر. عدالت قتلک مقابل بر جزا ایله تجزیه سنی ایجاب ایدر. عفو حقنه کلنجه حکمدار آنجق کندی شخصنه قارشى وقوع بولان تجاوزی عفو ایده بیلیر. باشقه سی عاینه ارتکاب ایدیلن برجرمی عفو ایده جک اولورسه تجاوز ایدیلن شخصک علیهنه مجرمک الهنه برعدالتسزلک ارتکاب ایدلش اولور.

مقوقه دول

یوقاریده سوبلدیکمز مناسبات حقوقیه آنجق مدنی جمعیتلر داخلده ممکندر . ملتک اراده مشترکسیله وجوده کلن دولت ولایت عامه سنی آنجق افراد ملت آراسنده عدالتک تحققی ایچون استعمال ایله بیلیر . فقط مدنی جمعیت کندی اطرافنده دیگر جمعیتلره ، دیگر دولترلره تصادف ایدر . بونلره کندی آراسنده کی مناسبت حقوقیه یی تنظیم ایده جک هیچ بر اساس حقوقی موجود دکلدرد . ارضک قابل اسکان اولان سطحی محدود بولوندی ایچون بو مختلف جمعیتلر یکدیگریله مناسبتده بولونق برنوع مشترکاً باشامق اضطرارنده ددرلر . آنجق ین الملل تأسس ایتمش قوانین بولونمادیغندن بومستقل دولتلر کندی آرارنده مدنی و حقوقی دکلر ، عادتا طبعی بر جمعیت تشکیل ایدرلر . مدنی بر جمعیتک افرادی اولمازدن ، یعنی دولتک ولایتله مؤید قوانینه تابع بولونمازدن اول افراد ناصیل حال طبعیمده بولونمش ایسه ، ناصیل اولملرک آراسنده کی مناسباتی تنظیم ایدن قوانین بولونمادینی ایچون قوتلی اولان حاکم ایدیسه بو مستقل جمعیتلرک ، دولتلرک یکدیگریله اولان مناسبتی ده حالا اوله دوام ایدیور . بویه اولدینی ایچون دولتلر آراسنده آچیقجه محاربه موجود اولماسه بیهضماً حال حرب دوام ایدوب دورویور . چونکه بینلرنده چیقان اختلافی حل ایده جک قانون یوقدر . هسینک اراده مشترکسیله تأسس ایتمش بر ولایت ونفوذ موجود دکلدرد . قوتلیسی ضعیفه مجبوراً ایستدیک عهده قبول ایتدیرر . دولتلر آراسنده کی مناسبتده بو صورتله یالکمز قوتک حکم سورمسی مغایر حق بر وضعیت احداث ایدیور .

شیمدیک حالده دولتلر آراسنده کی اختلاف « حرب » ایله حل اولونمقده در . واقعا محاربه جبرایله مؤید قواعد حقوقیه یه تابع دکلسده هیچ اولمازسه محاربیلرک اخلاقی قوانینه رعایت ایملری ایجاب ایدر . حربک تابع اولدینی بو اخلاقی قواعدک هیأت مجموعه سی حقوق حرب (Droit de la guerre) ی تشکیل ایدر . دولت مشروع اولارق تدافعی یا خود خشم دولت فوق العاده احضارات حریه سیله کندینی تهدید ایدیورسه تجاوزینک اوکفی آلمق اوزره تعرضی حرب اعلان ایده بیلیر . آنجق مقابله بالمثل و انتقام یا خود محاربه و فتح ایچون حرب اعلانی غیر مشروعدر . هر حالده حرب باشلامازدن اول اعلان ایدمسی ایجاب ایتدیک کی آراده تحدت ایدن اختلافک حلی و صلحک یکی اساسلره

کوره تأسیسی ایچون یکانه طریقك حرب اولدیغنه خاصم ملتلك قانع اولمالری ده لازمدر .
بو حالده ده حکمدارك حرب اعلان ایلمی آنجق ملتلك ویا خود مبعوث و ممثللرینك رضاسی
استحصال شرطیه مشروع اولاییلر .

حرب اعلان ایدلکدن صوکر ا طرفین اونو تماملیدر که هدف اصلی ممکن اولدیغی قدر
یاقین بر زمانده صلحک تأسیسیدر . اونك ایچون جاسوسلغه تشویق ، قتل و اعدام ، یاغما و غارت
کبی ایکی طرفك یکدیگرینه قارشى امنیتى بستیون سلب ایلیه جك حرکات منع ایدلمیدر .
تکالیف حربیه و آنغاریا آنجق مقبوض مقابلنده طلب ایدلمی ، تا که محاربهك ختامی
متعاقب عادلانه بر صورتده تعمیر و تضمین اولوناییلسین . محاربه دن صوکر ا غالب طرف
قبول ایتدیره جکی معاهده یه تضمینات حربیه ، مغلوبك اسارتیه القاسی کبی صرف جزا
ماهیتده ماده لر قوبامالیدر .

مع مافیه قوانین حرب ، کرک صلح معاهده یی آنجق موقت بر حقوق تأسیس ایدر .
چونکه هر آن قوتلی اولان بر دولت بونلری کأن لم بکن عد ایده بیایر ، اوکا تجاوز ایلیه بیلیر .
بناء علیه یکدیگریله اولان مناسبتلرنده ثابت حقوق عادلانه تأسیس ایلملری و آرتیق وحشیلر
کبی یکدیگرینه تجاوز ایتیه و کینی معامله یه بر نهایت ویرملری ملتلك وظیفه لر ی اقتضاسیدر .
بوظایهك استحصالی ایچون اونلر اصلی بر مقاوله اجتماعیه فکرینه مستنداً بر اتفاق ملل
تأسیس ایتلی و بوضورتله یکدیگرینه امور داخلیه لرینه مداخله ایتیه مکى فقط خارجدن
وقوع بولاجق تجاوزی دفع ایچون متقابلاً یکدیگرینه معاونت ایلمکى در عهده ایلمیدر لر .
ملتلك بویه بر اتفاق تأسیس ایتکله شخصیت مستقله لر دن فراغت ایتملری ، جهانشمول
بر جمهوریت République universel ، ایچنه کبرملری لازم کلز . دولتلر شخصیتلرنی
غائب ایتکسزین دول متحده و متفقه حالنده اجتماع ایده بیلیر لر ، ده ها دوغریسی اک
کوچوک جمهوریتدن اک بویوک دولته قدر هر برینك سربستجه اشتراك ایده بیله جکلری
« دائمی قونفره Congrès permanent ، حالنده طوبلانیلیر لر . اوضورتله که قونفره یه
هر دولت داخل اولاییلر ، کذلک قونفره دن آیریلق ایستینلره هیج بر مشکلات کوسترلر .
تماماً سربست اساسلره مستند اولماسنه رغماً بویه بر تشکیلات اورتلغی قاریش سدیوان ،
تجاوز کار بر وضعیت آلان دولته حرمت و اطساعت تلقین ایلمکدن خالی قالماز . عجباً
دولتلرک بویه بر قونفره حالنده طوبلانیلملری فکری بروهمیدر ؟ خایر ، فیلسوف دیورکه
« اون سکزنجی عصرک نصف اولنده لاییده اکثر آوروپا حکومتلری ، حتی اوفقی

جمهوریتلرک اشتراکیله برقونفرانس طوبالانمادیمی؟ اوراده بعض مرخصلر بعض دولتلرک دیکرلری علمینده حرکات خصمانهده بولونمالرندن شکایت ایلدیمی؟ قونفرانس اشتراک ایدن دولتلر آراسینده کی اختلافات سیاسیهده «حکم» وظیفه سنی کورمکه آوروپا حکومتلرینی بر دولت متحده Etat Fédéré شکنه صوقویوردی. بر قونفرانس نهیه مودل اتحاد ایدله سین؟ نهیه دائمی بر صورتده اختلافات سیاسیه یی حل ایلجه ک دائمی برقونفره وهم عد ایلدیلین؟» [۱].

شوسرلری اوقودقدن صوکر قانتک حرب عمومیدن صوکر پک یکی بر شکل کبی تکلیف و تطبیق ایدیلن «جمعیت اقوام» فکرینی ناصیل اساسلی بر صورتده دوشونمش اولدینی میدان چبقار. بوکون بین الملل حقوق و عدالت ایستین قایلر «جمعیت اقوام» ربط امید ایدیورلر. قانت جمعیت اقوام فکرینک یالکیز نظریه سنی وضع ایتمش دکل، آتیده کی مبحثده کوره جکمز وجهله طریزی ده عادتاً کوسترمش، همان همان پروغرامنی بیله چیز مشدر. فیلسوفک بوتکلیفی اوزرندن همان بر بچق عصر کچدی، واقعا اونک تصور ایتمشکی دائمی بر هیأت تشکل ایتمی. فقط هنوز هر ایستین دولتک سر بسته جه اشتراکی تأمین ایدیه مدی، هنوز بین الملل مناسبانده دولتلرکینه بالرضا قبول ایتمکلی «حق» دستوری حاکم اولامادی. قانت «ملتلر انجق آرالرنده تحدث ایدن اختلافاتی مدنی بر صورتده یعنی مرافعه طریقیله حل ایتمک چاره سنی آرامقله حقوق دولی تأسیس ایلجه بیایرلر». دیور. بوسورتله بو عصرک ایتمالرنده دیکر بر لاهی قونفرانسینده دوشونولن (بین الملل حکم هیاتی) لزومنی ده سرد ایتمش اولویور. فقط یالکیز بو قدر دکل... قانت دائمی صلحی احضار ایدجه ک اساسلری عریض و عمیق تدقیق ایلجه مشدر. شیمدی اونی کوره لم.

[۱] قانتک اشارت ایتمشکی برقونفره ۱۷۰۹ لاهی مکالئه ابتدایه قونفرانیدر

دائمی صالح پروژہ سی

قانت تأسس ایدہ جک بین الملل قونفرہ نک قبول ایدہ جکی اساسات حقوقیہ حقوق انسانیہ Droit Cosmopolitique دیور. قانت بو حقوقی « حقوق نظریہ سی » ندہ تعریف ایتش ایدی ، فقط بو اثرک انتشارندن ایکی آی اول نشر ایتدیکی مشهور « دائمی صالح پروژہ سی » ندہ عمومی پلانی چیزدی .

واقعا اون سکرنجی عصر نہایتلرنده دائمی صالح فیکری یکی دکلدی . اوترمخت معاہدہ سنک فرداسنده (آبیہ دوسن پیر) آوروپا خرستیان دولتری آراسنده « دائمی صالح اتفاقی » عقدی ایچون اون ایکی مادہ لک بر پروغرام اورتہ بہ قویعشدی . « آبیہ دوسن پیر » تکلیفنه نظراً آوروپانک خرستیان دولتری بو اتفاقہ کبر مکله یکدی بکرنک تمامیت ملکیت سنی تکفل ایلہ جکلر و آوروپا بہ یکیدن اسلام دولترینک تجاوز ایتلرنک اوکنی آلا جقلردی . خرستیان دولترہ حصر صورتیلہ دینی بر شماری حائر اولان بوتکلیف ، ہیچ اولماز سہ ، اورتہ بہ حربک اوکنی آلق ، آوروپانک خرستیان دولتری ایچون اولسہ بیلہ دوامی بر صلح تأسیس ایلک ایچون پایلماسی ایجاب ایدن تدابیری اورتہ بہ قویو بووردی . « آبیہ » نک بوتکلیفی عصر یزده دہا ای قارشیلانندی . فقط اون سکرنجی عصر فیلسوفلری عمومیتلہ اوکا ہیچ بر قیمت ویرمہ یورلردی . لاپنیچ وولتر ، حتی روسوبیلہ بوتکلیف قارشیسنده سادہ جہ استہزا ایتشلردی .

دینہ بیلیر کہ آبیہ سن پیر ک ادعاسنی ایلک اول ، ۱۷۸۴ دہ مدافعہ ایدن قانت اولدی . واقعا فیلسوف « سن پیر » . پروغرامنک ہان تطبیق ایدیلہ بیلہ جکنی ظن ایتدی کندن دولای تعریض ایدیوردی . فقط اونک مدعاسنی مؤثر صورتدہ مدافعہ ایتدی . « دائمی صالح پروژہ » [۱] سنک انتشارندن اون برسنہ اول محاربہ نک ایقاع ایتدیکی قنائلرک اوکنہ آنجی ملتلرک اتفاقیلہ کچیلہ بیلہ جکنی ایلری بہ سورو بووردی .

مع مافیہ قانتک بو دوردہ محاربہ نک قنائلرینہ دائر اولان مطالعاتی بر درجہ بہ قدر منفرد فکری حالتدہ در . فیلسوف بو اثرلرنده محاربہ نک تاریخدہ دہا زیادہ

[۱] کتابیانده ۶۱ نومرولی اثر

تمدین وظیفه سنی کوردیکندن بحث ایشدر . ته کیم و انسانیت تاریخنک منشای حقنده تخمینلر، [۱] عنوانی طاشیان ارنده مالا شویده دیور : « واقعا مدنی ملترک معروض اولدقلری فناقلر محاربه دن ایلری یه کلیور، حتی یاییلان ویا یاییلمش اولان حربلردن زیاده متمادیا آرتان برشدتله استقبال ایچون استحضارات حربیه ده بولونمقدن تولد ایدیور . بونکله برابر زمانمز کی مدنیته آزا ایلرله مش اولان بردورده محاربه احتمالی وقورقوسی حکومتلرک کینی معاملاتنه قارش حریتنک محافظه سی ایچون برتأمینات تشکیل ایلکده در . چونکه حکمدار مستبد بیله حربه حاضرلانا بیلمک ایچون ثروت ملییه دوسونمکه مجبوردر . ملی ثروت ایسه آنجق صلح وحریت ایله تزیاد وائکشاف ایدم بیلیر . اونک ایچون حربه حاضرلانیق لزومی مستبد حکمدارلرله بیله حریتی محافظه ایتک وجوبی نلقین ایله یور ، ۱۷۹۰ ده «حرب طبیعتک مخوف قوتلری کی بر نوع علوی حسن (Bauté Sublime) تولید ایدر . حالبوکه اوزون مدت صلح ایچنده یاشامق یالکزایش ونفع اندیشه سنی حاکم قیلارق فداکارلق حسنی ضعیفلا نه بیلیر . عادی منفعتپرستلک میانی آرتیرا بیلیر . » [۲] دیوردی .

بومطالعات کوستریبورکه قانت حربک تولید ایدم جکی مصیبتلرک اوکنی آلمنی استلزام ایتدیکی زمان حقیقتدن کوز یومان، حس انسانینه تابع اولویورن برخیالچی اولمامشدر . فیلسوف حربک قولایجه اورته یه فونولابیله جک ضرر لرینی یالکز سویلیویورمه مش ، اونک ماضیده وحتی کندی دورنده یانمقده اولدینی اجتماعی فائده لریده ملاحظه ایشدر . فیلسوفک بو اعتدال تفکری ، تاریخی ضرورتی قاورا ییشی دائمی صلح حقنده کی امیدینه مستقنا براهمیت بخش ایدر . چونکه حربک فناقلری کی ایفا ایلدیکی تاریخی وظیفه یی ده پک اعلا کوره بیلن بو بویوک متفکر دائمی صلحی تأمین ایدم جک وساطتی آراشدیردینی زمان وهم وخولیا آرقاسنده قوشمش ، وقایع قارشینسده برنوع استهزا واکنجه به دالمش برآدم تلقی ایدیله مز . قانت انسانیتک مبدأ تکاملنده معروض اولدینی آغیر شرائطی مدرکدی ، محاربه کی الیم واطه لرک بوتکاملی تهیه واحضار ایتدیکنی بیلوردی . فقط ماضی اعانه سیله احضار ایلیه بیله جکمز استقبالك دهانی شرائطی حائز ، دهآ آز خشین اولابیله جکمه قانعدی . خلاصه شورایی هیچ اونوتمه ملیدرکه الک صمیمی بر صورتده دائمی

[۱] کتابیانه ۴۱ نومرو ایله کوس-تربلن اثر

[۲] کتابیانه ۴۹ نومرو ایله کوس-تربلن اثرده

صلح امید و قناعتی بسلهین قانت حقیقی ، حربی تولید ایدن اسباب ضروری نی ، حتی اونک ایفا ایتمدیکی اجتماعی فائدهی کوزی اوکنندن هیچ قائب ایتمهین بر متفکر دی . یالکز استقبالد بواسابک زائل اولایله جکنه قانمدی . بوائمانی تقویه ایدن مهم بر سبب دها واردی : قانت دائمی صلح امیدنی و پروغرامنی بالخاصه (۱۷۹۳-۱۷۹۷) سنه لری ظرفنده کی درت سنه ایچنده نشر ایتمدیکی کتابلرله صراحةً اورتهیه قویمشدر . بوسنه لر فرانسز اختلال کبیرینه تصادف ایدر . اختلال کیرک فیلسوف اوزرینه ناصیل بر تاثیر و امید او یاندر دیغی یوقاریده سولمشدک . [۱] شبهه ایدبله مزکه بوتائیر ایدن بری فیلسوفک منلر آراسنده دائمی صلح حقنده کی نیکینانه امیدنی تقویه ایتمی اولدی . چونکه اختلالک هدفی دواتلرده « حکومت مطافه » شکله نهایت ویرمک ، ملترک آرزو و اراده لرینک مؤثر اولدیغی « جمهوریت » ی تأسیس ایلمکدی . قانت بونی بشریت ایچون مهم بر خطوه تلقی ایدیوردی . ملترک اداره داخله لرنده اراده ملیه نک تمثیل ایدلمسده دوعری وقوع بولان انقلابی صلح دائمی بی تأسیس ایدله جک اولان « اتحاد دول » ایچون بر علامت ضروریه تلقی ایتمشدی .

قانت دائمی صلح پروژه سنده آبییه سنیه رکبی ، حربک قانقماسی ایچون لازم کلن شرائطی ماده ، ماده یازمشدر . بوماده لر دن آلتیمی صلحک تأسیسی ایچون بر نوع منفی شرائط متقدمه بی تضمن ایدیور . بوماده لر شونلردر :

(۱) تکرار حرب امدانته میبرانه و بره جک بر طاقم موضوع و ماده لر کبیرله بی بر عهد نامه مغبقی صلح معااهده سی عرابیله مز . بویله بر قید ذهنی ایله یاپیلان معااهده ساده جه بر متارکدن عبارت اولور . حقیقی صلح معااهده سی هر نوع حرب احتمالی اورته دن قالدیر مالیدر .

(۲) هیچ بر درلت بویوک ، کویوک دیگر مستقل بر درلقی وراثت ، مبادله ، اشترا ، هبه طریقله بر کنه رینه اطافه ابرمهز . فی الحقیقه هر دولت بر شخصیتدر . بناءً علیه انجق کندی کنه رینه صاحب اولایلیلر .

(۳) دولته ر دائمی اردولرینی زمانه نماماً الفا ایتمه بر لر . چونکه دائمی اردو صلح ایچون بر تهدیددر . دیگر جهندن انسانلرک بر قسمنی یالکز عسکرک ایچون حاضر لاق و اونک ایچون پاره ویرمک اونلری ما کنه حاله کتیرمک دیمکدر .

(۴) دولتک منفعت خارجه سنه نظراً ملی استقراره عقد ابدیه ملیر . چونکه بو نوع استقرارلر حربی تمهیل ایلیه چکی کبی ایر کچ دولتی افلاس حاله کتیریر .

(۵) هیچ بر دولت قومه دیگر بر دولتک تشکیلات داخلیه سنه مراضلر اتمه ملیر . چونکه ملتله بر شخصیت تشکیل ایدرله . بناء علیه کندی خارجنده بر اراده یه تابع اولمازلر .

(۶) بر دردت دیگرله حرب ایدرکن صلح عقد ابدیه کی زمانه مقابل امنیتک تأسیفی منع ابدیه ک ازلده قتل و اعدام ، ظلمی زهرله ، تسلیم شرائطه تجارز ، اهانت تشویق کبی هرلانه مساعدله اتمه ملیر . چونکه محاربه ده صاغلام اساسله استناداً صلح عقد ایتک ایچوندر . حالبوکه بو حرکت ملتله آراسنده کی مقابل امنیتک ازاله ایدر ، صاغلام بر صلح یانجه مانع اولور .

بو الی مقدم ماده صلحک متین اساسله کوره تأسیسی ایچون منع ایدلمسی ایجاب ایدن شرائطی محتویدر . صوک شو اوچ ماده ایسه بالعکس دائمی صلح ایچون مثبت شرائطی تضمن ایلر :

(۱) هر دولتک تشکیلات داخلیه سی صهر ویت اولمالیر . یعنی حربیه قرار ویره کک اولان قوه تشریعه دوغریدن دوغری یه اراده ملیه دن نشأت ایتلی و اجرا هیئت بوندن تماماً آیری اولمالیر . یوقاریده سویلدی کیمز کبی بو نوع شکل حکومت حریت و مساوات اساسنه ک موافق اولقله برابر ملتله آراسنده صلحک تأسیسی ایچون لازمدر . چونکه حربک مصیبتلرینه ک زیاده ملتله معروضدر . شکل حکومت بویه مشروطی اولونجه ، یعنی حربیه قرار ویره کک قوه تشریعه دوغریدن دوغری یه ملت ویا وکیللری بولونجه بالذات محاربه ک فئالقلرینه معروض قالان خلق حربیه قرار ویرمک وضعیتده بولونور . حالبوکه حرب اعلانی بر حکمدار مطلقک الله اولورسه اونک کیف و آرزوسی ده بر عامل اولابایر . بوحالده اعلان ایتدیکی حربی مشروع کوسترمک ایچون سبیلر بولمی دائما بو وظیفه نی ایفایه آماده بولونان دیپلوماتلرینه بیر اقییر .

(۲) صقرو دول مستقل دولتله ک اتحادیه استناد اتملیر . اعتراف ایتلیدر که ک متمدن ماتلر بیه یکدیگریله اولان مناسبتلرنده هنوز وحشیلرک سویه سنده در . چونکه حالاً دولتلر ایچون « حق » ک یکانه واسطه استحصالی حریدر . فقط ظفر هیچ بر زمان ماتلر آراسنده کی حق تعیین ایدمز ، بوضورتله عقد ایدیلن صاحب معاهده نامه لری ظاهراً

برحرب واقعه نهایت ویرسه بیله کیزلی اولارق موجوداولان حقیقی حال حربی نه ازاله، نه ده تعدیل ایدم بیایر. حالبوکه بوتون تشریع اخلاقیاتک منبعی اولان عقل حربک استحصال حق ایچون برطریق عد ایدلمسی غیر مشروع عد ایتمکده و صاحبک استحصالی دوغربدن دوغری به بروظیفه اولارق اورنه به قویتمکده در. عقلک بواصرینی ایفا وتطمین ایدم بیلدک ایچون قتالنی کوکندن ازاله به چالیشمنی، بین الممال مناسباتده تدریجاً حال طبیعی Etat de nature یرینه حال حقوقی بی اقامه ایتک لارمدر. بونک ایچون ناصیل دوتلر فردلرک سربست رضالریله تشکل ایتش ایسه ملتدره اوله جه برر مستقل دوات اولارق بر صاحب هیأت متحده سی وجوده کتیرملی وبو صورتله مناسبتلری هر برینک بالرضا قبول ایتدکری اساسات حقوقیه استناد ایتلیدر. هیچ بر مللک فوقنده بر قوت موجود اولمادینی ایچون بر دولت بویه بر اتفاق داخل اولمغه نه احبار ایدیله بیلر، نه ده اجبار ایدلایدر. چونکه بویه بر اتفاق هدفی ملتلری یکدیگرلیه قاریشدیردق بردوات وجوده کتیرمک دکلدر. بالعکس مستقل دواتلردن مرکب بر جمعیت دوله، براتحاد دول تشکیل ایدمک آزارنه کی مناسباتی داره ایتمی ایجاب ایدن حقوقی متقابلاً تحت تأمین ایتددر. بو املک تحتی ایچون بونوک بر دوات جمهوریه تک قومشو دواتلرله بو ماهیتده بر اتفاق عقد ایتمی کافیدر. چونکه دیگر متمدن دواتلرده کندی تمامیت مملکته سی تأمین ایدمک اولان بویه بر اتفاق منافعتدن استفاده ایتک ایستلرلر وبو عهدنامه به التحاق اندرلر. مادام که یاقین بر استقبالد بوتون دواتلرک بو بولده اتحادینی تأمین قابل دکلدر. احوالده بعضی دواتلر آراسنده عقد ایدیله جک مصلحانه اتفاق ایله بو غایه به دوغری کیدیلایدر.

۳) حقوق انسانیه یعنی هر انسانک انسانه اولمغه اعتبارله هر برده تأمیننی طلب ایسه جکی موه عمومی مسافر برورلک هرردی داخلنده قالمالیر. هر مات کندی اداره داخلیه سنه حاکم اولدیجی ایچون بر فردک مملکتنده بولوندیجی اجنبیلرین طاب ایدمک شئ ساده جه کندیسنه بر دشمن کی معامله اولونمامسیدر. آوروپالیر بعضی شرق ملتلرینه بو بولده معامله ایتدکری ایچون مدنیت نامنه اولمقی تحریف ایتلردر.

ایشته فیلسوفک دائمی صلحک تأسسی ایچون قبلی اولارق لازم کوردیجی شرائط بوللردر. فقط بونلری تنبیت ایله قات وظیفه سی یتیردیکنه قائل اولمامشدر. بوشرطلری

بویله تعیین ابتد کردن صـ و کرا عالم حقیقی به باقی ، دائمی صاحبی تأسیس ایدہ جک اولان اتفاق مصلحانہ نہ درجہ حصولی ممکن بولوندیغنی آراشدیرمق لزومی حس ایتشدیر .
تعبیر آخرله کندی کندیسنه ملتلك اتحاد مصلحانہ سی ، حقوق دولك بویله برہیات دولیہ به استناداً تأسیسی ایلہ دائمی صلحتک تأمین غیر قابل تطبیق بروہم دکلیدر ؟ سؤالی صورمش و بوکا جواب آراشدیرمشدر .

بر کرہ طبیعت بویله بر اتفاق حصولی ایچون مثبت بعضی ضمانی حائزدر .
فی الحقیقہ ارضک الک غیر معمور لرلری بیلہ قابل اسکاندر . بویله اولمقلہ طبیعت بر آرادہ یاشایامایان ، عینی طور پراقده کچینہ مہین ملتلری بو اراضیہ دوغری عادتا داغیلمغہ دعوت ایتشدیر . لسان و دیندہ کی اختلافدہ بویله داغیلمہ لزومی اظهار ایتشدیر . اگر طبیعت مختلف ملتلك بویله جہ یکدیگر نردن آیریلانی ایجاب ایتسہیدی ملتلك تصور ایتدیگمز اتحاد عمومیی سـ ملطنت واحدہ شکلتہ کیرہ جک و او وقت اونلر حریت و استقلال لرندن غائب ایدہ جکار دی . دیگر جہندن طبیعت دولتلك اداره داخلہ لرندہ یاواش یاواش ماہیہٴ صلح و مسالمتہ خادم اولان جمہوریت مؤسسہ لرینی قبولہ سوق ایتکدہدر . بونلردن باشقہ ملتلر آراسندہ ہمسایک منافعی تأمین ایدن تجاری مبادلات آرئیبور و بوصورتلہ دولتلر انفراد حالتدن جیہ اراق مسالمت دائرہ سندہ منافع مشترکہ لرینی آراق اوزرہ یکدیگرینہ تقرب لزومی آکلا بورلر . خلاصہ طبیعتہ باقینجہ ملتلك آیریلی حریتلرینی تأمین ایدن بر واسطہ اولمش و مستقل ملتلك حر اولارق بر اتحاد وجودہ کتیرہ بیلملری امکانی حاضر لاتمشدر . دیگر جہندن تشکیلات داخلہ لرینک مسالمتی تسہیل ایدہ جک وجہلہ انقلابہ اوغرامسی ، بین الملل تجسارتک آرتارق صلحندن تأمین ایدیان منافعک کسب اہمیت ایلہ ملتلك ، ہیچ ارمازسہ مہم بر قسمک صلح اتحادی وجودہ کتیرہ لرینی ایجاب ایدن طبیعی بر سائق حائہ کیرمشدر .

وقایع تاریخیہ دن استدلالہ کلنجہ ماضیہ باقہرق دائمی صلح امکانک لہ ویا علیہندہ دلیل سرد ایدیلہ بیلیر . فقط بوصورتلہ اورتہ یہ قونولاجق برہان عتلك صلح لہندہ کی ایجاباتی قارشیسندہ برقیعتی اولاماز . چونکہ شیمدی بہ قدر برشیٹک تحقق ایتہ مش اولماسنہ باقہرق بوندن صوگرا قطعاً قابل تحقق اولمادیغہ حکم ایتک البتہ دوغری دکلدر . بر غایہ ، بالخاصہ بر غایہٴ اخلاقی بوصورتلہ رد ایدیہ مز . چونکہ بر غایہٴ اخلاقیک استحصالی محال اولدیغنی اثبات ایدلندکچہ اونک تعقیبی بزم ایچون بروظیفہ در . ماضیدہ حال حربک دوام ایدوب دور ماسی

دائمی صلح محال اولماسی استلزام ایلین بر دلیل اولاماز. ذاتاً مادام که دائمی صلح عقلک برامری، اونک اورتیه قوبدینی بر تصور عقلی (idée) در، یعنی تماماً عقلی بر مفکوره (idéal) در، احوالده و قوعات تماماً اوکا مطابق ده اولاماز. بویه اولسه دائمی صلح فکری تجربه دن چقمش بر تصور اولور، بر مفکوره بولونماز. قانت حتی «ابدی صلح» مطلق اولارق تحقق ایدر، مزده دییه بیلیر. چونکه عقلک اورتیه قوبدینی «مطلق» تصورلر تجربی عالمه تماماً نقل و تطبیق ایدله مز. بونوع عقلی مفکوره لر عالم تجربی ایلده، متجانس دکلدر. آنجق هر مفکوره کبی، الله، فضیلت تصور عقلیلری کبی «دائمی صلح» املی ده بر مبدأ ناظم، بر دستور عملدر؛ یعنی ولو که تماماً تحقق ایتسه بیله تعقیبی الحجاب ایدن مفکوره یی کوستیر. اخلاقی حرکتک یوانی کوسترن عقل ملتلر حرب یا پاملمیدر، دییور. واقعا بوامری شو عالم تجربی ده معکس بولامایور. آنجق عقلک اورتیه قوبدینی بو دستور عمل بزه کوستیر که بو مفکوره یه تقر ایتک ممکندر. تمیز آخرله ابدی صلح تأسیسی، بین الممال مناسباتده عدالت مطلقه تک تأمین قابیل اولماسه بیله بر غایه یه دوغری یا قلاشیلا بیلیر. بونک ایچون اولاً بر قسم ملتلر بر «صلح اتحادی Fédération des peuples pacifique» وجوده کتیره بیلیرلر. بواحاد، یوقاریده سوبلدیکمز وجهله، یاواش یاواش حدودینی توسیع ایلده بیلیر، بوتون انسانیتی احتوا ایتک دوغری یا قلاشیر. بو صورتیه حرب کوندن کونه آزالیر. عدالت کوندن کونه غیر قابل اعتراض بر صورتده ده واسع بر ساحه تطبیق بولور. قانت بو ملاحظاتیله دائمی صلح مسئله سندن ماعدا اخلاق ایلده سیاست آراسنده کی مناسبتی تدقیق ایتش و بونر بیننده کوندن کونه دها فضله بر آهنگ و وحدت تأسیس ایدیا. بیله جکی قناعتی اورتیه قومیش اولویور. مه ندله - سسون انسانیتک زمان زمان ترفی ایلده تدنی آراسنده دائمی اهتزازده بولوندینی فرضیه سنی التزام ایدیوردی. قانت بومعاصر فیلسوفک بو تلقیسنی قبول اتمیور. مادام که عقل ترقی ایچون چالیشمینی بر وظیفه اولارق بزه تحمیل ایدیور؛ احوالده او یولک تعقیبی ممکندر. عقلک وظیفه اولارق تکلیف ایتدیکی غایه تک عملدن ایچون بر هدف اولماسنده اوکا ممکن مرتبه یا قلاشمغه چالیشمق الحجاب ایده جکنده سبه ایدیه مز. شک اخلاقی یی افاده ایدن «بو بالنظریه ایی اما فعلیانه بر قیمتی یوق..» دستوری انسانلرک و ملتلرک مناسبتنه تطبیق ایدرک بر نتیجه چیقارمق تماماً یا کاشدر. بناء علیه وظیفه اوزرینه مستندلانی سیاستک تملی سو ایمان، سو مفکوره در: «هرشیدن اول عقل محض عملینک حکمران اولماسنی استلزام ایدیکز، او وقت غایه کز اولان عدالت، دائمی صلح کندیلک سندن تحقق ایده.»

یدنجی قسم

فلسفہ اخلاقیہ (مابعد)

فضیلت نظریہ سی

حقوقك موضوعی فعالیت اخلاقیہك ایکی ساحہ سندن بری، واك داریدر : فی الحقیقہ کورمشدك کہ قوانین حقوقیہ اختیارمرك دیگرلرینك حریتلریلہ اولان مناسبتلرینہ متعلق اعمالدہ امر اخلاقییہ خارجاً مطابقتی آراشدیریر . حالبوکہ اصل قانون اخلاقی قوانین مدنیہك محتواسی خارجندہ قالان بر طاقم اعمالك ایفائی امر ابتدیی کی ہر عہدائیکی ساحہدہ اولورسہ اولسون منحصرآ قانون اخلاقییہ رعایت قصدیلہ حرکت ایدلمسنی، یعنی قصد ویتمرك صافیتی اقتضا ایلر . تمبیر آخرلہ ہر نوع حسی، نفی سوانقدن تجرد ایدن حسن یتمرك وظیفہ محضہ ایلہ برلشمسنی، ہر آن حساسیتمرك طبیعی میلانلرینہ قارشی مجادلہ ایتمکی آمردر . دیمك کہ حرکات اخلاقیہ طبیعی میللرمزلہ ارادہ من آراسندہ بر مجادلہ محصولیدر . بو جدالك سدنی بر طرفدن تمایلات طبیعیہمرك، دیگر جھندن ارادہمرك صرف ایتدیکی قدرتلہ اولچولایر . ایشستہ فضیلت Vertu بالکیز « وظیفہ » لك امرینہ اطاعت ایتك ایچون طبیعت حسییہمرك تمایلاتنہ قارشی مقاومت ایتكہ خدمت ایدن جبارت اخلاقییہ » دینیر .

بر معنادہ حقوقك تحمیل ایتدیکی وظیفہلردہ فضیلت وظیفہسیدر . آلوریر کہ صرف قانون اخلاقییہ رعایت قصدیلہ پایبامش اولسون . دیگر جھندن بزم ایچون ہر « وظیفہ » اونی ایفا ایتك حقنی دہ ویریر . آنجق قانت فضیلتہ عائد وظیفہلردن بالخاصہ دیگرلری نزدندہ بر حقہ تقابل ایلہمین قسمنی آکلایور . بزده بو بحثدہ اونی تدقیق ایدہ جکزر .

وظیفہ ہر نوع حسی سائلقرہ اعتبار ایدلمسنی ایجاب ایدر . ارادہك هیچ برحسی سائقہ تابع اولمامسی، هیچ برغایہینی استلزام ایتہمسیمی دیمکدر ؟ خایر . هیچ برغایہینی ، هیچ برہدنی ایجاب ایتہمین قانون اخلاقی مجرد وبوش بر صورتدن عبارت اولور . ذاتاً

برهرف ، برغایه یی قصدایتمه یی حر بر اراده نك بر عمله قرار ویرمی قالمیدر؟ آنجق اراده نك استهداف ایده چکی غایه نك حسی واضافی دكل ، عقلی ، مطلق برهرفی بولونمی لازمدر . « مانع الطبیعه عاداتك مبناسی » نده فیلسوف کوسترمشدر که بو مطلق هدف آنجق « شخص بشرک حیثی » اولابیلر [۱] .

بوندن دولای اراده نك غایه اخلاقیسی بر طرفدن نفسمزك کالی *Perfection de soi-même* ، دیگر جهندن باشقه لرینک سعادتیدر .

فی الحقیقه غایه اخلاقی بر کره نفسمزك کالیدر . بناء علیه فردی راحت وسعادتمز دکلدر . چونکه سعادت طبیعتک غایه سیدر ، سوق طبیعیلر مز بزه سعادت و راحت آراندیریر . بونک ایچوندرك سعادت « اختیار » ک ، اراده مختاره نك برهرفی اولاماز . هرکسک طبیعت ایجابی اولارق ایسته چکی سعادت مختار اولارق قبول ابتدی کمز بر « مکلفیت » تلقی اولونابایر می ؟ نرم بالاخیار قبول ابتدی کمز مکلفیت طبعک کندیلکندن بزه تأمین ابتدیکی سیلر اولابیلر : قوامزی تربیه و انکشاف ابتدیرمک ، علم و اعمال اخلاقیه کی . دیگر جهندن امر اخلاق همجنسلر مزك کاله دکل ، آنجق سعادتسه چالیشمی اقتضایدر . چونکه حیثیت بشریه هرکسک کندی نفسنک کالانی بالذات تأمین ایتمسی اقتضایدر . عکس حلد باشقه سنک شیخصه ، اراده سنه تجاوز ایدلمش اولور . فقط همجنسلر مزك سعادت وراحتی کندی الارنده اولمادیغی ایچون اونلرک اخلاقی ایبلکلرینی احضار ایده بیلیمک اورره الملرینی ، فقر و ضرورتلرینی ازاله ایلمک چالیشمق اخلاقی وجبه در . چونکه الم و فتر اکثریا انسانی قناله سوق ایدن عامل اولورلر . سو قدرکه باشقه لرینه ایسته مدکاری برطرز راحت وسعادت تکلیفنه قاعما ملی نز ، هرکس راحت وسعداتی تقدیرده بذاته حاکم .

ایشته « نفسک مزك کالی ایسته ییکز ، باشقه لرینک سعادت ایچون چالیشکمز . » فیلتک ابکی دستور اساسیدر . آنجق بودستورلرده قواعد حقوقیه کچی قطعیت ووضوح موجود دکلدر . فی الحقیقه حقوق قاعده لری فمک قانون اخلاقیه خارجاً مطابقنی تعین ایدر ، « بنم حقم و سنم حقت » مفهوملرینی صورت قطعیه ده یکدیگرکندن فصل ایلر . حالوکه فضیله عائد وظایف لرك تفرعانی عینی درجه ده صحتله تعین و تصریحه مساعد دکلدر . مثلاً نفسمزك کالی آراشدیرمی سویله عمومی بدستور حاله صوقابیلیر : « قوای بدنیه

وروحیه کزی - مزه تأمین ایتیمی قابل اولان غایه لری ویرمه صالح اولاجق وجهله تربیه ایدیکمز . «نهنه یوق که بو دستورک افاده ایتدیکی وجهله حرکت ایتک بر وظیفه متحتمه (Devoir strict) در . آنجق قوای بدنیه وروحیه مزدن بکلدیکمز غایه لر ندر ؟ اونی صراحتله تعیین ایدمه یز . چونکه بونلر وضعیت اجتماعیه ، محیطه کوره دکشیر . حیات باطنیه مزک کالی ده عمومی بر امر حالنده افاده اولونابیلیر . چونکه کیم کندی قلبنک دریناکیارینه ، مستعد اولدینی کاله نفوذ ایدمه یله جکنی ادعا ایلیمه بایلیر ؟ کیم واصل اولونان درجه کالی تقدیر وحکم ایدمه جک ؟ بونک تبصر باطنی ایله تقدیری قابل اولمادینی کبی مشاهده خارجه ایلده تقدیرینه ده امکان یوقدر . اویله کیمسه لر واردرکه اعمال خارجه لری تماماً صاف و اخلاقی کورونور . بویله اولدینی حالده باطنی حیاتلری ، نیتلری اعتبارله اخلاقاً چوق متوسط وضعیقدرلر . نفسک کالنک درجه سنی وشکلنی قطعی برصورتده تثبیت امکانی اولمادینی کبی باشقه لرینک سعادته چالیشانک حدودینی ده لایتعیر برصورتده تعیین قابل دکلدر . فی الحقیقه نه وقت کندی راحتنی باشقه لرینک سعادته فدا ایتمه لیم ؟ بونک حدودی ندر ؟ بونلری قبل اولارق کیم تعیین ایدمه بیلیر ؟ خلاصه کرک نفسمزک کالنی ایسته مکده ، کرک باشقه لرینک سعادته چالیشمقه مکلف اولدیغمز شی ممکن اولدیی قدر قانون اخلاقینک تحققه غیر ایتمکدر . حرکات اخلاقیه نک تفرعانه کلنچ ، بونی تعیین ایتک علمه دکل ، «فرعی حرکت قواعدی Casuistique» نه عائددر . ناصیل نظریاتک تطبیقی آریجه برصنعت تشکیل ایدیورسه سو ویا بو حالده پایلمسی لازم کان عملک تفرعانی ده بو «حرکت قواعدی» تعیین ادر . تطبیقات نظریاته مربوط اولدینی کبی حرکت قواعدی ده فلسفه اخلاقیه مربوطدر . آنجق فلسفه اخلاقیه دوغریدن دوغری به تفرعات اعمالی تعیین ایدمه یه جکی ایچون «حسن حرکت قواعدی» تجربه داخامده تحدث ایدن مسائله ترجیحی ایجاب ایدن جهت کوسترمکه چالیشیر . کورولو یورکه قانت فلسفه اخلاقیه سی اساس اولان دساتیر ابتدائیه نک بساطت وقطعیه رغماً حیات حقیقه نک ضرورتلرینه ، متنوع حالله قولایقله انطباق ایدمه بیلیر . نه کیم قانت ده کتابنک برچوق فصلنده توصیه ایتدیکی مدبرانه حرکتله وجدانک سیالیته ، اعمال انسانیه نک معضلیته واقف اولدیغنی پک اعلا کوسترمشدر .

بناءً علیه رواقیون (Stoiciens) ک ادعا ایتدکلری کبی تک بر فضیلت ، بالمقابله تک بر ذیلت (Vice) یوقدر . بالعکس برطاقم فضیلتلر ، برطاقم ذیلتلر واردر .

بالمقابلہ فضیلتی اثبات ایتمک ایچون تک بر دلیل کافیدر. وظیفه‌نی تأسیس ایچون هر بری حد ذاته غیر کافی اولان بر طاقم دلیلک مطابقتنه استناد ایتمک یاریم ویا کلیش بر اصولدر .

رذیلت (Vice) حد ذاته فضیلتك تام ضدیدر ، یعنی فضیلت وظیفه‌یه انقیاد ، رذیلت ایسه قانون اخلاقی‌یه قارشی اراده‌ك عدم اطاعت وعصیانیدر . بونک ایچوندرکه فضیلت ایکی متضاد « رذیلت » ك تخفیف و تعدیل ایدلمش شکللی عد ایدیه‌مز . آریستو فضیلتی افراط و تفریطه کیتمین عمده آرامق صورتیه بو خطایه دوشمشدر . بر کره فضیلتی بویه افراطایله تفریط آردسند اعتدال (Juste milieu) دییه تلقی ایتمک اوکا کینی واولجوسی چوق عندی بروصف عطف ایتمک دیمک اولور . ذاتاً عینی طرز عملك نسبتك دیکشمسی ایله فضیلت ویاخود رذیلت حاصل اولایله حکمنی ظن ایتمک یاکیشدر . رذیلت فضیلتدن درجه فرقله آیریلار . بلکه اونک تماماً ضدیدر .

دیگر طرفدن فضیلت بر چوق دفعه یاییلدیی کبی « وظیفه‌لرمزه توفیقاً حرکت ایتمک اعتیادی » دییه تعریف ایدیه‌مز . چونکه اعتیاد ایدینیلن عمل واقعا « اختیار » ایله باتلار ، آنجق صوکررا « ضرورت » حالی آیر . تعییر آخرله اعتیادلر بر « طبیعت‌ثانیه » شکنکی اکتساب ایله ، اووقت حریت وصفنی غائب ایدر . حالبوکه بر فعلی « فعل اخلاقی » حالنه قلب ایدن کیفیت بالاخیار یاییلمش اولماسیدر . بو وصف زائل اولونجه ، یعنی عمل بر نوع میخانیکیت محصولی اولمه یوزطوتونجه اخلاقیلی زائل اولور . بناءً علیه فضیلتی هر هانکی بر صورته عمل اعتیادنه آراماملی ، بالعکس دائماً قانون اخلاقی‌یه مطابق حرکتی اختیار ایتمک جهندنه کورملیدر .

شو تفصیلات ، کافی صورته ارائه ایدرکه فضیلتك یکانه مبدأی باطنی اختیاردر . تمایلات طبیعه‌مز این ویا کوتو اولسون بزم وظیفه‌مز بوتمایلاتك ، خلاصه طبیعتك فوقه چیقارق ولیلک Sainteté موقعنه یو کسلمکه جهد ایتمکدر . بوتون فضائل بویه بر جهد محصولیدر . شبهه یوقکه بو غایه حیات حاضره‌ك شرائطنه نظراً غیر قابل استحصالدر . اونک ایچون رواقیون کبی سو عمر فائیده انسانك الهی بر کماله واصل اولایله حکمنی ظن ایده‌رك کندی کنده‌مز ایتمک کمز البته دوغری دکدر . شوقدرکه اونلرک ماهیهٔ انسانده بو اساسك ، بومبدأ کالک وجودنه قانع اولمالرنده حققری وارددر . فیلسوفه کوره بو هدف البته بو عالمده استحصال ایدیه‌مز . فقط ممکن مرتبه اوکا تقرب ایدیه‌یلیر . بوکا مبنیدرکه قانت حکیمدن ، فضیلتکار انساندن بحث ایتدیکی زمان رواقیون کبی ادارهٔ ییجه کلارم

«اونلر حردرلر، ثروت و صحت حقیقه‌ی حائزدرلر، مطلق بر حکمداردرلر. نه طالمدن، نه تقدیردن پروالری یوقدر، فضیلتی بذاته حائز اولدقلری ایچون غائب و ضایع اتمکدن قورقازلر. «دیور، آنجق بو هدفک اونلر کبی بو عالمده تحقق ایده‌جکنی قبول ایتیمور، بونی مفکوره عدایله‌یور. کذلک رواقیون کبی اوده فضیلتک شرط اساسیی اولارق «نفسه حاکمیت» ی قبول ایله‌یور، اوده بو اسکی مسلك فلسفی اربابی کبی عدم تأثر Apathie ی، سکون معنوی‌یی، تعیر آخرله اشیای خارجیته‌ک جاذبه‌نه قابیل‌مانی معنوی صحت تاقی ایدیور [۱]. آنجق نفسه قارشی «حاکم» اولاجم دییه اوکا بر نوع ظلم اتمکی قطعاً ترویج ایتیمور. بو صورته ریاضت نامی آلتنده یاییلان برطام حرکتلری «مخیل فضیلت» تاقی ایدیور، بونلره هیچ بر قیمت ویرمه‌یور. خلاصه قانت اعمال اخلاقه‌ک مزیتی یالکز قانون اخلاقی به انقیاد اتمک ایچون یاقمق نیتنده بولیور، بو اعتبارله ذوق و حسی عوامله یاییلان حرکاتده قیمت اخلاقیه کورمه‌یور. شوقدرکه بوتون تمایلات طبیعه‌مزى تدریجاً ایحا اتمکجه چالیشه‌رق نفسمزه قارشی ظالم بر وضعیت آلماق‌مزی ده ترویج ایله‌یور. بالکس وظائف یاننده بزم ایچون «مباح» اولان حرکاتده بر و مساع ویریور.

یوقاریده هرخیری استهداف ایدن ارادته‌ک ایکی غایه‌سی اولاییله‌جکنی سولشدک :
 (۱) نفسک کالانی ایسته‌مک، (۲) باشقه‌لرینه سعادته چالیشمق. سوحالده فضیلت عائد وظیفه‌لرده ایکی قسمه آیریلیر : (۱) نفسمزه عائد وظیفه‌لرمن. (۲) همجنس‌لرمنزه عائد وظیفه‌لرمن. بونک ایچون قانت وظیفه‌لری «فضیلت نظریه‌سی» نده بویله ایکی قسمه آیریپور. نهایتنده اخلاقی دستورلرک تطبیق و تدریسه‌نه عائد قواعدی (اصول بحثی Méthodologie) عنوانی ویردیکی قسمده مطالعه ایلور.

نفسمزه عالم وظیفه‌لرمن

نفسمزه مواجهه‌سنده برطام وظیفه‌لرمن اولماسی بدایه‌غریب کلیر. کندی کندیمزدن، نفسمزدن تجرد ایده‌رک اونک حقه‌ده نه‌کبی وظیفه‌لرمن اولدیغنی ناصیل تدقیق و تحری ایده‌یایر : آنجق وجدانک وضع ایتدیکی امر مطاقلردن ایکنجیسنی [۲] کوز اوکمه

[۱] Kant Werke، لایپزیغ ۱۹۱۳ اوچنچى جلد Tugendthere صحیفه ۲۵۹.

[۲] صحیفه ۲۱۶.

کتیریرسهك بوسؤالك اورته به قويدینی مشکلی حل ایدرز . چونكه اووقت آكلارزكه نفسمزه قارشى وظیفه لر مزدن مقصد انسا نلغه قارشى حائر اولدیغمز مكله نیتدر . چونكه بز بو طبیعتك بر فردی اولماق امزدن دولایی دكل حرمت ایتك مجبوریتده اولدیغمز بر شخصیت عاقله و مختارمه صاحب بولونماق لغمز حیثیتله بو وظیفه لرله مكلفز .

نفسمزه قارشى اولان وظائفی ناصیل تقسیم ایتلی ؟ اوتة دنبری بونوع وظائفی « بدنه عائد وظیفه لر ، روحه عائد وظیفه لر ، دییه ایکی به آیریرلر . فقط بو تقسیمك اساسی » روح « دییه مستقل بر جوهر قبول ایدن مابعد الطبیعی فرضیه به استناد ایلر . بویه اولدیمی ایچون بو تصانیف مثبت بر اساسه مستند عد ایدیله مز . ذاتاً بدن حیات ذهنیه و روحیه دن قطعاً آیری ایسه اختیاریمزك اونك حقنده بزه وظائف تحمیل ایتمی ناصیل قابل تصور اولور ؟ انسان حیات حیوانیه سنده ده بر فرد معنودر . آنجق انسانك صرف بر ذات معنوی اولماسی حیثیتی ایل بر طاقم وظیفه لری واردر كه بونل آیری بر صنف تشکیل ایدرلر . محضاً بو نقطه نظر دن وظائف نفسیه ؛ مادی حیاتمزه و صرف معنوی حیاتمزه تعلق ایتك اعتباریه ایکی به تقسیم ایدیله بیلیر .

حیات مادییه متعلق وظیفه لر مز بزه موجود اوچ اساسلی تمایله كوره اوچ زمرده طو الانابیلیر . بو تمایللردن بری تحفظ نفس ، دیکری تناسل ، اوچونجیمی حظوظات حسیه نی تحریردر . بناء علیه حیات مادییه متعلق وظیفه لرده بو اوچ تمایله تعلق ایدر .

تحفظ نفس وظیفه نه مغایر حرکت انتخاردر . انتخارك غیر اخلاقی اولماسی دوغریدن دوغرییه قانون اخلاقینك وضع ایتدیکی دستورلره مستنددر [۱] . فی الحقیقه عمره نهایت ویرمك حیاتده مكلف اولدیگی وظیفه لر دن ده آل چككمکی استلزام ایدر . بونك ایچوندر كه انتخاره قرار ویرن آدم الدن كلدیکی درجه ده شو عالمده کی وظیفه لر نی ، اخلاقیانی رد و افنا ایدیور ، انك فنا بر غایه ایچون شخصیتی آلت کی قولانیور دیمكدر .

كذلك فعالیت جنسیه نی اونك یكانه هدفی اولان تناسله خادم اولاجق سكلدن ماعدا طرزده قوللائق شخصی بر غایه کی دكل ، بر آلت اولارق استخداده منجر اولور . حقوق نظریه سنده ده سوبلدیكمز کی قادین وارلك مشترك حظوظاتی ده ازیاده حیسات زوجیتده آرا مالیدر .

نهایت سرخوشلق، او بورلق کبی انسانی احقش دیران حظوظات افراطندن ده توقی
یالکیز صحتی احتیاطه موافق دکل، عینی زمانده وظیفه در. او بورلق سرخوشلقندن ده فادری.
چونکه آلقولک هیچ اولمازسه تنبیه و تهییج ایتک خصوصنده بر فائده سی ملاحظه اولونا.
بیلیر. او بورلق ایسه انسانی حیوان حاله کتیرمکدن باشقه هیچ بر شئه یاراماز.

شیمدی صرف معنوی بر شخص اولوق اعتباریه اولان وظائفه کله: قانت، بو
مبجدهده وظائفه سی تعداد ایتمکدن زیاده اونلرک تماماً ضدی اولان ردیلتلری صاییمور.
بو ردیلتلرک باشنده یالانچیلیق واردیر. یالانچیلیق یالکیز باشقه لرینه ضرر و یردیکی ایچون
دکل، هدفی حقیقی تحری و نشر اولان ذهن بشرک قیمتی احما و تنزیل ایتدیکی ایچون
بر ردیلتندر. « یالانچیلر حقیقی انسان دکلدیر. اونلر یالکیز قالب و قیافتلری ایله انسان
اولدقلری ظنی و یریرلر حیثیتلرک کولکه کبی کمدیلرینی تعقیب ایدر » نیتمزک
صافی حقیقه کندی کندی میز آلداتمق دیمک اولان باطنی یالانچیلیق حقیقهده قانتک
حکمی عینی درجهده شدیددر. خلاصه فیلسوفه کوره هیچ بر بهانه کذب معذور و مشروع
کوستره من [۱]. « خست » ده عینی درجهده مقدو حدر. خسیس یالکیز آخره معاونت
و تصدقه بولونمادیکی ایچون دکل، بلکه نفسی ایچون ایجاب ایدن احتیاجات ضروریه نک
تطمینندن چکیمکله وظیفه مغسایر حرکت ایتش اولور. کذلک تذللک هیچ بر شکلی
یوق که حیثیت بشریه نک قدرینی تنقیص ایتمه سین. اگر کندی میز قانون اخلاقنک امر
ایتدیکی غایه کمال ایله، اخلاقیلنک اقتضا ایتدیکی مفکوره ایله مقایسه ایدرسه ک یادیغمز
حرکات فضیلتکارانه ایله مغرور اولمه امکان بولونمادیکی آکلارز. فقط افعالنک قانونی
بذاته حائز بولوندیغی بیلن و بو اعتبارله بوتون دیگر انسانلرله کندی سنی مساوی کورن

[۱] قانت « فضیلت نظریه سنده » هر بحثه بر طایف « تفرعات عمل قواعدینه عائد مسائل
Question casuistique » علاوه ایدیور. مثلاً بو کذب مسئله سنده مکتوبلرک نهایتنده « چاکرلری،
بندلری، داعیلری ... » کبی بر معنایه دلالت ایتمه ن، اکثریا ساخته حرمتی افاده ایلن کله لری
قوللائق جائز میدیر؟ کذلک بر خدمتچی اوده بولونمادیکی سوبلینی امر ایدن اقدیسینک سوزنی
ایما ایچون یالان سوبلیه بیلیرمی؟.. کبی فرعی مسألی تدقیق ایلور. بز قانتک فضیلت حقیقهده کی اساس
قواعدینی خلاصه ایتک ایتدی کیز ایچون بو تفرعات اعماله متعلق فکرلرندن بحث ایتیه جکر. یالکیز
قانت بو صولک سؤاله تماماً منی جواب ویرمیشدر. اونک « کذب » حقیقهده کی بو قطعیتی « بنیان
قورستان » ک شدتی بر اعتراضی دعوت ایتش و قانت بو اعتراضه بر رساله ایله جواب ویرمیشدر.
کتابیاتده ۶۸ نومرو ایله کوستربان اثر. (Ryssen) صحیفه ۲۵۶

هر شخص بر شیده و یا باشقه لرینه تابع اولمق ذلندن اجتناب ایدر. اختیارک کرک برشی و یا شخص خارجینک تأثیرله کرک سوق طبعیلرک حاکمیتیه تحدید ایدلمسئه قانتک نه درجه معارض بولوندیغنی شو و جزیره لر کوستریر: «هیچ برصورتله افسانلرک اسیری اولماییکز - کیمسه یه بورج ایتمه ییکز. چونکه بورج سزک تام استراحتکزی سلب ایدر. - اجتنابی ممکن ایکن باشقه لرینک ایلیلک لرینه افتقار ایتمه ییکز. بناء علیه نه باشقه سنک حمایه سیله کچین طفیلی، نه مداهن، نه دیلمنجی اولوکز؛ سفالته دوشمه مک، حریتکزی محافظه ایلک ایچون اقتصاده رعایت ابدییکز - شکایتلر و فریادلر، حتی صرف برآغریدن متولد برانین حالنده بیله اولسه انسانه لایق دکلدر. مالحظه هر هانکی برحرکتکیزله بو عذابه مستحق اولدیغکیزه قناعت ایدرسه کز بسبتون شکایت سزه یاقیشماز. برحرم بیله اولوم قارشیدسنده کوتره جکی متانتله اولومنه بر قیمت ویردیریر، عیبنی اورتر. - تکاپو ویرلره قدر سجده حتی موجودات سماویه قارشی بسلتن حس عبودیتی افاده ایچون بیله اولسه حیثیت بشریه یه منسافیدر. کذلک بو موجودات سماویه قارشی حقیقی معناده نیاز ودعاده حیثیت انسانیه یه یاقیشماز. چونکه بو حالده عقلکیزک تصور ایتدیکی برمفکوره قارشیدسنده دکل، کندی کندیکیزه یابدیغکیز برضمن مواجهه سنده نفسکزی تذلیل ایدیورسکمز دیمکدر. الخ [۱]. - بو وجزیره لر هر هانکی بر رواقی، مثلاً برمارق اورهل (Marc aurèle)، بر نه بیقته ته (Epictète) کده اخلاق قناعتنی افاده ایلیمه ییلیر.

شیمدی یه قدر صایدیغمز وظائف برر وظائف قطعیه ومنتحمه در. قانت بونلره وظائف تامه (Devoir parfait) دیور. دقت ایدرسه کز کورورسیکیزکه بونلر امری اولمقدن زیاده نهی (prohibitif) در. عجبا انسانک نفسی قارشیدسنده بویه سلبی اولمیان مثبت وظائفی یوقیدر؟ نفسمزه قارشی مثبت وظیفه بر کره مغرور اولماق، بونیکله برابر، کندی حیثیتزدن غافل بولونماق ایچون: «کندی کندینی طانی، دستورینی رهبر اتخاذا ایلکدر. حکمت انسانیه نک مبدای اولان بو وجدان مراقبه سی» جدی وقطعی اولمالیدر. فی الحقیقه حسن نیتله کندینی مراقبه ایدن انسان نفسنده وظیفه یولندن ایقویمه سائق برطاقم تمایلات حمیه بولور. بونلرک نه درجه یه قدر بزی اغوا وافساد ایتک قدرت و مهارتیه مالک اولدیغنی تقدیر ایتلیدر. مع مافیه انسان کوکلنک غورینه تماماً نفوذ ایده مز.

کیم وظیفه‌سی ایضا ایدرکن قطعی اولارق بیله یایر که منحصرأ قانون اخلاقی به رعایت ایتک اوزره یاپیور، حرکاته قطعاً حسی سائق قاریشمیور؟ شو قدر که بو وظیفه ده تماماً موفق اولونمسه بیله دائماً کندیمزی تفحص ایتک، ساخته فضیلتلردن، یعنی بر طاقم حسی سائقلرله یایلدیغی حالده ظاهراً فضیلت عد ایدله بیله جت حرکتلردن کندیمزی وقایه ایتکه خالی شمع لازمدر. کندیمزی لایقوله طانییه بیلمک ایچون بزی افساد ایدن تمایلات طبعیه به اینک، اونلرک حرکاتمزه ناصیل ونه قوتله سائق اولابیله جگنی طارتمق ایجاب ایدر .

بوسیط دستور بوصورتله وضع ایدلدکن صوکر نفسمز حقنده کی بوتون وظیفه لریمز شو ایکی قاعده به ارجاع ایدیایر : (۱) قوای طبعیه کی انکشاف ایتدیر. چونکه قوامر انسانه خاص غایه لرک تحققی ایچون برر ضروری واسطه در. (۲) معنو، کالکک انکشافه غیرت ایت، یعنی حرکتلریک نیتی منحصرأ قانون اخلاقی به منقاد اولاحق وجهله تصفیه ایدرک متدایاً ولیمک (Sainteté) مفکوره سنه دوغری غریبه غیرت ایله. واقعا بو دستور لرک افاده ایلدیکی غایه و منتهایه ایریشمک قابل دکلدر. آنجق وجدانمزلرک بو دستورلری وضع ایتمی غایه به دوغری کیت کیده تقرب ابدیه جگمزه وبوصورتله ترقی ممکن ولوندیغنه قناعت ایلکه کافیدر. [۱]

نفسمزلر مزه قارشی اولان وظیفه لریمز

نفسمزه عائد وظیفه لر کی همجنس لرمزه قارشی اولان وظیفه لرمننده اساسی حیثیت بشریه حرمتدر. آنجق ناشقه لرینک حیثیته حرمت ایتک استحصال ایتکله مکلف اولدقلری غایه لری اونلر حسابنه ایضا ایتک، مکلف اولدقلری وظیفه لرده کندیمزی اونلرک رینه اقامه ایتک دیمک دکلدر. اخلاقلیق ده، شخصیت کی اعاده و باده به صالح بر موضوع عد ایدیه مز. بناءً غایه هرکس کندی تکملندن مسئولدر. شو قدر که آخرلریله اولان

[۱] قانت طبیعتک کوزلاکارینه، حیواناته والاهه قارشی اولان وظائف نفسیه جمله نندن عد ایدبور. فی احقنه بر کوزل چیچی بلاسب ازمک، بر حیوانه بالازوم اذیت ایلک اخلاقلیق شیعه سنی مو ایدر. کذاک الله عقلمزلرک اورته به قوبدینی بر مفکوره در، اوکا قارشی اولان وظیفه ده عقله، یعنی نفسمزه قارشی بروطفه دیکدر. Kant werke جلد ۳، Tugendlnere ۲۹۵. الح.

مناسبتلر بمزده اونلرک تعقیله مکلف اولدقلری غایه اخلاقیه یی دوشونه رک وظيفه لرینی ایفایه مانع اولایيله جک هر نوع حالدن مجانبیت ایتمه مز لارمدر. اونک ایچون « باشقه لرینی کندى غایه کی استحصاله خادم اولمق اوزره بر آلت کبی قوللانه، دستورى دیکر لرینه قارشى مکلف اولدیغمز وظيفه لرک ایلاک اساسیدر. « حیثیت بشریه حرمت » دستورینه مستند اولان بو اخلاقی قاعده همجنس‌لر مز قارشيسند. مکلف اولدیغمز ایلاک جمله وظائفی یعنی حرمت، وظيفه لرینی خلاصه ایدر. فقط بوسلجی امردن باشقه همجنس‌لر مز حقیقه مثبت وظيفه لرمز وار: بوده دیکر لرینک سعادتیه چالشمقدر. یوقاریده ده کوردیکمز کبی دیکر لرینک سعادتى ایچون یاه جغمز وظيفه لر اکثریا اونلرک اخلاقی حرکتیه بولونمالرینی تأمین ایدر. ایشته بده ایکنجی نوع جمله وظائف وجوده کتیریر که بونلره ده « اخوت و محبت وظيفه لرى (Devoirs d'amour) دینیلیر. بو نوع وظيفه لر شو دستورله افاده اولونایلیر: « باشقه لرینک غایه لرینی کندى غایه کبی تلقی ایت، اؤیریر که اونلرک غایه لرى غیر اخلاقی اولماسین. « ایشته حرمت و محبت انسانلرک یکدیگر یله اولان مناسبتلرینی اداره ایلین ایکی قوه مغویه در. اشیاى ماده آراسنده کی جاذبه و دافعه کبی محبت انسانلری یکدیگر یله تقریب ایدره، حرمت ده اوزافدن قایلرده رابطه او یاندیدر. قانتک اخلاق تلقیسی حقیقه ویردیکمز ایضا حالدن آکلاسیلیر که « محبت و حرمت » ساده جه بر حسن اولماسی اعتبار یله مکلف دکنز. بالعکس بو خصوصه کی وظيفه مزى « باشقه لرینک سعادتى ایچین چالیشیکمز، دیکر لرینک حریتیه رعایت ایدیکمز « امر عقلی و قطعى تعیین ایدر. « باشقه لرینی ده نفسک کی سو « قاعده سیه حد ذاتنده هر کسک شخصیتیه عینی درجه ده حرمت ده بولونمى مفیددر.

محبت متعلق ایلاک وظيفه معاونت و یاردیمدر. معاونتک بروظيفه اولماسی ایجاب ایدن سبب اونک ماهیتده منجدر. زیرا بن احتیاج ایچنده قالش اولان برکیمسه یه معاونت ایدله منى نفسله تناقضه دوشمک مز بن بقاعده کلیه اولارق قبول ایدم. چونکه بن ده احتیاج وفلا کته دوشه بیلیر و باشقه لرینک معاونتنی طلب ایتمه مجبور اولابیایم. شوقدر که بو وظيفه نك تطبیق و اجراسی چوق لاز کدر. معاونت و احسانده بولونان آدم ایضا ایلاکى خدمتک منتی حسن ایتدیرمکدن باشقه او معاونتی قبول ایدن آدمی توقیر ایتدیکنى کوسترملیدر. معافیه الکیمتلی معاونت کیزلی اولارق یعنی کندینی طنتدیرمیه رق یاپیلان

یاردیم‌لردر . معاونت و یاردیم کورن کیمسه نکه ده یاپیلان خدمت قارشیسنده تشکر ایلمی، یعنی نانکور اولماسی یاردیم ایدن آدمک کوستردیکی علوجناب کی برفضیلندر. باشقه سنک معاونت و یاردیمنی قبول ایدن کیمسه اونی کندی غرورینی یارالایان بربوک کی دکل شکران نعمت (Gratitude) کی قیمتلی برفضیلتنک تطبیق و اجراسی ایچون بروسيله عد و تلقی ایلملیدر. قانت «حسدی، نانکورلیکی، باشقه سنک فلاکتندن ممنونیتی و مسعود آدمک کبرینی» محبت و وظیفه‌سنه ضد ردیلترلردن اولمق اوزره تعداد ایدیور .

حرمت Respect . متحکم و قطعی بروضیفه اولدینی ایچون آنجق اوکا مغایر ردیلترلی تعداد صورتیه ایضاح اولونابیلر. قانت انسانلرک بربرنک شخصیتنه قارشى مکلف اولدقلری حرمتنه منافی اولان ردیلترلی شوصورتله تعداد ایدیور : انسانلر آراسنده کی مساواتی طانیماق دیمک اولان غرور، فتنه به منجر اولان و شخصیت انسانیه قارشى مکلف اولدیغمز حرمتی آزالتان ذم و غیبت ، شخصیتلری بر اکلنجه موضوعی عد ایتمک اولان استهزا ایشته بو نوع قانقدیر .

قانت وظیفه لریمز حقنده بو ایضاحاتی و پردکدن صوکر ا بو نلرک ده افاضله تفصیل و تقسیم اولونابیلر جکینی اشارت ایدیور . آنجق فیلسوفک « فضیلت نظریه‌سی » ندن استهداف ایلمیکی غایه قانون اخلاقیدن قبل اولارق استنتاج ایدیله بیلرک اساساتی ، فضیلتنک مابدا لطیعی عناصرینی ایضاح ایتمکدر . بناءً علیه وظیفه نکه اجرا سنده محیطک، وضعیتک ایجابنه کوره خارجاً آلاجنی شکلری تعیین (آداب قواعدی Etique) نه طأندر . مثلاً تربیه سز ، معلوماتسز شخصلره قارشى ناصل حرکت ایتملی؛ قادینلره ، اختیارلره ، چوققلره قارشى مکلف اولدیغمز حرمت وظیفه سنک شکلنی نه در؛ اجتماعلرده تعقیبی ایجاب ایدن ادب و فضیلتنه متعلق حرکتلر نه لردر ؟ بوتون بو مسئله لر « آداب قواعدی » نه تعلق ایدر . مع مافیله قانت یالکیز بر نقطه ده اولدیقه اوزون تفصیلاته کیریشیور ، تفرعات و اشکالنی ارشاد یریور : بو بحث « دوستلق Amitié » در . قانتک بالخاصه اختیارق دورنده اک چون سرور دویدینی شی « دوستلری » ایله مصاحبه لریدی . اونک ایچون بو بحثی بو بوک بر هیجان ایله توسیع ایتمشدر . بر کره دوستلنی تعریف ایدیور . او تعریفه ماصدق دوستلق اوقدر یوکسک که اونی تماماً قابل تحقق عد ایله به یور . بناءً علیه حقیقی دوستلنی ولیمک

Sainteté کی عقلك آنجق ممكن مرتبه تقرب ايديله بيلمك اوزره وضع ايتديكي برمفكوره اولارق قبول ايلور . في الحقيقه حقيقى « اخوت Amitié » ايكي شخصك متقابل محبت وتماماً مساوى بر حرمتله يكديكرينه مربوط اولماسيدر . بويه اولدينى ايجوندرکه ديكرلرينه قارشى مكلف اولديغمز محبت و حرمت وظيفهسى « اخوت » ده تام بر صورتده تحقق ايتسى لازم كلير . چونكه اخوت اشتراك حس (Sympathie) ك و خيرخواهينك (Bienveillance) مفكوره وى سكليدر . بونك ايجوندرکه شوعريف ايتديكمز شكلده حقيقى دوستلگك تأسسنه بر چوق موانع واردر . مثلاً دوستكزك بر قباحتنى سويليه . بيليرميسكز ؟ دوستكز حقهده بسليديكمز خيرخواهى بونى ايجاب ايدر . فقط بويه ياپديغمز حالده اونك بسليديكى حرمت آزاله جغندن قورقارسكز . كذاك دوستلردن برى دوشككون بر وضعيتده اولونجه ديكرينك معاونتنى قبوله مجبور اولور . او وقت آراده كى مساوات بوزولا جغندن قورقولمازنى ؟ خلاصه مكمل و مفكوره وى دوستلق قابل اولسه بيله ممكن اولديكى قدر متقابل امنيته مسلتند بر اخوت تأسيس ايديله بيلير . بويه بر اخوت انسانك بوتون قلبنى امنيتله ديكرلرينه آچق احتياجنى تطمين ايدر . بوسايهده انسان فكرلريله برابر كندينى منفرد و محبوس بر حالده كورمكدن قورتولور . فقط بويه محرم اولاجق دوست نه قدر آزدر .

اصول بحثی

مادامكه فضيلت وهى دكل ، كسيدر ، اوخالده انسانك فضائلى بيلمسى ايجون اول امرده اوكره نمسى ، صوكرا اونی تطبيق اللمسى اقتضا ايدر . بناءً عليه اخلاقده بر تعليم « Didactique » برده « رياضت Ascétique » قسمى اولماسى ، دهآچيقجه فضائلك برتدريسى ، برده تطبيق و عمل جهتي بولونماسى ايجاب ايدر .

اخلاقك تدريسنده تعقيب ايديله جك اصولك ماهيتنى اونك موضوعى تعيين ايدر . في الحقيقه تاريخ كى بعض علوم واردركه آنجق حافظهيه تعلق ايلر و بونك ايجون بونوع علوم بلله نمكى استلزام ابده جكى ايجون تدريسى ماهية نصى Dogmatique اولور . فقط اخلاقك اورته يه قويدينى حقيقتلر رياضيهده كى دعوالر كى قبلى مفهومات Concept à priori دن

استنتاج ایدلیدیکی ایچون تدریسندہ تعقیب اولونا جق انک ای طرز سوقراطک اصولی وجهله تدریجی بر طاقم سؤالدر وضع ایدہرک طلبہ یه جوابلرینی کندیلککندن بولدیرمق ، الحاصل سیمدیکی تعبیر مزله تکشیف واستنتاج ایتدیرمک طریقہ قدر .

قانت اخلاق تدریسندہ سوقراطک فلسفه مسائلنی تدقیقده تعقیب ایدلیدیکی طرزنی ، یعنی بر طاقم سؤالدر ترتیب ایدہرک بالذات مخاطبہ بولدیرمق اصولی ترویج ایتمکه برابر اسکی یونان حکیمک « فضیلتی بیلمک اونکله حرکت ایتکی بالضرور ایجاب ایدر ، مدعاسنه قطعاً اشتراک ایله مه یور . بر جوق یرلرده « علم ایله فضیلت » ک ، علم ایله عملک یکدیگریک عینی اولماسنی قبول ایتمک ناصل برتناقضه سوروکلیه جکی اورتیه قویوبور . اونک ایچون فیلسوفک نظرندہ اخلاقک یالکیز تدریسی کافی دکلدر . بامکه بر ریاضت اخلاقیه ، بر نظام اخلاقی لازمدر . قانت کوره نظام اخلاقک دستورنی رواقیونک قبول ایتدیکی کبی « صبر وتحمل وامسا کدر . »

فی الحقیقه ، معنوی صحتک شرطی عارض اولان فالقلره قارشنی صبر وتحمل کوسترمک ، زائد حظوظاندن نفی امساک ایتمکدر . فقط معنوی و اخلاقی صحتی تأمین ایدہرک اولان بودستور کافی دکلدر . چونکه صحت منفی بر راحتقدر .

اونک ایچون فیلسوفه کوره « نیکور » مسلیکی اربابنک « سرور حیات - Joie de vivre) ی ایستہ ملرنده حقلمنی وارددر . فی الحقیقه انسان بعض خطالر و قصصانلردن آزادہ اولدیغنی کوره رک یاشادیی حیاتک سرورینی حس ایللیدر . اونک ایچون هیچ بر سروره میدان و یرمیهرک راهبانہ ریاضته کندیخی سوروکلیه نلر فضیلت ایشله مش اولمازلر . فی الحقیقه یاپیلان کناهلره و فالقلره تعویضاً وجوده اذیت و یرمک و اونی احیا ایتمکه قالفه رق بونی فضیلت کبی کوسترمک بالعکس فضیلتہ قارشنی نفرت اوپاندیریر .

اونک ایچون قانت ریاضت اولارق یالکیز اخلاقی ندامتی قبول ایدیور . چونکه ندامت انساده کی حضوری اخلاک ایتیز ؛ بالعکس یاپیلان قتالنی تلافی قرارینی و یردیور . اونک ایچون بر نظام اخلاقی وجوده کتیریر . [۱]

سکونجی قسم

تربیه نظریاتی

قانتک اثرلرینی ترتیب منطقیسیله تدقیق ایایلر فیلسوفک تربیه حقنیدهکی فکیرلرینی فلسفه اخلاقیه سنک متممی عد ایدرلر . فی الحقیقه قانت « فضیات نظریه سنک مابعدالطبیعی مبادیسی » نك صوک قسمنی ، بوندن اولکی مبحثندن ده آکلاشیلاجنی وجهله ، « فضیات » ک تعلیمی ناصیل اولماسی لازم کله جکسنی تدقیقه حصر ایتمشدی . فضیات نظریه سنک اصوله تعاق ایدن قسمندهکی فکیرلر اخلاق تربیه و تدریسنه عائد مطالعات فاسفیه در . فیلسوفک او بجندهکی فکیرلرینی تماملایا ساینک ایچون تربیه دائر بوتون مطالعاتی کورمک ایجاب ایدر . بالخاصه بونک ایچوندرک قانتک په داغوزی نظریاتی منطقاً فلسفه اخلاقیه نی تعقیب ایلمی لارمدر .

قانت دوغریدن دوغری به مرتب بر « په داغوزی » کتانی یازمامشدر . بو خصوصدهکی فکیرلرینی حاضر لامغه سائق اولان شی بالخاصه کونیغسبرغ دارالفنوننده متعامل اصول اولمشدی : دارالفنونک تعلیماتنه کوره هر فلسفه مدرسی مناو به ایله برده سه « ستر » تربیه درسلری و برمه که مجبور ایدی . اونک ایچون بر قاج دفعه دارالفنونده بوبله تربیه درسلری ویردی . ناصیل « مابعدالطبیعه » درسلرینی « باوم غارتن » ک کتانی اساس اتخاذ ایدرک تدریس ایلیورسه « تربیه » نی ده دیگر بر مسلک داسنک ، (ساه وئیل بوق (Samuel Bock) ک اثرندن او قوتوردی . فقط بو اثرک بر چوق نقطه لرینی تعدیل و تمام ایلر ، بر چوق لرلرینه کندی ملاحظه لرینی علاوه ایدردی . قانت بو ملاحظاتی اوافق اوافق کاغدلر اوزرینه یازار ، طلبه سنه سویلردی . عمرینک نهایته دوغری بو نوظلری دارالفنونک کنج مدرسلرندن ته ئودوررینق (Théodor Rink) . ویردی . بو مدرس آرقداشی ده اونلری فیلسوفک موافقتیله وفاتندن برسنه اول یعنی (۱۸۰۳) ده نشر ایتدی . ایشته قانتک « په داغوزی » (۱) حقندهکی اثری بو صورتله وجوده کیشدر . بویه اولدینی ایچون فرانسزجه مترجی بارینک مقدمه ده دیدیکی کبی اثر منظملاً ترتیب و تصنیف

[۱] کتایانده ۷۵ نوصرو ایله کو-تربیلن اثر

ایدلش بر «پداگوژی» کتابی اولمقدن زیاده آرزوچوق بربرینه مربوط برطاقم مشاهداتی محتویدر. واقعا بویه نوظلردن طولاندینی ایچون فکر و مطالعه لر آراسنده بعضی بوشلقلر، انسجام اعتباریه بعضی نقصانلر کوروله بیلیر. آنجق هیأت عمومی سیله اسلوبی جاذب و سهیل اولدینی قدر چوق متین اساسلره مستنددر.

قانتک پداگوژی کتابی بوضورتله حاضر لائش اولقله برابر فیلسوفک تربیه مسائلیله اشتغال ایتسنی ایجاب ایدن اساسلی دیگر سائلر وارددر. قانت هیچ اولئمه مش، دائماً بکار یاشامش اولماسنه رغماً چوچوق تربیه سیله اوغراشمشدی. حیاتندن بحث ایتدی کمز زمان سویلدیکمز کی کتجلککنده دوقوز سنه مربیلک ایتدی. بوزمان ظرفنده مختلف سنده چوچوقلرله تماس یاشدی. بومربیلک دوری چوچوق تربیه سی حقنده برچوق مشاهداتده، تجربه ده بولونماسنی تأمین ایلدی.

فقط بواشتغالانی برطرفه بیراقسه قبیله قانتی تربیه مسائلی اوزرنده دوشوندریمکه سائق دیگر نظری سیلر واردی. بونردن بالخاصه الکاهمیتلیسی روسونک (۱۷۶۲) ده انتشار ایدن (تھمیل Emil) ی اولمشدی. یوقاریکی بخلرده متعدد فرصتلرله ژنه ولی فیلسوفک بالخاصه بواثرینک قانت اوزرنده نه عظیم تأثری اولدینی سویلشدک. «تھمیل» ی ایلک دفعه او قومنه ماشلادینی زمان معین ساعتده معنای اولان تنزهی بیله اونوتمشدی. فی الحقیقه اثر فیلسوف اوزرنده عظیم تأثیر یادی، اخلاق فلسفه سنک اساسلرنده برچوق نقطه ده ژنه ولی فیلسوفدن آیریلقله برابر «حیثیت انسانیه حرمت» مفکورده سنی تھمیل الهام ایتمشدی [۱]. مدنی برجعت داخلنده یتیشن انسانلره مقابل طبعی و ابتدائی انسانلر اوزرنده تدقیقانه بولونمق احتیاجنی کندیسنده قسماً بو اثر اوایلدرمشدی.

تھمیلک انتشارندن ایکی سنه سوکرا یعنی (۱۷۶۴) ده ایدی، کونیفسبرغده برنوع طبعی، یعنی مدنی و اجتماعی تربیه آلامش برانسان نمونه سی کوزوکمشدی. او وقته قدر اورمانده کوجه حیاتی کچین بوآدم، باشی و آياغی جیپلاق، اوزرینه بر حیوان درسی کیمش برحاله شهره کیردی یاننده عینی قیافته سکز یاشنده برچوچوق واردی. هر ایکسی ده قویون، کچی و اینکدن مرکب برسوروی کودویورلردی. بوآدم برالنده اینجیل طوتویور، هر طرفدن کندیسنی کورمک اوزره قوشوب کلن خلقه پیغمبر اداسی کوستریوردی. قانتده بوآدمی کورمکه کیتمشدی. فقط اونک نظر دقتنی جلب ایدن یاننده کی کوچوک

چو جوق اولدی. بو چو جوق اورمانده جمعیتدن، اونک تأثیراتندن اوزاق وحشی بر حیات کچیرمشدی، اویله اولدینی حالدله فیلسوفک اوصیراده کی انطباعنه کوره سرکش دکلدی، یوزنده نه برخشونت، نه قرار سزاق علائمی کوزو کویوردی. چهاره سنده نه براسارته، نه ده جبری دفته دلالت ابدیه بیلجک برشی یوقدی. خلاصه «هیچ تجربه و تدقیقه لزوم کورمکسزین روسونک نظریه سنی کوزل بروهم عد ایدره ک رد ایتیه جک درجه ده مدقق و معتدل اولان براخلاقی ایچون بو چو جوق تام بر تجربه زمینی، اولابیلردی. قانتک بو سوزلری، بواحتساساتی بزه اوصیراده نه میلک نه درجه تأثیری آلتنده قالدیغه کوزل بر مثالدر. ذاتاً بوتاریخندن صوکر کی یازیلرنده، درسلرنده روسونک تأثیراتی آجیقجه کورولور، هیچ برزمان حافظه سندن سیلمدیکی «نمیل» ک الهامیله درک یازیلرنده، بالخاصه درسلرنده ایکیده بر تربیه مسئله سنه تماس ایدردی. ۱۷۶۵-۱۷۶۶ قیش سه مستری انسان سنده کی تدریساتی قانتک تربیه حقنده کی قناعتلرینی کوستردیکی قدر بو خصوصده روسونک فیلسوف اوزرنده نه قدر مؤثر اولدیغی ده میدان قویار. بو درسلرده «معلم طلبیه برطاقم فکرلری بلله تمه ملی، فقط دوشوندرمکی اوکره تمیلدر. ذهنک برطاقم معلومات ایله دولدریلدی دکل، انکشاف و تشکیلی مقصود ایسه کله لری بلله تمکله یاپیلاماز. بونک ایچون مرشیدن اول تجربه لازمدر. ناصل عقل، یعنی تجربه یی تنسیق قوتی اولما یجه تجربه برایشه یارامازسه، عقلک ده تجربه اولما یجه هیچ برقیمتی یوقدر... الح.» دیوردی. بوتون بونلرده روسونک تأثیراتی تمامیه محسوسدر. فقط دوغریدن دوغری به (۱۷۶۲) سنه سنی متعاقب نشر ایتدیکی یازیلرنده بالخاصه «حسن و علویت احتساساتی حقنده مشاهدeler [۱]» عنوانی طاشیمان اثرنده «نمیل» دن آلمش الهاملر تمامیه کوزه چاربار. حتی بو صیرالرده یازدینی حالدله وفاتندن صوکر انتشار ایدن متفرق یازیلرندن آکلاشیلورک قانت (نمیل) ک جاذبه سنه قایلیدینی ایلك دورده، تماماً روسو کی، طبیعتک تأثیری آلتنده ایکن انسانک تماماً انی اولدیغه و بوتون فئالقلرک بالاخره جمعیتدن، حیات اجتماعیه ومدنیهدن تولد ایتدیکنه بیله قانع اولمشدی. بو صیرالرده یازیلرینک برنده شویله دیوردی: «طباطبه دینیرک دوقتورلر طبیعتک خادیمدر. اخلاقیون ایچون ده مسئله عیندر. خارجدن کلن فنا تأثیراتی ازاله ایللیکز، طبیعت کندیلکندن انی یولی بولمنی بیلر.» [۲]

[۱] صحیفه ۴۱.

[۲] پول دو پرووا Kant et Fichte et le problème de l'éducation

صحیفه ۵۷.

مع مافیه قانت اولکی بختلرده سوبلدیکمز کبی بو نیکینی کوروشده دوام ایتدی .
 صوکرالی روسو کبی طبیعت بشریه نك انسانك تکاملنه کافی اولدیفه قناعت ایلدی . [۱]
 آنجق اوصیرالده جاری اولان تربیه و تدریس طرزینک فالفلرینی معاصرلرینه کوسترمی
 اعتبارله زنه ولی فیلسوفک خدمتی یاد و تکراری هیچ یرقادی . قانت کوره روسو
 برطانی اسکی وکولونج عادتلرک تطبیقی بوزندن ناصیل چوجوقلرک بشیکدن اعتباراً ذهنلری ،
 حسلری ، سجه لری بوزولدیفنی پک اعلا کوسترمشدی .

فی الحقیقه قانتک یاشادیفنی دورده ابتدائی مکتبندن دارالفنونه قدر پروسیه مکتبلرینک
 تربیه و تدریس اصولی زنه ولی فیلسوفک نظریاته طبسان طبانه ضد بر طرزده جریان
 ایدیوردی . رسمی پروگرام و تعلیماتنامه لرک دار قاعده لری ایچنده یاشا تدریریلان چوجوقلر
 وکنجلرک طبیعی انکشافلرینه سد چکیلوردی . طلبه نك شخصی تشبیلرینه قطعاً میدان
 ویریلور ، چوجوقلرده سجه و مزاج فرقلرینک تظاهراتنه مساعده ایدیلیوردی .

ذاتاً قانتک یاشا دیغی دورده آلمان مکتب‌لری بسبتون بوزولمشدی . خدمتجیلر ،
 اردودن اذن آلمش نفرلر ، مسلکده موفق اولاماش صنعتکارلر ، مکتب‌نی اکال
 ایدمه مش دارالفنون مداوملری خلاصه اخلاق و تربیه لری مشکوک اولان آدملر
 ابتدائی خواجه سی اولارق مکتبلره برلشدیریلوردی . ذاتاً خواجه لقی مسلکینک
 تأمین ایتدیکی واردات هیچ بر مسلکله قابل قیاس اولیه جق درجه ده دون ایدی . اونک
 ایچوندرکه هیچ بر یرده موفق اولامیانلر ابتدائی معلمی اولیویریورلردی . بو کیلرک
 تعقیب ایتدیکی تدریس و تربیه اصولک نه درجه برباد اولاجنی کندیلکندن تظاهرایدر .
 بو کبی آدملر طلبه اوزرنده علمی برولایت تأسیس ایدمه جکلری ایچون اونلرک تأمین
 ایدمه جکلری انضباط اک ابتدائی و بسیط اذای مادییه وشدته استناد ایلیه جکی طبعیدر .
 ۱۷۸۲ده اولن بر مکتب خواجه سنه اسناد ایدیلن شو ایستانتیق صحیح بیله اولسه او
 صبراده کی آلمان مکتب‌لری حقده رفکر ویریر : بو معلم تدریساتی انشاند (۹۱۱،۵۲۷)
 دکنک ، (۱۲۴۰۱۰) قامچی ، (۱۰،۲۳۵) طوقات استعمال ایتمش (۱۰۱۱۵،۸۰۰) سله ایله
 اورمشدر ... الخ .

کوتنه نك چوجوقاخنده دوام ایتدیکی مکتبک تعلیماتنامه سنده کوچوکلرک آلرینه دکنک

ایله اوریلر، بویوکار بوتون، طابه حضورنده فلاقه ایله دوکوله‌رك تجزیه ایدیلردی [۱]. خلاصه تدریس برپاء، انضباط اصولی ده‌ک ابتدائی وعادیدی .

واقعا ایکنجی فره‌دریق مکتبیری بر درجه اصلاح ایتک ایستدی . فقط مکتبلردن بالخاصه عسکر یتشمدیرمکی استهداف ایلدیکی ایچون بوتون کنجلرده سنجیه و مزاجلرک انکشافه میدان ویریلیوردی . دیگر جهتدن ابتدائی خواجه‌لنک حریده معلول اولمش نفرله بر مکافات کبی ویریلسنی امر ایتدیکی ایچون معلمک سویه یوکسلمیور، برمسلك مخصوص اولمایوردی .

تالی مکتبلر، ژیمنازلر هیأت عمومی‌سیله ابتدائیلردن چوق ائی بر حالده دکلدی . پروغراملر دار و محدود اولدینی کبی خواجهلر معلوماتسز و تعقیب ایتدکلری اصول فنا ایدی. او زمانک بر تربیه طالی بو مکتبلردن بحث ایدرکن «خواجهلر تدریس ایتکی بیلیمورلر، برشی اوکره نمکدن زیاده باباغان یتشددیریورلر . چوجوقلره آکلامدقلری بر چوق شیلری بلله تمکه چالیشورلر. طلبیه سؤال صورمایورلر. دائماسویایورلر، هر زمان یازدیریورلر» [۲] دییور . خلاصه ابتدائیلردن عالی مکتبه قدر معلملر برنوع معلومات ایله علاقه‌دار اولویورلردی: کله بلله تمک . چوجوقلرک یالکیز حافظه‌لرینی ایشله‌تمکی بیلیمورلردی. اوکره‌ته بیلدکلری یالکیز برشی واردی: بر طاقم منطق اوینلری . برنوع ایش ایچون یتشویورلر: تأویلجیلک [۳] . بو فنالقلرک متعدد سبیلری واردی: معلملرک معاشاتنک آزانی، ائی انتخاب ایدلمه‌سی، مکتبلرک لایقيله تفتیشه تابع اولمامسی... الخ . بوتون بونلر معلملرک طلبه‌سی اوزرنده بر ولایت تأسیس ایدمه‌ملرینه سبب اولویوردی. بر معلم برکره طلبه‌سی اوزرنده معنوی و علمی ولایت Autorité تأسیس ایایه‌مدیمی آرتیق انضباطی محافظه اندیشه‌سیله هر نوع افراطه، هر نوع فنا تدبیره مراجعت ایتمکه مضطر قالیر .

ایشته قانتک یاشادینی زمانده آلمان مکتبیری بویه فنا بر حالده ایدی . روسونک «نمیل» نی او قدر هیجانله اوقویان فیلسوفک بو وضعیت قارشیسنده ناصیل بر حس دو یاجنی کندیلکندن تظاهر ایدر.

(۱) دو پرووا Kant et Fichte et le problème de l'éducation صحیفه ۵۸ - ۵۹

(۲) عینی اثردن صحیفه ۶۰

(۳) La réforme de l'éducation en Allemagne au XVIII siècle دن نقلاً عینی اثرده

نتەكېم ۱۷۷۷ دە مالا شويە سويليوردي : « تربيه مؤسسەلىرى يوق دكل .. فقط اكثر يا چوق فنا بر حالەدەر . چونكه اورادە طبيعته مفاير هدفلىر ايچون اوغراشيليور ، جهالت حكم سورن عصرلردن قالە تعاملاتە عينا رعايت ايدوب دورولويور . . . اونك ايچون مکتبلردن ابي بر نتيجه استحصال ايتمك ايستەنييورسە بونلر عادتا يکيدن تأسيس اولونمايلدر . چونكه موجودلرک تشکيلات ابتدايەلىرى بوزوق وناقصدەر . خواجەلىرى يکيدن اکتساب معلومات ايتمکە محتاجدرلر . »

بر کره روسونک شو جاذب فکرلرينى دوشونوکر : چوجوقلر هر نوع رسمى تأثيراندن اوزاق يتتديرلمى ، اونلرى مدنى انسانلرک وجودە کتيرديکي متفسخ جمعيتدن اوزاق ياشانارقالکيز طبيعتله تماس ايتديرلمى ، چوجوغه خارجدن بر طاقم فکرلر ، مدنيت قاعدەلىرى تکليف و تلقين ايتمکي بيراقورق وقايع و محيطک الجاسيە حقيقتک کنديلرى طرفدن بولديريلسە ميدان ويريللى . بو صورتله يتيشن « نەميل » ذهن بشرک حقيقى مولودى اولان رذيلتلرى دکل ، سنعتلرى ، افکار اخلاقيەنى ، دين طبيعى ي عادتا کندى کنديشە بولاجق ، عبنى زماندە هم بدنە هم معنا زنده وقوى اولاجقدر . بو « طبيعى آدم » اعمالک قانونى کندى وجدانندە تحرى ايدەجک وتاماً مختار بولوناجقدر . ديگر جهتدن آلمان مکتبلرينک يوقاريدە توصيف ايتديکمز وضعيتنى کوز اوکنە کتيریکمز ، فيلسوفک تربيه مسئلە يە او قدر علاقه دار اولماسنک سببى آکلارسيکمز . بالخاصه قانت ويکەرساوايارد آغزندن روسونک اورتيە قويدىنى قساعتى يعنى هرکسک اعمالک قانونى کندى وجدانندە آراماسى فکرىنى اوزمان هنوز تبلر ايتەمش اولان اخلاق فلسفەسنىک ترجائى عدايدە بيليردى . بونک ايچوندرکە (۱۷۶۶) دە آلمان مکتبلرينک يوقاريدە بحث ايتديکمز فنا حالى تصوير ايتدکدن سوکرا « تربيه طرزنده بر تجدد دکل ، بر انقلاب ، اساسلى بر انقلاب لازمدر » مطالعە سنده بولونويوردى .

حتى بر آراق روسونک وکنديسينک تربيه دە ايتديکي انقلابک مثبت اولارق ساحە لطيقە چيقمقدە اولدينى اميدنى بسلەدى . باسسە دوو Basedow « ده ساو » دە بر تربيه مؤسسەسى آچمش واورادە روسونک نظرياتى تطبيقة چاليشمشدى . قانت بداية بو مؤسسەنىک کشادىنى بويوک بر هيجانله فارسيلادى . کونيفسبرغ غزته سنده نشر ايتديکي بر مقاله دە مالا شويە ديپوردى : « بويە بر مکتب يالکيز طلبه ايچون فائەدى دکلدر .

معلملر بو مؤسسه ایچنده حقیقی تربیه اصولنی اوکره نه بیله جکله ری ایچون صوگ درجه حائز اهمیتدر. چونکه بوراده تطبیق ایدیلان حقیقی تربیه اصوللرینی کورن معلملر آز زمان ایچنده مملکتک هر طرفه یاییلا جقلردر. بو سایه ده حقیقی مکتبلره مالک اولمق امکانی حاصل اولاجقدر. بو مؤسسه حقنده ایلك دویدینی بو هیجانی صوکرالری محافظه ایده مدی. پداغوزیسنک مقدمه سنده مالاً شویله دیسوردی: «ظن ایدیلورکه تربیه مسائننده تجربه لازم دکلدرد، عقل تربیه ده هرهانکی بر اصولک اینی ویا فنا اولدیفنه حکم ایتکه کفایت ایابه بیلیر. حقیقته ایه بو قناعت چوق یا کلسدرد. وقایع کوستریورکه اکثریا اینی ظن ایدیلان اصول تطبیق ایدیلنجه هیچ بکلنمین نتیجه حصوله کله بیلور. اونک ایچون تربیه تجربه مستند و او سایه ده تکامله تابعدر. هیچ برنسل تام واکمل بر تربیه سیسته می قویاماز. ایلك اول بو تجربه یوانی آچان «ده ساو مؤسسه سی» اولمشدر. بناء علیه بر طاقم مظالرینه رغماً بو طریق آچق شرفی بو مؤسسه یه عائددر. ذاتاً ایلك یاییلان تجربه لرده ده بو کبی خطالرك وقوعی ضروریدر... الخ».

شو ایضاحات قانتک تربیه مسئله لرله علاقه دار اولماسنک ساقلرینی اراشه ایدر.

اون سکزنجی عصر نهایتلرند و اون دو قوزنجی عصر ابته الرنده روسونک و په ستالوچنک اورتیه قویدینی بارلاق تربیه نظریه لرینک اقتشادی قانتک نسبه ده متواضع اولان اثرینک کوزه چارچاماسنه سبب اولمشدر. اونک ایچون تاریخ تربیه کتابلرینک چوغنده قانته لایق اولدینی موقع تخصیص اولونماز. حالبوکه فیلسوفک تربیه حقنده کی نظریه لری وفکرلری بر چوق نقطه دن شایان دقتدر، بر چوق جهتلری حتی روسونک فکرلرینی اتمام ایده جک ماهیته در.

قانتک تربیه ده توصیه ایتدیکی طریقلری تدقیق ایتزدن اول فیلسوفه کوره تربیه نک اهمیتی نه در؟ غایه سی نه در؟ بونی کوردم.

قانته کوره انسانینک تکملنک سری تربیه مسئله سنده تمرکزایدرد. ایکی شی وارددرکه انسانیت ایچون صوگ درجه حائز اهمیتدر، او یله اولدینی حالده بونلرك اساسلرنده حالاً مناقشه ایدوب دوربورز: بونلردن بری اداره حکومت ایتک، دیکری چوجوقلری یتشیدر مکرر. هرشیدن زیاده بزی علاقه دار ایدن بو ایکی مسئله حقنده تعقیب ایدیله جک اصولده مع التاسف برتورلو اتفاق ایدیله مه مشدر.

حیوانلر سوق طبعیلرینه منقاد اولدقلری ایچون کندیلرینه مقدر اولان هدفی استحصال ایدرلر. حالبوکه انسان هدفه واصل اولابیلمک ایچون عقله محتاجدر. اونلری غایه لرینه کوتوره جک سوق طبعیلری یوقدر. حرکتلرینک پلاتتی بالذات چیزمکه مجبوردرلر. فقط انسان دوغار دوغماز همان کندی خط حرکتی چیزه جک حالدده دکلدر، چونکه عادتاً وحشی، غیر مدنی اولارق دنیا به کلیور. حرکتیه بر استقامت ویره بیلیمک اوزره باشقه لرینک معاوتته محتاج بولونویور... دیگر جهتدن انانلر میحانیکی بر صورتده تکمل ایتیورلر، بالعکس یاواش یاواش جهدلریله انسانلغه عائد اوصاف طبعیه یی استحصال مجبوریتده بولونویورلر. هر اسل دیگر نسلک تربیه سنی در عهده ایدیور و آنحق بویه جه بشریت تدریجاً ارتقا ایلده بیلور. بوکا مبنیدرکه انسانک تمایلات وحشیه سنه تابع اولارق کندی هدفندن، انسانلک غایه سندن اوزاقلاشما سی ایچون بر انضباطه، بر نظامه محتاجدر. مثلاً کندی صبر و اعتداله آلیش دیر مالیدر. تا که وحشیانه و غافلانه حرکت ایتمه سین. فقط انضباط منفی بر تربیه اصولیدر، انسانک حال وحشته رجوعنی منع ایدر، ابتداءً خصلتند بولونان وحشیلکی ازاله ایلر. تربیه نک انسانی غایه سنه یا قلاش دیر احق مثبت بر قسمی واردر، اوده «تعلیم Instruction» در.

وحشت، انسانلک قانونلری قارشیسینده کندی میزی تماماً سربست کورمکل کمزدر. انضباط Discipline انسانک کندی سنی بویه باشی بوش حس ایتمه سنه مانع اولور، بزی انسانلک قانونلرینه انقیاده و اتباع آلیش دیر بر. بوقانونلره عدم رعایت حالده اونلرک مؤیده لرینه، جبره معروض قالا جفیزی حس ایتدیر بر. آنحق بو انضباط کنج یاشده ایکن ویرملیدر. چونکه انسانده طبعه اوقدر حریت میلی وارکه بر کره هر هانکی بر حرکتک اوزون مدت اعتیاد حالده یلشمه سنه میدان ویرلیمی آرتیق هر شیه رغماً او یولده حرکت ترک وفدا ایدیه من. بناء علیه وقتمده عمللر کر بر انضباط و نظامه تابع اولما زسه صوکر ا کتاب ایتدی ککزر سجه یی دیکش دیره منسکر. اکر انسانی کنج لکند باشی بوش بیراقیر، هیچ بر مقاومت کوستر مزسه کر عمرینک نهایتنه قدر وحشت و ابتدائیلکه عائد بر طاقم خصلتلری محافظه ایلر. اونک ایچون تربیه نک ایجاب ایتدیکی انضباطک وقتمده تأمین ایدیه مه سی معلومات ویرله مسندن ده ا قنادر. چونکه علم نقصانی حیاتک هر هانکی بر دورنده تلافی ایدیه بیلیر. فقط انضباطه تابع اولما عقله وجوده کلن نقصانلر ایسه

تصحیح ایدیله مر . خلاصه علم تحصیل ایتمه مش ، ذهنی انکشاف ایتمه مش آدم ساده ده جاهلدر . هیچ برانضباطه تابع اولمیان آدم ایسه وحشیدر .

اسکدن انسانلرک طبیعت انسانیه نك مستعد اولدینی کمال حقفده هیچ بر فکرلری بوقای . فیلسوفه کوره یالکز صوک زمانلرده انسانلرک تکمائی رشیم حلدده احتوا ایدن انی تربیه طرزلری تقدیر ایدلمک باشلانندی . اونک ایچون امید اولونایایرک تربیه ندریجاً ده ایلشه جک، هر نپیل کاله دوغری بر خطوه ده آنا جقدرد .

سوايضاحات بر طرفدن تربیه نك اهمیتنی، دیگر جهتدن موضوعنک وطندانش دکل ، بشریتک هدفلرینی استحصال ایتمک قادر انسان یاشدیر مک اولدینی کوسترمک کافیدر . بناءً علیه تربیه نك مفکوره سی انسانیتی هدفنه، غایه سنه سوق ایلکدر . تربیه به بویه برغایه کوسترمک وهم دکلیدر ؟ انسانلرک هدفی قابل استحصال دکلدرک او ، تربیه ایچون بر مفکوره اولایلسین . آنجق بر مفکوره نك بعض موانع دولایسیله سیمدی به قدر تحقق ایدمه سی هیچ بر زمان اونک وهم وخولیا اولدیفنه ، ارتیق اونکله مشغول اولما قلمغمز لازم کلدیکنه دلالت ایلده من . بالعکس ذاتاً بر مفکوره نك وصفی اونک حالاً تحقق ایتمه مش اولماسیدر، حتی تماماً تحقق ایدمه به جکیدر . [۱] عقلک وضع ایتدیکی مفکوره لره کیت کیده تقرب ایدیله بیلیر . بونک ایچون بلا انقطاع اونی تعقیب ایتمک کلمزی عقل امر ایدر . کیم یالکز عدالته توفیقاً اداره ایدیلن، یاخود ایدلش اولان بر جمهوریت کوستره بیلیر ؟ مع مافیله بویه بر حکومت ، یعنی اجرا آتی یالکز عدالته توفیق ایلش بر جمهوریت سیاست ایچون بر مفکوره دکلیدر ؟ سیمدی به قدر بویه بر حکومت کورمدیکمز ایچون عدالتی وهم عد ایدمه یایر می یز ؟ بناءً علیه بر مفکوره ، عقلک اورته به قویدینی بر فکرک، بر حقیقت (Vraie) ایسه اونک تجربه تحققی ایتدیکنی ، حصوله افتتاحی قابل اولمیان موانع بولوندینی ایلری سورمک تعقیبی لزومنی ابطال ایدمه من . ایشته انسانده کی بوتون طبیعی استعدادلری انکشاف ایتدیره جک و اونی غایه سنه سوق ایلشه جک تربیه مفکوره سی ده بویه در . نه سیمدی به قدر تربیه نك بونی استحصال ایتمه مش اولما سی ، نه ده استحصالته حد دانسته بر طاقم موانعک بولونماسی بو مفکوره نی تعقیب ایتمک لزومندن بزی فراغت ایتدیره من .

تربیه نك بوغایه یی استحصاله دوغری کیده بیامسی ایچون غننه و تعامله یرلشمش اصوللردن قورتولمسی ایجاب ایدر . اونك ایچون تربیه صنعتده کوره نك ایله وجوده کلن میخانیککی طریقلر یرینه عامه مستند ثابت اصوللر اقامه ایدلملیدر . تربیه علمه مستند ثابت اساسلر و غایه لره دایانمازسه هر نسل ده اولکی نسلك تعقیب ایلدیکی اصولی بیقرار . خلاصه به داغوزی او یله مبدألره مستند اولمالیدر كه بوتون انسانلر نظرندۀ تربیه نك ثابت پلانی عد ایدله بیلسین .

تربیه نك بویه اساسه استناد ایتسی لازم اولدینی و هدفی انسانلغك غایه سی بولوندینی ایچون چوجوقلر جمعیتك بولوندینی حاله کوره دكل ، استقبالده احراز ایدمچكی اك انی شك کوره یتیشدیرلمسی ایجاب ایدر . تعبیر آخرله کنجملر انسانلق مفكوره سنه ، اونك استحصال ایتمكه مكلف اولدینی هدفله کوره تربیه ایدلملیدر . [۱]

تربیه ده بوغایه نك حصولی ایچون فیلسوف ایکی مانع کورویور . بری ابوبنك چوجوقلری یی یاشادقلری زمانده منفعتلری تأمین ایدمچك وجهله یتیشدیرمك اندیشه سندن باشقه بر غایه کوزمه ملری ، دیکری حکمدارلرک تبعه سنی کندی امللرینك خادمی کبی کورملری و او یله یتیشدیرمك ایسته ملریدر . مربی تربیه ده بو ایکی غایه نك فوقه چیقمه و چوجونغی انسانلغك هدفه یاقلاشه جق صورتده یتیشدیرمكه مجبوردر . چونكه منفعتلر یرینه عالمك ایلدیکنی اقامه ایدمچك درجه ده کینش حسیاته مالک اولان ، بشریت ایچون تحقق ایدمچك ده ائی بر حالی دوشونه بیلن شخصلرک جهدیله دركه طبیعت انسانیه یا واش یا واش کندی غایه سنه تقرب ایدمچکلیر . بو غایه یه خدمت ایدمچك اولان تربیه بر صنعت ماهیتی اکتساب ایدر . و هر نسل ده اولکی نسلك تجربه لرندن استفاده ایدمچك تربیه صنعتی ا کماله چالیشیر .

بوسیلره مبیدر كه قانت تربیه نك موضوعی شوصورتله کوسترییور :

۱) تربیه انسانی انضباط آلتنه ! لمالیدر . انضباط آلتنه المقدن مقصد انسانده حیوانی اولان حسله مانع اولمق ، انسانی اولانلری احیا ایتمه مکدر . خلاصه انضباط انسانی وحشیایکدن ، صرف ابتداییکدن و حیوانیکدن قورتاریر .

۲) تربیه ، تحصیله خادم اولمالیدر . علم تحصیل فرودده هر نوع غایه لری استحصاله خادم مهارت و لیاقت تأمین ایلر .

[۱] بومفکوره فیلسوفك فلسفه اخلاقه سینده و انسانیتك ترقیسته عائد قناعتلرده مندمچدر .

اونك ایچون بوندن اولکی قسمله بوندن صوکرک کی بخشه باقیکنر

۳) تربیه انسانی احتیاط و اعتدال اکتسابیه آیشدیرملی، کندی همجنس‌لرینه سودیره‌جک، اولئر اوزرنده مؤثر اولاجق وجهله یاشامنی اوکره‌تملیدر.

۴) تربیه انسانی اخلاقی‌اشدیرملیدر. انسانک یالکز غایه‌لرینی ا نتحصاله مستعد و صالح برحاله اولماسی کافی دکلدر. عینی زمانده یالکز اینی اولان حرکاتی انتخاب و ترجیح ایتمکی بیلدی، جمعیتک حرکاتمه قارشی کوستردجکی طبیعی مقاومتیه فردلری آیشدیرملی و منافعی و حریتی مشروع حدودلری داخلنده بولوندیراییلمکه اعتیاد حاصل ایتدیرملیدر.

قانت بوفکرلریله اثرلرندن اوقدر ملهم اولدینی روسونک تربیه حقنده کی نظریه‌لرندن اساسلی نقطه‌لرده آیریلاوردی. واقعا قانتده روسو کی تربیه‌نک موضوعنی فردی سو ویا بو جمیته کوره یتیشدیرمک عد ایتبورد، بالعکس تربیه‌دن چوجوغنی انسانلغک غایه‌سنه کوره یتیشدیرمکی قصد ایله‌بور. فقط روسویه کوره فردی بو هدفه دوغری تربیه ایتمک ایچون اونی سوق طبعی‌لرینه، طبیعتیه بیراقق لازمدر. آلمان فیلسوفی نظرنده ایسه انسانک سوق طبعی‌لیری ضعیفدر و فردی غایه‌سنه کورتورمکه مقتدر دکلدر. بناءً علیه طبیعی انکشافی تربیه‌نک استهداف المدیکی غایه‌یه ایریشدیره‌مز. روسو حال طبیعی و ابتدائی بی انسانلق اعتباریله مکمل بردور اولارق قبول ایدیور. قانت ایسه حال طبیعی و وحشی بی «هرنوع قانونلر قارشینسندهرستی یعنی باشی‌بوش اوله» دییه تعریف ایتمکده و بودورده انسانلغک هنوز حیوانیندن تماماً صیریله‌مسندن تولد ایدن بر خشونت کورمکده‌در. روسو فردی تمایلات طبعیه‌سنه بیراقمک غایه‌سنه ایریشمک ایچون کافی کادیکنه قاعدی. قانت ایسه تمایلات طبعیه‌سنه سربست بر جریان ویرمک صورتیله چوجوغک یتشدیریه‌بیله‌جکینی قطعاً قبول ایتبور. بالعکس مربی اول امرده انسانلغه لایق بر مفکوره‌یه صاحب اولمی و صوکر چوجوغنی بو مفکوره‌یه کوره تربیه ایتمکه صالح اصولی تحری ایلیدر. قانت وقتنده چوجوغه کندی حریتیله جمعیتک مشروع جبر و تضییقی تألیف ایتکی اوکره‌تدیرمک لزومنه قائمدر. روسونک نه‌میل بویه‌میدر؟ بالعکس نه‌میل هرنوع جبر و تضییقندن آزاده اولارق یتیشدیرلمشدر، اونک ایچون جمعیتک هیچ برنوع ایجاب و تضییقی قارشینسندهر فدا ایدیه‌جکی استقلال فردیسنه مجلوبدر، مدنیت حیاتندن، اونک ایجاباخنن منفردر. نهایت حرکاتی عقله، کلی دستورده مستند دکل، حسنه، سوق طبعی‌سنه تابعدر.

ایکي فیلسوفك تربیه حقنده کی نظریه لرنده کی بوفرق اونلرك قبول ایتدکاری مبدألرك آیری آیری اولماسندن متولددر . روسویه کوره طبیعت لندن چیقان هرشی حد ذاتنده ایدر ، طبیعتك ایلک حرکتی دایما دوعری به متوجهدر . اونك ایچون چوجوق ایی اولارق دوعار ، تمایلات طبیعیه سنك بر قصوری یوقدر . مربی بوتمایلری رهبر عد ایتلیدر . قانتده بر آرائق انما انك اساساً معصوم اولارق دوعدیغه وطیبی تمایللرینك این اولدیغه دائر اولان روسونك فکرینه التحاق ایدر کی اولمشدی [۱] ، فقط بالا آخره بوقناعتی تماماً بیراقدی [۲] اخلاق حقنده کی دوشونجه لری طبیعی تمایللرله «فضیلت» آراسنده کی تضادی کورمکه سوق ایتدی . چونکه طبیعی تمایلات انسانی عقلک ، حر اراده نك وضع ایلدکی قانونه مخالف استقامته سوروکار . بوتمایلات حد ذاتنده فنا بیله اولمسه یسه بزی اختیاریمزه مخالف اولارق حرکت ایتدیریر . حالوکه اخلاقاً اینی اولمق آنجق فضیلت ایله قائمدر . فضیلت ایسه تمایلات طبیعیه به کندیمنزی بیرا قماق ، یالکز مختار اولان قانون اخلاقی به رعایت ایتک اوزره عملده بولونمغه جهد ایتکدر . شو حالده انسانی اخلاقاً یوکساتمکی تمایلات طبیعیه نك انکشافده آراماملی ، بالعکس فضیلتک بو حسی تمایللره مقاومت ایدرک قانون اخلاقی به رعایت ایدرک و حمله حرکتیه چالشمغه مستعد اولدیغنی اونوتما مایدیر .

شو ایضاحات تربیه ده روسونك قبول ایتدیکی مبدأدن قانتك نه درجه به قدر اوزاقلاشدیغنی بزه کوستر مکه کافیدر . برکزه ایکی فیلسوف بواساسلی مبدأده آیری آیری نقطه نظره مالک اولونجه تربیه نك طرز واستقامتنده متخالف کوروشلره صاحب اولالری طبیعیدر . نته کیم روسویه کوره تربیه نك هدفی سوق طبیعیلرک غایه سی ، حساسیتك انکشافیدر . واقعا قانتده چوجوعک تمایللرینه بر موقع وریلسنی قبول ایدر ، حتی «چوجوق برچوق زمان حرکتی تمایلاته تبعاً یا بمغه مضطر ، اولدیغنی تسلیم ایلر . آنجق بو حال موقتدر . چوجوق نهایت تمایللرینه تبعاً حرکتی بیراقلی ، دستورلره ، کلی قانونلره کوره [۳] حرکت ایلکه آلیشمالیدر . ژهنولی فیلسوف نظرنده تربیه سوق طبیعیلرک انکشافی غایه

(۱) صحیفه ۲۷۶

(۲) قانتك نه ایچون وناصل بونیکیینی خلقی بیراقدیغنی آ کلامق ایچون بشفی قسمه «فیکر» .

(۳) ۲۳۳-۲۳۵ صحیفه ده قانت ابله روسونك نظریه اولانیه لری آراسنده کی منایسه به باقیبکر .

بوآبریلغك سبی او صحیفه لردن لایقيله آ کلاشیلیر

بیلملیدر . آلمان فیلسوفی ایچون ایسه تربیه‌نک مفکوره‌سی اراده‌نک تمایلاته ، مادی سائقلره تابع اولمقدن قور تولارق عقلک مبدألرینه، یعنی قانون اخلاقی‌یه منقاد اولماسیدر .

قانت ایله روسونک بو تلقیلری آراسنده کی فرقدن دولاییدر که هرایکی فیلسوف تربیه‌نی آیری آیری تصنیف ایلشلردر . روسویه کوره تربیه اوچ صفحه‌یه آریلق ایجاب ایدر . برنجی صفحه‌ده تربیه‌نک موضوعی چوجوغلک بدنی ایله حواسیدر . آنجی اون ایکی یاشنه دوغریدر که تربیه ذهنیه باشلامالیدر . تخمیناً اون بش یاشندن سوکرا تربیه اخلاقیه موضوع بحث اولایلیر . حالوکه قانت بویه مطابق اوچ درجه‌لی بر تربیه اساسی قبول ایتبور . چونکه فیلسوفه کوره شخصیت بشریه روسونک تخمیندن چوق اول انکشاف ایدر . بناءً علیه ایلك زماندن اعتباراً چوجوغلک ذهنی و اخلاقی تربیه‌سنه دقت ایتک مجبوریتی واردر . چونکه ایلك درسلك ، کوستره جگمز ایلك مثالک ایزی پایدار اولارق قالاایلیر . بالخاصه تربیه اخلاقیه ایچون اون بش یاشنه قدر انتظار ایتکی هیچ دوغری بولمايور . بالعکس چوجوغه ده چوق ارکندن باشقه‌لرینک حقنه حرمت ایتکی اوکرتمک و بوحقه رعایت ایتسنه نظارت ایلك ایجاب ایدر .

بناءً علیه قانت روسونک بودرجه‌نه منقسم تربیه تصنیفی قبول ایله‌يور . تربیه‌نک استهداف ایلدیکی غایه‌دن بحث ایتدیگمز زمانده سوبلدگمز کی قانت تربیه‌نی برکرمه‌ایکی قسمه آیریيور : (۱) انضباط (۲) علم تحصیلی . انضباط تربیه‌نک منفی قسمی ، تدریس ایسه مثبت جهتیدر . انضباط فردک ابتدائی و وحشی تمایللرینک سوقیله حقیقی غایه‌سندن اوزاقلاشماماسنی تأمین ایدر . تعبیر آخرله یا کلش بریوله کیتمه‌سنه خدمت ایلر . یالکمز ناصیل حرکت ایتسه ایجاب ایده‌جگمی اوکرتمز . ایکنجیسی لازم کان بوتون معلوماتی اوکرتمک سایه‌سنده حیاته مهارتی ، احتیاطی و بونلرک فوقده اولق اوزره اخلاقیلینی تلقین ایدر .

قانت « تربیه » کتابنک مدخلنده یایدینی بو تقسیم خارجنده پداغوزی‌نی آیری بر تصنیفه تابع طوتویور . معلومدر که چوجوغلک کندی کندینه بویویه‌مز . بدن و روحی تشکیل و اداره ایدمک ایجاب ایدر . بو اعتبارله طبیعتده کی اشیا به بکزه‌رلر . ناصیل موجودات مادی‌نی قوانین طبیعه ایله اداره ایلرسه چوجوغلک حرکاتی‌ده تنظیم اولونغه محتاجدر . چوجوغلک بویه بر « شی Chose » اولق اعتبارله محتاج اولدینی تربیه‌یه

• مادی Physique « تربیه دینلیر . چو جووڭك ذهنی ده ایلک یاشلرده سببی آ کلامادینی بر طاقم ادمانلره ، اصوللره تابع اولاراق انکشاف ایدمجبی ایچون ذهنکده بر نوع مادی تربیه سی واردر .

فقط چو جووڭك یالکز برشی دکلدردر . ایلریده اونده انکشاف ایدمجبک اولان شخصیتک Personnalité رشیمی موجوددر . فی الحقیقه بورشیمک تمیه ایدیلسی سایه سنده درکه ایلریده کندی کندینی اداره ایایه جک ، یعنی مناسب کوردیکی دستورلره کوره عملده بولوناییله جکدر . انسانلکک بالخاصه حیثیتی ده بونقظه ده در . ایشته طبیعی تمایلاره کوره دکل ، کندیلسی طرفندن قبول ایدیلن مبدألره کوره حرکت ایتمکی اوکرده رک میخانیکیتدن حرسته دوغری اصماد ایتکک وظیفه سی معنوی تربیه عائددر .

بویاضاحاتدن آ کلا-یایورکه قانت برمادی تربیه ، برده معنوی و اخلاقی تربیه قبول ایدیلور . مادی تربیه بدنی تربیه نی افاده ایلدیکی کبی ذهنی تربیه نی ده جامع اولویور . فیلسوفک مادی ایه معنوی و اخلاقی تربیه نی تفریق ایتکک اوزره قبول ایتدیکی میارشودر : برنجیسنده چو جووڭك تماماً انفعالی بروضعینده در ، ایکنجیسنده ایسه فاعلدر ، یعنی عملکک استناد ایلدیکی مبدأی وبه نکلکه وظیفه منککوه سی آراسنده کی مناسبت و ارتباطی تقدیر ایلر .

سوقدرکه قانت مادی تربیه دییه ترجه ایتدیکمز (Education Physique) ی دائما بویله کنیش معناده قوللانمایور . صوک زمانده علی الاطلاق استعمال ایلدیکی وجهله بو کلمه دن یالکز بدنی تربیه نی آ کلا یور و ذهنی تربیه نی اخلاقی تربیه ایه برابر معنوی تربیه زمهره سی میانشده طوبلا یور .

قانتک ایشته یکدیگر ایه تداخل ایدن قاریشیق تصنیفی . شیمدی بدنی تربیه دن باشلا یه رق فیلسوفک افکارینی کوره جکر .

مریبنک علم و انضباطه وظیفه سنه باشلامازدن اول چو جووڭك مادی اولاراق نه کبی اعتنایه محتاج بولوندیغنی تدقیق و تحیری ایجاب ایدر . بونک ایچون فیلسوف اولاً بدنی تربیه دن باشلا یور صحتک بذاته اهمیتی ، روحک انکشافی ، سجه نک قدرتی ایچون لزومی هرکس تقدیر ایدر . اونک ایچوندرکه قانت اول امرده تا بشیکدن اعتباراً چو جووڭك بدنک انکشافی ایچون لازم کلن تداییری تدقیق ایلدکدن صوکره ذهنی و اخلاقی تربیه یه انتقال ایلور .

حاصل ایلیدر. بونک ایچون ایسه چوق زمان اوفاق بر تلقین کافیدر: چوجوق حد دانسته کاشف و مبدع (Inventif) در. حرکاتی ایچون لازم کان وساطتی بالذات یابایلیر، بولایلیر، آلت و وساطتی یابیلیمش بر حلد چوجوغه ویره جک و اعماثک واسطه لرینی کندی کندینه بولمق زحمته میدان و بریلیم جک اولورسه چوجوق تربیه نک استهداف ایلدیکی طبیعی. مهارتدن محروم اولارق یتیشدیریلیر. اونک ایچون بو یاشده چوجوغی کندی قدرتی تقدیره ویا لکنز کندی کندینه استناد ایتدیرمکه ومثلاً چوجوغی داریوللردن یورومتکه، صرب پرلری آشفه ایشدیرمیلیدر.

قانت، کوچوک یاشده چوجوقلر اوزرینه وقوع بولان تاثیرات، اونلرده وجوده کله جک اعتیادک عمرلرینک نهایته قدر دوام ایده حکنه قانع اولدیعی ایچون معین زمانلرده یه مک، اویومق عادتلی خارچنده هیچ بر اعتیاده ایشدیرمامعی توصیه ایلهور. دیگر جهتدن چوجوغک بویاشده تمایلاتنه دوغریدن دوغری یه مقاومت ایتمه مک لازم کلمکله برابر بستیون کیفه بیراقانک وبالخاصه آغلادجه هر ایستدیکنی ویره مک تولید ایلیمه جکی فنا اعتیادلری ایضاح ایلهور. بناء علیه «چه جوق آغلادینی وباغیردینی ایچون اولجه منع ایتدیکنز هیچ بر شینی یایماییکنز؛ بر کره اوت ویا خایر دیدکن صوکر» هر نه بهاسنه اولورسه اولسون سوزیکیزی کری آلماییکنز «دستوری قانتک توصیه ایتدیکی تربیه وجیزه لردن بریدر. شو قدرکه ابون چوجوغک رجا لرینده - اگر عدم اجراسنی ایجاب ایدن محق سبب یوقسه - قبول ایلیدر. بوسورتله چوجوق آجیق قلبی اولور. فیلسوف ابونک چوجوغی صبری یتیشدیرمک ایچون هر شینی رد ایتسی، بوسورتله متادیا اراده سنی قیرمانی، هر ایستدیکنی یا بقی صورتله حوییه اولارق یتیشدیرمک کبی فنا ومضر بر تربیه عد ایلهور.

قانت ایستیورکه چوجوق اطرافنده کی انسانلر^{آقا} مزعج اولماسین، فقط عینی زمانده برنوع عارسزده عد ایدلمسین. بو غایه نک استحصالی چاره سی چوجوعه باشقهرینک یانسته ناصیل حرکت ایتک لازم کله جکنه دائر نظری معلومات و فکر ویرمک دکلدر. چونکه بویله فکر ویرمک چوجوغی محجوب واوانافاج یابار، یاخود کندی اطرافده کیلرینه تقدیر ایتدیرمک ایچون صنعی حرکتلرده، تدبیرلرده بولوندیرمق سوق ایدر. حالبوکه بر چوجوغک اختیار بر آدم کبی مدبرانه حرکت قالمسی یاخود احققجه اووانافاج اولماسی

قدر کولونج برشی یوقدر. چوجوقده انجق چوجوغه مناسب حرکت و تدبیرلر یاقیشابیلیر . فقط بویوک آدم کبی حرکتلرنده، سوزلرنده، مدبر اولماسی اونی عادتا مایمون حالته قویار. چونکه طبقی مایمون کبی دوشونمدیکی حرکتلری تقلید ابله یامش اولور .

خلاصه چوجوق بویوک آدم اولمازدن اول چوجوقلق حیاتی کچیرملیدر . چوجوعی حیاته حاضرلامق باشقه ، وقتندن اول سن کالده اولار انسانلری تقلیده اوزه ندیرمک ینه باشقه شیدر . برنجیسی تربیه نك وظیفه سیدر ، فقط ایکنجیسی چوجوعی اختیار - لاشدیرمقدر .

بدنك و حسك تربیه سندن صوکر ا فیلسوف ذهنك تربیه سنی موضوع بحث ایلدور . یوقاریده ده بالمناصبه سویلدیکمز کبی قانت ذهنك تربیه سنی ده «مادی تربیه» Education physique میانده کورویور . چونکه فیلسوفك نظرنده مادیاتمزه عاند تربیه بزم طبیعی استعدادلریمزك انکشافنی استهداف ایدر . بدنی و حسی قابلیتلریمز ناصیل بو طبیعی استعداد میانده ایسه ذهنده ینه بونلر آراسنده در . طبیعی استعدادلرK انکشافنی بزى بروجود طبیعی اولارق یتشدیریر . فقط انسانك بویه بر «طبیعی موجود اولماسندن» فضله واوندن بوکسك برشدنی وارد: اوده اختیاردر . «اختیار» Liberté ، ایله درکه انسان بر شخصیت مغنویه و اخلاقیه اکتساب ایدر . بناء عایه مغنوی و اخلاقی تربیه اختیاره تعلق ایلر . اختیار ایسه فیلسوفك نظرنده استعداد طبیعیلرK خلاصه طبیعتك یتدیکی نقطه دن باشلار . [۱] اونك ایچون بر فرد قوای بدنیه و حسیه سی انکشاف ایتمش ، ذهنآ تنور ایتش اولابیلیر . بونکله برابر اخلاقی تربیه سی نقصان اولدینی ایچون فنا آدم اولابیلیر . ایسته بوملاحظه ایله درکه قانت اکثریا بدنی ، حسی ، ذهنی تربیه یه ، حتی اراده نك میخانیکی اضابطه متعلق خصوصاته «مادی تربیه» عنوانی ویریور و بوکا مقابل اختیارك موضوع بحث اولاحی فعللرK انکشافنی تربیه مغنویه و اخلاقیه اولارق قبول ایدیور .

قانتك تربیه ذهنیه ده قبول ایلدیکی مفکورده بوتون قوای (Facultés) ذهنیه نك قیمترلره ، حائر اولدینی اهمیتلره متناسب بر صورتده انکشاف ایتسیدر . سالم بر مفکوره فیلسوف نظرنده بوتون قوای ذهنیه نك آهنگدار و متوازن بر طرزده انکشاف ایتسیله

وجوده کلیر. بالخاصه بعض ذهنی ملکه لر وارد در که بذاته قیمتی حائز دکلدر، بونلرک دیکربنه خادم اولمق اعتباریه بر قیمتی وارد در. مثلاً حافظه نك بذاته قیمتی اولاماز: هیچ محاکمه قابلیت اولمایان و فقط حافظه سنه بر چوق معلومات یرلشد برمش اولان آدام نه ایشه یارار؟ بویله بر آدم جانلی بر لغت کتابندن باشقه بر شیمیدر؟ اونک ایچون ذهنک هر قوتی باشلی باشنه دکل، ده یوکسک بر قوه ذهنیه خادم اولمق اوزره تربیه ایدیلیدر. هیچ برایشه یارامایان معلوماتی ذهنه بیغمغه و بو صورتله یالکیز حافظه بی انکشافه مصروف اولان تربیه طرز لرینک فائده سزلکنی و قالغنی قانت اوزون اوزادی به آکلاتیور.

قانت خجیله نك فضله انکشافی ایسته میور. دیور که «چو جوقلرک خجیله لری حد ذاتنده قوتلیدر. ده فضله توسیعه لزوم یوقدر. بالعکس خجیله اداره ایدلمکه، قاعده آتیه آلمغه محاجدر». بونک ایچون فیلسوف «چو جوقلرک الندن رومانلری آلیکیز، اونلری اوقوتلایکیز. چونکه چو جوقلر بونی اکنمک ایچون اوقورلر، حافظه لرنده طومغه لزوم کورمز لر. بو صورتله حافظه ایشه میه جکی ایچون ضعیفار. دیکر جهتدن بو کتابلر چو جوقلری خیالی وقوعاتی تقلید اتمکه، حیسانلرینی اوکا اویدیرمغه و اوهام ایچنده یاشامغه سوق ایلر.» قانت خجیله حقنده اساسلی اولمایان بو سوء نظرینه رغماً اونک وظاقتندن تماماً غافلده دکلدر. مثلاً جغرافیا تدریسانه خریطه نك، تاریخ درس لرنده حیوان و نبات رسم لرینک اهیت وفائده سنی سویلور. سیاحت خاطر اتنک اوقوتناسی بالخاصه توصیه ایدیور.

قانت حافظه و خجیله دن صوکر ا ذهنک ده یوکسک قوتلرینی، مدرکه و عقلی تعبیر آخرله فردی، حزئی حادثه لر آراسنده رابطه بی ادراک ایدن قدرتی تربیه نقطه نظرندن تدقیق ایلیر. قوای ذهنیه نك تربیه سنی بویله آیری آیری ملاحظه اتمکه برابر شو نقطه یه اسارت ایدیور که حیات ذهنیه بر در، بوتون قوتلر اونک بر نوع تجلیسیدر. اونک ایچون بو قوای ذهنیه دن یالکیز برینی صورت مطلقه ده انکشاف ایتدیرمه ک جالیشمق یهوده در.

ذهنک قوتلری یکدیگریه آهنگ و تساند ایچنده اولدقلری کبی هیأت عمومی سیمله ذهن ده دیکر ملکات روحیه ایله، یعنی تحسس و حرکت قابلیت لریه متساند یرحاله درلر. تعبیر آخرله ذهن ده بر قوت، بر قدرت فعاله در. اونک ایچون ذهن حرکت ایدرک، فعالیتده بولونه رق انکشاف ایلر. بو مطالعه یه درکه قانت ده قوای ذهنیه نك کندیلمکندن

فعالیتده بولونهرق انکشاف ایتسی لزومی آکلا تیبور. مثلا برچو جوق تطبیقاتی یامادقدن صوکر صرف قاعده‌سی ازبرله مکدن بر فائده استحصال ایده یایرمی؟ حتی اگر خطا ایتیمکمزین بر قاعده‌ی دائما تطبیق ایده بیلورسه اونو دستور حائده بلله مه مش اولمامسندن هیچ بر محذور حاصل اولمار. خلاصه «ذهنک قواسنی انکشاف ایتدیرمک ایچون ان ای طرز یایمق ایسته نیل شیئی چو جوغک بالذات یایمسیدر، اک ای صورتده آکلادیمز، اک ای طرزده حفظ ایتدیریمز عادتاً کندی کندیمزه او تره دیکمز سیلردر.» قانت ذهنک بو فعالیتده بویوک اهمیت ویریور، اونک لزومی اوزون اورادی به مدافعه ایلور. چونکه آنجق بو طرزده کی فعالیت ذهنیه ایله فردده سجه یعنی مختاریت تشکل ایده بیله جکنه، قاعددر. فیلسوف بیلورکه ذهنک بو بالذات فعالیت ساییه سنده هر شیئی بوتون نتایجیه سربسته تدقیق ایتک مله کیسی تأسس ایده بیله جکدر. کذلک ذهنی دائما بویله فعالیتده بولوندرمق، بالذات حقیقی تحری و کشف ایتک ایشمق ساییه سنده درکه هر نوع حقایق آکلا بیله جک، دائمی ترقی یی استحصال ایله بیله جک مفکره تشکل ایدر.

چو جوغک سوبه سه کوره فعالیت ذهنیه ده بولونماسی، یکی یی معلومات اکتساب واونلری هضم ایتسی اوندی حظ و ممنونیت Plaisir او یاندیرر. آنجق قانتیه کوره سعی حظه تابع قیلما ملی، بالعکس حظ سبیک نتیجه‌سی اولارق تظاهر ایتلیدر، تعبیر آخرله چو جوق ذهنک قواسنی انکشاف ایتدیرمکدن، وظیفه یی ایفا ایتکدن ممنون اولمالی. شوقدرکه سعی بالکیز جاذب اولان، بالکیز کندیسنی علاقه دار ایدن شیلره تخصیص ایتدیرمک اعتیادینی او یاندیرممالیدر. قانت مالا دیورکه: «زمانمک متفکرلری تربیه و تدریسده اک ای اصولی تحری ایدیورلر. بو میانه چو جوقلرک کندیلرینه لازم اولان هر شیئی عادتاً او یون حائده او کرملری توصیه ایتلیمکده در. حالوکه بوندن فنا اصول اولاماز. چو جوقلری وقت وزمانیه جدی استغاله آلیشیدرمالیدر. چونکه بر مدت صوکر جدی حیانه کیره جکلردر.» شبهه یوق که چو جوقلر او یینمالیدر، اونلرک تنفس واستراحت زمانلری ده اولمالیدر. فقط عبی زمانده جهده آلیشمالیدرلر. اونک ایچون چو جوغه هر شیئی بر او یون، بر اکلنجه کبی تلقین ایتک، چالیشمینی و اوکره نمکی بویله اکلنجه حائه کتیرمک اونلر اوزرنده یک فنا بر ایز بر اقیور. چو جوقلر معین زمانده چالیشمق

مجبورینده اولدیغنی بیاملیدرلر . بوجبوریته بدایهٔ اولنره آغیر کاسه بیله صوکرالری نه درحه فائدهلی بولوندیغنی ادراک ایلرلر . اووقت آکلارلرکه اک ایی استراحت سعی تعقیب ایدمندر .

قانت سمیک ثمره ناز اولماسنه اک چوق مانع اولان دالغیناق و دقتسزلکک اوکنی آننی مرینکک اک مهم وظیفه سی عد ایدیور . یالکز چوجوغنی برشی اوزرینه حصر دفته ناصیل آلیشدیرملی ؟ بعض تربیه عالملری چوجوغلک دقتک انکشافی چاره سنی ذهنتک طبیی تکاملنده واخلاصه یالکز علاقه سنی اوایندیراجنی انیا ایله اشتغال ایتدیرمکده آریورلر . قانتک مطالعه سی ایسه تماماً بونک ضدیدر . چوجوغلک دقتنی یالکز علاقه سنی اوایندیران واونک ایچون جاذب اولان شیلرله مشغول ایتمکده آراماملی ، بالعکس اونی دقتک استلزام ایلدیکی جهده آلیشدیرمالیدر . هر یکی مطالعه باشلانغیچنده بر رحمت ، بر یورغونلغی موجب اولور . بو زحمتی بستیون ازاله ایدیه جکی ظن ایتک وهدر . کنج یاشده چو حوقلر آلیشدیلیمه جق اولورسه ایلریده همد اقداریغی ده غائب ایدرلر . ایلک اتعاب ذهنت زحمتنی آزالتمغه حالیشهلم ، فقط (جاذب مساعی Travail attrayant) طرفدارلرینک ایتدککری کی چوجوغلک بوتون سمنک هر نوع جهد وزحمتدن یری اولماسنی ایسته میهلم . چونکه طبیعت حقیقی سعی جهده معاق بیراقشیدر . جاذب مساعی بر جهد وتعبدن صوکرلر بر نوع استراحت وتنفس ایچون ایسته بیلیر ، آنجق چو حوق بومدته ایتکنجی بر جهده حاضرلانیور . عادتاً بوجاذب مساعی اونی دیکر بر جهده سوق ایچون استحضار ماهیتده اولور .

قانت تدریس اصوللریغی ده تدقیق ایدیور وسوقراط ویا تکشیف اصولنی یعنی چوجوغه دوستونه رک بولدیرمی توصیه ایله یور . آنجق چوجوغلک محاکمه ایدمه جکی ، سببی دوستونه میه جکی ساحه داخلنده بیوده بواسابانی کلامغه ، اوغراشمالیدر . حتی چوجوغلک کندی تربیه سینه یازدیم ایدن بوتون شیلرک سیلیرینی آکلایاماز . اونک ایچون ایلک یاشلرده چوجوغلر قانع اولدقلری تربیه اصولک سیلیرینه تماماً نفوذ ایده مزلر . شوقدرکه چوجوغلک مکلف اولدیغنی وظیفه لرده ، عمللرده حرکتنک استناد ایتدیکی مبدئی بیلملیدر . ایسته قانتک ذهنی تربیه حقنده کی مطالعه لری . شیمدی قانتک به ده غوژیسنک تربیه اخلاقیه عائد بحثه انتقال ایدیوروز :

قانون اخلاقی تربیه حقه‌ده کی نظریه‌سی فلسفه اخلاقیه‌سنه ، وظیفه و اختیار Liberté حقه‌ده کی تلقیریه تماماً مربوطدر . ناصیل قانت فلسفه اخلاقیه اعتباریه الک اساسلی نقطه‌لرده روسودن آریبلورسه تربیه اخلاقیه خصوصنده اوله جه زنده ولی فیلسوفدن اوزاقلاشیور .

روسویه کوره حقیقی حر انسان آنجق مقتدر اولایلدیکی شیئی ایسته‌ین و خوش‌سنه کیدن شیئی یاپان کیمسه‌در . بناء علیه چوجوق یامغه مقتدر اولایله حکمی سیرلی اوکره نامدر . بونی طبیعت ایله قارشی قارشی‌یه بیراقیلنجه اوکره نیر . چوجوق یالکز بر شیده اطاعت ایتملیدر : اوده طبیعی ضرورتدر . اونک ایچون آمیل اون ایکی باشنه قدر آنجق طبیعت ضرورتلرینه منقاد اولارق یتشدیر یلشدر . بونک خارچنده اراده‌سی کسر ایددجک هیچ برمانع ، هیچ برعارضی جبر و جزا اقامه ایدله مشدر . طبیعت خارچنده بر ولایت ، اطاعته مجبور اولاجنی بر امر ، بر وظیفه تلقین اولونما مشدره قانت‌ده بعض احوالده طبیعتک عکس عملنی بر انضباط اساسی اولق اوزره قبول ایدیور . فقط بونی هیچ کافی بولمایور . ده ایلک یاشدن اعتباراً مثبت بر تربیه‌نی توصیه ایدیور ، یعنی چوجو غنط طبیعت خارچنده بر انضباط آلدشیر یلمنی ایسته‌یور . فی الحقیقه طبیعت فرد اوزرنده ، چوجوق اوزرنده قطعی بر انضباط تأسیس ایدر ، طبیعی ضرورتلر خارچنده حرکت ایدنیکی زمان در حال اونک بر عکس عملی بزی جزالاندیریر . فقط طبیعی انضباط نیته شامل دکل ، یالکز تظاهر ایدن فعل خارجه‌یه متعلقدر . طبیعت کرک الک معصوم بر نیته متعارف اوسون ، کرک مجرمانه بر قصددن تولد ایله سین بر عملی عینی صورته تجزیه ایلر . چونکه طبیعت نیته ، قصده کوره دکل ، فعل خارجه‌یه نظراً عکس عملی وجوده کتیریر . بویه اولونجه طبیعتک تأمین ایتدیکی انضباطی عادل و کافی عد ایده‌یلمیر می‌یر ؟ بو انضباط خارچنده نیته ، قصدی هدف اتخاذایلین ، اوکا کوره عکس عمل وجوده کتیرین بر انضباط تأسیسی لازم دکلیدر ؛ دیگر جهندن طبیعت آنجق فعل تاممله انکشاف و اجرا ایلدیکی زمان عکس عملی وجوده کتیریر . و او زمان چوجو غنط معروض قالدینی طبیعی جزا اکثری چوق آغیر و سمرت اولور . حالبوکه او فعل هنوز اجرا ساحه‌سنه چیقمازدن اول یاپیلان کوچوک بر طاقم حرکات وارددر که طبیعت اونلر قارشیسنده لاقیددر . مربی طبیعتک بر عکس العمل تولید ایتیه چکی بو حرکاتک اوکنی المق مجبور یقنده در . چونکه ردیلت ، فائق عد ایدیلا

فعللر بو حرکتلرک نتایج طبیعی سی اولاراق وجوده کلیر . بر کره بو ایلاک فعللره قارشى لاقید قالیندیمی ، آرتیق او حرکتلر غیر قابل ازاله اولاجق وجهله اعتیاد شکلی آیلر .

ایشته بوتون بوسبیه مبیدرکه قانت طبیعی مؤیده نی هیچ کافی بولماور . طبیعتک عکس عمللری خارچنده چوجوغک تابع اولق مجبوریتده بولوندینی مکلفیت اخلاقیه واردر ، بناءً علیه چوجوغی وظیفه یه آلیشدیرمق لازمدر . بو قناعتده درکه فیلسوف تربیه ده شوقاعده یه بویوک بر اهمیت عطف ایلور : « چوجوقلر بالاراده قانون اخلاقیه مقاد اولق اعتیادینی اکتساب ایتایدیر » . ینه عینی سبیه مبیدرکه طبیعتک منفی تأثیراتی خارچنده چوجوغک اطاعت آلیشمانسی تربیه ده الک اهم بر دستور تلقی ایلور .

یالکیز چوجوق ایلاک یاشلردن اعتباراً « اطاعت » . آلیشدیریلقله اونک اراده سی قیرمش اولماورمی بز ؟ خاییر ... ناهکس فیلسوف توصیه ایلدیکی « اطاعتک » چوجوق بویونجه کندی کندیسه حرکت ایتسنه ، قرار ویرمیلیمسنه خادم اولاجقنه قانمدر . ایلاک یاشلرنده چوجوق سوق طبیعیلرینه ، کیفه تابعمدر . اکر اطاعت مکلفیتی قالدیراجق اولورسه کز چوجوغک حرکتنه بر استقامت ویرمک ، تعلیم ایلاک ، خلاصه تربیه ایتک ممکن دکادر . بناءً علیه چوجوق اطاعت آلیشمالیدر . حتی بعض احوالده مطلق صورتده اطاعت مجبورتی کندیسنه حس ایتدیریلیدر . چونکه بوتقدیرده ایلریده وطنداش اولدییی زمان کندیکنک خوشنه کیتمه بیله قانونلره اطاعت لزومنی آکلار . فقط دیگر احوالده مالخاصه بویونجه چوجوغک اطاعتی ابویینه قارئی بسسلیدیکی امنیت ایلری کلیدر . بوتقدیرده کندی ارادده سی ابویتنک اراده سنه توفیق و تطبیق ایسی اونلرک توصیه نریکن معقول وائی اولماسندن تولد ایلر . زحمتی موجب اولسه بیله امرلری معقول وائی اولدینی ایچون چوجوغک کندندن یوکسک اولانلره اطاعت مجب، ریتفی دوینامسی ، دبه بیلیرکه ، حراراده نک ایلاک سکل تظاهیردر .

چوجوق ده اکوچوک ایکن برچوق سیلری طبیعی تمایللری سوقبله یاپار . فقط برضاق سیلری ده وظیفه اولدینی ایچون یاتمه سوق ایتلیدر . بویولده ویریلدک اعتیاد چوجوغک حیاتنده چوق نافع وئور . چونکه عمومی خدمتلرده ، جهدی ایجاب ایدن ایشلرده ، خلاصه برچوق احوالده حرکتلری تمایللر دکل ، وظیفه سوق واداره ایدر . دینه بیلیرکه چوجوق

هنوز وظیفه‌دن برشی آکلاماز. فی الحقیقه کوچوک یاشده چوجوق وظیفه‌ی برامر باطنی حالده بیه‌مز. کذلک چوجوغه تحمیل ایدیه‌جک وظایف بویوک آدم‌لرک مکلف اولدقلری وظیفه‌لر اولاماز. آنجق ایلریده وظیفه قیدینه تابع اولاجق وجهله یتیشدیریه بیلیر. مثلاً باشقه‌لرینک حریتنه مانع اولاجق وجهله باغیروب چاغیرملرینه ممانعت ایدیلیر. بوضورتله چوجوغه کوسترایرکه انسانک ایسته‌کلرینه حاکم اولماسی، بونک ایچون دائمی بر جهده بولونماسی لازمدیر. تاکه ایجابنده نفسنه حاکم اولارق ایسته‌کلرندن فراغت ایده بیلین. شوقدرکه چوجوغه تحمیل ایدیه‌جک وظیفه‌لر کافی ماهیتده اولمالی، یعنی دیگر بوتون چوجوقلرده تحمیل ایدیلیدر. چوجوق استثنائی مکافیتلره معروض قالدیغنی کورنجه سرکش اولور.

یوقاریده ده سویلدیگمز کبی کوچوک چوجوغه وظیفه فکری آکلاتیلاماز. چوجوقلر ایچون وظیفه «تجاوز ایدلدیکی حالده جزایی تعقیب ایدن حرکت» دن باشقه برشی دکلدر. حالوکه کنجک دورینه کلنجه ایش دکشیر. او وقت مری وظیفه قاعده‌رینه اتباع مجبورتینی چوجوغه کیت کیده حس ایتدیرملیدر. اونک ایچون چوجوگك اطاعتله رشید اولان رکنجک اطاعتی آراسنده فرق وارد: چوجوق بویودجکه مادی جبر رینه وظیفه فکری قائم اولور. بونک ایچوندکه تربیه‌ده ایکی دور تفریق ایدیه‌بیلیر. ایلاک دورده چوجوق ویریلن امر و توصیه‌لرده دکل، بالذات امری ویرن کیمسده ولایت و نفوذ کورور. بناءً علیه امردن زیاده امری ویرنه اطاعت ایدر. ایکنجی دورده مری ده‌ها زیاده حقیقتک، حکمتک، حس سلیمک ناقیدر. اونک ایچون بو دورده چوجوق مری‌یه نه قدر حرمت ایدر-سه ایتسین اونک امرلرندن زیاده او امرلرک سینه، عقله اطاعت ایلر. اونک ایچون بو دورده ویریه‌جک امر ایضاح ایدملی، اسبابی کوستریلیدر. آنجق بوضورتله سجه Caractère تشکل ایدر.

قائمه کوره تربیه اخلاقیه‌نک هدفی بویه‌جه سجه‌ی تشکیل ایتمکدر. فیلسوف نظرنده سجه «دستورلره کوره عملده بولونمق اعتیادیدر». چوجوق اولاً «مکتب دیدیکمز کوچوک جمعیتک دستورلرینه، بالاخره انسانیت دستورینه کوره حرکت ایتمه آلیشدیریلیر. فیلسوف عقل عملیتک انتقادنده سجه‌ی شویله تعریف ایدیور: «سجه اراده‌نک برکیفیتیدرکه نسانک دائماً ثابت دستورلره کوره حرکت ایتسمیه وجوده کلیر». بو تعریفلردن

آکلا شیلپور که صورت مطلقه ده سجیه اراده نك بر وصفیدر که انسان بو صورتله عقلك لا یتغیر اولمق اوزره وضع ابتدکی معین مبدألره مربوط قالیر. واقعا فردك حرکاتی ایچون لا یتغیر بر صورتده قبول ابتدکی دستورلر بعضاً خطالی و یا کدیش اولایلیر. آنجق کاه شویله ، کاه بویله حرکت ایده نك کله بک کبی صیچرامقدنسه حرکتی معین بر دستورلره توفیق ایلک بذاته سنایان تقدیر حرمتدر . سجیه یی بو صورتله تشکیل ایدن طبیعت دکل ، بذاته انساندر . اولنک ایچون سجیه نه مزاج *Tempérament* نه خوی نه جبلتدر . مزاج فیلسوفه کوره بزم تشکلات بدنیه مزاجی اولمق اعتباریله طرز تحسّمزدر . بناء علیه سجیه نك عضوی مبناسی اولایلیر . فقط بالذات سجیه دکلدرد . دیگر طرفدن جیات *Le naturel* ده تام سجیه دکلدرد ، جبلت سجیه نك ایلک معطاسیدر . ناصیل مزاج سجیه نك عضوی مبناسی تشکیل ایلپورسه ، جبلت ده روحی ایلک مسندیدر . فرد بونلر اوزرینه سجیه یی بالذات کنیدیسی یاپار . یعنی بو ایلک معطّا اوزرینه اراده سی وعقلی انضمام ایدر . ماشقه بر تعبیرله انسان بو طبیعی موروثاتی جبلتک ، فطرتک ایجابی یا اولدینی کبی قبول یا خود اولنره مقاومت ایدر اولنری تعدیل ایلر . ایشته انسانک فطرتی ، طبیعی اوزرینه مؤثر اولماسی سایه سنده فردیتی شخصیت *Personnalité*، مرتبه نه اصعاده و اتمام ایده بیللمسی قدرتی در که اصل سجیه نك عاملیدر . [۱]

خلاصه سجیه منشأ اعتباریله طبیعتک محصولی اولارق ملاحظه ایدلسه بیه بالا آخره انسان کنیدی جهدیله اونی تشکیل و اتمام ایده بیلیر و ایتلیدر . بو جهدک اساسی انسانک ثابت مبدألره ، دستورلره کوره حرکتده بولونماسیدر .

مادام که تربیه اخلاقیه نك غایه سی « سجیه » نك تشکیلدر . و بونک یولی ده ثابت مبدألره ، دستورلره کوره حرکت ایتمکه جهد ایلکدرد ، شو حالده چوجوغه و یریه جک تربیه اخلاقیه ده اونی بویله ثابت قاعده لره کوره حرکت آلیشدیرمق لازمدر . شبه یوق که مباح اولان شیلردن برینی ترجیحده چوجوق سر بست بر اقیاییر . آنجق بر کره بر فعلی قبول ابتدکی دستورک ایجابی اولارق ایفا ایدنیجه آرتیق او قانونه ، او دستورده رعایت ایلکی بیللمیدر . یوقاریده سوبلدیکمز وجهله اطاعتک استهداف ایتدیکی غایه ده چوجقده بویله بر « سجیه » وجوده کتیرمکدر .

هر نوع اطاعت منزه از تجزیه ایدیلیدر . چو جو غه و بریله حث حرا مادی و معنوی اولوق اوزره ایکی قسمدر . مادی جزا چو جو غی آرزو ایستدیکی سیردن محروم ایتمک و یا مثبت برألمه معروض بیر اقمقدر . معنوی جزا ایسه تقیید حده اولدیجی کی چو جو قوده کی عزت نفسه استناد ایلر . چو جو ق معنوی جزا دن آکلایه جق سو به یه کنجه آرتیق مادی جزا له عمل ایدیله ملیدر .

تدریجاً وظیفه یه انقیاد شکله کیره حث اولان اطاعتدن سو کرا فیلسوف چو جو قوده دو غرو لنگ انکشافه اهمیت ویریور . مالاً دیور که « چو جو قوده سجه نك تشکیلمده اطاعتدن سو کرا اهمیت و بریله حث حبه دو غرو نمدر . فی الحقیقه دو غرو واتی سجه نك ناشلیجه اثری، الاصلی وصفیدر . یالان سویا یی بر آدامه سجه یوقدر . اگر اونده انی بر حال ، انی بر حرک کورولورسه اوسجه سنك دکل، مراجنك محصولیدر . چو جو ق قدرده اکثریا یالان سو یونك بل و انهما کی کورد نور . یونك اك مهم سیخیله لرینك دائمی فعالیتده بولونما سیدر . ابون ، بالخصه آنه ر بو صورته سو یوه دن یالانه اهمیت ویرمزلر . فقط مربی دقت ایتملیدر که ایلب اول چو جق میخله سنك فعالیتدن انبعث ابدن یالانخیلق بر اعتیاد سکنی آما سین . بالانخیلقه قارش یی بیلاجق جزا بالخاصه « ساب حرمت » اولمالیدر . کنج یاسده چو جو ق قدرک ، و حنه حیثت اسمانیه حسنی حث ایتمک اولنری یالانخیلقدن وقایه ایتمک، مداهنه و تدبیر قورتارمق ایچون - انی چره -ر . حیثیت سخویه سندن ماعدا چو جو غه ده اکنج یسند ، آخرک حثوقه رعایت رومی ده تلقین ایدملیدر . بو صورته سجه نك اوچونجی وصفی اولان « اجتماعیه Sociablté ، قابلیت انکشاف ایدر . یونك ایچون بالخاصه چو جو قدرده حسد ، نند راجق خاریدن توقی لازمدر . دائماً خاطرده طو تمالیدر که فنا صورتده تطبیق ایدیله حث غبطه ده قولایاتله حسد تولید ایابه بیلیر .

چو جو غی خیر خواهلغه آلیشدیرمق ایچون علو حنا حسنه ستاد اتدیرمکده فائده یوقدر . ذاتاً چو جو قوده بو حس موجود دکلدر . به عکس آخریه احسان ویا دیمده بولونمی چو جو قدره وظیفه اولارق تاقین ایلملیدر . چو جو غه آکلایاتلیدر که کندیسک دیگرلرندن انی کینمسی ، انی یه مسی ، ا حاصل راحت و مسعود اولمسی بر چو ق و دیع و تصادفلره مدیوندر . بناء علیه دیگرلری ده سعادتدن عیبی صورتده حصه یال اولمغه حثقلری واردر . اونك ایچون فقیرلره معاونت ایتمکله محبور و مکلف اولدیغیز وظیفه یی یاییور

خلاصه سوزلری فکرلرینه اویان، حرکتلری سوزلرینه توافقی ایدن، بوتون حرکتانی بر مبداه، بر دستور و توافقی ایلین کیمسه سجیه صاحبیدر. بوکیلره اعتماد اولونور. سجیه دن محروم ایلن کیمسه کندینی بر «شی» حالته کتیریر. ناسقه لری کندینه اعتماد ایتدکدن ناسقه کندیده نفسنه اعتماد ایده مز. چونکه ناصیل حرکت ایده جگنی کسیدره مز، عادتاً اختیارینی تصادفلره ترک ایتمشدر. بو حاله دوشمه سی ایچون چو جوقده یوقاریده سویلدیکمز طرزده سجیه تشکیلی تربیه اخلاقیه نك اساسیدر.

قانت، مکتبلرده اخلاق تدریسنه فوق العاده اهمیت و بریور. بوندن اولکی قسمده فیلسوفک فضیلتک ناصیل تدریسه محتاج اولدیغنه قانع بولندیغنی سویلشدک [۱]. قانت، اخلاق و حقوقک تدریسی لزومنی «عقل عملینک انتقادی»، «فضیلت نظریه سنک مابعد الطبیعی مبادی» اولاسی، نده اوزون اوزادی به آکلاتدینی کبی بوصولک ائرده تدریس ایدلمسی لازم کلن بر «اخلاق علم حالی Catéchisme moral» نمونه سی ده علاوه ایلشدر [۲].

قانت، فضیلت قاعده لرینک، هانکی شی حق، هانکی شی ناحق اولدیغنک تدریسنه اهمیت و یردیکی ایچون ساده ده کئنجلرده اخلاق حس و هیجانک اویاندر یلماسینی کافی کورمه یور. بلکه چو حوقلرک اخلاق موضوعلر نده محاکمه قابلیتی اکتساب ایلجه جک وجهله یتیشدیر یلمسی ایسته یور. اونک ایچون مریبنک النده بر «اخلاق علم حالی» نك دائماً بولونماسنی، بویله جه وظیفه نك تدریسی الزم کورویور.

دیگر جهتدن بو اخلاق علم حالی مختلف زم'نلرده، مختلف مملکتلرده کچن رجالک ترجمه حالدرله توصیف ایدلمیدر. بو صورتله اونلرک حرکتیله رمانزده کی اعمال آراسنده مقایسه بابیلیر. مریب بو طرزده چو جوقلرده حرمت و تقییح اعتیادینی اویاندریر و اخلاقیلانی ایچون بالذات چو جوغه بر آلت مدافعه ویرمش اولور.

خلاصه مادام که انسانلر اخلاقی حرکتلرنده مبدألره کوره حرکت ایدرلر، او حالده چو جوقک ذهنته کنج ایکس او مبدألری حک ایتلیدر. تعمیر آخرله چو جوق حرکتک قانونلرینی کندی کئندنده بولمغه آیشمالی، بو صورتله دیگر انسانلردن واللهدن قورقمق یرینه کندی وجدانندن قورقمق، ناسقه لرینک کندی حقنده کی فکرینی دوستونمکدن زیاده بالذات نفسنک حیثیتی فکرینی اقامه ایلمایدر.

دوقوزنجی قسم

مابعد الطبیعیۃ عاداتک تنقیدی : فلسفۂ تاریخی

حقوق و فضیلت نظریه لرینه دائر یوقاریده ویربان ایضاحاتی دائمی صلح پروژه سیله،
 تربیه حقنده کی مطالعه لرله بیرلشدیرنجه قانک بشربنک آتیبی حقنده کی ایمانی، نیکیینی
 کوروشی تظاهر ایدر. فی الحقیقه فیلسوف ایکی نوع ترقی یی ممکن بولویور: بر طرفدن
 متمدن ملتلرک بر صلح ائتلافی وجوده کنیرملری صورتیله حقوقی، دیگر جهتدن فردلرک
 تربیه سیله اخلاقی ترقی یه دوغری کیدیله بیله جکنی قبول ایله یور. آنجق بوترقی زمانمزه کی
 «تکاملیه» مسلکی اربانک قبول ایتدکری وجهله تدریجاً و میخانیکی صورتده، یعنی
 صناعی مدینت (Civilisation industrielle) اوکنده میلناریزم و وحشک اورتدن
 قالدقاسی طرزنده ایضاح ایدیله مز. بالعکس بشریته وجوده کلن ترقی میخانیکی دکل
 هر فعل اخلاقی کی جهد و اراده محصولی اولارق وجوده کلیر. دیگر جهتدن «وظیفه» کی
 «ترقی» نک وجودی ده بالتجربه بیله مز. هیچ بر وقعه، تاریخک هیچ بر دوری
 بشربنک معنأ، اخلاقاً انکشاف ایتکده اولدیغنی و رجوع قابل اولماق اوزره ایلرله جکنی
 میدان قویا ماز. ترقینک وجودینی بالتجربه بیله مزسه کده «امر اخلاقی یه» استناداً عقل
 انسانلرک بوانکشافی تسلیم ایدر. یونک ایچوندوکه ترقی منھومی اعماللرک بر موضوعه
 Postulat سیدر.

ترقینک وقوعی حادثادن چیقاراماقله برابر فیلسوفلر بالنظریه الده ایتدیکی مفھوملری
 تاریخک وقایعه باقهرق مراقبه ایتمکدن استنکاف ایدیله مز. ناصیل فلسفۂ طبیعه ایله فیزیکک
 قبل مبادیلرینی مابعد الطبیعی بر تحلیل ایله بولدقن سوکرا نیوتون فیزیکنک اصولی
 دائره سندو بو مبدلرک تجربه یه تطبیق ایدلمسی لازم ایسه معنوی ساحه ده قبول ایدیلن
 مفکوره لردن مشخص وقایعه اینک، اختیاریمزک تاریخی حادثات میاننده ناصیل تجلی
 ایتدیکنی آرشدیرمق اولویتله لازمدره قاندها انتقاد دورندن اول منظومه شمسیه لرک،
 ارضک تاریخی اولدیغنی ادعا ایتمش و اونک باشلیجه صفحه لرینی ایضاح ایتشدی [۱]

ارضك ، احرامك تاریخی یعنی انكشافی اولونجه اولوبته انسانیتك تاریخی ده واردر . بوناریخ بزه انسانلرك مختار اولارق یابدینی عملاری توصیف ایده بیلیر . واقعا وقایع تاریخیه ی اداره ایدن بسط میخانیکي دستورلر ، ضروری قانونلر آرایاجق اولورسوق بولاماز . آنجق تاریخندن بعض طبیعی غایه لره متوجه تمایلات واستعداد سزیه بیلیر . ایشته بوغایه وتمایلاری وقایعده تحری ایلک « فلسفه تاریخی » تشکیل ایدر .

عرقلر مسئله سی

ا کر انسانیتی بك ظاهر اولان بذه وسجیه فرقلرینه رغماً تك بر نوع عدایتیه بك اولورسوق نه بشریتك عمومی ترقی سندن بحث ایدیله بیلیر ، نه ده یوقاریده سسویلدیكمز طرزده بر فلسفه تاریخی پاپیلارق انسانلرك استعداد طبیعی سی ، متوجه اولدینی غایه اورته یه قونابیلیر . بناءً علیه انسانلر حقیقی بر نوع تشکیل ایدرلر . اون سكرزنجی عصر ك اك بوبوك طبیعیات علمی بوفون « بر نوع حیوانی اوکا دیرلر كه افرادی یكدیكریله ازدواج ایدنجه مبدول ذریت وجوده كتیره بیلیر » دییور . نوك ونعریفنه نظراً بشریتك تك بر نوع تشکیل ایتدیكینه شبهه ایدیله مز . انسانلرك بویله تك بر نوع وجوده كتیرمسی آنجق برمنشأدن كلش اولدقلرینی قبول اتمكه ایضاح اولونابیلیر . بشر بویله بر منشأدن توره مش احفاد اولدقلرینه نظراً اونلر یالکز بر نوع دكل ، عاداتا بر عائله تشکیل ایدرلر . عینی عائله افرادی آراسنده بر طاقم اوصاف میزه بولونابیلیر و بونلر وراثته احفاده انتقال ایلر . بو وصفلر بر قسمی زمانله ، یاخود تصابلر ایله سیلنه بیلیر . فقط بر قسمی بر برلریله تركب ایدر ، تصابلرله اینجه لیر ، و غیرقابل ازاله اولور . بوسوك فرقلر (عرقلر Races) ی تمیز ایدن وصفلری تشکیل ایلر .

دردت نوع عرق بشر واردر : ۱) ابيض ، ۲) اسود ، ۳) هندو ، ۴) مونغول عرقلری .. آمریكانك اهالی اصلیمسی بوسوك قسمه داخلدر . بودردت عرقك جغرافی توزعی ارضت اساسلی دردت اقلیمه اصابت ایدیور . بو حال کوسترییور كه عرقلرده کی شوع بالخاصه خارجی کیفیات عضویه تك ، ازان جمله دیرلرك دنكنك شرائط اقلیمیه تطابقندن تولد ایدیور . مثلاً صوغوق و یابس اقلیمده یاشایان انسانلرده قانك محافظه حرارت ایده بیلیمسی ایچون دوران دمك سریع اولماسی ، بناءً علیه بویلرك قیصه بولونماسی لازمدر . بویله

برده یاشایانلرده کوز قایاقلری قارلرک رؤیتنی یورمامق اوزره صیق صیق قاپامغه مساعد اولور . بو توصیفات مرکزی آسیا یایلارینک شرائط حیاتییه-سنه فوق العاده انطباق ایدن موغوللرک انموذجنی بزه طائیدریر . حبشلر ایسه بالعکس صاچلرینک قیورجیقلی، اوزون بویلری، مبذول ترلریله منطقه حارمک صیجاقلغنه مقومت یایله بیامکه الک مساعد برحالده در .

مع مافییه بوتخولات یالکز محیط خارچینک میخانیککی تأثیراتنه مدیون دکدر . محیطک تأثیراتی عارضی وکیمی برتحول وجوده کتیریر ، فقط قطعی وارثی برسجیه توایداتلر . تعیر آخرله اقلیمک انکشاف ایتدیردیکي انسانلغه مربوط بر استعداد ، بر رشیم قبولی ایجاب ایدر . اقلیم ساده حه انسانده موجود غایتک برآلتی اولمشدر . یعنی حیاتده برغایه، برهدف وارددر محیطه انطباق اونک نتیجه سیدر . اقلیم آنجق بر واسطه اولابیلیر .

قانتک عرفلر حقنده کی بونظریه سی (دویمچهره مرکور Deutcher Merkur) مجموعه سنده فورستر Forster طرفدن شدله تنقید ایدلمشدی . بو طبیعت عالمی انسانک وعلی الاطلاق حیاتک تکیوتنی هر نوع غایت ملاحظه سی (Finalité) برطرف ایلهرک شرائط ارضیه یایله ایضاح ایدیوردی . بوفرضیه نک نه قیمتی وارددر ؟ بالخاصه حیاتی وعضوتی ایضاح ایتمکده غایتدن تماماً فراغت ایلدیلیرمی یز؟ قانت عینی مجموعه ده « فلسفه ده غایت مبدآنک استعمالی [۱] » ، عنوانی طاشیان مقاله یایله بو سؤاللری تدقیق ایتدی . بومقاله فیلسوفک حیات فکریه سنده اهمیتلی برمرحله تشکیل ایدر . فی الحقیقه ایلاک اول بو مقاله ده درکه « غایت » فکرنی فیلسوف درین بر صورتده تدقیق ایدیور . بو تاریخدن ایکی سنه صوکر ، « حکم قوتنک انتقادی » [۲] نده ، غایت مسئله سی حقنده کی نظریه سی تثبیت ایتدی . بوخصوصده کی فکرنی واثیرنی تحلیل ایدرکن آکلانا جفز [۳] فوستره جواب ویرمک اوزره یازدینی بومقاله ده مآلاً شویله دییوردی : بنفسه تکیون « Génération spontanée » فرضیه سی حد ذاتنده معناسز دکدر . شوقدرکه بونظریه قابل اثبات اولمادیفی کبی معرفتمزک شرائطیلده قابل تألیف دکدر . فی الحقیقه برطرفدن ذی حیات موجوداتک تعضونده آهنگ کوروپورز . ذی حیاتک هر قسمی هیأت عمومیه سنک ، یعنی حیات

(۱) کتابیاتده ۴۷ نومرو یایله کوستربلن اثر

[۲] کتابیاتده ۴۸ نومرو یایله کوستربلن اثر

[۳] بوندن صوکر کی قسمه باؤکیز .

دینان کلت بقا وانکشافه خادم بر واسطه در . دیگر چپیدن تجربه بزمه کو-تریسیور که بزده کورللیکی، خیری ابداع ایلین اراده مزدوده معین غایه لره متوجه بر قدرت فاعله وارد در . بقاء علیه دی حیاتی بوبله بر غایه به متوجه اولاحق وجهله اعضوایتدیر مک قدرت یعنی تربیت و علمی ایجاب ایلین بر اقتداری ماده یه عطف ایده یه حکمگز کی دی حیاتک مجربه سندن چیفار دیعمر عاتید فیکرنی قبلی بر تصور عدایتک کی افراط در ده توفیق ایلین بر خلاصه اعضوی غایه ایله، ملت غایه ایله ایضاح لزومی انکار ایتیم ، فقط بونک صرف تجربی بر قیمتی ایلد یعنی قطعاً اونو تمیزلم . ماده جامده ده سراتک بداتة اعضوینی تأمین ایده حک قدرت فرض ایلین نه درجه یا کایش ایسه غایتی مانع اطبعی ساحده استعمال ایلک و بو مفهومک تطبیقاتی تشبیل ایتلده حطالیدر . [۱]

انسانیتده ترقی

تاریخ طبیعی انسانیتک عضوی منشائی ایضاح ایدر . معنوی عملارینک تاریخی ایسه اختیاری حائر بر وجود اولوق اعتباریله بسترینک تماماً و غایبی ملاحظه ایلر . نه زمان ، هانکی احوال و شرائط داخلده انسانک موجودیه معنوییه یه اسلامشدر؟ تاریخی و ثانی بو سؤاله جواب ویرمکی تأمین ایده مر . شیه قدر که تاریخی اولمه بیه منطقی بر استدلاله حریت بشریتک ایلا انکشافی حقنده تحببده بولونمق فابلدر . شوراسی حقیق که انسانلک حقیقی تاریخی ایلک حرکت مختاره ایله ناشلا مشدر . بوبله مختار عملدن اول انسان تماماً دیگر موجودات طبیعییه کبیدی . یعنی اونلر کی طبیعی قانونلره ، سوق طبیعییه منقاددی . یالکیز طبیعتک ویردیکی و وسائلطنی ده تماماً وجوده کتیردیکی احتیاجلری دوباردی . بو حالده انسان محیطله حال تطابقده بولونوبور، یعنی نه احتیاجلری وار ایسه طبیعت اونو تأمین ایدیوردی . بو وضعیتده انسان مسعوددی ، معصومدی ، بوتون احتیاجلرینی تأمین ایندیکی ایچون دنیا اوکا برچتندی . [۲]

[۱] اونجی قسمده فیلسوفک غایت حقنده کی نظریاتیه بایمکیز و بوراده کی مکررله مقایسه ایدیکنز .

[۲] انسانلکک مبدا ی حقده کی تخمینلره نووینک ترجمه یی Introduction à la philosophie

analytique de l'histoire ۲۳ الح .

فقط انسانده بالا خره عقل و اونکله برابر اراده اویانمغه باشلادی . اول امرده انسان مختلف مواد غذائیه آراسنده کی فرقی طانییدی . بو صورتله کنديسنده موجود مقایسه و انتخاب قدرتی کشف ایتدی . دیگر جهتدن انسان دقت ایتدی که جنسی شهوت آرزونک موضوعی اولان عضوک حجابيله اوزاندير يلابيلير . بويله جه لباس کشف اولوندى ، عینی زمانده « ناموس و حیا » حسی اویاندى . مخيله يالکيز حالى دکل ، استقبال اندیشه سنده تولید ایتدی . انسان تفکر سایه سنده يالکيز احتیاج حاضری دکل ، کله جک فئالقلری ، تطمین احتیاج ایدم جک غدارک تدارک ایديله مسمی احتمالی ، عمرک نهایتی اولان اولومی تخمین ایتکه باشلادی . وقتا که انسان بوسائيله مثلا قویونلرک یوکنی کندی ایچرن یارادیلش عد ایتدی ، اوزمان طبیعت اوزرنده کی موقعی ، کندينک اسیای طبیعیه ، موحودات سائریه رجحانی کوردی . فقط حیواناتی غایه سی ایچون بر واسطه عد ایتدیکی حالده همجنس لرینک طبیعتک نمئلرندن کندی کبی استفاده ایتکه حقلری اولدیغنی مبهم بر صورتده سزدی ، اولنره دیگر طبیعی اشیاء و حیوانات کبی معامله ایدم به جکنی آکلادی .

انسانک حیواندن کندينی تمیز ایدن ایلک تشبیلری بونلر اولمق لازمدر . بوتون بو حرکاتک وصفی عقلک ، اراده نك نظام طبیعی به قارشی سرکشلیکی ، غرور انسانینک اشیانک تحکمه قارشی عصیانیدر . بونک ایچون دینه بیلیرکه انسانده کی حریتک ایلک جهدی طبیعت ایله انسان آراسنده تام وحدتک قیریلسی ، ایلک حیات معصومانه دن کندينی اسقاط ایتسی ، بر نوع آهنکلی ، مسعود حیاندن سقوطی ، خلاصه طبیعته قارشی ایلک اصلی کناهه جراتی اولدی . بو اعتبارله درکه روسو طبیعی حیانک بساطت و کوزللیکی ایله مدنی حیات آراسنده کی فرقی کوستر مکده و بوتصاددن تولدایدن فئالقلری اراده ده حتی واردی .

مع مافیه ایلک انسانک طبیعتدن آیریلق صورتيله یابدینی بو خطا چوق ایی اولدی . چونکه بو هبوط ، بوکناه فئالک منشأی اولمغه برابر دنیایه یاشامق زحمنه دکر بر چوق نعمتلرده ، ایلدکارده ادخال ایتدی . بر کره انسان طبیعت قانونلرینه قطعاً مربوط اولمادیغنی آکلانجه عقل استعدادلریمزی انکشاف ایتدیرمکه بزى سوق ایلدی . بو صورتله تولد ایاین یکی یکی احتیاجلرله مساعی و زراعت وجوده کلدی ،

تمکن حیاتی باسلامادی. بونکه اراضی اوزرنده ملکیت تأسس ایلدی. انسانلر طولی حاده یا شامغه باسلامادیلر کوجه آوجیلرد قارشی مالکیرنی محافظه ایچون قصبه لر یاپدیلر. اووقت اجتماعی حیاتک نعمتلی، آسایش، عدالت، صنایع و حوده کلدی. واقعا ابتدائی جمعیلرده حرب هنوز دائمدیر، مانلرده یکدیگریله بعضاً محاربه ایلکده درلر. مع مافیه حرب قورقوسی بیله حکمدارک مالکیتک داخلی اداره سنده حریت بخش ایتیمی ایچون بر نوع تأمینات اولویور. چونکه محاربه ده موفقیت ثروت و صنایع عمومیه ده کی تکامله ناغیدر. بویه بر انکشاف ایسه حریتله ممکندر. اونک ایچون حکمدار ایلریده کی موفقیتی ایچون حریتی تحت تأمینه آلمق اضطرارینی دوبار. [۱]

خلاصه فیلسوفه کوره تاریخ بشر اختیارک ایلک اثری اولدینی کبی عینی زمانده متماًدیا اونک ظفری محسولیدر. بالاخره مورخ میشله نیک قبول ایتدیکی کبی قانت نظرنده ده انسانیتک تاریخی حریتک طبیعت تدریجاً غایبه سی ائیردر. فیلسوفک انسانیتک تاریخی فارسینده وظیفه سی وقایعک عمومی روشنندن عقل محضک قبل اولارق تسلیم ایده بیله جکی مفهومی استخراج ایلدکه چالیشماسیدر. عقل انسانک تماماً قواسنی انکشاف ایتدیرمسی، اختیارینک قوانین طبیعیه نیک تأییدن قورنارماسنی ایجاب ایدر. فقط بویه بر تکامل فردده تماماً حصول بولاماز. فرد اکثریا سوق طبیعیلرینک سکاریدر، بیوده و خودکامانه مجادلات ایله عمرینی کچیرر. فقط مکونات مغویه نیک بر کپله ری، بر نیوتونی فردلرک قاریشیق مجادلاتی شکلنده تظاهر ایدن وقایع انسانییه و تاریخیه آراسنده طبیعتک ده ای بی استهداف ایدن یعنی حریتک طبیعتندن استخلاصنه توجه ایلین بر لانی نی کشف ایده مزمی؟ باسقه بر تعبیرله ناصیل بر کپله ر، بر نیوتون قاراشیق طبیعی حادثات آراسنده بسیط قانونلر بولمشلر سه بر طاقم خودکامانه مجادلات، محاربات شکلنده تظاهر ایدن تاریخدن ده ای بر نظامه متوجه بر فعالیت سزده مزمی؟

بو نقطه نظرندن وقایع تاریخییه باقینجه انسانلر صیق اورمانده کی آغاچلر بکزه یورلر. بویه اورمانده هر آغاچ سربست هوایه و ضایه قاووشمق ایچون یاننده کی آغاچی آشمغه جهد ایدر. بویه اولدینی ایچون دیگر آغاچلرله کندی آراسنده منافع تضادی وارددر. فقط بوتضاد اورمانک انکشافه یاررار. بونک کی انسانده وحدت ایستیمور، فقط ده مدبر اولان

واقعا ماضی کے حادثات پر واقعہ نا بخیرہ اولیائی اعتباراً بدلتا ملاحظہ اولوئے رسہ حر دنا، معینہ نامدر، قسمتی، دشی ملاحظہ اولوئے رسہ انسان معنویت اثری اولیائی حیا بلکہ طرہ آماج ختمی اثرید، [۱] ترقیات منبغی و هدفی انسانک صرف معنوی اولان طرہ مقرر کرد، ناشقه بر تعمیل ترقیات هدفی اختیار د، اولنک اثر لرنده کوره بیایز، نظام طبیعی واسطه سله نظام اخلاقینک تحقیقی طلب بر مفکوره درک عقل بویست تعین امر، انار، کنت کیده بو هدفه تقرر ممکن اولاجغنی اورته به قویار، رقی ایته بو مرکز عمده ایدر، فقط هیچ به تجربه بو هدفه استحصال ایدمش اولدیغنی، بو نظام اول ایدل یکنی کوسه نر منر ترقی عاداد ریاضیه کی (خط شتاب Asymtote) د بکنر که ناسدو سوزید، ناید، ارمیکه موجه اولانی حلاله بر تورلو بوکا واصل اولاد، دیگر جهتدن دون تری فردی اداور اتمکدن زیاده جس لسی فوق ایلر تاریخ ببات نحو، یله، یمن السایب انبیا، حریک طبعیدن استخلاصه متوجه سدا دیله یلیر، فرد آشتی نارشک هات سمومیه سده، انسانیته منتسب اولیائی سدا یله نظام اسلامینک تحمیله مکنادر.

ترقی بویست بر مفکوره اولدغه کوره دایبایر می که ساده به نر بر «امید» Esperance صریح ماضیه و مرآت وجود، بر سهک تاریخ تحقیقاتش «توق» ملائمتی کوسه مر می؛ فی الحقیقه ترقیه روحی حقیقی بر سهک آیدل یله، ناشقه بر اهرله انسانینک طبیعتدن کشدنی ورتار دوق نایسنا دوعضی کشدنی دتر وفایده بولاجمعز الباقوق ایز نر ایچون حوق قیمتی اولور، حوسه سایدو بزدن صراکی اسلک بوسیبری تسریع ایدرک چوق دها این دویلر ادرال، ایدیلله حنارینه فاعلایش اولور، تعبیر آخرله ذویع آراسنده بولاجمعز علامت تریست بر غرضه دلالت ایدیبور سه اولده انسانیت هدفه بری تقریر ایدم حنک یوید سر غنله اوله مکت انسانک یه اقدار دیمک اولور، رقبینک ایزنی، علامتی ایسه رقوقانده تاریخده بولا بیایز، فی الحقیقه دولتلر آراسنده موارنه بوکون اوصورتله تأسیس ایتشدر که هیچ حکومت قدرتشدن وخارج وارتنی نفوذندن فراغت ایتدیکه ممالکت داخلنده مدنیت و عاقل اهل یایه مر، دیگر جهتدن سنا یع و تجارتی، حتی دولتک قوسن صغره دوسو مکسزین سیاسی حریته تجاور ایدلایز، کذلک دها سیمیندن حنک ممالک ناشی دوسو نیلرک دولتلر ایلرنده کی اختلافک ر قسیمی ایچون [۱] اختار حقنده قانتک فکرینه بایکیز، صفیه ۲۱۸ الح.

حکمه مراجعت ابتدکارینی کورمه یورمی یز؟ بوتون بونلر آوادیغمز ترقی ایزلری دکلیدر؟ فیلسوف ایکنجی فره دریق دور حکومتنده بو اعتبارله ترقی آناری کورویور. « تسامح (Tolérance) ی رد ایتین منور بر حکمدار زماننده یاسایورز. « دیبور. واقعا زمانی عقلک تماماً حاکم اولدیغی، هرتورلو تاثیراتدن قور تولدیغی ردور عد ایتیمور: « هرطرفدن دوشونمه ییکزدده نیلیدیکنی ایشیدیورم؛ ضابط دوشونمه ییکز، فقط قوماندانک امرینی یاییکز، مالیه ناظری دوشونمه ییکز، وپر کوکزی ویریکنز، راهبر دوشونمه ییکز، اینانیکنز دیبورلر. « سیاسی حریتک بویله نمحیده تابع اولماسی اجتماعی انضباط ایچون ضروریدر. آنجق حریتک تحدید ایدیه میه جک اولان برشکللی واردرکه اوده، عموم ایچون استعمالی حالیدر، یعنی مدرس ومعلمک، الهیات منتسبنک، یاخود علی العاده فردنک برعالم صفتیه قارئلر، سامعلر مواجهه سنده حریتی قولانا بیلمسی، خلاصه فلسفه، دین، حقوق ساحه سنده کی تفکراتنده تماماً سربست اولماسیدر.

ایکنجی فره دریق ایشه بو حریتک اهمیت ولزومنی ادراک ایتمشدر. حالبوکه چوق آز کیسه بونوع حریتک تأمین ایلیه جکی اییلکی تقدیر ایده بیایور. برکرده سربستهجه تفکر توخومی ایلدیغی، آرتیق اوکوچ ده اولسه یاواش یاواش انکشاف وتره ایدر. بو حال بزم ایچون نمحدود ترقیه دوغری براسارندر. اونک ایچوندرکه فیلسوف ایکنجی فره دریق دورینی تماماً تنور ایتمش Anklärung برعصر عد ایتمه مکله برابر عرفانه متوجه Angeklärt اولدیغی قبول ایلیه بیلیور. چونکه بو عصرده عرفانک یاییله سانه دوغری فعالیت باسلامشدر.

ایشته بووقعه لر اسناداً درکه فیلسوف (۱۷۸۴) ده اینی بردورک حلوانه انتظار ایتمکده کندینی حقی بولویوردی. بوندن اون درت سنه صوکرانشر ایتدیکی « فاکولته لر آراسنده نزاع » [۱] عنوانی طائیان اثرنده فرانسز انقلاب کیرینه اشارتله شو سوزلری یازدی: « اوقدر زنکیکن موهبه لرله مفظور برملت کوزومزک اوکنده بویوک برانقلاب یاپبور. بو انقلاب موفق اولور، یاخود اولماز، اوقدر سسفالترلی، اوقدر مصیبتلری انتاج ایده بیلیرکه حرکاتنده موفق اوله جنی تأمین ایدیلن برشخص عاقل آرتیق بو قدر فداکارلق مقابلنده تکرار بویله برتجربه یه کیریشمکه قرار ویره مز. بویله اولقله برابر بو بویوک اختلال اوزاقدن شاهد اولانلرک قلملرند موقیت تمیسیله مترادف کوکلدن دوغمه برتمایل اویندیریور. »

[۱] فیلسوفک بالذات نشر ایتدیکی صوک اثریدر کتابیانه ۷۰ نومرو ایله کوستریلن اثر

فرانسز اختلال کیری حقنہ مشاهدہ لک قابلہ نہ بویہ حس و هیجان اویانا جغنی - بویہ مک اوصیاده تہلکہ سز دکلدی . قانت بونی بلا پروا یازدی . فیلسوف نظر نہ انقلاب کیرک قلبردہ اویاندیردینی بوتایل بالذات اختلالک وقوعی قدر معنیدارد . چونکہ بویہ جانک علی فیا سوفک نظر نہ انسا لک بسلدیکی شو ایکی مفکورہ در : برکہ هیچ بر اجنبی دولت بر ملتک استہدیکی شکل حکومتی ترجیح ایتسنہ ثمانمت ایلمہ ملیدر . ثانیاً جہوریت اساس و مابہیتی اعتباریلہ تجاوزی حربک اوکنی آلمغہ و بناء علیہ انسا نیک غایہ اخلاقیہ سنی استحصا لہ ، خلاصہ منی طرزہ اولسہ بیلہ ترقیات انسا نیہی تأمینہ اک زیادہ مساعددر . بویکی فکر در کہ فرانسز اختلالی خارجدن مشاہدہ ایدن لک قلبردہ تمنی محبتکارانہ اویاندیر یور . دیمک اولویور کہ انسا نیت بومفکورہ لک تحقیقنی یستہ یور . چونکہ جقیقی ہیجان مفکورہ دن ، تمامیلہ اخلاقی غایہ و فکر دن تولد ایدہ بیلیر . نہ معالی عسکر نہ شرف ایچون مجادلہ ایدن محارب اصیلزادہ قوتی حق ایچون مجادلہ ایتدیکنہ قانع اولان بر ملتک غلبانی قارشیسندہ غالب کلہ من . انسا نیت تاریخنہ فرانسز اختلالنہ قارشی حصولہ کلن محبت هیچ اونوتولما ملیدر . چونکہ بوحال طبیعت بشریہ دہا انی یہ دوغری تمایل ایتک قدرتی بولوندیغنی کوستریر . بو اقتدار انسا ندہ حربت ایلمہ طبیعتی برلشدیر یور . فرانسز اختلال کیری بر فکرہ ، بر مفکورہ یہ خادم اولان حسیانک قابل مقاومت اولما دیغنی بزہ کوستردن فوق العادہ بر وقعہ در .

بونک ایچون فرانسز اختلالی فیلسوفدہ یوکسک برامید ، یوکسک بر ہیجان اویاندیر مشدی . بالذات کنندینک طبع ایتدیردیکی صوک کتاب اولان « فاکولتہل آراسندہ نزاع » دہ فیلسوف بوتون امید و ہیجانلرینی اورتہ یہ قوبدقن صو کرا شو - سوزلری دہ سویلیور : « ایشته کھانت ادعا ایتمکسزین زمانہ زدہ وجودہ کلن تظاہرات و علائم مبشرہ یہ استناد دیبہ بیلیم کہ انسا نیت غایہ سنہ دوغری کیدیور . یعنی حق اساسنہ مستقداً دولتہل آراسندہ مناسبت تأسس ایدہ بیلہ جک و بوحال بردہا رجعت ایتمک اوزرہ ترقینک مقدمہ سی بولونا جقدرہ .

قانتدہ بونیکینلک ، بوامید جوق قوتلیدر . . فیلسوف بوسطرلری یازالی یوز اوتوز سنہی کچمشدر . بالذات یاشادیغمز شو دوردہ بر ملتک قلبندہ دوغان حق ، استقلال ہیجانی اجرتلی عسکرلہ ، شرف ایچون مجادلہ ایدن اسکی اصیلزادہ قوتلریلہ قیاس ایدیلہ میہ جک درجہ دہ تخریبکار اولان طوب و طیارہ یہ رنما سوندریلہ میہ جکنی اثبات ایدن وقایع کوردک .

استقلال حربىدە بۇنىڭ كىم شەھىدى و عالمى بىز تۈركلەر اولدۇ. دىكر جەتەن بىر چوق خود كا مچە
 املارى كىزلسە بىلە انسانىتىك حربى مۇمكىن مرتبە آزالتمق حەقنىدە كى تىمالى قاويسىنىدە دوغۇشمە
 بىكۈزە بىر « جمعيت اقوام » فەكرى وار. فقط بوتون بونلر انسانىتىك ھەدقە دوغرى رىكىدىشمىدۇ؟
 بۇ كامىت جواب وىرمەسەك بىلە بۇلە برايمان « انسانىت » مەفكۈرەسىنى حەقىقەت عد ايدىن
 ھەرقەسە ايجون دا يانا چاق كى اساسلى بىرمىنىدۇر .

پالەكۈز عىجبا بۇ كىدىش بىر غائىتىك نەتىجە سىمىمىدۇ ؟ بىرلانىك ايجابىمىدۇ ؟ ايجابى ايسە
 ناسال غائىتى علت طىبعىيە ايدە ، مىخانىكىتە تاليف ايدە بىلەرز ؟ بوسؤاللارە فىلسوفك وىردىكى
 جوابى شەمەدى تەدقيق ايدە جەمەز قەسمدە بولاجىز .

اوتنجی قسم

غایت وحسن

مکمل انتقادی

قانت کوزلک و غایت مسئله‌سی « حکم ماکه‌نک انتقادی » [۱] اسمنده کی اثرنده تدقیق ایشدر . بو صورته دیگر قسملرده خلاصه ایتدیکمز ایکی انتقاده برده اوچنجیسی علاوه ایشدر . اولکی ایکی انتقادی او قودقدن صوکر ا صیرا « حکملرک انتقادی » نه کلنجه قاره بالذات قانتک چیزدیکی پلانده یری اولمایاں یکی بر اثر قارشینده قالمقدن متولد طبیعی بر حیرت حمی دویار . بر معمار دوشونکیزکه صورت ظاهرده بنایی اکیال ایلدکدن صوکر ا بر دنبره الک لازه‌لی اولان بر قسمی ، مثلا مردیوه نلردن برینی یاپنی اونوندیغنی کورور بو نقصانی تعمیر واکاله اوغراشیر . فقط بنانک ایلمک واصلی پلانده کی تناظر و صافی اخلال ایلدکجه بو اونودیلان قسمک اکیلی قابل اولماز ، معمار بو صوکرادن علاوه ایلدیکی پارچه‌نک دیگر قسملره تناسبی ، آهنگنی محافظه نه قدر چالیشسه ، نه قدر بوقسمی دیگر پارچه‌لرک اسلوب معمارینه توفیقه اوغراشسه آرزوچوق مهارتلی کوز درحال بوقسمک بر علاوه اولدیغنی ، دیگر پارچه‌لره آهنگدار اولاجق وجهله تأسیس‌نک بنانک یکی بر پلان اوزرینه تکرار یایلماسنه متوقف بولوندیغنی آکلار و تأسف ایدرکه معمار بوقسمی اونوتمش و صوکرادن علاوه ایدرک تناظری بوزمشدر . ایشه دیگر ایکی انتقاددن صوکر ا بو اوچونجی انتقاد ایلمک نظرده بو تأثیری بیراقیر ، دیگر ایکی بویوک کتابنه فیلسوفک مناسب‌تسز بر علاوه‌سی حالنده کورولور . نه ایچون ؟ بر کره کتاب یکنظرده قانتک دیگر ایکی بویوک انتقادیله تأسیس ایندیکی مسالک حقیقه نقصان قالان بر قسمی تلافی ایدر بر ماهیت عرض ایتمز ، مثلا « عقل محضک انتقادی » ن او قودقدن

[۱] کتابیانه ۴۹ نومرو ایل کوستیلن اثر

صو كرا ايكنجی انتقادى بکلیورسكز ، چونكه برنجی اثر ك تماملانی ایچون ایکنجیمی لازمدر . قانت ایلک استفادك برچوق یرنده بوايكنجی انتقاد اشارت ایلش « عقل محض » مستند بر فلسفه نك نه قسملری اولاجغنی کوستردیکی صیراده بوايكنجی قسم اثرلرینك یرینی اراثة ایلشدر . حالبوکه اوجونجی انتقادك احتوا ایلدیکی حسن وغایت مسئله سی بویله دکلدر . اوکا سیستم داخلنده بر موقع ویریله مشدر . دیگر جهتدن فیلسوف بو اثرینی دیگرلرینه قرابتی اولدیغنی کوسترءجك بر دنكده صوقامشدر . بالعکس بدیعیات وغایت حقنده بالاخره دوشوندیکی مسائل اولجه بلانی ترتیب ایتدیکی « عقل محض » منظومه سی داخلنه صوقامادیی ایچوندركه آز چوق صنعی تصنیفاتنه دیگر ایکی انتقاد بکزمه نکه اوغراسمشدر . فقط بو زورلامه ده اورتهیه قویویورکه فیلسوفك صوكرادن دوشوندیکی غایت وحسن مسئله سنی دهاسکی ن چیزدیکی مسلكینك بلانته بالاخره صوقه اوغراسمشدر .

فی الحقیقه قانتك طبیعت فلسفه سیله اختیارفلسفه سی آراسنده کی بوشلانی وبونك اوجونجی بر انتقادله تماملامسی لزومنی يك صوكراحس ایتدیکی المزده کی مکتوبلری و آناری تماملار ایلدر . کرچه بو اثرده تدقیق ایلدیکی حسن وغایت فکرنی قانت دهاسچوق اول دوشونمشدی . آنجق برانتقاد زمین اولاجغنی چوق صو كرا آکلادی ۱۷۵۵ ده انتشار ایدن « تاریخ طبیعی سما » [۱] سنك مقدمه سنده میخانیک عاتلرك آنجق عالمك تگوننی وعمومی قانونلرنی تعیین ایتمك فادر اولدیغنی وموجودات ذی حیاتیه ده کی تنوعی ایضاح ایچون (بر قوه ناظمه ومرتبه Force Organisatrice) نك تأثیرینی قبول ایلک لازم کلدیکی سویلیوردی . « عقل محضك انتقاد » نده [۲] غایت مبدأنك اسکی مابعد الطبیعیون نزدنده قیمتلی دستورلری اولان تجانس ، خاصه ممیزه و اتصال Continuité قاعده لرینی تنقید ایتدکن صو كرا بونلرك منشائی متعال Transcendental عد ایله یور وبودستورلری علممرك ناظم مبدألرندن اولمق اوزره قبول ایدیوردی . بناء علیه فیلسوفه کوره بودستورلر هیچ بر زمان طبیعت داخلنده یاپدیغمز تجربه لره تقابل ایلز ، بوتجربه نردن چیقار یلامازدی . بونلر ساده جه علممزه بر استقامت ، بروحدت ویرمکه یاراره باشقه بر تعبیرله بوقاعده لر بر موضوعی ، بر سیئك وجودینی ایجاب و تعیین ایلز ، بالکتر علممزی

تأماً مرتب بر حاله صوفی ایچون بمقیس ایجاب ایدن هدی اوانه ال . [۱۶] قانل و حاکم
 لاصراحتله دویچدرمارکو Deutcher merche شروع سنده فورستدره فارسی یاردی
 « فاسفده غایب مبداتک استعمالنه نادر » عنوانی طاشایان افلهده عینی مدنی المری به
 سورویوردی . بض طبیعت عالمی دهسا اورمان حیات عضوینک بوتون عتبارینی
 میحاسبی و قابل علم تانی ایدیه ووردی . فیلسوفه کورر خایر . حیات سفیریته عتباری
 نه تماماً میحاسبی ، ناده تماماً قابل عامدر . بر کره حیاتی حادثلر . میحاسبی انضاج
 کافی دکادر . دیگر جهندن معلوماً تمیزک انتقادله میدان حقیق اساسلرینه کورده (غایت
 Finalité) مفهومی عالم نسوسه تطبیق ایدیا من . چونکه بو منرومک آنحق تجربه
 باطنیه مزده بر قیمتی اولابیلر . طبعنده بر هدف ونابینک وجودی حقیقده نه مثبت ،
 نه منفی هیچ بر حکم ویردمیز . چونکه بو مفهوم تجربه دین اسرارچایدلما مشدر ، بر حسن
 حسی به تقابل ایله مه یور . نالکیز باطنی فعالیت مزده کی مایب بزم انزون قابل عامدر .

سوا ایضاحات کوسر یوردکه ۱۷۵۵ ال ۱۷۸۱ آسندده هادیمک اثبات مدنی
 فکری نصی (دوغماتیک) تاقیدن قورتولویور ، ۱۷۸۱ ال ۱۷۸۸ رانده مایب حقیقده کی
 فکری انتقادک اساسلرینه تماماً صادق اولویور . مع مایه « اوافق ارجا نزل نبات محمد » سی
 نظره آیره کر غایتک بر عات اومق اعصاریه فیلسوفک مسیحی انده پیکر و دیر قسم
 اسغال ایتدیکینی کورور و بالخاصه « حکم مانیکه سنک انتقاد » ده اورتاده تمایی صورتده
 مسئلهینی وضع ایتدیکي اولخه دوسونم دیکینی قولایاقله تخمین ایده بیلر سکر .

حسن نظریه سه کاجحه فیلسوف ایتما « انتقاد » ده نوکا بر موقع ویرمجن ساب احیان
 دوشونم مشدر . ۷ جزیران ۱۷۷۱ ده ، یعنی حسن حقیقده انتقاد دوزدن اول الماک اثری
 اولان « کورل وعلوی حیلری حقیقده مشاهده تر » اسنده کی کتابدن یندی سنه صوکر
 هرچه (Herz) یار ینی مکتوبده مأللاً تنویله دییور : « حسیات یله سمیت حدودی ،
 کوستره حاک بر اثر یارمی د شونویورم . بو اثرک بلانی دوقا ریتیک Phéne d' goût
 ماهیتی ، مابعد الطبیعه یی ، اخلاقی اعتبار المیه حکمدر . » بو مکتوبدر فیلسوف سادت
 ایتدیکي کتاب عقل شخص انتقادی ایدی . اون سنه صوکر آنتاب اشار ایتدن حالبرکه
 بو اثرده یازدیغی نوطده ذوقک انتقادی « Critique du goût » نه تماماً سالمی بر وصف

کتاب ایلک تخمینندن فضله کندینی مشغول ایتدی. اونک ایچون اثر مکتوبنده سویلدیکی زمانده انتشار ایدمدی. بونک مهم سببی اولجه یالکز « ذوق انتقادی » نى دوشونورکن شیمدی « حکم قوتنک انتقادی Critique de la faculté du juger » یازمغه قرار ویرمیدی. آرتیق ذوق انتقادی بونک بر قسمی اولاجقدی . ۱۷۸۹ مایسینده رایخولده یازدینی دیگر بر مکتوبده کتابک پلاننک بو صورتله دیکشیدیکنی واونک ایچون اثرک آنجق صوک بهارده جیقاییله جکینی سویلیوردی . فقط آلتش آلتی یاشنه کلش اولان اختیار فیلسوف بودفمه کی تخمینندده خطا ایتدی ، صوک بهارده کتاب انتشار ایلیمدی . رایخولده یازدینی باشقه بر مکتوبده اختیارلنک تولید ایتدیکى ضعفدن، یورغونلقدن شکایت ایلیمور ، بو اثرینی (۱۷۹۰) سنه سی پاسقالیه سنده کوندره بیله جکی امیدینی اظهار ایدیوردی. بوامیدده فیلسوف یا کیلامدی. کتاب اوزمان انتشار ایتشدی. خلاصه بومکتوبلرده صراحت میدانان قویویورکه قانت مسلک فلسفینک ایلک پلاننی چیزه کن غایت وحسن مسئله سنه بر یر ویرمکی دوشونمه مشدر . فقط بوکا رغماً فیلسوف اصرار ایدیورکه مسلک فلسفینک منطقی نتیجه سی بویکی مسئله حقنده بوصوک انتقاده اورتیه قوبدینی حکملری انتاج ایلش ، باشقه بر تعبیرله بو اوچونجی انتقاد دیگرلرینک بر نتیجه ضروری سی اولارق میدانان جقمشدر. رایخولده کوندردیکى مکتوبده صوکرادن مسلکینه ادخال ایتدیکى بوبحثک دیگر آثار بهیچ برتناقض وجوده کتیرمدیکنى علاوه ایدیور، حتی علممزک طرز لری، روحک قوتلری حقنده بایدینی تفریق وتقسیملرک اولجه تقدیر ایتدیکى بویکی انتقاده میدان ویردیکنى وانحاً آ کلامقله برابر اورتیه چقان نتایجک دیگر ایکی بویوک اثر به تعیین ایدن اساسلره تماماً مطابق بولوندیغنی سویلیمور . خلاصه فیلسوف نظرند انتقادک بو اوچونجیسی اولجه دوشونلمه مکله برابر دیگر ایکی انتقادک سوق منطقیسیله اورتیه چقان بر مبحث اولمشدر. قانت اوچونجی انتقادک دیگر ایکی انتقاده علاقه سی کتابک مدخلنده اوزون اوزادی یه آ کلاتیور . [۱]

(۱) فیلسوف «حکم قوتنک انتقادی» ایچون ایکی مدخل یازمشدر، ایلک یازدینی مدخل چوق اوزون اولدینی ایچون کتابه درج اتمه مش، بونک مسوده لرینی نالآخره اثر لرینی خلاصه ایدن بهق (Beck) ویرمشدی. صوکرادن بومدخلک خلاصه سی عمومیتله فلسفه حقنده (Ueber philosophie überhaupt) عنوانیه انتشار ایتدی . تیسسو (Tissot) بونی (Prolégomènes) ک نهایتده عمومیتله فلسفه حقنده عنوانی آلتنده فرانسیزجه به ترجمه ایشدر . کتابیائده ۳۱ نومروایله کوسترین اثر. حکم ملکه سنک انتقادنک فرانسیزجه ترجمه سنده یالکز فیلسوفک یازدینی ایکنجی مدخل وار .

اوجونجی انتقادك ديكر لريله اولان مناسبت وعلاقه سی نه در؛ عقل نظرينك انتقادی، «عقل عملينك انتقادی» ناصیل ونه ايجون بو اوجونجی انتقاده میدان ویره مشدر؛ شیمدی بوجهتله فیلسوفك او مدخلده ایضاح ایتدیكى طرزده خلاصه جواب ویرمك ایشجاب ایدر.

معلومدرکه دیکر ایکی انتقاد، یعنی عقل نظری ایله عقل عملينك انتقادی طبیعت ایله اختیاری، علم ایله عملی، مدرکه ایله عقلی یکدیگر نیدن تماماً تفریقه منجر اولمشدر. فی الحقیقه برجهتدن طبیعتك الك عمومی قانونلری مدرکه نك مبادیسنی تشکیل ایدیورکه بومبدائلر اولما نیجه شیئی یعنی کای و ضروری حکملر ممکن دکلدرد [۱] دیکر جهتدن عملی حیاتك مبدای عقلك اورته یه قویدینی اختیار Liberté مفهومیدر. نظری و عملی دییه تفریق ایلدی کمز بوايکی ساحه یکدیگر یله حال اشترا کده دکلیدر؛ حال اشترا کده ایسه ناصیل ونه یولده مشترکدر؛ بوسؤلله هرایکی انتقاد کافی جواب ویره مه مشدر. حالبوکه بوايکی ساحه بربر یله مناسبتده در. چونکه علمی اکتساب ایدن «Sujet» درکه عملك ده فاعلیدر. تعبیر آخرله تک بر قوت اولان عقلك نظری و عملی ایکی ساحه ده استعمالی وارد در. برنجی ساحه ده استعمالی علمی، ایکنجی ساحه ده استعمالی اخلاقی، عملی تولید ایدیور. هرایکیسنی وجوده کتیرن فاعل، قوت بر در، عقلدر. دیکر جهتدن بوايکی انتقادله آیردیغمز نظام طبیعی Ordre naturel ایله نظام عملی یکدیگری یاننده دوران و بربرینه موازی اولان ایکی عالم دکلدرد. بالعکس نظام اخلاقیك طبیعت اوزرینه مؤثر اولماسی لازمدر. چونکه وجدانك امری اراده نك، اختیارك طبیعت داخلنده تحقق ایتسنی، ده ها دوغریسی اونی تحقق ایتدیرمک کیمزی امر ایدر. مادام که امر قطعی و حقیقی اولان وجدانك یعنی قانون اخلاقیك طبیعت داخلنده تحقق ایتسنی لازمدر. شو حالده طبیعتده کی قوانین تجربیه اختیارك استهداف ایلدیکی غایه نك تحقق امکاتی سلب ایتيور. تعبیر آخرله قوانین اخلاقیه نك استهداف ایلدیکی غایه نك ممکن اولدیغنه ایساند بغمزه نظراً طبیعتده اخلاقی امرك حصونه کله سنك هیچ اولماسازه ممکن اولدیغنی تصوره مضطرز. قسماً بو اعتبارله دکلیدرکه فیلسوف عقل عملينك عقل نظری یه رجحانی Primauté ایکنجی انتقادنده [۲] اورته یه قویمش، یعنی طبیعتك نظام اخلاقی یه تابع اولماسی

[۱] صحیفه ۸۰ الخ

[۲] صحیفه ۲۳۳-۲۳۴

لازم کله حکمی کوستره‌شد . شوقدرکه بور ججان تحقق ایدیه‌یامک ، نظام اخلاقینک طبیعتہ انتقالی تصور ایایه‌ییلیمک ایچون بوایکی ساحینی توحید ایدیه‌جک بر مبدأک ، تعبیر آخره اختیاردن طبعته انتقاله واسطه اولاجق بر حد اوسطک بولونماسی اقتضا ایدر . نظام اخلاقینک نظام طبیعی به انتقاله واسطه اولان بوحد نهدر ؟

معلومدرکه طبیعت قانونلری عالیته مستنددر ، یعنی قوانین عالیته . ناشقه تعبیرله طبیعتده کی حادثه‌لری بر برینی تولید و ایجاب ایدیه‌جک وجهه یکدیگریته ربط ایدر . نظام اخلاقینک قانونلری ایسه ناییت قانونلریدر . یعنی اخلاق حرکاتی ارادته‌ک هدفه ربط ایدیه‌جک ایضاح ایدر . شو حالده طبیعتک نظام اخلاقی به ناصیل تابع اولاییله حکمی ایضاح ایدیه‌ییلیمک ایچون عالیته‌ده‌نه بولده نایع قیاییلیمک ایچون آراسیدر مقلعہ لارمدر . بونجری بی برده یاسیلیر ؛ ذهنک عایتی باله‌یه غایتیه تابع اولاییله حکمی تصور ایتمی حکم یاماسندن ناشقه برشی دکلدر . چونکه حکم اساساً بر فکرک دیکرینه نسبت ایدلیکی زمان اولد تابع بولوندیغی تصور و اعتقددر . بونک ایچون آنجق حکملری لایقیه تحلیل و انتقاد ایتمک سامه‌نده درکه عایتک ذهناً غایتیه ناصل تابع بولوندیغی آکلایاییلیز . مسئله‌نی بر اچاره‌دها آچیقجه ایضاح ایدم : عقل عمینک وضع ایتمیکی دستورک طبیعتده حاکم اولاییله جکمی دوشونمک ایچون کوستریورک بز عایتک غایتیه تابع اولاییله جکمی ذهناً تصور ایایه‌ییاور . بویله برفیل ذهنی ایسه « بر حکم » در .

اوحالده اختیاردن طبیعتجه حکمیایکی ایجاب ایدن حد اوسطی *moyen terme* آنجق حکملری تحایل و انتقاد ایله بولور . چونکه بوایکی ساحه آراسنده ناییت کورمک ایچون بر حکمله اولویور . بوبله بر حکم ناصیل ممکن اولورور ؟ سؤالنه جواب ویردیکمز زمان طبیعت ایله اختیاری برلشدیرن مبدأیه آکلار . ایشته بو مطالعه ایله درکه حسن وغایت مسئله‌لری فیاسوف « حکم قوتنک انتقادی » عنوانی آلتنده تدقیق ایله یور .

فقط بوراده تدقیق ایله جکمز عقل محضک انتقادنده موضوع بحث ایتمیکم حکملر دکلدر . معلومدرکه اوراده‌ده مدرکه‌نک قبل *à priori* قانونلری بولمق ایچون ذهنک وجوده کتیردیکی حکملری تحلیل و انتقاد ایشدک . [۱] آنجق بوایک انتقادده موضوع بحث ایدیلن حکملر او نوعلردرکه بر وقته خصوصیه ، بر مفهوم جزئی ذهناً معطاولان

کلی تصویر ادخال ایدیلیر . مثلا علیت حکمرانده ایکی مفهومی قبلی وکلی اولان «علیت» تصویری ایچنه ادخال ایدر. بونوع حکمرله فیلسوف تعیینی حکمر Jugement déterminant دیور . فقط بونک خارچنده دیگر برنوع حکمرمز واردر. بونلرده معطاولان جرئی وخصوصیدر ، حکم ملکهسی بو جزئی ، بوخصوصی ایچنده کلی بی آرار . بونلره غایت حکمری یاخود تأملی حکمر Jugement réfléchissant دینیر .

برنجی نوع حکمری تدقیق ایدرک عالم تجربینک ال کلی ، اک عمومی قانونری قبلی اولارق تأسیس ایدیه بیلیر ؛ طبیعتک مابعدالطبیعهسی ، فلسفه طبیعیه یابیلاییلیر . [۱] نته کیم عقل محضک انتقادی بوغایه بی استهداف ایتشدی . ایکنحیسی ایسه مشخص وقایع ایچنده عمومی قاعده بی بولمغه چالیشیر . [۲] ذی حیات موجوداته باقهرق ، اولورک هر عضوینک یکدیگرینه واسطه وخدام اولاجق وجهله ترتیب ایدلمش اولدیغنی کوره رک غایتنه حکم کبی . بونوع حکمری «عقل محضک انتقادی» انساننده موضوع بحث ایتمه مشدک . فقط اکر بونلر متعال و قبلی à priori مبدألره مستنددکله ناصیل ضروری و شینی برقیمتی اولاییلیر ؟ [۳] ، تعبیر آخرله بویله مبدألره مستند دکله ناصیل موجوداتده برغایه کوره بیلیرز؟ شوخالده اشیانک برغایه به متوجه اولدیغنی کوروپور ایسه ک اونکی کلی و ضروری یابا شرائطی آرامقلغمز لازمدر . بونی غایت حکمری یاخود تأملی حکمر Jugemens réfléchissants ناصیل نمکن اولویور ؟ سؤالنه جواب آراشدیرمقله بولاییلیرز . حکمرک انتقادیستک موضوعی ده بودر .

غایت حکمری ایکی نوعدر . بعضاً مدرک طبیعتک اجزاسی ایله کندی ملکهسی آراسنده برآهنک بولور . بوصورتله بولوناچق آهنک برنوع حظ وجوده کتیریر ، نته کیم آهنکسزلک حس ایدر سه برالم دیوارز ، تعبیر آخرله اشیاده کی تطابق و آهنکی صرف صوری formel و انفسی جهتدن نظره آلادیغمز رمان بزده طبیعتده کی کوزلکه دائر بر حکم ، تعبیر معروفیله بدیئی حکم Jugement Esthétique وجوده کلیر .

[۱] صحیفه ۱۶۹

[۲] فیلسوفک تأملی عوای ویردیکی حکمرک ماهیتی آکلاییلدک ایچون ایلریده غایت حفته کی انتقاده باقیکز . بو مسئله اوراده کی ابضاحاتله تنور ایدر .

[۳] قانت نظرانده ترکیبی اولان حکمرک شئییت وکلینی آنجیق قبلی à priori مبادی و تصویر مستنداً وجوده کلیر . عقل محضک انتقادی قسملرینه باقیکز . صحیفه ۷۲

بعضاً مدرکه ایله طبیعتك اجزاسى پىئنده دکل ، بالعکس دوغرىدن دوغرى به
اقسام طبیعت آراسنده بر تطابق و آهنگ آراز و بون بولمقله طبیعتك حقیقى و شیئى
غایهسى اولدیغنه دأثر حکملر ، تعمیر آخرله غایهوى حکملر Iguements téléologique وجوده
کتیزرز .

ایشته بونك ایچوندرکه حکملرک انتقادى آبرى آبرى ایكى مبحثه آیرلمشدر : بدیئى
حکملرک انتقادى . غایهوى حکملرک انتقادى .

بدیعی حکملر

قانت یوفاریدهده سوبلدیکمز کی دها انتقاددن اول بدیعی حسلرده حسن ایله علوی آیرمشدی. آنجق بوتفریقی یابدینی اثرده ، یعنی حسن و علویت حقنده مشاهده لر ده [۱] ساده حه حس بدیعینک بو ایکی نوعنی توصیف ایلش ، بونلری وجوده کتیره سیله حک موضوعلرک وصفلری-سویلکله اکتفا ایلشدی. حالبوکه «حکملرک انتقادی» نده بوتفرهک اسبابنی ایضاح ایدیور ، ماهیتلری تعقیق ایله یور . بناءً علیه بدیعی حکملری انتقاده باشلارکن اولاً بو ایکی حسک ماهیتنی آراشدیریور :

مسئله تحلیلی

بدیعی حکملر ، دیگر حکملر کی ، کیفیت ، کیت ، اضافت ، جهت اولق اوزره درت نقطه نظر دن مطالعه ایدیله بیلر [۱] . حسنی اول امرده کیفیت نقطه نظر دن تدقیق ایدلم : حسنه عائد هر حکم بر تطبینی افاده و تصدیق ایدر . فقط بزی خوش ، ای و فائده لی دیدیکمز شیلرده تطمین ایلر ، اولره عائد حکملرده معنوی بر تطبینی مشمردر. آنجق کوزلکه عائد حکملرک افاده ایلدیکی تطمین بونلردن تماماً آیریدر. فی الحقیقه بر کره خوش حواسمزک دوغریدن دوغری به اطلاع پیدا ایلدیکی بر حظدر. بناءً علیه تماماً انفسیدر. بر کره بو اعتبارله آفاقی اولان حسن ، دن آیریلر. واقعا خیر و فائده بونک کی تماماً انفسی دکلدر، بونلرک شئی بر قیمتی وارد. خبر خارجه تحقیق ایدن بذاته بر قیمتدر، فائده نک تحقیق ایتدیره بیله جکی هدفه کوره بر قیمتی وارد ، بویه اولدینی ایچون هر ایکسی ده بر درجه به قدر شئی، یعنی کلیدر. شو قدرکه بزی تطمین ایدن بواوچ شکیلدهده مشترک بروصف وار: هر اوچی ده بر درجه به قدر بزم نفعمه ، طبیعتمزک غایه سه مر بو طدر. بزه خوش کلن شی بزه علاقه او یاندیران، منفعتی دو قونادر. خبر انسانی غایه مزه توافق ایلور. فائده نک تحقیق ایتدیره جکی شی نفعمه مزه مطابقدر. بونک ایچوندرکه خوش یا خود فائده لی وای شئی ساده حه تصور ایتک کافی دکلدر. بلکه برنجیب-سندن حظ دو یثقلنمز ، ایکنجیسنی نفعمز ایچون استعمال ایتکلکمز ، اوچونجیسی تحقیق ایتدیرمکلکمز لازمدر. بالعکس بدیعی تطمین هیچ بر صورتله نفعمه [۱] حکک تابع اولدینی بوشراط حقنده ۷۶-۷۷ صفحه لرته باقیکنز .

مربوط دکلدر . مثلاً بر اثر صنعت ، بر اثر معماری اولان بر بنادن ، بر سر ایدن بدیی حظ دویایلمک ایچون حسمز اوزرینه واقع اولان تأثیرندن ، اونک احتیاجزی دفع ایتک اعتباریه اولان فائده سندن ، بویوککلی و ثروت عمومیه به دلالتی اعتباریه بژده حصوله کتیردیکی غروردن صرف نظر ایتک لازمدر . آنجق بویله بر کوروشله بر اثر صنعتدن حظ بدیی دویولاییبر .

حسنک ! بو کیفیت بدیی حکملرک کیت اعتباریه ماهیتلرینی تنور ایده بیلیر . معلومدر که مختلف مزاجلره کوره اشیانک فعی دکیشر . حالبوکه بدیی حکملر فاعله علاقه دار اولمادی ، حسب Desinteressé بولدینی ایچون بویله مزاجه تابع عد ایدیله مز . بناءً علیه آنجق کلی univesel اولاییبر . بدیی بر حکم ویرن آدم بر شئی یالکیز کندیبی ایچون کوزل تلقی ایلیمز . شوقدر که کوزللهک عائد حکمک کلیتیه ایله منطقی بر قضیه نیک کلیتی یکدیگرندن تماماً آیریدر . منطقی حکملرک کلیتی ایجاب ایدن مدرکه نیک تصوراتی Concept در [۱] . عقل محضک انتقادنده سوبلیدی کمز کی مدرکه نیک قبل تصوریلریدر که منطقی حکملری هر ذهن ایچون کلی ، بناءً علیه شئی حاله صوقار . حالبوکه بر تصورك تعبیر آخرله مدرکه نیک محصولی اولان بر مفهومک بر حظ بدیی وجوده کتیره جکی دوشونوله مز . چونکه حظ بدیی بالنهایه حساسیتک بر حالیدر . تصوراتی وجوده کتیرن مدرکه ایه حساسیتدن تماماً آیریدر . دیگر جهندن بدیی حکملر منطقی حکملره ارجاع ایدیله جک اولسه او حالده حسنک علم غایبه سنه خادم اولماسی اقتضا ایدر ، بو حالده کوزللهکده حسیلک و حریت قالماز .

بدیی حکملر بو اعترافله منطقی قضیه لره بکزمه مکله برابر اونلر کی مدرکه نیک قانونی اولان کیمته تابعدر و بو اعتبارله حسنه متعلق هر حکم بر کره فردیدر ، چونکه بر کیمسه نیک تحسینی افاده ایدر . بونکله برابر یوقاریده سوبلیدی کمز کی کایدز . بر حکم ناصیل اولویورده هم فردی ، هم کلی اولاییلدور ؟ یعنی بر شخصک تحسینی افاده ایتدیکی حالده او شخصه مقصور عد ایدیلدورده دیگر ذهنلره ده قابل تطبیق عد ایدیله ییلور ؟ بدیی حکملرک فردی اولقله برابر کلی اولماسی کیمته تماماً افسی بر معنا ویرمکله کمز استناد ایدر . مثلاً « کول کوزلدز » دیدیکه زمان بو حکم منطقی شخصیدر ، یعنی بکا مقصوددر . فقط

[۱] کلیت و شیشک ناصیل وجوده کلدیکنی آکلامی اوزره ۷۴ و اونی تمقیب ایدن صحیفه لره باقیکیز .

بویله بر حکمده بولونورکن بو جسم دبکرلرینک حکمنه عرض اولونسه هرکسک بکا التحاق ایدم جکنه قائم . کلیت ایشته بنم بو جسمه عمومیتک التحاق ایدم بیلجکی حقنده کی قاعتمه مستنددر . بونک ایچوندرکه ذوقه ، حسنه متعلق حکملرله تصدیق ایدیلن کلیت انقسی اسنعداد وقابلیتدر . بو اعتبارله حسن « بر مفهوم بر قصوره لزوم اولمق سزین کلی اولارق حظ اویندیره بیلن بر موضوعدر » دییه تعریف اولونابیلر .

شیمدی دبکر بر مهم مسئله مواجهه سندیز : برحظک عمومه تعمیم ایدیله بیلجکنه ، عمومه شامل اولاییله جکنه دائر اولان بوقاعت بنده نردن تولد ایدیور ؟ ذوقک انتقادینک مفتاحی اولان بو مسئله یی حل ایتک ایچون علی الاطلاق خوش Agréable ایله کوزل آراسنده کی فرقی تحلیل ایتک لازم کلیر . بویله بر تحلیل کوزل لکه عائد حظده بدیی حکملرله تسلیم ایدیلکمز کلینک ، یعنی هرکه شامل و عمومی اولدینی قناعتک نه به مستند بولوندینی بزه اراشه ایلر . فی الحقیقه خوش اولان بر رسیدن تولد ایدن حظ دوغریدن دوغرییه او شینک ادراکنی تعقیب ایلر . بر شینک خوش اولدینغه دائر اولان حکم اونک تولید ایتدیکي حظدن صوکر اولور واوندن اشتقاق ایدر . اونک ایچون ناصیل خوش شیدن وجوده کلن حظ فردی و غیرساری ایسه بو حظدن تولد ایدن حکمده فردی و غیرکلی اولور . بالعکس بدیی حکملر بدیی حظله تقدم واونی تعیین ایلر . مادام که بو حکملر غیر نفی Desinteressé در ، بونکله برابر علمی دکل ، ساده جه انقسی بر میلی افاده ایتکده در ، او حالده مدرکه وخیله بو حکملری وجوده کتیر برکن تماماً سربسته جه فعالیتده بولونویور دیمکدر . یعنی بدیی حکملر منطق حکملر کبی هیچ بر معین تصویره ، تعبیر آخرله معرفتک قواعد خصوصیه سنه تابع اولمایور ؟ حساسیت ایله ، معرفتک کسی مهربند مدرکه آره سنده بر آهنگدن تولد ایدیور . بو آهنگ ایسه مفکره نک بنفسه فعالیتدن ، هیچ بر مفکره یه تابع اولمایان سربسته جه حرکتدن حصوله کلیور .

خلاصه بدیی حکمی وجوده کتیرن مناسبت قبلی بر تصویره ، قاعده یه استناد ایتز . بز او یله بر شینه کوزل دیرز که اونی تماشا ایدرکن بر تصور اعانه سیله شینی بر حکم یایماز ، ساده جه خجیله مزک ، مدرکه ایله کندیلکندن آهنگ کسب ایتدیکنی حس ایدرز . واقعا بزده حظ بدیی حصوله کتیرن بو مناسبت ، بو حکم بویله جه تماماً انقسی ایسه ده او شی قارشیدنده هر مدرکه ایله خجیله نک کندیلکندن

تطابق و آهنگ پیدا ایدیه بيلمسنی نمکس کورورز . تعبير آخرله بزده وجوده کن حفظ بدیعی به عموماً اشتراك ایدیه بيله جکفی قبول ایدرز . چونکه هراسانده مفکره اساساً عینی ماهیته در ، بناءً علیه دیگر مفکره لوده ده مدرکه و ذهن سربست بر فعالیتله آهنگ و تطابق حاصل ایدیه بیلیر . ایشه بونک ایچوندرکه انفسی اولان بدیعی حکمی کلی عد ایدیه بیلورز .

بدیعی حکملرنه اوجوخی طاقم مقولات یعنی اضافت نقطه نظرندن ماهیتی نه در؟ هر حفظ برغایه به متوجه میلدن ، اوتیایله مطابق راستقامت تعقیدنن تولد ایدر . بناءً علیه حفظ بدیعی ده ، اونی تحریک ایدن حکم ده نهایت برغایتی افاده ایدر . فقط بونقطه نظرندن ده بدیعی حکملر خوش تیلره تعلق ایدن حکملرنه اساساً آیریدر . فی الحقیقه خوش تیلرک تحریمی آفاق برشی تصویرنی ایجاب ایدر و فعالیتلر او شیئی اکتساب ایلکی قصد ایلر . بونک ایچوندرکه خوش دیدیکمز موضوعک ماده سی ، جسمزی جذب ایدر ، بزده آرزو ایداندریر و بونک قطمینی خوش دیدیکمز حظی تولید ایلر . حالبوکه یوقاریده کوردیکمز وجهله بدیعی حکملر بر طرفدن هر نوع نفع علاقه سندن عاری اولمایدر ، بناءً علیه حسنه تعلق ایدن حکملر ده هیچ بر انفسی غایه یوقدر . دیگر جهندن بو حکملر هیچ بر قبلی تصویره مستند دکلدز ، بناءً علیه علم بوجوده کتیرمز ، اوحالده شیئی ، خارجی بر هدنی و غایه سی ده موجود دکلدز .

بعض مابعد الطبیعیون بدیعی حکملرک ضمتنده اشیاک کالی غایه سنی مندیج کورورلر . حالبوکه بر شیئک کالی تماماً ذهنی بر مفهومدر؛ بناءً علیه بویله بر ذهنی مفهوم ، ذهنی تصور بر حفظ تولید ایدیه من . شو حالده کوزللکی رشیئک ماده و موضوعی دکل ، صورت (Forme) ی تعیین و ایجاب ایدر . تعبير آخرله حسن ذهنده هیچ بر معین غایه مفهومنی وجوده کتیر مکسزین غایتی افاده ایدر . یعنی بدیعی حکم نه حسی جاذبه به ، نه ده فائده و کمال تصویرینه تابع و بو غایه لره خادمدر . مثلاً بر چیچکک کوزللکی بزده عضوی اولاراق یابدنی خدمتله ارزومزی جذب ایتسیله علاقه دار دکلدز . بر موسیقی مقامی هیچ بر تعنی ایلله مترافق اولمادیعی ، یعنی محتواسی ، ماده سی بولونمادیفی حالده بزده بدیعی حفظ اویاندریر . بویله اولدینی ایچون حسن و معین بر غایه تصور ایتکسزین بر شیده کی غایتیک ، آهنگک صورتی ادراک ایتکدر ، دییه ده تعریف ایدیه بیلیر .

هر کلي اولان حکم ضروری Nécessaire اولاجنه نظرأ بدیی حکملرده ضروریدر. شوقدرکه ناصیل بدیی حکملرک کلتی منطقی حکملرده آرایلان کلیته بکنزه مه پور، صرف انفسی ماهیتده اولو پورسه «ضرورت» ده ینه بویه انفسی ماهیتده در. یعنی بز هر کسده بر «حسن سلیم» قبول ایدیور و بدیی احتیاساتک بو صورتله هر مفکریه انتقال ایدمه بیله جکئی تسلیم ایلوروز. تعبیر آخرله بزده وجوده کلن تحسس بدیی بی دیگر لرلرینک ده دویاییه جکئی بو صورتله بدیی حکملرک مبادله اولو بایله جکئی قبول ایدیوروز. بز برشینک کوزل لکنه حکم ویرنجیه اونک ساده جه ممکن Contingent اولماسی قبول ایدمه مه یز، بعض ذهنلره «بعضی زمانلره مقصور عدوتلقی ایله مه یز». ایشته بونک ایچوندرکه جهت نقطه نظرندن ده حسن «هیچ بر تصویره Concept منجر اولمفسرین ده بالضروره حسن تطمین اویاندران شی» دییه تعریف اولو بایلیر.

علویتك تحليلی

حسن کبی علویت (Sublime) ده بزده غیر نفیی، کلی و ضروری بر حسن تطمین تولید ایدره. فقط «علوی» حسندن بر چوق نقطه نظرندن تماماً آیریلیر. بر کره حسن معین صورت و شکلی حائر بر موضوعی ایجاب ایدره. بناء علیه کوزل دیدبکمز شینلرک معین بر حدودی اولماسی، خلاصه محدود بولونماسی لارم کلیر. حالبوکه «علویت Sublime» دیدیکه بز حسن آنجق غیر محدود، مثلاً نامتناهی بر موجود قارشیسنده حسن ایدیلیر. بویه اولدینی ایچون حسن کیفیتک، علوی ایسه کیتک تخیلنه مربوطدر. حسن بزم روحی ملکه لریمزک، مدرکه وخیله نك آهنگندن وجوده کلدیکی ایچون حیاتی قوتلری تنیه ایلر. علوی ایسه حسی بر لطافت وجوده کتیرمز. بالعکس حیاتی قوتلری بر آن ایچون تعلیق ایلر. بوندن باشقه بالخاصه طبیی کوزل لککر بزم خیله مز ایچون اولدن حاضر لاشمش کبی کلیر. تعبیر آخرله کوزل برشی حقنده یابدیغمز حکم اوشینک خیله مز اعانه سیله وجوده کلن خیالنه تماماً مطابق اولور. علوی ایسه بالعکس خیله بی اشاره، ذهنأ تخیل ایدمه بیله جکمز بونون شکلری تجاوز ایدر.

علویده کورولن بو اوصافک ماهیتی نه در؟ دها دوغریسی حسن ایله علویت آراسنده کی بو فرق نره دن ایلری کلیور؟ یوقاریده کورمشدک که «حسن» ک بز تطمین ایتیمی

مخيله ايله مدرکه نك، حساسيت ايله ذهنك آهنگدار بر صورتده آنجاندن وجوده كليور. مدرکه تجربه موضوعی اولان اشيايی یعنی آفاقی بيلمك قدرتی اولدینی ایچون «حسن» ی نفسمز خارخنده، یعنی طبیعت داخلنده تحقق ایتش کی کورورز. بویه اولدینی ایچون طبیعتده آهنگ وجوده کترین برصنعت کشف ایدرز. طبیعتی، یالکزغایه سز بر میجانیکیک محصولی دکل، بر اثر صنعت کی کورورز. حالبوکه علویده مخيله ايله مناسبتده بولونان مدرکه دکل عقل Raison در. بحث مخصوصنده کورمشدک که عقل موقوفی بیه من (۱). ساده حه ذهنك قبلی تصورلرینی حادثات ماوراسنه تشبیه سوق ایدر. اونك ایچوندرکه علوی معین و محدود بر شینی خارجده تحقق ایتدیر من. مثلا فورطنه لی هواده دالغلی دکز مخیله می تنیه ایدر. عقل بو موجود و حقیقی اولان تصور خارجه بی سوق ایدر. نامتناهی برافه، دکزک تقدیر قابل اولامایان قدرت حوشنه کوتورور، اوقدرکه بوقدرت، بو عظمت قارشیننده طبیعتده کی هر شی، هر کیت کوچوک کلیر، هیچ بر شی دکزک بو قدرتی اوجه من. ایشته او زمان علوی بی حس ایلرم.

بو ایضاحاندن آ کلاشیلورکه حقیقی علویت طبیعتده دکل، مفکره مده آوامق ایجاب ایدر. قارشیننده سیر ایتدیکم فیرطنه لی دکز بذاته علوی دکلدر. بو منظره ساده حه بنده نامتناهیته تصورینی تحریک ایدرک مخیله مک یکی بر طرز تحسسه وسیله اولور. دیگر جهندن حسن طبیعتده بر غایتک، بر آهنگک موجودینی الهام ایتدیکی حالده علوی بویه آفاقی بر آهنگی، بر غایتی اظهار ايله من. بر قانوس، بر قاریشیق، بر خرابه بزده علویت دیدیکمز احتیاسی او یاندیر ایلیر. دیگر جهندن علویدن دویدینمز هیجان کوزلک کی آهنگک مستد اولمادیی ایچون یالکز حفظ تولید ایتمز؛ عینی زمانده هم بر نوع الم، هم حظ حصوله کتیریر. الم او یاندیریر، چونکه مخیله ايله عقل آراشنده باطنی بر آهنگسزک دویارز. تعیر آخرله عقلک هر هانکی بر منظره قارشیننده بزى سوق ایتدیکی نامتناهی مخیله من، حسابینمز دوعریدن دوعری به تحقق ایتدیرمه میه جکی ایچون بر صیقینی قارشیننده قالیرز. فقط عینی زمانده بو هیجان حظ او یاندیریر؛ چونکه بو صورتله بزى نامتناهیته سوق ایدن طبیعت باطنیه مزک عطمتی، مفکره مزک ایستدیکی غایه نك بو یوکلکی نظام ایدر. طبیعتک مدهش قوتلری قارشیننده، مثلا بر بورا، بر شلاله قارشیننده بو حظ، بو الم یکی هیجانلرله قارشیر.

برطرفدن کندی قدرت ماده مزك بو قوای طبعیه قارشینده عجزی حس ایلرز. فقط بالخاصه او قوتلر قارشینده اندیشه سز ایسه کندیزده بوتون طبیعت قوتلرینه مقاومت ایدیه جک بستیون باشقه ماهیتده بر اقتدار، بر قدرت مغنویه مالک اولدیغیزی دویار و هیچ بر طبعی قوتک کندیزده کی بو قوه مغنویه به معادل اولامیه جغنی بیلیرز .

دشمن هجوملرینک نتیجه سی اولارق انقراض تهلکه سی قارشینده قالان برملک قدرتنک آرتدیغنی اظهار ایتدیکی زمان حربده برنوع « علویت » حس ایدیلیر. برتورکلر حربک تولید ایتدیکی بو « علویت » حسنی پک اینی بیلیرز. آنادولی استقلال حربنده هر قلبده اویانان حس بویه ایدی . عالم کوروپوردی که هر طرفدن تعرض و هجومه معروض قالان ملت مزك قدرتی اولدن تخمین قایل اولمایاجق درجه آرتمش ایدی؛ انسانده کی قدرت مغنویه نك نه درجه آرماییه جکنی کوسترن ظفرمز هر بی طرف قلبده بویه حس علوی اویاندیرا بیه جک ماهیتده ایدی . اونک ایچوندرکه قانتک « علویت » حسنی تولید ایدیه . بیه جک ماهیتده کوردیکی حرب منظره سنه اک جانلی مثالی استقلال حربنده بولاییلیرز. اکر دین فردک وجداننده قدرت الهیه قارشی امنیتله مترادف بر وجد تعظیم اویاندیریورسه علویدر . فقط ساده جه الله قورقوسی تولید ایدیور و بونک ایچون عبادت ایدیلیور، سجده قانایلیورسه او علویت زائل اولور، بو منظره نهایت کوزل عد ایدیه بیلیر .

بربعی حکمر ناصیل ممکن اولوبور؟

بدی حکمرک تعالی

یوقاریده کی ایکی بحثده بدی حکمرک ایکی شکلی کوردک واونلری تحلیل ایله یکدیگری آراسنده کی فرقی ارانه ایلدک . فقط بو تحلیل کافی دکلدر . دیگر ایکی انتقادده علمی و اخلاقیلی تحلیل ایتدکن صوکر « ناصیل علم و امر اخلاقی ممکن اولوبور، سؤالی صورارق بونلرک جوانی آراشدیرمشسق بدیعیات ساحه سنده ده بونحیلاتدن صوکرابعی حکمر ناصیل ممکن اولوبور؟ مسئله سنی حل ایلمککمز اقتضا ایدر. ایلمک باقیشده بو سؤاله جواب ویرمک جوق مشکل کوزوکور. چونکه بدی حکمر برطرفدن انفسیدر، دیگر

طرفدن یوقاریده کی تحلیلالات کوستره شدرکه بزه بونلر کلی و ضروری کلیور. بر حکم هم انفسی، هم کلی و ضروری ناصیل اولاییلور؟

بو مسئله نك حلی عمومیتله انتقاد فلسفه نك دائرة نضمنی داخله کیرر. چونکه بدیی حکملر حد ذاتنده ترکییدر. زیرا بونلر بر مادهیه معرفت ساحه سنده اولمایان، یعنی حظ والمه متعلق بولونان بر محمول عطف واسنادیه وجوده کلیور. بو ترکیبی حکم ضروری وکلی اولدینی ایچون قلی *a priori* بر رکی اولماسی لازمدر [۱].

انتقادک هدفی ده ذاتاً بویه ترکیبی و قلی حکملرک ماهیتی آراشدیر مق دکلیدی؟ او حالده ذوقه متعلق تصدیقلرده ترکیبی و قلی اولدیفنه نظراً اونلرک ماهیتی میدانه چیقارمق انتقادک وظیفه سیدر. بناءً علیه بو مسئله نی انتقاد فلسفه نك اساسلی اصطلاحاتی دائرة سنده شو صورتله وضع ایده بیلیرز: ذوق، یعنی بدیی موضوعلرده ناصیل قلی و ترکیبی حکملر ممکن اولاییلور؟ قانت، بو مسئله نی «ذوق حکملرینک تعلیلی *Dédution des jugement du gout* عنوانی آلتنده حل اتمکه چالیشور.

ذوقک انتقادینک اک مهم جهتی اولان بو مسئله نك حلی کوروندیکی قدر کوچ دکلدیر. چونکه بوراده علمک انتقادنده اولدینی کی مدرکه نك وجوده کتیردیکي تصورانک اشیایه مطابقتی کوسترمک، تعبیر آخرله ذهنک مفهوملرینک حقیقت سنییه سنی اثبات ایلک کی چنین بر مسئله مواحه سنده دکلز [۲]. اورتیه قونولماسی لازم کلن جهت ساده جه حسنک ناصیل کلی اولاییلر یکیدر. اولجه ویردیکمز ایضاحات کوستره شدرکه حظ بدیی کوزل دیدیکمز ماده نك بر وصف خارجیسندن تولد ایله مه یور. بلکه مدرکه ایله مخیله نك صورت آهنگ اکتساب ایلندن وجوده کلیور. بویه بر شرطک تحقیقی ایسه هر انسان ایچون دوشونه بیلیرز. تعبیر آخرله مادام که بدیی حکم سو ویا بوماده نك خارجی وصفنه معلق اولمایور، بلکه مفکرده کی ایکی ملکه نك، مخیله و مدرکه نك آهنگیه مشروط بولونویور. انسانلرک مفکره لری اصلاً بر اولدینی ایچون بو شرطک بوتون انسانلرده تحقق ایده بیه جکنی فرض ایده بیلیرز. خلاصه اصلاً مفکره نك وحدتی بدیی حکملر مزک دیکر لرینک موافقته ده اقتران ایده حکمی بزه تأمین ایدر.

[۱] صحیفه ۷۴

[۲] صحیفه ۷۸ الح

دیگر جهتدن عقل نظری و عملی بزی نقیضه سوق ایندیکی کی بدیی حکملوده برنقیضه منجر اولور کی کوزو کویور. فی الحقیقه ذوق انفسی و فردی برکیفتدر؛ بناءً علیه برتصوره، برقاعدهیه مستند دکلدر. اونک ایچون هیچ بر دلیل سردینه مساعد اولاماز. بر شینک کوزل اولدیفنه دائر برهان کتیریه مز. اونک ایچون دینیرکه ذوق مناقشه ایدیه مز. هرکسک ذوقی کندینه خاصدر. بوکا رغماً بدیی موضوعلری مناقشه ایدیوروز. کوزللسکه عائد فکری میزی دیگرلرینه قبول ایندیرمک اوزره مدافعه ایلوروز. بدییات ساحه سنده اشیای مناقشه ایلدیکمز، حسن حقنده کی قاعتمیزی دیگرلرینه قبول ایندیرمک ایسته دیکمز. نظراً «کوزل شیلرک» هرکسجه مسلم قاعده سی، قبل تصوری اولمسی لازم کلیر. شو حالده هم ذوقی هر ورده خاص عد ایدیوروز؛ ذوق مسائلی مناقشه دن عاری کورویوروز؛ هم ده «حسن» ک معین قاعده سی وارمش کی بو خصوصده کی جسمی مدافعه ایلور، دیگرلرینه تسلیم ایندیرمه جکمی فرض ایدیوروز. بو ایکی ادعا یکدیگریه متناقض دکل؛ ایسته ذوق انتقادی بزی بویه بر نقیضه Antinomie سوق ایدر کی کورونور.

فقط بو ایکی ادعا آراسنده کی تناقض ظاهریدر. بو ایکی مدعاک، عقل نظری نک نقیضینده اولدینی کی باشقه باشقه موضوعلره تعلق ایندیکنی، هر ایکسینده باشقه باشقه نقطه نظر دن حقیقت جهتی بولوندینی کوستره جک اولور سه ق ظاهراً کورولن تناقضک نفس الامر ده موجود اولمادینی آکلاروز. فی الحقیقه بو قاریده سرد ایلدیکمز نقیضینک مدعای حسنک هیچ بر معین تصوره مستند اولمادینی، صرف بر حظ بولوندینی ایچون انفسیتی و بناءً علیه هرکسجه مسلم بر قاعدهیه استناد ایندیکنی افاده ایدر. بو دعوا برجهتن دوغریدر. چونکه «حسن» معین بر شینک تصویرینه تقابل اینمز، یعنی آفاقی بر شینک علمی دکلدر. بالعکس کوزللسک بدیی حظه مستنددر؛ بویه بر احتساس اولدینی ایچون انفسیدر؛ بو اعتبارله وجودی مناقشه موضوعی اولاماز. نقیض مدعایه کلنجه اوده اشیانک کوزللسکنی مناقشه ایندیکنی و «حسن» حقنده کی تلقیمزک دوغرولفنی دیگرلرینه قبول ایندیرمک ایسته مکلمکمزدر. بو حال حسنک معین بر شی تصویرینه، بر قاعدهیه استنادینی کوستیریر. بوده دیگر برجهتن دوغریدر. فی الحقیقه حسن اساساً بر حظ اولوق اعتبارله بر موضوع معین حقنده تصور دکلدر. آنجق «حسن» کادرا کی مدرکه ایله مخیله نک آهنگدار اولماسی محصولیدر. بویه اولدینی ایچون غیرمعین اولسه بیه ذهنمزده

« آهنگ ، مفهومى وجوده كتيبر . هر مفكرده مدركه ايله حساسيت يعنى مخيله آراسنده بويله بر مناسبت ، بويله بر آهنگ اولاجنى بيلديكمز ايچون ذوقه عائد حكملرك كلى بولونديغنى تسليم ايدرز . بويله كلى اولونجه بونك ديكرلرنجه تسليم ايديله جكنه قانع اولور و بناء عليه منافشه موضوعى اولارق قبول ايلرز . خلاصه ذوقك انتقادينك منجر اولدينى تقيضين ظاهريدر . مدعا و تقيض مدعاك بو صورتله تأليفي قابل ولازمدر .

ذوقك انتقادينك اورته به قويديني ديكر مهم مسئله وار: بدبى حكملر حد داننده سورة *par la frome* غايته متعاقدر . يعنى برشى حظ بدبى توليد ايتكمه اونك آهنگلى اولارق ترتيب ايدليككه حكم ايلرز . بالخاصه اشياى طبيعیه دن وجوده كلن حظ بدبى طيعتده بر غايه نك موجوديتى تلقينه بى سوق ايدر . طيعته بويله غايث اسناد ايد بيليرى يز ؟ كوزل شيلرك موجوديته باقارق طيعت بره دفه ، بر بلانه كوره ترتيب ايدلشدر ديه بيليرى يز ؟

بوندن صوكره كى بختده تفصيل ايد جكمز وجهله قات طيعتده ، مثلاً بر چيچكده ، براغاجده كورد يكمز كوزللكك عالمك بر علم ازلى اثرى اولماسنى و بر ناظم عالم طرفدن اشيا نك آهنگدار بر صورتده ترتيب ايدلش بولونديغنى تسليم و تصديق كافي اولماديغنى كوستر بور [۱] . علمك يكانه قبول ايد بيله جكى اساس اولان ميخانيكيتك طيعتده كورد يكمز كوزللككرى ، آهنگى وجوده كتيبر مش اولماسى ذهن ايچون پك اعلا قابل تصوردر . مع مافيه طيعتده بر غايه بولونديغنى ملاحظه سنى تماماً انفسى بر فكر تلقى ايد يكمز تقديرده قبولنده مانع يوقدر . شوشر طله كه اشياى طبيعیه ي كندى اثر لر يزه قياساً علم بر موجودك تربى عدايتك صورتيله قبول ايد يكمز غايث طيعتك تماماً سربست و مفكوره وى برايضاحى نتيجه سى اولديغنى بيله لم . بدبى حكملره استناداً طيعتده كورد يكمز غايثك بويله صرف ذهنى و مفكوره وى بر قيمتى بولونديغنى اونو تايامل .

ديكر جهتن ينه صرف مفكوره وى و ذهنى بر طرزده حسنى اخلاقك بر رضى ، بر اشارتى تلقى ايله بيلير يز . چونكه حسن ده اخلاق كى عالم مقولاته اشارت ايلر ،

[۱] غايث حقنده كى مبعثه بايكرز .

هر نوع حظ و نفع فوقه بزی یوکسلتیر . مخیله ایله مدرکه تماماً سربست فعالیتده بولونه رق حسنی وجوده کتیرمسی اراده اخلاقیه مزك سربست فعالیتك عادتاً رمزیدر . بناءً علیه دوغریدن دوغری به طبیعتك کوزللكریله علاقه دار اولان انسانلرده هیچ اولمازسه اخلاقی بر تمایل فرض ایتمك دوغری اولابیلیر .

صنعت

اشیا ایله مخیله مز آراسنده دائمی بر تطابق موجود دکدر . طبیعتده حاکم اولان میخانیکیت مدرکه مزى دائماً نظمین ایدر ، فقط بوتون تفرعاتیله مخیله مزى نمون ایده مز . طبیعی علتلك بو نقصاتی میخانیکیته ، ضرورته منقاد اولمایان ، تعمیر آخرله اختیاری حائر بولونان بر علتك اعانه سیله بر درجه به قدر تماملارز . ایشته صنعت حسنك بوبله جه تماماً سربست بر صورتله استحصالیدر . بونك امچوندركه حقیقی صنعتكار آنجق بر شخص عاقل ، یعنی انسان اولابیلیر . حیواناتكده آثارى واردر . بونلرده مثلاً بال مومنده ، قوزه مك دنكنده کوزللك کوره بیلیرز . فقط هیچ بر زمان آری پی ، ایك بوجكنی حقیقی معناسنده صنعتكار Artiste عد ایلیه مه یز . چونكه بونلك اثری مختار بر علتك محصولی دکدر . اونلرده کوردیكمز اثر میخانیکیدر .

یوقاربدهده سوبلدیكمز کبی طبیعتده بر غایت Finalité کوردیكمز ، یعنی اوئی بر اثر صنعت عد ایلدیكمز زمان طبیعی کوزللكی حس ایدرز . دیمك كه طبیعتده کوزللك اوئی بر اثر صنعت عد ایلكدن ، باشقه بر تعبیرله حر بر موجودك ترتیبی محصولی فرض ایتمکدن ایلری کاپور . بالمقابل صنعتك وجوده کتیره جکی کوزللكلرده طبیعی کوزللكلرك اوصافی حائر بولونمالی ، یعنی طبیعی کوزللكلر هانکی قاعده وقانونه تابع ایسه صنعتده اوکا منقاد اولمالیدر . بویه اولدینی ایچون اثر صنعت بر طرفدن ساده بر احساس ، یعنی بالکمز اتفی قلابیله جك بر حظ او یاندیر ماملی ، باشقه بر تعبیرله ساده جه حسه وسوق طبیعیلریزه خطاب ایلمه ملی . دیگر جهندن صنعتك تولید ایده جکی تحسین بر علم موضوعی شکله انقلاب ایتمکده مساعد تصوراته مستند بولونمالی ، یالکمز مخیله ایله مدرکه مك بر نوع آهنگنی تأمین ایده جك ایلیه جك طرزده وجوده کمالیدر . ناصیل طبیعی کوزللكلرده معین غایه تصویرى موجوددکسه اثر صنعتدهده معین غایه کوزوکه ملیدر . صنعتكارك بر هدفی اولابیلیر ، او اثری وجوده

کثیرمکه شهرت و یا ثروت فارانمی ایسته‌مش بولونابیلیر . فقط بر اثر صنعتده نه قدر صنعتکارک استهداف ابتدیی غایه واندیشه‌نک ایزی بولونمازسه اوقدر قوتله بدیی هیجان دیویولور . طییی کوزلنکلرده اولدینی کبی اثر صنعتدهده ، شبهه یوقکه ، بعضی قاعده‌لر واردور . سوقدرکه ائرده قاعده‌به اتباع مجبوری قطعاً سزیملیدر . حقیقی صنعتکار بر جوق مشکلاتله بر طاقم صنعت قواعدینی تعلم ایتمش واونی تطبیق ایلمش کیمسه دکلدر . بالعکس صنعتکار بنفسه بر ابداع قابلیتینی حائزدر ، اثرینی معین قاعده‌به اویدیر مقدرن زیاده بستور . یکی بر صورتده ابداع ایلمشدر . دوغریدن دوغری‌یه ذوقدن آیری اولان بوابداع قدرتی صنعتکارک دهاسنی تشکیل ایدر . بونک ایچون دها بر قدرت خارق‌العاده‌درکه تعریف بیله ایدیه‌مز . ذوق ، مدرکه وخیله دهاده ویله بر نسبتده ترکب ایدرکه انتقاد بونستی تعیین ایدیه‌مز . دهانک اک مهم وصفی بکارت وابداعیلک Originalité درکه هیچ بر تدریس ، هیچ بر عمل انسانه یوقدرتی قازانیراماز ، تعلیم و ممارسه ایله استحصال ایدیلن مهارته ماهیه هیچ بکزه‌مز . اونک ایچوندرکه دهای واونک اثری هیچ رقاعده‌به تابع دکلدر ، بالعکس بو اثرلردن بدیعیات ایچون قاعده‌لر استخراج ایدیلیر . حقیقی صنعتکارک اثری نمونه اولور ، هوسکارلرک آنارینی تقدیر وحمایه‌ده مقایسه‌یه اساس عد ایدیلیر . صنعت دهاسی بو اوصافیه تماماً ضدی اولان تقلید و مهارت قابلیتندن آیرلدینی کبی بالذات علمی کشف قدرتسندنده تفریق ایدیلیر . چونکه علمی کشفیات ایضاحه مساعددر ، یعنی کشف ناصیل کشف ابتدیکی آکلانابیلیر . بو کشفیاتک اصولی واردور . بویله اولدینی ایچون دیکرلری طرفدن کاشفک قبول ابتدیکی طرز تعقیب ایدیه‌بیلیر ، باشقه‌لری عینی اصولله عینی نتیجه‌یه واریایلیرلر . او صورتله که فیزیکده آز جوق کشفیات و تدقیقانه بولونان عالمرله مثلا بویوک کاشف نیوتون آراسنده آنجق درجه فرقی واردور . صنعتده ایسه دهانک مفتاحی ، اصولی کوستریه‌مز ؛ اثر دها ناصیل وجوده کلدیکی آکلانیلاماز . خلاصه دهای صنعت دیکر مواهب روحیه‌نک هپسندن آیریدر .

صنایع نفیسه احتیاساتمزی دیکرلرینه ابلاغ ایچون قوللاندیفمز واسطه‌یه کوره تصنیف اولونور . لسانه هاند صنعت خطابت وشمردر . صنایع شکله اولان هیکلترانی ، مصماری ، رسم افکار و احتیاساتی حدس حسی داخلنده افاده ایدرلر ، علی‌الاطلاق صنایع تزئینه‌ده بوقم داخلنده‌در . نهایت حیسانی کوزل بر صورتده افاده ایدن صنعت

کلیر که صدالر آراسنده کی ریاضی نسبت تأسیس ایلمکه استناد ایدن (موسیقی) بو قسم داخلنده در . ترکیب الوان صنعتی ده Farbenkunst بو قسم میاسنده در . بوتون بو صنعتلر درامی ، بالخاصه اویه رای تشکیله یار دیم ایدر لر .

قومدی یه ونکته دانلغه کانجه بونلر بزده متنوع حسیات او یاندر دیغنه نظراً صنعته مربوطدر لر ، اونلره بکزه در لر . اعضاضرک فعالیتنی تأمین و بزده کیف و ذوق او یاندر لر لر . آنجق بونلری صنایع نفیسه دن زیاده خوش صنعتلر میاسنده تعداد ایلمک ایجاب ایدر . اونک ایچون فیلسوف بونلرده دیگر صنایع نفیسه نک حیثیت وجدیتی کورمه یور . [۱]

[۱] برجوق فیلسوفلر قومدیده دام و اویه راده اولدنی کی صنعتک بوتون اوصافی کورمه یور لر . آرقداشز شکیب بکک فراسزجه دن تلخیصاً ترجمه ایلدیکی خنده Rire اسمنده کی اثری مناسبیله درگاه مجموعه سنه یازدینم مقاله ده ده سوبلدیکم کی برغسون ده علی الاطلاق صنعتده کوردیکی وصف بارزی قومدیده بولا ما یور . اونک ایچون قومقی صنعت دهاسدن آبریمه مطالعه ایله یور .

غایت حکملری

یوقاریده کورمشدک که بدیی حکملر صرف انفسی بر غایت افاده ایدرلر . طبیعته کوزل برشی ایله مفکرمه مزآرا-نده بر آهنگ بولوندیغنی ظن ایدرز . فقط اولجه سویلدیکمز کبی بدیی حکملر یالکمز بر استعداد طبیعی بی افاده ایدرلر . باشقه برتعبیرله مخیله ایله مدرکه آراسنده کی صرف انفسی نسبت و آهنگه استناد ایلرلر . حالبوکه عمومی معناده غایت حکملری طبیعتک هیچ اولمازسه بعضی اقسامی آرا-نده حقیقی بر آهنگ اولدیغنی افاده ایلر ، تعبیر آخرله آفاقی ، شئی غایتک موجودیتنی مشمردر . اعتقاد اصولنه کوره اول امرده بونوع حکملری تحلیل ایتمکدکمز ، سوکرا بونلرک تاصیل ممکن اولدیغنی آراشدیرمقلغمز لازمدر .

غایت حکملرک تعلیمی

برکره ریاضی شکللرده بر غایتک بولوندیغنی دوشونوله بیلیر . فی الحقیقه ریاضیهده بسیط اشکال و متعارف لردن اولجه تقدیر ایدیلهمیه جک درجهده معضل و متنوع دعوا و اثباتلر میدانه کلیور . او حالده مثلا هندسی شکلر برغایه به کوره وجوده کتیریش دکلدر؟ ا کر بو سؤاله مثبت جواب ویرم جک اولورسه ق اشکال ریاضیهده کوروله جک بر غایت آفاقی و شئی Objective اولور ، شو معناده که بو شکلر ساده جه نفسی قوامزک بر فعالیتندن عبارت دکلدر . بلکه ذهنک کلی و ضروری قوانینک تطبیق محصولدر . شو قدرکه بو اشکال هندسیه اشای طبیعی عد ایدیلهمز . بالعکس بو شکلری ذهن مکان حدسی اوزرینه چیزه رک وجوده کتیرمشدر . بونک ایچون هندسه شکللرنده کوره جکمز غایت طبیعی اشیاده برغایه نک وجودی افاده ایلز . اولسه اولسه بو غایت صرف صوری و ذهنی بر غایت اوله بیلیر .

کله لم مادی حادثاته : واقعا بو حادثاندن بر قسمنده ظاهراً بر غایت کورورز . فقط اونلرده فرض ایلدیکمز غایه حقیقته انسانه ویا دیگر برسیته نظراً سزیلن فائده به مستددر . اونک ایچون بو کبی حادثه لردهده غایه بولوندیغنه حکم ایدهمیز . مثلاً اراضی حقیقه نک ،

نهر لرك دلتا رنده حصوله كلن اراضينك قوه انباتيه سى چوق فضله در، فقط كيمسه اراضى^{*} لحقيه نك غايه سى، حكمت وجودى منبت طور اقلر حصوله كتير مكدرديه من. كذلك قار ا كيلمش توخوملى قيشين انجماددن قورتاير، فقط قارك غايه سنى توخومى انجماددن قورومق، ياخود قائمه يارار بر زمين حصوله كتير مك عد اتمه يز. بوكي يرلرده علت فاعله Cause efficiente حادثه لر آراسنده كى ارتباطى ايضاح اتمكه كافيدر. اراضى^{*} لحقيه نك منبت اولما نك علتى نهر لرك طاشيديمى طور اقلده، توخومك انجماد اتمه سنى قارده آراز و بويله جه بولا جغمز علت فاعله ذهنى تطمين ايدر. ذاتاً بوحالدرده غايه نك موجوديقنى ظاهر عد ايتسه ك بيله ذهن بو نقطه لرده دوراماز. چونكه بوصورتله بولا جغمز غايت اضافى اولور و اشيا خارجنده بر وجودى استلزام ايلر. او وقت مطلق غايه ي، اشيا خارجنده كى اصل علت غايه ي آرامغه چالشيروز. مثلاً تنبك غايه سى ندر؟ زرعك غايه سى ندر؟... الخ كې بر طاقم نا محدود سؤالردن كچرك هيات عموميه سيله مكوانك غايه سى ندر؟ مسئله سته انتقال ايدرز. حالبوكه بو مسئله نك حلى مدركه نك استطاعتى خارجنده در. چونكه تجربه نمكسه نك ماوراسنده در [۱]، هيات عموميه سيله مكومات هيچ برنجريه موضوعى دكلدركه حتى اونك غايه سنى آراشديرايله لم. شو حالده بو مسئله حكيم ملكه سنك موضوعنده كيره من.

ديتك اولويوركه اشيمانك مناسبت خارجيه سى علت غايه اعانه سيله تصور و عقل ايدلر. حادثات و اسباب يك يكريله ماسبتنده مكره نك قونينى دائر مسنده آنجق ميخانيكى علتير بولايلرر شو حالده غايتى حادثاتك بربريله اولان مناسبت خارجيه نده دكل، برشيتك فـ سام واجراسى آراسنده كى داخل، باطنى نسبتده آراياييلرر و بويله بر مناسب باعنيه نك نمونه سى ايسه آنجق ذى حيات موج داند بولايلرر. فى الحقيقه حيات اويده بر ساحه دركه اوراده كى حادثات بربرينه بر منظومه حائده برلشمش، يعنى هر شى اوراده بالذات كنديسنك هم عاتى، هم نرى اولمشدر. فى الحقيقه هر عضو هيات عموميه سيله حياتك محصولى اولقله برابر بالمنايله حياتده بو عضو يتلرك فعاليتى اثرى دكل؟ شو مثالر كوسترييوركه حياتده هر شى متقابلاً بربرينك هم عاتى، هم اثريدر. حياتى ساحه ده علت ايله اثر آراسنده كورولان بو تقابل مدركه نك مقدمى Antécédent تالى به، علتى نتيجه به ربط صورتيه اورته به قويدينى ميخانيكى ارتباطدن [۱] اوچونجى قسمده علت محضك انتهادى بختنه باقيكز. ۱۰۴ واونى تعقيب ايدن صيقلر.

تماماً آیریدر . حتی ذی حیاته کی بو خصوصیتی آثار صنعتده کی ترتیه بکزه تهرک تعریف ایتمکده ناقص اولور . واقعا اثر صنعتده هر جزء عمومی غایه نك بر واسطه سیدر . آنجق آثار صنعتده صنعتکار اثر دن آیریدر . بناءً علیه اثری آهنگدار بر صورتده ترتیب ایدن قوت اثر نك خارجنده در . حالبوکه طبیعت ذی حیاتی وجوده کتیریرکن کندیلکندن عضو ایدر و بویه جه وجوده کلن عضویت Organisation بزم بیلدیکمز میخاسیکی عاتلره قابل ایضاح دکلدر . خلاصه عضو ذی حیاته تطبیق ایدیه بیهلک اولان (غایت مبدائی Principe téléologique) نه تابعدر . بو مبدأ شو صورتله افاده اولونابیلیر : « طبیعت وجوده کتیردیکی عضویتلرده هر جزء منقابلاً بر برینک واسطه و غایه سدر » . [۱]

بو مبدأ ک حدود و شمولی نه در ؟ انتقاد طریقله بو مبدأ قیمت و حدودی راسه چالیشدیغمز زمان بدایه بردن برینی ترجیح ایتمک مجبور اولدیغمز ایکی مشکل قارشیننده قالدیغمزی ظن ایدرز . فی الحقیقه مادام که ذی حیاته بر غایت وار ، یعنی هر جزء دیگر لرینک هم واسطه سی ، هم نتیجه و اثریدر ، او حالده بو غایت حیاتی تشکیل ایدن ماده ده واردر ، یعنی طبیعت شاملدر ؛ باشقه بر تعبیرله ، تعصو ماده دن تفریق ایدیلسی قابل اولمیان بر قدردر . نته کیم هیلو زوئیزم Hylozoïsme ی قبول ایدنلر بونی ادعا ایدرلر . فقط عقل محض انتقادی بزه کوسترمشدر که ماده متحیزیه جانلیلق کی تجربه منر داخلنده اولمایان خفی بر قدرت عطف ایتمک هیچ دوغری اولاماز . مبدأ غایت ، بناءً علیه حیات ماده نك بویه بر وصفی دکلسه او حالده اونو طبیعت فوقیده بر قدرت ، بر مبدأ عدایتمک لازمکلیر . فقط ینه انتقاد اثبات ایتمشدر که اکثر الهونک ظن ایستکلری کی محسوساتدن فوق المحسوس بر قدرته ، بر مبدأ انتقال ممکن دکلدر ، بویه بر استدلال ذهنک قدرتی خارجنده در .

ذی حیاته کوردیکمز تعصو ، تعبیر آخرله غایت طبیعت داخلنده بر قدرت دکلسه ، فوق المحسوس بر مبدأ اولامازسه او حالده بونک قیمتی نه در ؟ فی الحقیقه غایت مبدائی علیت کی اشایی تشکیل ایدن بر اساسی عدایده کک اولورسه ق بویه جه ایکی طرفیده قبول

[۱] قانت عضویتده کوردیکی بو وصفی دولندهده بولوبور . دولتیده بر تعصو عدا ایلهور . یعنی دولتی عضویته بکزه نیهور . بو اعتبارله عصریمزده بوفکر کی ترویج ایدن اجتماعی مسلک کک نظریه لرینه تقدم ایتمش دیمک اولوبور .

ایدیله میه جک اولان بر قیاس مقسمه دو شمش اولوروز. تعبیر آخرله اکر ذی حیات موجودانده کوردیکمز غایت اولنری تشکیل ایدن بر مبدأ ایسه بو یا طبیعت داخلنده ویا فوقنده در. عقل محضک انتقادی مادهده میخانیکیتدن ، علت فاعله دن باشقه مبدأ اولمادیغنی میدانه قوبدیغنه نظراً برنجی شقی قبوله امکان اولمادیغنی کبی محسوس اولان حیاتی حادثه لرك محسوسات فوقنده بر مبدأ مشکلی اولاجنی قبول ایتمک ده ینه انتقادک اورتیه قوبدیغنی اساسلره مغایردر . خلاصه غایتی علیت کبی قبل بر قاعده عد ایدر وناصیل عایت مادی حادثاتی ایضاح ایدن بر قانون ایسه غایتک ده اوله جه حیاتی حادثه لره تطبیق ایدیله جکنی فرض ایلرسه ک بومشکلک ایچندن چیقمق امکانش اولور. فقط یوقاریده سولمشدک که [۱] غایت حکملری حد ذتند تعیینی Determinant دکل ، تأملی حکملردندر ، یعنی حادثانک تجربی بر صورتده تدقیقندن چیقاریلش آز ویا چوق عمومی ملاحظه دن باشقه بر می دکلر . تعبیر آخرله حیاتی ساده جه میخانیکی علتلر ایضاح ایده مه یور . وقایع حیاتیه علت ایله نتیجه نك واسطه و غایه کبی ملاحظه ایدیلسنه تماماً مساعد اولویور . حیانه هر حادثه دیکرینک بر واسطه سی ایتمش کبی جریان ایدیور . بز بالتجربه الهه ایتدیکمز بوملاحظه ی وقایع حیاتیه ی تدقیقه رهبر عد ایده بیلیوروز . نته کیم ر حیاتیات عالمی بویه بر غایه ملاحظه سیله هر هانکی بر حیوانده وظیفه سی لایقوله آکلاشیلمایان بر عضوک خدمتی تدقیقه مجبور اولویور : بر عضوک وظیفه سی هنوز بیله میورسوق اونی آواشدیریوروز . چونکه غایت مبدأی هر عضوک بر خدمتی بولونا جغنی افاده ایلور .

• بویه اولدینی ایچون غایت حیاتیات تدقیقاتنده بر مبدأ ناظم Principe régulateur اولابیلیر، بوشرطله بر عالم ایچون مشرع و قیمتلدر. آنجق حیاتیات عالمی هیچ بر بهانه ایله حادثانک غایتله ایضاحنه شیئی objective بر قیمت ویرمه ملی، هیچ بر زمان غایتی میخانیکی ایضاح کبی اشیا حقدله علم حصوله کتیره بیله جک ماهیتده تلقی ایلمه ملیدر. لسانمزده طبیعتک لطیفی، طبیعتک حکمتی کبی تعبیرلر وار. فقط بونلری هیچ بر زمان حقیقی و قطعی معناسنده قبول ایتمه ملی ، طبیعتک بزجه معلوم بر هدفی ، بر غایه سی اولدیغنی ظن ایلمه ملیدر . دیکر جهندن حادثانک میخانیکی علتی بیلمک کمز تقیجه لر اوزرینه بزى مؤثر قیلار ، یعنی بر حادثه یی وجوده کتیرن علتی بیلمرسه ک او حادثه لر اوزرنده بر نوع نفوذ و قدرتمزی تأسیس ایلیه بیلیوروز . فقط غایت دستورینک حیاتی حادثات اوزرنده بز بویه

بر قدرت بخش ایده بیه جگنی قطعاً ظن ایتمه ملیدر. هر هانکی ذی حیات بر موجودده ، یاخود اعضاده قبول ایلیه جگمز غایه صنعی اولارق او ذی حیاتی ، او عضوی خلق و ایجاد قدرتی بزم ویرمز . طبیعتده کوردیکمزی نمونه اتخاذ ایده رک بر عضویت وجوده کتیره مه یز .

بو طرز تالق غایت یله میخانیکیت آراسنده دیگر سیستمه ملوک اورته یه قویدنی تناقضی قولایقله قالدیر ایله جک ماهیتده در . هیچ شبهه یوق که ایلك نظرده طبیعتده ، یاخود بالکز موجودات ذی حیاتیده غایت فرص ایلكلکده مضمینیه ، میخانیکیت تماماً متناقض کبی کلیر . فی الحقیقه اشیا و حیات حادثه لری بر علت طبیعیته ک نتیجه سی ایسه اونده بر غایه آراقمغز معناسز اولور ، بو ایکسنی تألیف غیر ممکن کبی کلیر . آنجق میخانیکیت و غایتی عینی ساحیه عائد اولق و فقط باشقه باشقه قیمتلری بولونق اوزره سرد ایدر جک اولور سه ق بوتناقض اورته دن قالمار . بونک ایچون بر کره غایتی ذات اشیا Chose en soi یه عائد بر وصف عد ایتمه ملیز : ذات اشیا نه میخانیکیت ، نه غایت تابع تالق ایدیه بیلیر . چونکه بواکیسی ده حادثات عالمی ایچون وارد اولابیلیر . ذات اشیا مدرکه مزک استطاعتی خارجنده در ، اوبله اولدیی ایچون اونو بیله مه یز . بیله مه نیجه اوکمیخانیکیت و یا غایت عطف ایلیه بیلیر می یز ؟ شو حالد ذات اشیا اعتباریه میخانیکیت و غایت ابکی متناقض دعواشکنده موضوع بحث اولاماز . بواکیسی ده ذات اشیا ایچون غیر وارددر . بونک که بواکی بیداده محسوسات عالنه عائددر . او حالد خاطره کله جک سؤال شور : محسوساته بواکی بیدائی تطبیق ایدنیچه تناقضه دوشمزی یز ؟ بوسؤاله یوقاریده قبول ایدر که ز اساس زدن آمانی جواب ویرمک ایجاب ایدر . چونکه نه میخانیکیت نه غایت بر برنی سلب ایدر جک ماهیتده دکدر . تعیر آخرله میخانیکیت ، یعنی اشیا نك علت طبیعیته یله ایضاحی دعواشی حادثات غایه سی اولماسی امکانی سلب ایتمز . مدرکه نك انتقادی علم بشر اعتباریه حادثاتک قطعی و حقیقی مضاده آنجق میخانیکیتله ایضاح ایدیه بیه جگنی ، اشیا آنجق معرفتمز نقطه نظرندن علت طبیعیته تابع بولونایله جگنی اورته یه قویار . کذلک غایتده حیاتی حادثه لرک میخانیکیتی علتله قطعاً ارحاع ایدیه مه جگنی اثبات ایتمز . بلکه ذهن بشرک میخانیکیتله بوتون موجوداتی ایضاح خصوصنده کی عجز نی میدانه چیقاریر و اونک ایچون حیاتده غایه نك واسطه Moyen ، بالمقابله واسطه لرک غایه اوزرینه مؤثر اولایله جگنی آکلاتیر . مع مافیه

غایت مبداءك تطبیقه وجوده كان فكر لری هیچ بر زمان حقیقی معناسده بر علم عد اتمه ملی ز ، غایتی اشباهه مندج کورمه ملی ز . بلکه بونی ساده جه مفکره بشریه بی حیاتی ساحده تدقیقات و کشفیات سوق ایدن بر عامل اولارق قبول احتملی ز . یعنی حیاتی حائنه لرده غایتی فرض اتمك سایه سنده دركه هنوز وظیفه سنی بیامدیکمز اعضانك خدمتی آراشدیر بر ز . بناءً علیه غایت مبدائی قطعی بر علم وجوده کتیرمه مکه برابر حیات ساحه سنده مفکره مزی کشفیات و تدقیقاته سوق ایدن بر اصول اولور .

خلاصه بونظریه بی بو طرزده قبول ایدنجه غایت ایله میخانیکیت آراسنده کورولان تضادك ظاهری اولدیی میدانه چیقار . چونکه آکلاشیلرکه بوا یکی طرز ایضاح اساساً بر برینك برینه قائم اولاحق ماهیته دکلدر . مدرکه مزك حقیقی و قطعی احتیاجنه ، الجا آسه تا افق بدن مبخانیک ایضاحی ، یعنی حادثات طیبی علتلری بولنی واسطه تدقیقمزك ایشیه سیله جکی هر ساحیه تشمیل ایللی ز . فقط هر هانکی واقعه حسیده بو طرز ایضاحك قابل اولمادیغنی کورونجه « تأملی حکم » وضع اتمك ، یعنی غایت آراق احتیاج و سربستیی قارشیسنده قایرز . اوزمان غایه فکری اعانه سیله واقعاتی تنویره غیرت ایدرز .

بالکمز شورایی بیللمی زکه میخانیک ایضاح قابل اولمایان ساحه لرده بویا جه غایه آراقلممز غندی و کینی بر تشبث دکلدر . بالعکس بو موضوع لرده غایت ملاحظه سی ذهنك طبیعی بر استنادی ، مقاومت قابل اولمایان بر تمایلی نتیجه سیدر . معلومدرکه فلسفه انتقادیك مبداء حرکتی علمك ایکی عنصری ، حدس حسی ایله تصویری concept و بونلره تقابل ایدن ایکی ملکه ذهنیه بی ، یعنی حساسیت ایله مدرکه بی آیرمه مستقددر . [۱] واقعا انتقا مدرکه سی حدسه بیرلشمش بوجود اولابیله جکینی ردایتمز . یعنی بر « وجود علم » دوشونه بیلیر زکه تصویری ، مفهوم لری دوغریدن دوغری به حدس محصولدر . بویا بر موجودك ذهنده کی هر مفهوم شی حقیقی اولور . یعنی ممکن اونك ایچون یوق دیمکدر . چونکه هر تصویری موقوف عیندر . تعیر آخرله بویله بر موجود تفکرله دکل دوغریدن دوغری به بیلیر . انتقاد بویله بر وجودك بولونما سی امکاتی ردایتمزده هر حالده انسانك بویله اولمادیغنی ، مفکره بشریه ده حدس حسی ایله مدرکه نك تماماً آیری بولوندیغنی اورته به قویار . بناءً علیه مفکره بشریه اعتباریله علم ساده جه بر مفهومی ، بر تصویری ملاحظه ایله

استحصال ایدیه من . انسان قبل مفهوم و تصور ایچنه تدریجاً محسوسی ادخال ایتک ، تعبیر آخرله تصور دن حدس حسی به ، کلیدن جزئی به کیتمک صورتیه معرفت الله ایدره [۱] و آنجق بوصورته بر شینی تعیین ایدن حکم لر وجوده کلیر . انسان ایچون علم بویه جه حاصل اولور . باشقه بر تعبیرله انسانک اشیا حقنده کی حکمی دوغریدن دوغری به ، یعنی بالحدس دکلدیر . بالعکس دوغریدن دوغری به بیلدیگمز محسوساتی ، حدس حسی بی مدرکه نک تصویری میانه ادخال ایدرک علم تشکیل ایلر . اونک ایچون معلوماً بالظر (Discursif) در .

بو اوصافی حائر اولان بر ذهن ، بر مدرکه بالضروره طبعته کی شأنیته هیأت عمومی حنی جزو لرینک یکدیگرینه تأثیرله ایضاح ایدر . ایشته فیزیکک تحقق ایتدیرمک ایستدیکی علم بو طرزده میخانیکته مستدر ، یعنی فیزیک طبعتی اجزاسنک تأثیر متقابلله ، حرکتیه ایضاح ایلر . ماقعک بویه جه ایضاحی بر کره شینی قیمتی حائر اولور ، یعنی کلی و ضروری بولونور . چونکه ذهنک علیت مبدأه استاد ایدر . دیگر جهتدن بویه بر علم استقبالده ظهور ایدرک حادثای کشف ایتکی ، علتی بیلدیگمز ایچون اونلری قسماً وجوده کتیره بیلیمکی ، خلاصه طبیعی حادثات اوزرینه حاکم اولمئی تأمین ایلر .

آنجق بو میخانیک ایضاح ماقعه ، شأنیته مطابق اولور و اونی تماماً ، بونون قهرعالبه ایضاح ایدره بیلیرمی ؟ خایر . . یوقاریده کورمشدک که قانت نظرنده فیزیک طبعته ک کای ، اک عمومی قانونلری قبل اولارق تعیین ایدر . فقط اشیاک نامتناهی تنوعی اونک اطلاعی خارجنده قالیر . تعبیر آخرله مدرکه نک وضع ایتدیکی کلی قانونلر جزئیاتی ، اشیاک ممکن اولان تنوع خصوصیتسی تعیین ایدره مکده در . اونک ایچون مدرکه نک عمومی قوانینی دائره سنده اشیاک نه طرز لرده بزم ایچون محسوس و مدرک اولابیله جکی غیر معین (Indéterminé) قالیر ، بناءً علیه بو طرز لر امکان دائره سنه کیریور . بو صورتله ذهنک ممکن عد ایتدیکی واقع لر وجوده کلیرور . فقط مدرکه نک اورتیه قویدینی قوانین کلیه ایه اشیاک بوتحول ممکنه و فرعی سی آراسنده باطنی و کیزی بر تطابق اولماسی لازمدر . بو تطابق بزم مدرکه من بیله من . فقط تصویری ، مفهوم لری [۱] عقل محضک انتقادی نه غایده بخلره باقیگزم صحیفه ۷۱۰۰ الحینی زمانده صحیفه ۱۸۰ و مابعدینی اوقویگزم .

بر حدسه ، یعنی دوغریدن دوغریه بر شینه تطابق ایدن بر مدرکه فرض ایلسهك بویه بر مفکره بوممكنی بیایر. چونکه بویه بر علم قدرتی حائر وجود ایچون قبل تصورلر مجرد بر مفهوم اولیه جق ، بویه بر ذهن دوغریدن دوغریه اشیاك تمامی احاطه ایلش بولونا جقدر. بوتقدیرده اشیاك تمامیك جزءلری ناصیل تعین ایتدیكى آ کلاسیلابیله جکدر. فقط انسان ایچون بو قابل دکلدر . چونکه مدرکهك تصورلری بر شینك دوغریدن دوغریه حدسنه ، ادرا کنه تعلق ایله مه یور. بالعکس بارچه بارچه بیلدیكمز محسوساتی بوتصورات ایچنه ادخال ایده ایده علم حاصل ایدیوروز . اونك ایچون اشیاك تمامی دوغریدن دوغریه بیله مه یورزكه بوتامك اجزای ، اقسامی ناصیل تعین ایتش اولدیغنی آ کلاسیلابیله لم . فقط اشیاك تمامیك اجزا واقسامنه انتقال ایدن وبصورته اشیاكده کی اقسام وتنوعی بر عرض ، بر امکان Contingence حالنده دکل ، بلکه بوتامك ایجاب وتعیینی نتیجه سی اولارق کورده بیلن بر مدرکینی دوشونوبیلیرز. بویه بر مفکره ایچون آرتیق میخانیکیت غایت یکدیگرینه منطبق اولور. یعنی اشیاك تحولی ایجاب ایدن علت عینی زمانده غایبی استحصال ایچون بر واسطه بولونور .

سوايضاحات ارأه ایدرکه بز عینی زمانده اشیاك تمامی و اقسامی بالحدس بیلیم قدرتنده بولوناماقله ، بویه بر معرفته یوکسله مه مکله برابر بوتامی حقنده بر مفهومه ، بر خیاله مالک اولابیلیرز وبومفهومی اشیاك اجزا واقسامی آراسنده کی ارتباطی تعین ایدن بر مبدأ عد ایلک صورتیله انسان ایچون مقدر اولمایان یوکسك بر معرفته یاقلاشمی ، مفکوره وی بیه اولسه ، دوشونوبیلیر وایستهبیلیرز . خلاصه اشیاك تمامی حقیقه بیاهرک اوندن اقسامنه انتقال مفکره بشریهك استطاعتی خارچنده اولونجه هیچ اولمازسه تمامی حقنده کی فکر وخیالدن اجزاسنه انتقال ایلر . اشیاك تمامیك جزءلری ، یعنی اثر ونتیجه حقنده بر مدرکده وجوده کله جك خیال وتصورك حادنانی تعین ایلدیکنی قبول وفرض ایدرسهك بو اثره ، بو نتیجه یه ، خلاصه بوتام شكله غایه Fin دیرز .

ایشته مرکب ومضل اولان ذی حیاتی بویه غایه ایله ایضاحه کیدیوروز. تعیر آخرله ذی حیاتی ، اونك اجزاسی آراسنده کی آهنکی طبعی عللرله ایضاح ایده مه نیجه «نمضر» فکرنی حادثات حیاتیهك بر مبدائی، اونی تعین ایدن براساسی فرض ایلوروز. موجودات

ذی حیاتیته‌ک اقسام واجزاسنی غایه‌لره کوره تعین ایدن بر قدرک ، تمامی دوش-ونه‌رک اجزایی اوکا کوره ترتیب ایلین بر علت طلمه‌ک وجودینی قبول ایلوروز .

دهاسی وار . غایتی ساده‌جه میخانیکیتک ایضاحه مقتدر اولمادینی ، و بناءً علیه بوش بیراقدینی ساحه‌لره تطبیق ایدوب کچه‌میوروز . عالمده‌کی میخانیکیتی بالعکس یوکسک وکلای بر غایتک آلت و واسطه‌سی عد ایدیوروز . تعیر آخرله غایت موجود اولونجه طلمه جاری اولان قوانینک برغایه‌ک استحصانه مصروف اولماسی ایجاب ایدر . عقل محضک انتقادنده کورمشدک که عالم مادی ، مدرکه‌مزک بیلیمه‌حکی بر ذات اشیاک ، بر جوهر مطلقک-حادثات و تظاهری اولارق ملاحظه ایدیه‌بیلیر . بذات اشیاکی بز بیلیموروز ، چونکه بزم ایچون محسوس دکلدیر . فقط عقلمزک اورتیه قویدینی تصوراتی ، یعنی معقولاتی بالحدس بیان بر وجود علیکم حادثاتک اساسی اولان بوذات اشیاکی ده بیلیمی قابلدر . بر پارچه اول-سویلشدک که انسان ایچون اشیاکی تحولات ممکنه نی تضمن ایدن تمامی بیلیمک قابل اولمایور ، مدرکه‌مز طبیعتک جز اقسامانی یا یاه کتیره‌رک ، اونلری قبلی تصورلرک دخلته آلاق علم حاصل ایدیوروز . بویه اولدیی ایچور انسانک ذهنی قدرتی فوقنده اشیاک تمامی بیلیمکه ، یعنی قبلی تصورلری دوغریدن دوغری به حدسه قادر بر مدرکه‌آدوشونمکه مجبور اولویوروز . و بوجبوریت بز غایتیه سوق ایدیوروز . چونکه بویه بر مدرکه‌ک بیلیمه‌حکی اشیاک تمامی برغایه اولاجق اقسام واجزایی تعین ایلیمه جکدر . ایشته مفکره‌مزک بز سوق ایتدیکی بویه بر مدرکه بالضروره وجود عقلی اولان ذات اشیاکی یاخود ذات اشیاکی ده بیلیمه‌بیلیر . بوتصور ایتدیکمز مدرکه حادثات آراسنده کی ارتباطک اساسی ، جوهری اولان «ذات اشیاکی» بیننده بر ارتباط کورور و بونلری غایت قانونلرینه کوره ترتیب ایدلمش بر حالده ادراک ایلر . یعنی هر شیک اقسام واجزاسنی ، تحولاتی ادراکدن اول تمامی حقنده معرفت حاصل ایدر و بناءً علیه بوتماه‌ک ، یعنی غایه‌سنک او اقسامی تعین ایلدیکنه واقف اولور . خلاصه بزم ذهنمز فوقنده اولارق تصور ایدیمه جکمز بر علم قدرتی ، یعنی باشقه بر تعبیرله وجود عقلی ارلان ذات اشیاکی بالحدس بیان بر مدرکه عالمی برغایه کوره مرتب اولارق ادراک ایدر . شو حالده بزم ذهنمزک تشکله و بنیه‌سنه نظراً قابل علم اولمایان بر غایت اونک ایچون بر مبدأ اولور . بویه بر معرفت بزمده جزئی بولوندیغمز شو عالمی برغایه کوره مرتب اولارق تعین ایدر .

شیمدی بوايضاحاتی خلاصه ایدیم : مدرکه‌مزه حواسمزد اخلده‌کی اشیاکی میخانیکیتی

قانونلره توفیقاً بیلوروز . ذات اشایی، وجود عقلی بیله جک بر علم قدرتی دوشوندیکمز زمان اونک ممکناتی تام اولارق ادراک ایدمه حکمتی واقسام واجزا آراسنده آهنگ کوره جکفی نظره آلیور و بویه بر معرفت حالده طبیعتک اجزاسی آراسنده آهنگ بولونان بر منظومه تشکیلی ایدمه جکفی کسدریوروز .

یوقاریدهده بالمناصبه سولیدیکمز کبی بویه بر تاتی میخانیکیت ایله غایت آراسنده ظاهرأ کورولن تناقضی قالدیریر، طبیعتی بر طرفدن میحاییکی، دیگر طرفدن تاتی بر طرفده ناصیل ایضاحه مقتدر اولایله حکمزی اراده ایدر. تعیر آخرله غایت طبیعتک عمومی هدف و غایه سی و میخانیکیتک ایضاح ایدمه مریکی حیاتی انموذخلری صرف ذهنی و مفکرده و نی طررده ملاحظه ایلکدن عاقل اولور. میخانیکیتده طبیعتک تحقق استدرمک ایتمدیگی غایه لیک، انموذجلرک حصه لی انجور ستمه مال شریکی واسطه افعلات عبارت قالدیر .

غایت، ذهنک صیل بر احتیاجی اولور . اولسون حادثاتک اقسام و تفرعاتده اونو مداخله ایتدیرمکه لزوم یوقدر. تعیر آخرله مریعنی رشیدت امکان ایچون غایه تصور ایدمیرده و دیمک که اونک تحققنه خام واسطهده دوشونوبوروز . سوقدر که بو واسطهات حرکتلری بذاته بغایه ایله ایضاح احتیاجنده دکلز اونک ایچون واسطه هیأت عمومی سیله بر قصد و نیتک، بر غایه نیت اثریده اولسه اونک تفرعاتنده کی حرکتاتی اداره ایدن قانون میحاییکدر، یعنی هیچ بر هدف تصویرینه لزوم اولمقسزین او حرکتلر قابل ایضاحدر . نته کیم بر ساعت هیأت عمومی سیله اونو وجوده کتیره صنعتکارک نیت و قصدنی ایجاب ایدر، فقط بالذات یلقوانک، چرخلرک حرکتنی ایضاح ایچون بو قصد و نیتی حساب قاتمغه هیچ لزوم یوقدر . چونکه او حرکتلرک علقی تماماً میحاییکدر .

الحاصل میخانیککی ایضاحی تجربه مساعد اولدینی مرتبهده ایلری به سوق ایتک، ممکن اولان مراسعایی بونسکه ایضاح ایتک، عینی زمانده بالکمز بو ایضاحه علم قیمتی عطط ایتک ایجاب ایدر . دیگر جهتدن صرف انفسی قیمتی اولدینی اونونماق شرطیه غایتی علیه ترفیق ایدمه بیلیرز، بو صورته غایت ذات اشیار آراسنده ذهنی و مفکرده وی آهنگی افاده ایلرکه محسوساتده کوردیکمز نافع آهنگ بونک دیگر رساحیه انتقال ایتمش اثری اولور. آنجق بو طرزده درکه ذات اشایی، معقولانی، حادثات و محسوسات طالنه قاریشدر مقسزین قوانین میخانیکیه نیت غایت قانونلرینه مربوط بولوندینی افاده ایدمه بیلیرزه

مع مافیه غائیقی علوم طبیعییه تطبیق نشبث ایدرکن چوق احتیاطله حرکت ایتلیدر . چوکه بومبداً معقولات ایله محسوسات عالمی یان یانه کتیرر . محسوساتک مابداً اقوامی Substratum اولوق اعتباریله معقولات عالمیله حادثات صیقی بر مناسبتله یکدیگرینه مربوط اولدوقلری محقق ایسه ده بزم واسطه معرفتیز بونلردن هرابیکسینه عینی درجده شامل اولاماز . حادثات حقنده معنای حقیقیسندم علم قابلدیر . معقولات عالمنه ایسه علممزعینی قوتله تشمیل ایدیلهمز . بناءً علیه یواییک عالم آراسنده کی حدود مشترکی انتقادک اورتیه قویدینی قواعد مخالف اولارق تجاوز ایدر ومثلاً معقولاتک انفسی بر ایضاحنی یعنی غائیقی آفاق بر علم ماهیتده عد ایلر سهکاکلایش وتهملکه کی بر یوله کیرمش اولورز . اونک ایچون قانت کتانبندم « اصول بحثی Methodologie » عنوانی ویردیکی قسمده غایت حکملرینک نرله تطبیق ایدیلمسی مناسب اولاییله جکنی اوزون اوزادییه آکلانیور .

برکره یوقاویده ده متعدد دفعه سوبلدیکمز کبی ممکن اولان ساحده یالکز میخانیکسی ایضاحی استعمال ایللی ، حقیقی علم تشکیل ایده جک اولان بو طرز ایضاحی موضوع مساعد اولدی صرتبه ده ایلرییه کورتورمیلیدر . بونک ایچوندکره علوم مادییه ده ، فیزیکده غایت ایله ایضاحه بروریلهمز . چونکه بو ساحه داخنده کی حادثات یالکز میخانیکسی ایضاحه تنورایایه بیلیر . فقط حیاتیات ساحه سی یوله دکلدیر . واقعا میحانیکیک بعضی حیاتی حادثه لری ایضاح ایده بیلیر . حتی ایلمک ماده عضویه ک میخانیکسی بر طرزده انکشافی ایله اوقدر متنوع نبات و حیوان جنسلرینک وجوده کلدیکنی فرض وتصور ایده بیلیرز . حتی انواع حیوانیه ک عضویتلری عینی شه مایه ، عینی پلانه مطابق اولماسی بو فرضیه نی تقویه ایدن مهم برسیدر . آتجق ایلمک مبداحیات ناصیل ونه ایچون تعضوه مساعد اولدی؟ سؤالنه جواب ویره یلمککمز ایچون ایلمک ماده حیاته تعضو قابلیتی ویرن بروالد مکونات فرض ایتمککمز وبصورتله موجودات حیاتییه آهنگ و غایه نی حساب قاتماغمز لازمدیر . خلاصه میحانیکی ایضاحی ممکن اولدینی درجده کنیش بر ساحه یه تشمیل ایتمک مثلاً ذی حیاتک اجناس وانواعنی ، صورت تشکلی ، عضویتده وجرده کلن تخلفانی قوانین طبیعییه ایله ایضاح ایلمکله برابر منشأ حیاته ، ماده ده تعضوک ایلمک دفعه حصوله کلسی استعدادینه کلنجه اونی علیم بر اراده ک اثری اولارق قبول ایلمک ضرورتندیرز .

کورولویورکه حیاتیات ساحه سنده ده غایت ملاحظه سنی الکاضغری بر حده ایندیره رک علت طبیعییه ایله ایضاحی الک صوک راده یه قدر توسیع ایلمک لازمدیر . نته کیم نبات و حیوان

جنس و نوعلرینک میخانیک بر صورتده تشکل ایتدیکنی قبول ایتمکه بولزومی تسلیم ایدیورز .

جنسلرک تشکلنی میخانیک طرزده ایضاح ایدیجه البته فردلرک تولدنی دوغریدن دوغری به بر قدرت خالقنک اثرینه عطف ایدن و بناء علیه ازدواج و تناسلی ساده جه بوسیله Occasion تلقی ایله یین مسـلـکـلری رد ایتک ایجاب ایدر . ذاتاً هر تولدی آیری آیری بر فعل خالق اثری عد ایدن نظریه و مسلک اربابی غریب بر تناقضه دوشیورلر . چونکه بونلر هر رشیمک اول امرده علم بر قدرت طرفندن تشکیل ایدیلدیکنی قبول ایدیورلر . بو تقدیرده ناقص ، غریب ، عضویقی ناتمام مخلوقاتک و مثلاً آبدال ، سقط انسانلرکده بویله هر شئی بیان وائی بر صورتده تشکیل و خلق ایتسی لازم کلن قوتک اثری اولماسی لازم کلیر . حکیمانه برغایه کوره اشیا یی وجوده کتیرن بر قدرتک بوناقص و عجیب مخلوقات خلق ایتدیکی ناصیل قبول ایدیله بیلیر ؟ بالعکس فردک اوصافی منسوب اولدنی جنسک تعین ایلدیکنی و تولدیده القاحک نتیجه سی اولدنیقی تـلـیم ایتـمـکـمـز لازم کلیر . تعیر آخرله فردک وصفی اونک جدی اولان ارکک و دیشی تعین ایدر . بناء علیه اونده کوردیکمز تناسب و غایت بویله جه جنسک محصولیدر . دیگر جهندن آنجق القاح ایلدرکه وجود بولایلیر بوده وارلغنک سبب میخانیکسی ، علت طبیعیه سیدر .

ذی حیات موجوداتدن ماندا طبیعتده هیات عمومیه سیله بر منظومه عضویه حالتده کوزوکوبور ، یعنی هر جزء طبیقی هیات عمومییه طائد بر غایه ایچون واسطه کی ملاحظه ایده بیلیرز . بوسورتله ملاحظه ایدیه جک اولان طبیقی میخانیکیت ایضاح ایدمه ، اونک ایچون مکومانه غایت مبدائی تطبیق ایتک و طبیعتک غایه سی نهدر ؟ سؤالنی وضع ایتک لازمدر . فی الحقیقه طبیعتده کی منفرد اشیا و موجودات یکدیگرینک واسطه سی کیدر . یعنی اشیا آراسندهده واسطه و غایه مناسبتی اولدنی مشاهده ایدیلیر . مثلاً طور اراق نباتاتی وجوده کتیرمکه واسطه اولور ، نبات حیوانی تغذیه یه یارار ، اونلرله بسله نن حیوانات اکل اللحم حیوانلرک غداسی اولور ... الخ فقط اشیا نـک بوسورتله بولاجفمز غایه سنک حدودی یوقدر . هر شی بوسورتله دیگرینک واسطه سی کی کوزوکور . چونکه بو صورتله منفرداً هر شی دائماً کندی فوقده بولونان دیگر بر شینک واسطه سی اولور . بناء علیه طبیعتده کی اشیا نـک هیچ بری دیگرینه «واسطه» اولمایان مطلق بر غایه کی قبول

ایدیله مز . خلاصه اشیا نك هیچ بری هیأت عمومیه سیله طبیعتك غایه سی اولاماز . طبیعتك غایه سی اویله بر موجود اولاییلر که کندیسی بذاته بر غایه اولسون ، باشقه بر شینك واسطه سی کبی مطالعه اولونامایین . طبیعتده بو وصفی ، بو حیثیتی حائز اولان یالکیز انساندر . اونك ایچوندركه یالکیز انسان طبیعتك غایه سی اولارق قبول ایدیله بیلیر .

مکوناتك غایه سی انسان عد ایدیله نجه روسو کبی طبیعتی سعادت بشریه یی تحققاتیدیرن بر واسطه عد ایلله بیلیر می یز ؛ دییه ، سیایر می یز که طبیعت غایه سی اولان انسانك سعادتیی کنیدیلکندن حصوله کتیر سیور ؟ بویله بر فرضیه یی قبول ایدمه مز ؛ طبیعتك محصوراً سعادت بشریه یه خادم اولدیغنی تسلیم ایلیمه یز چونکه بو خالده مکوناتك انسانك سعادتیی تأمیندن ماعدا متوجه اولدیغی هیچ رهدفی اولماسی ایجاب ایدر . حالبوکه طبیعت بر چوق زمان انسانه خادم اولماقدن باشقه ، خسته لقله ، صوغوقله ، طغیان میاهلرله ... الخ بر چوق فئالقرله مؤدی اولویور . دیگر جهندن حرب ، ظلم کی معسیتلری وجوده کتیره سیلیور . بناءً علیه انسان بدنی ومادی حیاتی اعتباریله طبیعتك غایه سی عد ایدیله مز . بالمکس انسان بو حیثیته طبیعت ایچنده بر جزودر ، سلسله اشیا نك بر حلقه سیدر . شو خالده طبیعت انسانك موجودیت ماده سنك خادمی و غایه سی اولاماز .

انسان آنجق بر شخص معنوی اولماسی اعتباریله مخلوقاتك غایه سی اولاییلر . تعیر آخرله انسان حر اولدیغی ایچون غایه لر نی لذات تعیین ایدر و طبیعتی حراراده سنك بر واسطه سی یاباییلیر . نته کم (عرفان Culture) ی بر شخص عاقلك مختار اولارق قبول ایتدیکی غایه لرله کندیجی مکاف قیلیمق استعدادینی اکتساب ایلسی ، شکانده تعریف ایدینجه ، طبیعتك اصولك غایه سی ده میخانیکیت ایچنده انسانده بو قاباتی ، یعنی حریتی تمیه عدا ایدیله بیلیر . فی الحقیقه طبیعت عرفان اکتسابه ، حر ، مختار حیاتك استحصالنه خادم اولان جمعیت خالده یاشامغه بزی مجبور ایتیمور می ؟ بزه تمایلات طبیعه نك تحکمی تحفیف ایده جك اولان علم ، صنعت وفن ذوقنی او باندیر مایور می ؟ حتی اونلری استحصال مجبوریته تحمیل ایتیمور می ؟ شو خالده طبیعتك غایه سی انسانك شخصیت مخاره و اخلاقیه سی انکشاف ایتدیرمك عد ایدیله بیلیر .

فقط طبیعتده بر غایه یه متوجه نظام اولدیغنی قبول ایلک عقل بشر ایچون کافیمیدر ؟ بو نظام و آهنگدن اونك علت اولاسی اولان وجود مطلقه ، اللهك وارلنه انتقال ایدمه می یز ؟ فقط نقل محضك انتقاد ی بزه کؤستر مشدی که مکوناتده موجود آهنگدن

کوزللیکدن خلاصه غایتدن قادر کل ، حکیم ، رحیم بر ناظم عالمک وارلغه انتقال قابل دکلدر . [۱]

اساساً بعضی مخلوقاتده کوردیکمر بارز نقصان وعدم کال بویه بر آهنگک وارلنی حقنده کی قـاعـتی تزلزله اوغرانیبر . فی الحقیقه داغریق ومحدود آثار کالدن حاکم ومطلق برکال ، مفهومی نه ماصیل انتقال ایده بیایر ؛ دیگر جهتدن عالمده کی آهنگی بر اراده مکمله نک وجودینه دلیل عدایده بیلیمک ایچون طبیعتک متوجه اولدینی غایه لر حقنده بر علممز اولماسی وصوکر اسیاناک باشقه طرزده ممکن اولان صورت ترتیب وتنظیمیله حال حاضرینی مقایسه ایدرک موجود اولان شکک الک انی اولدینغه حکم ایده جک قدرتمز بولونماسی لازم کلیر . انسان بوکا قارمی ؟ بناء علیه طبیعتده کوردیکمز آهنگدن ، تماماً اضافی ومشروط غایه لردن مرتب وقادر بر قدرت مطلقه استدلال ایدیه مز . بزنی بویه ناظم بر قدرتک وجودینه ایناندرمغه سوق ایده جک سبب طبیعتده وارلنی ملاحظه ایدیه جکمز آهنگ دکل ، آنجق انسان ایچون بذاته معطا بولونان وهیچ برشیک واسطه سی اولمایا (اختیار Liberté) اولابیلیر . [۲] بزده اختیارک موجودینه استناد ادرک یالکیز اشیاده دکل ، فقط اشیایله اراده مز آراشده آهنگی وجوده کترن بر قدرت ناظمیه اینانابیلیرز . فی الحقیقه انسان ، اختیاریه سایه سنده خیراعلا (souverain bien) نی ، یعنی هم سعادتک ، هم فضیلتک اتحاد ایتدیکی ایلکی الک یوکسک غایه ومقکوره اولارق قبول ایایور اونی تعقیب مکلفیتی دویورور . مادامکه بویه برهدنی تعقیب ایله نفسمزی مککب بولویورز ، اوحالده سعادت وفضیلتک اتحاد ایده بیلیمسی امکانی تسلیم ایدیوروز . فقط تحت مخصوصنده کوردیکمز وجهله [۳] بوتحاد وآهنگی تأمین المزده دکلدر . شو حالده بونی وجوده کتیر بیلن ، تعبیر اخرله اثر اختیار اولان اراده مزنی طبیعتله آهنگـار قیله یله جک اولان قادر وناظم بر قوت تصورینه احتیاج واردر . شوقه رکه بو طرز تفکر وجود مطلق حقنده داربر معناده دلیل وبرهان تشکیل ایتمز . چونکه اله حقنده بزه بر علم استحصال ایتدیرمز . ساده جه طبیعت معنویه مزک قابل مقاومت اولمایان عملی بر احتیاجنی افاده ایدر ، تعبیر اخرله عمله مستقد بریقین ، اخلاقه دایانان بر ایمان تولید ایلر . بواعتبارله شیئی دکل ، انفسی بر قیمتی حائر اولور .

[۱] صحیفه ۱۴۸

[۲] ۲۳۸ صحیفه به باقیکنز .

[۳] صحیفه ۲۳۵ - الخ



کورولو یورکه «حکم ملکسنک انتقادى» ده معرفتک، عملک انتقادلر دنده اولدینی کبی وجودالتهنک اخلاقه مستدأ تسلیمنه منجر اولویور. یوقاریدهده سویلدی کمز کبی بو او چونجی انتقاد اولجه قانت طرفدن دوشونولمه شیدی، بئله علیه چوق ممکنیدی که دیگرلرندن بک سوکرا پلانی حاضرلانا و چوق کچ انتشار ایدن بو کتاب تماماً ابکی اثرک چیقاردینی نتیجه به منجر اولماسین؛ فیلسوفک ده اولکی دوشونجه لرینه یابانجی فکرلری محتوی بولونسون. فقط بویله اولمادی. قانت اصول اعتباریله بوصول اثرینی دیگر ایکسیله ممکن مرتبه آهنگدار یاپمغه چالیشدینی کبی چیقاردینی نتیجه ده دیگر ایکسنک عیندر. کندیمی ده کتابک صوکنده برتوافقه صورت مخصوصده اشارت ایلور. فی الحقیقه قانت «عقل محضک انتقادى» نده مدرکه مزک حقیقه شیئی بر صورتده علم حاصل ایده بیله حکمی موضوعی یالکنز حادثات ساحه سنه حصر ایلوردی. مع مایه انسان ایچون بو محسوسات طالمک متعال بر مبدائی، معقولات ساحه سنده بر مسندی تصور ایتک ضروری بولوندیغی قبول ایدیور، عقلک بزى سوق ایده جکی بو مبدأ انفسی اولمقه برابر معرفتمزک ناظمی بولونماسی اعتباریله قیمتی اولاجغی سویلوردی.

«عقل عملینک انتقادى» نده محسوس اولان وجدان اخلاقی فوقده اونی تولید ایدن غیر مشروط بر علتک، یعنی اختیارک وارلقی اورتیه قوبویوردی. فقط اختیار تصوری ده بر مبدأ ناظم، بر مفاکوره ایدی؛ یعنی مراهانکی بر وارلق حقنده بزده شیئی بر علم وجوده کتیر میوردی؛ تماماً طبیعت ایچنده تحقق ایتش دکلدی. فقط وضع ایتدیکی قانون دولایسیله بزى مکلف قیلوردی.

او چونجی انتقاد ایسه غایت مبدائی اورتیه قویارق بو صورتله ممکن اولان شیلردن بعضیسنک انفسی ضرورتنه ناصیل حکم الیدی کمزى ایضاح ایله یور. تعمیر آخرله غایت مبدأ ذهنز ایچون اویله بر دستور ناظمدرکه انفسی بر ملاحظه اولمقه برابر اشیاده موجود ایتش کبی حکم یاقمقغمزه مساعددر.

خلاصه «حکم ملکسنک انتقادى» دیگر ایکی انتقاد خارجده قانتک مسلك فلسفیسنه نه یگی بر اصول ادخال ایتش، نه دیگرلرندن آیری بر نتیجه به وارمشدرد. اونه کیلر کبی اختیار ایله طبیعتی قارشى قارشى به بیراقش؛ شو قدرکه بونلری بر پارچه ده یکدی کیرینه قریب ایله مشدر؛ اوصورتله که: طبیی کوزلله ککرده و علی الاطلاق حیاتده اختیارک اثرینی کورمه نک ممکن و مشروع اولایله جکنی میدانه قویمشدرد.

باشقه بر تعبير كوزل و ذى حیات اختيارك بر رمزیدو . آنجق بو كوروش ، بو رمز انسان ایچوندو ، ما وقع اعتباریه بونك معنا و قیقى یوقدر . بو صورتله اختیارك حکم سوردیکی ساحه کنیشه مش ، طبیعته دوغری سرایت ایتمش اولویو . بویه حه عقل عماینك اورتیه قویدیفی اختیار مبدأنك عقل نظری یه یعى معرفت دستورلرینه قارشی تفوق ورجحانی بر قاندها آکلاشیلمش اولویور . چونکه ثابت اولویورکه کوزللك، آهنگ، الوهیت هب اختیار و اخلاقه استناد ایدر .

شیمدی انتقاد مسلکی نقطه نظرندن صوك برسؤال مواجهه سنده یز: بونظام اخلاقی یی، اختیار دن متولد نظامی ناصبل اراده الهیه نك بر تجلیمی کی ملاحظه ایده بیلیرز ؟ ایسته وک قسمده در بونی مطالعه ایلیه جکزر .

اوبه برنجی قسم

فلسفہ دینیہ

قانتك باشادینی اون سڪزنجی عصر طیبی اون دو قوزنجی عصر کبی دین ایله
فیلسوفلرک الزیاده اشتغال ایدلدیکی بر دوردر. کلیساقواعدینک، دین نصوص و مناسکینک
قوتی آزالدجه موضوعات دینه اوزرینه تفکر آرتدی. بو صورتله معین دینی نصوصک
ایضاح و تفسیرنی و یاخود لهنده دلائل سردینی استهداف ایلمن الهمیاندن بسبتون مستقل
بر فلسفہ دینه عصریمز کبی اوعصر متفکرلرینکده الهمم اشتغالات فکریه لرندن برنجی
تشکیل ایلدی. قانت، عصرتمه کی بو حریانک ال صوک، ال یوکسک مثللرندن بریدر.
واقعا فلسفہ دینه خصوصنده بسبتون بکی بر جیغیر آچماشدی. بلکه کندی تفکراتی
اوزریده مؤثر اولان لایینیج، وولفه، هیوم و انکیز ددینستلرینه، روسویه و دین
طیبی طرفدارلرینه، زماننده مملکتسک فلسفه ساحه سنده ال یوکسک - پالرندر اولان
له سینغ مننده له سسون، هردره، یاقونی، یرو اولدی. سوقدرکه قانت ساده
بونلردن برینک تلیذی اولبورمدی. انتقاد فلسفه سنک بوساجه ده ده شبهه سز بر خصوصتی وار.
بو خصوصیتی آکلاویه بیلیمک و قانتک زماننک متفکرلرندر ناصل آیرلدیغنی تشخیص ایلیه بیلیمک
ایچون اون سڪزنجی عصرک بالخاصه اعف اچیرندر اعتباراً آمان متفکرلرینک، مان
سرستی تفکر اربابنث اوقدر شدت و هجانله مشغول اولدنلری فلسفہ دینه مباحثی
حقنده کی نظریه لرینه بر کوز کزدیرمک لازمدر.

اون دو قوزنجی عصرده اولادینی کبی اون سڪزنجی عصرده ده فلسفہ دینه
حقنده کی تدقیقانه متفکرلر بالخاصه شوا یکی مسئله مواجهه سنده بولونویورلردی:
(۱) شوطالده قنالغک، نقصانک، خلاصه شرک منشای (۲) عقل ایله دینک، علم
ایله ایمانک مناسبتی. عالمده کی نقصانک و شرک منشای اوزرنده بشریت چوق اسکیدنبری
دوشونویوردی. تفکرات فلسفیه باشلادینی آندن اعتباراً متفکرلر مکواننده کی نقصانک

وبالخاصه شرك سبب وجودی اوزرنده دوشونمك ضرورتی قارشيسنده قالمشردی . كتب مقدسه ده کی « هبوط آدم » حكایه سی شرك ، عالمده کی فغالک ایضاحی غایه سنه مستندد کیدر؟ شوقدرکه اون سکنزنجی عصرده لاینینج عالمك کالنی واونده مندح اولان اللهك حکمتی اثبات یولنده عادتایی بر چیغیر آجدی . بوخصوصده الهیات اربابنك اصوللرندن آیری تماماً فلسفی برطاقم برهان ودلائل اورته یه قویدی . او قدرکه لاینینجك فلسفه الهیه سی زمانك الهیات عالمترینه ونصی فیلسوفلرینه مدار احتجاج الذمهم برکتاب اولدی . وولف لاینینجك بونیکیئلک فلسفه سنی عامه نك دها ای آکلا یاییه جی بر شکله صوفرق نشر ایتدی . مکونانده کی آهنگ اساسنه مستنداً برطاقم برهانلرده سرد ایددی . بونیکیئلک ساحه سنده لاینینج - وولف یالکز دکلدی . روسو طبیعتك بذاته کالنی واونك الندن حیقیدینی وهمجنسلی طرفندن اضلال اولونمادینی زمان انسانك ماده و معناً « احسن تقویم » اوزره بولوندیغنی ادعا ایلدوردی . انکلترده شافتمبوری عینی نیکیئلکی مدافعه ایتشدی . مع مافیله طبیعتك ایلکنه بویله جه اعتماد ایتیم ، بناءً علیه بونیکیئلکک مخالفت ایلین بر زمرة متفکرین ده واردی . فرانسه ده وولتهر بویله اولدینی کبی انکلترده هیوم ده بویله ایدی . فیلسوفك ترجمه حاله دائر (شوبرت Schubert) ك یازدینی ایضاحات کوستریورکه قانت هیومك ۱۷۷۹ نشر ایدیان و ۱۷۸۱ ده پلاتنر طرفندن آلمانجه ترجمه ایدیلن « دین طبیعی » حقه ده کی دیالوگی چوق تقدیر ایدیوردی . حتی هانمك اوغلنه باباسنك یاپدینی ترجمه نی طبع ایتدیرمسنی توصیه ایلدور ، دها ایلری به کیدرک بالذات بو ترجمه نی تدقیق ایدیور و ناقص بولویوردی . هیوم بوکتابنده وولتهر کبی قوتلی استهزایله دکر ، فقط بر افاده منطقیه ایله یاشادیغمز عالمك ظن اولوندی کبی آهنگدار اولمادیغنی ، موجوداتك بالعکس غیر مکمل براراده نك فنا و غیر مرتبط بر اثری ویاخود یکدیگرینه محاصم قوتنرک مجادله سی محصولی بولوندیغنی اثبات وارائه به جالشیوردی . شو حاله قانتی « نصی » فلسفه اویقوسندن اویاندران هیوم اولدینی کبی زماننده بالخاصه آلمانیده آز چوق ساری برحاله بولونان نیکیئلی کوروشدن کندینی قورتارانینه بو انکلیز فیلسوف اولدی دیبه مز می یز؟ فی الحقیقه کنج ایکن یازدینی یازیلرده عالمك آهنگی واییلکی حقه ده کی قناعنی اظهار ایدن قانت بالاخره موجوداتده کی نقصانی ، فنانی صریح اولارق کورمه ک باشلامشدی . اونی بویوله سوق ایدن سبیلردن بری قوتله تخمین ایدیه بیلیرکه هیوم اولمشدره . عقل ایله ~~ایمان~~ آراسنده کی مناسبت خصوصنده قانتك تفکرانه مؤثر اولان عواملی

تعین ایتکه کلنجه بوجهت دها مشکلدر. اون سکزنجی عصر فرانسر فلسفه سی قاتولیکلک انجای ایتدیکی مذهب و اعتقاد ایله عقل آراسنده کی تضادی اورتیه قویمنی استهفاف ایلوردی. عصرک یالکز معقولانه یا خود یالکز فطری تحسسه قیمت و یرن تلقیسی قاتولیکلکله. تألیف اولونامایوردی. بونک ایچوندرکه فرانسر فلسفه سنک بو استقامتی قولایقله ایضاح اولونابیلر. آلمانیده ایسه بویه دکلدی. پروتستانلق دها سیال، دها متنوع و مختلف کوروشلره مساعددی. اوقدرکه بر متفکر خرسیتانلغک بر جوق اعتقادات و قواعدینی انکار ایتسنه رغماً کندیسی پروتستانلغه و کلیسایه مربوط عد ایده ییلوردی. اونک ایچون آلمانیده اوزمان بر هولباخ، برلامه تری کبی خرسیتانلق اعتقادیه کندی قناعتی آراسنده تضاد مطلق موجود اولدیغنی سویلین متفکرلر یوقدی. تعبیر آخرله فرانسه ده عقله و تحسس طبیعییه اهمیت و یرن متفکرلر قاتولیکلکله بارز بر نزاع و اختلاف ایچنده ایدیلر. آلمانیده ایسه بونوع متفکرلر پروتستانلق اعتقادیه کندی قناعتلرینی تألیف ایلیه ییلور، پروتستان کلیساسیده بو «عقلیه جی» فیلسوفلرک نظریاتی بنسیه ییلوردی.

مع مافیه اونیدنجی عصرده آلمانیده پروتستانلغک ظاهرأ اکتساب ایلدیکی وحدت جوق دوام ایتدی. بر طرفدن پییه تیزم جریانی وجوده کلدی که پروتستان کلیسانک شکل و مراسمه و یردیکی اهمیت قارشى برعکس عمل یایمق ایسته یور، عائله عباداته، خصوصی دینی اجتماعلره، باطنی مناجاته، بسیط و ساده عاداته، خلاصه زهده قیمت و یر ییلوردی. بوجریان دینی فراتقفورته، هالده، درسده اخلاق و دینی بر تجدد شکلنده تظاهر ایلدی. بحث مخصوصده سویلشدک که قانت کرک آتته سندن، کرک خواهجه سی شولزدن پییه تیزم تربیه سی کورمشدی. شبهه سز که بوجریان دینیک فیلسوف اوزرنده تأثیری واردر. فقط فلسفه اخلاقیه سندن بحث ایتدی کمز زمان سویلادی کمز کبی بونی اعظام ایتمه ملیدر. وقتا که پییه تیزم جریانی برنوع تصوفی شکل آلدی، منتسبلری بر طاقم چو جوجه اعماله، یتیمز توکنمز عباداته مواظبه قوبولیلر. قانت اوزمان بو جریانکده شخصی اولدی. «فاکولتهلر آراسنده نزاع» نامنده کی اثرنده پییه تیزمک بو تصوفی نتایجنه قارشى صریح بر صورتده مخالفت ایلوردی.

پییه تیزم پروتستانلغک وحدتی اخلاخل ایدرکن عقلیه جیلک (Rationalisme) جریانی ده بوبرلکی کسر ایلیه جک ماهیته ایدی. لاینسج - وولفک ایزندن یکیدن متفکرلر

عقل ايله دىنك غىر قابل تاليف اولديغى ادعا ايدىن (بهيل Bayle) قارشى بالعكس بوايكي سىنك وحدتى و ايمانك عقله استنادى انبات ايلكە چالشيورلردى . لاينىچ « غىرمعقول براءتقاد قبول ايديله مز » دىيورلردى . عقله جى پروتستان متفكرلرده بواساسى قبول ايدىيورلردى . بولرله كوره عقل ايجون نامتناهى ممكناات وارد . عقل بوممكنات ايجندن يالكز برقسمنك نه ايجون واقع و موجود اولديغك سببى كوسترمز . آنجق « وحى Révélation » دركه بوممكناتدن هانكيسنك واقع ودوغرى اولديغى بزم ارأه ايلر . تعبير آخرله وحى عقلك متناقض كورمديكى شيلردن ؛ يعنى ممكنااتدن هانكيلرى موجود بولونديغى ارأه صورتيله معلوماتمزى آرتيرر . معجزهده عقل ايجون نمكندر ، چونكه معجزات جناب اللهك حر اولارق خلق ايتديكى قوانين خارجنسده كى آثاردر . بو قوانين عقل ايجون ممكناات ايجنده بولونديغى كى اونك خارخنده كى افعال دهينه ممكناات ميانندهدر . حتى لاينىچ خرستيانلق اعتقادات اصليه سندن اولان تثليثك ، جهنمك . . . الخ عقلاً ممكن اولاييله جكنى اثبات ايلكه فالقمشدى .

آلمانايده اون سكزنجى عصر ك الهميات عالملىرىنك برقسى بواصولى تعقيب ايليورلردى . بولر بو عقلى تدقيق وتنقيدك اعتقاد موجودى تماماً ييقاجق بر يول آچمده اولديغك فرقنده دكلدیلر . فى الحقيقه وولف عقل ايله دىن منقولى ايضاح ايتك طريقنى او قدر ايلرىيه كوتورمشدى كه وحيك بوتون تفرعاتيله هانكى شرائط آلتنده تحقق ايتسى لازم كله جكنى عقلاً تعين ايتك قابل اولديغى ادعا ايلدى . او حالده متجسس بر ذهن برخطوده هايلرىيه كيدوب منقول اولان وحيلرده بوشرائطك موجود اولوب اولماديغى آراشديرمغهده لزوم كوره بيايردى . تعبير اخرله بو عقله جى فيلسوفك وبواصوله امثال ايلين الهميات اربابنك تعقيب ايلدكلرى يولده كيتمك لازم كليرسه عقلك وحيده بولونماسى لازم كوردىكى شرائطى دىن منقول ومثلا خرستيانلق وحضرت عيسى حائز ميدر ؟ سؤالى صور مقاممز طبيعى ايدى . فى الحقيقه وولفك اترام ايتديكى عقل طريقى ايلرىيه كوتورلديكى تقديرده دىن منقولده غير معقول نقطه لر كورمك وابلدى . نه كيم رايماروس عبنى بولدن كيدرك وحى ايله عقل آراسنده تضاد بولونديغى ، توراكك احكام وحكاياتك عقله ، حتى دىن طبيعىنك استلزام ايده جكى اخلاقه منافى برچوق حكملىرى احتوا ايلديكى ايلرىيه سورييورلردى . رايماروس نه ملحد ، نه ماديه مذهبي سالكى ايدى . عقلك بىزى يالكز بر قدرت الهميه نك وجودينه اينانديره بيله جكنه قالدعى . فقط نه وحى ،

نه معجزه، نه توراتك احكام ونصوصی معقول دكادی. رایماروسك بونظریاتیله آلمانیا به او صیراده انکایزو فرانسر متفکرلرینك قبول ایتدکری دین طبیعی وده ئیزم داخل اولمشدی. بر طاقم متفکرلر ومثلاً / مه‌نده له‌سسون‌ده عینی صورته بو جریانی تمثیل ایلورلردی .

بو دورك الك بویوك متفکرلرندن بری اولان له‌سسینگ رایماروسدن ده نفوذ نظرله دین ایله عقل مناسبتنی تحری ایلدی . له‌سسینگه کوره خرسیتیانلق « کتب مقدسه » متانك فوقنده بر قدرتی وبر معناسی واردر . تورات حقنده کی تقیدات دوغری اولابیایر . فقط حقیقی خرسیتیانلغی بو کتابده آرمقدن زیاده انسانلرک قلبنده تحری ایتمک ایجاب ایدر . خرسیتیانلق هر نوع تاریخی وثیقه‌نك فوقنده حیاتك ایجابیدر . ذاتاً هر دین ترقی اخلاقینك بر صفحه‌سی کوستریر ، بشریتك انکشافنده کچلمسی ضروری بر آنه تقابل ایدر . واقعا بو ترقینك نهایت هیچ نقل ونصوصه استناد ایتمهین بر دین عقلیه ، هر نوع جهنم و جنت اندیشه‌سندن عاری بر مذهبه واصل اولماسی ممکندر . فقط بو مستقبل غایه به واصل اولابیلمک ایچون بشریت منقول وتاریخی دینلره محتاجدی .

هر دهر - که قاتندن یکریمی یاش کنج واونک طلبه‌سیدر . - قاتندن اول فلسفه‌دینه اوزرینه دوشونمشدر . قانتک بو کنج و قیمتی طلبه‌سی له‌سسینگک اساسلی فکرلرینی آلیبور ، تاریخی وقعه‌لری اونکله ایضاح ایدیوردی . اوکا کورده دین ساده‌جه بر محصول تاریخی دکادر ، بلکه دین هر انسانک شو عالمده کی موقعی و وظیفه‌لری حقنده شعور حاصل ایده‌بیللمه‌سینه خادم بر فعل ماطیندر . بودورک ده ئیست فیلسوفلری عنندنه ساده بر خرافه ، معناسر بر افسانه ظن ایدیان دینی اساطیر حقیتده انسان ایچون طبیعی اولان حس دیننک شاعرانه برر افده‌سیدر . فیاسوفک وظیفه‌سی بونلرله آلائی ایدوب کچمک دکل ، بلکه اونک ایچنده کی حقیقت نقطه‌لرینی آرامق اولابیلیر .

یونان اساطیرنده کی پرومته‌نک یاپدینی کچی ییغمبرلر دیدیکمز بعض ممتاز وهیجانلی روحلرده انسانلرده کی حیسات دینه‌نک انکشافنی تسهیل وتعجیل ایتشلردر . اونک ایچون بونلر انسانیتک حقیقی مریلری وبر معناده مرشدلریدر . بالخاصه حضرت عیسی الک جاذب بر شکله الهک حمایه و ابوتی ، انسانلر آراسنده اخوتی تعلیم ایلمکه ، الوهیتی نمونه و مفکوره اولارق کوسترمکه بشریتک حقیقی مستخلصی اولمشدر . ایشته کتب مقدسه هب بویله الهی و انسانی بر صورته تفسیر و ایضاح اولونابیلر .

بو عقلیە جی فیاسوفلرک یوقاریده خلاصه ایتدیکنز تاقیلری یاقوبى کبی جداً درین بر منقذک شدتلی اعتراضه اوغرادى . یاقوبى واقعا قوتلی بر فلسفى سیستەم وجودە کتیره جک درجهده فکر مبدعى دکلدى . فقط حدأ درین تحلیل و تنقید قدرته صاحبدى . یاقوبى به کوره عقلیە جی فیاسوفلرک وارا جنى نتیجه آنجق « سېنوزا » نك مساکی اولابیلردى . چونکه سېنوزا بوتون اشیائی تك بر جوهردن ، تك بر علتدن استخراج ایلش وبوصورتله علمك استلزام ایتدیکی وجهله علتلر ساسلەسنی ایلاک حلقەسنه رېئ ایلشدر . بونکه برابر یاقوبى بوتون عقلیە جی فیاسوفلرک تعقیب ایلدیکی طریق یاکایش بولوبور ، اولری دوغریدن دوغریه وجدانك ، احتساسك شهادتی نظره آلاماقله اتهام ایلیوردى .

یاقوبى به کوره الهی اثباته قالمقده نه معنا وار ، بز اونى دوغریدن دوغریه عقامز حتمندە کی شعورله مترافقاً بیلپورز . « عقل صاحی اولق واللہ بیامک ... بونک ایکس برشیدر » عینله بز مختار اولدیغمزى وخیر وشرى دوغریدن دوغریه بیلپورز . بو صورتله یاقوبى الهی دوغریدن دوغریه حسک ، شعورک شهادتنه مستند کوریوردى .

ایشته اون سکنجی عصرک صولک ربەندە فلسفە دینیه حتمندە آلمانیاده وجودە کان فکر جریانلری بولردى . شېه ایدیلە مرکزە قات بو جریانلرک ھسنە واقندى ، ھېسنی تدقیق ایتشدی . حتی سیستەمنک منجر اولاجى فلسفە دینیه نی صورت مخصوصەده تثبیت ایتزدن اول بو وادیدە کندى اسلافنک فکرلرینه قارشى تماماً معارض بر استقامت آمش ایدی . ۱۷۸۵ دە مەندەلەسسون ایله یاقوبى آراسندە بر مناقشە باشلادی . بو مناقشەنک ظاهراً موضوعی « لەسینگ سېنوزا فلسفەسى طرفدارى » اولوب اولمادینى ایدی . حقیقتدە الهک وجودى عقلاً اثبات ایدیلەجکە فاع اولان مەندەلەسسونک عقلیە جی تلقیسله یاقوبینک حسیە جی فلسفەسى یکدیگریله چارپشیوردى . بو مناقشە مەندەلەسسونک « صباح ساعتلرندە Morgenstunden » عنوانی طاشیان کتەبە جواباً یاقوبینک « سېنوزانک مسلکە دائر مکتوبلر » عنوانیله یازدینی اثرله قوتلی بر صورتدە باشلادی . مەندەلەسسون ھان ایرتسی سنە « لەسینگ دوستلرینه » عنوانیله بر رسالە ایله مناقشەنى تکرار آچدی . یاقوبى ھان « صباح ساعتلرینى تدقیق » عنوانی طاشیان کتەبیلە جواب ویردى . یاقوبى بو اثرى طبع ایتدیرمزدن اول فائتە کوندرمش ، اثرد بر مقدمە یازماسنى رجا ایلشدی . فائت بوکا موافقت ایندى . یازدی بر قچ حیفەنک مقدمەدە دییوردى کہ مەندەلەسسونک

یابدینی کی بومسائلده - یعنی الهی اثبات صدندنه - یاپیلان مناقشاتک برکله نزاعندن باشقه
 برشی اولدیفنک فرقه وارماق چوق قولایدر. انجق انتقاددرکه بومسائل بویله کله نزاعی حالندن
 جیقاریر، فکدرلی میدان قویارق بووادیده مثبت ومنفی هیچ بر دلیل سردایدیله میه جکینی،
 یعنی اللهک نظری برهان ایله نه وجودی ونه عدم وجودی اثبات اولونامیه جفنی اورتایه قویار.
 قانت مهنده له سسونه مخالفتنی اظهار ایتیش اولمقه برابر یاقوبینک تلقیسنی ده قبول
 ایتیموردی. حتی کندیسنی یاقوبیدن زیاده مهنده له سسونه یاقین بولویوردی. بونک ایچون
 یاقوبیله قرابت فکریده بولونمادیفنی کولترمک لزوم وجدانیسنی حس ایتدی. عینی سنه
 «تفکراتده بزه استقامت ویرن ندر» [۱] «عنوانی طاشیدان چوق سایان دقت بر رساله
 یازدی. اوراده مألأ شویله دییوردی. «مهنده له سسونک حقی اولارق بویوک برهیجان
 وقطعیته مدافعه ایلدیکی کی یالکیز عقلک کولستردیکی استقامته توجه ایلیمیلیرز. «کذلک
 یاقوبیده اوزاقلاشدیفنی کولسترمک اوزره شو سوزلری علاوه ایلویوردی: «بواثرله
 اراؤه ایلیمه جکم که اعتقادات موجودیتی ادعا ایدیلن سری برحس حقیقه، ایمان دینیلن
 متعال برحدسه دکل یالکیز عقله مستند اولایمیلیر». بومقدمدن صوکره بزه استقامت
 ویرن ندر؟ سؤالنه جواب ویریور. حیز داخلنده مکان حقنده کی انفسی حسمزه استناد
 ایدیور وبوصورتله حیزه متعلق تفکراتده بر استقامت آلیورز. نته کیم قبلی اولان مکان
 حسی بزه دوغریده صاغ وصولی، اوک و آرقیبه تفریق ایتدیریور. مادی
 حادثانده علیت مقوله سی بزه استقامت ویریور، اوصورتله تحریاتده بولونویورز. فقط
 محسوسات فوقنده اولان موجوداتده هانکی رهبر بزه استقامت ویره جک؟ عقل محضک
 انتقادی کولسترمشدرکه نه حساسیت، نه مدرکه نک تصوراتی بزه رهبرک ایده مز. شو
 حالده عجبا عقل بو محسوسات فوقنده اولان اشیایی، ذات شیئی Chose en soi تعیین
 ایده جک برمبداء مالکمیدر؛ اولسه اولسه بومبداء انجق عقلک بعضی فکرلر، بعض مفکورهلر
 اعتقاد ایتک احتیاجی اولایمیلیر. فقط عقلک ایجاب ایتدیکی هر فکر بزم ایچون ایمان
 ضرورتی وجوده کتیره مز. فی الحقیقه بن عالمک علت اولاسی حقنده دوشونورم
 فقط بو نظری دوشونجه نتیجه سنده محقق بر حکم ویرمک ضرورتنده دکم. اختیاریمک
 استهداف ایتدیکی غایه حقنده ایسه حکمده بولوتیق مجبوریتنده میم. چونکه اختیار
 بالذات عقل مؤثر، عقل عملیدر. اوبزه وظیفه حقنده، وظیفه نک شرطی اولان اختیار،

[۱] کتبیاتده ۳: نوسرو ایله کولستریلن اثر.

روحك بقاسى ، اللهم وجودى حقنه ده برحكم ويرمكه اجبار ايلر . كورولو يوركه عقل نظرى اعتباريله بو مابعدالطبيعى فكرلر حقنه بر حكم ويرمك ضرورتنده دكل . حالبو كه عقل عملينك وضع ايتديكى احتياج بونلرى تصديق ايتمكه بنى مجبور ايدر . ايسته بو احتياج ، بو ضرورتدر كه معقول بر ايمانك يكانه ممكن تمليدر . بو حلاله دين انحق وظيفه ، بناء عليه اخلاقيت اوزرينه استناد ايله بيلير . اخلاق ناصيل عقل عملين تولد ايدييورسه ، دين ده او كا استناد ايدييور . بو اعتباريله « دين عقله مستنددر » دينلرك حقى واردر . شوقدر كه عقل نظرى دكل ، عقل عملينك تولد ايتديكى احتياجدر كه بزي ايمان دينيه سوق ايدر . تاريخاً مثبت ادباتك ايجاب ايتديكى اعتقادات ده داخل اولمق اوزره هرايمان معقول اولمق ايجاب ايدر ؛ يعنى اولاً اونك موضوعى عقل محضك محتواسى داخنده اولمالى ، ثانياً عقل عملى اونك تصديقه بزي سوق ايتمش بولونما ليدر . بو تقديرده هرايمان اعمالدن متولد براحتياجك محصولى اولدينى ايچون انفسى اوله رق مؤمنه كافيدر ، فقط بونك برشيئى تعيين ايده جك ماهيته اولمادىنى ، بناء عليه شيئى بر علم وجوده كتي رمدىكى بيلنمليدر . انحق بويلاه بر نظريه قبول ايتك صورتيله در كه مهنده له سسونك ترويح ايتديكى كچى تصوفى بر طريقه دوشمكدن ، ياقوبى كچى تماماً غير مثبت بر حسه التجا ايتكدن ياخود بر طاقم خرافاته مستند عقیده لره صابلا نحق ، الحاد كچى عندى قناعتلره صابتمقن كنديمزى قورتاره بيليرز . ايسته قانت بو شان دقت اثرنده كندندن اوليكي « فلسفه دينيه » مسلكلرى حقنه كى حكى بويلاه ايدى .

قانت « دين » حقنه كى اثرينى يازما زدن بش سنه اول « برلين مجموعه سى - berhiner manat shrift » سنده يازدينى مقاله ده ده لابنيچ وولفك عالمك كالى حقنه كى نيكيبنى فلسفه منه واو كا استناداً وجود الهى ي اثبات حقنه سرد ايتدكلى دليلاره شدتله هجوم ايلدى . بو مقاله « الهيات ساحه سنده هر نوع فلسفى تشبثاتك عقامتى » عنوانى طاشييور . بو اسم ده صريح اوله ره ، كوسترييور كه قانت فلسفه الهيه مروجلرينك التزام ايتديكى طرزده الوهيتى اثبات ايتمكه چايشمك بيهوده اولديغى سوبلك ايسته يوردى . فى الحقيقه مقاله باشدن اشانغى بوا مكالنسزلى ميدانه قويويور ، وجود واجبى اثبات ايچون سرد ايدان دليللرك جور و كلكنى كلا تيويودى . مثلاً بونيك بونلك فلسفه سى طرفدارلرى سر اخلاقي ي ، اخلاقي نقصانلرى بالطبيع قدرت خالقك اثرى عدايده ميورلر . اونك ايچون متناهى ونقصان

اولان طبیعت انسانیہ نك ضروری بر نتیجہ سی کور ویورلر. بوتقیدر ده اخلاقی فنالق بر ضرورت اولویور . بویله اولونجه اخلاقی حکملرک ، مسئولیت و تقییجک، نه معناسی قالیر ؟ نیکینلک فلسفہ سی طرفدارلری دیورلرک عالمده کی نعمتلر ، ایللکار بالنتیجہ فنالقلرک یکوننه غالبدر . فقط بوناصل اثبات ایدیله بیله جک ؟ نیکین فیلسوفلر قبول ایدیورلرک دوغری و فضیلتلرک اولانلر اکتریا مرائی و فنا آدملردن فضلہ المہ معروضدرلر . فقط بوصورتله المله مجادله ایتملری فضیلتک قیمتی آر تیریر . بوفکر غریب دکلی ؟ اگر فضیلت رذیلتدن ده فضلہ المی موجب اولویورسه شو حالده خیر صاحبی فضیلت صاحبی اولمغه جهد ایتدیکی ایچون دکل ، ساده جہ خیر ایشله دیکی ایچون المہ معروضدر . یعنی چکدیکی عذاب خیردن متولددر . بو حکم دوغری اولابیلیرمی ؟

کورولویورک فلسفہ الفیه Theodicee عالمده حکمت الہیہ نك وجودنی اثبات ایدہ میور . فقط بدینلک فاسفہ سی مروجلرینک قبول ایتدکلری کی عجبیا بونک عکس قابل اثباتیدر ؟ عالمده کلسزلک ، آهنکسزلک اولدینی ادعا اولونابیلیرمی ؟ خاییر ... بومسئله نه مثبت ، نه منفی طرزده حل اولوناماز . انتقاد طریق واضحاً اراؤه ایدرک بو مسئله اطرافنده یاپیلان مناقشہلر بیوده در . چونکه شر و فئالقی الله ایله عالم آره سندہ کی مناسبت مسئلہ سنک بر جبهہ سیدر . بومسئله ایسه نه مدرک ایچون ، نه عقل ایچون قابل حل ، قابل علم دکلدر . او حالده بزم ایچون قابل علم اولمایان بو مسئلہ نی بویله بیوده مناقشہ ایدوب دور ماملیز . انتقادک اصولی تطبیق ایدرک بو مسئلہ نی بستیون باشقه صورتله وضع ایتلیز . ایشته « عقلک حدودلری داخلندہ دین » [۱] انتقادک اصولنه صادق قالمق اوزره بو مسئلہ نك نه صورتله تدقیق ایدیله بیله جکنی کوسترمکی استہداف ایدیور .

بزده شیمدی قنتک او اثرده کی ملاحظاتنه تبعاً بو مسئلہ نك تاصل تلفی ایدلمی لازم کلہجکی کورہجکیز .

عالمده اصلی فنالق

آدمک چنتدن ضرری حکایہ سی و بوتون اسکی افسانہلر ، تاریخ ، تجربہ کوستریورک انسان اصلاً فنادر . بعضی فیلسوفلرک ، روسو کی بعضی تربیہ عالملرینک « انسان

(۱) کتابیتده ۶۵ نومرو ایله کوستریان اثر .

فطرۃٴ ایدر . « دستورینی کال جسارتله اورتایه قویملری ، بونی مدافعه ایتمکه قاقمالیری هب بیهوده اولمشدر . چونکه بو نیکیین کوروشی قولایقله جرح قابلدیر . اگر انسان طبیعتاً ای ایسه حراراده مزدن انبعاث ایدن قانون اخلاقی نهایچون تماماً تحقق ابدمه یور؟ نهایچون نفسمزده قانون اخلاقیق جاری اولسنه مانع اولان تمایلیری بولویورز؟ شو حالده انسان اصلاً ایدر دینه مر . مع مافیه انسانلرده وظیفه قانونی کی مطلق بر مبدأ خیر وارکه ایلیکی امر ایدیور . فنالق بزده . موجود قانون اخلاقی ایله تعین ایدن اراده مزله حیوانی سوق . طبیعییر ، خودکامی کی تمایلیر آراسنده کی تضاددن وجوده کلیور . شو حالده عالمده کی شری آنجق وظیفه نك ايجاب ایتدیکی اراده ایله طبیعی میلانلر آراسنده کی مبیانتله ایضاح ایدمیلیرز .

شرک سبب وجودی طبیعی میلانلریمزله ارادهٴ اخلاقیه آراسنده کی مبیانت اولقله برابر طبیعتك دوغریدن دوغریه اخلاقیلغه ، خیره مانع اولدیغنی ظن ایتمه ملیدر . بالعکس طبیعت غایهٴ اخلاقیه دوغری ترقی تسهیل ایدیور [۱] . بناءً علیه انسان فنا ایسه سبی طبیعتك تحکمی آلتنده بالضروره قالدینی ایچون دکل ، اساساً کندی اراده سیله ، کندی کندینه ویردیکی استقامتله قانون اخلاقیه مغایر اولان طریق التزام ایتسندندر . شو حالده شرک منشأً اصلیمی طبیعتدر دییه میز . بالعکس اراده مزله او یولی قبول ایدیورز . اصلاً اراده مزده فنادر دییه میز . چونکه اراده بداته فنا اولاماز . بالعکس بشرک اراده سی حد ذاتده ایدر . چونکه عقل عملی ، اراده درکه قانون اخلاقی بیلیریور . انك فاسق اولانلره بیله وظیفه نك صداسنی دویدریور . شو حالده اصلاً نه اراده ، حتی نه طبیعت فنادر . شر بویکی عنصر آراسنده کی مناسبتدن ، طبیعت ایله اختیار آردسند کی مجادلدن ایلری کلیور . انسان تمایلاتی قانون اخلاقیه تابع قیلاجنی یرده اراده سنی کیفنه ، حساسیتنه ، احتراصلرینه منقاد قیلور . بالاراده کندی کندی آلداتهرق « وظیفه نك ايجاب ایتدیکی طریق بیرا قیور ، حس و تمایلنك سوق ایلیدیکی یوله کیدیور . ایشته بو حالدرکه اصل شری وجود کی کیریور ، چونکه اعمال بشریه نك منشأً « وظیفه » اولمی لازم ایکن بالعکس حرکتلریز قانون اخلاقیه رعایت استناد ایتیهور ؛ واونك ایچون اخلاقی اولمایور . سن پولك « ایماندن کلین هر نی کناهدر » وجیزه سنی « قانون اخلاقیه حرمته مستند اولمایان هر حرکت سردر ، بناءً علیه کناهدر » طرزنده آکلامالی یز .

[۱] فلسفهٴ تاریخ قسمنه باقیکنز .

خلاصه حساسیت‌ها اراده آراسته‌نده اساسی آهنکمزك بولونماسی اصلی كناهك ، شرك منشايدر .

مع مافیه بو اساسی فسق ، بو اساسی شری تاریخی خطانك ، جدیمزك یابدینی قباحك میرائی عد ایده‌مه‌یز . هر خطا شخصیدر ، بناء علیه احفاده منتقل ضروری بر میراث کی مطالعه ابدیله‌مز . اونك ایچون توراتده کی « هبوط آدم » حکایه‌سنی حرفیاً واقع ایش کی قبول ایله‌مه‌میلیدر . دیگر جهندن شری هر فردك حیاتی اثناسنده ایلك ارتکاب ایلدیکی خطا ایله وقوع بولان براخلاقی سقوط فرض ایلیه‌مه‌یز . چونکه فسق ، وشرك ایزنی جوجوقلق دورنده بیه کندیمزده بولورز . خلاصه اصلی کناهی ، شری مادی ، تاریخی علت‌لرله ایضاح ایلیه‌مه‌یز ، بالعکس عقلی انامز ، *Moi nouménal* نفس معقولز قرار و تصمیم‌لرنده تجربه‌دن اول و عالم حسی خارچنده قانون اخلاقیدن ماعدا سوائی اختیار ایش و اصلی کناه بوصورتله وجوده کلشدر . واقعا عقلی انامزك بو یولی نه ایچون ایتدیکی قابل ایضاح دکادر . نه‌کیم توراتده « آدم » ك میوه ممنوعی یه مکی ترجیح ایدرك سقوطه محکومیتنی بر « سر » اولارق قبول ایدیور ، اونی مافوق‌الطبیعی بر وجودك تشویقته حمل ایله‌یور . بوصورتله ایلك انسان اولان (آدم) عقلی انا *Moi nouménal* ك بررمزندن باشقه دکادر . آدمك میوه ممنوعه‌ی یه مسی ، (عقلی انا) نك اراده‌لرنده قانون اخلاقی خارچنده کی سوائی ترجیح اتمسی صورتیه تفسیر ایدلملیدر . مع مافیه ترجیح غیرقابل تعمیر دکادر . نه‌کیم توراتده ایلك بشرك جتندن طرد ایدلمسده رغماً انسانك دنیاده خیر و ثواب ایشلیه‌رك غفران الهی یه مظهر اولایله‌جکنی بناء علیه جتته قاووشه‌بیه‌جکنی قبول ایتشدر . فی‌الحقیقه عقل اراده‌نك حس و تمایله زبون اولماسنك تولید ایتدیکی سقوطه رغماً انسانك اخلاقاً کندیخی یوکسته‌بیه‌جکنی بزه تسلیم ایتدیریر . چونکه وجدان بزه « وظیفه » لریزی امر ایدر . مادامکه بو صورتله اراده‌مزی حس و تمایللردن قورتارمدرق قانون اخلاقی یه تبعیتله مکلف اولویورز . احوالده بو مکلفیتك ایجابی اجرایه قادرز ؛ یعنی مختارز ، کندیمیزی بو سقوطدن قورتارایلیرز ؛ اراده‌مزی یالکز قانون اخلاقی یه توفیق ایله‌بیلیرز . بوصورتله اراده ایله‌حساسیت آراسته‌نده طبیعی بر مناسبت تأسس ایدر . و تمایلات اراده‌نك مطیع بر آلتی حالنه کلیر .

فقط مادامکه انسان تمایلات و احتراصی اراده‌سنه حاکم قیلاراق اساساً سقوط ایتشدر . شوحالده قانون اخلاقی یه تبعیتله وجوده کله‌جك تجدد تماماً اخلاقی بر انتباه ، تعبیر آخرله

یکیدن بر او یانمه اولاجقدر. شوقدرکه تجدد و انتباهه مظهر اولان انسان هر نوع نقیصه دن عاری عد ایدیه مز. یالکیز قانون اخلاقی بی حساسیته حاکم قیلمغه نیت ایلدیکی ایچون یاواش یاواش حرکاتی اصلاح ایدرک اخلاقی تجدد و انقلاب وجوده کله جکدر. ناصیل انسانک تمایلاتی اراده سنه حاکم قیلار ق سقوطی بر سر حالنده ایسه اراده نك قانون اخلاقی به تابع اولار ق اخلاقی تجدد و انتباهه مظهر تی ده قابل ایضاح اولمایان برسر در. نته کیم خرسیتانلق ده بونی غفران الهی (grâce divine) به حل صورتیله ایضاح ایدیه مییه جک یر « سر » عد ایدیور. شوقدرکه مغفرت الهیه فکریخی اخلاقیلنگ اساسنی و حتی دینک ماهیتی اخلال ایلیه جک وجهله ایضاح ایتمه ملیدر. مثلاً انسان حرکاتی اصلاح ایتک ایچون هیچ برشی یامادیفی حالده دعا و نیاز ایله ، یا خود اللهم بر عنایت و لطف مخصوصی ایله ضاللدن ، فنا لخدن قورتولاجنی اعتقادیخی قطعاً بسلمه ملیدر. بو اعتقاد اخلاقی اساسندن تخریب ایدر. هر کس کندی جهدی نسبتنده اخلاقی انتباهه مظهر اولور . بناء علیه انسان بیوده غفران الهیه به منتظر اولوب دور ماملی، اراده نك احتراض و تمایلاتک اسارتدن قورتار منی ایجاب ایدن قوتک برسر اولدیغنی ایلری به سورده رک متحیر و مضطرب قالملی. بالعکس دوشونملی که قانون اخلاقی بلا قید و شرط اخلاقی عملی امر ایدر. شو حالده بونوع اعمالله مکلفز ؛ حسن نیته مستند جهدلرله اخلاقی عمللری وجوده کتیره جک قوته مالک اولور ز. خلاصه مادام که انی بی باعقله مکلفز ، او حالده تماماً ایملکی استهداف نایده جک برتجدد ممکندر .

انی و کوتو . بدألرک مجادله‌سی

انسان اراده سکک قانون اخلاقی به قارشی آلاجنی وضعیته کوره انی ویا فنادر ؛ یعنی اراده یالکیز قانون اخلاقی به منقاد اولور سه ایدر، تمایلاته زیون اولور سه فنادر. شوقدرکه بوقانون اخلاقی انسانک اثری دکدر ؛ چونکه متعادلر . اولسه اولسه اراده الهیه نك بر تجلیسی اولابیلیر . فی الحقیقه یوقایده ده کورمشدک که [۱] مخلوقاتک غایه سی یالکیز انسان طرفدن خیرک تحقق ایتدیر یلسی اولابیلیر. تعبیر آخرله اشیا غایه اخلاقیه بی وجوده کتیره جک بوجهله ترتیب ایدلمش عدا ایدیه یلیر. بناء علیه بو غایه بی تمثیل ایدن، یعنی تماماً اخلاقی اولان انسان [۱] فلسفه تاریخ قسمنه باقیکز .

انمودگی بذاته اللهك ماهیتندن انبعث ایلش عداولونا بیلیر. تعبیر آخرله تام اخلاقی اولان بو مفکوره وی انمودج علی العاده بر مخلوق دکل ، ازله الوهیتک ذاتنده مندیج اولارق قبول ایدیله بیلیر . بو مفکوره وی انسان مخلوقاتک غایه سنی تمثیل ایتدیکی ایچون بالذات الوهیتک مولودی وابن الهمدر ، غایه وجود اولق اعتباریله مکونات اونک ایچون خلق ایدلشدر . الله اونک ذاتی ایچون علمی سومش وتکوین ایلشدر . بو الهی مثال ونمونه یه توفیق حر کتله در که بزده اللهه تقربی امید ایدیله بیلیرز . [۱] هنوز حال ضالانده ایکن ، یعنی حساسیتمز تماماً اراده نك منقادی دکل ایکن کندیمری بومفکوره وی انسان عدا یلیله مه یز. بناء علیه بوانمودجی سمان اینش فرض ایلکه مجبورز . او ، سمان اینه رک بشر شکلنه کیرمش ، بزم سفالتلریمز اشتراك ایش، برطاقم نمونه ومثالار کوستره رک خیری تعلیم ایش اولارق قبول ایدرز . عینی زمانده بومفکوره یی اعلا ایچون اونک اک مشقتلی ایشلرده غالب کلدیکی ، عالمک خیری ایچون نفسنی فدا ایده جک صورته هر نوع مهالك وعذابه قاتلانديغنی تصور ایلرز .

ایشته « مسیح » بودر . بناء علیه غیر قابل وصول اولمقله برابر عقل عملینک ارادی. جهدیمر ایچون قبول وبزی سوق ایتدیکی بو مفکوره بر ایمان اخلاقینک موضوعیدر . بزایمان ایلایکمز بومفکوره وی وجودی تقلید ایتکه مکلفز . مادامک عقل عملی بومکلفیتی وضع ایلور و بزه قبول ایتدیریور ؛ اوحانده بوکا امتثاله قادرز .

حقیقه بوکالی حائر برانسان تاریخک هر هانکی بردورنده موجود اولدیمی ؟ تاریخ بزه بویه بر انسانی کوستیریورمی ؟ بو سؤاله مثبت ویا منفی جواب ویرمکده بویوک بر اهمیت یوقدر . چونکه تجربه لریمز ، وقایع تاریخیه قانون اخلاقینک ایجاب ایلدیکی نظام مطلق حقنده ، تعبیر آخرله بزم تحقیقه مکلف اولدیغمز مفکوره یه متعلق خصوصاتده معیار اولاماز . اونک وجودنی وعدم وجودنی تجربی دلائل کوستره من [۲] مع مافیه بویه مفکوره وی شخص مقدسک یر یوزنده ظهور ایش اولسی غیر ممکن دکلدر . چونکه هپه بومرتبه یی ، بوقدسیت مرتبه سنی نفسمزده تحقق ایتدیرمکه مکلفز . شوقدرکه بویه

[۱] قات بوجمده خرسینانلق عقائیدی بررمن عد ايله اونلری کندی فلسفه سنه کوره ایضاح ایلور . خرسینانلک (ابن الله) نی مفکوره اخلاقیه نلنی ایدیور . بو بحثی اوقورکن قاره خرسینانلق عقائیدی دائما حط لاملی ، وفاتک اونلری بررمن عد ايله تفسیر ایتکی استهداف ایتدیکنی اونوقت مایدر .

[۲] اختیار فلسفه تاریخ قسمته بائیکن .

بر انسانك یروزنده ظهور ایتدیکنی قبول ایدینجه اونك حقیقهٔ بومفکوره یی تجلی ایتدیردیکنی برطافم معجزه لر ، برطافم دلائل خارجییه استناد ایله اثباته قالماملی یز . بویله بر شخصك بوکالی حائز اولدینی انجق باطنی حیانتك تماماً صافیته ثابت اولابیلیر . کذلک بویله بر شخص دیکر لرینه نمونه اولارق برتجدد دینی وجوده کتیرسه بیله ینه اوکا طبیعت وانسان فوفنده بر قدرتی حائز نظریله باقماملی یز . چونکه بوتقدیرده انسانیت ایچون برنمونه اولماز . بالعکس انسان عد ایدیلنجه اونك حیاتی بزم ایچون خیرلی برمشوق ومثال اولور . خلاصه خرسینانلغك قبول ایتدیکنی « ابن الله » تعبیر آخرله اخلاقی کال ایستر تاریخك هر هانکی بردورنده بر شخص حاله تمثیل ایتش اولسون ، ایستر اولماسین ، بومفکوره ایله ، بومفکوره یه ایمان ایله ، بونی حیاتمزه نمونه ومثال عد ایتمکه « صلحا justes » دن اولابیلیر ، انجق بوصورتله سلامته ایریشیرز .

شبهه یوق که اراده مزك ذات الهیدن انبعث ایدن بومفکورهٔ اخلاقیه واسطه سیاه اللهه توجه ایتسی بزی همان غاییه ایریشدیرمز . سادهجه اوکزه نامحدود برترقی یولی آچار . بویله یقده دوام وثبات امیدینی وریر . خرسینانلقده « روح القدس paraclet » ک افاده ایلدیکنی معناده بودر . فنا آدم ایسه بوغاییه نظراً دائماً سقوط ایتمکده در . جهنم فکری بوسقوطی افاده ایدر . بناء علیه بوفکری بر مبدأ ناظم کی قونلاتماملی یز ، یعنی جهنم فکری دنیاده کی خطالریمزك اولدکن صوکر ا قابل تعبیر دکلش کی حرکت ایتمکه مجبور اولدیغمیزی خاطر لاتمالیدر . تورات ایی وفنا مبدأ لک زعاعنی ده بروقهٔ تاریخیه کی مشخص اولارق حکایه ایلکده در . فلسفهٔ انتقادیه بو حکایه ك حقیقی معناسنی میدانه چیقارمق مجبور ایتددر . فی الحقیقه توراتده کی حکایه شو صورتله تفسیر اولنه بیلیر :

آدم قیسه بر حریت ومعضومیت دوری کچیردکن صوکر ا فنانلق روحی عالمه حاکم اولوبور . بشرک اوغرادینی بو اخلاقی شر انجق بر معنوی و اخلاقی قوتله احما ایدیه بیلیردی . بوقوتك تجلیسنه قدر بنی اسرائیلک ته اوقراتیک حکومتلری آز چوق ایلیک مبدأنی تمثیل ایدیوردی . شو قدرکه بو حکومتلر باطنی صافیتی تجلی ایتدیرمکدن زیاده قانون اخلاقینک خارجی ، حقوقی تظاهرینه نظارت ایدیورلر ، اهمیت و یرییورلردی . نهایت کئنددن اولکی فیلسوفلردن ده صاف حکمته صاحب اولان و بناء علیه سمدن نازل اولمشه بکزه یین بر انسان ظهور ایتدی . بوکاما هم بر انسان حقیقی ، همه الله طرفندن کوندرلمش پیغمبر دینه بیلیردی . بناء علیه معصوم و هر نوع شرک تسلطه قارشى مصون

اولویوردی . دیگر جهتن اراده نك حساسیت و تمایلات اوزرینه ظفرینه اشارت اولق اوزره اونك باباسز اولارق دنیاه کلدیکنی ، یعنی بر با کردن ، مریمدن دوغدیغی قبول ایدیلیوردی . بوشخص کامل شر مبدألرینك دهشتله تجاوزینه معروض اولدی . فنالفك تعرضی قارشیسنده عذاب چکدی ، نهایت بوتجاوزلر اونی اولدیردی . فقط بومغلوبیت حقیقته برظفردی ، چونکه حسی حظوظاتك رد ایداسنه ، یعنی کال اخلاقیه علوی بر مثال اولدی .

ایشته کتب مقدسه نك حکایه لری بویله روحه وعقله موافق برطرزده تفسیر ایدلیکی وهرنوع سری mystique شکلدن تجرید اولوندینی حالده هرزمان وهرمکان ایچون عملی قیمتی حائر بولونور . چونکه بوتون بو حکایه لر انسان ایچون سلامتك آنجق فساداخلاقیدن استخلاصده اولدیغی کوستیر .

اییلک مبدائلک غلبه سی ؛ دینی جماعت

یوقاریده کوردک که هرانسان حسن نیت دیدیکمز متعال برحرکتله کندینی اصلاحه قادردر . شوقدرکه یاشادینی مدتجه دائماً فنا مبدائلک تجاوزینه معروضدر . بالخاصه همجنس لری ، یعنی جمعیت ، روسونک پک اعلا تقدیرایندیکی وجهله ، کندیسینی افساد ایدن بر منبعدر . مدنی جمعیت بیله نه قدر مکمل حقوقی تشکیلاته مالک اولورسه اولسون افرادک مناسبات خارجیه سنی تنظیم ایدر ، فقط وجدانلره نفوذ ایدمز ، هرکسک اراده سنک قانون اخلاقی به تطابقنی تأمین ایلیمز . حالبوکه اینی مبدائلک غلبه سی آنجق تماماً اخلاقی بر جمعیت ایله ، اخلاقی بر جمهوریت République etique ایله ممکندر . اویله برجمهوریت که اونک تشکیلات اساسیه سی قانون اخلاقی و وظیفه دن عبارت اولاجقدر . قانون اخلاقینک تحققنی مکوناتل غایه سی کی ملاحظه ایده بیله جکمز نظرأ قانونی یالکیز وظیفه دن عبارت اولان بوجعیتک واضع قانونی ده « الله » اولور . ایشه بویله برمفکوره وی . جمعیت جماعت دینی (L'Eglise) در .

حقیق جماعت دینه عمومی وهر تورلو غیر اخلاقی اساسلردن عاری اولاجقدر . بوجاعتک افرادی تماماً حردر ، یعنی اونلرک اعمال وحرکتی یالکیز قانون اخلاقی اداره ایدر . بویله اولدیغنه کوره حقیق جماعت دینه ماضیدن منتقل ومشکوک اولان وبناء علیه .

انسانلری اختلافه سوق ایدن بر طاقم رمزله، نصوصه استناد ایلز و بلکه لایتغیر و ثابت اولان قانون اخلاقی به مستند اولور . باشقه تعبیرله حقیقی جماعت دینه باشنده « بابا » اولان بر مونارشی شکلنده ویا « تئووک » ویا پاسلر کبی ممتاز بر صنفک امرینه تابع آریستوقراسی حکومت حالده بولوناماز . بویله بر جماعتک رئیسی ، بر وجود غیر مرئیدر که هر فرد صلاح حاله جهد صورتیله ، الله طرفندن نازل کبی قبول ایده جکمز اخلاقی مفکوره به انتساب سایه سنده اونک چوچنی ، مولودی اولایلیر . بومفکوره وی جماعتک افرادی آراسنده یالکیز بر رابطه واردر ؛ اوده هر انسانده مشترک اولان عقل عملی به ایماندن باشقه برشی دکلدور .

فقط مع التأسف انسان وظیفه سنی ایفا ایتمکه بالذات قانون الهی به اطاعت ایتدیکنه و خیر صاحبی انسانک بو حالیه الله یولنده خدمتکار بولوندیغنه قولایلقله قانع اولامایور . اونک ایچون بشر بر طاقم اشکال و مراسمه الله عبادت ایتمکه محبور اولدیغنی ظن ایدیور ، ماضیده کی وقایع ایچنده ایمانک مسندنی آراشدیریور ، عبادت لری یاپایلمک اوزره معبدلر انشا ایدیور ، دینی مراسمک اجرایی ایچون راهلره محتاج اولویور ، منازع فیه مسئله لری مناقشه به محل ویرمه مک و حل ایدیور مک اوزره کتب مقدسه به لزوم حاصل اولویور . بوندن مختلف دینی جماعتلر دوغویور ، هر جماعت متقابلاً یکدیگری نی تلعین و آفرور ایله یور .

مع مافیه مادام که بشریتک شیمدیکی سویه سنه کوره ماضیدن منقل اولان دین عقله مستند ایمان ایچون برواسطه و اوکادوغری سوق ایدن بر عاملدر ، او حالده نقله مستند بو عقائدی تفسیر ایتمک و عقل عملی ایله مطابقتی آرامق لازمدر . مثلاً کتب مقدسه ده ، کلام کبار میاننده عقل عملینک ایجاباته موافق کبی کوروله یین بر نص و یا عباره به تصادف ایدیغنه او نی تفسیر ایتمکه مجبورز . مثلاً تورانده حضرت داووددن بحث ایدرکن بر دشمنه فارشی چیرکین بر انتقام توصیه ایدلمکده اولدیغنی کورویورز . بونی فضیلتکار بر آدمک بالذات کندی احتراصاته فارشی غضوبانه بر فریادی عدایی یز، کذلک سن پولاک « الله ایستدیکنی هدایته اریشدیرر » مألنده بر سوزی واردر . اکر بونی حقیقی معناسنده آلیرساق حریت و جهد بشری انکار ایتمکه منجر اولاجغنه نظر آچوق ! گایش اولور . فقط بونی ساده جه ایلکک و فنا لغک حقیقی منشأ و سببی ا گلامق علم بشر ماوراسنده اولدیغنی و بناء علیه بزم ایچون برسر بولوندیغنی رمزاً افاده دن عارت عد ایتلی یز . حتی حضرت عیسانک حیاته عاقد

اولان جهتلری بالخاصه عروج و تکرار ندولنک تاریخاً وثوقنی بیک تورلو مشکلاته رغماً اثباته قالمیملی. خرستیانلق تاریخنه کنجه ایمان نقطه نظرندن بونلر ایچنده مثبت اولمایان حیمهلری فضله تنویر و ایضاحه قالمقده هیچ بر فائده یوقدر. بلکه اولنک یالکیز قیمت اخلاقیه سنده اصرار ایتملیدر. خلاصه عفاذلک اکثری حریفاً قبول ایدیله مز، اونک ایچون بونلر صرف اخلاقی برصورتده تفسیر ایدلملیدر. بویله معقول وکنیش تفسیر سایه سنده دین منقول ایله عقل عملی آراسنده آهنگ تاسیس اولونابیایر.

مذهب و باطل مذهب

دین و رهبانیت

یوفاریدنبری ویردیکمز تفصیلاته نظراً دین «وظیفه برامر الهی اولارور طایفه» دییه تعریف اولونابیایر. اگر وظیفه نك بویله اولدیغنی الله بیلدرمشدر دیرسه نك دین وحیه مستند اولش اولور، اگر وظیفه نك بو الهی وصفی صرف وظیفه اولماسندن استنباط ایدیوسه ق دینك طبیعی اولدیغنی تسلیم ایدیورز دیمکدر. مع مافیه وحیه مستند عد ایدیلن دینی ده طبیعی عد ایده بیلیرز. شو معناده که بو نوع دین ده عقلاک بولاجی و تسلیم ایلجهکی اخلاقی اساسله مستندر. اونک ایچون دینه بیلیرکه وحی اخلاقی حسیاتک انسانلرک قلبنده انکشافنی تسریع خدمتی کورمشدر. بونک ایچون قانتده له سیغ کبی دینك و پیغمبرلرک بشریتک ایلاک مربیلری اولدیغنی فکرنده در.

قانته کوره خرستیانلغک قبول ایتدیکی اخلاقی دستورلر دین طبعینک اساسلری محتویدر. فیلسوف بویوک بر منوئیتله اینجیلک تعلیاتیله کن دینک قبول ایتدیکی وظیفه مستند اخلاق آراسنده کی عینتی کوستریور. هرایکسی ده وجدانک، نیتک صافیتنه اهمیت ویریور، اعمال خارجه نك اخلاقی کورونوشنی کافی کورمه یور، قدسیت وولیک مرتبه سنی غایه اولارق قبول ایدیور. فضیلتک، امر معروفک نشرینی وجیه عد ایلور، یمینی منع ایله یور... الخ هب بونلر خرستیانلغک قبول ایتدیکی اخلاقه عقل عملینک اورتیه قویدینی فضیلت دستورلری آراسنده توافقی کوستریر. حتی خرستیانلقد «محبت Amour، دستورینی قانت کی آکلارسه عقل عملیه مستند اخلاقک قبول ایده بیلجهکی

بروجیزه اولور . فی الحقیقه فیلسوفه کوره الهی هرشیئک فوقنده اولارق سومک ، همجنسلیرینه نفسی کبی محبت ایلك دیمک وظیفه ی وظیفه اطاعت مقصدیه یاپمقدن، اجتہادی مناسبتلریمیزی هر نوع خودکامانه عواملدن قورتارمقدن باشقه برشی دکدر .

بووریده تعریف ایتدیکمز مفکوره وی جماعت دینه L'Eglise نك مرثی و موقت بر رمز (Symbole) ی اولان جماعت خرستیانیه انسانلرک بولونقلری سویه ذهنیه ایجابی اولهرق ماضیدن منتقل برسلطه autorité یه استناد ایتکه ، معین مذاهبک اوامر واحکامنه رعایت ایتکه ، رهبان استخدام ایتکه مجبور اولمشدر . اگر راهبیر نقله مستند اعتقادی La foi historique عقله استناد ایدن ایمانه سوق ایدن بر واسطه اولارق قبول ایدرلرسه مذهب، حقیقی ماهیتنی محافظه ایلر؛ انسانلر اوزرنده نافع صورته مؤثر اولور . فقط بویه اولمازده حقیقی دین اولان عقل عملی یه ، اخلاقه مستند ایمان نقله عائداعتقاداته، آثار منقوله اوزرنده کی تدقیقاته تابع قیلیرسه بوخالده مذهب باطل برشکل آلیر؛ برنوع « فەتیشیزم ، وجوده کلیر .

فی الحقیقه بو تقدیرده الله مشخص و انسانی بر شکل ویریلیر . معین بر نصه ایمانه ، یاخود برطاقم اعمال و عبادانه اخلاقی حقایقندن زیاده قیمت عطف اولونور . حالبوکه بوتون بونصوص ، اوعبادات هب اخلاقک ناقص تظاهرنندن باشقه برشی دکدر . آرتیق دینی نفسمزده ، وجدانمزرده دئ ، کندی خارجیمزده یعنی ، یابرکتابک ولایتنده ، یاخود برطاقم نصوصدن معنا چیقاران فقهانک اثرلرنده آرامغه باشلارز . اووقت اخلاقی تجده قیمت ویره جکمز یرده برطاقم حرکات و اعماله اهمیت ویریرز . بونک نتیجه سی ماکنه کی معین زمانده بر طاقم دعا و عبادتلرده بولونورز . آرتیق رهبان اخلاقی غایه به ایریشمکه وبوصورتله نمونه اولغه چالیشان انسانلر اولمقدن چیقار . معین ایشی میخانیک بر صورتده یبان مأمور شکلنه کیرر . بونر کندیلرینی مذهب حنیفک یکانه واقفی عد ایدرلر وخلق واقفیز وصور سائر ایلر غفران الهی یه ایریشدیرم بیلجکلرینی ادعا ایلرلر . آرتیق اونلرک موقعی اخلاقی واقعی اولاجنی یرده نفوذ وسلطه لری تماماً مادی برشکل آلیر . وجدانلری اصلاح یرینه افساد ایلرلر . اووقت دین رهبانیت (Clericalisme) حالی آلارق تماماً بوزولور .

کلیسای ، وبالذات دینی اضرار ایدن بوضلائندن قورتولمق ایچون نه یایمالی ؟ بونک یکانه چاره سی دینک اساسنی دائماً وجدان اخلاقیده آرامق ، دینی حقیقتلرک معیارینی دائماً

وجدانلرده بولغه چالیشمقدر. چونکه وجدان هر انسان ایچون دوغریدن دوغریه معطادر. برطاقم دینی مفهوملر کی مشکلاته استنتاج ایدیش دکلدر. واقعا مذهبلك اورتهیه قویدینی اشکالدن، مفهوماتدن بوکونکی حالدّه تماماً مستغنی اولامایز. آنجق شونی بیلیملی یزکه بونلر خلقك تهذیب اخلاقنه خادم برر رمزلردن باشقه برشی دکلدر. مثلاً دعا نفسمزك کالی حقنده باطنی نیتمزی افاده ایدر. دینی جماعت یاواش یاواش بومادی رمزلره احتیاج اولیه جق برسویه یه یوکسلملیدر. اعمالمزلق قانونی، فاعده لرینی کندیمزده آراشدیرمغه آلیشمالی یز. حقیقی دین باشقه لرینك مذهب وقناعتی حقنده عدم تسامح (Intolérance) تلقین ایتمز، بالعکس هر نوع عبادت و آیینی، هر نوع اعتقادی زواللی فانی انسانلرك اللهك خالقیت و حاکمیتی دنیاده عیان برحاله کتیرمك ایچون یابدقلمری برر تجربه عد ایدرک عینی درجده حرمت شایان کورور.

شو تفصیلات کوستریورکه ادیان منقوله نك مسندی وجدان وقانون اخلاقی اولمالیدر. خاطرمله بیلیرکه وجدان ایله بو منقولات آراسنده عدم توافق اولورسه نه پائمالی؟ ادیان منقوله نك احکامی آنجق وجدان تقدیر ایدمبیلیر. بناءً علیه وجدانه مخالف حکملره حقیقی دین صاحبی قیمت ویره مز. مثلاً برکیمسه یی قناعت دینه سندن دولایی تعذیب ایتمک قائلان، معین بر مذهبی جبراً قبول ایتمیرمکی استلزام ایلین برقاعته، انکیزیسیون اربابنك ترویج ایتمکاری کی، امردینی نظریله باقیلاماز. چونکه قبول ایتمیرینك ایستیلین مذهب نقله مستند اولدینی ایچون ماقعه، حقیقه مطابق اولماسی، خطایی بولونماسی دائماً ممکندر. حالبوکه باشقه لرینك حریتنه رعایت وجدان طرفندن «وظیفه» اولارق امر ایدیلیمده در. وجدانك مثبت اولان بواصر قطعیسی خلافتنه دینی بر قناعت بسله نه مز. بناءً علیه حقیقه دینی عد ایدیه بیلیمك اولان بر ایمانك محکی اخلاق اولابیلیر. دینی بر ایمان بو محک، وبو معیاره کوره قیمت اکتساب ایدر.

...

ایشته قانتك دینی فلسفه سنك خطوط اساسیه سی... واقعا بو قیصه خلاصه فیلسوفك اك موجز فقط تاریخی وروحی درین وزنکین مشاهداتی محتوی اولان «عقلک حدودی داخلنده دین» عنواننده کی اثری حقنده تماماً بر فکر ویرمز، فقط فیلسوفک اون سکزنجی عصرک فلسفه دینییه ساحه سنده کی موقعی تعیین ایلیمبیلیر. یوقاریده کی ایضاحاتی نظره آلینجه

کورورسیکز که قانت لایبنیچ و وولف کی تماماً مؤمن اولماقده، عقلک محدودی داخلنده دینک عقیده لردن، مذهب و آییندن، ره باندن تماماً تخریج دایله بیه جکنی قبول ایتمکله برابر دینی موضوعلر حقنده دویدینی حرمتی بیراقادی . هیچ بر زمان معاصر انکلیز ده بیست فیلسوفلری کچی، یاخود فرانسه نك انسیکلوپه دیست (وولتهر، دیده رو .. الخ) متفکرلری طرزنده زماننک بوتون دینی منقولاتنک بر طرفه آتیلماسنک ممکن وشایان تینی اولدیغنه اینانمادی . اثرلرنده دینی احکام حقنده مثلاً وولتهر طرزنده بر استهزا ایزینه قطعاً تصادف ایدیلهمز . بالعکس انجیلدن، خریستانلنک اکابرندن بویوک بر حرمتله بحث ایدر . قلباً خریستیان اولدینی ایچون مثلاً هبوط آدم فکرینی کندی فلسفه دینه سنک ده اساسی اولارق قبول ایتمشدر، پروتستان و پیه بیست تربیه سی ایچنده یتیمش اولماسی اعتباریله بوفکرلره تماماً باطنی و فردی ماهیت اضافه ایلور، دینی رمز لرك بساطتی، ایمانه عائد خصوصاً ده خارجی سلطه نك تحدیدینی استلزام ایدنیوردی . معاصر ی اولدینی اکثر فرانسز وانکلیز متفکرلرندن آیری اولارق دینی رمز لرك، دینی ولایتک حلاً جنلی و مؤثر اولماسی ایجاب ایدن تاریخی ضرورتی صمیمی اولارق قبول و تسلیم ایلور، حضرت عیسا ده فضیلت اخلاقیه نك اک بویوک تجلیسی کورویوردی . باحاصه بوضو ک نقطه ده قانت ایله له سینغ ک افکاری آره سنده تماماً بر مشابیه وار .

بونکله برابر فیلسوفک فلسفه دینه سنک منشائی بالذات انتقاد فلسفه سی اساسلری خارجنده آرامق حتی له سینغک تأثیراته حل ایتمک دوغری دکلدیر . بالعکس فلسفه دینه ده بالذات انتقادک استهداف ایلدیکی غایبه متوجهدر . فی الحقیقه دیگر قسملرده برر بر تحلیل ایندی کمز قانتک اوچ بویوک انتقادی ده هب تجربه ماوراسنده اولان دینی موضوعلرک (عقل محض) ک حدودی خارجنده اولدیغنی بو خصوصده کی ایمانک آنجق عقل عملیه یعنی اخلاقه استناد ایله بیه جکنی اورتیه قویمشدی : الله وارمیدر ؛ اللهک عالمه مناسبی نهدر ؟ فنالق و شرک منشائی نهدر ؟ مکونات ایچنده انسانک موقعی نه اولایلیر ؟ طامک اک صو ک غایبه سی و انسانک مقدراتی نهدر ؟ بونلر هب برر سؤاللرده هر دینک حل ایتمک ایستدیکی اک اساسی نقطه لردر . قانت کوره عقل محض بو سؤاللری وضع ایدر ، فقط بونلر حقنده علم استحصال ایدیلهمیه جکی ، انسان بو مسئله لری بیه میه جکی ایچون حل ایلهمز . بونلره علم ماهیتنده اولماق ، صرف عملی و انفسی قیمتی بولونمق اوزره یالکزر عقل عملی جواب ویریر . یعنی بزه شو ایمانی تلقین ایلر :

الله وارمش ، وظیفه تربیت اراده الهیه ک تبحر می ایش ، اخلاقی فالقنک و عینی زمانده معنأ تعالیزک فعی متعال بر حرکتیه بالذات نفسمنز ایش ، عالم بزم غایه اخلاقیه مزی تأمینی استهداف اینورمش کبی حرکت ایتلیز ، شو عمر فانی انساننده واوندن صوکر کی کاکلری آنجق کندی جهدمزله تحقق ایتدیرمکه قادرز کی عملده بولونغه مجبورز . بو اساسی اعتقادلر - که ، متدین ملنک دینلرنکده اساسلردر - قائده کوره بر طاقم اخلاقی و عینی متعارفوردر . بز اونلرک تجربه داخلنده کی اشیاده اولدینی کبی علتی بولارق بینه مزسه کده ایننیز ، ایننغه مجبورز .

دیگر جهندن مادام که کجکی تحقق ایتدیرمک هر تورلو قیددن آزادده اولارق مطلق بر امردر . طبیعت بونی وجوده کتیرمدیکنه نظراً ناقصدر . بناء علیه تعقیب ایتکله مکلف اولدینغز غایه اخلاقیه بنسبه غیرمکمدر . طبیعتک جزئی اولان انسان واصل اولق مجبوریتنده اولدینی ایلکه دوغری حسن نیت دیدیکمز مطلق بر قصد و عملله کچر . فقط شو تجربه عالنده اونی آنجق مانعری ازاده ایدرک ، یعنی یاواش یاواش و متدای جهده ایلده وجوده کتیره بیلیرز . نه کیم اوخه کوردیکمز کبی انسانیت عادتا غیر محسوس بر ترقی ایلده حیوانیتدن حیات معنویه ، منفرد حیثدن اجتماعی تشکیلاته ، آنارشیدن حقوقی حاله ، دائمی حربدن صلحه انتقال ایشدر . عینیه ناموسلی آدامک فضیلتکارانه حرکتیه اراده الهیه اطاعت ایتسی دیمک اولان اصل دین یاواش یاواش بر طاقم مقدس عد ایدیلن منقولاتدن قور تولقنده در . واقعا انسانیت هنوز ابتدائی حالده ایکن مجرد تفکراته صالح اولمادینی ایچون عقلک ابدی و یوکسک ولایتی - سمعی و یا مکتوب منقولانده ، خارجی سلطه لرده آرامغه مجبور ایدی . اولک ایچون وظیفه دیدیکمز قانون باطنی مادی و معین مکلفیتلر شکلنه افراغ ایلدی . استحصال ایلده مکلف اولدینی اخلاقی مفکوره نی بر قدسیت قهرماننده ، پیغمبرده تجسم و تمثیل ایتدیردی .

هر نه قدر استقبالنده تأسس ایدم جنک حیاتنده وجدان ایلده مفکوره اخلاقیه آراسنده ، انسان ایلده الله بیننده هیچ بر واسطه اولماسی ، بو مادی رمز لرنک قالقماسی لازمدر . آنجق هنوز حیات فیکریه انتساب ایدن انسانیت ایچون بو نصوص و رموزات اخلاقیلینی انکشاف ایتدیرمکه یارار و یارامیشدر . ناصیل حربلر ، ابتدائی جمعیتلرده کی قاریشیق قدر صحیح ، نظام اجتماعی نی تولید ایش ايسه ادیان موجودده حقیقی اخلاقک حکم سورمسه دوغری بشریتی حاضرلار . بناء علیه دین منقول ،

سیاسی و مدنی تاریخ کبی اختیارک ، وجدانک آرادیغی کلاک نظم ضمیمه کیت کیده .
 ایزلریغی بزه اظهار ایلر . جمعیت ناصیل الساندرک مناسبت خارجیه سی حقوقی غایه کوره
 تنظیم اییدیورسه متدین السانده حیات باطنیه سی اخلاقی غایه نوجیه ایتدیریر . تعبیر
 آخرله هر ایکی حالده ده عالم محسوس تدریجاً عالم معنویت قانونه انصاف ایدر ، یاواش
 یاواش طبیعت ایله نظام اخلاقی آراهنده توافق و آهنگ وجوده کایر .

خاتمه

فانت فلسفہ سی ناصیل ترقیب انجلی

فانتك ابداع ايتديكى فلسفې بنانك هر قسمنى بورياه قدر مطالعه ايتدك . شيمدى كرى به . دونوب بو بويوك داهينك ياديني معظم اثره باقى ايسته يورز . كتابى باشدن آشاغى به مطالعه ايدن قازم بوايشك كوچلكنى لايقيه تقدير ايدر . چونكه فانت او قدر متنوع مسائل احاطه ايتمكه چالشمشدر كه اكر فيلسوفك تفكر اتى اداره ايدن فكر اساسى ي ، يا خود برغسونك تعبير نجه « فلسفى حدسى » ، [۱] نظره آلميه جق اولور سسق بو مسئله لك ناصيل بربرينه باغلانديغنى آكلایمايز . كنجلك دورينك اثرلرينى برطرفه بير ايكيز ، اصولنى تتيبت ايتدكدن صوكرا انتشار ايدن اوچ بويوك انتقادى ، برچوق مقاله و رساله لرى او قدر زنكين فكر لرله دولودر كه بونلرك آراسنده اصول و فكر وحدتى اولماسه يدى فلسفى بويوك برقيمتى قالمازدى .

فانتك متنوع اثرلرينى اداره ايدن فكر اساسى ندر ؟ فيلسوفك نظر نده بو اساسلى مبدأ شودر : « عقل بشر بالذات ينه عقل خارجنده هيچ بر حاكم طائماز » . ذهن بشرك محصولى اولان فكر لك قيمتى ينه ذهنله ، عقلله تقدير اولونا بيلير . نه لرى بيله بيله جكمزى ، بيلدكريمز لك قيمتى يالكز عقل تعيين ايدم بيلير . بويه جبهه حالنده افاده اولونديغى وقت فانتك سلفلرى اولان دوغماتيك فيلسوفلرك ؛ ومثلاً برده قارت ، برلاينيه جك قناعته چوق بكمز مين بودستور فيلسوفك آكلاديجى معناده كنديسى بوتون ديكر اسلافندن آيرير . چونكه قانت معلوماتك قيمتى تقدير ايدم جك قدرت ك يالكز عقل اولديغى سويلسكه برابر بالذات عقلك ساحه فعاليتى ايچون ده بر حدود تعيين ايدسيور . اويله بر حدود كه آرتيق اولنك خارجنده ذهن بشرك خيالاً ايستديكى كى اوچاسى قابل اولسه بيله مثبت حقيقتنه ايرمى ممكن اذكدر .

فقط بو حدودى عقل بالذات كندى قدرتى تنقيد ايدم لك تعيين ايله بيلير . بوكا قارشى هيچ بر دينى قوتك مداخله و تفوقنه امكان يوقدر ، كذلك هيچ بر شك و تردد عقلك حكم و قوتنى صارصا ماز . چونكه بر طرفدن علمك مثبت وشيئى قيمتى ، ديكر جهتدن اخلاقك وجدانده وجوده كتيرديكى انفسى ضرورت ذهن بشر ايچون ايكي قطعى يقين وجوده

کریستیان بایورلر . بونک ایکسی ده مختلف نقطه نظر دن عقلک اثریدر . بواثرلرده کی یقین و صحت . ذهن بشر ایچون مسلم اولونجه عقلک بوتون اثرلرنده شک ایتکه امکان قالماز . احوالده . انتقادک وظیفه سی عقلک صحتی و یقینی افاده ایدن اثرلرنده کی شرطی آرامق و بوشرط خارچنده نه به علمک ممکن اولمایاجغنی کوسترمکدر .

ایشته انتقاد اصولی بودر . قانتک بواساسی فکرلرنی لایفله آکلامایانلر اونک متادیاً برنوع ری (Sceptique) اولدیغنی ادعا ایدرلر . « عقل محضک انتقادی » نشر ایدلیدی . زمان اونی بوصورتله تلقی ایدرلر اولمشدی . « و یقتور قوزن » ده اونی بویله ظن اپتدی . مدرس آرقداش لر یزدن بری ده برکون بکا قانت حقنده عینی ملاحظه یی سویلدی : « ناصیل اولویورده عقلک بوتون معطیاننه ، مابعد الطبیعی ساحه ده کی حکملرینه اینانمایان فیلسوف ، ینه عقل ایله حدود علمی تعینه قالدیور ؟ شبهه لی کوردیکی برحکی ناصیل صوکرادن بر واسطه تدقیق عد ایله بیلیور . » دیدی . قانتی لایفله تدقیق ایدرسه ک بواعتراضک هیچ وارد اولمادیغنی کوروروز . اوکمرده برطرفدن مثبت علم ، دیکر طرفدن وجدانجه مسلم قانون اخلاقی وار . بونک ایکسی ده البته ذهن بشرک مختلف ساحه لرده کی اثریدر ، اولیه اثرکه صحتی برامر واقع ، بر امر قطعیدر . احوالده ذهن بشرکندی اوزرینه دوشونرک بونلرک نه شرطله وجوده کلدیکی آ کلاماسی و بو شرطلری حائر اولمایان ساحه لرده نه به ضروری برعلمک قابل اولیه جغنی بولماسی لازمدر . عقلک اثرینک شرطی ینه عقل وتفکر اعانه سیله تقدیر اولونایلیور . اکر عقل باشقه ماهیتده برقوتوروله ، برتدقیقه تابع اولورسه اول امرده اوقوتک صحتی بيلمک کمن لازم کلیر . حالبوکه تفکرک قیمتنی بالذات ذهندن باشقه هانکی قوت تعیین و تقدیر ایله بیلیور ؟ دینه جک که احوالده «عقل» بالذات کندی اقتدارینی ، کندی حدودینی ناصیل تعیین ایدر ؟ اوکمرده شیء یعنی کلبی ضروری ، تعبیر اخرله مثبت علم اولمسه یدی ، وجدانمز ایچون امر قطعی اولان « قانون اخلاقی » بولونماسه یدی بوسؤال وارد اولایلیردی . فقط بونلرک قطعیتی ، ضروری وکلای اولمالری بوسوالی قیمتدن دوشورور . چونکه عقلک بویکی تجلیسی هانکی شرائطله وجوده کلیور ؛ بونی تعیین ایدرسه ک بوشرطلرک موجود اولامیه جی ساحه یی آ کلا یاییلیرز . اوساحه ده ذهنک دولاشاسنک مثبت برعلمه منجر اولامیه جغنی کسیدریرز . بوصورتله هیچ برکیمسه نک علم قابل اولمایان بر موضوع اوزرنده دولاشاسنه میدان ویرمه یز . انتقاد بونی عقلک قوانینی بولارق یاپار . بوقانونلری ترتیب سایه سنده اشیا حقنده کی علمک ناصیل ممکن اولدیغنی اکلارز . بونک ایچوندرکه قانت مفکرده دن اشیا به ، عقل نظرینک .

تھېلىلىدىن خادىتائە ، عقل عملىدىن بىشەرنە اعمالى ادارە ايدىن قونۇھ انتقال ايليور . خلاصە انتقاد اول امرده متعال ومجرد بر تحليل ايله عقلك نظرى وعملى ساحەدەكى فعاليتىك شرائطى بولويور وبالاخرە علمك و اخلاقك مبدألىنى تعين ايليور . ذهنك قانونلىرىنى بولۇق صورتىيە يالكىز مثبت علومك دكل ، فضيلتك ، اجتماعى حياتك ، صنعتك ، دينك ، دائىى صلحك شرائطىدە تعين ايدىيور .

بويلاھە انتقاد بر طرفدن انكليز فيلسوفلرىنك قبول ايتدكلىرى تجربى واحتمبرى (Empirique) اصولدن دىكر طرفدن نصى (دوغماتىك) فيلسوفلرنك قوللاندقلىرى اصولدن بسوتون آيرىدر . اختبارى وتجربى اصولى تعقيب ايندەنلر تجربەدن ، تجربەنك معصياتىدن حركت ايله اونك شرطى آرارلردى . انتقاد بالەكس ذهندن ، ذهنك قانونلردىن حركتلە تجربەنك ناصىل مەكن اولاجىنى آراشديرىر . نصى فيلسوفلر ايسە عقلك مبدألىنە ھردلۇ تجربەدن مقدم بر محتوا عطف ايدىرلردى . انتقاد ايسە عقلك مبدألىنى بوش برر صورتدن ، مجرد برر قانوندن عبارت تلقى ايلر وانھوق حدس حصىيە تطبيق سايسەندە قيمت وبرىر . ايشە بواساسلى فكر ، بواساسلى اصولدركە قانتك سيستەمنك تەميدىر . فيسوفك اثرلىرىنى مطالعە ايدركن بواساسلى فكري اطرافندە دىكر نظرياتى ضوېلامنى يز .

بونك ايچىندركە قانتك مسلك فلسفەسنە كېرەن شو ويا بولنر بىرەن زىادە انتقاد اصولنە ، اونك فلسفە عالمندە آچىدىنى افقە باقماقلى يز . ھرفىلسوفدە اويدىنى كى قانتك دە اورتە قويدىنى نظرىيەدن بر جوعى بوكون ايچون قيمتى غائب ايتىش ولايىدېر . فقط اصولنك ارائە ايدىكى استقامت بالذات فيلسوفك چىقاردىنى نتيىجى تەديە ، بو ترك ايدىلن اغزىيەنرى تصحيحە مساعددر . حتى دىيە بىلر كە فيلسوفك فكر اساسىنى رھبەرتخا ايدىرەنك زمانىزدە تسليم ايدىلن حقيقتلرە وارايلىرز . بو خصوصە انتقادك بىرە ناصىل برافق آچىدىنە بر مثال كوسترەك ايچون بوكون فلسفە علمىيەنك منجر اويدىنى نتيىجە قانتك چىقاردىنى افكارى مقايىسە ايتك وفيلسوفك اصوليە بالذات كندىنك چىقاردىنى نتيىجى تصحيح قابل اولوب اولمادىغى آراشديرىمق ايسە بۇرم :

اولقيدىسى اولمايان ، يەنى لوباجوفسكى ھندسەسى كى اويچ بەدەن فضىيە بولونان بر ھندسەنك امكانى اورتە قونولونچە وزماننر عالملىرىنك ، بىخاىصە اينشتەينك واصافيت نظرىيەسى ، تسليم ايدىلكە باشلانچە قانتك رياضىيە وفيزىك ھقندەكى نظرىيەنرى قيمتى غائب ايتىش اولويوردى .

فی الحقیقہ قانت زمان و مکانی حدس حسینک قلی برصورتی عد ایتمشدی . بوتقدیرده ثابت ولایتغیر ، یعنی اوچ بعدلی بر مکان ، کذلک راصده دورہ متحول دکا ، بالعکس کلی ، عمومی بر زمان قبولی لازمدمی . چونکہ قانت اوقلیدیس هندسہ سنده کی مکانی ، میحانیک وفیزیکده کی زمانی حساسیتک ثابت برصورتی عد ایتمشد . حالبوکہ اوقلیدیسی اولمالیان هندسہ نک امکانی ، زمانک راصده واونک بولوندیغی محلاک سرعته کورہ متحول اولاجفک اورتہ قونماسی فانتک کلی ولایتغیر مکان وزمان تلقیسنہ بالطبع مخالفدی .

فقط انتقاد اورتہ یہ قویدینی فکر اساسی قنٹک چقاویدی بونتیجہ یہ وارمیابیلر ،
 او فکر اساسی بی دھاسر بست بر صورتہ ایضاً ایدہ رگ مکان و زمانہ اضافیتی تسلیم ایلہ بیلر۔
 فی الحقیقہ قنٹ مکان و زمانی عقلیہ جی و نصی فیلسوف لگ تلقیسیہ تجربی و اختباری مسلک لگ
 اکلایدلرندن تماماً قورتارمغہ چالیشدی . مکان و زمانہ بو فیلسوف لگ قبول ایتدی کی
 نہ للہدہ ، نہ انسان حضور نہ موجود برشیدی . بناءً علیہ بالتجربہ محسوس دکلدی ،
 نہدہ اشیا دن استنباط ایدیش بر خیال مشترکدی ، حتی انسان ایچون نہ بدیی بر تصور ،
 نہدہ ذہنک وجودہ کتبردی کہ معقول بر نستدی .

زمان و مکانی فیلسوف لک ۱ کلا یا بیامی ایچون اون حساسیتک قبل بر صورتی عد ایللری لازمدی : یعنی اولاً مکان و زمان قبل اولدیغنه نظراً محسوسک محتواسندن آیری تلقی ایدیلیدی؛ بناءً علیه تجربه دن کلدیکنی تسلیم ایلیدی. دیگر جهتدن محسوسات آراسنده تاسیس ایتدیکمز عقلی نسبتلردن اولمادیغنی قبول ایتلی، تعبیر اخرله بر تصور عد اینه ملیدی. بو صورتله فیلسوف مکان و زمانی بر « شیء » کبی تصور ایده نلردن، ذهنی بر نسبت عد ایلنلردن تماماً آیریش اولویوردی. آرتیق زمان و مکان آیری بر زمره، آیری بر سجل ایچنه کیریوردی. فقط اون سکونچی عصر علمی تک بر زمان، تک بر هندسه دن ماعداسنی تصویره مساعد اولمادینی ایچون قانتده بالطبع یالکیز اوج بعدلی بر مکان، ثابت بر زمان قبول ایتشدی. فقط بر کره زمان و مکان حساسیتک بر صورتی تلقی ایدیلنجه مکانک بزم هندسه مزک، یعنی اوقایدیس هندسه سنک قبول ایتدیکی شکلدن ماعدا طرزده تخیلی پک اعلا ممکندر. کذلک راصده کوره متحول زمانی قبول ایتمکه هیچ بر مانع موجود دکدر. بالعکس اگر زمان و مکان عقلک اورته یه قویدینی مطلق بر مفهوم اولسه یدی، باخود ذهنک تجربه دن استخراج ایلدیکی منطقی بر نسبت تلقی

ایدلسه‌یدی او وقت مثلاً غیر اوقلیدیسی بر هندسه تخیلی متناقض اولوردی . قانت مکان و زمانک بو صورتله تلقیسنه معارض دگیدی ؟ انتقادک آجدینی بول بو ایکی نظریه‌یی رده منجر اولمایورمیدی ؟ بو بول آچیلنجه آرتیق برلوباجوفسکی هندسه‌سنگ امکانه ، راصده کوره متحول زمان تصویرنه مانع قالامشدی . [۱] چونکه حساسیتک اوقلیدیسی هندسه‌سندمه‌کی مکاندن ، قلاسیک میحانیکده‌کی زماندن باشقه بر صورتی اولایله جگنی میدانه چیقاردیغمز وقت انتقاد فلسفه‌سنگ اساس اعتباریله بوکا معارض اولماسنه هیچ بر سبب یوقدی . فقط بر کرده مکانی بر نسبت منطقیه تلقی ایلده نلرک ، یاخون نیوتون کی مطلق فرض ایلدنلرک و یاخود تماماً خارجده موضوع بر شی ظن ایده نلرک نظریه‌لری دوشونوکیز ، اونلرک فکرلریله غیر اوقلیدیسی بر هندسه ، یاخود اضافی بر زمان ناصل تألیف ایدیله‌بیلیر ؟

بومثال بالذات فیلسوفک اختیار ایتدیکی بر طاقم تفسیاتدن وقانتک استعجال ایده‌رک ویردیکی حکملردن قورتاریلیدی حالده انتقاد اوصولک ناصیل یپیکي ، فیاض بریول آجدیغنی کوستریر . قانتک فکرلری بعضاً بر طاقم اسقولاستیک تصنیفلر ، کله‌لر ایچنده بوغولدیغنی ایچون فیلسوفک چوق زمان درین افکارینی بولمق کوجه‌شییور فقط قانتک مسلکینی تدقیق ایتک ایستینلر بوضعی پردهی قالدیرمغه ، قاتی بوتون یکیلکیله کورمکه مجبوردرلر . بالخاصه بوضرورت فیلسوفک اخلاق فلسفه‌سنی مطالعه ایدرکن تمامیه تظاهر ایدر . برقاره فیلسوفک فکر اساسیسی نظاره آلمقیزین مثلاً « عقل عملیتک انتقادیغی » اوقویاجق اولورسه برطاقم هندسی متعارفه و دعوالر حلله اخلاق مسئله‌لرینک حلنی غریب بولور . فقط انتقاد اصولی لایقیه اکلاشیلیرسه اومتعارفه و دعوالر ایچنده قانتک جدأ درین کوروشی میدانه چیقار .

اونک ایچوندرکه بولایموت داهی‌یی شوویا بونظریه‌سیله دتل ، انتقادک بشریته آجدینی یکی افقی دوشونلرک تقدیر ایتلیز . بواعتبارله قانتک نه قدر بویوک برمجدد اولدیغنی بوکتاب قاره کوستره بیلمشدر ظن ایده‌رم . [۲]

[۱] لوباجوفسکی هندسه‌سی حقنده صاح ذکی بکک « دارالفنون قونفرانسلینه » مراجعت [۲] مدخلدهده سوبله دیکمه‌کی بواژه باشلارکن ختمه‌ده قنتک کیندن صوکر فلسفی ، ادبی و اجتماعی حیاتنه ناصیل مؤثر اولدیغنی یازمغی دوشونمشم . فقط فیخته ، شه‌لایغ ، شو پناهاردن قونت ، ریخل ، ره‌نانه قدر فیلسوفلر اوزرنه انتقاد فلسفه‌سنگ تأثیراتی کوسترمک ختمه‌ده یازیلایق برقاج صحیفه ایله قابل اولمایاجقدی . اونک ایچون بونی آیریجه یازمغی ضروری کوردم .

مأخذ

فانتك ائزرى

و فرانسزجه ترجمه لرى

1. Gedanken von der wahren Schätzung der lebendigen Kräfte.
زندہ قوتلرک دوعرى اولارق تقدیرینه دأثر افكار .

2. Untersuchung der Frage: ob die Erde in ihrer Umdrehung um die Axe einige Veränderungen erlitten habe?

ارضك محورى اطرافنده كى حرکاتى اثناسنده بعضى تبدلاته معروض اولوب اولمادىنى
سؤالى حقنده تحريات .

3. Die Frage: ob die Erde veralte?

ارض اختيارلايورمى ؟ مسئله سنك تدقيقى .

4. Allgemeine Naturgeschichte und Theorie des Himmels.

تاريخ عمومى طبيعى و نظريه افلاك .

5. Abhandlung De igne.

آتش اوزرينه بعضى ملاحظات .

6. Principiorum primorum cognitionis metaphysicae
dilucidatio.

مابعد الطبيعى معرفتك مبادئ اولاسى حقنده يكي بر ايضاح . بو اثر (Tissot)
طرفدن ' Mélanges logique ' عنوانى آلتنده ترجمه ايدلمشدر .

7. Monadologia physica.

مادى موناد علمى .

8-10.

فانتک لیزبون حرکت ارضی اوزرینه یازدینی اوچ کوچوک رساله . بونلر فیلسوفک . کلیاتی احتوا ایدن کتابلرده موجوددر [۱] .

11. Neue Anmerkungen zur Erläuterung der Theorie der Winde.

روزکارلر حقنده کی نظریاتی ایضاح ایچون یکی بر مطالعه .

12. Die Frage: ob die Westwinde in unseren Gegenden darum feucht seien, weil sie über ein grosses Ueer streichen.

طبیعی جغرافیا درسی حقنده پروگرام ویزم منطقهده اسن غرب روزکارلری بویوک بر دکزدن کچدیکی ایچونمی راطبدر ؟ مسئله سنک تدقیق ..

13. Neuer Lehrbegriff der Bewegung und Ruhe.

حرکت و سکون حقنده یکی بر تلقی ..

14. Versuch einiger Betrachtungen über den Optimismus.

نیکینلک حقنده بعضی ملاحظه لر (۱۷۵۸).

16. Die falsche Spitzfindigkeit vier syllogistischen Figuren verwiesen.

قیاسک درت شکلی حقنده یا کلیش دقیقه جولوق (۱۷۵۸) .

17. Versuch, den Begriff der negativen Grössen in die Weltweisheit einzuführen.

فلسفه کیات منفی اداخلی حقنده بر تشبث . بو اثر (Tissot) طرفندن (Mélange logique) عنوانی آلتنده فرانسزجهیه ترجمه ایدیشدر .

18. Der einzig mögliche Beweisgrund zu einer Demonstration vom Dasein Gottes.

اللهک وجودینی اثبات ایچون یکانه ممکن اساس .

[1] Kants Werke, 1915 Bd II.

19. Untersuchung über die Deutlichkeit der Grundsätze der natürlichen Theologie und Moral.

طبيعی الهیات و اخلاق مبادی سینک بداهتی حقنده تحریات. بو اثر (Tissot) طرفندن
(Mélange logique) عنوانی آلتنده فرانسزجهیه ترجمه ایدیشدر.

20. Königsberger. Gelehrt. und polittische Zeitung. غزته سنده
ژان قومارنیقینک سرکدشتجویانه حرکاتی حقنده برملاحظه عنوانیه انتشار ایدن مقاله که
فانتک کلیاتی آراسنده تکرار انتشار ایشدر.

21. Versuch über die Krankheiten des Kopfes.
باش خسته لقلری حقنده بر تجربه قلمیه. Tissot طرفندن آنتروبولوژی میاننده
فرانسزجهیه ترجمه ایدیشدر.

22. Beobachtung über das Gefühl des Schönen und Erhabenen.
حسن و علوی احتساسلری حقنده مشاهدله. (Barni) فیلسوفک (قوت ملکه سنک
انتقادی) عنوانی حائز اثرینی ترجمه ایندیکی کبی بونی ده او اثرک نهایتنه علاوه ایشدر.

23. Nachricht von der Einrichtung seiner Vorlesungen.
۱۷۶۵ - ۱۷۶۶ قیش سه مسترنده او قوداجنی درس لک پروغرامی (Tissot) طرفندن
Mélange logique فرانسزجهیه ترجمه ایدیشدر.

24. Träume eines Geistersehers, erläutert durch Träume der Metaphysik.
بر کاشف اسرارک تخیلات مابعد الطبیعه ایله کسب وضوح ایتش خولیالری. بو اثری
(Tissot) فرانسزجهیه آنتروبولوژی میاننده ترجمه ایشدر.

25. Von dem ersten Grunde des Unterschieds der Gegenden im Raum.
مکانک جهنرندم کی اختلافک ایلك اساسی.

26. Disputatio de mundi sensibilis atque intelligibilis forma et principiis.

محسوسات و معقولات عینیت صورت و مبادیسی. بو اثری (Tissot) فرانسیزجهیه (Melange logique) میانه ترجمه ایشدر.

27.

قنت (۱۷۷۱) ده حیوانات و انسانات بایه لری آراسنده کی فرقه دائر موسقاتینک یازدینی اثر حقنده Königsb. gelehrten politi. Zeitungen مجموعه سنده اوفوق بر مقاله یازمشدر که قنت کیاتنده تکرار انتشار ایشدر.

28. Von der verschiedenen Rassen des Menschen.

بشرین مختلف عرقبری.

29. über das Dessauer Philantropie.

ده سسائو فیلانترونی، مؤسسه سی حقنده. Tissot طرفندن فرانسیزجهیه ترجمه ایدیشدر.

30. Kritik der reinen Vernunft.

عقل محضات انتقادی. بو کتایک فرانسیزجه ایکی ترجمه سی وارد. بری بارینک دیکری B. Pacand نکدر. کتایک متانده بو ایکنجی ترجمه مأخذ اتخاذ ایدیشدر.

31. Prolegomena zu einer jeden künftigen Metaphysik, die als, Wissenschaft wird auftreten können. (1783).

علم کی تلقی اولوناجق مابعدالطبیعهیه مدخل. بو اثر (Tissot) طرفندن فرانسیزجهیه ترجمه ایدیشدر.

32.

شوتزک عدات نظریه سی حقنده بر تجربه قلمیه و مدخل عنواتی حائر اثری حقنده قانتک مقاله سی. Barni (۶۷) نومرونی اثر نهایتنده علاوه ترجمه ایشدر.

33. Idee zu einer allgemeinen Geschichte in weltbürgerlicher Absicht.

انسانیت نقطه نظرندن بر تاریخ عمومی حقنده ملاحظه.

34. Beantwortung der Frage: Was ist Aufklärung?
تنور نهدر؟ سؤالنه جواب . (Barni) بو اثری (۶۶) نومرو ایله کوستردیکمز کتاب
میاننده ترجمه ایشدر .

35. Rezensionen von Herders Ideen zur Philosophie der
Geschichte.

هردهرک (فلسفه تاریخ حقنده ملاحظه لر) عنوانلی اثری حقنده تنقید .

36. Ueber Vulkane im Mond.

قرده وولکانلر حقنده .

37. Von der Unrechtmässigkeit des Büchernachdrucks.

طابعلرک حق تالیفه عدم رعایتلرینک مشروعیتمزلکی .

38. Bestimmung des Begriffs einer Menschenrasse.

عرق بشر مفهومک تعریفی . (Tissot) بو اثری (Mélange logique) میاننده ترجمه
ایشدر .

39. Grundegung zur Metaphysik der Sitten

مابعدالطبیعی عاداتک مبناسی . Barni بو اثری „Fondement de la métaphysique
des mœurs“ عنوانیه فرانسزجهیه ترجمه ایشدر .

40. Metaphysische Anfangsgründe der Naturwissenschaften.

علوم طبیعیتهک مابعدالطبیعی مبادی اولاسی، (Andler) و chavannes فرانسزجهیه
ترجمه ایشدر .

41. Mutmasslicher Anfang der uenschengeschichte.

انسانیت تاریخنک مبدای حقنده تخمینلر . Renouvier بو اثری Introduction à la
philosophie de l'histoire ک ده ترجمه ایشدر . صحیفه ۲۲ — ۳۴

42.

مندلسونك (Morgenstunde) عنوانی اثری حقنده یاقوبینك یازدینی كتابه قانت طرفندن یازیلان مقدمه.

43. Was heisst sich im Denken orientieren?

تفكراتده بزه استقامت ویرن نهدر؟ Tissot بو اثری (Mélange logique) میاننده ترجمه ایشدر.

44.

هوفلاندك (حقوق طبیعیك اساسی) عنوانی كتابی حقنده مقاله سی. Barni بونی (۶۶) نومرو ایله کوستردیکمز اثر نهایتنده ترجمه ایشدر.

47. Ueber den Gebrauch teleologischer Prinzipien in der Philosophie.

غایت مبدأك فلسفه ده استعمالی حقنده . (Tissot) بونی (Mélange logique) میاننده ترجمه ایشدر.

48. Kritik der praktischen Vernunft

عقل عملینك انتقادى . Picavet فرانسزجه یه critique de la raison pratique عنوانیه ترجمه ایشدر.

49. Kritik der Urteilskraft.

حكم ملکه سنك انتقادى . (Barni) بو اثری Critique du jugement عنوانی آلتنده ترجمه ایشدر.

50. Ueber eine Entdeckung, nach der alle neue Kritik der reinen Vernunft durch eine ältere entbehrlich gemacht werden soll.

عقل محضك انتقادى لزومسز کوستره جك یكى برکشف حقنده . Tissot (۳۱) نومرو ایله کوستردیکمز اثر میاننده ترجمه ایشدر.

51. Ueber Schwärmerei und die Mittel dagegen.

(سَریلك) و صورت تداویسی حقنده. Tissot (آنتروپولوژی) میانده
superstitutions عنوانی آتنده فرانسزجهیه ترجمه ایتشد.

53. Ueber das Misslingen aller philos. Versuche in der Theodicee.

آلهیاتده فلسفی تشبئاتك عقامتى .

54. Welches sind die wirklichen Fortschritte, die die Metaphysik seit Leibnitz's und Wolffs Zeiten in Deutschland gemacht hat?

لاینینج و وولفدن بری مابعدالطبیعه ساحه سنده آلمانیا ده وجوده کلن حقیقی ترقی نه در؟
Tissot بو اثری (۳۱) نومرو ایله کوستردیکمز اثر میانده ترجمه ایتشد.

55. Von radikalen Bösen.

اصلی شر حقنده .

56. Religion innerhalb der Grenzen der blossen Vernunft.

یالکیز عقلک حدودی داخلنده دین . (Lortet) طرفندن
La religion dans les limites de la raison pur عنوانی آتنده فرانسزجهیه ترجمه ایدیلشد.

57. Ueber den Gemeinspruch: Das mag in der Theorie richtig sein, taugt aber nicht für die Praxis.

خرج عالم اولان « بو بالنظریه دوغری اما فعلیات ساحه سنده قیمتی یوق » سوزی
حقنده . Barni بونی (۶۶) نومرو ایله کوستردیکمز اثر میانده ترجمه ایتشد.

58. Ueber Philosophie überhaupt.

عمومیتله فلسفه حقنده . قانت بونی « حکم ملکه سنک انتقادی » نه مقدمه اولارق
یازمشدی . بالاآخره اوزون بولیدینی ایچون او اثرک باشنه قویمادی . (Rink) فیلسوفک
مساعده سیله بونی آیریجه نشر ایلدی . (Tissot) (۳۱) نومرو ایله کوستردیکمز اثر میانده
فرانسزجهیه ترجمه ایلشد .

59. Étwas über den Einfluss des Mondes auf die Witterung.
قرك احوال هوايه اوزرينه تأثیری .

61. Zumewigen Friden.
دائمی صلح حقنده . Barni طرفندن (۶۶) نومرولی اثر میاننده فرانسیزجیه ترجمه ایدیشدر .

63. Von einem neuerdings erhobenen, vornehmen Ton in der Philosophie.
صوك زمانلرده فلسفه ساحه‌سنده ظهور ایدن اصیلانه اسلوب حقنده .

65. Verkündigung des nahen Abschlusses eines Traktats zum ewigen Frieden in der philosophie.
یاقینده فلسفه ساحه‌سنده عقد ایدیه‌جك عمومی ائتلاف حقنده اخبار .

66. Metaphysische Anfangsgründe der Rechtslehre.
حقوق نظریه‌سنگ مبادیء اولاسی . Barni طرفندن Métaphy ique des mœurs عنوانیه فرانسیزجیه ترجمه ایتشدر .

67. Metaphysische Anfangsgründe der Tugendlehre.
فضیلت نظریه‌سنگ مبادیء اولاسی . بو کتابده (۶۶) نومرو ایله کوستردیکمز اثرله برابر (Barni) طرفندن فرانسیزجیه ترجمه ایدیشدر .

68. Ueber ein vermeintes Recht aus Menschenliebe zu lügen.
انسانیتیه محبت ادعاسیله بالان سویله‌مك حق موهومى .

69. Ueber die Buchmacherei.
کتاب تجارتی حقنده . Barni (۶۶) نومرو ایله کوستردیکمز اثر میاننده فرانسیزجیه ترجمه ایتشدر .

70. Der Streit der Fakultäten.
فاکولته‌لر آراسنده نزاع . Tissot طرفندن آن‌تروپولوژی میاننده ترجمه ایدیشدر .

71. Anthropologie in pragmatischer Hinsicht.
پراگماتیک نقطه نظر دن آتروپولوژی. (Tissot) طرفندن فرانسزجهیه ترجمه ایدیلشد.

73. Logik.

منطق (Tissot) طرفندن فرانسزجهیه ترجمه ایدیلشد.

74. Physische Geographie.

طبیعی جغرافیا.

75. Pädagogik.

تربیه. (Barni) ۶۶ نومرو ایله کوستردیکمز اثر میاننده فرانسزجهیه ترجمه ایدیلدی
کبی Tamin آریجه ترجمه سنی ده نشر ایتشد.

قانتک بو اثرلرینک ، قانت کلیاتی ، نامی آلتنده مختلف طبعلری وارد . بونلردن
برقسی تاریخ انتشارلری صیراسنی تعقیب ایدر ، برقسمنده منطق ترتیب اختیار اولمشدر.
کتابک متننده لایپیغه ۱۹۱۵ ده باصیلان قانت کلیاتی اساس اتخاذا ایدلشد . بو طبع
دارالفنون کتبخانه سنده ده موجوددر .

قانتک مسلکنی تدقیق ایتک ایستیه نلر کتابک هامشیرنده یازیلان اثرلر خارجنده
بالخاصه آتیده کی کتابلرده مراجعت ایلیدرلر .

<i>Paulsen :</i>	Inm. Kant
<i>Hillm :</i>	Histoire de la philosophie allemande depuis Kant jusqu' à Hegel.
<i>E. Boutroux :</i>	Etude d'hist. de la philosophie.
<i>Em. Saisset :</i>	Le scepticisme.
<i>T. Ruyssen :</i>	Kant.
<i>Desdouits :</i>	La philosophie de Kant d'après les trois Critiques.
<i>Delbos :</i>	La philosophie pratique de Kant.
<i>Bréhier :</i>	Histoire de la philosophie allemande.

Renouvier : Critique de la système de Kant.

» La philosophie analytique de l'histoire T. III.

Couturat : La philosophie mathématique de Kant. Revue métaph. et mra. 1907 [۱]

F. Evellin Raison pur et l'antinomie.

Kuno Fischer: Gesch. der neuern philosophie B. d. III. IV

Höffding : Histoire de la philosophie moderne T. II.

A. Weber : Histoire de la philosophie.

Levy-Bruhl : L'Allemagne depuis Leibniz.

Borowski : Darstellung des lebens u. Charakt. Kants. [۲]

I. Schulz : Eclaircissement de la Critique de la Raison pur
Revue methaphysique et moral. 1924 No2

بونلر قانت فلسفه‌سنى و تائىراتى اكلایىلمك ایچون لازم كن باشلیجه اثرلر در .
شوپنهاور ، فیخته کبی بویوك فیلسوفلرك قانت حقنده کی تنقیدلرینی بونلر میاننه ادخال ایتمك
ایسته‌مدم . اووقت بوتون فیلسوفلرك قانتدن بحث ایدن اثرلرینی یازمق لازم کلیر که بو عظیم
بر جلد تشکیل ایدر .

[۱] بونسخه دارالفنون کتبخانه‌سنده واردر .

[۲] قانت کلیاتندن بعضیلرینك مقدمه‌لنده قانتك حیاتی حقنده بورووسکینك ویردیکی .ملومات
مندرجدر . Kant Werke B. d. I.



اسم خااصلر

ز	ا
زەدلیج ۲۰	افلاطون ۱۰۸ ، ۱۵۴ ،
س	آناقساغور ۱۴۸
سیینوزا ۵۶ ، ۱۷۸ ، ۲۱۹	آریستو ۲۶۳
سولزەر ۲۰۱ ، ۲۰۵	البرت شولز ۱۱
ساموئەل بوق ۲۷۵	آینشتاین ۳۷۱
سوقراط ۲۹۳	ب
سن پول ۳۶۱	بارقله ی ، ۲۸ ، ۹۷ ، ۹۸ ، ۱۷۰ ،
سیوه دنبورغ ۴۳ و متاقب صحیفه لر.	بیل ۲۰ ، ۳۵۵
ش	پ
شوتزه ۱۶۹ ، ۱۷۲ ، ۳۱۷	پلاتنەر ۳۵۳
شاققسبوری ۱۶ ، ۱۸ ، ۲۰۰ ، ۳۵۳	ت
شیللەر ۱۹ ، ۲۱۷	تەئەدور رینیق ۲۷۴
شوبەرت ۳۵۳	د
شکیب بك ۳۳۵ ، ۳۷۵	دەقارت ۸ ، ۲۵ ، ۲۹ ، ۵۶ ، ۸۹ ، ۹۷ ،
ع	۱۱۷ ، ۱۶۱ ، ۱۸۴ ، ۱۸۵ ، نوط ، ۱۸۷
عبدالحق حامد بك ۲۳۸	دیدرو ۳۷۱
غ	ر
غروزبوس ۲۱۶	راینخولد ۱۷۰ ، ۳۱۷ ، ۳۱۸
ف	روسو ۱۵ ، ۱۶ ، ۱۹۹ ، ۲۰۵ ، ۲۱۲ ، ۲۳۳
فردریق کیلیوم ، ۲۰	۲۳۴ ، ۲۷۵ ، ۲۷۶ ، ۲۷۷ ، ۲۸۴ ، ۳۰۰ ،
فره دریق (بویوک) ۴۹	۳۰۶ ، ۳۴۸ ، ۳۵۲ ، ۳۵۳ ، ۳۶۶
فەر ۱۷۰	رایماروس ۱۵ ، ۳۵۵ ، ۳۵۶
	رەنوو ۳

فونته نل ۲۳۲

فورستر ۳۰۴ ، ۳۱۶

فیخته ۱۹

ق

قراوس ۲۴

ک

کپله ۳۰۷

کوته ۲۵ ، ۲۷۷

ل

لامتری ۳۵۴

لاینینج ۸ ، ۲۵ ، ۵۶ ، ۷۰ ، ۹۶ ، ۱۱۷ ،

۱۵۳ ، ۱۷۷ ، ۲۰۱ ، ۳۰۸ ، ۳۵۲ ، ۳۵۳ ،

۳۵۴ ، ۳۵۵

لوق ۵۷ ، ۶۰ ، ۷۳ ، ۹۶

لهسبئنج ۲۲ ، ۳۵۵ ، ۳۵۶ ، ۳۶۸ ، ۳۷۱

لوباچو فکی ۳۷۱

م

مدرکوس هرچ ۵۳ ، ۳۱۶

مالبرنش ۸ ، ۱۷۷

مفنده اسون ۱۵ ، ۲۴ ، ۲۰۱ ، ۳۵۲ ، ۳۵۶

۳۵۷ ، ۳۵۸ ، ۳۵۹

ملاختون ۹

مارتن قنوتزن ۱۲

ن

نیوتون ۱۲ ، ۱۳ ، ۲۹ ، ۳۱ ، ۶۰ ، ۱۱۸ ،

۳۰۷

و

وولتر ۹ ، ۲۰ ، ۲۲ ، ۳۵۳ ، ۳۷۱

وولف ۹ ، ۱۰ ، ۱۲ ، ۱۳ ، ۵۶ ، ۷۰ ،

۹۶ ، ۲۰۱ ، ۲۱۶ ، ۳۵۲ ، ۳۵۴ ، ۳۵۵ ،

وولتر ۲۰

ه

هالدر ۳۰

هولباخ ۳۵۴

هیبوم ۱۵ ، ۱۶ ، ۱۸ ، ۴۹ ، ۵۰ ، ۵۷ ، ۶۲ ،

۷۳ ، ۹۲ ، ۹۸ ، ۱۹۹ ، ۳۵۲ ، ۳۵۳ ،

هغهل ۸۵ ،

هردور ۳۰۸ ، ۳۵۲ ، ۳۵۶ ،

هامان ۱۷۰

هوجسون ۱۶ ، ۱۸ ، ۲۰۰

ی

یاقوبی ۱۷۸ ، ۳۵۲ ، ۳۵۷ ، ۳۵۸

باشایچه ترتیب خطالری

صمیمه	سطر	یا کاش	دوغری
۸	۵	فیلسوفلری	فرانسز فیلسوفلری
۱۹	۳	تصدیقلمیزك	حكم قوتك
»	۱۱	صلح مؤبد	دائمی صلح
۴۱	۲	تصدیقلك انتقادى	حكم ملكه سنك انتقادى
۴۸	۱۴	طبیعت	طبیعت آنحقی
»	۱۵	حقندهكن قناعتی فیلوفی زى	قناعتمده بولونان فیلسوف
»	۱۶	سوق ایلشدى	بالطبع مجبور اولدی
»	۲۱	تصدیق	تصدیقك
۵۱	۱۵	برحقیقت	برحقیقت ایسه
۵۲	۱۷	کشفیاتنه	کشفیاتنه
۵۵	۱	مشله سنی	فلسفه سنی
۶۳	۴	اولایی	اولاسی
۷۰	۱۹	قارئی	قارء
۷۹	۲۴	قابلدر	بیلیرز
۸۰	۱۱	ذهن بر	واقعا بعضاً ذهن بر
»	۱۲	نسبت بولور	ارتباط کورور
»	۱۵	که محاکمه	که انجیق محاکمه
۸۳	۲۰	مادامکه	مادامکه مقولدر
»	»	شه مالر مقولدری	شه مالری
۸۵	۱۵	مبادی مدرکه	مبادی مدرکه
۹۰	۸	ربط توحیدی	ربط وتوحیدی
۱۰۲	۶	اولامسی اونك	اولامسی ،
۱۰۸	۲۱	idées	idées
۱۱۰	۳	یاخود کلام
۱۱۷	۱۴	اجبا ریاضه	اجسام ریاضیه
۱۲۰	»	نقین دهوا	نقیض دهوا
۱۱۲	۱	تضیقندن	نقیضینندن
۱۳۰	۱۹	ضرورت	مکافیت

مصحفہ	سطر	یا کاش	دوغری
۱۴۰	۱۸	حصولی	حصولی ذھنک
»	۲۷	غایۃ	غایۃ
۱۴۸	۲۶	چالیشکیز .	چالیشکیز ،
۱۴۹	۹	ترکیب توحیدی	ترکیب توحیدی
»	۲۲	دیمہ مزبحہ	دیمہ مزردہ بزبحہ
۱۵۱	۱۱	ذھنہ	خاطرہ
۱۶۲	۱۱	اونک مناقشہ	مناقشہ
۱۶۲	۱۵	ھر فردک	ھر فرد
»	»	اولدینی	اولدینی ایچون انسانک
»	۱۶	طائنامسی انسانک	طائنامسی
»	۲۵	نصی	یعنی نصی
»	۲۶	موقتہ ایچون	موقتہ طرفندہ
۱۶۳	۶	وقتیز وسائق	سائق
۱۷۳	۱۶	قاریشدیرمش	قاریشدیرمش
۱۸۲	۳	سرعتیلہ .	سرعتیلہ ،
۱۹۸	۳	[۲]	[۳]
»	۴	[۳]	[۲]
۲۰۰	۱۶	اولونمالیدر .	اولونمالیدر ،
»	۱۷	انسان	انسانلر
»	»	شخصیت انسانیه می	شخصیت انسانیه
»	۱۴	تدقیق	تدقیق ایلیہ جکئی
۲۰۲	۱۲	برنجیسی	برنجیسنک
»	»	بولوندیغنی	بولوندیغنی قبول ایتمشدی
»	۱۴	ایتمسنہ استناد ایلدیکئی	ایتمسی ایدی
»	»	کشف ایلمشدی	
۲۰۳	۴	اولاییلملی :	اولاییلملی ؛
۲۰۴	۱۷	کلہ جکئہ	کتیرہ بیلہ جکئہ
»	»	تأثیرات	تأثیراتک
۲۰۵	۱۰	سولزہ .	سولزہ ،
۲۰۶	۱۱	انسانیه	انسانیه نک
»	۲۷	برقصور	برمفہوم
۲۰۷	۲۴	بروجود معقول
۲۰۸	۲	ھر قانونک	ھر قانونک ،

صحنه	سطر	يا سكلش	دوغرى
۲۰۸	۲	ايتدكمه	ايتدبرمه
»	»	قناعى .	قاهتى ،
»	۱۲	طبيعه	طبيعه
»	۱۴	ايچون	ايچونده
۲۱۰	۳	ايلديكى	ايلهديكى
۲۱۱	۱۹	وجدنك	وجدانك
»	۲۴	اخلاقينك	اخلاقين
»	»	عرف وعاداتك	وعادات اوزرينه
»	»	مشاهده لرندن	يايلاجق مشاهد لرندن
۲۱۲	۲۲	مجبوريت	بسبط بر ضرورت
۲۱۳	۱۰	تولڈ اولورسه	اولورسه
»	۱۵	نظر نده	ده
»	۱۵	ايتديكمز	ايديلن
»	۲۷	مراخلاق	امراخلاق
۲۱۵	۱۳	بيراقق	بيراقق ،
»	۱۵	حسن خودكامده	حسن خودكاميده
۲۱۶	۸	شخصيت انسانيه سنى	شخصيت انسانيه يني
۲۱۶	۸	اوندن	اونده
»	۱۶	قناعت	محبت
»	۲۱	بناء عليه	اونك ايچوندركه
۲۱۷	۶	بوياء	بويله
۲۱۹	۲	بركره	اول اسرده
»	۱۳	مشعوردره	مشعوردره
۲۲۲	۲۲	نتيجه سى	اثرى
۲۲۳	۱۱	فعائى	فعلكى
۲۲۴	۱	بولديغنى	بولنديغنى
۲۳۱	۱۹	ارلونجه .	اولونجه
۲۴۴	۱۷	حقوق	حقوق اكثر يا
۲۶۰	۱۸	اولماماسى ،	اولمامسى
۲۶۳	۱۲	تمين	تمينده
»	۲۷	اداره كلام	اداره كلام ايدييور
۲۶۹	۱۹	حرمتده	حرمتده
۳۰۰	۸	اونى	اونك

دوغری	باسکاش	سطر	صفیفه
تقلید ایتنه میدان ویرمکدن	تقلیددن	»	»
تنوع ،	تنوع	۲۳	۳۰۳
عضو	عضویه نك	»	»
رنکی	رنکنك	»	»
علائم ،	علائم	۲۰	۳۰۹
وقوع آئده	وقوع آئده	۲۲	»
یا ییلماسنه	یا ییلماسنه	۱۷	۳۱۰
هیجانك	هیجانی	۲۵	۳۱۱
اعتبارله	اعتبارله	۱۹	۳۲۴
عمومك	عمومیتك	۲	۳۲۵
برمقوله یه	برمفکره یه	۲۱	»
قویدینی	قویدینی	۵	۳۴۰
طریق	طریق	۲۲	۳۶۱

مقدمه

قانتی نه ایچون ترجیح ایتم

مدخل

۷-۱

انتقاد اصولی و ماهیتی

برنجی قسم

قانتک زمانی و حیاتی

قانتک زماننده فلسفه ، قانتک یتیشدیکی محیطده کی افکار جریانی . پییه تیزم و وواف
مسلکی . قانتک تحصیلی . مریلک دوری ، ایلک اثرلری ، ایلک تدریساتی ، هیومک
وروسونک تأثیرلری . مسلکنک ایلک اساسلرینی دوشونوشی . عقل نظارینک انتقادینک
نشری . وتأثیری . بوندن صوکر ا کی آثاری . قانتک فره دربق کلیوم زماننده نشریاتندن
دولای توینچی ، خسته لنی ووفاتی .

۲۳-۷

۲۵-۲۳

فیلسوفک سجه سی

ایکینجی قسم

انتقاددن اولکی آثاری

قانتک ایلک اثرلری : زنده قوتلرک دوغری اولارق تقدیری حقنده افکار . نیوتون
و قانت . مادی مونا د علمی . حرکت و سکون حقنده یکی تلقی . تاریخ عمومی طبیعی
ونظریه افلاک . مابعدالطبیعی معرفتمزک مبادئ اولاسی . نیکبینک فلسفه سنه دائر بعض
ملاحظه لر . فلسفه یه کمیات منفی ادخال ایچون تثبیت . وجود آلهینک اثباتنده یکنانه ممکن
اساس . اخلاق و عقله مستند آلهیاتک مستند اولدینی مبادینک بداهتی . حسن وعلویت
حساری حقنده مشاهدeler . برکاشف اسرارک تخیلات مابعدالطبیعه ایله کسب وضوح
ایتمش خولیلری و قانت - سیوه دنبورغ .

۴۷-۲۵

۵۵-۴۷

قانتک بوایلک دورده کی تکامل ذهنیسی

اوچونجی قسم

عقل محضك انتقادى

موضوع و اصول . اون سكزنجى عصر اورته لرنده معرفت نظريه سى . دوغما تيزم و آنيريزم . قانتك بو ايكيمى آره سنده آلدینی استقامت . انتقاد و موضوعى . انتقاد اصولنك ماهيتى . علمك ماده و صورتى . تحليلى و تركيبي حكملر . ۶۳-۵۵
اثر ك تصنيفى ۶۴-۶۳

محسوساتك تحايلى

حساسيت و مدركه . حادثاتك ماده و صورتى . حساسيتك قبل صورتلرى . مكان . مكان نه ايچون قبلدر ؟ بو خصوصده انتقادك چيقاردينى نتيجه نك فلسفه رياضيه اعتباريله اهميتى . زمان . ۷۰-۶۴

مدركه نك تحايلى مجردى

مدركه نه ايچون حساسيتدن آيريدر ؟ مدركه نك فعلى . حكم . ادراك حكملرى ، تجربى حكملر . شيئى حكملر ناصيل ممكن اوليور ؟ قبلى تصورات ياخود مقولات . قانت مقولات جدولنى ناصيل تنظيم ايتمشدر ؟ مقولاتى محسوساته نه صلاحيتله تطبيق ايديلور ؟ بوقبلى مفهوماتك ماقوع اعتباريله قيمتى ندر ؟ مقوله لرى حدس حسيه ناصيل تطبيق ايليلورز : قانتك شه ما نظريه سى . بوتحليلدن چقان نتيجه : فيزيكده كي حكملر نه ايچون شيئى اولاييلور ؟ قانتك ايدآليزمله هه غه لك اقتكاريه مطلقه سى آراسنده كي فرق . ۸۵-۷۰

مبادى

اسكى قلسوفلره كوره مبادى . قانت مبادى جدولنى ناصيل تنظيم ايتمشدر ؟ حدس حسينك متعارفلىرى : امتداد كيتى . شدت كيتى . تجربه نك دستورلرى . تجربى تفكراتك موضوعه لرى . ۹۶-۸۵

حادثه وذات اشیا

قانتك سيسته منى اسلافنك مسلكرندن آييران وصف بارز. انتقاد مسلكنك دوغما تيزم وآنپيريزمدن فرقى، انتقاد مسلكنك ره آيزم وايدو آيزمدن فرقى. قانت اسلافى اولان ايدو آليستلردن نره لرده آريلور: افتكاريه انتقاديه (ايدو آيزم قيريتيك). حادثه وذات اشيا. عالم محسوس؛ عالم معقول.

۷۶-۱۰۴

مابعدالطبيعه ممكنميدر؟

دوغماتيك فيلسوفلر مابعدالطبيعه دن نه بكليورلردى؟ نه ايجون بونلرك انتظارايلدكلرى طرزده مابعدالطبيعه غير ممكندر؟ قانت ناصيل بر مابعدالطبيعه نك وجودينى قبول ايدو بيليردى؟ دوغماتيك فيلسوفلرى مابعدالطبيعه ايله اشتغاله سوقايدن سبب نه ايدى؟ عقلك منطقي و متعال ايكي طرز استعمالى. صور عقليه.

۱۰۴-۱۱۰

عقلى روحيات

«روح» دينلن معنوى و غير فاني بر جوهرى نه ايجون بيله مهيز؟ عقل محضك قياس فاسدى.

۱۱۰-۱۱۳

عقلى كونيات

عقل محضك تساوى نقيضينى نره دن چقيور؟ عالمه عائد صور عقليه. عالمك مكاناً وزماناً كميتى، ماده نك جزء بسيطنى، مختارعاتى، وجود ضرورى نى بيلمك ايستديكمز زمان اورته يه چقان تساوى نقيضين. برنجى تساوى نقيضين، ايكنجى تساوى نقيضين؛ اوچونجى تساوى نقيضين، دردنجى تساوى نقيضين، تساوى نقيضينك اورته يه قويدينى مابعدالطبيعى مسائلك اهميتى، دوغماتيك وانپيريك فيلسوفلر بونلرى ناصيل حل ايدويورلر؟ بو نقيضيندن دعوا ويا نقيض دعوايى ترجيحه نظرى و عملى فائده. نه ايجون بو مسئلهلر قطعى پرصورت حله اقتران ايدو مه يور؟ انتقاد مسلكنك بو تساوى نقيضين قارشيسنده آلدينى وضعيت. نه ايجون ايلك ابكى تساوى نقيضين بر نتيجيه وارا ماز؟ اوچونجى و دردنجى تساوى نقيضينك ديكر ايكيسندن فرقى. بوضوك ايكي تساوى نقيضينى ناصيل حل ايتلى؟ اختيار طبيعته كي معينته، وجود ضرورى امكانه تاليف اولونا بيليرمى؟

۱۱۳-۱۱۶

عقلى الٰهيات

عقل ناصيل غايه كالى دوشونويور ؟ الله مفهومي عقلده ناصيل وجوده كليور ؟ الٰهى اثبات خصوصنده صرف ايديلن مساعى نه ايجون عقيمدر ؟ اثبات واجب ايجون سرد ايديلن دليللرك ماهيتي : دليل وجودى وقيمتي . دليل كوني . علت غاييه مستند دليل . بودليللرك قيمتسز لكندن الحاد وماتهرياليزم مسلكرينك حقل اولدينى نتيجه سي چيقابيليرمي ؟
۱۳۶-۱۵۱

نتيجه

روح، عالم، الله حقنده، ملك ممكن اولمايشندن چيقان نتيجه. عقلك تفكرات علميه خدمتي . عقل محضك انتقادى رياضيه وفيزيكك امكانى ناصيل ايضاح ايله يور، اسكى مابعدالطبيعيونك قبول ايتديكي طرزده مابعدالطبيعيه نه ايجون ممكن دكلدر ؟
۱۵۱-۱۵۸

فلسفه نك اقسامى

عقلك تابع اولاجنى نظام ، فلسفه ايله رياضيه نك اصوللري آراسنده بولونماسى لازم كان ضرورى فرق . مثبت ومنفى نصحيحق ، حسابانليك ناصيل بر احتياجدن وجوده كليور ؟ نه ايجون حسابانليكه قالمق ممكن دكلدر ؟ عقلك تابع اولاجنى حقيقى نظام . وفلسفه نك اقسامى فلسفه اعمالك طبيعت فلسفه سندن فرقى . وعملى تعبيرينك معنائى
۱۵۸-۱۶۹

دردنمى قسم

فلسفه طبيعه

قاتك طبيعت مابعدالطبيعيه سنه عايد اثرى نه ايجون وعد ايتديكي زمانده انتشار ايتدى؟ مبحث وجوده عايد درسلى، كونيات عايد درسلى، عقلى الٰهيات عايد درسلى.
۱۶۹-۱۸۰

عقلى فيزيك

طبيعت ماديته نك قبل شرائطى ، ماده نك كميت نقطه نظرندن تدقيق : فورونومى .

مادەنك كىفیت نەقئە نەزەرنەن تەققى : دىنامىك . مادەنك اضاوت نەقئە نەزەرنەن تەققى .
مىخانىك . مادەنك جەت نەقئە نەزەرنەن تەققى : فەنومەنولوژى

۱۸۰- ۱۹۷

بەشەنچى قىسىم

فەلسەئە اخلاقىيە

قانتك فەلسەئە اخلاقىيەسى ناصىل حاضەرلاندى ؟ قانتك فەلسەئە اخلاقىيەسنە مۇئەر اولان
عوامل .

۱۹۸- ۲۰۸

اخلاقىيەلەك اساسى

عامەنك اخلاقىيە حەكمەرنەن قانون اخلاقىيەنى استىخراج : اخلاقىيەلەك اساسى . اخلاقىيەلەك
اىلكە دستورى . عقل عملى . اخلاقىيەلەك اىكەنچى دستورى . اعمال اىچون مطلق امر
ناصرىل تأسس ايدىيور : ارادە . اخلاقىيەلەك اوچونچى دستورى . اختيار

۲۰۸- ۲۱۷

اختيار

اختيار مەسئەلسىنى اورتەيە آتان اسباب . اختيار ومعيىت . اختيار ومعيىت انسانده
ناصرىل بىرلەشەبىليور ! اختياردن مبادىء اخلاقىيەنى استىخراج . خير نەدر ؟ خيرى ناصىل
تەقدىر ايدىيورز ؟ متعال اولان قانون اخلاقىيە حيات عملية مەز اوزوينە ناصىل مۇئەر اولويور ؟
حرمت حسى . روسو ايله قانتك اخلاق تەلقىرى آراسىندەكى فرق .

۲۱۷- ۲۳۵

فضيلىت — سعادت

فضيلىت ايله سعادت . خيراعلا .

۲۳۴- ۲۳۷

عقل نظرى وعقل عملى

عقل عملينك عقل نظرىيە سەبب تەقوى

۲۳۷- ۲۳۸

بقای روح و وجود الهی

عقل عملی ناصیل بقای روح و وجود الهی ایمانه بزی سوق ایدیه‌یلیر؟

۲۳۸ - ۲۴۰

التنجی قسم

فلسفه حقوق

۲۴۰ - ۲۴۱

مابعدالطبیعه عادات و موضوعی

حقوق نادر

۲۴۱ - ۲۴۳

حق فکریک اساسی حقوق متحتمه ، حقوق غیر متحتمه

حقوق خصوصیه

حقوق خصوصیه و ملکیت . حقوق عینیه . حقوق شخصیه . شخصی - عینی حقوق .

۲۴۳ - ۲۴۶

حقوق اهلیه

حقوق عمومیه و سیاسیه

حقوق عمومیه‌ک تولدی . حقوق سیاسیه‌ک اساسی . دولت . وطنداشلیک حائز

اولماسی لازم کلن حقوق . وطنداشلیک قوه سیاسیه قارشیسینده حائز اولدینی حقوق .

۲۴۶ - ۲۵۰

حق جزا و ماهیتی

حقوق دول

دولتله آراسنده می مناسبته آتارشی . دولتله آراسنده حقوق ناصیل تأسیس

۲۵۰ - ۲۵۲

ایدیه‌یلیر ؟

دائمی صلح پروژدهسی

قانتک چیزدیکی دائمی صلح پروژدهسی . آیه‌سن پیدر وقانت . دائمی صلحک شرائطی

۲۵۲ - ۲۶۰

دائمی صلح مفکوره‌سی قابل حصولیدر ؟

یڊنجی قسم

فضیلت نظریه

۲۶۰-۲۶۴ . فضیلت نه در ؟ اراده نك غایه اخلاقیسی . ردیلت .

نفسمزه عائد وظیفه لریمز

نفسمزه عائد وظیفه لردن قصد ایڊیلهن معنا . نفسمزه عائد وظائفك تقسیمی . حیات مادییه متعلق وظائف . حیات معنوییه متعلق سلبی وظائفمز .

۲۷۴-۲۷۸

مجنس لریمز فارشی وظیفه لریمز

حیثیت بشریه حرمت . اخوت و محبت . معاونت و یارڊیمك اخلاقی شرائطی .

۲۶۸-۲۷۱

اصول بجنی

اخلاق تدریسنده فیلسوفك توصیه ایندیكى طرز . علم و عمل . قانت ، رواقیه و آپیکورك مسلك لردن ناصل آیریلیور ؟

۲۷۱-۲۷۳

سکزننجی قسم

تربیه نظریاتی

قانتی تربیه مسائل اوزرینه دوشونمکه سوق ایڊن سبیلر . روسونك تأثیری . قانتك زماننده المان مکتب لرینك حالی . فیلسوفه کوره تربیه نه در ؟ اهمیتی . انضباط و ماهیتی . تربیه نك موضوعی و غایه سی . تربیه ده قانت ایله روسونك نظریاتی آراسنده کی فرق . قانت کوره تربیه نك تقسیمی . تربیه مادییه دن قانتك آکلادینی معنا . بدنی تربیه حس و ذهنك تربیه سی . اخلاقی تربیه . سنجیه .

۲۷۳-۲۰۱

دوقوزنجی قسم

فلسفہ تاریخ

۳۰۳--۳۰۱

فلسفہ تاریخک موضوعی .

عرقار مسئلہ سی

۳۰۵--۳۰۳

انسانیت بر نوعیدر ؟ مختلف عرقارک سبب تشکلی .

انسانیتده ترقی

انسانک موجودیت معنویہ سی ناصیل باشلامشدر : ترقینک معناسی . ترقی قابل تحقیقیدر ؟

۳۱۲--۳۰۵

قاتی نیکیینلکه سوق ایدن اسباب .

اونجی قسم

غایت وحسن

« حکم ملکه سنک انتقادی » نی یازمغه سائق اولان اسباب بواثرک سپستم داخلنده

موقی . نه ایچون غایت و حسن تدقیق ایدن اثرینه « حکم ملکه سنک انتقادی » اسمنی

۳۲۲--۳۱۲

ویردی ؟ بدیی حکملر وغائی حکملرک ماهیتی

بدیی حکملر وکوزهللک تحلیل

حسنک کیفیت نقطه نظرندن ماهیتی : حسیلک . حسنک کمیت نقطه نظرندن ماهیتی :

کلیک . کوزللکک اضافت نقطه نظرندن ماهیتی : غایت . حسنک جهت نقطه نظرندن

۳۲۷--۳۲۲

ماهیتی : ضروریلک

علویتک تحلیلی

۳۲۹--۳۲۷

علوی نهدر ؟ علوی نه ایچون کوزلدن آیریدر ؟

بدیعی حکملر ناصیل ممکن اولور

ذوق بر طرفدن انفسی اولدینی حالدده ناصیل بدیعی حکملرده بولونابیلورز ؟ بدیعی
حکملرک افاده ایتدیکی غایتک ماهیتی ۳۲۹ - ۳۳۳

صنعت

۳۳۵ - ۳۳۳

صنعت واقسامی

غایت حکملری وتحلیلی

غائی حکملر نهی افاده ایدرلر ؟ اشکال ریاضیهده غایت ملاحظه اولونابیلیرمی ؟
مادی حادثات غایتله ایضاح اولونابیلیرمی ؟ نه ایچون حیاتی حادثاتی ایضاح ایچون میخا بکیت
کافی دکلدر . غایتک دستور حالنده افاده سی . غایت مبدانک حدود وشمولی . انتقاد
فلسفه سنه صادق قالمق شرطیله غایت ایله میخانیکیت آراسنده تناقض قالیرمی ؟ هیئات عمومیه سیله
مکونانده غایه ملاحظه اولونابیلیرمی ؟ عالمده کی نظام وآهنکدن وجود الهی یه انتقال
ایده بیلیرمی یز ؟ قانتک انتقادی اوچ بویوک اثرندن چیقاردینی نتیجه لری مقایسه ۳۳۵ - ۳۵۱

اون برنجی قسم

فلسفه دینه

اون سکزنجی عصرده فلسفه دینه ، قانتک بوخصوصده کی فلسفه سنه مؤثر اولان
عوامل، عالمک کالی حقنده کی لاینسیج - وولف ، روسو و بعض انکلبز فیلسوفلرینک تلقیلری،
بونقطه نظره مخالف کوروشبر ته وولتهر ، هیوم ، قانتک بوفکر جریانلری آراسنده
آلدینی استقامت . پروتستانلقله علم وفلسفه . عقلیه جیلکک آچدینی سربست تفکر یولنک
واردینی نتیجه . دین طبیعی یه دائر افکار . رایماروس ، مندلسون ، لهسینغ ، ههردرک
تلقیات دینه سی . یاقوینکک حسیه جیلکک مسلکی . فیلسوفک بوفکرلر آراسنده آلدینی
وضیعت . قانتک یاقوینکک کتابنه یازدینی مقدمه . « تفکر اتده بزه استقامت ویره نه در ؟ »
رساله سی . نه ایچون طبیعت حکمت الهیه نک اثری عد اولوناماز ؟ عقلک حدودی
داخلنده دین ۳۵۱ - ۳۵۸

اصلى شر

انسان نه ايجون طبيعة ايدير دينه مز . شرك منشأى . علمده موجود شر تاريخى
برخطانك محصولى عد اولونا بيليرى ؟ هبوط ادم حكايه سى ناصيل تفسير ايدىلى ؟ انسان
اخلاقاً ناصيل يوكسله جكدرد ؟ كتب مقدسه ده كى غفران الهى فكرى ناصيل تفسير ايدىلى ؟

خير و شر آرسنده مجادله

اراده ايله حساسيت آراسنده نزاع . خرسىانلقده ابن الله ناصل بر مفكوره در ؟
بو مفكوره نك افاده ايلديكى غايه اخلاقى . اراده مزك مفكوره اخلاقيه متوجه اولماسنك
آجدبى ترقى افقى « مسيح و روح القدس » ك تفسيرى . تور اتده منقول حكايله عقله
موافق طرزده تفسير ايديله مزى ؟ ٣٦٥-٣٦٤

خيرك غلبه سى دينى جماعت

خيرك غلبه سى ناصيل ممكندر ؟ نه ايجون خير حاكم اولان جمعيتك واضع قانونه الله
نظريه باقيه بيلير ؟ دينى جماعت نه در ؟ مفكوره وى دينى جماعتك اوصافى . اديان منقوله
نه شرطله مفكوره وى جماعت دينيه دوغرى بشرى كوتوره بيلر ؟ ٣٦٤-٣٦٨

دين ورهبانيت

دين نه وقت طبيعى ، نه وقت وحيه مستند عد اولونور ؟ اديان منقوله نك بشرى
خدمتى . دين نه وقت رهبانيت شكلنه كيره . دينى رهبانيتدن قورتارمق ايجون نه يامالى .
قانتك فلسفه دينيه سنى خلاصه . قانتك دين خصوصنده كى تلقيرينك منشأى .

٣٦٨-٣٧٣

خاتمه

فانت فلسفه سنی ناصیل نزدیکه ایتلی

فانتک فلسفه سنک اساسی . انتقادی اساسلر دائره سنده فیلسوفک سیستمی اتمام قابیلدر ؟ فیلسوفک مکان وزمان حتمده کی تلقیمی . اینشتاین نظریه سی و غیر اوقلیدیسی هندسه فکریله قابل تألفمیدر ؟ فانت فلسفه سنی ناصیل تدقیق ایتلی ۳۸۰-۳۷۳
 مأخذ ۳۹۰-۳۸۰

اسم خاصلر جدولی ۳۹۴-۳۹۳

خطا وصواب جدولی ۴۰۰-۳۹۷